

জহাঙ্গীরা

দশম বর্ষ

আষাঢ়, ১৩৪৮

১ম ভাগ

“কঠিনেরে ভালোবাসিলাম”

রবীন্দ্রনাথ ঠাকুর

রূপ-নারানের কূলে

জ্বগে উঠিলাম

জানিলাম এ জগৎ

স্বপ্ন নয়।

রাগে অক্ষরে দেখিলাম

আপনার রূপ,

চিনিলাম আপনারে

আঘাতে আঘাতে

বেদনায় বেদনায়,

সত্য যে কঠিন

কঠিনেরে ভালোবাসিলাম

সে কখনো করে না বঞ্চনা।

আমৃত্যুর দুঃখের তপস্যা এ জীবন,

। সত্যের দারুণ মূল্য লাভ করিবারে,

মৃত্যুতে সকল দেনা শোধ করে দিতে।

উদয়ন

১৩ মে, ১৯৪৮

রাত্রি ৩টা ১৫ মিনিট

তারপরে কার্লমার্ক্স। অর্থনৈতিক ও রাজনৈতিক পরিস্থিতি যে পরস্পরের থেকে আলাদা নয়, বরং অর্থনৈতিক পরিস্থিতি কেবল রাষ্ট্রের গঠনই নয়, অগ্ন্যাগ্ন সামাজিক প্রতিষ্ঠানগুলোকেও নিয়ন্ত্রণ করে—একথার স্পষ্ট স্বীকৃতি প্রথম পাই কার্লমার্ক্সে। রাজ্যশাসনক্রিয়ার আসল ব্যাপারগুলোর মর্ম উদ্ঘাটন করে মার্ক্স দেখিয়েছেন, কিন্তু মার্ক্সও হেগেলের মত অগ্ন্যাগ্ন গুরুতর সামাজিক সঙ্ঘরূপ-গুলিকে ত্যাগ করেছেন। অর্থাৎ এইসব খণ্ড সঙ্ঘগুলিরই মধ্যদিয়ে যুগে যুগে সামাজিক জীবন নিয়ন্ত্রিত হয়ে এসেছে এবং এমন কি মজুর ও কৃষকদের অধিকারগুলোও সুরক্ষিত হয়ে এসেছে। মার্ক্স অর্থনৈতিক স্বার্থকে এবং সঙ্ঘগত সংঘর্ষকে অতিরিক্ত প্রাধান্য দিয়েছেন এবং নির্দেশ করেছেন যে শ্রেণীসংগ্রামের অবসানে শ্রেণীহীনসমাজে রাষ্ট্র বিলুপ্ত হবে। এখন দেখা যাক রাষ্ট্রের সার্থকতা কোথায়? আগেই বলেছি পরিবার, সমবায়, গ্রাম্য সমিতি, ভদ্রসংহতি বা সামাজিক যুথ (group) ইত্যাদি প্রতিষ্ঠানগুলো হলো সামাজিক শাসনের এবং নিয়ন্ত্রণের যন্ত্র বিশেষ মাত্র। রাষ্ট্রও এদেরই মত নানা অবস্থার ঘাত-প্রতিঘাতের ফলে সমষ্টিজীবনের স্বার্থেই উদ্ভূত হয়েছে। রাষ্ট্রে বিবর্তিত হয়ে উঠেছে কৃষিক্ষেত্রে সমষ্টিগত জলসেচনের জন্ম, সর্বসাধারণের জমি, ময়দান এবং গোচারণ ভূমির রক্ষণাবেক্ষণের জন্ম, সঙ্ঘবদ্ধভাবে সমষ্টির আত্মরক্ষার জন্ম বা প্রতিশোধ গ্রহণের জন্ম। সমবায়গুলোও ছিলো আত্মরক্ষার্থে কিংবা অপরকেও আক্রমণার্থে সঙ্ঘবদ্ধন। এদের ছিল নানা আইন কানুন, এবং বিঘ্ন উত্তরণের জন্ম ছিল নানা সুনির্দিষ্ট নিয়মাবলী। পূর্বে পরিবার, গোষ্ঠী বা গ্রাম্য-সমাজ তার অন্তর্গত প্রত্যেকটি ব্যক্তির কার্য ও ব্যবহারের জন্ম দায়ী থাকতো। এই সব বহুবিধ সামাজিক নিয়ন্ত্রণের বাহক প্রতিষ্ঠানগুলির মত, রাষ্ট্রও আধুনিক ধনতান্ত্রিক যুগের অর্থনৈতিক শ্রেণীগুলি থেকে অনেক প্রাচীনতর। বর্তমান সমাজসংকটের সমাধান হয়ে গেলে রাষ্ট্র কিংবা অন্য কোন সামাজিক প্রতিষ্ঠান কেহই বিলুপ্ত হবে না। বরং তখন সামাজিক সহযোগিতা ও ব্যবস্থার নব নব ক্ষেত্র আবিষ্কৃত হবে এবং সামাজিক নিয়ন্ত্রণের নতুনতর রূপ ও ধরণ প্রকাশিত হবে। সামাজিক নিয়ন্ত্রণের এই সব নানা সঙ্ঘরূপের পরস্পরের মধ্যে অহরহ প্রতিদ্বন্দ্ব চলছে এবং সমাজ-বিকাশ এইসব সঙ্ঘরূপের একটা একটানা পরিবর্তনের মধ্য দিয়ে বয়ে চলেছে। রাষ্ট্রীয় বা আর্থিক বিবর্তনের নানা স্তরে ও অবস্থায় কখনো রাষ্ট্রীয়, কখনো আর্থিক বা কখনো সামাজিক (group) সঙ্ঘের নিয়ন্ত্রণ ও কর্তৃত্বশক্তিকে অতিমাত্র বাড়িয়ে তুলে আতিশয্য দান করা হয়ে থাকে। যেমন যুদ্ধ, দুর্ভিক্ষ ও মহামারীর সময়ে রাষ্ট্রশক্তিই সর্বে সর্বা হয়ে দাঁড়ায়, তেমনি মার্ক্সীয় দর্শনেও অর্থনীতির প্রাবল্য আর্থিক পরিস্থিতির নিয়ন্ত্রণশক্তির প্রাবল্য ও বিস্তৃতিকে সূচিত করেছে।

শুধু এই নয়। জড় পৃথিবীর রূপকে মানুষ ভেঙ্গে গড়ছে, সঙ্গে সঙ্গে বদলে যাচ্ছে মানুষের সাথে মানুষের সম্পর্কগুলো; এইরূপেই রাষ্ট্র ও অগ্ন্যাগ্ন সামাজিক প্রতিষ্ঠানগুলো “উৎপাদনশক্তির” থেকেই উদ্ভূত হয়েছে। অর্থনীতির “ক্ল্যাসিকাল” পণ্ডিতেরা একরকমের “জড়বাদ” প্রচার করেছেন। এ হলো অর্থনৈতিক জড়বাদ। এদের মতে সামাজিক ও ঐতিহাসিক শক্তিবিশ্বাসের দ্বারা নয়—

তিনি কল্পনা করেছেন ইতিহাসের এক সার্বলৌকিক ও সার্বকালিক অভিযান; তাঁর মতে ইতিহাসে এই অভিযান চলেছে একটি মাত্র পথকে, একটি মাত্র প্রণালীকে অনুসরণ করে এবং এই পথ হ'ল পৃথিবীর সকল ধর্ম, সকল সংস্কৃতি ও সভ্যতার একমাত্র অধিতীয় পথ। কিন্তু তা হয় মাত্র ভুল করেছেন। সকল পথই গিয়ে মার্ক্সীয় স্বর্গে শেষ হয় নি, যে স্বর্গ অনিবার্য শ্রেণীসংগ্রাম অহরহ আলোড়িত হচ্ছে। সংস্কৃতি বস্তুটা হলো একটা সমগ্র অথবা বস্তু এবং একটা অন্তর্-আঙ্গিক সামঞ্জস্য দ্বারা এর সংগঠন ও প্রকৃতি নিয়ন্ত্রিত হয়ে থাকে। সংস্কৃতির এই সমগ্রতা সহ মার্ক্স অন্তর্দৃষ্টির পরিচয় দিয়েছেন সন্দেহ নাই। কিন্তু রাজনীতি ক্ষেত্রে কোন যুগেই “অর্থনীতি” (economic) ও শ্রেণীসংঘর্ষ সার্বজনীন এবং একছত্র হয়ে ওঠেনি; কিংবা ইতিহাসের বিবর্তন শ্রেণীসংঘর্ষের ডায়ালেকটিক অনুসারে, একটানা একটা যুক্তিসঙ্গত লজিক্যাল প্রণালীকে অনুসরণ করে চলেনি। জীবনটা লজিকের নির্দেশেই চলে, এ হলো হেগেলীয় মতবাদ। মার্ক্স অ' এ ক্ষেত্রে এই হেগেলীয় ধারণাকেই অনুগমন করেছেন। কিন্তু সমাজ-ব্যবস্থায় শ্রেণী-সংগ্রাম কতৃৎ সম্বন্ধে এই যুক্তিহীন, গোঁড়া বিশ্বাসের জন্ম দায়ী হলো পশ্চিম যুরোপীয় পরিবেশের সামান্য ইতিহাস, কারণ এই পরিবেশের থেকেই জন্ম হয়েছে মার্ক্সীয় মতবাদের।

ক্রমশঃ



একটি আনি

কাকের

যতদূর স্মরণ হয় আনিটি পাঞ্জাবীর পকেটেই ছিল।

ডান পকেট বাঁ পকেট ছ'পকেটই দেখিলাম। বুক পকেট নাই কাজেই প্রশ্ন ওঠে না চায়ের দোকানের ছোকরাটি মুচ্‌কী হাসিয়া বলিল—পয়সা নেই বুঝি ?

উত্তর না দিয়া পকেট ছুটি উন্টাইয়া দেখাইলাম।

—কি ? ছোকরার স্বর তীক্ষ্ণ হইয়া উঠিল।

—মণিব্যাগটা ভুলে এসেছি। মিথ্যা বলিলাম।

ছোকরাটি আমার শরীরের উপর দিয়া একবার চোখ বুলাইয়া লইল। মণিব্যাগ জাতীয় কোন পদার্থ যে আমার পকেটে কখনও ছিল একথা সহজে তাহার বিশ্বাস হইতে ছিল না। মুচ্‌কী হাসিয়া বলিল—দেখুন না ট্যাকে থাকতে পারে।

আমিও হাসিয়া ফেলিলাম। বলিলাম—ট্যাকে ত পয়সা রাখি না ভাই। সত্যিই ভুল হয়ে গেছে।

ছোকরার মুখ গম্ভীর হইয়া উঠিল—তোমার সঙ্গে বক্বক্ব করবার আমার সময় নাই—যদি ধর্ম্মে সয় ত অশ্রু সময় পয়সা ছ'টো দিয়ে যেও।

পথে পা দিলাম। পিছু ফিরিয়া সাইন বোর্ডটির দিকে তাকইলাম। 'ষ্টুডেন্টস্‌ ক্যাবিন—মুক্ত-রাজবন্দী কর্তৃক পরিচালিত।' নামটি মনে মনে উচ্চারণ করিলাম।

মুক্ত রাজবন্দীদের কাহারও সহিত আলাপ করিবার বাসনা বহুদিন হইতেই ছিল। 'ষ্টুডেন্টস্‌ ক্যাবিনের' পরিচালক মুক্ত রাজবন্দীটি সহিত আলাপ করিবার ছুতা একটা পাওয়ায় মনে মনে খুসী হইয়া উঠিলাম। ভাগ্য ভালো ভদ্রলোক এ সময়ে দোকানে নাই থাকিলে কি জানি তিনি কি মনে করিতেন।

সকালে উঠিয়া গরম এক পেয়ালা চা ঠোঁটের উপর তুলিয়া ধরার অভ্যাস পূর্বে ছিল। এখন নিঃসন্দেহে বুঝিতেছি যে তাহা বদঅভ্যাস। নিতা জোটে না। জোটে না বলিয়াই সময় সময় পুরানো দিনগুলির কথা মনে পড়ে। আজ ষ্টুডেন্টস্‌ ক্যাবিনে ঢুকিয়াছিলাম—কারণ ছিল বলিয়া। গতকাল পেটে কিছু পড়ে নাই। রাত্রে শুইবার পূর্বেও দেশলাই বাহির করিবার ছুতায় পকেটে হাত দিয়া দেখিয়া লইয়াছিলাম—আনিটি আছে কিনা। সকালে আনিটি কি

উপায়ে খরচ করিব সেই মুখ চিন্তার মধ্যেই কাল ঘুমাইয়াছিলাম। অথচ পেরেকে টাঙ্গ পাঞ্জাবীটির পকেট হইতে কে যে আনিটি উড়াইয়া লইল তাহা কিছুতেই মাথায় ঢুকিল না।

সকালের কলিকাতার কদর্যতাকে এড়াইয়া যথা সম্ভব সম্ভরণে চলিতে লাগিলাম। স চাঞ্চল্য জাগিয়াছে। সকলেই ব্যস্ত। সকলেই কিছু না কিছু করিতেছে। কেহ কিছু না করি কিছু করিবার ভান করিয়া আছে। চায়ের দোকানে—কাননবালা, 'সাবু' গোল দিয়াছে ক এস্ মিত্র ঠ্যাং ভাঙ্গিয়াছে কবে এবং প্রধান মন্ত্রীর নবতম পত্নী লাভের গোপন অভিযা করিখ কি? মাতিয়া উঠিয়াছে সকলেই। বিস্তীর্ণ পথ, বিস্তীর্ণ ফুটপাথ। ফুটপাথের চায়ের দোকানের পর চায়ের দোকান। শব্দের টুকরাগুলি এক দোকান হইতে অন্য দো লাফাইয়া লাফাইয়া চলিয়াছে। যুদ্ধ, এ, আর, পি, ব্লাক আউট। হেস্—সতিই হেস্ কি সাম্প্রদায়িক দাঙ্গা মহাত্মা গান্ধীর —Latest Statement—. সুভাষবোস—বার্লিন রেডিও

চলিয়াছি। মনে মনে ভাবিতেছি এই চাঞ্চল্যের সহিত আমার কোন সম্পর্ক নাই। গান্ধী, সুভাষ লইয়া আমি মাথা ঘামাইতেছি না কেন? কাননবালা বড় অভিনেত্রী না চিটনীশ? কে কাননবালা, কে লীলা চিটনীশ!

পথের বাঁকে পানের দোকানটির সম্মুখে হঠাৎ দাঁড়াইয়া পড়িলাম। মনে পড়িল স হইতে একটিও বিড়ি জোটে নাই। আনিটি খোয়া গিয়াছে—না হলে একপয়সার বিড়ির বরা কালকের বাজেটেই মঞ্জুর করিয়াছিলাম। ছ'পয়সার চা, এক পয়সার বিড়ি আর এক পয় সাদা ফলস্কেপ কাগজ।

টিনের চেয়ারটায় বসিয়া পড়িলাম। আয়নায় নিজের চেহারা ফুটিয়াছে। মনে প আজ পঞ্চম দিন। দাড়ি গোঁফ পাঁচদিনে মুখটিকে কালো করিয়া দিয়াছে।

—তোমার ঘড়ি ঠিক আছে?

দোকানী মুখ না তুলিয়াই বলিল, হাঁ

—বিড়ি-টিড়ি চাই কিছু?

দোকানী মুখ তুলিল—স্ম্যাম্পেল আছে!

—না।

—তবে কি মুখ দেখে নেব— স্ম্যাম্পেল নিয়ে এসো আগে।

উঠিয়া পড়িলাম—বিকলে আসবো তা হ'লে।

দোকানী তাক হইতে একটি বিড়ি ছুড়িয়া দিল। এই রকম মাল চাই। বি কুড়াইয়া লইয়া নারকেল দড়িতে ধরাইলাম—ছ'চার টান টানিয়া নিঃশব্দে নামিয়া পড়ি পথে।

—অঙ্কে দয়া করুন বাবা, আপনারা হলেন গরীবের মা বাপ, আপনারা না দেখলে কোথায় যাবো বাবা।

কিশোর ছেলেটি চোখ পিট পিট করিতে করিতে গা ঘেসিয়া আসিয়া দাঁড়াইল। ছল! চাতুরী! কিন্তু আমাকে ঠকাইতে পারিবে না। আমি আরোও বড়দের প্রবঞ্চক। দোকানী সন্দেহ করিবার অবকাশও পাইল না।

অণ্ডায় করিয়াছি! না। প্রয়োজনের তাগিদে প্রবঞ্চক হইয়াছি। ছেলেটিরও প্রয়োজন আছে সেজন্য অঙ্কের ভান করিয়াছে। যুক্তি দিয়া প্রয়োজনের দর্শন খাড়া করিবার চেষ্টা করিতে লাগিলাম।

পকেটে হাত দিয়া দেখি পেনসিলটি আছে। প্রয়োজন কিছু কাগজের। মনে মনে গল্পটি তৈয়ারী আছে। গল্পটি লিখিয়া ফেলিলে কিছু টাকা পাওয়া যাইবে। উষার সম্পাদকের গল্পের বিশেষ প্রয়োজন। আমার প্রয়োজন কিছু টাকার। মেসের দেনা বাড়িয়া চলিয়াছে। মেসের মালিকেরও টাকার প্রয়োজন। টাকা অভাবে তাঁহার কুমারী কন্যার বিবাহ আটকাইয়া আছে। মেয়েটির বয়স হইয়াছে তাহার প্রয়োজন একটি স্বামীর। কিন্তু আমার উপস্থিত প্রয়োজন কয়েক সীট সাদা কাগজের।

সুশীলের কথা মনে পড়িল—আটিষ্ট সুশীল। এই অঞ্চলেই তাহার ষ্টুডিও।

বেলা বাড়িয়া চলিয়াছে। সহরের কর্মব্যস্ততা বাড়িয়া চলিয়াছে। রেডিওতে রেকর্ড বাজিতেছে। ফুটপাথ জুড়িয়া ভীড়। ‘চল চলরে নওয়োয়ান’—এক দোকানের পর অণ্ড দোকান। কর্মব্যস্ত লোকগুলি মুহূর্তের জন্য কাজ ভুলিয়া গিয়াছে। লীলা চিটনীশ তাহাদের মনে ভর করিয়াছে। ‘রোকনা তেরি কাম নহি চলনা তেরি শাম্।’

সুশীলের ষ্টুডিওয় ঢুকিয়া পড়িলাম। সুশীল ভারতীয় পদ্ধতিতে ছবি আঁকে। তাহার ষ্টুডিওতে ঢুকিলে হাঁপাইয়া উঠি। দেয়ালের গায়ে টাঙ্গানো বড় বড় ছবি। আদর্শহীন, উদ্দেশ্যহীন, সৌন্দর্যহীন ভারতীয় ছবি। সুশীল তুলি রাখিয়া বলিল—আয় বোস্। তার পর কি মনে করে?

বসিলাম না। সরাসরি উদ্দেশ্য বলিলাম। সুশীল দেবরাজ হইতে কয়েক সীট কাগজ বাহির করিয়া দিল।

—চল্লি?

—হাঁ।

—কবে আসছিন্স আবার? তোকে দিয়ে কিছু কাজ ছিল।

—কি?

—আমার গোটাকতক ছবির একটু ভালো করে একটা সমালোচনা লিখে দিতে হ’বে তোকে।

—আচ্ছা। কত দিবি ?

সুশীল হো হো করিয়া হাসিয়া উঠিল।

পথে নামিয়া আসিলাম।

আমার সমালোচনা লেখায় সুশীলের প্রয়োজন আছে।

কত দিবি ? ইহাতে হাসিবার কি আছে ?

চলিতে চলিতে পার্ক মিলিল। ঢুকিয়া পড়িলাম। বেঞ্চগুলি খালি। এসমা
বসিবার মত বিলাসিতা হয়ত কাহারও নাই।

লিখিতে লিখিতে ঘুমাইয়া পড়িয়াছিলাম। ঘুম ভাঙিলে দেখি বেলা
গড়াইয়াছে। শেষাশেষি তাড়াতাড়ি লিখিয়া ফেলিলাম।

উষার সম্পাদক মণিবাবু সান্দর স্বাগতম্ জানাইলেন। গল্পটি পড়িয়া বলি
হয়েছে। আমি হাত পাতিলাম। মণিবাবুর মুখে ছায়া পড়িল।

—একেবারে ব্যাগ খানি—আজ কিছুই নেই। ব্যাগ বাতির করিলেন।

আমি পকেট উল্টাইয়া দেখাইলাম। শেষে বলিলাম সারাদিন খাওয়া হয়নি।

মণিবাবু ব্যাগ হইতে একটি আধুলি বাতির করিয়া দিয়া বলিলেন—এই নিন্
খেয়ে নিন্। কাল এসে টাকাগুলো নিয়ে যাবেন।

মণিবাবু দয়ালু। আধুলিটি পকেটে ফেলিয়া ফুটপাথে নার্মিলাম।

ষ্টুডেন্টস্ ক্যাবিনের ঠিকানা মনে ছিল।

খদ্দরধারী যে ভদ্রলোকটি অভ্যর্থনা করিলেন—অনুমাণে বৃষ্টিলাম ইনিই
রাজবন্দী।

টেবিলের উপর আধুলিটি রাখিয়া ছোকরাটিকে ডাকিলাম। আধুলিটি টেবি
দেখিয়া সে আশ্চর্য হইল। নিঃসন্দেহে সার্ভ করিল।


—এখন সাড়ে ছয় আনা আর সকালের দু'পয়সা সাত আনা কেটে নেবেন।
ক্যাশ বাস্কের উপর রাখিলাম। ছোকরাটি আমার পাশেই দাঁড়াইয়া—বাকি এক আ
ণ্ড জিয়া দিয়া বাতির হইয়া আনিব এইরূপ ঠিক করিলাম। টিপ্‌স পাঠলে উহার বুকের ভ
হইবে অনুমাণে সে ছবিও হাসিয়া উঠিল—তাহলে লোকটা জোচ্চর নয়, আনিটি পাঠিয়া
অনুতপ্ত হইয়া উঠিবে নিশ্চয়ই।

—আধুলিটা বদলে দেবেন।

মাথার আকাশ ভাঙিয়া পড়িল। হাতে লইয়া ভাল করিয়া দেখি—আধুলিটি
জাল। ঘামিতে লাগিলাম।

এদিনের বহু আগে প্রাকৃতিক জৈব তৃষ্ণা ল'য়ে
মানুষের শোভাযাত্রা প্রাক্-ঐতিহাসিকতা ব'য়ে
চলিয়াছে 'ইতিহাস গড়ি' নব কৃষ্টির বৈভবে—
তাদের নিয়েছে মুছি পদস্পর্শে এই রাত্রি কবে!
নগর-মীনারে আজ আমাদের স্বর্ণাভ পতাকা—
অদম্য জিগীষা কত রক্তরাগে নভে নভে আঁকা।

ফেলে যেতে হবে সব। মৃত্যুর নকীব হাঁকে দ্বারে
জীবাশ্মের শুষ্কস্তরে মৃত্তিকার রুদ্ধ অঙ্গকারে
আমাদের পরিচয় ছুজ্জ্ব'য় রহস্য রচি' র'বে—
কবেকার মরুপ্রান্তে অভিজাত মমির গৌরবে
স্থিরীকৃত হবো মোরা,—এ রাত্রি চলিবে চিরদিন
অনাগত সেদিনের বর্তমান শূণ্ণে করি' লীন।



জাতীয়তার বিড়ম্বনা

অনিল চন্দ্র রায়

যুরোপে আজ মৃত্যুলীলা চলেছে। সেখানে বোমার বিস্ফোরণ আর কামানের বেজে উঠেছে আজ মহাকালের অমোঘ আহ্বান। রক্তাক্ত মানবের কাতরোক্তিতে সেখা রাত্রি হয়েছে জর্জর। বোমারুদের ঠোকাঠুকিতে আকাশ হয়েছে খানখান; জীবনের সৌন্দর্য, সভ্যতার যতো লালিত্য সব আজ গ্যাসের আগুনে পুড়ে ছাই হয়ে গেলো। দয়া মায়া নাই,—সমস্ত শক্তিকে উদাত করে মানুষ আজ মানুষকে মারেছে। দশহাজার প্রগতির প্রচণ্ড পরিণাম হয়েছে এই উন্নত বর্বরতায়। কিন্তু যুরোপের চার সীমাত্তই এই আটক থাকবে না; এর দুর্বার টানে ছুটে চলেছে পৃথিবীর সর্বমানব, সকল দেশ, সমস্ত ভারতবর্ষও আজ এই আবর্তের দুর্গিবার টানে নিশ্চিত প্রলয়ের দিকে অগ্রসর হয়ে চলেছে তাকে রোধ করবে? আকাশে রক্তসন্ধ্যা দেখা দিয়েছে; চক্রবালে ছড়িয়ে পড়েছে আসন্ন কালো কুটীল জটাজাল। জলতরঙ্গের প্রমত্ত কলরোল স্পষ্ট হয়ে উঠেছে; যুগান্তের ও আভাস দেখা দিয়েছে দিকে দিকে। এমন সময়ে ভারতবর্ষ কী করবে? কী করবে এই ব্যাধি শোষণ-রিক্ত প্রাচীন মহাদেশ? এখানে পথে পথে নির্বোধ ক্রীবেদর দল পরস্পর হানাহানি মরছে। প্রলয়ের মুখে দাঁড়িয়ে এদের অকারণ কলহ ও কাড়াকাড়ির অন্ত নেই। গলিতকূট করে' দেহকে বিকল করে, দীর্ঘদিনের পরাধীনতা তেমনি করে এদের দেহ-মনকে করেছে বি এদের অস্থি-মজ্জায় লেগেছে মহামারীর ঠোঁয়াচ। তাই এদের শৌধ নাই, আছে মর্মান্তিকের সুস্থ মননা নাই, আছে ব্যাধির উদ্ভাপ আর অস্বাভাবিক বিকার।

সেই বিকারের বশে এরা পরস্পরকে খুন করছে, ছুরি মারেছে, আর লাঠী মাথার ওপরে বজ্র উদাত হয়ে রয়েছে, পায়ের নীচে মৃত্যুর গহ্বর ত্যা করে অপেক্ষা করছে নিদারুণ মুহূর্তে এরা পরস্পরকে মুখ ভেঙিয়ে, বাঙ্গ করে, কামড়াকামড়ি করে ল বাঁধিয়েছে। ইংরেজ প্রভুর চাবুক পিঠে পড়েছে, তাতে ক্রক্ষেপ নেই; লালুল সংবরণ করে ই পদলেহন করা, হাজার লোকের দল বেঁধে নিরস্ত গৃহস্থের ঘরে আগুন দেওয়া, ভয় দেখি জোর করে ধর্মাস্তুর গ্রহণ করানো, অন্ধকারে লুকিয়ে মন্দিরে-মসজিদে মিসিক বস্ত্র আসা, অসহায় নারীকে হরণ করে বিয়ে করা,—এই তোলা এদের বীরত্বের নমুনা আত্মঘাতী মূর্খদের কে বাঁচাবে? সমস্ত পৃথিবীতে আজ আগুন লেগেছে, সেই আগুনের দিকদিগন্তকে বেঁঠন করে এগিয়ে আসছে! এই মর্মান্তিক মুহূর্তে ভারতবর্ষের সহরে

গ্রামে গ্রামে কোঁদল আর শুকনো হাড় নিয়ে কুকুরের কাড়াকাড়ি আরম্ভ হয়েছে। হিন্দুতে হিন্দুতে কলহ, মুসলমানে মুসলমানে কলহ, কংগ্রেসী-কংগ্রেসীতে কলহ, সর্বোপরি হিন্দু-মুসলমানে কলহ। এই বিকারগ্রস্তদের চেতনা হবে কিসে ?

গত তিন-মাস ধরে ভারতবর্ষের স্থানে স্থানে হিন্দুমুসলমানে দাঙ্গা হচ্ছে। দাঙ্গায় চলেছে নিষ্ঠুর রক্তারক্তি আর প্রকাশ্য অগ্নিলীলা। সভ্য সংস্কারের বাধা নাই, উদ্ভতার নিষেধ নাই; সামাজিক জীবনের বিধি নাই, সংযম নাই; কেবল আছে যুক্তিহীন বিদ্বেষ আর বুদ্ধিহীন উন্মত্ততা। বুদ্ধিহীন, কারণ এ হোলো “সাম্প্রদায়িক”। হিন্দু মুসলমানকে মারছে, একমাত্র কারণ সে মুসলমান। মুসলমান হিন্দুকে মারছে, মারবার একমাত্র যুক্তি হলো, সে হিন্দু। এখানে সম্প্রদায় হলো জন্মগত। জন্মদ্বারা জাতকের কপালে ছাপ পড়ে যায়, সে হিন্দু, মুসলমান বা খৃষ্টান। এই ছাপ ললাটে বহন করেই মানুষ জন্ম থেকে মৃত্যু পর্যন্ত চক্রপথকে পরিক্রম করে। বেশীর ভাগ লোক হলো অচেতন; তারা এই ছাপকে বহন করে বিমূঢ় ও অচেতন মনে। কচিং কদাচিং এমন লোকও আছেন যারা সচেতন। যারা সজ্ঞানে এই জন্মচিহ্নকে স্বীকার করে চলেন; যারা আপন প্রেরণায় এই ছাপকে বদলেও নিয়ে থাকেন; যারা জন্ম-পরিচয়কে উল্টে নিয়ে আত্ম-পরিচয়কে জগতের সামনে স্থাপন করে থাকেন। কিন্তু অধিকাংশ মানুষ এই জন্ম-চিহ্নকে স্বীকার করেই চলেন। আমি হিন্দুর ঘরে জন্মেছি, তাই হিন্দু। এরা হিন্দু, কিন্তু হিন্দুত্ব সম্বন্ধে এরা অজ্ঞ। এরা মুসলমান, কিন্তু ইসলামকে এরা জানেন না। জানলেও ধার ধারেন না। জীবনে হিন্দুধর্মের চিহ্নমাত্র ও নেই, কিন্তু আমি হিন্দু। জীবনে মোসলেম ধর্মের লেশমাত্র ও নেই, অথচ আমি মুসলমান। এই মানসিক অবস্থা সর্বত্র। এই কারণেই দেখা যায়, মোসলেম লীগের নেতাদের অনেকেই পুরোদস্তুর ‘সাহেব’ হয়েও ইসলামের ধ্বজা ধরে নেতৃত্ব করছেন। হিন্দুসভার পাণ্ডাদেরও অনেকেরই মনেপ্রাণে ও জীবন-যাপনে ‘বিলিতি’ হয়েও হিন্দুধর্মের নেতাকিরি করতে বাঁধে না।

প্রকৃত ধর্মের সঙ্গে সম্প্রদায়ের যোগ নেই। সম্প্রদায়-গঠনের মূল কথাই হলো অহমিকা; অর্থাৎ ‘আমি হিন্দু’, ‘আমি মুসলমান’, এই সংস্কার। এই সংস্কারের জন্ম হয়েছে দীর্ঘদিনের অভ্যাস থেকে। অনেকদিন ধরে শুনতে শুনতে মনে হিন্দুত্ব ও মুসলমান-ত্ব সম্বন্ধে একটা অস্পষ্ট চেতনা গড়ে ওঠে। নানা আচার ও বিবিধ দৈনন্দিন ব্যবহারের মধ্যদিয়ে সেই চেতনা ক্রমে দানা বেঁধে উঠতে থাকে। বয়োবৃদ্ধির সঙ্গে সঙ্গে মানুষ হয় হিন্দু, অথবা হয় মুসলমান অথবা খৃষ্টান। একবার এই সংস্কার শক্ত হয়ে গড়ে উঠলে মানুষকে যত্নের মতন চালিয়ে নেয়। তাই আজ ব্যক্তির সঙ্গে ব্যক্তির মনাস্তুর না থাকলেও মানুষ মানুষকে খুন করতে দ্বিধা করছে না। এখানে ব্যক্তির সঙ্গে ব্যক্তির সংঘর্ষ নেই, এখানে আছে সম্প্রদায়ের সঙ্গে সম্প্রদায়ের ঝগড়া। তাই অজানা অচেনা লোককে অবলীলাক্রমে হত্যা করে ফেলতে মানুষ পারে। ব্যক্তিহিসেবে বিবেচনার

এবং বিকর্ষণই পরিণত হয় বিদ্বেষে। এই মোহ এবং বিদ্বেষ আজ এক শ্রেণীর হিন্দু ও মুসলিমের মধ্যে প্রবল হয়ে উঠেছে। এই শ্রেণী আজ সাধারণ হিন্দু-মুসলমানের ভাবাঙ্কতাকে মাটি জাগিয়ে তুলেছে; ভাবাঙ্ক সাম্প্রদায়িকতা আজ তাই ভারতবর্ষে বিঘের মতন সকল কলম বিনষ্ট করে ফেলেছে।

পৃথিবীর ইতিহাসে এই বিদ্বেষ ও সাম্প্রদায়িকতা নূতন নয়। সংঘর্ষও নূতন নয়। দিন একদা ছিলো যখন মানুষের জীবনযাত্রায় ভাবোন্মাদ অন্ধ হয়ে বিপর্যয় সৃষ্টি করত। সাম্প্রদায়িকতার সঙ্গে সাম্প্রদায়িকতার বিরোধ কম রক্তপাত ঘটায়নি। বংশ বা রক্ত মানুষের মনে মাদকতা সৃষ্টি করে; মানুষের মনে অদম্য অহমিকা এনে দেয়। আমেরিকায় নিগ্রোদের নির্ধাতন ইতিহাসকে চিরদিন কলঙ্কিত করে রাখবে। মধ্য যুরোপে স্লাভ (Slav) ও ম্যাগ্যার (Magyar) কলহ, এশিয়ার “পীতাতঙ্ক”, আফ্রিকায় “সাদা” ও “কালো”র বিরোধ, এ সাম্প্রদায়িক সংকীর্ণতারই নানা নমুনা। ইহুদীদের ওপরে যে অসীম অত্যাচার হতো তার ইতিহাসে রক্তের অক্ষরে লেখা রয়েছে; রাতারাতি ইহুদিপাড়া আক্রমণ করে নির্বিচারে বধ অনুষ্ঠান করা হতো; নারী, বৃদ্ধ ও শিশু কেউ বাদ পড়তো না; ইহুদি পোগ্রোম (pogrom) যুরোপীয় ঋষ্টানের চিরন্তন কলঙ্কের নিশান হয়ে থাকবে মানবজাতির ইতিহাসে। তুর্কীস রাজ্যে সেদিনও এই ধরনের সাম্প্রদায়িক বর্বরতা অনুষ্ঠিত হয়েছে। আর্মেনীয়ানদেরও এমনি অতর্কিত আক্রমণ করে রাতারাতি খুন করা হতো। ঘুমন্ত পল্লীতে ঢুকে নির্মম হত করতো তুর্কীরা। পৃথিবীর ইতিহাসে সেদিন পর্যন্ত এই অন্ধ বর্বরতার যুগ অবাধে রাজত্ব করতো। প্রোটেষ্ট্যান্টদের ওপর রোমান ক্যাথলিকদের কী অকথ্য অত্যাচার হয়েছে! প্রাচীনকালে খৃষ্ট ওপরেও বা কী অমানুষিক অত্যাচার না হয়েছে।

কিন্তু আজ সে যুগ বাসি হয়েছে। পৃথিবীর অন্তর এই ধরনের সাম্প্রদায়িক বর্বরতা দিন গত হয়েছে। সাম্প্রদায়িক ধর্মকে কেন্দ্র করে মানুষের মন ও সমাজ আজ আবর্তিত না। ধর্ম ছিলো মধ্যযুগের সমাজ-পরিচালয়িতা। আনুষ্ঠানিক ধর্ম ও আচার মানুষের জীবন নিয়ন্ত্রণ করতো। কিন্তু বিজ্ঞানের আবির্ভাব হওয়ার সঙ্গে সঙ্গে পৃথিবীর সংগঠন গেল ব্যাবধান কমে গেল; জাতিতে জাতিতে, সমাজে সমাজে যে দূরত্ব ছিল তা হ্রাস পেয়ে সবাই সবাইকার সন্নিকটে। পৃথিবীটা হয়ে গেল নিতান্ত ছোট। এর ফল হলো এই যে সংস্কৃতির রাজ্যেও ব্যাবধান ও পার্থক্য গেল কমে। যুরোপের সঙ্গে এশিয়ার, হিন্দুর সঙ্গে মুসলিম ঋষ্টানের সঙ্গে হিন্দুর হলো সান্নিধ্য ও পরিচয়। সেই পরিচয়ের মধ্য দিয়ে শুরু হলো আদান-প্রদান-কালের আবেষ্টনীতে বাঁধা ছিলো মানুষ ও মানুষের সমাজ; সেই আবেষ্টনী গেলো বিভিন্ন দেশের ও কালের বন্ধনীতে বিচ্ছিন্ন হয়েছিলো নানা সংস্কৃতি; সেই বন্ধনীকে ভেঙে বিজ্ঞান সর্বকালের ও সর্বদেশের সংস্কৃতিকে নিয়ে এলো সকল মানুষের হৃদয়ে। সংস্কৃতিতে সং

হলো সংঘর্ষ, হলো সম্মেলন ; ধর্মের সঙ্গে ধর্মের হলো সংস্পর্শ ; সংস্কৃতির ক্ষেত্রে হলো বিপ্লব, আন্দোলন হলো ভাঙ্গাগড়া, মিশ্রণ ও সামঞ্জস্য । যা কিছু ভালো, যা কিছু মইৎ তা' সর্বত্র হলো আদৃত ; যা অশিব, যা অকল্যাণ তা হলো অগ্রাহ্য ।

আমাদের দেশেও সংস্কৃতিক্ষেত্রে বিপ্লব হয়ে গেছে । হিন্দুর সংস্কৃতি ও মুসলীম সংস্কৃতি আজ ভেঙ্গেচুরে একই পথে রূপায়িত হয়ে চলেছে । বিজ্ঞান আজ মানুষকে যে শক্তি দিয়েছে তা পৃথিবীর সর্বমানবের সম্পত্তি হয়েছে । সম্ভোগের যে বিপুল সম্ভাবনা আজ মানুষের কাছে এসেছে, তাকে হিন্দু, মুসলমান সবাই আদর করে বরণ করেছে । আহারে-বিহারে, যানে-বাহনে পোষাকে-পরিচ্ছদে, রুচিতে-প্রবৃত্তিতে, শিক্ষায়-দীক্ষায়, হিন্দু-মুসলমান-খৃষ্টান আজ দৈনন্দিন জীবনে একই পর্যায়ে ও সমশ্রেণীর হয়ে দাঁড়িয়েছে । দিনে দিনে হিন্দু-মুসলমানের সংস্কৃতি আজ একই ধরনের হয়ে এসেছে । মুসলিমলীগের নেতার দৈনন্দিন জীবনের সঙ্গে হিন্দুসভার নেতার জীবনের কোন পার্থক্য নেই ; তাদের সংস্কৃতি সমশ্রেণীর । মধ্যযুগে যে বিচ্ছিন্নতা ছিল যুগবৈশিষ্ট্য, আজ তা' অন্তর্হিত হয়েছে । আলাদা আলাদা ধর্ম ও সংস্কৃতির বন্ধনী ভেঙ্গে গেছে ; আজ পরস্পরের সংস্কৃতিকে তুলনা করে, বিচার করে দেখবার প্রয়োজন এসেছে । এই তাকিদ মানুষের গোঁড়ামীকে ও সংকীর্ণতাকে সংস্কৃতিক্ষেত্র থেকে দূর করেছে । যত দিন যাবে হিন্দু ও মুসলমান প্রধানতঃ একই সংস্কৃতির ধারক হবে । কাজেই মধ্যযুগে যে মনোভাব সম্ভব ও স্বাভাবিক ছিল, আজ তা' একান্ত অসম্ভব । আজ সাম্প্রদায়িক আচারকে কেন্দ্র করে জীবন চালানো অসম্ভব ।

সম্প্রদায়ে সম্প্রদায়ে যদি সাদৃশ্য বৃদ্ধি পেয়ে থাকে তবে সাম্প্রদায়িক দাঙ্গাহাঙ্গামা আমাদের দেশে কি করে হলো ? এর দুটো কারণ আছে । প্রথমতঃ, মোসলেম সমাজে মধ্যবিত্ত শ্রেণীর আবির্ভাব । পাশ্চাত্য শিক্ষা ও বিজ্ঞান মুসলীম সমাজ হিন্দুদের অনেক পরে গ্রহণ করেছে ; কাজেই মুসলমান মধ্যবিত্ত শ্রেণী মাত্র ইদানীন্তন সৃষ্টি হয়েছে । ফলে চাকুরীর দাবীও বেড়েছে । অতীকার হিন্দু-মুসলমান সমস্যা আর কিছুই নয়, এ হলো সত্ত-জাগ্রত মোসলেম মধ্যবিত্তদের দাবীর সমস্যা । মোসলীম লীগ সেই দাবীকে ভাষা দিয়ে এই মধ্যবিত্তদের নেতৃত্ব কায়েম করতে চাচ্ছেন । কিন্তু যুগপ্রয়োজনের তাকিদ কেবল মধ্যবিত্তকে নিয়েই নিঃশেষ হবে না । আজ গণজাগরণের যুগ পৃথিবীতে আগত হয়েছে । গণজীবনের বাণীই হলো এ যুগের যুগবাণী । নবজাগ্রত গণসাধারণ আজ তাদের বিপুল সংখ্যা ও শক্তি নিয়ে রাজনীতির প্রাঙ্গনে এসে দাঁড়িয়েছে । এদের বাদ দিয়ে কোন মধ্যবিত্তই আজ দাঁড়াতে পারে না । তাই লীগও আজ এই মোসলেম গণসমাজেরও মোড়ল বলে নিজেকে জাহির করছে । মোসলীম জনতাকে কথার চাতুর্যে খুশী করতে হবে, তাদের দারিদ্র্য দূর করে তাদের শ্রেণীপ্রয়োজনকে সার্থক করা এদের পক্ষে অসম্ভব । তাই এদের মনে ইসলাম-ধর্মের নামে সাম্প্রদায়িক মাদকতা সৃষ্টি করে' এদের যত্ন করে' স্বার্থসিদ্ধি করবার কৌশল অবলম্বন করতেই হয় । তাই আজ মোসলেম লীগ ধর্ম ও সংস্কৃতির ধূয়া তুলেছেন । অজ্ঞ জনতাকে 'ইসলামের'

শব্দযাত্নে ভুলিয়ে উত্তেজিত করার ঐতিহাসিক প্রয়োজন রয়েছে উচ্চশ্রেণীর মুসলম আরও প্রয়োজন রয়েছে সচ-সচেতন মুসলমান মধ্যবিত্তদের হাতে রাখা, কাজেই তার জন্ম চাকুরী-বাটোয়ারা নিয়ে আন্দোলন তুলে মধ্যবিত্তেরও নেতা সাজা। কিন্তু ধর্মের নামে ভাব বাষ্পময় কথাবার্তা দিয়ে তো আর ক্ষুধিত জনতার পেট ভরবে না! মধ্যবিত্তকে কিছুদিন রাখা গেলেও গণশ্রেণীকে ভুলিয়ে রাখা যাবে না। কিন্তু যতদিন সম্ভব হয় ততদিন লীগ জনতাকে সাম্প্রদায়িক মত্ততা সৃষ্টি করে আয়ত্নে রাখবে। তারজন্ম চাই অহরহ কাঁকালো নিত্য নূতন উত্তেজনা সৃষ্টি করে রাখা। হিন্দুসভার নেতাদেরও একই কর্ম-কৌশল। মধ্যবিত্তকে হাতে রাখবার অস্ত্র হলো হিন্দুর চাকুরী অনুপাত নিয়ে আন্দোলন করা, আইন সভ্যসংখ্যার বৃদ্ধি দাবী করে মধ্যবিত্তকে আকর্ষণ করা। তাছাড়া হিন্দু জনতাকেও চাই। জন্ম চাই সমাজসংস্কার ও অনুন্নত শ্রেণীকে পংক্তিতে তোলার লোভ দেখিয়ে বাঙময় বক্তৃতা বা গণশ্রেণীর নির্ভুর দারিদ্র দূর করবার জন্ম সক্রিয় কর্মপন্থা নিয়ে হিন্দুসভার নেতারা করিত-কর্মা না। কারণ তারা তা' হতে পারেন না; আসন্ন নির্বাচনের দিকে একচক্ষু রেখে অপর জনতার ছুঁখে অশ্রুধারা নির্গলিত করলেই জনতা কজায় এসে যাবে। কিন্তু বর্তমান আর্থিক বদলে নতুনতর ব্যবস্থার আশা দেয়া নিরাপদ নয়। তাতে বৃহক্ষু জনতার বৃকে জাগতে পারে সাহস, চোখে জ্বলে উঠতে পারে হিংস্র আগুন। তাই সাম্প্রদায়িক হিন্দুদের মোহ সৃষ্টি ধর্মের নামে এদের আবিষ্ট রাখা প্রয়োজন। তাই হিন্দুয়ানীর নাগীকে সহরে সহরে ব হাওয়ায় ছড়িয়ে দিলেই চলবে—কোটা কোটা নির্যাতিত, বৃহক্ষুদের অর্থ নৈতিক দাবিকে ভাব নীচে চাপা দেওয়া সহজ হবে। মোসলেম লীগের প্রতিরূপ বা antithesis হলো হিন্দু একটীর প্রাবল্যের সঙ্গে সঙ্গে অপরটীর প্রাবল্য ঘটে থাকে। উভয়ের পারস্পরিক ঘাতপ্রা ও প্রতিদ্বন্দিতার ধাপে ধাপে সাম্প্রদায়িক ভাবোন্মাদ পর্দার পর পর্দা চড়ে গিয়েছে। তার আজ দাঙ্গাহাঙ্গামার উর্বর ক্ষেত্র প্রস্তুত হয়েছে।

তৃতীয় পক্ষের উপস্থিতি এবং স্বার্থ-সিদ্ধির প্রয়োজন সাম্প্রদায়িক সংঘর্ষের দ্বিতীয় রাজ্যশাসনের যতোগুলি নীতি আছে তার মধ্যে ভেদনীতির কার্যকারিতা অনস্বীকার্য। সাম্রা শাসনের প্রধান কৌশলই হলো ভেদসৃষ্টি। একথা আজ পুরোণো হয়ে গেছে। যে সাম্প্রদায়িক রক্তারক্তি আজ শক্তিশালী ইংরেজ আমলে হচ্ছে, তা' প্রাক-ব্রিটিশ যুগে সিপাহীবিদ্রোহের পর থেকে হিন্দু-মুসলমান সমস্যা এদেশে সৃষ্ট হয়েছে। সিপাহীবি প্রধান বিদ্রোহী ছিলো 'বেঙ্গল আর্মী' (Bengal Army) এবং বিদ্রোহে সমান ভাগ নি হিন্দু ও মুসলমান সিপাহীরা সবাই। সিপাহীবিদ্রোহে হিন্দু ও মুসলমান একসঙ্গে একত্র বিদ্রোহ করেছিল। সেই ঐতিহাসিক ঘটনার সময়েও সাম্প্রদায়িক ঐক্য অব্যাহত ছিলো। এর পর থেকেই আরম্ভ হয়েছে হিন্দু-মুসলমান বিভেদের যুগ। এই বিভেদের মূলে হলো

শাসকদের ভেদনীতি, যে নীতি তারা সিপাহীবিদ্রোহের অভিজ্ঞতা থেকে সংগ্রহ করেছিলেন। বহু ইংরেজের স্বীকৃতিতে এই তথ্যের ঐতিহাসিক প্রমাণ রয়েছে। এমন কি বিদ্রোহকে দমন করাও হয়েছিল ভারতবাসীকে একে অশ্রের বিরুদ্ধে লাগিয়ে। Seeley সাহেব স্পষ্টই লিখেছেন “you see, the mutiny was in a great measure put down by turning the races of India against each other.” তাঁর মতে ব্রিটিশ শাসন সম্ভব হয় শুধু এই একটা শর্তে। “So long as this can be done,.....the Government of India from England is possible.....” সাম্রাজ্যবাদ সম্বন্ধে বিশেষজ্ঞ পণ্ডিত J. A. Hobson ভারতে সাম্রাজ্যবাদ সম্বন্ধে লিখতে গিয়ে পর্যন্ত লিখেছেন, “It.....is generally admitted that our empire in India has only been rendered possible by the wide cleavages of race, language, religion and interests among the Indian populations, first and foremost the division of Mahomedan and Hindu.” সিপাহীবিদ্রোহের পর থেকেই বিধিবদ্ধ ভাবে আরম্ভ হয়েছে এই হিন্দু-মুসলমানে ভেদনীতি। ১৯০৬ সালে স্বদেশী যুগে ঢাকায় মোসলেম লীগের জন্ম হয়; বঙ্গ বিভাগের মূলেও এই ভেদনীতি ছিলো। স্বদেশী যুগে মুসলমান প্রতিক্রিয়াশীলদের সমর্থন দিয়েছিলেন ইংরেজ, তার মূলেও ছিলো এই নীতি। পরে ১৯০৯ সনের মর্লি-মিণ্টো শাসনসংস্কারে পৃথক নির্বাচন-ক্ষেত্র আমদানী করে ভেদের সহায়তা করা হলো। পরে ১৯১৯ সনের এবং ১৯৩৫ সনের দুটি শাসনবিধিতেও সাম্প্রদায়িক নির্বাচননীতি কয়েম করে ব্রিটিশ গভর্নমেন্ট সাম্প্রদায়িক ব্যবধানকেই প্রবল করে তুলেছেন। আজ মোসলেম লীগকে ভারতের মুসলমান সমাজের একমাত্র নেতা বলে স্বীকার করে ব্রিটিশ সরকার সেই নীতিকেই অনুসরণ করছেন। মুসলমান সমাজের বিরাট অংশ রয়েছে যারা মিঃ জিন্নার প্রতিক্রিয়াশীল নেতৃত্বকে মানেন না; জামিয়তুল উল্লেমা, মোমিন সম্প্রদায়, মজলিস-ই-অহরর, শিয়া-সম্প্রদায়, জাতীয়তাবাদী, মুসলমানসমাজ ইত্যাদির অন্তর্ভুক্ত অগণিত মুসলমান লীগের নেতৃত্বকে স্বীকার করেন না। কিন্তু তবু গভর্নমেন্ট মিঃ জিন্না ও লীগের ওপরে অত্যধিক গুরুত্ব আরোপ করে ভারতীয় সমস্যাতে আরো জটিল করে তুলেছেন। সমস্যা যতো জটিল হবে ততই সাম্রাজ্যবাদী স্বার্থ নিরাপদ থাকবে। ইংরেজের এই মনোভাবে উৎসাহিত হয়ে লীগ আজ আরো সাম্প্রদায়িক হয়ে উঠেছে। লীগ আজ পাকিস্তান প্রস্তাব এনে ভারতবর্ষকে দ্বিখণ্ডিত করার কল্পনাতে এসে পৌঁচেছেন। ভেদবুদ্ধির চূড়ান্ত পরিণতি হয়েছে এই ভারত-ভাগের প্রস্তাবে। ইংরেজের ভেদনীতির-ও সর্বশেষ সাফল্য দেখা দিয়েছে এই পরিকল্পনায়।

লীগের “দ্বিজাতি” পরিকল্পনা (Two-nation theory) দাঁড়িয়ে আছে চরম সাম্প্রদায়িক বিচ্ছেদের ওপর। আমরা আগেই বলেছি এই সাম্প্রদায়িকতা আধুনিক যুগে অচল, কারণ বিজ্ঞানের শক্তি আজ সম্প্রদায়-গত বন্ধনকে ভেঙ্গে সংস্কৃতিক্ষেত্রে ঐক্য ও সামঞ্জস্যকে প্রবর্তন করেছে।

নির্মাণ করবার সাধনা আজ থেকেই করতে হবে। এ সাধনা করবে সেই সব রাষ্ট্রনৈতিক কর্মী যারা গণসমাজের মুক্তি চায়, যে মুক্তি হিন্দু ও মুসলমান উভয়সমাজের। আজ সাম্প্রদায়িক প্রচারের, এবং তারই সৃষ্টি সাম্প্রদায়িক দাঙ্গার, ফলে ভারতে রাজনৈতিক প্রচেষ্টা ও সাধনা চাপা পড়েছে। কিন্তু এ নিতান্ত সাময়িক। অনিবার্য সামাজিক শক্তি-সঙ্ঘাতের প্রবল বহ্যায় এই সাময়িক চিত্তোন্মাদ ভেসে যাবে। কিন্তু সেই শক্তি-সঙ্ঘাতকে সহায়তা করবার দায়িত্ব হলো যারা বিপ্লবী তাদের। তাই বিপ্লবীদের আজ শক্ত হতে হবে, সম্প্রদায়ের উর্ধ্বে যে গণস্বাধীনতার স্বপ্ন তারা দেখছেন সেই স্বপ্নের বাস্তব সার্থকতার জন্য তাদের সচেতন ও সক্রিয় হতে হবে। ভারতবর্ষকে বিভাগ করবার মারাত্মক পরিকল্পনাকে ব্যর্থ করতে হবে, গণসমাজকে বিভক্ত করবার সাম্রাজ্যবাদী স্বার্থকে বিকল করতে হবে। তার জন্য এক মাত্র উপায় হলো গণসমাজের সঙ্গে যোগস্থাপন করে তাদের সাম্প্রদায়িকতার সঙ্কট সম্বন্ধে সচেতন করা। যারা জাতীয়তার আদর্শকে সম্মুখে রেখে আজ চল্লিশ বছর ধরে অবর্ণনীয় ত্যাগস্বীকার করেছেন এবং অকথিত লাঞ্ছনাকে বরণ করেছেন, ফাঁসীকাষ্ঠ, বন্দুকের গুলি, জেল ভোগ,—কোন অত্যাচারই যাদের দমাতে পারেনি, সেই সব বিপ্লবীদের আজ অবহিত হতে হবে যাতে সাম্প্রদায়িক ভাবোচ্ছাসের মরীচিকা সৃষ্টি করে প্রতিক্রিয়াশীল দল ও শ্রেণীগুলি ভারতের গণসমাজকে বিপথগামী ও স্বাধীনতাসংগ্রামকে বিফল না করতে পারে। আজ আন্তর্জাতিক আকাশে ঝড় উঠেছে। সেই ঝড় আমাদের এদেশেও এলো বলে। ভারতের জাতীয় জীবনের এই সংকট-মুহূর্তে রাষ্ট্রীয় স্বাধীনতার আদর্শকে সম্মুখে রেখে সংহত না হতে পারলে চির-রাত্রির অন্ধকার ভারতবর্ষকে গ্রাস করবে। স্বাধীনতা, সাম্য, সংগ্রাম ও সংহতি—এই হোক আত্ম সঙ্কট ও সঙ্কিমুহূর্তের অক্লান্ত তপস্যা।



ঐতিহাসিক

শান্তিরঞ্জন বন্দ্যোপাধ্যায়

কাহিনী নয়, কাহিনীর ভূমিকা মাত্র।

সন্ধ্যার দিকে বলাইএর দোকানে একটি আড্ডা বসে। দোকানটি মুদিখানা। গ্রামের চলতি আবহাওয়ায় যারা মুখ তুলে সমালোচনা করতে পারে না, বা যুবকদের কোন খিয়েটার ক্লাবে গিয়ে অসংযত আমোদ প্রমোদে গা' ভাসাবার মত জীবনের সঞ্চয় যাদের নিঃশেষিত, একমাত্র তারাই এখানকার নিয়মিত সভ্য।

খন্দের নেই, কেউ এসেও পৌঁছায়নি এখনো। বাধ্য হয়ে বলাই বসে বসে ঠোঙা বানাচ্ছিল। নিজের প্রয়োজনে লাগলেও ঠোঙা ও বিক্রি করে। দোকানটা মুদিখানা হলেও নিত্য প্রয়োজনীয় দ্রব্যাদি সবই এখানে পাওয়া যায়—চুলের ফিতে হতে শুরু করে মায় টোটকা কবিরাজী ওষুধ পর্যন্ত। তিন পুরুষের দোকান, চলে ভাল—তবু গাঁয়ের মধ্যে এখনো একখানা দোতারা তুলতে পারেনি। কারণ, বলাই লোকটা ধর্মভীরু। জ্ঞান হওয়া থেকে ব্যবসায়ের ঢুকে নিজের গতানুগতিক পথে পরিক্রমণ করে জীবনের বিয়াল্লিশটি বছর ও অতিক্রম করে এসেছে, কিন্তু আজো ওর হাত কাঁপে কারুর গলায় ছুরি দিতে।

কিছুক্ষণ পরে হঠাৎ ব্যস্তভাবে প্রবেশ করল নীলু খুড়ো আর লক্ষ্মণ দাশ।

মুখ তুলে বলাই বললে, বসো খুড়ো, আমিই পাড়ি। কাটা কাগজ আর আঠার বাটিটা সে একপাশে সরিয়ে রাখল।—হরেকেশ্বর মন্ত্রীকে যা কাবু কাল করেছিলে। আচ্ছা, এসো দেখি আজ আমার সঙ্গে—

সে উঠে দাবার ছক পাড়বার উদ্যোগ করল। কিন্তু নীলু খুড়ো বাধা দিলে।

—আরে, রেখে দাও তোমার গজ আর মন্ত্রী। বলি, খবর-টবর রাখো কিছু? খোড়-বড়ি-খাড়া আর খাড়া-বড়ি-খোড় নিয়েই ত পড়ে আছো। আর এদিকে যে—ধপ্ করে নীলু খুড়ো জলচৌকিটার ওপর বসে পড়ল। চোখ মুখ তার অস্বাভাবিক রকম গস্তীর, ঠোঁট ছোটো খরখর করে কাঁপছে, কপালটাও দপ্‌দপ্ করছে। সে যে বেশ উত্তেজিত তা সহজেই বোঝা যায়, কিন্তু নীলু খুড়োর গস্তীর্য বড় সহজে ঘটে না। নিশ্চয়ই হেতুটা গুরুতর।

বিস্মিত হয়ে বলাই বললে, খবর? কী খবরের কথা তুমি বলচ খুড়ো?

—ছিদাম এসেছিল? পাশ থেকে লক্ষ্মণ জিজ্ঞাসা করলে।

—কই এখনোত এসে পৌঁছায়নি।

—আর আসবেই বা কী করে? একটা দীর্ঘনিশ্বাস ফেললে নীলু খুড়ো,—এ বয়সে যে আকাশটা ওর মাথায় ভেঙ্গে পড়ল!

নীলু খুড়ো আর কিছু বললে না—লক্ষ্মণও নির্বাক। নির্বোধ হয়ে গেছে বলাই, কিছুই বুঝতে পারছিলো না সে। অর্থহীন চোখে সে দুজনের মুখের দিকে তাকাতে লাগল।

তোমার কথা আমি ঠিক বুঝতে পারলুম না, খুড়ো! একটু থেমে বলাই বললে।

—আর বুঝেই বা কী হবে? যারা বুঝলে, কী করলে তারা? নীলু খুড়ো বললে।
লক্ষ্মণের দিকে তাকিয়ে বলাই বললে, ব্যাপার কী লক্ষ্মণ?

ছিদামের সর্বনাশ হয়েছে?

—সর্বনাশ! কেন, কী হল।

সে কথার উত্তর না দিয়ে নীলুখুড়োর দিকে তাকিয়ে লক্ষ্মণ প্রশ্ন করলে, কিন্তু এ অশ্রায়ের কী বিচার হবে না খুড়ো?

বিষমকণ্ঠে জবাব দিলে নীলু, রক্ষক যদি ভক্ষক হয় তাহলে বিচার কে করবে লক্ষ্মণ? তুমি, আমি?...টিকে ধরাতে যাদের জামিন জোটে না!

—কিন্তু, একটু উত্তেজিত স্বরে লক্ষ্মণ বললে, কিন্তু, এত বছর ধরে যে জমিতে ও চাষ করে এল, যে বাস্তুভিটের নক্সেপিদীম দিলে, আজ এক হুকুমে তার ওকালতনামা লিখে দিতে হবে? কেন? জমিদার ত তার পাওনা চিরকাল বুঝেই নিয়েছে, ফাঁকিত ছিদাম কোথাও দেয়নি।

—ফাঁকি না দিলেও ফাঁক পড়ে লক্ষ্মণ, বিশেষ করে, রাজা-প্রজার সম্পর্ক যেখানে।

—তবু এর কি প্রতিকার হবে না, খুড়ো? ভগবান কী নেই?—

—ভগবান কেন থাকবেন না, লক্ষ্মণ! নীলু হাসল, কিন্তু তিনি থাকেন ওপরে গরীবকে দেখেন না। তাঁকে সুধু পূজোই দাও, পেসাদ পাবার আশা রেখো না।

নিলুর কথা ঠিক বুঝতে পারল না লক্ষ্মণ। সে আবার বললে,

—ধরো, আদালতে যদি 'পেতিশন' করা হয়?

—ফল হবে, এখন যে পঞ্চাশটি ট্যাকা পাচ্ছে সেটাও যাবে মারা। নিজের পাঁঠা যদি দে ইচ্ছে কাটবার অধিকার আছে—এই কথাটাই জমিদার আদালতে বলবে।

এতক্ষণ বাদে বলাই আবার কথা কইল, তোমাদের কথা আমি কিছু বুঝতে পারি না। ছিদামের কি হয়েছে খুলেই বল না বাপু।—

ছিদামের হয়েছে অনেক কিছুই।

ক্রমে আড্ডায় আরো অনেকে এসে জুটল। কিন্তু আসর সেদিন আর জমল না, দাবার ছক তোলাই থাকল। সবারই মুখে ঐ এক কথা।

লক্ষ্মণ দাশ তাঁতী। জাত ব্যবসাই তার বংশানুক্রমিক পেশা। কৃষকের কাছে যেমন তার আবাদী জমি, তাঁতীর কাছেও তেমনি তার তাঁত। জড় হলেও ওরই সাথে একটা সশরীরী স্নেহের সম্বন্ধ ওরা প্রাণে প্রাণে অনুভব করে। তাই ছিদামের ব্যাপারে সব চেয়ে বেশী আঘাত লেগেছে লক্ষ্মণের, উত্তেজিতও হয়েছে সেই সব চেয়ে বেশী।

রামকান্তুর কথার উত্তরে সে বললে, তুমি এ বুঝবেনা রামকান্ত যে জাতব্যবসা ছাড়া আর জাতধর্ম ছাড়া একই কথা। জাতব্যবসাই যদি ছাড়লুম তবে আর লোকের কাছে পরিচয় দেবার রইল কী?

সত্যি রামকান্ত এ সব বোঝে না। পূর্বে সে পোষ্টাপিসের পিওন ছিল, বর্তমানে যৎকিঞ্চিৎ পেন্সন পায়।

সে বললে, জাতব্যবসা ছাড়তে কে বলচে লক্ষ্মণ? জমিদার ত সে কথা বলেননি। তাঁর জমিতেও ত ছিদাম চাষ করতে পারে, তবে মালিকানা আর ছিদামের রইল না।

—যে কাজে মালিকানা নেই সেত স্রেফ চাকরের কাজ, লক্ষ্মণ বললে।

—চাষ করবে ছিদাম আর মাল গুদামজাত করবে জমিদার,—এ তোমার কোন শাস্ত্রে বলে, রামকান্ত? নীলুখুড়া প্রশ্ন করল।

—কিন্তু জমি ত জমিদারের।

—মানচি! লক্ষ্মণ বললে, কিন্তু এতকাল যে খাজনা দিয়ে ছিদাম ও জমি আবাদ করে এল, তার কি কোন দামই নেই! চাষ না করলে ও জমি ত এ্যাদিন জঙ্গল হয়ে থাকত। ছিদাম যা খাজনা দিয়েচে তাতে ও জমির দাম উঠে গেছে কোন কালে!

—কিন্তু উনিত জমিদার! রামকান্ত আবার নিজেকে সমর্থন করল।

—উনি কেন, তুমিও হতে পারতে। জমিদার হওয়ার ত আর কোন বাহাদুরী লাগেনা, রামকান্ত, বংশে জন্মালেই হল। কিন্তু হাতে কাজ করে যাদের বাঁচতে হয় তারাই ত মানুষ, দুঃখীর দুঃখ তারাই শুধু বোঝে। লক্ষ্মণ থামল।

নীলুখুড়া এবার বললে, কাকে কী বুঝোচ্চ, লক্ষ্মণ? বেনাবনে মুক্তো ছড়িয়ে লাভ কী?

কথাটায় ঝাঁঝ ছিল! আহত হয়ে চুপ করল রামকান্ত।

লক্ষ্মণ বললে, ধরো যদি জমিদার লুকুম দেয় যে গাঁয়ের সব তাঁত জমিদারের এত্তালায় চলে যাবে তখন আমার কী কষ্টটা লাগবে, তা তুমি বুঝতে পারো?

কানাই কন্দকার লক্ষ্মণকে সমর্থন করল।

—ঠিক কথা! আমার বেলাতেও এটা খাটে।

—জীবনে যার প্রতিরোধ করতে গিয়ে শুধু আঘাত খেয়েই ফিরে এসেছিল, আত্মহত্যা করে তার মৃত্যুতম প্রতিবাদও করে গেল,—এই হয়ত ছিল তার মৃত্যুকালীন সাস্থনা। সে যে মা বসুন্ধরার নেমকহারাম সম্মান নয় তারই স্বাক্ষর হয়ত রেখে গেল নিজের আত্মছাতিতে।

কিন্তু কীইবা মূল্য এই আত্মসর্বস্ব সাস্থনার! কী এসে গেল তার মৃত্যুতে! ক্ষণিক চাঞ্চল্যের সৃষ্টি করলেও অগ্রগামী দলের মধ্যে তা বিশৃঙ্খলতা ঘটাতে পারেনি, প্রতিরোধ করতে পারেনি তাদের প্রগতি।

কলকাতা থেকে একজন সাহেব এঞ্জিনিয়ার ও কয়েকজন অভিজ্ঞ কর্মী এসেছে। জমিদার নিজেও উপস্থিত। আর আশে পাশের কয়েকটা গ্রাম একেবারে ক্ষেতের ধারে ঘন ভেঙে পড়েছে।

যন্ত্রচালিত ট্র্যাক্টরের চলা যখন মাটির বুক বিদীর্ণ করে বিকট শব্দে পরিক্রমা করতে লাগল তখন অভূতপূর্ব উত্তেজনা ও উল্লাসে উদ্বেলিত হয়ে উঠল জমিদারের বুক, নবতরো আশা ও আকাঙ্ক্ষার আবেশে তাঁর শরীরের শিরা-উপশিরা কাঁপতে লাগল থরথর করে। কিন্তু মুখ ফুটে কিছু বলতে পারলেন না, শুধু ঘন ঘন পাইপে টান দিতে লাগলেন। সমবেত আবালবৃদ্ধবনিতার দল তখন বিস্ময়ে বিমূঢ় হয়ে গেছে, হঠাৎ-দেখা স্বপ্নের মত এই স্বপ্নাতীত ব্যাপারে তাদের দৃষ্টির প্রসার তখন দীর্ঘতর হয়ে উঠেছে। হয়ত ওদের মনেও তরংগ জেগেছে। অসম্ভব এতে কিছুই নেই : মানুষের স্বপ্নই ত একদিন রূপ পায় বাস্তবে, স্বপ্ন তখন হয় সত্যি। ঢেউএর পর ঢেউ এসেইত পারের সংকীর্ণতা ভেঙে তাকে দিগন্তপ্রসারী করে তোলে। তারপর এই নবীনকে কেন্দ্র করেই চলে নতুন পরিক্রমার মহড়া। এবং এই মোহও একদিন কাটে, সীমা যায় ভেঙে। পুরানো সত্যি মিথ্যে হয়ে যায়, ধ্বসে পড়ে, আর মিলিয়ে যায় নবীন সম্ভাবনার মাঝে। এই হল ইতিহাস, চিরস্মৃনী এই দ্বন্দ্ব, আর এর মধ্য দিয়েই সম্ভব হয় নূতন সৃষ্টির।

—আর এ হেন মুহূর্তে ছিদামকে মনে রাখা! ছিদাম : সে যে একেবারে অবাস্তুর এখানে। ট্র্যাক্টর চলল। ইঞ্জিনিয়ার সাহেব জমিদারের পাশে এসে দাঁড়ালেন।

—কেমন লাগচে ?

—ভাষায় প্রকাশ করতে পারব না।

ইঞ্জিনিয়ার সাহেব হাসলেন।

—জয়যাত্রা যন্ত্র—দেবতার।

—এ ত সবে জয়যাত্রার শুরু, মিঃ ল্যাঙ।

ক্ষণিক স্তব্ধতা।

—তোমার প্রজারা একে কী ভাবে গ্রহণ করবে, মিঃ চাড্ডী ?

—প্রজার দিকে তাকিয়ে আমি চলব না, তারাই অনুসরণ করবে আমাকে।

—এই তো কথার মত কথা—অভিনন্দন করলেন মিঃ ল্যাঙ।

—হেসে জমিদার ধন্যবাদ দিলেন ।

—তুমি জেনো মিঃ ল্যাঙ্, একটু থেমে জমিদার বলতে লাগলেন, এ শুধু আমার ক্ষণিকের খেয়াল নয়, জীবনের তপস্যা । রাজনৈতিক আন্দোলন শুধু প্রস্তাবের পর প্রস্তাবই পাশ করতে পারে, কিন্তু পারে না দেশের স্বাধীনতা আনতে । স্বাধীন হতে হলে আগে তার যোগ্য হওয়া চাই । আন্দোলনের মধ্য দিয়ে সে যোগ্যতা অর্জন করা যায় না । এর জন্য দেশকে নিজের পায়ে দাঁড় করাতে হয়, স্বাবলম্বী করে তুলতে হয় ।

—ঠিক কথা,—মিঃ ল্যাঙ্ তাকে সমর্থন করলেন ।

—এই হবে আমার সাধনা যে শিল্পে ও বাণিজ্যে ভারত নিজের পায়ে ভর দিয়ে দাঁড়াক, তাহলেই সে পারবে বিশ্বসভায় নিজের আসন বেছে নিতে । এর জন্য প্রয়োজন প্রাচীন সামন্ততান্ত্রিক আবাদী প্রথা পরিহার করে ধনতান্ত্রিক বৃহৎ স্কেলের প্রবর্তন করা ।

মিঃ ল্যাঙ্ ঘাড় নেড়ে সায় দিলেন ।

—তোমার সাধনা জয়যুক্ত হ'ক, মিঃ চাড্ডী । তোমার প্রোগ্রেসের দিকে আমার লক্ষ্য থাকবে । প্রার্থনা করব যাতে তোমার স্বপ্ন বাস্তবরূপ পায় ।

—ধন্যবাদ । জমিদার আবার কৃতজ্ঞতা জানালেন ।

—তা হলে তোমাকে সব খুলেই বলি, মিঃ ল্যাঙ । একে পূর্ণরূপ দেয়াই শুধু আমার জীবনের একমাত্র আদর্শ নয় । এ কেবল মহত্ত্বের ভিত্তিভূমি মাত্র । নিজেই আমি কাঁচামাল উৎপন্ন করব কিন্তু একে আমি বাজারে ছাড়তে চাইনে । তুমি হয়তো আমাকে বুঝেছো । অন্তত বছর তিনেকের মধ্যেই তুমি দেখবে যে আজ যেখানে আমরা দাঁড়িয়ে আছি, এইখানে হ্যাঁ, ঠিক এইখান থেকে আমার কারখানার সেই বিশাল চিমনী সোজা আকাশের দিকে উঠেছে, যন্ত্রের আবির্ভাবে এ জায়গার রূপ গেছে বদলে । ক্ষেতকে আরো দেব পিছিয়ে, এখানে ওখানে মাটির ভিত্তি কাঁপবে বয়লারের গর্জনে, ফ্যাব্রিকের লেলিহ শিখা শ্রমিকদের প্রাণে জাগাবে অপূর্ব উন্মাদনা, দেবে অগ্রগামী কর্মপ্রেরণা । অসংখ্য তাঁতের চলমানতার মধ্যে প্রাণ পাবে আমার জীবনের স্বপ্ন । মানুষ হবে যন্ত্র, আর যন্ত্রই হবে মানুষ—চরম লক্ষ্য হবে সৃষ্টি । সৃষ্টি...সৃষ্টি... সৃষ্টি... । শুধু সৃষ্টিই হবে আমাদের নেশা, মদ মানুষকে মাতাল করে আর আমরা মাতাল হব সৃষ্টির নেশায় ।

শেষের দিকে জমিদারের গলার স্বর একটু মাত্রা হাড়িয়েছিল, মিঃ ল্যাঙ তাঁর হাত চেপে ধরলেন ।

—বড়ো উত্তেজিত হয়ে পড়চ, মিঃ চাড্ডী

জমিদার লজ্জিত হাসি হাসলেন ।

(ক্রমশঃ)

“মৃত্যুবিজয়ী প্রবল প্রাণের সাজা”

কমলরাণী মিত্র

পাহাড়ের গলে বহি-মালিকা দোলে,
নব-বসন্ত আসে ;
তাপসী-ধরার গেরুয়া বৃকেরও তলে
ঝড় ওঠে নিশ্বাসে ।

শাল-পিয়ালের রুক্ষ-বনানীভূমে
মর্মরধ্বনি শুনি
বুঝিছু কামনা-শায়ক ভরিয়া তুণে
আসিয়াছে ফাল্গুনী !

আমারো মনের নিভৃত গহনে দেশে
ওঠে আগুনের ঝড়—
মনে মনে রচি কুসুমিত বধুবেশে
সাধের স্বয়ম্বর ।

কৃষ্ণচূড়ার রক্তে রাঙানো রঙে
ব্যাকুল বাসনা জাগে ।
প্রাণবন্ত্যার ঢেউ খেলে তনুমনে
যৌবন অনুরাগে,

বিগত-কালের মৃত্যু-বিছানো-পথে
মহাসমারোহে আজ
নব-জীবনের বিজয়োদ্ধত-রথে
এলো চির-যুবরাজ !!

এতো শুধু নয় গিরিবনভূমিমাঝে
বসন্ত সমাগম,
এ'তো শুধু নয় লীলায় ললিত লাজে
প্রণয়ের গুঞ্জন ;

মৃত্যু-বিজয়ী প্রবল প্রাণের সাড়া
মহাকলরবে জাগে,
অগাধআকাশে সে-অবাধ প্রাণ-ধারা
উদাম-গতি মাগে—

—ভুবন-তটের সীমা, অ-সীমার কূলে
ফোটে ফুল, গাহে পাখী ;
অসীম আলোক-তীর্থের উপকূলে
সবা'রে নেয় সে ডাকি !



বড় তত্ত্ব কথা মনে করে রাখা বা লিখে রাখা বরং সহজ কারণ চিন্তা সেখানে একটা logical process কে অবলম্বন করে একটা ছাঁচে ঢেলে যায়, কিন্তু ছোট ছোট হালকা কথার মধুর আনন্দময় সুরটী ধরে রাখা বড় কঠিন।

মনে আছে প্রথম যেবার কবি মংপু এলেন সঙ্গে রথীন্দ্রনাথ ও কবির সেক্রেটারী। আমরা মংপুর উপরে জঙ্গলের মধ্যে একটা বাংলোতে ছিলাম। সেদিন সারা সকাল ধরে প্রচণ্ড বৃষ্টি চলেছে। আমরা একটু ভয়ে ভয়েই ছিলাম আসা হয় কিনা। গাড়ীর শব্দ শুনে বাইরে এসে দাঁড়িয়েছি ভাবছি হয়ত কত ক্লান্ত হয়ে আসবেন। গাড়ী থামাতেই বলে উঠলেন আজ পথে এক কাণ্ড। তোমার এই ড্রাইভার ত লাগিয়েছে এক মস্ত গাড়ীর সঙ্গে ধাক্কা। সেই গাড়ীতে ছিল এক সাহেব তার গাড়ীও যত মস্ত সেও তত মস্ত—এই প্রকাণ্ড লম্বা, সে ত তখুনি ওকে ধরে নিয়ে যায়। কত করে বুঝিয়ে ছাড়া পেয়েছি, খুব রক্ষে পাওয়া গিয়েছে এবার, তোমার এখানে আর নৈব নৈব চ। রথীন্দ্রনাথ মুখের দিকে তাকাই সে মুখ নির্বিকার! একটু ভয় পেয়েছিলাম বৈ কি। ভাগ্যে বেশী কিছু হয় নি। কবি আমার মুখের অবস্থা দেখে বল্লেন ‘হয়ে গেল তোমার পরীক্ষা, তোমাদের মেয়েদের সঙ্গে কথা বলবার জো টি নেই, যা বলব বিশ্বাস করে বসে আছ। যদি সব সময়ই সত্যি বলব তবে কথা বলে সুখ কী? ঠাট্টা করে তার সঙ্গে ফুট নোট দিতে হবে,—এটা ঠাট্টা!!’

তখন সন্ধ্যা হয়ে আসছিল উপরের শোবার ঘরের জানালার কাছে বসলেন। নীচেই গভীর অরণ্য কতগুলো সোয়ালো পাখী চালের মধ্যে বাসা করেছিল কল কল করে তারা ঘরে ফিরছিল, কবি বল্লেন তোমারি জিৎ তুমি জানতে এ জায়গাটা আমার ভালো লাগবে তাই অত জোর করেছিলে। একটা ছোট বাগ্লর মধ্যে এক বোঝা কলম থাকত আর থাকত মস্তল আট আনা পয়সা। কিছুদিন আগে একটা মজার ছুর্ঘটনা ঘটে যায়। বোলপুর থেকে কলকাতা আসছিলেন সঙ্গীরা ছিলেন অন্ত কামরায়। বর্ধমানে একটা লেমনেড খেয়ে পয়সা দেবার সময় মহা বিপদ, ট্রেন তখন ছাড়ো ছাড়ো, বয়টী ওঁর অবস্থা বুঝে চলে গেল। সেই থেকে সঙ্গে কিছু পয়সা থাকে। প্রায়ই উনি সন্দেহ প্রকাশ করতেন যে সেই আট আনার উপর আমার ছুর্জয় লোভ আছে। তাই নিয়ে আমাদের খুব হাসাহাসি হত।

লিখতে গেলে কত ছোটখাট কথা মনে পড়ে। পাঁচ মিনিট কথা বললে ১৫ মিনিট হাসতাম আমরা। একদিন খুব গম্ভীর হয়ে বল্লেন “দেখ আমার কথায় তোমরা আর হেসো না, এ একটা তোমাদের ভুল হয়ে যাচ্ছে কারণ আমার কথায় কোনো humour থাকা সম্ভব নয়। সেদিন একজন সেকথা প্রমাণ করে দিয়েছেন। তিনি লিখেছেন লিরিক বা গীতি কবির কখনই humourএর বোধ থাকে না। আমি একজন গীতি কবি ত বটে আমার কথায় শুধু শুধু যদি হাস তাহলে এত কষ্টের কবি খ্যাতিটি পোয়া যাবে।

বেশী কথাবার্তার হাঙ্গামার মধ্যে না গিয়ে নিজের কাজ করে যেতে লাগলেন। কিছুক্ষণ বাদে খুব গম্ভীর ভাবে ঘড়ী দেখে সেই লোকটী কাগজ রেখে দিয়ে বললেন আমার দেরী হয়ে যাচ্ছে কিন্তু আপনার সঙ্গ যেমন interesting তেমন entertaining. কবি বললেন একটীও কথা না বলে কি করে যে তার আমার সঙ্গ এত entertaining ও interesting বোধ হল তা জানি না। যা হোক পরমুহূর্তেই ভদ্রলোক বললেন arico-nut আছে arico-nut? কবি জিজ্ঞাসা করলেন সুপুরী? তা আছে হয়ত, আনিয়ে দিচ্ছি এই রকম দুই-চারটে নিতান্ত বাজে কথার পর অত্যন্ত interesting সঙ্গ ছেড়ে arico-nut কে যেতে হল।

যেদিন এ গল্পটা বললেন সেই দিনই সন্ধ্যার সময় আমরা চাতালে বসে আছি—হঠাৎ একজন লম্বামত লোক অন্ধকারে খুব কাছাকাছি এসে দাঁড়াল। কে তিনি জিজ্ঞাসা করতে জানালেন এখানে কিছুক্ষণ তিনি বসতে চান। কবি বললেন ওঁকে বলো কাল সকালে যখন সবাই আসবে তখন এলেই ত ভাল হয়, এখন এই অন্ধকারে—তা ছাড়া একটু বিশ্রাম করছি, কিন্তু ভদ্রলোক বললেন সকালে তাঁর সময় হবে না। অগত্যা আমরা চুপ করে রইলুম তিনিও চুপ করে বসে রইলেন—সম্পূর্ণ অপরিচিত একজন লোক, একটু অস্বাভাবিক লাগছিল। কিছুক্ষণ বাদে লোকটী বললেন ওঁকে বলুন একটা অটোগ্রাফ লিখে দিতে, কিন্তু আমার দ্বারা সে কাজ করান তখন সম্ভব ছিল না কারণ শরীর তখন ওঁর খুবই অসুস্থ—এত অকাজ করবার মত ত নয়ই। কাজেই আবার সেই নীরবতা। আমরা দুটি মেয়ে সেখানে বসেছিলুম দুজনেরই মনে হচ্ছিল arico-nut। ভদ্রলোক চলে যেতেই কবি বলে উঠলেন ‘এয়ে সুপুরীর বাড়া হোলো।’ আজ মনে পড়ছে গতবছর এমন দিনে ওঁকে কাছে পাবার আশ্চর্য সৌভাগ্য আমাদের হয়েছিল। আমাদের এখানে জনসংখ্যা অর্থাৎ শিক্ষিত লোকের সংখ্যা খুবই কম। জন্মদিন কাছ এলে আমরা ভেবেই পাচ্ছিলাম না কী করে উৎসব করব। অবশেষে অনেক পরামর্শের পর স্থির হল এখানকার পাহাড়ীদের নিমন্ত্রণ করা যাবে। তথাকথিত হোমরা-চোমরাদের নিমন্ত্রণ অনেক হয়ে থাকে কিন্তু এই চাষাভূষা কুলী মজুরদের নিয়ে আনন্দ করবার একটা নতুনই আছে। সেদিন সকাল বেলা একজন বৌদ্ধ নেপালী বৃদ্ধ এসে বললেন আমি আপনাকে স্তব শোনাব—সকাল বেলা স্নান সেরে বারান্দায় একপাশে বসেছিলেন ধূপ-ধূনো ও মালাচন্দনের মূহু সুগন্ধের মধ্যে সে তার অস্পষ্ট উচ্চারণে “বুদ্ধং শরণং গচ্ছামি” বলে মন্ত্রপাঠ করল। তার সহজ অনাড়ম্বর সেই সভক্তি স্তব পাঠ কবির খুব ভাল লেগেছিল। উনিও ঈশ উপনিষদ থেকে খানিকটা পড়লেন। বিকেলের দিকে প্রায় ৪০০ পাহাড়ী এসেছিল, সকলেরই হাতে কিছু ফুল তিব্বতিরা এনেছিল খর্দা—যা ওরা লামাদের পুরায়।

একটা ঠেলা চেয়ারে করে বাগানের পথ দিয়ে কবিকে নিয়ে যাওয়া হচ্ছিল। প্রত্যেকে একটা একটা ফুল বা তোড়া দিয়ে নমস্কার করে সরে যেতে লাগল। সে একটা সুন্দর ছবি, এরা যে এমন করে ফুল উপহার দিতে জানে তা আমি আগে কখনও মনে করিনি। কিছুক্ষণ তিব্বতী

নাচের পর পাহাড়ীদের আহা-পর্ব। আমরা নিজেরাই পরিবেশন করেছিলাম সমস্তক্ষণ। তাদের মাঝখানে কবি বসেছিলেন। সেইদিন জন্মদিন বলে তিনটে কবিতা লিখেছিলেন তার মধ্যে বুদ্ধভক্তের কথা আছে। সে কবিতাগুলো সচ প্রকাশিত 'জন্মদিন' নামে কবিতার বইতে থাকবে।

তারপর দিনই সুরেন্দ্রনাথ ঠাকুরের নিদারুণ মৃত্যু সংবাদ পেয়েছিলেন।

আমি শুনেছিলাম কবির এখানে থাকাকালীন দৈনন্দিন জীবন যাত্রা সম্বন্ধে—আমার কিছু লেখা আপনারা চান কিন্তু তাঁর সম্বন্ধে কিছু লিখতে গেলে সবচেয়ে এই কথাটাই মনে জাগে কতটুকু তাঁকে চিনি বা জানি। যেখানে তাঁর সত্যকার জীবন সেখানে উনি সুন্দর। আমাদের মত মানুষের ধারণার চাইতে বহু বিস্তৃত তার পরিধি। কতদিন সকাল বেলায় দেখেছি রেডিওতে খবর শোনবার পর জগৎব্যাপী দুর্দশার কাহিনীতে, চামানার মর্মঘাতী দুঃখে কী দারুণ দুঃখই তিনি অনুভব করেছেন, সে একটা মৌখিক হা-হতাশ নয় সত্যকার তীব্র অনুভূতি। সব চেয়ে আশ্চর্য এই যে উনি বড় কিন্তু ছোটকে বাদ দিয়ে নয় ছোটকে গ্রহণ করে।

একদিন আমাদের বেহারাকে একটা বিছে কামড়েছিল ঔষধ দিয়ে দিয়ে যতক্ষণ তার যন্ত্রণা না কমল ততক্ষণ তাঁর বিরাম ছিল না। যখন জগৎব্যাপী আন্দোলনের কথা চিন্তা করতেন তখনও ঘরের কোনের তুচ্ছতম মানুষের প্রতি দেখেছি তাঁর সমান বেদনা। কত গভীর চিন্তায় মগ্ন থেকেছেন কত লিখেছেন অথচ সহজ সরল ভাবে প্রত্যেকের সঙ্গে তাঁর ব্যবহার হাস্য-পরিহাস একটুও ব্যাহত হয়নি। তাই বলছিলাম কবি মহৎ, অনন্যসাধারণ কিন্তু নিজেকে পৃথক করে নয়। সকলের মধ্যে থেকেই সকলের উর্ধে তিনি, সে তাঁর আশ্চর্য ক্ষমতার আর একটা নিদর্শন।

সকাল বেলা যখন চুপ করে চোঁকিতে বসে থাকেন ভোর বেলায় রোদ এসে গায়ে পড়ে তখন তাঁকে দেখবার সৌভাগ্য যাদের হয়েছে তারা নিশ্চয়ই অনুভব করেছেন উনি বহু দূরের মানুষ—সকলের মাঝখানে থেকে সকলের অতীত। অথচ কিছুক্ষণ পরেই দেখেছি আমার খুকুর সঙ্গে ছড়া বলছেন আনন্দে। যেখানে কবি গভীরতম মানব তাঁর সেখানকার প্রকাশ তাঁর কাব্যে, গানে, কবিতায় সেই পরম মানবের অলৌকিক অনির্বচনীয় স্পর্শ অনেকেই পেয়েছেন।

কিন্তু তাঁর প্রত্যাহের এলোমেলো ক্ষণগুলোরও একটা উজ্জ্বল প্রাণময় রূপ আছে। তাই বলছিলাম যেমন তাঁর ছোট ছোট চিঠিগুলোরও একটা বিশেষ সৌন্দর্য আছে তেমনি তাঁর প্রত্যেকটা কথা প্রত্যেকটা ব্যবহার যে কত সুন্দর কত উপভোগ্য ও মনোরম তা লিখে বা অন্য কোনও উপায়েই বোঝান যায় না। যেমন প্রাণীকে চিরে চিরে খুঁজলে তার প্রাণ পাওয়া যায় না তেমনি মানুষের কথাকে টুকে রেখে খুঁচিয়ে দেখলে তার প্রাণময় রূপটা হারিয়ে যায়।

সুত্বর্লভ প্রতিভা তাঁর অক্ষয় রূপ নিয়েছে রচনায়, কিন্তু সর্বতোমুখী প্রতিভার কিছু কিছু হারিয়েও গেল, এক তাঁর মধুর কণ্ঠের গান, অন্য তাঁর প্রাত্যহিক জীবন। এর মূল্যও কম নয়। মাত্র ছচার জন ঘাঁরা তাঁর নিকটে আসবার সৌভাগ্য লাভ করেছেন, তাঁদের আজীবন একটা আনন্দচ্ছবি স্মৃতিতে উজ্জ্বল হয়ে থাকবে।

অনেক তরুণ এবং পদগোরবে ওর চাইতে নিম্নতর—এই পরিচয় লাভটা একেবারে আকস্মিক নয়, এটা ছিল অনেকটা মৃত্যুঞ্জয়ের চরিত্রানুগত।

সেদিন সন্ধ্যাবেলা মৃত্যুঞ্জয় কণ্ঠা ও কিরীটের সঙ্গে বসে চা পান ক'চ্ছিল। মৃত্যুঞ্জয় রেকাব হ'তে একখানা নিম্‌কি মুখে পুরে ব'ল্ল “বাঃ আজ যে বেশ নিম্‌কি হয়েছে মিতি মা! তুমি করেছ বুঝি” ? মৈত্রী উত্তর দিল “না-ত! রাম ঠাকুরই'ত করেছে”। কিরীট কথায় যোগ দিয়ে ব'ল্ল “তুমি আবার নিম্‌কি ভাজ'তে জান না কি মৈত্রী।” মৈত্রী কিরীটের চায়ের পেয়ালাতে চিনি নাড়তে নাড়তে ব'ল্ল “জানি কিছু কিছু কিন্তু আপনি অত বিস্মিত হচ্ছেন কেন” ?

কি—বিস্মিত হ'চ্ছি এই জন্য যে তোমায় ত আমি কখনও রান্নাঘরের দরজায়ও দেখিনি।

মৃ—না হে কিরীট, এটা তোমার ভ্রান্ত ধারণা! মিতি ত কবে থেকেই বল'ছে আমাদের শোবার পাশের ঘরে গ্যাসের উনুন বসিয়ে দিতে। বাড়ীওয়ালাকে বলেও ছিলাম আমি ছ'একবার কিন্তু ভদ্রলোক শোনে কই আমার কথা।

কিরীট কথা না বলে চোখ ছুটো ঈষৎ বড় করে এবং ঈষৎ হেসে চায়ের পেয়ালায় চুমুক দিল। মৈত্রী সেটা লক্ষ করে ব'ল্ল “আপনি হাসছেন যে ?”

কি—দেখ মৈত্রী আমি ভাব'ছিলাম যে ঠিক গ্যাসের উনুনের অভাবেই কি তোমার রান্না করা হচ্ছে না।

মৈ—আমার যদি আদৌ রান্না ক'ত্তে ইচ্ছা নাও হয়, সেটা কি অত দোষের ব্যাপার হবে।

মৃ—আমরা সবাই চাই বটে কিরীট যে মেয়েরা রান্না-বান্না দেখুক কিন্তু আমরা রান্নার ব্যবস্থা করি কি রকম—না বাড়ীতে যে ঘর সব চাইতে ছোট, অন্ধকার এবং অব্যবহার্য, সেটাকেই করি রান্নাঘর এবং প্রত্যাশা করি সেই-বুল মাখা অপরিসর ঘরে, জলে ভিজা মেজের উপর দাঁড়িয়ে মেয়েরা সকালে বিকালে ঘণ্টা ছুতিন আগুনের তাতে তাতুক। এ রকম ব্যবস্থা আমার মতে নিছক বর্বরতা।

মৈ—সে কথা ছেড়েই দাওনা কেন বাবা! আসল কথা সবাই ভাবে রান্নাটা হবে মেয়েদেরই একচেটে কাজ। আমি বলি তা কেন হবে? এই যে কিরীটবাবু আপনি অত করে আমার রান্নার অভ্যাস আছে কিনা খোঁজ নিচ্ছিলেন কিন্তু বলুন ত আপনার বাড়ীতে আপনার দিদি রাঁধেন কদিন এবং আপনি বা রেঁধেছেন ক'দিন?

মৈত্রীকে ক্ষেপিয়ে দওয়াই কিরীটের উদ্দেশ্য ছিল, তর্ক করা নয়, কাজেই মৈত্রীর অত সোজাসোজি প্রশ্নে সে বিব্রতই বোধ কল' কিন্তু তার কপাল ভাল, উত্তর দেবার দরকার হ'ল না,

মৈ—কিসের আবার, বিচারের মাপে ?

মৃ—তা হয় না মিত্তি ।

শ্রী—জীবনের বহু ভগ্নাংশের জন্ম চাই একটা সাধারণ ভাজক—যাকে বলি আদর্শ ।

মৈ—বুদ্ধির গুণক-ই এর পক্ষে ঢের ।

শ্রী—বুদ্ধির গুণে ভগ্নাংশকে বৃহৎ করে জড়-জগতের সত্যের আবিষ্কার হয় কিন্তু মানুষের জীবনের কোন সত্যই এঁতে যাচাই হয় না, মৈত্রী ।

মৈ—থাক্, এ আলোচনায় কোন লাভ হবে না—তা' আপনাকে আগেই বলেছিলাম ।

কি—বাস্ তাই ভাল । এবার শোন আমার দিদির অনুরোধটা—দিদি তোমায় আস্চে শুক্রবারে সন্ধ্যাবেলা আমাদের ওখানে চা খাবার নিমন্ত্রণ জানাতে 'বলেছে, তুমি আস্বে কি ?

মৈ—এঁতে না যাবার কি আছে বলুন ?

শ্রী—সে কি হে কিরীট, সেদিন যেন তোমার আমাদের ওখানে চা খাবার কথা—এমনতরই কি একটা বাড়ীতে শুনছিলাম বলে মনে হ'চ্ছে ।

কি—শুনেচ ঠিকই । আমি নিজে যাচ্ছিই তোমার স্ত্রীর নিমন্ত্রণ রাখতে । দিদিকে বলেওছিলাম সেকথা কিন্তু তা হ'লে কি হবে—সে যে নিমন্ত্রণ করে বসে আছে শৈবাল চাটুয্যে ইঞ্জিনিয়ার ছেলেটাকে, যে হালে Indian Stores Departmentএ বড় চাকুরী পে'লে । তা' হোক দিদির আমার বিবেচনা আছে, বলেচে আমার থাকতে হবে না, তবে মৈত্রীকে নিমন্ত্রণ করে ওর আসার ব্যবস্থা করতে । আমার গা' এখন হালকা, তবে দেখ্ তোমার ওখান থেকে চা খেয়ে যদি এঁদের দলে ভিড়তে পারি ।

মৃ—তোমরা যখন কেউই আস্চনা শুক্রবারে, আমি তবে হাঁটতে হাঁটতে ময়দানের দিকেই যাব এবং ফেরবার মুখে না হয় তোমাদের বাড়ী থেকে মিত্তিকে নিয়ে আস্বে ।

মৈ—তোমার আমায় আনতে যেতে হবে না । তুমি যাই বল বাবা, তোমার আমায় কিছুক্ষণের জন্মও ছেড়ে থাকতে কষ্ট হয়—এটা ভাল না ।

শ্রীমন্ত ও কিরীট মুখ টিপে টিপে হাসতে লাগল ।

অপ্রতিভতার বোধটা কাটিয়ে' সহজভাবে মৃত্যুঞ্জয় বলল "দূর মেয়ে কি বল্ছিস্" ?

"হ্যাঁ বাবা, ঠিকই আমার এ ধারণা । তোমার মনটা ওরকম ছিল না আগে । আমার যত বয়স হ'চ্ছে, তুমি যেন ততই দুর্বল হয়ে পড়চ ।"

মৃত্যুঞ্জয় এবার হেসে উঠে আগন্তুকদের প্রতি তাকিয়ে বল্ল "মিত্তি কি বলেচে শোন তোমরা" ।

অপরের কোন মন্তব্য করবার কোন সুবিধা হ'ল না কারণ এমনি সময়ে নীচে মৃত্যুঞ্জয়ের ছুজন পেনশনার-বন্ধুর ডাক শোনা গেল । নিস্তারণ মিত্র ও রসময় রায় ছুজনের সঙ্গে, বিশেষতঃ প্রথমোক্ত ভদ্রলোকটির সঙ্গে কিরীট ও শ্রীমন্তের পূর্বেই বারকয়েক সাক্ষাৎ হয়েছিল এবং সেই সব সাক্ষাতের ফলে যুবকেরা তৎক্ষণাৎ বৈঠক ভঙ্গ দেওয়াই সমীচীন মনে করল—গৃহকর্তার নিষেধ সত্ত্বেও । মৈত্রীও এঁদের সঙ্গে সঙ্গে অন্য ঘরে পালাল । পালাল বিশেষ করে এই জন্ম যে সে জান্ত ওর ডাক পড়বেই এবং হিতবাক্য যত কম শোনা যায় তত কম শোনাই ছিল ওর অভিপ্রায় ।

(ক্রমশঃ)

পথ চলে

করুণাময় বসু

পথ চলে পথ চলে কোথা তার সীমার সঙ্কেত ?
অদৃষ্ট অদৃশ্য থাক নাহি মানি বন্ধন নিষেধ,
যুগ্মমান গ্রহচক্রে পৌরুষের পূর্ণ পরাভব ;
সর্বহারা শূন্যতার মাঝখানে জীবনের অপূর্ব উৎসব ।
উদয় দিগন্ত হ'তে চির-অন্ধ অস্ত-গিরি বাঁকে
যে পথ হয়েছে শেষ সেই পথ বুঝি মোরে ডাকে ;
আমার রক্তের মাঝে শুনিতেছি সমুদ্রের গান,
যেন কোন পথ হারা দেবতার দূর হ'তে অদৃশ্য আহ্বান ।

পথ চলে, পথ চলে, কে যেন ডাকিছে মোরে,
কোথায় চলেছে পথ রুম্ম রৌদ্রে, মরুপ্রান্তে, পর্বত শিখরে,
স্বাধীন পার্বতা জাতি ঘর বাঁধে ঘর ভাঙে যেথা ;
শাসনশৃঙ্খলা নাহি মানে ছুর্বিনীত স্বপ্রতিষ্ঠ চেতা,
ছুর্ধর্ম, আপন শক্তিতে বীর্যবান ;
চড়াই উৎরাই পথ সে পথের দিয়েছে সন্ধান ।

মানুষের পায়ে চলা পথ
নিঃশব্দ অব্যক্ত মৌনভাবে কাঁদাইছে রাত্রির জগৎ,
মানুষের জন্ম ইতিহাস
একেকটি পাতা খুলি বিস্মৃত কাহিনীচ্ছিন্ন করিছে প্রকাশ ;
ভাষা দেয় মৌন বেদনারে
প্রাণের আলোর আভা নিষ্কপিয়া অদৃশ্য আধারে ।

এই পথে মাধবীর ছায়াবীথি তলে
কবে কোন অন্ধকারে গ্রামের বধূরা গেছে চলে
অতীত অম্পষ্ট গুণনছায়া মেলি ;
সেদিনের গন্ধ আনে পথ প্রান্তে জেগে-ওঠা এ দিনের সন্ধ্যার চামে

পথ চলে, পথ চলে, এ পথের কোথা হবে শেষ ?

ঘরছাড়া পাখীরা যেমন শূন্য পথে খোঁজে কোথা দেশ,
তরঙ্গ তর্জনী নাহি মানি, নাহি মানি সমুদ্রের সীমা,
ছুরন্ত পাখার বেগে রাঙাইয়া সন্ধ্যার রক্তমা।

পথ চলে, পথ চলে নিঃশব্দ গম্ভীর অন্ধকারে
আজ নয় কাল নয় কাল কালান্তরে ;
মৃত্যুহীন নৈঃশব্দের পারে
বিদ্যুতের বিদীর্ণ শিখাতে,
অন্ধ অধরাতে।

আজ যেন শুনিতেছি শব্দহীন পথের আহ্বান
অনন্ত আঁধার অরণ্য হ'তে
পর্বত শিখর প্রান্তে চিরস্বপ্ন ছায়ায় আলোতে
মমের নিঃশব্দ মন্ত্রে বাসনার পূর্ণ অবসান ;
সর্বরিক্ত সন্ন্যাসীর সর্বশেষ গান।

সায়াহুর বিষন্ন অধরে
কার বাণী তারার অক্ষরে
যেন লেখা আছে,
এই পথে আসিবে কি কাছে।
এই পথে রাত্রদিন
মানুষ চলেছে তৃপ্তিহীন,
আজ নয়, কাল নয় যুগ হ'তে যুগান্তর ধরে ;
রাজ্য হ'তে বনতলে গৃহ হ'তে গৃহশূন্য উন্মুক্ত প্রান্তরে।

পরিবর্তে চালই লোকের মুখ্য খাদ্য। তার উপর চাল সিদ্ধ করিলেই ভাত হয়, সুতরাং তাহার জন্ম বেশী পরিশ্রমের আবশ্যক হয় না; গম সে ভাবে খাওয়া চলে না। গম পিষে আটা প্রস্তুত হয়, সেই আটা মেখে, ডলে, নেচি করে, বেলে হয় রুটি, তাও আবার ভাল করে সেকতে হয়; সুতরাং গম হতে আরম্ভ করে সুখাঢ় রুটি পর্যন্ত স্তরগুলি অনেকটা আয়াস সাধ্য! উপরন্তু এই সকল অঞ্চলে জলীয় হাওয়ার জন্ম ঘরে আটা বেশীদিন মজুত রাখাও চলে না, এবং অল্পপ্রদেশ হইতে আমদানি করতে হয় বলে গরীবের পক্ষে আটার দাম চাল থেকে অনেক বেশী পড়ে। এই সকল নানাকারণে বাঙ্গালী সখ করে নয় একরকম দায়ে পড়ে 'ভেতো' অপবাদ নিতে বাধ্য হয়। তার উপর দরিদ্র যারা, খাড়ে চর্বিজাতীয় পদার্থের অল্পতাবশতঃ উপযুক্ত কার্যক্ষমতা লাভের জন্ম কম খরচে খাড়ে ভাতের পরিমাণ বৃদ্ধি করে নিজের অজ্ঞাতসারে নিজের জন্ম দৈনন্দিন যথোপযুক্ত 'কেলরির' ব্যবস্থা করে নেয়। প্রায়ই দেখা যায় যারা খেটে খায়, তারা আতপচালের পরিবর্তে সিদ্ধচালই বেশী পছন্দ করে। জিজ্ঞাসা করলে বলে, যে সিদ্ধচালে নাকি অনেকক্ষণ পর্যন্ত উদরপূর্ণ থাকে এবং পুনরায় খিদে পেতে সময় লাগে। আতপচাল অপেক্ষা সিদ্ধচাল হজম হতে অধিক সময় লাগে কি না, তা পরীক্ষা-সাপেক্ষ; কিন্তু সিদ্ধচালে যে আতপচাল অপেক্ষা আমিষ, ক্যালসিয়াম ও ফস্ফরাস এবং খাদ্যপ্রাণ 'বি' অনেক বেশী থাকে সে সম্বন্ধে কোন সন্দেহ নাই। যখন ধান সিদ্ধ করা হয় তখন ঐ পদার্থগুলি চালের উপরে লাগে পাতলা আবরণ থাকে তুলনাকার অভ্যন্তরে প্রবেশ করে; সুতরাং কলে ছাটা হলেও সেগুলি আতপচালে যতটা নষ্ট হয় ততটা নষ্ট হতে পারে না। তবে প্রায়ই দেখা যায়, যে ভাত প্রস্তুত করবার পূর্বে, চাল অসংখ্যবার ধুয়ে পরিষ্কার করা হয়, তাহাতে চাল ঢেঁকি ছাটা হউক আর কলে ছাটাই হউক, ঐ সকল অত্যাৱশ্যকীয় পদার্থগুলি জলের সঙ্গে পরিত্যক্ত হয়। তারপর যখন ভাত সিদ্ধ হলে উত্তমরূপে ফেন গালিয়া তাহাও ফেলিয়া দেওয়া হয়, তখন ভাতে শুধু শর্করা জাতীয় জ্বা ছাড়া আর বিশেষ কিছুই থাকে না। সুতরাং অধিক পরিমাণে ক্রমাগত ভাত খেলে, যক্ষ্ম ও অন্যান্য পরিপাকযন্ত্রের উপর অত্যধিক চাপের ফলে নানাবিধ রোগের উৎপত্তি হতে পারে; এইজন্যই খাড়ে ভাতের পরিমাণ যাতে অত্যধিক না হয় সেই দিকে দৃষ্টি রাখা উচিত।

খাদ্য তথ্য-অনুসন্ধানের ফলে জানা গেছে যে আমাদের খাড়ে ক্যালসিয়াম, ফস্ফরাস, আয়রণ প্রভৃতি ধাতব লবণের পরিমাণ প্রয়োজনাপেক্ষা অনেক কম আছে। প্রথমোক্ত দুটির পরিমাণ হুধে বেশী থাকে সুতরাং হুধ অত্যাৱশ্যকীয় খাদ্য। কিন্তু আজকাল নানাকারণে বাংলাদেশে সর্বত্রই হুধের বিশেষ অভাব এবং শতকরা নব্বুইজনের পক্ষে হুধ খাওয়া একটা হুমূর্ত্য বিলাসেরই নামান্তর। যে প্রদেশে শতকরা নিরান্নবুই জনই চাষী, সেখানে চাষবাস ও স্বাস্থ্য সম্পূর্ণ নির্ভর করে ভূমি ও গোধনের উপর। গরুর সাহায্যে আমরা চাষ করি, আবার গরুর হুধও খাই। সুতরাং আমাদের খাড়ের ব্যবস্থা ও চাষবাসের সঙ্গে অবিচ্ছেদ্যভাবে জড়িত গরুর খাড়ের ব্যবস্থারও

একান্ত প্রয়োজন। সেদিকে আমাদের দৃষ্টি না থাকাতে বাংলাদেশের সর্বত্র গোচারণ ভূমির একান্ত অভাব। তার উপর সমগ্র বাংলাদেশে প্রত্যহ রসনাতৃপ্তিকর খাওয়ার জন্য লক্ষ লক্ষ মণ দুধ হতে অনেক সার পদার্থ ফেলে দিয়ে ছানা প্রস্তুত করি। এই রকম অবস্থায় বাঙ্গালীর খাড়ে যে দুধের অভাব ঘটেবে এবং ফলে ক্যালসিয়াম ও ফস্ফরাসের অভাব হেতু দেহের দীর্ঘতা ও স্বাস্থ্য বংশ পরম্পরানুসারে ক্ষুণ্ণ হতে থাকবে তাতে আর আশ্চর্য কি ?

আমাদের খাড়ে ক্যালসিয়ামের যতটা অভাব আপাতদৃষ্টিতে ফস্ফরাসের ততটা না হলেও ক্যালসিয়ামের অভাবে ফস্ফরাস কোন কাজ করতে পারে না। মাছে, ভাতে, তরীতরকারীতে ফস্ফরাস যাহা আছে পরিমাণে তাহা প্রয়োজন মিটাতে পারে, কিন্তু শস্যজাতীয় পদার্থে অধিক পরিমাণে ফাইটিন (phytin) থাকতে ইহা দেহের কোন কাজেই লাগে না। ক্যালসিয়াম ও ফস্ফরাস একে অন্যের সঙ্গে অঙ্গাঙ্গীভাবে সম্বন্ধ। যদি খাড়ে যথোপযুক্ত ক্যালসিয়াম থাকে তা হলে ফস্ফরাস ফাইটিনের প্রভাব হতে মুক্ত হয়, নিষ্ক্রিয় অবস্থা হতে সক্রিয় অবস্থায় রূপান্তরিত হয়। এইজন্য বাঙ্গালীর খাড়ে যদিও ফস্ফরাসের পরিমাণ খুব কম নয়, তবু উপযুক্ত পরিমাণে ক্যালসিয়াম এর অভাবে, যেটুকু ফস্ফরাস আছে তাহাও কোন কাজে আসে না, সুতরাং গোণভাবে ফস্ফরাসের অভাব জনিত লক্ষণগুলিও প্রকাশ পায়।

আয়রণের অভাব খাড়ে হওয়া কিছুতেই উচিত নয়, কেন না অতি অল্পখরচেই লতাপাতা, শাক প্রভৃতি হইতে এই সামগ্রী অনায়াসে গ্রহণ করা যায়। কিন্তু বাঙ্গালীর খাড়া বিচার করলে দেখা যায় যে অজ্ঞতাবশতঃ অনেকস্থলেই এই সুলভ পদার্থটি, গরুঘোড়ার খাড়া জাতীয় মনে করে পরিত্যক্ত হয়। খাড়ে উপযুক্ত পরিমাণে আয়রণের অভাবে রক্তশূন্যতা ও পরে দেহের অবসন্নতা দেখা দেয়। খাড়ে শাক লতাপাতার অভাবে অনেক সময় কোষ্ঠবদ্ধতাও জন্মে।

এর পর আসে খাড়ের অতি প্রয়োজনীয় আর একটি অংশ বিশেষ খাড়া প্রাণের কথা। খাড়াপ্রাণ 'এ' ও 'বি' ১ এর কথা পূর্বেই উল্লেখ করা হয়েছে। 'বি' ১ এর অভাব, অবহেলা ও অজ্ঞতার জন্যই হয়ে থাকে। টেকিটাটা চাল, ও ফেন ভাত খাইলে কিছুতেই খাড়ের এ প্রয়োজনীয় অংশটুকুর অভাব হতে পারে না। বাঙ্গালীর খাড়ে ফলমূল একটা অতি অনাবশ্যক দ্রব্যের তালিকাভুক্ত। আর্থিক হিসাবে খুব সচ্ছল ঘাঁরা, কেবল তারাই সম্বৎসরে নানারকমের ফলমূল আহাৰ করেন। সর্বসাধারণ কেবল মরশুমী ফল ছাড়া যেমন আমের সময় আম, কমলালেবুর সময় কমলালেবু প্রভৃতি কদাচিত্ অল্প ফলের আশ্বাদন গ্রহণ করতে পারে। একেত বাংলা দেশে ফলের চাষ খুবই কম, তার উপর বড় বড় সহর ছাড়া অজ্ঞতা ও দুর্মূল্যতাবশতঃ চাহিদাও খুব কম। এইজন্যই ফলের অভাবে খাড়াপ্রাণ 'এ'র প্রাথমিক ক্যারোটিন নামক পদার্থ ও খাড়াপ্রাণ 'বি'র অভাব ঘটে। ওদিকে জান্তব চর্বির অভাবে খাড়াপ্রাণ 'এ'র অভাবহেতু নানা চক্ষুরোগ, হৃকরোগ ও পরিপুষ্টির অভাব দেখা দেয়। আবার খাড়ে ফলের অভাবে খাড়াপ্রাণ 'সি'র অভাবহেতু, স্কার্ভি,

ও নানা মারাত্মক সংক্রামক রোগ দেখা দেয়। খাদ্যপ্রাণ 'বি' ২র অভাবে যদিও পেলাগ্রা নামক র্যাধি এইদেশে বিরল, তবু কখনও কখনও চৌচের কোনে ও জিহ্বার উপর পেলাগ্রা জাতীয় ক্ষত দেখিতে পাওয়া যায়। দুধ, মাংস প্রভৃতির অভাবেই ইহা ঘটে। আমিষের কথা বলতে গিয়ে ইচ্ছাবশতঃই মাংসের উল্লেখ করি নাই, কেন না, বাংলাদেশে জাতিধর্ম-নির্বিশেষে কেহই পর্কাদি উপলক্ষ ছাড়া মাংস বড় একটা আহার করেন না।

এই ত গেল আমাদের খাদ্যে দোষ-ত্রুটির মোটামুটি একটা আভাষঃ এখন অল্প খরচে বাঙ্গালীর খাদ্যকে যাহাতে যথোপযুক্ত ও সুসামঞ্জস করা সম্ভব, ছুচারি কথায় তাহারই একটা নির্দেশ নিয়ে দেওয়া গেল।

আহারের তালিকায় ভাতের পরিমাণ যাহাতে দিনে কিছুতেই দেড়পো'র বেশী না হয় তাহাই করা উচিত। ঢেঁকিছাঁটা আতপ চাল অথবা সিদ্ধ চালই সবদা)খাওয়া আবশ্যিক। চাল বেশী না ধুয়ে যাহাতে ফেন সমস্তই ভাতে থাকে তাহাই করতে হবে। সম্ভব হলে দিনে একবার ভাতের সঙ্গে ছুচার খানি আটার রুটী অথবা পুরী খেলে ভাল হয়। খাঁটি সরিষার তেল ব্যবহার করা উচিত, অগ্ন্যথায় ভেজাল অথবা দূষিত তেলের জন্ম শোথ্ প্রভৃতি রোগ দেখা দিতে পারে। প্রত্যহ সম্ভবপর না হলেও মাঝে মাঝে ঘি, মাখন প্রভৃতি কিছু কিছু খাওয়া উচিত। বাঙ্গালীর খাদ্যে ডাল ভাতের সঙ্গে মাছের প্রাধান্যটুকু ঠিক রাখতে হবে। মাংস না হলেও চলে, যদি খাদ্যে দুধ ও ডিম প্রভৃতি তার অভাব পূরণ করতে পারে। মোটকথা প্রাণীদেহজাত আমিষ, খাদ্যের আমিষের পরিমাণের অন্ততঃ এক তৃতীয়াংশ হওয়া চাই। সম্ভব হলে সকলেরই অগ্ন্যথায় শিশু রোগী ও প্রসূতির পক্ষে দুগ্ধপান অবশ্য কর্তব্য। যদি অর্থাভাবে ইহা সম্ভবপর না হয়, তাহা হইলে প্রত্যহ ৫—১০ গ্রেণ ক্যালসিয়াম ল্যাক্টেট, অথবা ডাইক্যালসিয়াম ফস্ফেট খাওয়া উচিত ; ইহাতে ক্যালসিয়াম ও ফস্ফরাসের অভাব কতক পরিমাণে দূর করা যাইতে পারে। প্রত্যহ প্রচুর পরিমাণে লতাপাতা, শাক, সজ্জী খাওয়া উচিত, কেননা তাহাতে কোষ্ঠবদ্ধতা ও রক্তশূন্যতা দূর হয়। বাঙ্গালীর খাদ্যে ফলমূলের অংশ অবশ্যই বাড়াইতে হইবে। যাহাতে ক্যারোটিন, খাদ্যপ্রাণ 'সি' প্রভৃতির অভাব না হইতে পারে। অভাবে সদ্যঅঙ্কুরিত ছোলা, মুগ প্রভৃতি এবং টমেটো, স্মালাড্ প্রভৃতি কাঁচা খাওয়া উচিত। কিন্তু এগুলি তার পূর্বে পটাস্-পারমেঙ্গানেট দিয়ে ধুয়ে নিতে হবে। শাক-শজ্জী বেশীক্ষণ সিদ্ধ অথবা ভাজা করে খাওয়া উচিত নয় কেন না, তাতে খাদ্যপ্রাণ 'সি' একেবারেই নষ্ট হয়ে যায়। গরম তেল কি ঘিতে ছু'তিন মিনিট ভাজা করলে খাদ্যপ্রাণ ততটুকু নষ্ট হয় না, যতটুকু অনেকক্ষণ ধরে ভাজা করলে অথবা সিদ্ধ করলে নষ্ট হয়। খাদ্যপ্রাণ 'বি ২'র প্রয়োজন অল্পাধিক দুধ অথবা মাংসে মিটতে পারে।

এই গেল প্রত্যেকের নিজস্ব কর্তব্য। এই সম্বন্ধে প্রদেশের গবর্নমেন্টের কর্তব্য ও যথেষ্ট আছে। জন স্বাস্থ্য-বিভাগের কর্তব্য খাদ্যা-খাদ্য সম্বন্ধে লোকের অজ্ঞতা দূর করা, চালের কলগুলি

রূপ যে প্রত্যহই ক্রমশঃ উৎকট হয়ে উঠেছে সে যদি ভারত-শাসন যন্ত্রের উদ্ভবের কোনো এক গোপন কেন্দ্রে প্রশ্রয়ের দ্বারা পোষিত না হোত তা হলে কখনই ভারত ইতিহাসের এত বড়ো অপমান-কর অসভ্য পরিণাম ঘটতে পারত না। ভারতবাসী যে বুদ্ধি, সামর্থ্য কোন অংশে জাপানের চেয়ে ন্যূন একথা বিশ্বাস-যোগ্য নয়। এই দুই প্রাচ্য দেশের সর্বপ্রধান প্রভেদ এই, ইংরেজ শাসনের দ্বারা সর্বতোভাবে অধিকৃত ও অভিভূত ভারত, আর জাপান এইরূপ কোনো পাশ্চাত্য জাতির পক্ষচ্ছায়ার আবরণ থেকে মুক্ত। এই বিদেশীয় সভ্যতা, যদি একে সভ্যতা বলা, আমাদের কী অপহরণ করেছে তা জানি, সে তার পরিবর্তে দণ্ড হাতে স্থাপন করেছে যাকে নাম দিয়েছে Law and order, বিধি এবং ব্যবস্থা, যা সম্পূর্ণ বাইরের জিনিস বা দারোয়ানি মাত্র।* * *

ভাগ্যচক্রের পরিবর্তনের দ্বারা একদিন না একদিন ইংরেজকে এই ভারত সাম্রাজ্য ত্যাগ করে যেতে হবে। কিন্তু কোন্ ভারতবর্ষকে সে পিছনে ত্যাগ করে যাবে, কী লক্ষ্মীছাড়া দীনতার আবর্জনাকে! একাধিক শতাব্দীর শাসন-ধারা যখন শুষ্ক হয়ে যাবে তখন এ কী বিস্তীর্ণ পক্ষশয্যা দুর্বিসহ নিফলতাকে বহন করতে থাকবে। জীবনের প্রথম আরম্ভে সমস্ত মন থেকে বিশ্বাস করেছিলুম যুরোপের সম্পদ অন্তরের এই সভ্যতার দানকে। আর আজ আমার বিদায়ের দিনে সে বিশ্বাস একেবারে দেউলিয়া হয়ে গেল।

(রবীন্দ্রনাথ ঠাকুর—বৈশাখ, ১৩৪৮)

মিস্ রাথবোনের পত্রোত্তরে রবীন্দ্রনাথ

“ভারতীয়দের উদ্দেশ্যে লিখিত মিস্ রাথবোনের খোলা চিঠি দেখে আমি গভীর ভাবে ক্ষুব্ধ হয়েছি.....বৃটিশ জাতির চিন্তা ধারার সঙ্গে এতটা ঘনিষ্ঠ সংস্পর্শে এসেও এখনও যে আমরা আমাদের দরিদ্রদেশের স্বার্থ সম্বন্ধে সামান্যও চিন্তা করে থাকি আমাদের এ অকৃতজ্ঞতা দেখে তিনি বিশ্বয় অনুভব করেছেন।* * *

ইংরেজী ভাষাই আমাদের জ্ঞানলাভের একমাত্র বাহক বলে স্বীকার করলেও বৃটিশজাতির চিন্তাধারার সঙ্গে এতটা ঘনিষ্ঠ সম্পর্কের ফল দাঁড়িয়েছে দুই শতাব্দী ইংরেজ শাসনের পরেও ১৯৩১ সনে লোকসংখ্যার শতকরা মাত্র একভাগ লোক ইংরেজীশিক্ষিত—অথচ রাশিয়ায় ১৯৩২ সনে মাত্র ১৫ বৎসর সোভিয়েট শাসনের ফলে শতকরা ৯৮ ভাগ বালক-বালিকা শিক্ষার সুযোগ পাচ্ছে।

দু’শ বছরের ওপরে জাতির সকল ঐশ্বর্যের চাবিকাঠি নিজেদের আয়ত্তে রেখে এদেশকে শোষণ করল যারা আমাদের স্বদেশবাসীর জন্ত তারা কি করেছে? যে দিকে তাকাই চোখে পড়ে একমুঠো। অল্পের কাঙ্গাল অনশনক্রিষ্ট, শীর্ণ দেহগুলি। আমি দেখেছি গ্রামে মেয়েরা কি ভাবে কয়েককোঁটা পানীয় জলের জন্ত কাঁদা খুঁড়ছে কারণ ভারতের গ্রামে বিদ্যালয়ের চাইতেও কৃষোর অভাব বেশী।

আমি জানি আজ ইংলণ্ডের অধিবাসীদের সামনে আসন্ন অনাহার অপেক্ষা করে আছে, তাদের জন্ত আমার সহানুভূতি রয়েছে। কিন্তু যখন দেখি বৃটিশের সমস্ত নৌ-শক্তি বৃটিশ উপকূলে ঋণ পৌছে দিতে নিষ্কৃত এবং তারই সাথে যখন মনে পড়ে অনাহারে আমার দেশ-বাসীকে মরতে দেখেছি, প্রতিবেশী অঞ্চল থেকে একগাড়ী চাল পর্যন্ত তাদের দ্বারে পৌঁছায়নি তখন বৃটেন ও ভারতে ইংরেজের ব্যবহারপার্থক্য লক্ষ্য না করে পারিনা।

তবে কি খাচ দানের জন্ত না ইউক আইন ও শৃঙ্খলা রক্ষার জন্ত বৃটিশদের প্রতি আমাদের কৃতজ্ঞ হওয়া উচিত!

চারদিকে তাকিয়ে দেখি সমস্ত দেশময় সাম্প্রাদায়িক দাঙ্গা চলেছে, তাতে বহুসংখ্যক ভারতীয় জীবন হারাচ্ছে, আমাদের সম্পত্তি লুণ্ঠিত, আমাদের মা বোন অপমানিত হচ্ছে কিন্তু শক্তিশালী বৃটিশবাহু বিন্দুমাত্রও সক্রিয় হোচ্ছেনা, কেবল আমাদের ঘর সামলাতে পারিনে বলে সাগরপার থেকে বৃটিশ কণ্ঠ ধিক্কার দিচ্ছে।

অস্বধারী যোদ্ধাকেও প্রবলতর শক্তির সামনে হটে যেতে হোয়েছে ইতিহাসে এরূপ দৃষ্টান্তের অভাব নেই। উন্নততর অস্ত্রবলের দ্বারা অভিভূত হয়ে সাহসিকতম বৃটিশ, ফরাসী ও গ্রীক সৈনিক রণক্ষেত্র পরিত্যাগ কোরে যেতে বাধ্য হোয়েছে বর্তমান যুদ্ধেও এ দৃষ্টান্ত আছে। কিন্তু যখন অস্ত্রশস্ত্রহীন আমাদের অসহায় কৃদকবৃন্দ শশস্ত্র গুণ্ডার হাত থেকে আত্মরক্ষায় অসমর্থ হয়ে ক্রন্দনরত শিশুদের নিয়ে পালিয়ে যেতে বাধ্য হয় আমাদের কাপুরুষতার ইংরেজ রাজপুরুষদের মুখে তখন বিক্রমের বক্র হাসি দেখা দেয়।

ইংলণ্ডের সমস্ত নাগরিক আজ শত্রুর হাত থেকে পরিবার ও গৃহ রক্ষা করার জন্ত সশস্ত্র, কিন্তু ভারতে লাঠিচালনা শিক্ষাও আইন করে বন্ধ করে দেওয়া হোয়েছে। আমার দেশবাসীকে নিরস্ত্র এবং ক্লীব করে রাখা হোয়েছে যাতে এরা সশস্ত্র প্রভুদের প্রতাপে অভিভূত থাকে ও চিরকাল তাদের উপর নির্ভর করে থাকতে বাধ্য হয় * * সকল গভর্নমেন্টকেই জনসাধারণের মঙ্গলবিধান কতখানি করতে পেরেছে তা দিয়েই বিচার করতে হবে, তার মুখপাত্রদের বড় বড় কথা দিয়ে নয়। ইংরেজেরা কেবল মাত্র বিদেশী, বলেই যে অবাঞ্ছনীয় তা নয়। আমাদের কল্যাণের রক্ষক বলে দাবী করে তারা গুরুতর বিশ্বাসঘাতকতা করেছে এবং নিজের দেশের মুষ্টিমেয় পূঁজিদারদের পকেটপূর্তির জন্ত ভারতের কোটি কোটি জনসাধারণের সকল প্রকার স্বত্বস্ববিধাকে বলি দিয়েছে। এ সকল অত্যাচার সম্পর্কে স্বেচ্ছা স্পন্ন যে কোনও ইংরাজ অন্ততঃ নীরব থাকবেন এবং আমাদের নিষ্ক্রিয়তার জন্ত কৃতজ্ঞ হবেন বলেই মনে করেছিলাম কিন্তু তারা যে এই ভাবে আমাদের ক্ষতের উপরে নূনের ছিটে দিয়ে আঘাতের উপর অপমান চাপাবেন—এটা সমস্ত শালীনতার সীমাকে ছাড়িয়ে গেছে।”

(এসোসিয়েটেড প্রেস—৪ঠা জুন ১৯৪১)

অহিংসার সীমা—

“১৯০৮ খৃষ্টাব্দে যখন আমি আমার আত্মরক্ষার সহায়ক এবং সঞ্জীবনীশক্তিসম্পন্ন অহিংসার প্রথম প্রচার করি তখন লিখিয়াছিলাম নিরস্ত্রীকরণই ভারতে বৃটিশ ইতিহাসের সর্বাপেক্ষা কলঙ্কময় পৃষ্ঠা। ১৯১৮

খৃষ্টাব্দের সেই কথা আমি পুনর্বার বলি—তখন আমি উৎসাহের সহিত বৃটিশ সেনাদলের নিমিত্ত সৈন্যসংগ্রহে ব্যস্ত ছিলাম, যে উৎসাহের ফলে আমি ভয়ানক অমুহূ হইয়া পড়ি এবং আমার যথেষ্ট অখ্যাতি ও রটে।

আমি মনে করি অহিংসা কাহারও উপরে জোর করিয়া চাপান যায় না। ইহা হৃদয় হইতে আসে। বৃটিশরা যাহা করিয়াছিলেন, তাহা তাঁহাদের শাসনকার্যকেই নিরাপদ করিবার জন্ত, ভারতবাসীকে অহিংস করিবার জন্ত নহে। এমন কি ইহা ভারতবাসীর অনিষ্ট করিবার শক্তিটুকু পর্যন্ত অপহরণ করিয়াছে আর অক্ষমেরা কল্যাণকর কিছু কখনও করিতে পারে না। বৃটিশ রাজের একটীমাত্র প্রতিনিধি এক সহস্র গ্রাম্যব্যক্তিকে পদানত করিয়া রাখিতে সমর্থ হয় ইহাতে বৃটিশদের গৌরব বা বাহাদুরী কিছু নাই।

যাহারা অহিংস থাকিতে পারিবে না এবং থাকিতে ইচ্ছুক ও নহে তাহাদের অস্ত্রধারণের এবং সে অস্ত্রকে সুব্যবহারের নীতি আমার অহিংসায় আছে। সহস্রবার বলিয়াছি এবং আবার বলিতেছি অহিংসা সবলতমের, ধর্ম দুর্বলের ধর্ম নহে। হিংসার চেয়ে ইহা মহত্তর শক্তি এবং গুণে ও কার্যকারিতায় ইহা হিংসা হইতে সম্পূর্ণ স্বতন্ত্র।

[মহাত্মা গান্ধী ; 'টাইমস' পত্রিকায় লিখিত পত্রে]

.....যাহারা সহিংস প্রতিরোধ ভাল মনে করেন তাঁহারা কংগ্রেস হইতে বাহিরে আসিয়া নিজেরা যে ভাবে চলা ভাল মনে করিবেন সেই ভাবেই চলিবেন এবং অস্ত্রকে ও চালাইবেন। আমার বিশ্বাস, যদি এ বিষয়ে কংগ্রেস নিজের নীতি স্পষ্টভাবে ঘোষণা না করে তবে ইহা একটা অত্যন্ত নিশ্চয়োজ্ঞানীয় প্রতিষ্ঠান বলিয়াই প্রমাণিত হইবে।

যদি কংগ্রেসের বেশীর ভাগ লোকেরই মত এই হয় যে আক্রমণকারীর বিরুদ্ধে সহিংস প্রতিরোধ তাহাদের কর্তব্য এবং ইহাতে কংগ্রেসের নীতির বিরোধিতা করা হইবে না, তবে তাঁহাদের উচিত হইবে স্পষ্ট ভাবে এই মত ঘোষণা করা এবং অপরকে সেইভাবে চালিত করা। নেতৃবর্গের এই সময়ে কারাবাসের অল্প কাহারও পক্ষে আত্মমত প্রকাশে বিরত হওয়া উচিত হইবে না। যদি এই মত প্রাপ্ত হয় তবে পরে তাহা সংশোধন করা চলিতে পারে। মোট কথা, কাহারও এই সময়ে অনিশ্চয়তার মধ্যে থাকা উচিত হইবে না।.....

গুণ্ডার ভয়ে লোকে পলায়ন করিবে ইহা অসম্ভব। তাহাদের উচিত গুণ্ডাদিগকে বাধা দেওয়া—সেটা অহিংস উপায়েই হউক বা সহিংসভাবেই হউক। কংগ্রেসের নীতি যদি আমি ঠিকভাবে বুঝিয়া থাকি তবে কংগ্রেস একমাত্র অহিংস প্রতিরোধই করিতে পারে এবং তাহাদের সাফল্য নিশ্চিত। কিন্তু স্পষ্টভাবে জনসাধারণকে আমাদের জানান উচিত যে ভয়ে পলায়ন করা কাপুরুষতা। তাহাদের কর্তব্য প্রতিরোধ করা এবং যদি তাহারা অহিংস প্রতিরোধে অসমর্থ হয় তবে সহিংস প্রতিরোধ অবলম্বন করিতে হইবে।—

[মহাত্মা গান্ধী, গুজরাট প্রদেশিক কংগ্রেস কমিটির সেক্রেটারী,

ভোগীলাল লালাকে লিখিত পত্রে]

রবীন্দ্রনাথের রাজনীতি ও সমাজনীতি—

* * * রবীন্দ্রনাথের রাজনীতি ও সমাজতত্ত্ব ইংরেজের পলিটিক্যাল ফিলজফির কোটরে ঢোকে না। সেখানে রাষ্ট্র আছে; তাই স্বাধীনতার অর্থ হল ব্যক্তি বনাম রাষ্ট্র। রবীন্দ্রনাথের রাজনীতি স্বদেশী সমাজের স্বাস্থ্য প্রস্থাস নিয়ে, তাঁর সমাজতত্ত্ব নিতান্তই অর্গ্যানিক...অধিকারসর্বস্ব নয়, ত্যাগধর্মী। এই হিসেবে তিনি বহু স্বদেশী নেতার চেয়ে স্বদেশী—কারণ আমাদের সমাজটাই ঐ ধরণের—অতএব, তিনি চের বেশী রিয়ালিষ্টিক। লোকে তাঁকে যখন আদর্শবাদী বলে তখন তারা আইডিয়ালিষ্ট কপাটির অনুবাদই করে, তাঁর সম্বন্ধে সত্য ধারণার প্রমাণ দেয় না।

কিন্তু ভারতবর্ষে সামাজিকতার প্রধাত্ত থাকলে কি হয়! ভাগ্যচক্রের ঘোরে সে এসে পড়ল এমন একটা প্রান্তরে যেখানে গ্রাশনালিজমের নামে রাষ্ট্রদৈত্যের পূজা অহরহ চলছে। আমি আপনাদের রবীন্দ্রনাথের Nationalism নামে বইখানি আবার পড়তে অনুরোধ করছি। ফ্যাসিজমের জন্ম তারিখের বহু পূর্বে লেখা। আজকাল যাকে totalitarianism বলা হয়, তারই পূর্বাভাস, statism-এরই বিপক্ষে প্রতিবাদ ঐ বইখানিতে পাবেন। অবশ্য ইকনমিক ব্যাখ্যা নেই তাতে, কিন্তু তাতে প্রতিবাদের তীব্রতা কমেনি তিলমাত্র। বইখানি বেশী জনপ্রিয় হয় নি, দেশোয়ালীরা ভাবলে তিনি দেশদ্রোহিতা করেছেন, এবং বিদেশীরা ভেতরে ভেতরে ভীষণ চটে বাইরে চোঁট বেঁকিয়ে বলেন, স্বপ্নবিলাস। এখন তাঁরা বুঝছেন স্বপ্নবিলাস কি আর কিছূ! সে যাই হোক—রবীন্দ্রনাথই সর্বপ্রথম এ-দেশে রাষ্ট্র-সর্বস্বতার বিরুদ্ধে মাথা তোলেন, এটা আমাদের স্বরণ রাখা উচিত। এই সেদিনও যে সাম্রাজ্যবাদের কুফল দেখালেন তারও সংযোগ ঐ statism-এর সম্বন্ধে প্রতিবাদের সঙ্গে। তিনি স্পষ্টই বুঝিয়ে দিলেন যে ব্রিটিশ সাম্রাজ্যবাদের গোড়ায় রয়েছে ঐ রাষ্ট্রবাদ—সেটি কোনো একটি বিশেষ জাতির একচেটে সম্পত্তি নয়। রাষ্ট্রবাদ আর সাম্রাজ্যবাদ তাঁর মতে একই বস্তু, অর্থাৎ লোভের এ-পিঠ ও-পিঠ। আত্মসম্মানবোধে অনেক দূর পর্যন্ত দৃষ্টি যায়।

এই লোভের প্রকৃতি কি? উত্তরের ভাষা রুচিসাপেক্ষ। মানুষের দিক থেকে প্রকৃতিটা মানসিক, মানুষ বাদ দিলে প্রকৃতিটা ইকনমিক। মানুষের সম্বন্ধে নিয়ে যার কারবার, সে বলবে লোভের জগতই যত অত্যাচার। যে আবার ইতিহাসের রীতিনীতি খুঁজতে ও কাজে লাগাতে ব্যগ্র তার মতে অত্যাচার ধনোৎপাদন ও তার নির্দিষ্ট অনুষ্ঠানের মধ্যেই নিহিত, অতএব মানুষের দোষ কই যখন মানুষের প্রবৃত্তি ঐ সব পদ্ধতি ও অনুষ্ঠানেরই প্রতিবিম্ব। প্রথম দল অত্যাচারের নিঃশেষ করবার জগত আত্মশক্তি, -চিন্তাশক্তির ওপর জোর দেন, দ্বিতীয় দল বলেন নির্যাতিত শ্রেণীকে বিপ্লবী করে তোলো। এটা কর্তব্যের ভাগ, উদ্দেশ্য এক। রবীন্দ্রনাথ অবশ্য মানুষধর্মেরই নামে রাষ্ট্রবাদ ও সাম্রাজ্যবাদকে বিনিপাত বলে অভিসম্পাত করেছেন। সেই হিসেবে তিনি স্বধর্মই পালন করেছেন।

(ধূর্জটিপ্রসাদ মুখোপাধ্যায়—

পরিচয়, জ্যৈষ্ঠ, ১৩৪৮)

গতবৎসরে দেশের আর্থিক অবস্থা—

পণ্যমূল্য :—বর্তমান যুদ্ধ আরম্ভ হইবার সময়ে দেশের সর্ব-শ্রেণীর পণ্যদ্রব্যের সমষ্টিগত ভাবে যে মূল্য ছিল ১৯৩৯ সালের ডিসেম্বর মাস পর্য্যন্ত তাহা শতকরা ৩৭ ভাগ বৃদ্ধি পায়। কিন্তু উহার পর হইতে মূল্য হ্রাস পাইতে থাকে এবং গত মে ১৯৪০ সালে উহা মাত্র যুদ্ধ আরম্ভ হইবার সময়ের তুলনায় শতকরা ১৭ ভাগ উচু ছিল। তৎপরে মূল্য আরও হ্রাস পাইতে থাকে এবং জুলাই মাসে পণ্য মূল্যের পরিমাণ দাঁড়ায় যুদ্ধ আরম্ভ হইবার সময়ের তুলনায় শতকরা ১৪ ভাগ বেশী। অবশ্য উহার পর হইতে পুনরায় পণ্যদ্রব্যের মূল্য কিছু কিছু করিয়া পড়িতেছে এবং গত মার্চ মাসে পণ্যমূল্যের পরিমাণ দাঁড়াইয়াছে যুদ্ধ আরম্ভ হইবার সময়ের তুলনায় শতকরা ২৩ ভাগ বেশী। কিন্তু সমষ্টিগতভাবে সর্ব-শ্রেণীর পণ্যদ্রব্যের মূল্য চড়িলেও যে সমস্ত পণ্যদ্রব্যের মূল্যের উপরে দেশের কোটী কোটী ব্যক্তির স্বার্থ বিশেষভাবে নির্ভর করিতেছে, সেই সমস্ত পণ্যের মূল্য চড়িতেছে না। নৈঃস্বরূপ পাট ও তুলার মূল্যের কথা উল্লেখ করা যাইতে পারে।

ট্যাক্সভার :—বর্তমান যুদ্ধ আরম্ভ হইবার পর হইতে এই পর্য্যন্ত ভারত সরকার দেশবাসীর উপর প্রত্যক্ষ ও পরোক্ষভাবে ৯ প্রকার ট্যাক্স বসাইয়াছেন এবং এজন্য দেশবাসীকে বৎসরে নূতনভাবে প্রায় ২৭ কোটী টাকার ট্যাক্সভার মাথা পাতিয়া গ্রহণ করিতে হইয়াছে। গত বৎসর আরম্ভ হইবার সময় হইতে সামরিক ব্যয় সঙ্কুশানের জন্য দেশে ব্যবহৃত চিনি ও পেট্রলের উপর আমদানী ও উৎপাদন শুল্ক বর্জিত করা হয়। উহার পরেই একটি আইন পাশ করিয়া দেশের শিল্প ও বাণিজ্য প্রতিষ্ঠান সমূহের অতিরিক্ত লাভের অর্ধেকাংশ ট্যাক্স হিসাবে গ্রহণ করিবার ব্যবস্থা করা হয়। অতঃপর সেপ্টেম্বর মাসে একটি অতিরিক্ত বাজেট করিয়া আয়কর ও স্থপার ট্যাক্সের পরিমাণ টাকায় চার আনা বর্জিত করা হয় এবং চিঠির মূল্য ও ডাক মাসুল বৃদ্ধি করা হয়। এইভাবে গতবৎসরে দেশবাসীর উপরে প্রায় ১৬।০ কোটী টাকার নূতন ট্যাক্সভার পতিত হইয়াছে।

বাংলার অবস্থা :—গত বৎসরে বাংলা দেশের অবস্থা ভারতবর্ষের অন্যান্য প্রদেশের তুলনায় অধিকতর শোচনীয় হইয়াছে। বাংলার প্রধানতঃ পাটের মারফতেই বাহির হইতে অর্থাগম হইয়া থাকে। গত পূর্ব বৎসরে বাংলা দেশে ৪ কোটী মণের মত পাট উৎপন্ন হইয়াছিল এবং বাংলার কৃষক এই পাট বিক্রয় করিয়া গড়পড়তায় ৮ টাকা করিয়া মোট মাত্র ৩২ কোটী টাকা পাইয়াছিল। কিন্তু গত বৎসর ৫ কোটী মণ পাট উৎপন্ন হইলেও এই পর্য্যন্ত কৃষক ৩ কোটী মণের বেশী পাট বিক্রয় করিতে পারে নাই এবং এজন্য প্রতি মণে ৪ টাকার অধিক মূল্য পায় নাই। কাজেই গতবৎসর পাটের দরুণ কৃষকের আয় ৩২ কোটী টাকা হইতে কমিয়া ১২ কোটী টাকায় পরিণত হইয়াছে।

[আর্থিক জগৎ—

বার্ষিক সংখ্যা, ১৩৪৮।]

লীলা চলেছে—সেখানে “সভ্য শিকারীর দল পোষমানা স্বাপদের মতো, দেশ বিদেশের মাংস করেছে বিক্ষত”। কিন্তু তবু এই নির্মম ধ্বংসলীলা যে ইতিহাসের অব্যর্থ প্রয়োজনে ঘটছে—এর মধ্য দিয়ে যে নতুন পৃথিবীর জন্ম হবে নবতর ঐর্ষ্যে—সেই বলিষ্ঠ ভ্রাশা তার সমস্ত কাব্যকে দান করেছে অপরাজেয় মহিমা। তার ধ্যানদৃষ্টি ঘোষণা করছে—

“আজি সেই সৃষ্টির আহ্বান
ঘোষিছে কামান।”

কবিতা — রবীন্দ্র-সংখ্যা, আষাঢ়, ১৩৪৮

কবিতার পরিচালকদের ধন্যবাদ দিচ্ছি, রবীন্দ্র-সংখ্যা প্রকাশিত করে তাঁরা বাঙালীর কৃতজ্ঞতাভাজন হয়েছে। রবীন্দ্রনাথ বর্তমান কালের অদ্বিতীয় প্রতিভা; কাব্যে কেবল নয়, মনলে ও আদর্শে। তাঁকে বুঝবার প্রয়োজন আছে, যেমন প্রয়োজন আছে তাঁর সাহিত্যকে উপভোগ করবার। আলোচ্য সংখ্যা আমাদের সেই প্রয়োজনকে অনেকাংশে সুসিদ্ধ করবে। এ-সংখ্যার সব চাইতে বড়ো আকর্ষণ হলো রবীন্দ্রনাথের প্রবন্ধ দুটি। সাহিত্যের মূল্য বিচার সম্বন্ধে সাম্প্রতিক বিতর্ক হলো শ্রেণীর প্রভাব নিয়ে। ধ্রুব আদর্শ সাহিত্যের নেই, একথা রবীন্দ্রনাথ জোর দিয়েই বলেছেন; ‘বর্তমান কালে বিত্তালতার মমত্ব বা অহঙ্কার সার্বজনীন আদর্শের ভাগ করে দণ্ডনীতির প্রবর্তন করতে চেষ্টা করছে’—এই বিত্তালতার অহঙ্কারও যে একদেশদর্শী তার প্রতি দৃষ্টি আকর্ষণ করেছেন। আমরাও সমাজতন্ত্রের সমর্থক; কিন্তু সাহিত্যে বামপন্থার নামে যে নতুন মার্ক্সীয় গোঁড়ামীর আমদানী হয়েছে তার আমরা বিরোধী। এই গোঁড়ামী সাহিত্যবিচারে ও শিল্পসৃষ্টিতে আনতে চায় যান্ত্রিকতা যাকে অগ্ণকার বিজ্ঞান বর্জন করেছে। রবীন্দ্রনাথের এই পত্রখানা সেই যান্ত্রিকতার বিরুদ্ধে প্রতিবাদ। এর পরেই অবনীন্দ্রনাথ, প্রমথ চৌধুরী, অতুল গুপ্ত, ধূর্জটীপ্রসাদ প্রভু গুহ ঠাকুরতা, বুদ্ধদেব বসু প্রভৃতির প্রবন্ধে সংখ্যাটি মূল্যবান হয়ে উঠেছে।

পরিচয় — রবীন্দ্র-সংখ্যা, আষাঢ়, ১৩৪৮

‘কবিতার সঙ্গে সঙ্গেই পরিচয়ের’ রবীন্দ্র-সংখ্যার নাম করতে হয়। মতনির্বিশেষে বাংলা সাহিত্যের অনুরাগীরা এই সংখ্যাখানা পড়ে খুশী হবেন, একথা জোর করে বলতে পারি। প্রত্যেকটি প্রবন্ধে রবীন্দ্রনাথের পরিচয় উজ্জ্বল হয়ে উঠেছে। প্রত্যেকটি লেখা বিচার বিশিষ্টতায় উল্লেখযোগ্য এবং একান্ত উপভোগ্য। পরিচয়ের পরিচালকবর্গকে কৃতজ্ঞতা জানাচ্ছি। হীরেন্দ্রনাথ দত্ত, শচীন সেন, হরপ্রসাদ মিত্র, জীবনময় রায়, ধূর্জটীপ্রসাদ, বিষ্ণু মুখোপাধ্যায়, হেমেন্দ্রলাল রায়, হিরণ সান্যাল ইত্যাদির লেখায় এই সংখ্যা সমৃদ্ধ হয়েছে। বিশেষতঃ বিষ্ণু দে’র অনূদিত এজরা পাউণ্ডের প্রবন্ধটি এই সংখ্যায় মূল্যবৃদ্ধি করেছে। পুস্তক পরিচয়েও ‘পরিচয়’ আপনার বৈশিষ্ট্য রক্ষা করেছে।

—‘দীপঙ্কর’


জানায় প্রথম সৈন্য দল অশ্রুত না যাওয়া পর্যন্ত ২য় দল পাঠানো চলবে না। আপত্তি অগ্রাহ্য করে ইংরেজ সরকার সৈন্য পাঠান—ফলে ইরাকীরা হাবানিয়ার বৃটিশ বিমান ঘাঁটি আক্রমণ করে বসে। এদিকে রসিদ আলিও জার্মানির সাহায্য চায় এবং জার্মান সাহায্য ও ইরাকে কয়েকদিনের মধ্যেই উপস্থিত হয়। শোনা যাচ্ছে ফরাসী অধিকৃত সিরিয়ার বন্দরগুলিতে যুদ্ধোপকরণ, ট্যাঙ্ক ইত্যাদি নাকি জার্মানি পাঠিয়েছে। সিরিয়ার বিমানঘাঁটিগুলিও নাকি জার্মানির ব্যবহারের জন্য ছেড়ে দেওয়া হয়েছে। ভিসির সঙ্গে জার্মানির হৃদয়তা যতটা গভীর হোয়ে উঠেছে তাতে এ কিছু অস্বাভাবিক নয়। কাজেই ইরাকে সাহায্য পাঠানো হিটলারের পক্ষে এখন অনেকটা সহজ। শোনা যাচ্ছে মঙ্গলে জার্মান এরোপ্লেন ও বিশেষজ্ঞরা এরই মধ্যে এসে পৌঁছেছে—মধ্যএশিয়ার অন্যান্য রাজ্যগুলির ব্যবহারও ইংরেজেরপক্ষে বিশেষ আশাপ্রদ নয়, কারণ রসিদ আলি জার্মান সাহায্য চাওয়ার ফলে তাদের মধ্যে কোনো প্রকার আপত্তি বা অসন্তোষ দেখা যায় নি। গত ৩১শে মে তারিখে বিপ্লবী ইরাকিদের সঙ্গে যুদ্ধবিরতি চুক্তি হবার পর ইরাকের রিজেন্ট আব্দুল্লা ইল্লা বাগদাদ প্রবেশ করেছেন। ইরাকের বালক রাজা ফয়জল বাগদাদে নিরাপদে আছেন শোনা গিয়েছে। রসিদ আলি ইরানে পলায়ন করেছে এবং নূতন চুক্তি অনুসারে বৃটিশ সৈন্য ইরাকের মধ্য দিয়ে যাতায়াত করবার অনুমতি পেয়েছে। এক্সিস্ সৈন্যও নাকি বন্দী করা হয়েছে। ইরাকের অবস্থা বাইরে থেকে বিচার করলে মনে হবে বিদ্রোহের পূর্বাবস্থা ইরাকে ফিরে এসেছে কিন্তু বাস্তবিক অবস্থা কি তা বোঝা কঠিন। কারণ পরিবর্তিত অবস্থায় এসব দেশ তাদের স্বার্থ কিভাবে প্রকৃষ্টতম একমাত্র উপায়ে রক্ষিত হবে একমাত্র সেই বিচার দ্বারাই প্রভাবান্বিত হবে। রুশিয়া এসব রাজ্যের উপরে শেষ প্রভাব বিস্তার করবে বলে আশা করা ভুল নয়—রসিদ আলির শাসনকে রুশিয়া যে মেনে নিয়েছিল তাতেই ভবিষ্যতের একটা ইঙ্গিতও পাওয়া যায়।



দ্বিতীয় ফয়জল
ইরাকের বালক রাজা

ক্রীট—জার্মানেরা গ্রীস অধিকার করবার পর ক্রীটের প্রধান বন্দর কানিয়াতে গ্রীক গভর্নমেন্ট স্থানান্তরিত হওয়ার সঙ্গে সঙ্গে যুদ্ধও ক্রীটে স্থানান্তরিত হয়। ক্রীটে বৃটিশ, গ্রীস ও নিউজিলেণ্ডের সমবেত শক্তির সঙ্গে জার্মানরা যুদ্ধ করে ক্রীট অধিকার করেছে। ক্রীটের

যুদ্ধে জার্মানরা যে অপূর্ব সমর কৌশল ও সাহসিকতা দেখিয়েছে তা বাস্তবিকই আশ্চর্য। হাজার হাজার জার্মান প্যারাসুট বাহিনী ক্রীটে অবতরণ করে। এরা নিউজিল্যান্ডের সৈন্যদলের



ক্রীটের প্রধান বন্দর কাণিয়া, এথেন্স হতে গ্রীক প্যারাসুট
এইখানে স্থানান্তরিত হয়।

যুদ্ধপোষাক পরিহিত ছিল ফলে ইংরেজ ও তার মিত্রদের প্রভূত অসুবিধার সৃষ্টি হয়। ১১দিন যুদ্ধের পর ক্রীট জার্মানরা দখল করে। ব্রিটিশদের এই পরাজয়ে ইংলণ্ড ও ভারতের সমস্ত সরকারী কাগজগুলি তীব্র মন্তব্য করেছে ব্রিটিশের সমর কৌশলের ব্যর্থতা সম্পর্কে। ষ্টেটসমেন পত্রিকাও এই

পরাজয়ে মনের ক্ষোভ চেপে রাখতে পারেন নাই এবং ব্রিটিশ সরকার যাতে লোকের মনে বৃথা আশার উদ্রেক না করেন সে সম্পর্কে সুদীর্ঘ উপদেশ দিয়েছেন। ক্রীটের যুদ্ধের ফল সুদূর প্রসারী হবে সন্দেহ নেই। ভূমধ্যসাগরে জার্মান প্রভাব বিস্তারের পক্ষে এটা প্রথম ও বড় একটা সিঁড়ি। এর পর

লক্ষ্য হবে সাইপ্রাস এবং তার জন্য সাইপ্রাসেও তোড়জোড় চলেছে কিন্তু জার্মানরা সাইপ্রাসে আসার আগে সিরিয়াতে দৃষ্টি দিয়েছে কারণ সিরিয়া থেকে সাইপ্রাসের দূরত্ব কম এবং সিরিয়াতে ফরাসী বিমানঘাটা গুলি পাওয়া যাবে। সিরিয়ার যুদ্ধের ফলাফলের উপর অনেক কিছু নির্ভর করছে। সিরিয়াতে ইংরেজ ও তার কিছুদিন পূর্বেকার



বিমানপোত হইতে জার্মান অবতরণ।

বন্ধু ফরাসী পরস্পরকে আক্রমণ করেছে। কাজেই “চক্ষুলজ্জার” বাঁধ এবার ভাঙল। জার্মান কূটনীতির এ যে কতবড় জয় হোলো আশাকরি ইংরেজ তা বুঝেছে। কিন্তু ভারতবর্ষ সম্পর্কে এখনও ব্রিটিশ দূরদর্শিতার ও কূটনীতির যে পরিচয় আমরা পাচ্ছি খুব আশান্বিত হবার কারণ

তাতে নেই। সম্প্রতি সিরিয়ার রণক্ষেত্রের ভাগ্য সম্পর্কে আমরা উৎসুক হয়ে আছি।

আফ্রিকায়—জার্মান লক্ষ্য আলেকজেন্দ্রিয়া। বৃটিশ সেনাপতি জেনারেল ওয়াভেল জার্মানদের এখানে বাধাদেওয়ার চেষ্টায় নিযুক্ত আছেন। শতশত সৈন্য এখানে নাকে বৃটিশের দিক থেকে জড় করা হয়েছে। এই যুদ্ধের ফলাফলের উপর বৃটিশ স্বার্থ অনেক নির্ভর করছে। সাল্লমের চারধারে এখন যুদ্ধ প্রচণ্ড আকারে চলছে। আবিসিনিয়ার যুদ্ধ যতদূর খবর পাওয়া যায় বৃটিশের পক্ষে চারদিককার ঘনায়িত অন্ধকারের মধ্যে “রজত রেখা”। এখানে ইটালিয়ান সৈন্য বেশী সুবিধা কোরে উঠতে পারেনি—আবিসিনিয়ার সহর সিয়াসিমানা ও আদেলা ইটালীর হস্তচ্যুত হয়েছে। হেইলে সেলাসি আবিসিনিয়ায় নাকি প্রত্যাবর্তন করেছেন। এবং গত ২০শে মে ডিউক অফ আওষ্টা জেন জেনারেল ও বহু ইটালীয় সৈন্য সহ নাকি আত্মসমর্পণ করেছেন। দেখা যাচ্ছে ইটালীই ইংরেজের মুখরক্ষা করলো।

জার্মান-ভিসি চুক্তি ও আমেরিকা—বৃটিশ সরকার ও আমেরিকার সকল চেষ্টা নিষ্ফল কোরে জার্মান-ভিসি সহযোগিতা চুক্তি স্বাক্ষরিত হয়েছে। জার্মানির পক্ষে এ মস্তবড় জিৎ। বৃটিশ গভর্নমেন্ট ডি গ্যালেকে সমর্থন করার ফলে ও ডাকারের নৌযুদ্ধে ফরাসী জাহাজ ধ্বংস হবার পরিণতি এছাড়া অন্তরূপ হবার সম্ভাবনা ছিল না। তাছাড়া বৃটিশের ব্লকেড্ জার্মানকে বিশেষ কিছু করতে পারেনি কিন্তু ফ্রান্সকে এর জন্য বিশেষ গলদঘর্ম হোতে হয়েছে। কাজেই ফ্রান্স পূর্ব বন্ধুর উপর ক্রমেই বিরূপ হয়ে উঠছিল। জার্মানি এই সুযোগেরই অপেক্ষা করছিল—বিশেষ সুয়েজ অভিযানের পূর্বে ভিসির সঙ্গে একটা পাকাকাকি সম্বন্ধ করা প্রয়োজন হোয়ে পড়ে কারণ তাতে সিরিয়া থেকে আক্রমণ চালানো সহজ হবে। ভিসি সরকার সিরিয়াতে জার্মান সৈন্যকে অবাধে আসতে দিচ্ছেন, জার্মানদের উদ্দেশ্য সিরিয়া, লেবানন ও পেলেষ্টাইন দখল করা, তাতে সুয়েজে সৈন্য পাঠানো খুব সহজ হবে এবং তাছাড়া ইরাকের তেলের খনি মশুল ও কারকুকও দখল করা যাবে। ইংরেজ জার্মানির এই অভিপ্রায় দর্শক হোয়ে শুধু দেখতে পারে না কাজেই তাকে খুব তোড়জোড় করতে দেখা যাচ্ছে। জেনারেল ওঁয়েগা নাকি বিরাট আয়োজন করছেন। ইতিমধ্যে জার্মান সৈন্যদের অবাধ গতি বৃটিশরা বাধা দেয়; এসব নিয়ে ফরাসী ও বৃটিশ সৈন্যে যুদ্ধ হয়। ভিসির সঙ্গে জার্মানদের যে চুক্তি হোয়েছে তাতে জার্মান সৈন্যের জন্য যে ব্যয় ভিসিকে বহন করতে হোচ্ছে ও যুদ্ধের ক্ষতিপূরণ বাবদ যা ফরাসীর দেবার কথাছিল তার পরিমাণ অনেক কমিয়ে দেওয়া হোয়েছে এবং সীমান্তের উপর যে কড়াকড়ি ছিল তাও হ্রাস করা হোয়েছে। এই সন্ধির সহযোগিতার খবরে আমেরিকা যে সন্তুষ্ট হয় নাই তা বলাই বাহুল্য। সেনেটরদের মধ্যে কেউ কেউ ডাকার দখল করবার প্রস্তাব করছেন—অনধিকৃত ফ্রান্সের যে সব জাহাজ যুক্তরাষ্ট্র আটক কোরেছে সেগুলিকে যাতে মুক্তি না দেওয়া হয় সে সম্বন্ধেও অনেকে মত প্রকাশ করছেন। অদূর ভবিষ্যতে ফ্রান্স ও যুক্তরাষ্ট্রের মধ্যে যে সম্পর্ক শেষ হবে তাতে কোনো সন্দেহ নেই।

সম্পাদকায়

আমাদের কথা

এই আশাতে জয়শ্রীর বয়স হোলো দশবৎসর। ১৩৩৮ এর বৈশাখে এর জন্ম, তারপর নানা অবস্থান্তর, বাড়বাগ্না উত্তীর্ণ হোয়ে আজ সে যে যুগে এসে দাঁড়িয়েছে তা শুধু ভারতবর্ষের নয় বিশ্বমানবের পথসন্ধি। যথাযথ ভাবে এর মূল্যনিরূপণ করা এবং এর দায়িত্বকে বহন করা সহজ কাজ নয়। জয়শ্রী এ কঠিন দায়িত্বের অংশ গ্রহণ কোরেছে। যুক্তিচালিত বিচার বিশ্লেষণ দ্বারা এ যুগের সমস্যাগুলিকে নির্ণয় করা এবং তার সমাধানের পথ নির্দেশ করা জয়শ্রীর প্রধান উদ্দেশ্য। এই জগুই সমাজ, পরিবার, রাষ্ট্র ও ধর্মে, সর্বত্র যে নূতন মান (values) গড়ে উঠছে, জয়শ্রীর পাতায় তার স্বরূপকে তুলে ধরার চেষ্টা হয়—এবং সঙ্গে সঙ্গে তাকে বিচার করে এ সকল বিষয়ে জয়শ্রীর নির্দেশ কি তাও দেওয়া হয়।

জয়শ্রী রাজনৈতিকপথ হিসাবে ফরওয়ার্ড ব্লকের পথকে বেছে নিয়েছে এবং ফরওয়ার্ড ব্লকের নির্দেশ অনুযায়ী গণ-বিপ্লব সংঘটিত করবার প্রয়াসী। জয়শ্রীর কেবলমাত্র নেতিবাচক কর্মপন্থা নয়—গণ-বিপ্লব দ্বারা স্বাধীনতা অর্জিত হবার পর যে নতুন সমাজব্যবস্থা গড়ে উঠবে, সে সম্পর্কে জয়শ্রীর একটি পরিষ্কার কল্পনা রয়েছে। সেই কল্পনার রূপকে জয়শ্রীর পাতায় আমরা ধরতে চেষ্টা করে থাকি, যাতে ভবিষ্যৎ সম্বন্ধে আমাদের দেশের কর্মীদের একটি সুস্পষ্ট ধারণা জন্মায়। ভবিষ্যৎ সমাজের রূপ সম্পর্কে এক কথায়, জয়শ্রী সমাজতন্ত্রবাদে বিশ্বাসী।

যে পরিবর্তন আসন্ন হোয়ে আসছে প্রতিদিন, শঙ্কাহীন সংকল্পের সাথে জয়শ্রী তাকে আহ্বান করছে—নবযুগকে জন্ম দেবার ও তাকে প্রতিষ্ঠিত করবার গুরু দায়িত্ব জয়শ্রী অন্যান্য সহযাত্রীদের সহিত গ্রহণ করেছে। গত দশ বৎসরে জয়শ্রীর দান ব্যর্থ হয়নি—চিন্তা ও কর্মরাজ্যের অস্পষ্টতা ও দ্বিধাকে জয়শ্রী অনেকটা দূর কোরতে সাহায্য করেছে—ভবিষ্যতেও করবে।

দেশবন্ধু চিত্তরঞ্জন—

১৬ই জুন দেশবন্ধু চিত্তরঞ্জনের ষোড়শ মৃত্যুতিথি গেল। গত ১৫ বছরে বাংলা ও ভারতের রাজনীতিতে গভীর পরিবর্তন ঘটেছে। কিন্তু সকল পরিবর্তনের মধ্যেও আজ ভারতের

রাজনৈতিক কর্মীরা মনে প্রাণে অনুভব করছে চিত্তরঞ্জনের অস্তিত্বের মর্ম। প্রাণহীন জড়ত্ব ও ক্লীবত্বের শিকলে আজ ভারতবর্ষের প্রাণ বাঁধা পড়েছে, সেই শিকলকে ভেঙ্গে শক্তির তপস্বায় মানুষকে প্রাণবন্ত করে তুলতে আজ চিত্তরঞ্জনের মত প্রবল ব্যক্তিত্বের প্রয়োজন পড়েছে। আজ মৃত্যুতিথি উপলক্ষে আমরা তাঁকে স্মরণ করছি এবং তাঁর নির্দেশিত পথে অগ্রসর হতে সবাইকে আহ্বান করছি।

পরলোকে শ্রীনিবাস আয়েঙ্গার

ভারত রাষ্ট্রীয় মহাসভার প্রাক্তন সভাপতি শ্রীযুক্ত শ্রীনিবাস আয়েঙ্গারের গত ১৯শে মে মৃত্যু হয়েছে। যে সময়ে কংগ্রেসের অধিকাংশ নেতার পূর্ণ স্বাধীনতাকে কংগ্রেসের লক্ষ্য বলে ঘোষণা করবার সাহস এবং দূরদৃষ্টি ছিল না তখন (১৯২৮ সালে) তিনিই কংগ্রেসের মণ্ডপ থেকে তা ঘোষণা করবার জন্ম অগ্রণী হয়েছিলেন। ঐ বছরে তাঁর প্রচেষ্টা সফল না হ'লেও পরবর্তী বৎসর ১৯২৯ সালে লাহোর কংগ্রেসে তাঁর মতই জয়যুক্ত হয়েছিল।

আইন ব্যবসাতে তিনি যে রকম প্রতিষ্ঠা লাভ কোরেছিলেন ভারতের রাজনীতি ক্ষেত্রেও তেমনি শ্রেষ্ঠতম আসন অধিকার কোরেছিলেন। ১৯২১ সালে অসহযোগ আন্দোলনের দিনে শ্রীযুক্ত আয়েঙ্গার প্রাক্তন মাদ্রাজ ব্যবস্থাপক সভার সদস্যপদ, সি, আই, ই, উপাধি এবং মাদ্রাজের এডভোকেট জেনারেলের পদত্যাগ কোরেছিলেন। ১৯২৬ সালে কংগ্রেসের গোঁহাটী অধিবেশনের সভাপতিরূপে তিনি জাতির রাষ্ট্রনীতি পরিচালনার দায়িত্ব গ্রহণ করেন। কিন্তু ১৯৩০ সালে কংগ্রেস আইনঅমান্য আন্দোলন শুরু কোরলে শ্রীযুক্ত আয়েঙ্গার ব্যবহারিক রাজনীতির সংস্পর্শ ত্যাগ করেন।

ত্রিপুরী কংগ্রেসের পরে সুভাষচন্দ্র যখন ফরোয়ার্ড ব্লক গঠন করেন শ্রীযুক্ত আয়েঙ্গার তা সর্বাস্তঃকরণে সমর্থন কোরে স্বেচ্ছামূলক গণ-আন্দোলনের সহিত যুক্ত হন। ভারতবর্ষের বাম-পন্থীরা আজকের দিনে একথা স্মরণ কোরে গৌরব বোধ করবেন।

শ্রীযুক্ত আয়েঙ্গারের তীক্ষ্ণ বিশ্লেষণ শক্তি, অতুলনীয় দূরদর্শিতা এবং সুস্পষ্ট পথনির্দেশ-দানের অসাধারণ ক্ষমতা জাতির অমূল্য সম্পদ ছিল। ১৯২৬ সালে গোঁহাটী কংগ্রেসের সভাপতিরূপে তিনি যে বক্তৃতা দিয়েছিলেন তার কোনো কোনো অংশ আজকের জাতীয় সংকট-মুহূর্তে বিশেষ ভাবেই স্মরণ হচ্ছে। তাঁর অভিভাষণের একাংশ এখানে উদ্ধৃত করলে অবাস্তুর হবে না।

“আমাদের আভ্যন্তরীণ বিবাদ-বিসম্বাদের ফলে স্বরাজের দীপশিখা স্তিমিত হইতেছে বলিয়া মনে হয়। বর্তমানে আমাদের দার্শনিক তত্ত্ব লইয়া বিচার করিলে চলিবে না—কাজ করিতে হইবে। বর্তমানের প্রধান সমস্যা হইতেছে যে, দেশের মধ্যে বিভিন্ন দল থাকিবে না। প্রদেশে মাত্র এখন দুইটা দল থাকিতে পারে এক গভর্নমেন্ট দল, আর এক স্বরাজলাভেচ্ছু দল। এখন সকল দলের কর্তব্য পরস্পর পরস্পরের হাত ধরিয়া স্বরাজসংগ্রামে অগ্রসর হওয়া।”

এই বাস্তব দেশপ্রেম ও সুস্পষ্ট পথনির্দেশের ক্ষমতা আজকের রাজনৈতিক নেতাদের মধ্যে কোথায় ?

ঢাকার দাঙ্গা-ভদন্ত-কমিটি

গত ১৭ই মার্চ তারিখে হঠাৎ ঢাকা সহরে হিন্দু-মুসলমানের দাঙ্গা আরম্ভ হয়। প্রায় তিনমাস ধরে এই দাঙ্গা চলতে থাকে। চকবাজারের হিন্দু ব্যবসায়ীদের সমস্ত দোকান লুণ্ঠ হয়ে যায় এবং বেশীর ভাগ বাড়ী পেট্রোল সহযোগে আগুন দিয়ে পুড়িয়ে দেওয়া হয়। হিন্দুপাড়ায় মসজিদ এবং অগ্নত্র মন্দির আক্রান্ত হয়। পথে ঘাটে গুণ্ডাদের রাজত্ব চলে এবং পথিকের ওপর অতর্কিত ছোরা মারা অহরহ চলতে থাকে। বহুলোক ঢাকা ছেড়ে পালিয়ে অগ্নত্র চলে আসেন। ১লা এপ্রিল থেকে অকস্মাৎ নারায়ণগঞ্জ থানার গ্রামে গ্রামে আক্রমণ আরম্ভ হয়। রায়পুরা ও

ভবিষ্যৎ জেননীদেব
সুস্থ ও মবল করণ

ইণ্ডিয়া ইকুইটেবল
ইন্ডিওরেন্স কোং. লিঃ
১২ ডালহাউসী স্ট্রোমার, কলিকাতা

স্থাপিত—১৯০৮

শাখা ও সাব-অফিস—বম্বে, মান্দ্রাজ, লক্ষ্ণৌ, পাটনা, ঢাকা,
জামসেদপুর ইত্যাদি।

শিবপুর থানার প্রায় ৭০খানা গ্রামে হিন্দুদের ওপরে আক্রমণ হয়; ধনসম্পত্তি লুণ্ঠ হয় এবং বাড়ীঘরে আগুন দিয়ে জ্বালিয়ে দেওয়া হয়েছে বলে সংবাদ আসতে থাকে। ৬ই এপ্রিল পর্যন্ত এই অরাজকতা চলতে থাকে। মিঃ থ্যাচবার্ণওয়েল নামক ঢাকার অতিরিক্ত ম্যাজিষ্ট্রেট ঘটনাস্থলে গ্রামে গিয়ে গুরুতর জখম হয়ে ফিরে আসেন। প্রায় ২৫ হাজার হিন্দু নরনারী ও শিশু আগরতলা ও ত্রিপুরায় আশ্রয় নেন। সমস্ত ভারতবর্ষে এই সাম্প্রদায়িক দাঙ্গার সংবাদ তীব্র বিক্ষোভ সৃষ্টি করে। ঢাকা সহরে ইষ্টার্ন ফ্রন্টিয়ার রাইফেলস এবং অতিরিক্ত মারাঠী সৈন্যদলের স্থায়ী ছাউনী রয়েছে; তাছাড়া পুলিশ রয়েছে, ম্যাজিষ্ট্রেট কমিশনার রয়েছেন; তা' সত্ত্বেও দুর্দান্ত প্রতাপশালী ব্রিটিশ রাজত্বে মাসের পর মাস ধরে এই ধরনের ঘটনা কী করে ঘটতে পারে তাই নিয়ে দেশবাসীর মধ্যে নানা সন্দেহের সৃষ্টি হয়। অতঃপর এই দাঙ্গার উৎপত্তি, রিস্তি ও ভবিষ্যৎ প্রতিকার সম্বন্ধে তদন্ত করবার জন্ত বাংলা গভর্নমেন্ট কর্তৃক দুজন সভ্য নিয়ে এক তদন্ত কমিটি নিযুক্ত হয়েছে। হাইকোর্টের বিচারপতি মিঃ ম্যাকনেয়ার হলেন প্রেসিডেন্ট এবং মিঃ ম্যাকশার্প আই-সি-এস হলেন এই কমিটির সভ্য। ২রা জুন সোমবার থেকে কমিটির প্রাথমিক কার্য আরম্ভ হয়। বিপিসিসির পক্ষ থেকে শ্রীযুক্ত শরৎ বসু, মিঃ ডি, আর, মুখার্জী ব্যারিষ্টার ইত্যাদি ঢাকায় কমিটির অধিবেশনে যোগদান করেন। হিন্দুসভার পক্ষ থেকে মিঃ এস, এন, ব্যানার্জী ও মিঃ নির্মল চট্টোপাধ্যায় উপস্থিত থাকেন। অ্যাড্‌হক্ বিপিসিসির পক্ষ থেকে শ্রীযুক্ত কামিনী দত্ত, শ্রীযুক্ত শ্রীশ চট্টোপাধ্যায় যোগদান করেন। আলোচনার পর স্থির হয়, ১৬ই জুন তারিখ থেকে পুনরায় কমিটির অধিবেশন আরম্ভ হবে। ইতিমধ্যে কমিটির অধিবেশন বন্ধ থাকবে এবং কমিটির সভ্যদ্বয় দাঙ্গাবিধ্বস্ত অঞ্চলগুলি স্বচক্ষে দেখে আসবেন। গত ১৬ই জুন সোমবার থেকে তদন্ত কমিটির অধিবেশন আরম্ভ হয়েছে।

কমিটির সভাপতি মহাশয় ২রা জুলাই সংবাদপত্রের ওপর থেকে নিষেধাত্মক অর্ডার উঠিয়ে নিয়েছেন। এখন কমিটির বিবরণ সাধারণের কাছে প্রকাশিত ও প্রচারিত হতে পারবে। আমরা মিঃ ম্যাকনেয়ারের এই অতি সঙ্গত অর্ডারটির সমর্থন করছি। কিন্তু কমিটির কর্মপদ্ধতি সম্বন্ধে এখনো আমরা অজ্ঞ রয়েছি। প্রথমতঃ সাক্ষী যারা দেবেন তারা নির্ভয়ে দিতে পারবেন কিনা, দ্বিতীয়তঃ সাক্ষীদের যথাবিধি জেরা করতে দেওয়া হবে কিনা, তৃতীয়তঃ কমিটির রিপোর্টটি সাধারণ্যে প্রকাশিত হবে কিনা, চতুর্থতঃ তদন্তের ফলাফল ও কমিটির মতামতগুলোর কী সদগতি হবে, এই চারটি বিষয়ে গভর্নমেন্টের কী মতিগতি আমরা জানি নে। তবে এরই ওপরে নির্ভর করছে এই তদন্তের কার্যকারিত্ব ও সার্থকতা। আমরা আশা করি উপরোক্ত চারটে বিষয়ে সর্বসাধারণের আশা ও দাবি অনুযায়ী পদ্ধতিতেই তদন্ত পরিচালিত হবে।

ছাত্র আন্দোলন দমনে বাঙ্গলা সরকার—

বাঙ্গলার “জনপ্রিয়” মন্ত্রীমণ্ডলী আহারনিজ্জা ত্যাগ করে ভারতরক্ষায় আত্মনিয়োগ কোরেছেন। তাঁদের এই সাধু প্রচেষ্টাকে সার্থক করবার জন্য তাঁরা সারা বাঙ্গলার ছাত্র কর্মীদের বিরুদ্ধে এক বেপরোয়া অভিযান শুরু কোরেছেন, তার একটা দৃষ্টান্ত সম্প্রতি পাওয়া গেছে। বঙ্গীয় প্রাদেশিক ছাত্র ফেডারেশনের সভাপতি অমর গোপাল নন্দী প্রমুখ বাঙ্গলার বহুসংখ্যক বিশিষ্ট ছাত্রনেতার ওপর বাঙ্গলা সরকার ভারতরক্ষা বিধানবলে এক আদেশ জারী কোরে কোলকাতা থেকে তাঁদের বহিস্কৃত কোরেছেন এবং নিজ নিজ জেলায় বাস কোরতে নির্দেশ দিয়েছেন। এই সব ছাত্রকর্মীদের বহিস্কৃত এবং অন্তরীণ না কোরলে ভারতবর্ষ বা বাঙ্গলাদেশের নিরাপত্তা যে কিভাবে বিপন্ন হোত তা আমরা বুঝতে অক্ষম। অবশ্য যুক্তি ও বিচারের বালাই আমাদের বর্তমান মন্ত্রীমণ্ডলীর কোনোদিনই ছিল না, এখনও নেই। সাম্রাজ্যবাদী স্বার্থরক্ষায় এই প্রতিক্রিয়া-শীল মন্ত্রীমণ্ডলী যে সাফল্য লাভ কোরেছেন তা তাঁদেরই যোগ্য। কাজেই ছাত্র আন্দোলন দমন কোরবার জন্য তাঁদের এই তৎপরতা আমাদের বিস্মিত করেনি। কিন্তু যে মন্ত্রীমণ্ডলী দেশের কোনপ্রকার প্রগতিশীল আন্দোলনই সহ্য কোরতে পারেন না তাঁরা যখন নিজেদের ‘জনপ্রিয়’ বলে ঢাক পেটান তখন বাস্তবিকই করুণার উদ্বেক করে। যদি এই মন্ত্রীমণ্ডলী মনে কোরে থাকেন যে এই দমন-নীতি দ্বারা তাঁরা দেশের ছাত্র-আন্দোলনকে বন্ধ কোরতে সক্ষম হবেন তবে তাঁরা নিরাশ হবেন। আমরা বাঙ্গলা সরকারকে একথা স্মরণ করিয়ে দিতে চাই যে ছাত্র-আন্দোলন অতীতে যেমন সহস্রপ্রকারের সরকারী নিষাধন উপেক্ষা কোরেও বেঁচে ছিল ভবিষ্যতে ও তেমনি সর্বপ্রকার সরকারী দমন সত্ত্বেও সর্গোরবে স্বীয় লক্ষ্যপথে অগ্রসর হবে।

বিপন্ন বরিশাল ও নোয়াখালী—

গত ২৫শে মে পূর্ব বাঙ্গলার ওপর দিয়ে যে প্রচণ্ড ঝড় ও বন্যা বয়ে গিয়েছে, তার ফলে বরিশাল ও নোয়াখালী জেলা দুটাই সবচেয়ে বেশী ক্ষতিগ্রস্ত হোয়েছে। এই দুই-জেলার ধ্বংসলীলার পরিমাণ এখন আর কারও অজানা নেই। কিন্তু এ সম্পর্কে সংক্ষেপে দু’একটা কথা বলা প্রয়োজন বোধ করছি। প্রথমতঃ, এই প্রাকৃতিক বিপর্যয়ের পর প্রায় একমাস অতীত হ’তে চললো, কিন্তু আজ পর্যন্ত সরকারী কর্তৃপক্ষ এই বন্যা ও ঝড়ের ফলে নিহতদের কোন তালিকা বের করেন নি। আমরা মনে করি জনসাধারণের চিন্তা ও উদ্বেগ কমাবার জন্য সরকারের এবিষয়ে তৎপরতার সঙ্গে কাজ করা উচিত ছিল। দ্বিতীয়তঃ, ক্ষতির তুলনায় সরকারী সাহায্যের পরিমাণ নিতান্তই কম। বাড়ীঘর ছাড়াও গৃহপালিত পশু এবং শস্যের এতো ক্ষতি হোয়েছে যে কয়েক লক্ষ

টাকা ঋণ দিয়ে এই বিপুল জনসমষ্টির খুব অল্পই সাহায্য হবে। আমরা আশা করি 'জনপ্রিয়' মন্ত্রীমণ্ডলী বিপন্ন জনসাধারণের প্রয়োজনের কথা বিবেচনা কোরে অবিলম্বে যথেষ্ট পরিমাণে সাহায্যের ব্যবস্থা করবেন। তৃতীয়তঃ সমস্ত বেসরকারী সাহায্য-সমিতি যাতে একটা কেন্দ্রীয় সমিতির পরামর্শে ও পরিচালনায় কাজ করে সেদিকে দৃষ্টি রাখা প্রয়োজন। বঙ্গীয় প্রাদেশিক কংগ্রেস কমিটি এবং বরিশাল ও নোয়াখালী ফরোয়ার্ড ব্লক দুর্গতদের সাহায্যার্থে দুটি কমিটি কোরেছেন।

খাকসার দমন—

অবশেষে গত ৫ই জুন ভারত সরকার খাকসার প্রতিষ্ঠানকে বে-আইনী ঘোষণা কোরে এক ইস্তাহার প্রকাশ কোরেছেন। বে-সরকারী স্বেচ্ছাসেবক বাহিনীর কুচকাওয়াচ নিষিদ্ধ কোরে গবর্নমেন্ট ইতিপূর্বেই এক ঘোষণা প্রকাশ কোরেছিলেন। কিন্তু আশ্চর্যের বিষয় এই যে ঐ আদেশ অমান্য কোরে প্রকাশ্যে কুচকাওয়াচ করা সত্ত্বেও এপর্যন্ত খাকসারদের বিরুদ্ধে কোন ব্যবস্থা অবলম্বিত হয়নি। আমরা অনেকদিন থেকে লক্ষ্য কোরে এসেছি যে খাকসারদলের গতি ও প্রকৃতি দেশের আভ্যন্তরীণ শান্তি ও কল্যাণের পক্ষে এমন বিপজ্জনক যে তাতে সরকার ও জনসাধারণ—উভয়েরই শক্তিত হওয়ার যথেষ্ট কারণ রয়েছে। বিশেষতঃ বিশ্বসমর-পরিস্থিতির দরুণ ঐ শঙ্কার গুরুত্ব আরো বেড়ে গিয়েছিল। যদিও ভারতসরকারের ইস্তাহারে যুদ্ধ-পরিস্থিতির কোন উল্লেখ নেই, তবুও একথা সহজেই বোঝা যায় যে এরই ফলে সরকারের এই তৎপরতা। সে যাই হোক, বিলম্ব হোলেও গবর্নমেন্ট যে অবশেষে এ বিষয়ে ব্যবস্থা অবলম্বন কোরেছেন তাও মন্দের ভালো।

কাইজার দ্বিতীয় উইলিয়ম—

ভূতপূর্ব জার্মানসম্রাট কাইজার দ্বিতীয় উইলিয়ামের জীবনের অবসান ঘটেছে। এককালে ইউরোপের রাজনৈতিক রঙ্গমঞ্চে দুঃসাহসীর ভূমিকায় তাঁর অভিনয় দেখে বিশ্ববাসী বিস্ময়ে অভিভূত হোয়েছিল। শক্তির গর্বে যিনি একদিন সমস্ত দুনিয়াটাকে হেলার চোখে দেখেছিলেন সুদীর্ঘ নির্বাসনের মধ্যে অতি সাধারণভাবে তাঁর জীবনের দীপ নিভে যাওয়াটা দুঃখের হোলেও আশ্চর্যের নয়। ইতিহাসের পাতায় এরকম কাহিনী প্রায়ই আমাদের চোখে পড়ে থাকে। কাজেই সে কথা নিয়ে আক্ষেপ কোরবার কোন কারণই নেই। কিন্তু কাইজারের রাজনৈতিক জীবনের শোচনীয় ব্যর্থতা দুনিয়ার সমস্ত শাসন-কর্তৃপক্ষকে যে সাবধান-বাণী জানিয়ে দিয়েছিল সেই কথাটাই আজকের দিনের রাজনৈতিক ধুরন্ধরদের পক্ষে বিশেষভাবে স্মরণীয়। আমরা আশা করি বর্তমান মহাসমরের রথীবৃন্দ সে কথা স্মরণ রাখতে চেষ্টা কোরবেন।



“বল দেখি, চম্‌মা নাকে বাবু! ইহাদের কি মঙ্গল হইয়াছে? তুমি লেখা পড়া শিখিয়া ইহাদিগের কি মঙ্গল সাধিয়াছ? আর তুমি, ইংরেজ বাহাদুর! তুমি যে মেজের উপরে এক হাতে হংসপক্ষ ধরিয়া বিধির সৃষ্টি ফিরাইবার কল্পনা করিতেছ, আর অপর হস্তে ভ্রমরকৃষ্ণ শাশ্রুগুচ্ছ কণ্ডুয়িত করিতেছে—তুমি বল দেখি, যে তোমা হতে এই হাসিম সেখ আর রামা কৈবর্তের কি উপকার হইয়াছে?

দেশের মঙ্গল? দেশের মঙ্গল, কাহার মঙ্গল? তোমার আমার মঙ্গল দেখিতেছি, কিন্তু তুমি আমি কি দেশ? তুমি আমি দেশের কয়জন? আর এই কৃষিজীবী কয়জন? তাহাদের ত্যাগ করিলে দেশে কয়জন থাকে? হিসাব করিলে তাহারাই দেশ—দেশের অধিকাংশ লোকই কৃষিজীবী। তোমা হইতে আমা হইতে কোন কার্য হইতে পারে? কিন্তু সকল কৃষিজীবী ক্ষেপিলে কে কোথায় থাকিবে? কি না হইবে? যেখানে তাহাদের মঙ্গল নাই, সেখানে দেশের কোন মঙ্গল নাই”।——



বঙ্কিমচন্দ্র (বঙ্গদর্শন)

এককেন্দ্রিক ও বহুকেন্দ্রিক রাষ্ট্রের মধ্যে উৎপত্তিতে, নীতিতে ও দৃষ্টিভঙ্গীতে মৌলিক পার্থক্য রয়েছে। এককেন্দ্রিক রাষ্ট্রের উৎপত্তি হয়েছে জ্বরদষ্টি এবং দেশবিজয় থেকে; এর সম্পর্কিত অশান্ত প্রতিষ্ঠানগুলো গড়ে উঠেছে সামরিক প্রথা কিংবা দাসত্ব প্রথাকে ভিত্তি করে। বহুকেন্দ্রিক রাষ্ট্রের উদ্ভব হয়েছে কতকগুলো স্বাভাবিক, পৃথক কেন্দ্রের (unit) সংযোগ ও সহযোগিতার থেকে। আজকালকার ফিডারেল শাসনতন্ত্রের কোন কোন রূপের মধ্যে এই বহুকেন্দ্রিক রাষ্ট্রকে দেখা যায়। এককেন্দ্রিক রাষ্ট্র সম্ভব হয় কেবল শ্রেণীস্বার্থপরতা ও শ্রেণীসংঘর্ষ থাকলেই। বহুকেন্দ্রিক রাষ্ট্রের আইনকানুন দাঁড়িয়ে আছে 'কর্তব্যমূলক' (duty) ধারণার ওপরে। এই 'কর্তব্য'র ধারণার তারতম্য করা হয় বিভিন্ন ব্যক্তি ও গোষ্ঠী বিশেষে, সামর্থ্য ও সংঘ-গঠন অনুসারে। এককেন্দ্রিক রাষ্ট্রে সমস্ত রাজ্যকে কতকগুলো খণ্ডে বিভাগ করে নিয়ে রাষ্ট্রশক্তিকে এই স্থানীয় বিভাগ অনুযায়ী বিভক্ত করে দেয়া হয়। বহুকেন্দ্রিক রাষ্ট্রে কিন্তু রাষ্ট্রশক্তিকে বণ্টন করা হয় জাতি কিংবা ব্যবসামূলক গোষ্ঠী অনুসারে। এককেন্দ্রিক রাষ্ট্রের লক্ষ্য হলো ব্যাষ্টির ষোল আনা জীবনকেই আয়ত্তে আনা এবং এমন সমস্ত রকমের দলগত বা সংহতিগত প্রচেষ্টাকে নিষ্পেষিত করে ফেলা যার মধ্যে সামান্য মাত্রও প্রতিদ্বন্দ্বী রাষ্ট্রের লক্ষণ দেখা যায়। বহুকেন্দ্রিক রাষ্ট্র কিন্তু সমাজে বিভিন্ন সংঘ বা গোষ্ঠী বন্ধনকে সমাদর করে নেয়; কেবল তাই নয়, এই সব পৃথক সংঘকে স্ব স্ব ক্ষেত্রে সম্পূর্ণ স্বাভাবিক দান করে এবং রাষ্ট্রের শক্তিকে খর্ব করে আপন ক্ষেত্রে অতি সংকীর্ণ পরিধির মধ্যে সঙ্কুচিত করে ফেলে।

ভারতে 'গ্রাম্য সমাজে'ই হলো রাষ্ট্রীয় বহুকেন্দ্রিকতার (pluralism) দৃষ্টান্ত। এখানে ব্যবসা-মূলক ক্ষমতাবণ্টন (functionalism) চরমে উঠেছে এবং এর ফলে গ্রাম্য সমাজ এখানে টিকে রয়েছে হাজার হাজার বৎসর। এই গ্রাম্যসমাজে পাই এমন একটা স্বায়ত্তশাসন-মূলক সমাজ-ব্যবস্থা যাতে জাতিগত, শ্রেণীগত ও ধর্মগত সংঘর্ষ লুপ্ত হয়ে গেছে পারস্পরিক সহযোগিতায়; এই সহযোগিতা হল চাষবাস, জলসেচন এবং পঞ্চায়তী শাসনের অর্থনৈতিক সহযোগিতা। কিন্তু তাই বলে ভারতীয় গ্রাম্য সমাজ যে বৃহত্তর সমাজে ও রাষ্ট্রে একটা বিচ্ছিন্ন সত্তা, তা' নয়, কারণ ১৩, ২৪, ২৭, ৪২, ও ৮২টি গ্রামের সংহতি-মূলক স্থানীয় সংঘ-স্বাতন্ত্র্যের বহু দৃষ্টান্ত ভারতবর্ষে এখনো অস্পষ্ট আকারে বেঁচে রয়েছে। একই ধরনের সত্যতা-বিশিষ্ট কোনো প্রদেশে একদা স্বদেশী ফিডারেল শাসনতন্ত্র গড়ে তোলবার প্রচেষ্টা হয়েছিল, এগুলো তারই স্বরণচিহ্ন। তেমনি ভারতবর্ষের ব্যবসামূলক গোষ্ঠী বা বর্ণগুলো (caste) এক অর্থে ছোট আকারে স্থানীয় ফেডারেশান বই আর কিছু নয়; বর্ণগুলো সহজেই ব্যবসাগত সমবায় (guilds) দাঁড়িয়ে গেছে। জাত বা বর্ণ-সংক্রান্ত নিয়ম কানুনগুলো করা হয়েছে বিশেষ বিশেষ হস্ত-শিল্প বা যন্ত্র-শিল্পের স্বার্থে। এমন গিল্ড বা সমবায় আছে যার মধ্যে ভিন্ন ভিন্ন জাতের বা বর্ণের লোক একই পেশা বা ব্যবসার সূত্রে একত্র হয়ে অন্তর্ভুক্ত হয়েছে। কিন্তু ভারতবর্ষে 'গিল্ড' জিনিষটা শুধুমাত্র অর্থনৈতিক স্বার্থ

ব্যবসার উপরেই নির্ভর করে না। 'গিল্ড' বলতে যোকা, ষায়, কর্ম ও সংসর্গের একটা বিভাগের জন্ম হয় সামাজিক জীবনযাত্রার এবং সংস্কৃতির সাদৃশ্য থেকে। কাজেই এর মধ্যে অন্তর্ভুক্ত হয়ে আছে বর্ণগুলোর (castes) সম্পূর্ণ সামাজিক জীবন। কতকগুলো 'গিল্ড' একত্র হয়ে একটা ঘন-সংবদ্ধ (compact) বা শিথিল ধরণের ফেডারেশান গড়ে তোলে; এর মধ্যে একটা বিস্তৃত মূল্যের বিভিন্ন শ্রেণীর কারিগর, শিক্ষানবিশ, মধ্যবর্তী দালাল ও সাধারণ ব্যবসায়ী সবাই রয়েছে এবং সমস্ত সামাজিক ও অর্থনৈতিক ব্যাপারে এদের প্রভাব বিস্তৃত হয়। চীনদেশের কারিগর 'গিল্ড' বহুধা ভারতীয় কারিগর-বর্ণের (caste) মতন হলেও সেখানে ভারতের মত তত জটিল পরিণতি এবং বিস্তৃত সামাজিক স্তরবিচার দেখা দেয় নি। তবু কারিগররা আপন আপন অঞ্চলে বহু ছোট ছোট দল গঠন করে থাকে এবং মাঝে মাঝে একত্র হয়ে গিল্ডের সমস্ত কারিগরের জন্য আমোদ প্রমোদের ব্যবস্থা করে থাকে। প্রত্যেক গিল্ডের সভাপতি, সম্পাদক, পরিষদ রয়েছে, যেমন ভারতবর্ষের নাগরিক গিল্ডগুলোর (city guilds) আছে। ভারতেরই মত চীনদেশেও 'বাণিজ্য গিল্ড' (merchant's guild) আছে। এই সব বাণিজ্য-গিল্ডের সংহতি এবং ঐক্যের জন্মই চীনদেশের বাজারদরে স্থিতি আছে এবং সমাজে শান্তি আছে। এরা আছে বলেই ব্যবসায়িক প্রতিদ্বন্দ্বিতা প্রবল হয়ে উঠতে পারে না; প্রতিদ্বন্দ্বিতা আখেরে সকল অর্থনৈতিক শ্রেণীরই ক্ষতি করে থাকে। ভারতেরই মতন, চীনদেশের গিল্ডগুলির কাজ হল সভ্যদের পরস্পরের মধ্যে বিবাদ মেটানো এবং অগ্ন্যাগ্নি গিল্ডের সঙ্গে বিতর্কের সমাধান করে দেওয়া। বহু ভারতীয় গিল্ডের মতন এরাও সূদের হার, পণ্যবিক্রয়ের হার ও হিসাব নিকাশের তারিখ নির্ধারণ করে দেয় এবং সাধারণভাবে দশজনের উন্নতি ও বাণিজ্যের প্রসারের জন্য ব্যবস্থা করে থাকে। বিশপ্ ব্যাশ্‌ফোর্ড (Bashford) চীনদেশের গিল্ড সম্বন্ধে যা' বলেছেন তা' ভারতীয় গিল্ডের বেলায়ও প্রযোজ্য হতে পারে। তাঁর মতে গিল্ডের মারফতে ব্যবসা-বাণিজ্যের গণতান্ত্রিক নিয়ন্ত্রণ হওয়াতেই চীনা-সভ্যতা এতখানি গণতান্ত্রিক হতে পেরেছে।

প্রাচ্যদেশে কেবল আধুনিক সংহরগুলোতেই একটা প্রবল ও ধনশালী মধ্যবিত্ত শ্রেণী গড়ে উঠতে পেরেছে, কারণ সহরেই হস্ত শিল্পগুলির সবিশেষ সম্পাদনা থেকে কারখানা প্রথার সৃষ্টি হয়েছে। জাপানে অবশ্য পশ্চিম থেকে পাওয়া যন্ত্র শিল্প ব্যবস্থা ও নতুন কেন্দ্রীকরণ পুরোগো সমাজবন্ধনকে শিথিল করে ফেলেছে। কিন্তু ভারতে ও চীনদেশে স্বয়ং-শাসিত গ্রামগুলোতে এবং বাণিজ্যগিল্ড ও শিল্পগিল্ডে,—সর্বত্রই সমাজ শাসনের প্রথা ও অভ্যাস এখনো অর্থনৈতিক স্থায়িত্বের প্রবল শক্তি হিসেবে বেঁচে রয়েছে। গত দু'এক দশকের মধ্যে ভারতের কো-অপারেটিভ আন্দোলনের এবং চীনদেশের বাণিজ্য গিল্ডগুলির অপূর্ব সাফল্যই পুরোগো সমষ্টিশাসন ও সমাজবোধের প্রমাণ দেয়। পশ্চিম দেশে সংঘব্যাঘ্রাটী সিন্‌ডিক্যালিজম্, গিল্ড্ সোস্‌শ্যালিজম্ বা সোভিয়েটতন্ত্রের রূপ নেয়। কিন্তু ভারতে এর প্রকাশ হয় এক ধরণের

দেশগত (regional) সংঘবন্ধনের এবং শ্রেণীবিভাগের আকারে,—যার উৎপত্তি অর্থনৈতিক কারণে মোটেই নয়। যে সব সংঘগুলি, এক সামাজিক স্তরের অন্তর্গত বা একই অঞ্চলে প্রতিবাসী, কিংবা একই ব্যবসা বা স্বার্থসূত্রে গ্রথিত,—সেই সমস্ত সংঘগুলি কার্যতঃ একটা স্বয়ংশাসিত বৃহত্তর সংঘে দানা বেঁধে ওঠে, এবং এইসব বৃহত্তর সংঘগুলি আবার একটা আরো বৃহত্তর শিথিল ফেডারেলতন্ত্রে রূপায়িত হয়ে ওঠে। এই ফেডারেলতন্ত্রের কেন্দ্রীয় শক্তিটিকে 'রাষ্ট্র' বলা চলে না; এ একটা সুবিধাজনক ব্যবস্থামাত্র। *

ফ্রান্স ওপেনহাইমার (Franz Oppenheimer) তাঁর বিখ্যাত পুস্তকে বলেছেন যে রাষ্ট্রের উৎপত্তি হয়েছে এক জাতির দ্বারা অপর জাতির দমনে এবং বিজয়ে। সামন্তী যুরোপের (Feudal) রাজ্যবিজয় ও বৈদেশিক জনপ্রবাহের (migration) বিভিন্ন যুগে যে প্রকাণ্ড বল-প্রয়োগ এবং চাষীদের অধিকারে যে নির্লজ্জ হস্তক্ষেপ হয়েছে তার উল্লেখ তিনি বিশেষ করে করেছেন। পঞ্চম শতকে মধ্য যুরোপে রাষ্ট্রের আবির্ভাব হয়, কারণ ছগ অভাগমের (migration) কালেই বিভিন্ন জাতি (tribes) গুলি একত্র হয়ে বৃহত্তর সমষ্টি, গঠিত হয়েছিল। ছগদের ভয়ই এদের একত্র করেছিল এবং অসদৃশ লোকগুলোকে এই সাধারণ শত্রুর বিরুদ্ধে এক ভূমিতে সম্মিলিত করেছিল। রাষ্ট্রের উৎপত্তির সঙ্গে সঙ্গেই বিকশিত হয়ে উঠলো যাকে ওপেনহাইমার বলেছেন "The Feudal area" বা সামন্তী দেশ। এই সামন্তী রাজ্যের বৈশিষ্ট্য হলো দুটি (১) প্রথমতঃ, রাষ্ট্র ও সমাজজীবনে শ্রেণীবিভাগ (class differentiation) দেখা দিল (২) দ্বিতীয়তঃ, সামন্ত রাজাদের দ্বারা জমির একচেটীয়া সত্বদখলের প্রথার প্রবর্তন হলঃ এই সব বিরাট 'দখলসহী জমিদারী' গুলি (demesne estates) পাশাপাশি বিস্তীর্ণ জমিকে গ্রাস করে এমন একটা একচেটীয়া অধিকারের সৃষ্টি করল যার ফলে প্রাকৃতিক উৎপাদনের উপায়, জমিতে চাষীদের কোনই সত্ত্ব রইলো না। এমন কি যখন বৈদেশিক আক্রমণের বিপদ পরে কেটে গেল তখনই এই নবজাত সমাজ ব্যবস্থায় কায়েম হয়ে রইল একটা কেন্দ্রীয় শক্তি (authority), এবং অগ্ন্যাগ্ন নানা সামরিক ও সামন্তী প্রতিষ্ঠান ও প্রথা যার ফলে কিবাণ সমাজের সমস্ত অধিকার ও সুবিধাগুলি একেবারে বরবাদ হয়ে গেল। জার্মানীর স্বাধীন চাষীরা অন্ততঃ তিনবার এই ধরনের লুণ্ঠনের ফলে সম্পত্তিহারা হয়েছে এবং তাদের শ্রেণী বৈশিষ্ট্যকে হারাতে বাধ্য হয়েছে। একবার এই জমি লুণ্ঠন হয়েছে কেণ্টদের যুগে। দ্বিতীয়বার হয়েছে ৯ম ও ১০ম শতকে। তৃতীয়বার এই মর্মান্তিক ঘটনা আরম্ভ হয়েছে ১৫শ শতকে সেইসব প্রদেশগুলিতে যেগুলিকে তারাই স্ল্যাভদের কাছ থেকে জয় করে দখল করেছিল। যেসব স্থানে সার্বভৌম কোন রাজশক্তি ছিল না, ছিল

* The Glasgow Herald, reviewing "Democracies of the East".

† "The state: Its history and development reviewed sociologically" by Oppenheimer.

কিন্তু 'সামন্ত রাজাদের গণতন্ত্র (republics of nobles)', সেইসব স্থানে চাষীদের দুর্গতি হয়েছে অনেক বেশী। ইংলণ্ডে এবং ফরাসী দেশে পূর্বকার টিউটন গ্রাম্যসমাজ লুপ্ত হয়ে তার স্থানে হলো মধ্যযুগীয় manor বা জমিদারি। এটা ঘটলো নর্ম্যান বিজয় বা ফ্র্যাঙ্ক বিজয় থেকে। ইংলণ্ডে ব্যারনদের প্রতি ঈর্ষাপ্রণোদিত হয়ে রাজা তাঁর জজদের সহায়তায় সাধারণ লোকের অধিকারকে সাবধানে রক্ষা করে চলতেন। যতদিন তাদের নির্দিষ্ট সামাজিক কর্তব্য পালন করত ততদিন সাধারণ লোক, স্বাধীনই হোক, দাসই হোক,—কেবল সংরক্ষিত নিজ জমিটুকুই নয়, পতিত জমি বা খোলা জমিও, উপভোগ করতে পারত। প্রথম দিকে রাজার সম্পত্তি-সত্ত্বের সঙ্গে তাঁর সার্বভৌম সত্ত্বের কোন পার্থক্য ছিল না; কিন্তু ধীরে ধীরে জমির মালিকানা সত্ত্ব সার্বভৌম সত্ত্ব থেকে আলাদা হয়ে গেলো। রাজাকে সামরিক সেবাদানের দায়িত্বটা তাঁকে অর্থ দ্বারা কর প্রদানের বাধ্যবাধকতায় পরিণত হওয়ায়ই এই পরিবর্তনটা ঘটল। সামন্তদের অধীনস্থ লোকবলের পরিবর্তে রাজা গঠন করলেন তাঁর স্বকীয় সৈন্যদল। এতে তার সার্বভৌম শক্তি যেমন অসন্দিগ্ধ হল তেমনি প্রজাদের জমিতে অধিকারও হল অকাটা। তাদের ক্রয়-বিক্রয়ের ক্ষমতা অবাধ হল। রাজা দ্বিতীয় হেনরী যে মফঃস্বলে তার জজদের (Circuit Judges) পাঠিয়ে কোর্ট করাতেন, তাতেই ইংলণ্ডে “কমন ল” (Common law) নামক আইন ব্যবস্থার ভিত্তিস্থাপন হয়।* স্বাধীন জনসাধারণদের (Freemen) ময়দান ব্যবহারের অধিকার ছিল কিন্তু ইংলণ্ডে বড় জমিদারদের প্রাধান্য হওয়ার পরে এই অধিকার ক্ষুণ্ণ হয়েছিল। কশিয়াতে ভূমি দাসদের (Emancipation) মুক্তি যে ফল হয়েছিল ইংলণ্ডে “ঘেরনী আইন” (Enclosure Acts) গুলোরও সেই ফল হয়েছিল। অর্থাৎ, এর ফলে জমিদারই হয়ে দাঁড়াল জমির প্রকৃত মালিক, যে জমিতে ছিল এতদিন জমিদারের সঙ্গে সঙ্গে প্রজারও সমান অধিকার।

সামন্ত ভূখণ্ডের মধ্যে শহরগুলিতে ব্যবসা-বাণিজ্য বৃদ্ধি পাওয়ার সঙ্গে সঙ্গে আবির্ভাব হলো “তৃতীয় রাষ্ট্র-পর্যায়ের” (Third Estate) বা জন-সাধারণের। কিন্তু এই নতুন শক্তিকে পদে পদে বাধা দিতে লাগলো প্রচলিত মধ্যযুগীয় ব্যবস্থা এবং ফলে এই ব্যবস্থা ও প্রতিষ্ঠানগুলোর বিরুদ্ধে অভিযান আরম্ভ হলো এই “তৃতীয় পর্যায়ের” বা নব-জাগ্রত সাধারণের। ইংলণ্ডের ১৬৪৯ সনের বিপ্লবে, ১৭৮৯ সনের ফরাসী বিপ্লবে, ১৮৪৮ সনের জার্মান বিপ্লবে এবং ১৯০৫ সনের রুশ বিপ্লবে,—এই নতুন শক্তির জয় হলো। এর ফলে মধ্যযুগীয় ছোটো বৈশিষ্ট্যের মধ্যে একটা গল অর্থাৎ সমাজে পদ-বৈষম্য এবং শ্রেণী-তারতম্য লুপ্ত হল। কিন্তু দ্বিতীয়টি, অর্থাৎ জমিদারদের জমিতে একচেটীয়া সত্ত্ব, থেকেই গেল। এই জমিদারির মধ্যেই আছে ধনতন্ত্রের বীজ। নাইট-রা ও সামন্তী যোদ্ধারাই হয়ে দাঁড়ায় আধুনিক কৃষি-ক্যাপিটালিষ্ট। (agrarian capitalist) *

* Commons, Legal foundations of Capitalism.

প্রমাণ করেছেন যে, মধ্যযুগীয় এবং আধুনিক যুরোপে সামাজিক স্তরবিচারের মানদণ্ডটি যুগে যুগে পরিবর্তিত হয়েছে।

সাম্প্রতিক পশ্চিম যুরোপীয় সমাজের দুটো স্তম্ভ হলো, একদিকে, সমষ্টি-আত্মার সাধারণ প্রতিক্রিয়া রাষ্ট্র, এবং অন্যদিকে, ব্যক্তিস্বাতন্ত্র্য ও ব্যষ্টির প্রচেষ্টা। এরা উভয়েই এ যুগে সামাজিক শান্তি ও ন্যায়কে প্রতিষ্ঠা করতে অক্ষম হয়েছে। যে ব্যক্তিস্বাতন্ত্র্য সমস্ত প্রগতি, প্রচেষ্টা ও প্রকর্ষের মূলে, আজ তার প্রতিদ্বন্দ্বী হয়ে দেখা দিয়েছে শ্রেণীচেতনা, তার চরম শত্রু। শ্রেণীচেতনা আজ অর্থনৈতিক জীবনকে গড়ে তুলতে চায় ব্যষ্টি-প্রচেষ্টার সমাধির ওপরে; রাষ্ট্রের ও শিল্পের বিরাট যন্ত্রকে দখল করে সমাজকে গঠন করতে চায় সমগ্র সমাজের স্বার্থে নয়, কেবল শ্রমিকদের স্বার্থে। ব্যক্তিস্বাতন্ত্র্য এবং শ্রেণীপরিকল্পনা (class planning), এই দুয়ের সংঘর্ষে হয় শতাব্দীব্যাপী উদারনীতি ও সামাজিক গণরূপায়নের (democratisation) সমস্ত সুফল মুছে যাবে; নয় তো সর্বব্যাপী অনিশ্চয়তার সুবিধা নিয়ে ডিক্টেটর-তন্ত্রের উদ্ভব হবে।

ব্যষ্টিপ্রচেষ্টা এবং রাষ্ট্রশক্তি, এই দুয়ের সংঘর্ষের ভিত্তিতেই যুরোপীয় কৃষ্টি গড়ে উঠেছে। এদের দুয়ের সামঞ্জস্য আজ প্রয়োজন হয়ে উঠেছে; এ সামঞ্জস্য হবে কোন শ্রেণীর স্বার্থ পরিকল্পনার জন্য নয়, এ আনবে সমস্ত শ্রেণী ও স্তরের যুক্তিসঙ্গত ও ক্রমবর্ধমান অধিকার ও উপভোগ। মনে হয় মানব সভ্যতার সকল ঐশ্বর্ষে বর্তমান সংকটের একমাত্র সমাধান হবে এমন একটা সমষ্টিগত সমাজ-ব্যবস্থায় যা' শ্রেণীসংঘর্ষ ও সমাজবিপ্লবের মধ্য দিয়ে আসবে, যা আসবে বি-কেন্দ্রীকরণ (decentralisation) ও শক্তিবর্টনের (devolution) মধ্যদিয়ে। ব্যবসামূলক গোষ্ঠী ও মৈত্রীসংঘ, কোঅপারেটিভ সমিতি ইত্যাদি হলো ব্যক্তি এবং বৃহৎ সমাজের মধ্যে সংযোগবিন্দু এবং স্বায়ত্বশাসনের বীজ। এরা শ্রেণীজর্জর সমাজের উদগ্রতাকে মোলায়েম করে লোকসেবা ও গণসংহতির এক নূতন নীতিশাস্ত্রের প্রবর্তন করতে পারে। গিল্ড সোস্যালিজম, সিণ্ডিক্যালিজম, যন্ত্রশিল্পে সহযোগিতা, কোঅপারেটিভ প্রথা ইত্যাদি সমাজ ও শিল্পকে সমগ্ররূপে গড়ে তুলবার প্রচেষ্টা বই কিছু নয়। এদেরই কাছাকাছি হলো সমাজ-নীতিতে প্রান্তিকতা (regionalism), ব্যবসাপরত্ব (functionalism) এবং রাষ্ট্রীয় বহু-কেন্দ্রিকতা (pluralism)। এককেন্দ্রিক রাষ্ট্রের-খিওরীকে সংশোধন করে আবির্ভূত হয়েছে প্রান্তিক স্বায়ত্বশাসন, বিকেন্দ্রীকরণ ও স্বয়ংশাসিত কারখানায় শ্রমমর্যাদা ইত্যাদি। একথা স্বীকৃত হচ্ছে যে গণতান্ত্রিক রাষ্ট্রশাসন ও স্বৈচ্ছাতান্ত্রিক শিল্পনিয়ন্ত্রণ এক সঙ্গে থাকতে পারে না। আধুনিক সমাজ পরিকল্পনার গতি হ'ল বুরোক্র্যাসীকে উৎখাত করে শিল্পগুলিকে ভেঙ্গে কতকগুলো খণ্ড খণ্ড স্থানীয় কেন্দ্র থেকে পরিচালনার দিকে। স্বয়ংশাসিত শিল্পে, কারখানায়, গিল্ডের ক্ষুদ্রতর ক্ষেত্রে পৃথক স্বার্থগুলোকে সামঞ্জস্য আনা সহজতর হবে। যত বেশী বি-কেন্দ্রীকরণ হবে, তত বেশী হবে নেতৃত্ব ও দায়িত্ব শিক্ষা দিবার সুযোগ। এই রূপেই বিরুদ্ধ-স্বার্থ শ্রেণীগুলোকে পরিণত করা যাবে কতকগুলো সাংস্কৃতিক সংঘে (cultural

রুদ্ধ কপাতি

আশাপূর্ণা দেবী

যে ক্ষুদ্র ঘটনাকে উপলক্ষ্য করিয়া, সুদীর্ঘকালের সৌহার্দবন্ধ দুইটি পরিবারের বিচ্ছেদ ঘটয়া গেল, সেটা এমনি অকিঞ্চিৎকর যে, তাহার উল্লেখ না করিলেও চলে। উপলক্ষ্যটা নিতান্তই উপ-লক্ষ্য।

‘খেলিতে চাহিলে যে কাণাকড়ি লইয়াও খেলা অসম্ভব নয়’ এই পুরাতন প্রবাদটীকে হলদেবাড়ীর বড়গিন্নি এমনি নিঃসংশয়ে প্রমাণিত করিয়া দিলেন যে দেখিয়া বিস্মিত হইতে হয়।

লালবাড়ী প্রথমটা অপ্রতিভ হইলেন, তাহার পর অবাক হইলেন, অবশেষে হাল ধরিলেন। অতঃপর স্তব্ধ-মধ্যাহ্নের নিঃশব্দ শান্তি বিদীর্ণ করিয়া, চিরদিনের মধুবর্ষি কণ্ঠ হইতে যে তীব্র বিষ উদ্গীরণ হইয়া গেল তাহা যেমনি আকস্মিক তেমনি অপ্রত্যাশিত।

সম্বন্ধ-বন্ধনহীন দুই পরিবারের মধ্যে অনেক দিনের আসায় যাওয়ায়, আদানে প্রদানে বিপদে সম্পদে, হাসি কান্নায় গড়া প্রীতির সম্বন্ধটী এই রূঢ় আঘাতে ভূমিসাৎ হইয়া গেল!...

এবং ইহারই পর লাল ও হলদে বাড়ীর সংযোগ সেতু খোলা জানালা ছুটি যেন পুনর্মিলনের সমস্ত সম্ভাবনাকে বিলুপ্ত করিয়া দিতেই, আঠারো বৎসর পরে আজ প্রথম কপাট রুদ্ধ করিয়া দিল।...

ইহার পর রুদ্ধ কপাটের কঠিন দেয়ালে কেহ মাথা খুঁড়িয়া মরিতে চায় মরুক, সে দায়িত্ব তাহার নয়!

হলদে বাড়ীর বড়-জা ছোট-জাকে উদ্দেশ্য করিয়া কহিলেন—আচ্ছা করে ‘কড়কে’ দিয়েছি। এইবার যদি আদিখ্যেতা ঘোচে। চব্বিশ ঘণ্টা—‘কাঞ্চন কাঞ্চন কাঞ্চন।’—‘কাঞ্চনকে একবার আসতে বলবেন তো মাসীমা—কাঞ্চনকে একবার পাঠিয়ে দেবেন তো মাসীমা—কাঞ্চন একবার শুনে যাও তো ভাই—’ ভেঙচানির সুরে জ্যোতির্ময়ীর নকল করিয়া—নিজস্ব ভঙিমায় মুখ বাঁকাইয়া কাঞ্চনের হিতৈষিণী জেষ্ঠ্যতাত পত্নী কহেন—কাঞ্চন যেন ওঁর খানাবাড়ীর খানসামা। ধিঙ্গি এক মেয়ে পুষে রেখেছেন—বিয়ে দেবার নাম নেই। ভয় আছে? না লজ্জা আছে? মুখে আসে আসে আর চুপ করে থাকি—আচ্ছা করে টিট করে দিয়েছি আজকে। আরো বোধহয় কিছু বলতেন তিনি, সুধু ছোট গিন্নির—অর্থাৎ কাঞ্চনের মার, মৌখিক উৎসাহের অভাবে একটু থামিয়া যান। তিনি থামিলে ও ‘দোয়ার’ দিবার লোক ছিল; কাঞ্চনের বড়দি, যিনি সম্প্রতি শ্বশুর বাড়ী হইতে আসিয়াছেন, এবং আসিয়া পর্যন্ত লালবাড়ীর বিরুদ্ধে হলদে বাড়ীর ধুমায়িত ক্রীণ অসন্তোষকে অনুকূল বাতাসের সাহায্যে জ্বলিয়া উঠিবার উপযুক্ত করিয়া তুলিতেছিলেন, তিনিই কহিলেন—তোমরা যে এতদিন এসব সহ্য করে আসছো এই আশ্চর্য্য। তোমায় এই বলে রাখছি মা, সময় থাকতে যাই প্রতিকার হ’ল তাই রক্ষে, নইলে শেষ অবধি একটা কেলেকারী না ঘটে ছাড়তেনা। ‘নাস্তি’ ছুঁড়ি কি কম বেগায়া! অতবড় মেয়ে—দিন রাত্রির আসছেন কাঞ্চনদার

—আর তুই চাইলি—ক্যাংলার মতন ?

—কই চাইলাম ? কক্ষনো না। বললে যে—আয় বাবলু বল খেলি—খেলে তা' পর বললে—তোর জন্তেই কিনেছি ওটা, নিয়ে যা।

খোকা অবশ্য ইহার মধ্যে অযৌক্তিক বা অপরাধজনক কিছু খুঁজিয়া পায় নাই, তাহার খেলনার ভাঁড়ার তল্লাস করিলে কাঞ্চনদা প্রদত্ত উপহারের অভাব নাই।

কিন্তু, তাই বলিয়া—এখন তো আর জ্যোতির্ময়ী সেটা বরদাস্ত করিতে পারেন না ? তাই বীর বিক্রমে ছেলের কাছ হইতে বামাল কাড়িয়া লইতে অগ্রসর হ'ন।

দালানের ওদিকে বসিয়া নমিতা এতক্ষণ সুপারি কুচাইতেছিল, কথা কহে নাই এবার মুখ তুলিয়া কহিল—কি ছেলেমানুষী হচ্ছে বৌদি ?

—ছেলেমানুষী আবার কি ? ও বল আমি ফেরৎ দেব। চুকে বুকে তো গেছে সব, আবার আমার ছেলেকে খেলনা দিতে আসা কেন ?

—আমি-ই বলেছিলাম দিতে।

—তার মানে ? কখন তুই বললি মুখপুড়ি ? জ্যোতির্ময়ী যেন ক্ষেপিয়া যান, তা' হলে লুকিয়ে চুরিয়ে দেখাশোনা চলছে ?

—আঃ কি করো বাবলুর সামনে ? লুকিয়ে আবার কি ? রাস্তাদিয়ে যাচ্ছিল—বারান্দা থেকে দেখতে পেয়ে বললাম—কাঞ্চনদা, খোকার বলটা তোমাদের উঠোনে পড়ে আছে, দিয়ে দিও। ক'দিন ছেলেটা মুখ শুকিয়ে বেড়াচ্ছিল—নতুন একটা কিনেই দিয়েছে দেখছি, বাড়ী থেকে নিতে সাহস হয়নি বোধ হয়। অল্প হাসিয়া চুপ করে নমিতা।

হাসির ভঙ্গী দেখিয়া জ্যোতির্ময়ী আরো জ্বলিয়া যান, বলেন—হবেই বা কেন ? তোমার মতন তো দুর্ধর্ষ পাহাড়ে সবাই নয় ? ডেকে কথা কইতে তো'র লজ্জা হ'লনা রাক্ষুসী ?

পেটের মেয়ে নয়, ননদিনী, তাও স্বামীর সহোদরা বোন নয়, বৈমাত্রেয়, এতে শাসন করিবার সাহস বা অধিকার জ্যোতির্ময়ীর থাকার কথা নয়, কিন্তু অধিকার যে—কখন কোন সূত্রে জন্মায়, সাদা চোখে সে হিসাব মেলানো কঠিন।

নমিতা রাগ করে না, তেমনি প্রায় হাসিমাখা মুখে উত্তর করে—লজ্জা করবার কি আছে ? আমি তো কারুর সঙ্গে কৌদল করে আসিনি।

—আর আমিই বৃষ্টি পাড়া বয়ে কৌদল করে আসি—না ? বড্ড তো'র বাড় বেড়েছে নাস্তি, রোস্ আজ আশুক তো'র দাদা, এর একটা বিহিত করে তবে ছাড়বো।

—কি করবে আমায় ? হেঁটে কাঁটা ওপরে কাঁটা দিয়ে পুঁতবে ?

—যদিই তাই পুঁতি—মানসিক উত্তেজনার ভারেই বোধকরি জ্যোতির্ময়ী ধপাস করিয়া বসিয়া পড়েন দাঁড়াইতে পারেন না। নমিতা উঠিয়া নিঃশব্দে একখানা হাতপাখা আনিয়া হাতের কাছে আগাইয়া দিয়া আবার সুপারি লইয়া বসে।

বাতাস খাইবার প্রয়োজনই বোধকরি ঘটিয়াছিল জ্যোতির্ময়ীর তাই সেখানা তুলিয়া লইতে বিলম্ব করেন না এবং নাড়িতে নাড়িতে ক্ষুব্ধ স্বরে বলেন—সংতো ননদ, ভারীতো টানের জিনিস, তার জন্তে আবার ভাবনা ! আমার ও যেমন মরণ নেই । এইমাসের মধ্যেই যদি না তোকে বিদেয় করি তো কি বলেছি । কালো, কুচ্ছিত, মৃথ্যু গরীব কিছু বাছবনা, যাকে পাই তা'কেই ধরে দেব ।

কাটা সুপারি ক'টা নিবিষ্টচিত্তে একটা বোতালে ঢালিতে ঢালিতে নমিতা কৃত্রিম গম্ভীর মুখে বলে—

—তার চেয়ে বরং সকালের মহারাণীদের মতন প্রতিজ্ঞা করো বৌদি, কাল সকালে উঠে যার মুখ দেখবো—তার হাতেই—

—ফের তুই আমার সঙ্গে ইয়ারকি কচ্ছিস নাশ্টি ? আমি তোর ইয়ারকির যুগিয়া ?

—বৌদি ছ'টো সুপরি খাও না ভাই ।

বোতালটা জ্যোতির্ময়ীর সামনে বসাইয়া দিয়া হাসিতে হাসিতে পলাইয়া যায় নমিতা ।

*

*

*

*

জ্যোতির্ময়ী মিথ্যা প্রতিজ্ঞা করেন নাই ; স্বামীর সঙ্গে কলহ করিয়া সোরগোল তুলিয়া নমিতার বিবাহের ব্যবস্থা পাকা করিয়া তোলেন তিনি ।

এতব্যস্ত হইবার হেতু অবশ্য, সত্যই নমিতাকে শাস্তি দেওয়া নয়, কতকটা বরং ওবাড়ীকে টেকা দেওয়া । বাক্যালাপ না থাক্ তবু ওবাড়ীর আসন্ন বিবাহের বার্তা এ বাড়ীতে পৌঁছাইতে বিলম্ব হয় না । বড়লোকের বাড়ী বিবাহ, কাঞ্চনরাও কিছু গরীব নয়, সমারোহটা ভালই হইবে আশা করা যায় ।

অন্যতঃ 'ঘটকিনী' বীণার মোটর চাপিয়া যখন তখন আনাগোণাটাই যেন পাড়ার মধ্যে একটা সমারোহের আভাস আনিয়া আশপাশের বাসিন্দাদের সচকিত করিয়া তুলিয়াছে ।

জ্যোতির্ময়ীও যেমন তেমন করিয়া সারিবেন না তাঁহার অনেক সাধ অনেক বাসনা । কণ্ঠার সাধ ননদিনীকে দিয়াই মিটাইতে হইয়াছে চিরকাল, আজ ও তাহার ব্যতিক্রম হইবার কারণ নাই ।

কিন্তু, তিনি যেন হাঁফাইয়া উঠিতেছেন । ও বাড়ীর বিচ্ছেদ বিরহ এতদিনে যেন আসল চেহারা লইয়া প্রবল হইয়া উঠিয়াছে তাঁহার সামনে ।

কাহাকে দেখাইয়া সুখ ? কাহাদের খাওয়াইয়া তৃপ্তি ? কাহাদের সঙ্গে পরামর্শ করিলে স্বস্তি ? কাঞ্চন ভিন্ন মনের মতন জিনিস আনিয়া দেয় কে ? বাজারের নূতন হালচাল, নূতন নূতন ফ্যাসানের খবর আসিবে কাহার কাছ হইতে ? ঝগড়া হইয়াছে হৌক, কিন্তু বিবাহ ছইটা চুকিয়া গেলে যদি হইতো ? কাঞ্চনের বিবাহে জ্যোতির্ময়ী কড়ি খেলাইবেন না—নাশ্টির বিবাহে মাসীমারা ভাঁড়ার আগলাইবেন না—একি অসঙ্গত কথা ! এর স্বপক্ষে যেন কোন যুক্তিই নাই ।

তবু চেষ্টাকৃত উৎসাহে তিনি একলাই সাতজনের কাজ করিতে থাকেন, শুধু এক এক

ছিদামের অপমৃত্যুতে এদের মধ্যে যাদের প্রাণ একদিন কেঁদে উঠেছিল, তাদের ঠোঁটের কোণেও সে কথার স্বরণে আজ খেলে যায় বাঁকা হাসি। ঈশ্বরের আশায় আজ আর ধন্যা দিয়ে বসে থাকে না, সে ভুল ওদের ভেঙেছে; ধন্যবাদ ঈশ্বরকে। ওরা জেনেছে এই জীবনই সব, সত্য একমাত্র পারিপার্শ্বিক, আর শাস্ত ওই মিল ও বস্তু, শুড়িখানা এবং বারবণিতার দামী সাহচর্য। জীবনের গতি হয়ে এসেছে ছন্দহীন সরল, কিন্তু পাকে পাকে অন্তরের গ্রন্থি হচ্ছে জটিলতরো, বিপর্যস্ত জৈবিক সংঘাতে। অশিক্ষিত মন সে খোঁজ রাখে না, আত্মরোমন্থনের বিষফল ঝাপসা চোখ যে দৃষ্টিভঙ্গি হারিয়েছে। আর শিক্ষিতরা হল প্রগতিশীল, উদার দৃষ্টি তাদের উর্ধ্বমুখী। অবাস্তুরে কাল ব্যয় করবার অবসর তাদের নেই। তাই মাঝে মাঝে শ্রমিকরা যখন অতিষ্ঠ হয়ে ওঠে, অন্তরের আদিমতা যখন মাথা চাড়া দেয়, তখন ওরা মন্দিরের দ্বারে মাথা খোঁড়ে না, বা গলায় দড়ি দিয়ে আত্মহত্যাও করে না—মিলে রাতে ওভার টাইম খাটে কিম্বা মদ গেলে মাত্রাতিরিক্ত!

—সবই বিধাতার, অর্থাৎ, বিধানদাতার ইচ্ছা সাপেক্ষ!

বলাই-এর দোকানের আড্ডা ভেঙেচে কিন্তু তার রূপ গেছে বদলে। এই চার বছরের ব্যবধানে বলাই-এর সিন্ধুক ভারী হয়েছে রীতিমত আর দোকানটি স্থানচ্যুত হয়ে আশ্রয় নিয়েছে একটি একতলা কোঠাবাড়ীতে। দু'জন কর্মচারী দোকান চালায়, বলাই বসে বসে তামাক খায় ও তদারক করে।

শীতের মধ্যাহ্ন অপরাহ্ণে গড়িয়েছে, নিবিষ্ট মনে বলাই খবরের কাগজের শেয়ারের পৃষ্ঠা পর্যবেক্ষণে ব্যস্ত, দোকানেও তেমন ভীড় নেই। এমন সময় প্রবেশ করল লক্ষ্মণ।

—আর এস এস, ওরে তামাক দে, তামাক দে। তারপর দু'দিন যে পাত্তাই নেই? ব্যাপার কী? বলাই প্রশ্ন করল।

কিন্তু কোন উত্তর দিল না লক্ষ্মণ, হাসল করুণ হাসি।

তার দিকে তাকিয়ে বলাই বললে, বড় যে মনমরা দেখাচ্ছে, কিছু হয়েছে নাকি?

—না, হবে আর কী? তবে সাংসারিক—

—আরে, রেখে দাও তোমার সাংসারিক। ও ভাবলেই মাথা খারাপ, নইলেই নিশ্চিন্দী।

বলাই আজ একথা বলতে পারে, লক্ষ্মণ ভাবল।

—তার চেয়ে পরকালের চিন্তা দেখ, কাজ হবে।

—তাই দেখচি।

তার গলার স্বর শুনে বিস্মিত হয়ে বলাই তাকাল তার দিকে, কিন্তু লক্ষ্মণ তখন হুকোর আড়ালে মুখ লুকিয়েছে। হুকায় অকারণ ঘন ঘন টানে বলাই-এর মুখের প্রশ্ন মুখেই রয়ে গেল, সে আবার কাগজে মনোনিবেশ করল।

কয়েক মুহূর্ত কাটল এমনি কৃত্রিম গাঙ্গীর্যের মাঝে।

—বলাই। এক সময় মৃৎকণ্ঠে ডাকলে লক্ষ্মণ।

মুখ তুলে বলাই বললে, কিছু বলবে আমায় ?

না, বলবার কিছু নেই, একটু থেমে লক্ষ্মণ বললে, তোমার ছেলে কদিন মারা গেছে বলতে পারো' বলাই।

এ সময় লক্ষ্মণের এ রকম প্রশ্নে বলাই বিস্মিত হল। ছেলে তার ছিল, এবং সেই তার একমাত্র পুত্র সন্তান। কিন্তু সে মারাও ত গেছে অনেক দিন; পুরানো সেই দুঃখের স্মৃতি আজ আর জাগিয়ে লাভ কী ? সে ইতিহাস কী আজানা লক্ষ্মণের ?

—আজ হঠাৎ এ প্রশ্ন কেন লক্ষ্মণ ? বলাই জিজ্ঞাসা করল।

—হঠাৎ-ই মনে এল, কণ্ঠে রহস্য এনে বললে লক্ষ্মণ, আজ হঠাৎ-ই এ কথা বার বার মনে হচ্ছে,— হিংসে হচ্ছে তোমার সৌভাগ্যে।

—সৌভাগ্য ! আমার সৌভাগ্য ! বলাই আঁতকে উঠল, তুমি কী বলচো লক্ষ্মণ ?

—ঠিকই বলচি। ছেলে নেই বলেই আজ সবাই তোমার দিকে চায়, আজও তাই তুমি বলাই-ই আছো। সে বেঁচে থাকলে সেই হত সব, কেউ ফিরেও চাইত না তোমার দিকে। হয়ত তোমার ছেলেও নয়।

আমার ছেলেও আমার দিকে ফিরে চাইত না, লক্ষ্মণ ? বলাই-এর স্বরে গভীর বিস্ময় ঝরে পড়ল। ছেলে না থাকার যে কী দুঃখ তা তুমি বুঝবে না লক্ষ্মণ, তুমি তা বুঝবে না এক একবার ভাবি এই যে এত উপায় করি, আমি মরলে কী হবে এসব, এ কী আমার সংগে সংগে যাবে ? ছুঁটো মেয়ে ছিল, তাত অনেক দিনই পার করেচি। কার জন্তু এত সব ? মনে মনে ভাবি, বুঝিও, কিন্তু ছাড়তে পারি না—ট্যাকার নেশা আমার ভেতরে শেকড় নামিয়েচে। আজ যদি সৃষ্টিধর বেঁচে থাকত তা'লে তার হাতে দোকান তুলে দিয়ে, কাশীবাস করতে পারতুম। শেষের দিকে বলাই-এর গলা ধরে যায়।

—তুমি ভুল করচ বলাই।

—ভুল !

—হ্যাঁ ভুল করচ তুমি।

বলাই বললে, আমায় তুমি জানো লক্ষ্মণ, যোলো বছর বয়সে এই দোকানে ঢুকেছিলাম, বুড়ো বাপের হাত থেকে সংসারের ভার নিয়েছিলুম। আমার বাবাও—

—অবিনাশ কাকাও তাই করেছিলেন, তা আমি জানি বলাই। কিন্তু এটা কলিকাল।

—হবে। কিন্তু সৃষ্টিধর আমারই ছেলে, আমারই বাপপিতাম'র রক্ত তার শরীরে ছিল। সে কখনো—

অবিশ্বাসের হাসি হাসল লক্ষ্মণ।

—রক্তের সম্বন্ধ কলিতে বড় নয় বলাই, বড় হল ট্যাকা। এই ধরো আমার ছেলে বিষ্টুপদ, তাকেও আমি বৃকে করে মানুষ করেছিলুম, আমারও বাপপিতাম'র রক্ত তার দেছে কিন্তু—

—কিন্তু বাধা দিয়ে বলাই বললে, সে কী আজকাল তোমার সাথে এমনি ব্যাভার-ই করচে লক্ষ্মণ ?

সে কথার উত্তর না দিয়ে লক্ষ্মণ বলতে লাগল, প্রথম যেদিন সে মিলে ঢোকে, কত মানাই ওকে আমি করেছিলুম, কেঁদে কেঁদে ওর মা চোখ ফুলিয়ে ফেলেছিল। বললুম, যাসনি বিষ্টু, নিজের হাত ব্যবসাকে হেনেস্তা করিসনি। ঘরের লক্ষ্মী তাঁতকে অপমান করিসনি। কিন্তু ও তা শুনলে না, পাঁচ ট্যাকা হপ্তাই ওর কাছে বড় হল। ঘরের লক্ষ্মীতে মন ধরল না, রাগুসী কার-খানাই হল সব।

—তা মন্দ কী ? লক্ষ্মণ উপায় ত করচে।

—উপায় করচে ! কিন্তু, বেল পাকলে কাকের কী বল। এ্যাদিন যাবত আমার সংগে, সংসারে খরচ পত্তরও দিত ! কিন্তু বিধেতা বাদ সাধলেন, ঘাড়ে ওর ভূত চাপল। অনেক সহ্য করেছিলুম বলাই,—

লক্ষ্মণের চোখ দিয়ে এবার জল গড়িয়ে পড়ল।

—কিন্তু যেদিন বাইশ বছরের ছেলে বিষ্টু, যাকে আমি বৃকে করে মানুষ করেছিলুম, সেই আমার বিষ্টু, নেশা করে বাড়ি ফিরল সেদিন আমার বৃক ফেটে যেতে লাগল। এই আমার ছেলে, যে কোনদিন আমার সামনে তামাকও খায়নি, আমার মুখের ওপর কোনদিন একটা কথাও কইতে সাহস করেনি, সেই কিনা সেদিন আমারই চোখের সামনে বৌমার গায়ে হাত তুলল !

বলাই বললে, বিষ্টু এতদূর অধঃপাতে গেচে ! নেশা করে, বৌমার গায়ে হাত তোলে,— একথা তুমি এ্যাদিন বলোনি, লক্ষ্মণ ?

লক্ষ্মণ উত্তর দিলে, ছেলে মদ খায়, বাপ-মা কী একথা মুখ তুলে বলে বেড়াতে পারে, বলাই ! হাজার হলেও আমি ওর বাপ, আমার রক্তে ওর জন্ম, আমার বৃকেই ও মানুষ, ওর ব্যারামের সময় আমিই ওর জন্তে মা শেতলার কাছে মাথা কুট।

—মদ অবিশ্য আজকাল অনেকেই খায়, বলাই বললে, মদ না খেলে নাকি ওরা বাঁচতে পারে না।

—আর মদ খেয়েও কী চমৎকার বেঁচে আছে আমার বিষ্টুপদ ! ওকথা আমায় আর কয়োনা বলাই। যেদিন আমার লক্ষ্মীর মত বৌমার গায়ে হাত তুলল, সেদিন আমি আর থাকতে পারলুম না,—দিলুম ছ'কথা শুনিয়ে, সহ্যেরও একটা সীমা আছে, বলাই ! ছেলের আমার রাগ হ

—এই যে পরের মেয়েকে এনে এমন করে ভাসিয়ে দিয়ে গেল, ফিরে চাইল একবার ? একবারো ভাবল ওই নিদোষ ছুধের বাচ্চাটার কথা ? মিছে আমরাই কেবল ওর জন্ম ভেবে মরি, পাগল হই।—লক্ষণ মুখ ঘুরিয়ে ঘরের মধ্যে চলে গেল। স্থানুর মত তার স্ত্রী দাওয়ায় দাঁড়িয়ে রইল।

হঠাৎ এই সময় পাশের ঘর থেকে একটা তীব্র আতর্নাদ উঠল। কণ্ঠটা পুত্রবধুর।

ঘর থেকে ছুটে বার হয়ে এল লক্ষণ।

—ওকী হল ? দেখত, দেখত বউ।

তার স্ত্রী ততক্ষণে পুত্রবধুর ঘরের মধ্যে উপস্থিত হয়েছে। পেছনে পেছনে হস্তদস্ত ভাবে লক্ষণও ছুটে এল। দেখা গেল ঘরের মধ্যে বৌমা তার ছেলেকে কোলে নিয়ে বসে আছে। কোলের ওপর থেকে ছেলের মাথা এলিয়ে পড়েছে। চোখ তার বোজা, বেশ বোঝা যায় জ্ঞানও নেই।

দেখেই লক্ষণের স্ত্রী চীৎকার করে কেঁদে উঠল, এ কী সর্বনাশ হল, বৌমা! ছ'হাতে সে ছেলের মাথা ধরে নাড়া দিতে লাগল।—

ওগো জল আন শীগগীর।

—গলা শুকিয়ে বাছা আমার—শ্বশুরের সামনেও বৌমা নিজেকে সামলাতে পারল না।

লক্ষণের সমস্ত শরীর তখন থরথর করে কাঁপতে শুরু করেছে। দাঁড়িয়ে দাঁড়িয়ে, এ দৃশ্য দেখা অসম্ভব।

কয়েক মুহূর্ত স্তব্ধ হয়ে থেকে ছুটে সে ঘর থেকে বার হয়ে গেল।

উপায়! উপায়! হ্যাঁ, এর থেকে উপায় তাকে একটা বার করতেই হবে। জীবন-মৃত্যুর এই সন্ধিক্ষণে অন্ততঃ শেষবারের মত একবার প্রাণান্ত চেষ্টা তাকে করতেই হবে।

অনেক দিনের কেনা একটা রঙিন তাঁতের সাড়ি পাট করে তোলা ছিল। তার বিবাহিত জীবনের প্রথম কয়েকটি দিনের সংগে এর একটি চমৎকার ঐতিহাসিক সংযোগ রয়েছে,—তাই এটা বিক্রি করবার কথা তার কোন দিনই মনে হয়নি। এর প্রতি বুননে যেন মেশানো রয়েছে অশরীরি আত্মীয়তার পরশ। এত দিনের এত অভাবের মাঝেও এটার দিকে সে কখনো লুক্ক দৃষ্টি দেয়নি।

আজ সেটাই সে বার করে নিল।

আমাদের হাতে পায়ে ধরলেও কী তিনি এ উপকারটুকু করবেন না!

সাড়িটা বুকে করে নিয়ে বাড়ী থেকে বেরিয়ে গেল।

*

*

*

ছুঃসংবাদের যে পাখা আছে রাস্তায় পা দিয়েই তার পরিচয় পেল লক্ষণ। কতক্ষণ আগেই বা ঘটেছে কিন্তু এর মধ্যে সেটা সবার মুখে মুখে ছড়িয়ে পড়েছে। কথাটা শুনে চমকান স্বাভাবিক, কিন্তু আজ সে স্বাভাবিকতারও বাইরে। নিষ্পন্দভাবে সে সব শুনল।

—বিষ্টুপদ, হ্যাঁ, তারি ছেলে বিষ্টুপদ, একটু আগেই নিজের সামান্য ভুলের জন্ত একেব মেসিনের তলায়—

এ-ই-ই ? কিন্তু এতে অবাক হবার কী আছে, আর কীই বা আছে ছুঃখের ? ল ভেবে পায় না। এত আজ নতুন নয়—ইতিহাসের পুনরাবৃত্তি মাত্র।

—একেবারে শেষ !

শুনে একটুও কাঁপল না লক্ষণ। অপরের প্রবোধ বাণীর মৃদুতম ভগ্নাংশও তার কা প্রবেশ করল না।

—তার ছেলে বিষ্টুপদ আজ নেই ? একেবারে মেসিনের তলায় !—


আশ্চর্য ! এ সংবাদে একটু কান্না পাচ্ছে না তার। যাকে সে বুক করে মানুষ ক তুলেছিল, তার রক্তে যার জন্ম, তার জন্ত লক্ষণের বুক আজ একেবারে হাহাকার করে উঠে না কেন ?

লক্ষণের বুক থেকে একটা অদম্য কাশির বেগ ঠেলে ওপরের দিকে উঠতে লাগ কোন মতে সে সেটা চেপে রেখে জমিদারের বাড়ীর দিকে দ্রুত এগুতে লাগল। হঠাৎ পথের পাশে একটা কাঁপের মধ্যে কাপড়টা ছুড়ে ফেলে দিলে।

তারপর বুক ফুলিয়ে হাঁটতে শুরু করল।

মৃত বিষ্টুপদের শূন্যস্থানে তার দাবীই যে সর্বাধিক !

—কিন্তু ইহাও কাহিনী নয় ; বৃহত্তর কাহিনীর ভূমিকা পট মাত্র।



বিদ্যালয়ে শিক্ষা-শিক্ষা

সুধীর খাস্তগীর

সব দেশেই বিদ্যালয়ের শিক্ষাপদ্ধতি যে খুব উৎকৃষ্ট তা নয়। আমাদের দেশে তা নয়ই। বিদ্যালয়ের ওপর আমাদের দেশের শিশুদের ভীতি এখনো যায়নি। পঁচিশ বছর আগেকার একটি ব্যক্তিগত ঘটনার উল্লেখ করতে এখন আর লজ্জা নেই। ছেলেদের কলেজিয়েট স্কুলে ভর্তি হবার জন্ম বয়সের দিক থেকে ছোট এবং বুদ্ধিতে না হলেও পড়াশোনাতে অযোগ্য বলে আমার ভর্তি হওয়া তখনো সম্ভব হয় নি। আমি হাঁফ ছেড়ে যেন বেঁচেছিলাম। কিন্তু আমার কপালে স্কুলে যাওয়া লেখা ছিল; ঘরে বসে যে মেঝেতে ছবি আঁকবো, প্লেটে হাতের লেখার নামে “কাগের ঠ্যাং বগের ঠ্যাং” আঁকবো তার উপায় রইল না। দিদির সঙ্গে আমাকে মেয়েদের স্কুলে যেতে হ’ল। সেখানে গিয়েও বিদ্যালয় ভীতি—আমার গেলো না। ক্লাশে একটু কথা বলার জন্ম “গুরু-মাসিমার” কানমলা খেয়ে আমি সে বিদ্যালয় ত্যাগ করি। মেয়েদের বিদ্যালয়ে এখনকার দিনে শিক্ষয়িত্রীদের এরকম কান, কেশ কিম্বা চড়-চাপড়ের ওপর প্রীতি নেই বলেই আমার বিশ্বাস, কিন্তু ছেলেদের বিদ্যালয়ে যে এখনো প্রচুর পরিমাণে আছে, সে বিষয় আমি নিঃসন্দেহ।

আজকাল অনেকেই যাঁরা শিক্ষা-পদ্ধতি নিয়ে গবেষণা করছেন তাঁরা বুঝতে পেরেছেন এবং বিশ্বাস করেন ছোট ছেলে মেয়েরা মেজেতে “কাগের ঠ্যাং বগের ঠ্যাং” আঁকার মধ্যদিয়ে



মৌলবি সাহেব

আগিনুদ্দিন

বয়স—দশ

নং ১

যদি স্বাভাবিক ভাবে শিক্ষা পায় অর্থাৎ শিক্ষক কিম্বা শিক্ষয়িত্রী যদি শিশুদের যা করতে বলতে ও শুনতে ভাল লাগে, সে সব করতে, বলতে ও শুনতে দেবার সঙ্গে সঙ্গে শিক্ষা দেন, তবেই তারা চট করে শেখে ও শেখাতে আনন্দ পায়। এই কারণেই আজকাল ছবি আঁকা, মাটিদিয়ে কিছু গড়া, ছুতোর মিস্ত্রীর কাজ, বই বাঁধানো ইত্যাদি হাতের কাজ

বিদ্যালয়ে ক্রমেই বড় স্থান পাচ্ছে। এবিষয় সকলেই নিঃসন্দেহ হয়েছেন যে এসব কাজ বিদ্যালয়ে শেখানো উচিত, কিন্তু কি পদ্ধতিতে শেখানো উচিত সে বিষয় ‘নানান’ মুনির নানা মত।

দ্বিতীয়তঃ—ড্রইং-ক্লাসটিতে ছাত্র-ছাত্রীদের বেশীরভাগ সময় নিজের ইচ্ছামতো কাজ করে দেওয়া ভালো। কোনো কোনো বিশ্ববিদ্যালয়ে ড্রইং পরীক্ষার জন্য ছেলেমেয়েদের ড্রইং শেখানো হয়। পরীক্ষা পাশ করবার জন্য পারতপক্ষে ড্রইং শেখা উচিত নয়। বিদ্যালয়ের কর্তৃপক্ষদের দেখা উচিত, সহজে পাশ করা যায়, সেই কারণে ছেলেরা যেন ড্রইং না শেখে।

তৃতীয়তঃ—শিশুকাল হ'তে দশ বারো বছরের ছেলেমেয়েদের বেশীর ভাগ সময় নিজে মন থেকে আঁকতে চেষ্টা করতে দেওয়া দরকার। তা' না করে প্রথম থেকে নকল করতে আরম্ভ করলে তাদের কল্পনার থেকে কিছু করতে পারা আর পরে সম্ভব হয় না। বারো বছরের পরে যাদের শিল্পের কাজে ঝোঁক থাকে, তারা তাদের নিজেদের ভুলচুক আপনা থেকেই বুঝতে শেখে এবং ভুল শোধরাতে চায়, তখন তাদের শেখানো কষ্টকর ত' নয়ই—বরং সেই উপযুক্ত সময়।

চতুর্থতঃ—প্রত্যেক স্কুলে শিল্পের জন্য অন্ততঃ দুইটি ঘর থাকা দরকার। একটি ঘরে শিল্প সম্বন্ধে এবং অন্যান্য নানাবিষয়ে সচিত্র পুস্তক থাকবে। দেয়ালে বিখ্যাত শিল্পীদের চিত্রে print ইত্যাদি আঁকতে

(বিখ্যাত শিল্পীদের হাতের আসল ছবি রাখার সামর্থ্য সব বিদ্যালয়ের পক্ষে সম্ভব নয়)। সেই সকল ছবি কখনো কখনো বদলানো দরকার। কারণ দেখা যায় একই ছবি দেয়ালের এক জায়গায় অনেক দিন থাকলে ছেলেমেয়েরা তা' আর লক্ষ্য করে না। সেই ছবিখানিই যদি কিছুদিন অন্তর অন্তর অন্য স্থানে রাখা হয় তবে সবার সেই দিকে নজর পড়ে ও



বংশীবাদক

ভিড

বয়স—তেরো

নং

সেই ফাঁকে ছবিটিকেও ভাল করে দেখতে আরম্ভ করে। আর একটি ঘর যেখানে শিল্প-শিক্ষক কাজ শেখাবেন, কিম্বা দরকার হলে নানা বিষয় ছাত্রদের সঙ্গে গল্পছলে আলোচনা করবেন কখনো কখনো ম্যাজিক লণ্ঠনের সাহায্যে ছবি দেখাবেন। ছেলেমেয়েরা এমনি কাজ ততট শিখতে পারে না। শিল্পশিক্ষক যদি তাদের সামনে কখনো কখনো নিজের কাজ করেন এবং

ছাত্রছাত্রীরা যদি তাঁকে কাজ করতে দেখবার সুযোগ পায় তবেই তারা শিল্পের কাজে আকৃষ্ট হন ও শেখে।

ছাত্র-ছাত্রীরা শিল্প-শিক্ষার নির্ধারিত সময় এসেই যে নিজের নিজের কাজে লাগবে তারও দরকার নেই। কোনো ছাত্রের যদি কাজে মন না লাগে, তবে সে শিল্প বিষয়ে কোনো বই

নিয়ে পড়তে কিম্বা ছবি দেখতে পারে। শিল্প-শিক্ষক ছাত্র-ছাত্রীদের নিয়ে মাঝে মাঝে ঘরের বাইরেও গাছ পালা জন্তু জানোয়ার আঁকতে যেতে পারেন।

ছবি আঁকা, মাটি দিয়ে খেলনা ইত্যাদি বানানো কার্ডবোর্ডের বাস্তু বই বাঁধানোর কাজ, নানা রকমের হাতের কাজ করবার সুবিধা রাখা ভালো। যার যেটাতে মন লাগে। অনেক সময় দেখা যায় একটি ছোট ছেলের হয়তো পেন্সিল দিয়ে কিম্বা রং দিয়ে কাগজে আঁকতে মন বসে না, কিন্তু মাটি দিয়ে খেলনা তেরী, করতে তার পরম উৎসাহ। কোনো ছেলের হয়তো 'লাইনো-কাট'এ উৎসাহ। যেদিক দিয়েই হউক, শিক্ষকদের দেখা দরকার, শিশুদের স্বাভাবিক সৃষ্টি করবার প্রবৃত্তিটা যেন চাপা না পড়ে।



মোগল ছবি

নং ৫

১৪ বছরের ছেলের আঁকা

শান্তিনিকেতনের থেকে ইন্টারমিডিয়েট পরীক্ষা দেবার জন্তু যখন আমাকে কলকাতায় পাঠানো হ'ল তখনও আমি ভাবিনি, আমি পরীক্ষা পাব। যখন দেখলুম—পরীক্ষা পাশ ক'রে ছবি আঁকা চর্চা হয়তো হবে না—কলম পেশার ব্যবসায়ী কিম্বা ঐ ধরনের কিছু একটা হ'তে হবে তখন পালানোই স্থির করলুম। শান্তিনিকেতনের কলেজের শিক্ষক মণ্ডলী দিয়েছিলেন শিক্ষার। তাঁদের কথায় ক্রমশঃপ না ক'রে কলাওবনে যোগ দিয়েছিলুম—শিল্পী হবার উদ্দেশ্যে। তখনও ভাবিনি আমার কপালে শিক্ষকতা লেখা আছে। তাও আবার এমন বিদ্যালয় যেখানে ছেলেরা

ধনীলোকের আদরে পালিত মানুষ। প্রথমটা ভেবেছিলুম আদরে পালিত ধনীদেয় ছেলেরা কুঁড়েমীর মধ্যে শিল্প লেখাপড়া শিখবে, সেখানে আমাকে শেখাতে হবে ছবি আঁকা মূর্তি গড়া! খুব উৎসাহ ছিল না। শেখানোতে মন ছিল না—নিজের শেখাতে এবং নিজের কাজে মন ছিল। দেখলুম সেই হ'ল আসল শেখানো। ছেলেরা যখন দেখলে—আমি আঁকি—এঁকে আনন্দ পাই—খেলার সময় খেলার মাঠে যেতে ভুলি। তারা ভাবলে, দেখতে হবে ব্যাপার খানা কি! দেখতে এসে অনেকে ফাঁদে পড়লো! নেশা লেগে গেল তাদের। আমার আশে পাশে কাগজ পেন্সিল রংএর বাস্তু নিয়ে লেগে গেল কাজে। এমনি ক'রে ড্রইং শেখানো হ'ল শুরু।

তারপর এখানে পাঁচ বছরে শিখিয়েছি যা' তার চেয়ে আমি নিজেই শিখেছি বেশী। শেখার বিরাম নেই সে চলবেই।

স্কুলে ছাত্র সংখ্যা প্রায় তিনশ'র কাছাকাছি। থাকে সবাই এখানে। খেলার মাঠ—সাঁতারের 'পুল', কিছুই অভাব নেই। লাইব্রেরী, নিজেদের স্কুলের ছাপা সাপ্তাহিক খবরের



রাধুনী

এম্ এম্ সোফ্রি

বয়স—১৫

নং ৬

কাগজ, ডিবেটিং, তার ওপর ক্লাসের পড়াশোনা। ছুতোরের কাজ, মোটর মেরামতের কাজ, কামারের কাজ—'ইলেক্ট্রো প্লেটিং' পর্যন্ত ছেলেরা করছে।

শান্তিনিকেতনের ছাত্র ছিলাম আমি। একটু টিমে তালে প্যাসেঞ্জার ট্রেনের গতিতে চলার অভ্যেস ছিল এখানে এসে পড়লাম যেন মেইলট্রেনে। কিন্তু নিজেকে উপযুক্ত ক'রে নিতে দেরী হ'ল না! 'সময় নষ্ট করা' কাকে বলে বুঝে ফেললুম। ছেলেরা যে বয়সে এখানে ভর্তি হয়—তখন তারা বাড়ীর অনেক কুঁড়েমী বড়োলোকী অচল ভাব নিয়ে আসে—এখানে নিয়মবদ্ধ জীবনে পড়ে কিছুদিনের মধ্যেই সচল হ'য়ে ওঠে। আসে যখন বয়স তাদের দশ এগারো। সেই বয়স থেকে আঁকতে শেখে।

প্রথম বছর আঁকার কোনোই নিয়ম নেই—যা পায় আঁকে—কেবল বইএর ছবি দেখে দেখে যে আঁকবে সেটি হচ্ছে না! ১, ২ নং এর ছবিগুলো দেখলেই বোঝা যায় এতে ক'রে কেমন ছবি

পুত্রী

ক্ষেত্রমোহন পুরকায়স্থ

ছই

শ্রীমন্তের স্ত্রী রত্না যথার্থই ছিল সার্থক-নানী—এমনি ছিল তাঁর দেহের সুগোল গঠন মুখের চাঁচে-কাটা নাতি-দীর্ঘ আকৃতি, রংয়ের উজ্জলতা ও চোখে-ছটোর আবেশময় দৃষ্টি। রত্নার গ্রীবাভাগ যদি হুস্ব না হ'ত এবং ওর অধরোষ্ঠের স্থূলতা যদি একটুখানি কম হ'ত, তবে যে সব যুবক ওকে বিয়ে করতে পারেনি বলে ব্যর্থ-মনোরথ হয়েছে, তাঁদের পক্ষেও রত্নার রূপের নিন্দা করা সহজ হ'ত না। এ হেন রতন অধ্যাপক-যুবকের কপালে যে জুটল, তার কারণ বোসেদের বাড়ীতে শ্রীমন্তের সঙ্গে কিরীটের উপজাত সৌহার্দ্য। রত্না ছিল কিরীটেরই মত এক অসম্পন্ন ব্রাহ্ম পরিবারের মেয়ে। শ্রীমন্তের বিয়ের বছর কয়েক আগে পরিচিত-মহলে এমন একটা কিংবদন্তি ছিল যে কিরীটের সঙ্গেই রত্নার হবে বিয়ে। এ কিংবদন্তির মধ্যে সত্যের অংশ যত কর্মই থাক এটা ঠিক যে কিরীটের সঙ্গে রত্নার সঙ্গলাভের অবকাশ হয়েছিল প্রচুর এবং রত্নার বিয়েতে ঘটকালিও করেছিল ষোল-আনা কিরীট। তারই ফলে শ্রীমন্তের মা ব্রাহ্ম-কন্যাকে ঘরে আনতে রাজি হ'লেন এবং রত্নার মা ও বিনা রেজেস্ট্রিতে শালগ্রাম সাক্ষী রেখে কন্যাকে পাত্রস্থ করে অস্বীকার করলেন না। কিরীটের কথা বলবার ঢং যেমনই হোক এবং সে কথার শ্রী না থাকলে এমনি একটা ধার ছিল যাতে ফল ফলত মাঝে মাঝে আশ্চর্য-রকমের। শ্রীমন্তের বিঘ্ন-বছর বিয়েটা তারই একটা উদাহরণ।

অনেক বাধা কাটিয়ে যে বিয়ে হ'ল, পরে তার যাত্রা-পথও একেবারে বাধা-যুক্ত হ'ল না। শ্রীমন্তের মা উমাতারা ব্রাহ্ম পরিবারে পুত্রের সম্বন্ধ করে' যে ঔদার্যের পরিচয় দিয়েছিলেন রত্নাকে পুত্রবধুরূপে পেয়ে সে ঔদার্যের পরিচয় দিলেন না। রত্না সেই যে প্রথম বৃহস্পতিবার একবার শ্বাশুড়ীর লক্ষ্মীর আসনের বাসন-গুলি মেজে এনেছিল, দ্বিতীয় সপ্তাহে মাথা-ধরার ভা করে তা আর করল না, তৃতীয় সপ্তাহে ইচ্ছা করে মার বাড়ী থেকে ফিরতে করল দেরী যাতে পূজার বাসন ধুতে না হয় এবং তার পরে একদিন ও ছাতের চিলি-কোঠায় শ্বাশুড়ীর লক্ষ্মীর আসনে পাশেও ঘেসল না। শ্বাশুড়ী-বৌর পরম্পরের সংস্কারের দ্বন্দ্ব ক্রমশ বেড়েই চলল কিন্তু বাক্য-গস্তী রত্না সে সব ব্যাপার নিয়ে কোন উচ্চ-বাচ্যই করল না। শ্রীমন্ত সবই চোখের সামনে দেখতে পে' কিন্তু কিংকর্তব্যবিমূঢ় মাকে কিংবা স্ত্রীকে কাউকে কিছুই বলল না, শুধু কথা-প্রসঙ্গে মাকে এ স্ত্রীকে একে-অন্যের বিভিন্ন আদর্শের ব্যাখ্যা করে গেল। এতে কিছুই লাভ হ'ল না, স্ত্রী ও ম

মানসিক ব্যবধান বেড়েই চলল এবং দ্বন্দ্ব-বহুল জীবনের ঘূর্ণিপাকে পড়ে শ্রীমন্তের বিবাহিত জীবনের মিলন-প্রক্রিয়া ত বাধা পে'লই, তাঁর পূর্বকার পারিবারিক নীড়েরও শাস্তি নষ্ট হ'ল। বোসেদের বাড়ীতে সাক্ষ্য সম্মেলনে শ্রীমন্তের বিনা ব্যতিক্রমে যোগদানের এ-ও ছিল একটা বিশেষ কারণ।

বিয়ের প্রায় মাস ছ'য়েক পরে একদিন রাত্রে শ্রীমন্তের মা পুত্রের নিকট কাশীবাসের ইচ্ছা প্রকাশ করলেন। শুনে শ্রীমন্তের আহত সন্তান-হৃদয় উদ্বেলিত হয়ে উঠল। স্ত্রীকে সে রাত্রে যে কি বলেছিল সে শ্রীমন্তই জানে কিন্তু ফলে পরদিন ভোর-বেলা যে রত্না মায়ের কাছে গেল রাত্রেও আর ফিরল না। দুদিন বাদে শ্রীমন্তের মা ছেলেকে বল্লেন, “দেখ বাবা, আমার কাশী যাওয়া তুমি বাধা দিয়ো না। আমি কাশী গেলেও আমি তোমার মা-ই থাকব কিন্তু রত্নাকে পাওয়া চাই তোমার কাছে—নইলে সে তোমার স্ত্রী হতে পারবে না। তুমি আজই গিয়ে তাকে নিয়ে এসো এবং কালই তুমি আমাকে পাঠিয়ে দাও কাশীতে”। শ্রীমন্তের মা কাশীবাসী হ'লেন।

যে দিন শ্রীমন্তের মা কাশী রওয়ানা হ'লেন, খবর পেয়ে সেদিনই সন্ধ্যায় কিরীট রত্নাকে স্বামী-গৃহে পৌঁছিয়ে গেল। শ্রীমন্ত যথা-সম্ভব মনের ভাব দমন করে সে রাত্রে স্ত্রীকে বল্ল “রত্না, তুমি আমায় ভুল বুঝো না কিন্তু মা কাশী যাওয়াতে আমি নিজেকে অপরাধী বলে মনে কচ্ছি”। “কিন্তু তার জন্তে বোধ হয় দায়ী নই ঠিক আমি? যাও না দিন সাতেক পরে গিয়ে নিয়ে এসো তাঁকে।”

শ্রীমন্ত দীর্ঘশ্বাস ছাড়ল এবং পরে স্ত্রীর চোখের দিকে কাতরভাবে তাকিয়ে বল্ল “মা আমার আসবেন না রত্না। তিনি অভিমান করে'ত ঠিক যাননি, নিজের কর্তব্য-বুদ্ধি থেকেই গেছেন”।

মা কাশী-প্রবাসী হবার পর থেকে শ্রীমন্তের পারিবারিক জীবনের আর কোন দ্বন্দ্ব রইল না ; বরং সাধারণ মধ্যবিত্ত পরিবারের জীবনে যতটা সুখ-শান্তি থাকে, শ্রীমন্তের ভাগ্যে তার চাইতে অনেক বেশীই জুটল। তার কারণ শ্রীমন্তের পরিবার ছিল নিতান্ত ক্ষুদ্র, তা'তে ছিল না কোন প্রকার আর্থিক অস্বচ্ছলতা এবং রত্নার প্রকৃতি-গত গাভীর্য ও শ্রীমন্তের চরিত্রের একান্ত ঔদার্য মিলে পরিবারের আবহাওয়াটা করে রেখেছিল যেন লোকালয়ের বাইরেরকার কোন নীরব নিস্তর শান্তিপূর্ণ বিরাম-কুঞ্জের মত। রত্না মোটেই সঙ্গ-প্রিয় ছিল না, প্রতিবেশিনী বা আত্মীয়-বন্ধুদের বাড়ীতে যাতায়াত করত অল্পই। সখের ভিতর ছিল নভেল পড়া আর সেতার বাজান। স্বাশুড়ীর কল্কাতা ছাড়ার পর থেকে রত্নার মা-বাবা উঠে এলেন ভবানীপুরে এবং তখন থেকে রোজ সন্ধ্যায়ই বেড়াতে আসত ওর ওখানে রত্নার কোন না কোন ভাই না হয় কোন বোন। মাঝে মাঝে ভাই-বোনদের সঙ্গে রত্না মায়ের বাড়ীর কোন কোন আত্মীয়-বন্ধুদের ডেকে চা খাওয়াত। এমনি একটা চায়ের নিমন্ত্রণে ডাক পড়ে ছিল কিরীটের—যার উল্লেখ হয়েছিল বোসেদের বাড়ীর এক সাক্ষ্য সম্মেলনে।

“রেবা, তুই না কথা দিয়েছিস্ এ সব ব্যাপার কারও সঙ্গে আলোচনা করবি না” ?

“তা ক’রব না। কিন্তু কি ঘেন্না, মামা, তুমি এ সব কাজ ছাড়”।

শুনে রত্না স্তম্ভিত হয়ে রইল, সে কোন কথাই বলতে পারল না। তরুণী ছুটির বিষয় ও জুগুপ্সা মন্দীভূত হবার আগেই অখিল ওদের নিকট হতে সেদিনকার মত বিদায় নিল। যাবার সময় হেসে বল্ল “তোমরা এ নিয়ে মাথা ঘামিয়ে না মেয়েরা এবং কারো সঙ্গে আলোচনাও করো না।”

(তিন)

কিরীট নিজের নিমন্ত্রণ রক্ষা করে যথা সম্ভব ত্রস্তপদে হেঁটে এসে ও নিজের বাড়ীতে নিমন্ত্রিতদের সঙ্গে ঠিক যোগদান করতে পারল না। বাড়ীর সামনেই রাস্তায় শৈবাল চাটুয্যের সঙ্গে সাক্ষাত হ’ল—সে তখন চা-পানাতে বাড়ী ফিরছিল। কিরীট দাঁড়িয়ে শৈবালের নিকট আপনার কৈফিয়ত জানাল এবং সে যে অনিবার্য কারণে বাড়ীতে উপস্থিত থাকতে পারে নাই, তার জন্য বহুবার ক্ষমা প্রার্থনা করল। চাটুয্যে বল্ল “আপনি কিছু ভাববেন না, আপনার দিদির আপ্যায়নের ঋণ শোধ দেওয়াই আমার শক্তি”।

কিরীট বাড়ী গিয়ে দেখল যে ওর দিদি তখনও চায়ের সরঞ্জামের পাশে বসে মৈত্রীর সঙ্গে কথা কইচে। হেমবালা ভাইকে ঘরে ঢুকতে দেখেই বল্ল “দিলুম কিরীট তোমার জন্য দশ হাজার একটা কেস্ করিয়ে”। বলেই প্রোচা মহিলাটা যেন একটু অপ্রভিত বোধ করল এবং সেই মুহূর্তে মৈত্রীর দিকে ফিরে বল্ল “জান না বোন, আমাদের কিরীটের উপর কি ভয়ানক টাকার চাপ—কত লোককে যে ওর অল্প অল্প সাহায্য ক’ত্তে হয়। কিন্তু তা হলে কি হবে নিজের ওর ব্যবসা বুদ্ধি নাই বল্লেই হয়—তাই মাঝে মাঝে আমিই ওর জন্য মাথা ঘামিয়ে মরি—তুমি হয়ত এটা কি ভাবলে জানি না”।

মৈ—আমার ভাবনার জন্য অপরে তাদের দরকার মত কাজ করবে না, এটাত আমার চিন্তার মধ্যে আসে না। তা ছাড়া, ভাইয়ের জন্য কেন, কোন মেয়ে যদি নিজের জন্য টাকা অর্জনের চেষ্টা করেন, আমি সে চেষ্টাকে শ্লাঘার চোখেই দেখি।

হে—কি জান মৈত্রী, আমরা সেকলে মেয়ে কি না। তাই ভাবনা হয় পাছে তোমাদের নূতন রুচি কিংবা নূতন আশাকে আমরা অজ্ঞাতে পীড়া দিই।

হেমবালা মুহূর্তের জন্য পাশের ঘরে উঠে গেল এবং ফিরে এসে ভাইয়ের হাতে একখণ্ড কাগজ দিয়ে বল্ল “এই নাও কিরীট, তোমার প্রপোসেল ফর্ম অবধি আমি চাটুয্যেকে দিয়ে পূরণ করিয়ে রেখেছি”।

একটা বিরক্তি-মিশ্রিত বিষয়ের সহিত কিরীট বল্ল “এ তোমার নেহাৎ বেনেমি হ’ল দিদি।

ভদ্রলোককে চা খেতে ডেকে তুমি শুধু তাঁর থেকে বীমা করবার অঙ্গীকার নিয়েই কান্ড হওনি, একেবারে ফরম পুরিয়ে রেখে ছেড়েছ। ভদ্রলোক আমাদের কি ভাবলেন জানি না”।

হেমবালা ভাইএর দিকে তাকিয়ে স্নিগ্ধভাবে হাসল এবং পরে মৈত্রীর দিকে ফিরে বলল “দেখ বোন কিরীটের রকম দেখ, আমার উপর ওর বিশ্বাস নাই। তোকে বলছি কিরীট এই ফরম পুরিয়ে নেওয়াতে আমি শিষ্টাচার খর্ব করিনি, বরং আপ্যায়নটা যে পর্যাপ্তভাবে ক’র্তে পেরেছি ফরম পূরণটা হল তারই নিদর্শন। কি বল বোন তুমি” ?

মৈ—তা ঠিক জানিনে’। কিন্তু আমি একথা নিশ্চয়ই বলব, কিরীট বাবু, শিষ্টাচারকে বাচাবার জন্য আমি কোন ঈপ্সিত কাজকে পঙ্গু করব না। কারণ কাজই আসল, শিষ্টাচার উপকরণ মাত্র।

হেমবালা উল্লসিত হয়ে বলল “ঠিক বলেছ বোন, ঠিক বলেছ। বোঝাও’ত তুমি ব্যাপারটা কিরীটকে, আমি ততক্ষণে একটা কাজ সেরে আসি” ! দিদি অপসৃত হলে কিরীট বলল “মৈত্রী তোমার এই নূতন-নীতি বিছালয়ে টাকা দিয়েও আমার দিদি ছাড়া ছাত্রী পাবে না, বলে দিচ্ছি।”

উত্তেজিত ভাবে মৈত্রী জবাব দিল “সে কথা আমার জানা আছে কিরীট বাবু। মেকী-সর্বস্ব পৃথিবীতে মেকীর পাহাড়ের উপর দাঁড়িয়ে কথা না বললে সেকথা কারোর কাছেই যায় না। লোকে চায় অর্থ, দেখায় শিষ্টাচার; লোকে খোঁজে স্বার্থ, ভাগ করে ত্যাগের; লোকে চায় নিজেদের জাহির ক’র্তে কিন্তু মুখোস পরে আদর্শের; লোকে চায় সকলে সুখ কিন্তু তাদের কাছে ছড়ান হয় শাস্তি—শতাব্দীর সঞ্চিত মিথ্যা—যুগান্তের পাহাড়-প্রমাণ দুর্বলতা।

কি—এই বয়সে তোমার বেলুনে অত গ্যাস জুটল কোথেকে ?

মৈ—সে যেখান থেকেই জুটুক, এটা ঠিক যে আপনার শ্লেষ-কথায় সে বেলুন ধুলায় লুটাবে না ?

আমার কথার মধ্যে যদি কোন সত্য থাকে, তা’ আমার বয়সের খাট্‌তিতে খাট হবে না।

সৃষ্টি-গতির সঙ্গে সঙ্গে সৃষ্টি-জ্ঞানের ব্যঙ্ক-ব্যালাসত আর ক্ষয়ের দিকে যাচ্ছে না যে বলবেন

নবীন যুগ হতে প্রাচীন যুগের জ্ঞান বেশী কিংবা তরুণীর জ্ঞান হতে বৃদ্ধার জ্ঞান গভীর।

অভিজ্ঞতার মূল্য নির্ভর করে, কিরীট বাবু, সময়ের ব্যাপকতাই নয়, অভিজ্ঞতার তীক্ষ্ণতাই।

কি—কিন্তু আমি তোমার জ্ঞানের তীক্ষ্ণতার চাইতে ব্যাপকতাই বেশী। তুমি দেখতে চাইচ অনেক খানি, ফলে দেখচ না কিছুই ভাল করে। এইটেই হল তোমার এবং সকলের পক্ষেই তারুণ্যের মুস্কিল।

মৈ—আমার দৃষ্টির তীক্ষ্ণতা কোথায় কম, সেটা বুঝিয়ে দিন। যে প্রশ্নের উত্তর আপনি নিজে লিখতে পারবেন না, আমার খোঁখো খাতায় শুধু লাল পেনসিলের নম্বর বুলালে আমি অশ্রদ্ধার সহিতই সে নম্বর গ্রহণ ক’র্তে অঙ্গীকার করব।

কি—দেখ মৈত্রী, আমার প্রকাশ-ভঙ্গি আড়ষ্ট, আমি হয়ত নিজেকে তেমন ভাবে প্রকাশ কতে পারব না। কিন্তু আমার বলবার মোদ্দা কথা এই যে পৃথিবীতে সত্য-মিথ্যা কিছু নাই—আছে শুধু ভাল-মন্দ। আর এই ভাল-মন্দের ভেদাভেদ হয়েছে শুধু আর্থিক প্রভেদ থেকে। জীবনে কি সমাজে যত সব অসঙ্গতি তুমি দেখবে, তার সবকিছুরই উৎপত্তি এই আর্থিক প্রভেদে। এইটী ঘুচিয়ে দাও, দেখবে জীবন-যাত্রা সরল, সহজ ও প্রশস্ত হয়ে উঠেছে।

মৈ—আপনার কথা আমি মানি না, কিরীট বাবু। মেকীকে অগ্রাহ্য কতে হলে চাই মনের বীর্য, অর্থের প্রাচুর্যে তাহা পাওয়া যায় না।

কি—তুমি আমার কথা বোঝ নি কিংবা আমি আমার কথা স্পষ্ট করে তোমায় বোঝাতে পারি নি। আর্থিক-প্রভেদ-হীন যে সমাজ, তাতে তুমি যাকে বলব মেকী, তার উৎপত্তিই হবে না। জীবনকে সার্থক ক'তে হলে আর্থিক প্রাচুর্য চাই না—যতটা চাই আর্থিক অবস্থার সমতা। এমনি সময় হেমবালা ঘরে ঢুকে বল্ল “কি গো মৈত্রী বোঝাতে পারলে কিরীটকে যে তাঁর দিদি স্ক্যাপাও নয় কিংবা শিষ্টাচারকে পায়ে ঠেলেও চলে না।”

মৈ—না, আমি ঠিক পাল্লাম না। আচ্ছা, আমি এখন আসি তা হলে। রাস্তায় নেবেই গাড়ী পাব আসা করি।

কি—তা হয়ত পাবে না। তুমি দাঁড়াও, আমি দিচ্ছি ডেকে গাড়ী কোথা থেকে। কিরীট ঘর থেকে বেরিয়ে গেলে হেমবালা বল্ল “তোমায় বোন ডেকে আজ কষ্ট দিলুম। তা হ'লে ও তুমি নেহাতই আপনার লোক, তাই আমি কিছু মনে করি না। ভাল কথা, মৈত্রী তোমার বাবার সঙ্গে'ত আমার সাক্ষাত হয় নি, কখন গেলে ওর সঙ্গে একটু নিরিবিলি আলাপ করার সুবিধা হয়, বলত ”।

“তা আমি ওকে জিজ্ঞাস করে কিরীট বাবুর কাছে বলে দিব ”।

“আলাপ করা বৈ'ত নয়, তা হলেও দেখ শীঘ্রই যেন দেখা করবার আমার সুবিধা হয়। আচ্ছা মৈত্রী, নিস্তারণ মিত্র বলে তোমার বাবার বৃষি বিশেষ একজন বন্ধু আছেন ”।

“আছেন এবং বাবার কাছে আসেনও প্রায়ই তবে ওর সঙ্গে হৃদয়তা কতটুকু আমার যথার্থ জানা নেই ”।

“সে যতটুকু হোক, যথেষ্ট আলাপ'ত আছে ?”

“প্রচুর।”

হেম-বালা খানিক চুপ করে এবং পরে ভুরুটা আছোপাশু কঁচকিয়ে বল্ল “নিস্তারণ বাবুরই না এক ছেলে গেল সপ্তাহে ডেপুটী ম্যাজিষ্ট্রেট হ'ল ”।

“আমার ঠিক জানা নাই”।

মৈত্রী উত্তরটা এতটা উদাসীন ভাবে দিল যে হেমবালা তৎক্ষণাৎ একেবারে ভিন্ন সুরে বলে উঠল, “তাইত, তোমার কি আর বোন এ সব খবর রাখবার কোন প্রবৃত্তি আছে? বাংলা দেশের কলেজের মেয়েরা যেমন নৃতন বড় চাকুরে ছেলেদের নাম মুখস্থ করে বেড়ায়, তুমি ত আর সে সব কলেজের ছেঁচিপেঁচি নও। গোলায় যেতে বসেছে বোন, গোলায় যেতে বসেছে এ কালের পাশ করা মেয়েগুলো। কিরীট আমায় কতদিন বলেছে যে তোমার জুড়ি মেয়ে কলেজে কিংবা যুনিভাসিটিতে নাই। তোমার স্বাতন্ত্র্য দেখে সত্যি বোন আমি অবাক হয়ে গেছি?”


বলতে বলতে হেমবালা আশ্চর্য হয়ে দেখল যে মৈত্রীর মুখের উপর একটা রেখাও ফুটে উঠল না। এমনি সময় কিরীট এসে নীচে গাড়ী দাঁড়ানোর খবর দিল। হেমবালাকে ছোট একটা নমস্কার করে মৈত্রী অচঞ্চল গতিতে সিঁড়ি বেয়ে নীচে নেবে গেল।

কিরীট সে রাত্রে শুয়ে শুয়ে মৈত্রীর কথা অনেক ভাবল। এই পিতৃ-ক্রোড়ে বর্ধিতা মেয়েটা যে ঠিক অল্প দশটা শৈশবে মাতৃ-হারা মেয়ের মত নয় তা অনেকদিনই কিরীটের মনে হয়েছিল। বহুদিনই তাঁহার স্বভাব-সুলভ ব্যঙ্গোক্তি দিয়ে মৈত্রীকে উত্তেজিত করে কিরীট বেশ একটু নির্মম আনন্দও উপভোগ করেছে। তবে মৈত্রীর কথার ফেনিল উত্তেজনার মধ্যে যে পনের আনাই তাঁর তারুণ্যের নিদর্শন কিরীটের মনে সেই ধারণাটাই এক রকম বন্ধমূল হয়েছিল। কিন্তু সে রাত্রে কথাবার্তা হতে কিরীট মৈত্রীর সম্বন্ধে তাঁর আগেকার ধারণাতে সন্ধিহান হয়ে পড়ল। তাঁর যেন কেবল মনে হতে লাগল যে মৈত্রীর চরিত্রের মধ্যে সত্যিই একটা আগুনের ফুলকি কাজ ক’ছে। কিরীট ভাবতে চেপ্টা করল যে তরুণীদের দেহে-মনে একটা স্বাভাবিক উষ্ণতা থাকে, মৈত্রীর আচরণে ব্যক্ত যে বিদ্রোহ সেটা হয়ত সেই উষ্ণতারই বিকার মাত্র। কিন্তু কিরীট অনেক চিন্তা করেও মৈত্রী সম্বন্ধে এ ধারণায় পৌঁছিতে পারল না। কারণ তাঁর কাছে এটা খুব স্পষ্ট হয়ে ধরা পড়ল যে মৈত্রীর কথায় বা আচরণে যে শক্তির প্রকাশ, তা’তে তাপের চাইতেও বেশী থাকে দহন-গুণ। মেয়েদের স্বাভাবিক উষ্ণতার মধ্যে থাকে স্পর্শাবেশ, মাধুর্য কিন্তু মৈত্রীর কথার মধ্যে থাকে একটা অকৃত্রিম ঝাঁজ, একটা পীড়া দেবার ব্যাগ্রতা। মৈত্রীর মধ্যে এই বিদ্রোহিনীর ঈষৎ সন্ধান পেয়ে কিরীট মনে মনে পরিতোষ লাভ করল।

এই মানসিক পরিতুষ্টির কারণ ছিল এই— কিরীট জীবনে প্রতিকূল অবস্থার সঙ্গে লড়াই করে বুঝেছিল যে এর গলদ কোথায়? তাঁর আকাঙ্ক্ষা উচু ছিল না কিন্তু অনূচ্চ আর্থিক আশাও যখন পূর্ণ হ’ল না, তখন জীবনে সুখের স্বপ্ন মন থেকে একেবারে মুছে ফেলেছিল। কিরীট বিন্দু-মাত্র ভাবপ্রবণ ছিল না এবং নিজের জীবনের ব্যর্থতায় সে ঠিক সংসার-বিরাগী হ’ল না কিংবা সংসার-বিদ্রোহী হ’ল না? জীবনের বাস্তব রূপকে চোখের সামনে রাখতে তাঁর প্রবৃত্তি হত না এবং জীবনের কোন আদর্শ রূপ প্রচার করবার মত তার বীর্যের ও ছিল অভাব। কাজেই

মাঝখানেে বসি বিকৃত প্রেতেরা
 মরণের দিন গোণে ;—
 তোমার লাগিয়া আপনারে তারা
 খুন করে বারে বার—
 চির ক্ষুধার্ত সোনার পৃথিবী
 ঋণ শোধ কর তার !—

জীবনের পথে উঠিয়াছে ঝড়
 নেচে উঠে বৈশাখী
 যুগের সারথী বজ্রা তাহার
 টেনে ধরে থাকি থাকি ;
 মানুষের আশা ভবিষ্য মুখে
 করিতেছে চুম্বন,
 অনাগত ক্রম তাই কেঁপে উঠে
 লভি নব শিহরণ ;—
 যুগ যুগান্তে আলো আঁধারের
 অপূর্ব সঙ্গমে,
 তোমার বক্ষে ক্ষুধার বাসনা
 যত উঠিয়াছে জমে,
 সব কিছু তার চিত্র মতন
 করে অনলোদগার
 চির বুড়ুকু সোনার পৃথিবী
 ঋণ শোধ কর তার !!—



সমসাময়িক রাজনীতির ইঙ্গিত

অনিল চন্দ্র রায়

গান্ধীজি কিছুদিন আগে একটা কোলাহল তুলেছিলেন, সে কোলাহল আজ কামানের গর্জনে চাপা পড়েছে। কোলাহলটা আর কিছুই নয়, ইংরেজের বিরুদ্ধে একটা নৈতিক প্রতিবাদের শোরগোল মাত্র। এ নিতান্তই আধ্যাত্মিক এবং বিশুদ্ধভাবে অহিংস। কিন্তু এই অহিংসা আজ পৃথিবীব্যাপী রক্তসমুদ্রে অস্ত গেছে। দুটো ঘটনা আজ সমসাময়িক রাজনীতিতে প্রবলভাবে দেখা দিয়েছে; একটা হ'ল, য়ুরোপে যুদ্ধের নির্মম বিস্মৃতি; অপরটা হ'ল, ভারতে হিন্দুমুসলমানের রক্তারক্তি। য়ুরোপে মানুষ আজ ছিন্নমস্তার মত রক্তগঙ্গা সৃষ্টি করেছে; ভারতবর্ষেও টাটকা রক্তের ফিন্কাই ছুটেছে পথে ঘাটে। এর মাঝেও বৃদ্ধ মহাত্মা অহিংসার বীণা বাজাচ্ছেন, সেবাগ্রামের নিরীলা মাঠে বসে। তাঁর মূঢ় প্রেমসঙ্গীতের বিরাম নেই।

কিন্তু বাস্তব বড়ো নিষ্ঠুর। হৃদয়বৃত্তির দিকে সে ফিরেও তাকায় না; মানুষের আকুলতাকে সে পায়ে মাড়িয়ে চলে। স্তম্ভিত শবের ওপর দিয়ে সে চালিয়ে দেয় জগন্নাথের রথ। সমস্ত কৃত্রিম মাধুর্যকে সে কেটে করে খান্ খান্; সে হলো ইম্পাতের তলোয়ার। মিথ্যা আর শুধু কথার সে হলো কালান্তক শত্রু। দুটো বাস্তব ঘটনা আজ ভারতীয় জীবনের সমস্ত মিথ্যাকে গুড়ো গুড়ো করে দিয়েছে। সাম্প্রতিক রাজনীতিতে সে মিথ্যা হলো, 'অহিংসা'। আমাদের রাজনীতিতে এতদিন রাজত্ব চলেছে এই মিথ্যার। সত্যগ্রহই হয়েছে মিথ্যাচারের অমোঘ মন্ত্র। বিশ্বাস নেই, অথচ স্থানে-অস্থানে এই মন্ত্রজপের বিরাম নেই। এতদিন এই ভণ্ডামী চলেছে। কারণ বাস্তবের ডাক এসে আমাদের ঘুমন্ত প্রাণে পৌঁছায়নি। কিন্তু আজ কালপুরুষ হানা দিয়েছে আমাদের দরজায়। তাসের ঘর তাই ভেঙ্গে পড়ছে।

কংগ্রেস হলো ভারতের রাজনৈতিক সংগ্রামের শ্রেষ্ঠ যন্ত্র। সে যন্ত্র এই গান্ধীবাদীয় মিথ্যার প্রভাবে বিকল হয়ে পড়ে আছে। বিপুল শক্তি, অফুরন্ত সম্ভাবনাকে বিফল করেছে এই সার্বজনীন অহিংসার মারাত্মক মৌতাত। এই মৌতাতের আবেশে আমাদের পুরুষত্ব হয়েছে স্তিমিত, আমাদের ব্যক্তিত্ব হয়েছে স্ত্রিয়মান। ভারতবর্ষ ভরে তাই বিচরণ করে বেড়াচ্ছে অকর্মণ্য ক্লীবের দল। একেতো দীর্ঘদিনের পরাধীনতা, তার ওপরে এই অহিংসার বিষ। আমাদের রক্তে যে ওজস্বিতা ছিলো তার মৃত্যু হয়েছে। তাই অন্ত্যায়ের বিরুদ্ধে আমরা বজ্রের মতন গর্জে উঠিনে। মিথ্যার প্রতি ঘৃণায় আমরা হিংস্র হয়ে উঠতে পারিনে। চোখের সামনে পাশবিকতা দেখেও আমাদের নাড়ীতে নাড়ীতে ঝড় ওঠেনা, যে ঝড় সংসারের সকল কদর্যতাকে উড়িয়ে নিয়ে যায়।

নীতিকে বর্জন করে সংগ্রামকে স্বাভাবিক ভিত্তিতে প্রতিষ্ঠা করতে হবে। আজ দেশে সবল ব্যক্তিত্বের প্রয়োজন, যে ব্যক্তি শারীরিক শক্তিতে ঐশ্বর্যশালী। স্থূল ক্ষাত্রশক্তি ব্যতীত জাতি বলিষ্ঠ ও দ্রুতিষ্ঠ হতে পারে না। সেই ক্ষাত্রশক্তিকে ঘুম থেকে জাগিয়ে আজ ছুঁবার করে তুলতে হবে। সামরিক মনোবৃত্তি ব্যতীত এই দীর্ঘস্থায়ী তমোগুণের হাত থেকে দেশের পৌরুষকে কেউ বাঁচাতে পারবে না। সেদিন শ্রীমদনমোহন মালব্যও এই ঘোষণা করেছেন। “হিংসার দ্বারা হিংসাকে জয় করতে হবে; অহিংসার দ্বারা সম্ভবদ্ব হিংসাকে প্রতিরোধ করা অসম্ভব।” চারদিক থেকেই দাবি উঠেছে, পশুশক্তির প্রয়োজন আছে; সেই শক্তিকে সম্ভবদ্ব করে দেশের মনুষ্যত্বকে রক্ষা করতে হবে।

ভারতবর্ষে প্রতিক্রিয়াশীলদের নতুন চক্রান্ত হলো পাকিস্তান পরিকল্পনা। সমসাময়িক পরিস্থিতির অনিশ্চয়তার মধ্যে এই পরিকল্পনা লালিত হচ্ছে। যুরোপে যুদ্ধ, এখানে সর্বথা সংকট; এর মধ্যে সাম্রাজ্যবাদী ভেদনীতি দেখা দিয়েছে এই ভারতভাগের পরিকল্পনায়। ভবিষ্যৎ অন্তর্যুদ্ধ ও বর্তমান অশান্তির বীজ বপন করা হচ্ছে পাকিস্তান প্রচারের সূত্র ধরে। আমরা চাই ভারতবর্ষের পূর্ণ স্বাভাব্যতা। ভারতবর্ষ হবে অখণ্ড রাষ্ট্র। মধ্যযুগে আধুনিক সংস্কৃতি-বিপ্লব ঘটেনি, সেই যুগে ও ভারতবর্ষকে খণ্ড খণ্ড করবার কল্পনা কোনো হিন্দু বা কোনো মুসলমান করেনি। আজ বিংশ শতকে যারা এই কল্পনা করছেন তারা ভারতবর্ষকে মৃত্যুর পথে পাঠাতে চান। মানুষ অতীতকে একেবারে অস্বীকার করতে পারে না। কোনো না কোনো ঐতিহ্যকে তার মানতেই হয়। ভারতবর্ষের পরিকল্পনা ও ধারণার পিছনে কোনো ব্যক্তিবিশেষের খেয়াল নেই। এর পেছনে আছে বহুযুগের ভৌগলিক ও ঐতিহাসিক প্রয়োজন; অকাটা সামাজিক ঐতিহ্য একে ক্রমে ক্রমে বিকশিত করে তুলেছে; অনিবার্য রাষ্ট্রনৈতিক ক্রমবিকাশ ভারতবর্ষকে একটা অখণ্ড ক্ষেত্রতে পরিণত করেছে। বর্তমান জগতে সংহতির প্রয়োজন সব চাইতে বেশী। ক্ষুদ্র, বিচ্ছিন্ন সত্ত্বার সার্থকতা আজ সন্দেহস্থল হয়ে দাঁড়িয়েছে। যত বেশী সংহতি হবে ততো হবে শক্তি ও স্থায়িত্ব। বিজ্ঞান এই সম্ভব ও ঐক্যশক্তির প্রয়োজন ও সম্ভাবনাকে বাড়িয়ে তুলেছে। যুরোপের ক্ষুদ্র রাষ্ট্রগুলোর আজ অস্তিত্ব নিরর্থক ও অসম্ভব হয়ে দাঁড়িয়েছে। বিজ্ঞানের বিরাট শক্তি ও উপাদানকে ব্যবহার করা আজ বড়ো বড়ো রাষ্ট্রের পক্ষেই সম্ভব। ছোট-রা আজ বড়োদের কৃপায় বাঁচতে পারে। স্বকীয় মহিমায় টিকে থাকা ছোটদের পক্ষে সম্ভব নয়। তাই আজ নানা চণ্ডের নতুন ছনিয়ার (new order) ছড়াছড়ি। যারা ভারতবর্ষকে টুকুরো টুকুরো করে ছর্বল করতে চায় তাদের গতি পশ্চাতের দিকে। তাদের কল্পিত, বিভক্ত ভারত আধুনিক সম্ভবশক্তির চাপে ক্ষীণতেজ ও প্রাণহীন হয়ে পড়বে। সামরিক ও আর্থিক শক্তিতে ভারতবর্ষ হবে তৃতীয় শ্রেণীর নগণ্য রাষ্ট্র। যারা ভারতবর্ষের জাতীয় কল্যাণ চান, তাদের সকল প্রচেষ্টার ভিত্তি হবে ‘অখণ্ড ভারত’। চল্লিশ কোটি মানবের সর্বাঙ্গীন সমৃদ্ধি হবে তাদের লক্ষ্য। সমস্ত জাতীয়তাবাদীদের একত্র হতে হবে

এই অখণ্ড ভারতের পীঠভূমির ওপরে। হিন্দু হোক, মুসলমান হোক, খৃষ্টান হোক, পার্শী হোক, সকলের সমষ্টি-স্বার্থই হলো ভারতবর্ষের পূর্ণ অখণ্ডতা। সমস্ত ভারতে জাতীয় সংগ্রামের ভিত্তি হলো এই অখণ্ডতা। মধ্যযুগীয় বিভেদ-চেষ্টাকে প্রতিরোধ করে সমগ্র ভারতীয় সমাজ পরিকল্পনা যাতে সম্ভব হয় তার জন্ম সক্রিয় হতে হবে। সাম্প্রদায়িক মনোবৃত্তির প্রতিষেধক হবে একমাত্র এই “অখণ্ড ভারত” মনোভাব। মিঃ মুন্সী এই মনোভাবের সমর্থন করে অন্তর্দৃষ্টির পরিচয় দিয়েছেন।

ভারতবর্ষে কেন্দ্রাতিগ শক্তিবিন্যাস আরম্ভ হয়েছে। ভিতরে যেমন পাকিস্তান প্রস্তাবে এই মনোবৃত্তির প্রকাশ হচ্ছে, তেমনি বাইরে থেকেও এই মনোবৃত্তির পরিপোষক সমর্থন আসতে পারে। বহির্ভারতীয় শক্তি ও এমন আছে যারা ভারতকে ব্যবচ্ছিন্ন করে দুর্বল করাটাকে স্বার্থ-সঙ্গত মনে করে। সাম্প্রদায়িক দাঙ্গাগুলোর সঙ্গে এই আন্তর্জাতিক সম্বন্ধবিঘ্নাসের যোগ আছে বলে অনেকেই মনে করেন। যুদ্ধ যতই ঘোরালো হবে ততই স্বার্থসন্ধদের পক্ষে গোলমাল করা সুবিধাজনক হবে। ফলে স্থানে স্থানে হাঙ্গামা, বিশৃঙ্খলা, অন্তর্যুদ্ধ ইত্যাদি আরম্ভ হবেই। এই বিশৃঙ্খলার মধ্যে আত্মরক্ষা করবার জন্য সংহতি গড়ে তোলা বই অন্য উপায় নেই। যুদ্ধের গতি ভারতবর্ষের দিকে। জার্মান আক্রমণের কক্ষ ইরান পার হয়ে ভারতের দিকে বিসর্পিত। এদিকে জাপানের অভিসন্ধিও ভারতের অভিমুখে উচ্চকিত হয়ে উঠছে। আন্তর্জাতিক আবর্তের টানে ভারতবর্ষের গতিও জটিল হয়ে উঠেছে। এই সব নানা সংঘাতের ফলে ভারতবর্ষের ভিতরকার পরিস্থিতিতেও বিক্ষোভ দেখা দেবে। এই বিক্ষোভেরই অগ্রদূত হলো এইসব সাম্প্রদায়িক হাঙ্গামা। এই হাঙ্গামার মধ্যে রাজনৈতিক আদর্শকে সম্মুখে রেখে অগ্রসর হতে হবে। সে আদর্শ হলো সর্বভারতীয় সমাজব্যবস্থা। এবং তার প্রথম ধাপ হলো সর্বভারতীয় রাষ্ট্রীয় স্বাধীনতা। আজ যে আন্তর্জাতিক পরিস্থিতি দেখা দিয়েছে তাতে সর্বসাধারণের সংহত চেষ্টার প্রয়োজন। একদিকে অন্তর্ভারতীয় বিশৃঙ্খলা, অন্যদিকে বহিরাগ্রমণ; এই দুই থেকেই রক্ষা পেতে হলে গণসমাজকে সংঘবদ্ধ ভাবে প্রস্তুত হতে হবে। কেবল মাত্র সৈন্যদলের দ্বারা আজকালকার যুগে ষোলআনা কাজ হয় না। নাগরিকদেরও দলবদ্ধ হয়ে স্বাবলম্বী হতে হয়। ইংলণ্ডে ও অন্যান্য সকল দেশেই নাগরিক সাধারণ আজ বাধ্য হয়ে সংঘবদ্ধ হয়েছে। ছেলে, মেয়ে, প্রৌঢ় ইত্যাদি সকল শ্রেণীর লোকই “সমগ্র লড়াইর” যজ্ঞে সাধ্যমত অহুতি দিচ্ছে। এদেশেও সেই সমষ্টি-চেতনাকে জাগিয়ে তুলে সংঘবদ্ধ করতে হবে। নতুবা আসন্ন বিপদে রক্ষা নেই।

ভারতের কল্যাণই হবে ভারতবাসীর সকল বিচারের একমাত্র কণ্ঠিপাথর। আজ বামপন্থীদের অনেকেরই ভুল ভাঙছে হয়তো। কিছুদিন আগে কংগ্রেস সোশ্যালিষ্ট দলের এক প্রস্তাব পাস হয়েছে, তাতে গান্ধীবাদীয় নীতি ও পদ্ধতির বিরুদ্ধে তীব্র আক্রমণ করা হয়েছে।

অনেক দেরীতে হলেও এ শুভ লক্ষণ সন্দেহ নেই। গ্যাশনাল ফ্রন্ট দলেরও কোনও সক্রিয় অস্তিত্বের পরিচয় জাতীয় জীবনে নেই আজ। দক্ষিণীদের সঙ্গে ঐক্যের লোভে তাদেরও বামপন্থীয় স্বাতন্ত্র্য বিসর্জন দিতে হয়েছে। আজ যুদ্ধের ও সাম্প্রদায়িক কলহের পটভূমিকায় গান্ধীয় সংগ্রামের চিহ্নও লুপ্ত হয়ে গেছে। ভারতবর্ষে আজ সকল কলরব স্তব্ধ হয়েছে। সকল প্রোগ্রামের নিষ্ক্রিয় অবসান ঘটেছে গত এক বছরের মধ্যে। এই অবস্থায় গ্যাশনাল ফ্রন্ট দলেরও ভুল ভেঙ্গেছে কিংবা আজো কংগ্রেসী ঐক্য ও দক্ষিণী মিতালীর ধূয়ো ধরে অতীতকে আঁকড়ে পড়ে থাকাই চলেছে, তা' জানিনে। তবে বামপন্থী ঐক্যকে বিনষ্ট করে ভারতীয় সংগ্রাম-শক্তিকে এরা দুর্বল করেছিলেন। আজ কর্মের ঘর জুড়ে শূন্য রয়েছে। কোন কথার স্তূপ দিয়ে সে শূন্যকে ভরলে ভারতীয় স্বাধীনতার পথ সুগম হবে না। অথচ তাই আজ তথাকথিত বামপন্থীরা করছেন। তার ফলে তাদের কথায় ও কাজে হচ্ছে বিরোধ, তাদের কথা হচ্ছে পরস্পরবিরোধী। পৃথিবীর সঙ্গে যোগ না রেখে কেবল সমাজতান্ত্রিক স্বপ্নলোকে পাখা মেলে উড়লেই পৃথিবীতে শ্রমিক-মজুরের স্বর্গ বসবে না। যেখানে কাজ নেই কেবল কথা, সেখানে এই অবাস্তব মনোবৃত্তিই পেয়ে বসে মানুষকে। তাই আজ রুশ-জার্মান যুদ্ধের খবরে কাগজে কাগজে রুশপ্রীতির বাণ ডেকেছে। যখন কার্যকরী সাহায্য করবার ক্ষমতা নেই একবিন্দু, তখন সহানুভূতির উচ্ছ্বাস দেখানো সহজ। তাই যারা ভারতীয় স্বাধীনতার জন্ম কোন কার্যকরী প্রোগ্রাম নিয়ে মাথা ঘামান না তারা আজ সুদূর রুশিয়ার বিপদে অশ্রব্যাকুল হয়ে উঠেছেন। যদি বামপন্থীদের ভারতবর্ষে সমাজতন্ত্র প্রতিষ্ঠার গরজ দুর্বল হতো, তবে ভারতের স্বাধীনতার সংগ্রামকেও তারা দুর্বল করে তুলবার তপস্যা করতেন। কিন্তু কোথায় সে দুর্বল গরজ? স্বাধীনতা সংগ্রাম এখানে বিচ্ছিন্ন হয়ে দুর্বল হয়ে রইলো; বামপন্থী ঐক্য পড়ে রইলো অনিশ্চিত কালের জন্ম; জাতীয় সংহতি ভেঙ্গে গেল খান্ খান্ হয়ে; কংগ্রেস দ্বিধাভিন্ন; হিন্দু-মুসলমানে রক্তারক্তি চললো মাসের পর মাস। তার জন্ম ছুঁচিন্তা নেই; এই মর্মান্তিক দুর্যোগকে অবসান করবার প্রাণান্ত প্রয়াস নেই; আছে কেবল পরস্পরকে গালাগাল দেবার মূর্খতা ও আত্মস্তুতির দুর্বিনীত অহঙ্কার। শ্মশানের অন্ধকারে বসে আমরা একে অন্নের দোষ ধরছি; অথচ সন্ধিক্ষণ দ্রুতবেগে অতিক্রান্ত হয়ে চলেছে। সেদিকে আমাদের খেয়াল নেই। কিন্তু রুশিয়া যুদ্ধে আক্রান্ত হয়েছে শুনে আমরা আর দুঃখে বাঁচিনে। সমাজতন্ত্রের শোকে আমাদের দুই চোখে একেবারে সমুদ্রের পাণি বিগলিত হচ্ছে।

আমরা সমাজতন্ত্রের সমর্থক, রুশিয়া সমাজতান্ত্রিক রাষ্ট্র। সুতরাং আমাদের সহানুভূতি সমাজতন্ত্রের দিকে আছেই। কিন্তু আমরা চাই ভারতবর্ষে সমাজতন্ত্রের প্রতিষ্ঠা। ভারতীয় সমাজতন্ত্র ও ভারতীয় স্বাধীনতাই হল আমাদের সকল প্রচেষ্টার মৌলিক প্রেরণা। রুশিয়াকে সাহায্য করবার সামর্থ্য আমাদের নেই, আমরা কেবল কাগজ-কলমে প্রস্তাব পাস করেই খালাস। অন্ধমদের এই নিরর্থক উচ্ছ্বাস ভাবালুতার মূল্যে মূল্যবান হতে পারে; কিন্তু ব্যবহারিক মূল্যের

স্বপ্নসিত

রাখাল তামুকদার

ছোটস্তু রাস্তাখানি চৌমাথায় আসিয়া থামিয়া পড়ে। ট্রাম বাস ও মোটর চলাচল কিছুক্ষণের জন্য বন্ধ হইয়া যায়;—সেটা যেন শ্রান্তিভরা চক্ষু দুটি বুঁজিয়া আসার মতো। কোলাহল-খিন্ন সহরের মাঝে এ দৃশ্য হঠাৎ কারো চোখে পড়ে, কিন্তু তার বিচিত্রতা মোটের উপর লক্ষনীয় নয়। গৃহযাত্রী নবনীধরের চোখে রাস্তার এই অদ্ভুত গতিবিরতির চিত্র ধরা পড়িল না। রাস্তা সে পার হইতেছিল এবং হইয়াও গেল ডান ও বাঁপাশে তেরচা সশব্দ একটি দৃষ্টি হানিয়া। রাস্তার সুকঠোর পাষণময় চেহারা হয়ত তার চোখে কেবলমাত্র পড়িল—আর পড়িল কেমন করিয়া সেই রাস্তাকে আষ্টেপৃষ্ঠে গাঁথিয়া ফেলিয়া ট্রামের লাইন দুইটি সুদূর প্রসারিত। নবনীধরের কাছে বরং সেদিন রাস্তা পারাপার হওয়া খানিকটা সহজ বোধ হইল। কেমন করিয়া এ সম্ভব হইল? আধ মিনিটের জন্য চলন্তিক রাস্তাটি হাঁপ ছাড়িয়া লইল। তার পরই ক্ষুদ্ররোষে বিরাটাকৃতি মোটর বাস হাঁস-ফাঁস করিতে করিতে মোড়ের মাথায় আসিয়া দাঁড়াইল। যন্ত্রের আশ্ফালন বিক্ষুব্ধ হইয়া উঠিল ছাড়া পাইবার জন্য। —গোঁ-ও-ও-হু-স হুই—

ব্রেক কষিবার স্মৃতিস্ক'আওয়াজ।

কয়েক সেকেণ্ডের জন্য। আবার ছোটস্তু রাস্তাখানি বর্শার ফলায় সহরের এক অংশকে বিদ্ধ করিয়া ছুটিয়া চলিল। হাত মিলাইয়া সে সুবিধা মারফিক বিভিন্ন রাস্তার কর-পীড়ন করে; ছাড়পত্রের জন্য আবেদন জানায় পুলিশের নিকট। রাস্তাগুলি ছুটিতে ছুটিতে একে অপরকে পথের সন্ধান দেয়।—মানুষের তৈরি রাস্তার কোনরূপ স্ব-বিরোধ নাই।

* * * * *

নবনীধরের অত ভাবিয়া দেখিবার সময় কম। সে ফিরিতেছিল লম্বা লম্বা পা ফেলিয়া। সারাদিন ঘুপচি গুমোট ঘরের ভিতর থাকিয়া কলুর ঘাঁড়ের মতো কাজের জোয়াল কাঁধে লইয়া বিরক্তিকর পুনরাবৃত্তিতে দিন গুজরান ছাড়া আর কি,—তাই সে সন্ধ্যার পর একটু ঘুরিয়া আসে উন্মুক্ত খোলা প্রান্তরে।

সে চাকুরি করে সওদাগরি অফিসে। ধর্মতলার মোড় পর্যন্ত হাঁটিয়া আসিয়া সোজা সে মাঠে চলিয়া যায়। ঘণ্টা দেড়েক বড়াজোর সে টিকিয়া থাকে সেখানে। ফিরিয়া আসিয়া এসপ্ল্যান্ড হইতে কালীঘাটের ট্রামে দ্বিতীয় শ্রেণীর একটি দ্বি-যাত্রিক বেঞ্চিতে জুং করিয়া বসিয়াও

তবু সে আরাম খোঁজে। কিন্তু জীবন-বিধাতা তাকে ক্ষুণ্ণ করে তিক্ত অসন্তোষ দিয়া, নবাগত যাত্রীটি নবনীধরের পাশে বসিয়া নবনীধরের মতোই সে একাকীত্বের কামনা জানায়, বোধ করি, অদৃশ্য দেবতারই নিকট।

নবনীধরের তাই কোনদিন একলা একটি বেঞ্চিতে ফেরা হয় না।

সেদিন তো হইবার কোন উপায়ই ছিল না। যা ভিড় ছিল তাতে ফুটবোর্ড পা রাখিবার জায়গারও স্থায়িত্বের নিশ্চয়তা ছিল না—একেবারে ঠাসা ঠাসি গাদাগাদি অবস্থা।

আকাশখানা বোধ হয় পরিষ্কার। গরমে ভাঁপিয়া উঠিবার যোগাড়। দেহনিঃসরিত ঘাম আসিয়া পাঞ্জাবী আঁটিয়া ধরিতেছে,—নবনীধর হাজার করিয়াও ঘামের সহিত পারিয়া উঠে না। তার উপর ভ্রমকির ভয় আছে। ভ্রমকি খাইয়া বেশ খানিকটা সে ঘামিয়া নেয়। কুঞ্চিত কপালে ফুটিয়া ওঠে ঘর্মরেখা, পাঞ্জাবীর আস্তিনের ডগা দিয়া সে মুছিয়া নিয়া বড়ো সাহেবের টেবিলে ফিতে বাঁধা ফাইলগুলো রাখিয়া আসে।

সাহেবের ইংরেজী ভাষা খুবই বনেদি, কিন্তু সাহেবদের মুখে তা মুখর নয়। স্বল্পভাষণে ওরা ধাতুরস্ত।

ডাকঘণ্টা বাজিয়া উঠে, ক্রিং—বেয়ারা আসিয়া দাঁড়ায় ভেজানো দরজার সামনে আবার নবনীধরের তলব পড়ে। ফাইলগুলো বগল দাবা করিয়া সে আবার ফিরিয়া আসে। চাকুরী পঞ্জীর একধেঁয়েমির একটি জেরটানা পরিচ্ছেদ। তিরিশ দিনের ভিতর একটি দিনকেও আলাদা করিয়া ধরিবার জো নাই।

নবনীধর জগুবাবুর বাজারের সম্মুখে আসিয়া ট্রাম হইতে নামিয়া পড়িল। আকাশের মনগুমরা স্বভাবের জন্ম সে তিক্ত হইয়া উঠিল, কেন? ছিঁচ-কাঁছনে স্বভাবটা ওর গেল না কিছূতেই! বৃষ্টি তো এখন নামিবে এবং নামিয়াছেও বেশ। কিন্তু একটু রহিয়া সহিয়া নামিলে হয়ত তার সুবিধা হইত। পদ্মপুকুর রোডের ৭২-এ, নম্বরের বাড়িটা বেশী দূরে নয়। হাঁটিতেও সে সুরু করিয়া দিল।

মোড়ের মাথায় আসিয়া সে দাঁড়াইল। পানের দোকানে গিয়া সে গত পাঁচদিনের পান খাইবার দেনা শোধ করিল—সাত পয়সা। দুইটি আনি দিয়া সে একটি পয়সা ফিরাইয়া লইল। নাতিস্পষ্ট রাস্তা, আলো-নিয়ন্ত্রিত কলিকাতা নগরী। হায়রে রূপনগরীর গৌরব! বাতিছাড়া সে রূপের কুশ্রীতাই গোখে পড়ে।

নবনীধর হাঁটিতেছিল। অ্যা, একি.....। লাইটপোষ্ট ঘেঁষিয়া আসিয়া দাঁড়াইল একটি ছায়ামূর্তি। কতকগুলি লোকও সামনে দিয়া হাঁটাহাঁটি করিতে লাগিল, এবং মুখ টিপিয়া তারা

হাসিতেছিল ইতর ভাবে। নবনীধর আগাইয়া গেল। অমনি ঝপ্ করিয়া তার গায়ের পর আসিয়া পড়িল দ্বিতলের র'ক হইতে মেলিয়া দেওয়া একখানা শাড়ী। উপরে নজর ফেলিতেই নবনীধরের চোখের সন্মুখ হইতে কে যেন সরিয়া গেল। চুড়ির আওয়াজে সে ঠাচ করিয়া লইল। হাতের চুড়িগুলি অনর্থক বাজিয়া উঠিল দীর্ঘছন্দে।

—র'ক থেকে আপনাদের শাড়ীখানা পড়ে গিয়েছে—বলিয়া রাস্তা হইতে শাড়ীখানা তুলিয়া লইয়া সে আগাইয়া যাইতে লাইটপোষ্ট ঘেঁষা সেই বিবসনা ছায়ামূর্তি মাংসল দেহিনীর রূপ পরিগ্রহ করিল।

একি নগ্নমূর্তি নবনীধরের চোখের সামনে!—ওঃ, কী কুৎসিত—। শাড়ীখানা লাইটপোষ্টের উদ্দেশ্যে ছুঁড়িয়া দিয়া মাথা হেঁট করিয়া ছুটিয়া চলিল নবনীধর।

মাথা খারাপ হবে হয়ত মেয়েটির !

মেস-এর দরজায় পা দিয়া সে হাঁপ ছাড়িয়া বাঁচিল। নবনীধর ঘামিয়া একেবারে ভিজিয়া উঠিয়াছে। তালা খুলিয়া ঘরে ঢুকিয়া সে আলো জ্বলাইবার সাহস পাইল না। চুপ করিয়া সে বিছানায় পড়িয়া রহিল। মনকে সে ঠেকাইয়া রাখিতে পারিল না, রাস্তায় যেন ছুটিয়া সে আবার বাহির হইয়া পড়িল। শক্ত করিয়া নিজের দেহকে সে নিশ্চল করিয়া রাখিল। দুর্বলতা আসিয়া পড়িয়া কেন যে মনকে উদ্দাম করিয়া তুলিল।

মানুষের আদিমরূপ তবে কী কুৎসিত !





বর্তমান যুদ্ধ সম্পর্কে পামি দত্ত

১৯১৪ সনের পূর্বের বছরগুলিতে যারা বয়স্ক ছিল তাদের মনে পড়বে কিভাবে রক্ষণশীল-দল তিরিশ বছর আগেও সামরিক আয়োজন বাড়াবার ও যুদ্ধে যোগদান বাধ্যতামূলক করবার জ্ঞতা দাবী করেছিল এবং সেসময়েও তাদের প্রধান ব্যক্তি ছিল জার্মান কর্তৃক ইংলণ্ড আক্রমণের সম্ভাবনা। সেই একই কৌশল আজও নেওয়া হচ্ছে। যেই অসন্তোষ চরম সীমায় ওঠে চার্চিল অম্নি ইংলণ্ড আক্রমণ সম্পর্কে আর একবার বক্তৃতা করেন। বৃটিশ প্রপ্যাগেণ্ডার দৌলতে পরপর বহু কাল্পনিক তারিখ হিটলারের মুখ দিয়ে বলাশো হয়েছে।

ধনীরা এ-যুদ্ধ থেকে কোটি কোটি টাকা লাভ করছে..... ১৯১৬এর পেট্রোগ্রাডের সঙ্গে ১৯৪১এর লণ্ডনের তুলনা হয়!

নূতন এক উদারনৈতিক শ্রমিক-দল—লাস্কি, ব্রেলস্ফোর্ড, উইলিয়াম, বেভিন, কিংসলী, মার্টিন প্রভৃতি বামপন্থী বীরেরা তাদের নূতন মতবাদ নিয়ে আরো এক পা অগ্রসর হোয়েছেন এবং কৃত্রিম বিপ্লবীর এমন কি মার্ক্সীয় ছদ্মবেশে সাম্রাজ্যবাদী যুদ্ধে যোগদানের নীতি সমর্থন করছেন। এরা স্বীকার করেন—যে এটা সাম্রাজ্যবাদী যুদ্ধ কিন্তু একনিঃশ্বাসে এও বলেন যে এটা কেবলমাত্র সাম্রাজ্যবাদী যুদ্ধ নয় (‘‘লাস্কির—ইহা কি সাম্রাজ্যবাদী যুদ্ধ?’’)

বৃটিশ টরি শাসকগণ—এরাই প্রতিক্রিয়াপন্থী বিশ্ব-বিপ্লবের নেতা। এরা ফ্রান্সের চরম ফ্যাসিষ্ট ডিগলের, জার্মানির প্রতিক্রিয়াশীল রুশনিগ-ষ্ট্রেসারের, পোলাণ্ডের সোভিয়েট-বিরোধী কুটিল সিকোরিস্কির সঙ্গে মিতালি করছেন। এরাই এখন ‘‘ইউরোপীয় বিপ্লবের’’ এবং ‘‘শোষণের বিরুদ্ধে সর্বহারাদের সংগ্রামের’’ নেতা বলে ঘোষিত হোচ্ছেন!

(‘লেবর মন্থলি’—Labour Monthly.)

পার্ল বাকের স্পষ্টভাষণ

গণতন্ত্রের ফ্রন্ট ইংলণ্ডের ভৌগলিক সীমানায় সঙ্কুচিত হতে দিলে চলবে না। কারণ ইংলণ্ডের বাইরেও গণতন্ত্রের আওতায় রয়েছে অগণিত মানব-সমাজ যাদের আজ ডাক পড়েছে যুদ্ধে গণতন্ত্রের রক্ষার জন্তে—অথচ এরা জানেনা গণতন্ত্র কি কল্যাণ বহন করে আনে, কি-ই বা তার রূপ।

আমার মনে পড়ছে ভারতের লক্ষ লক্ষ মানব-সমাজের কথা—আত্ম-স্বাতন্ত্র্যের কোন অধিকার যাদের নাই। যে গণতান্ত্রিক শাসন তাদের রেখেছে গণতন্ত্রের ছোঁয়াচের বাইরে, যে শাসনতন্ত্র ভারতের প্রজাতন্ত্রের নেতা পণ্ডিত জহরলালকে চার বছরের জন্ম কারারুদ্ধ করেছে—তারই নিরাপত্তার জন্ম আজ ভারত লোকবল ও সমরোপকরণ বাধ্য হচ্ছে যোগাতে।

আমি আমেরিকার সমাজে অপাংক্তেয় ও নির্যাতিত ১ কোটি ২০ লক্ষ নিগ্রোদের কথা আজ মনে করিয়ে দেব। আমেরিকার শ্বেত অধিবাসীরা নিগ্রোদের নিম্নমভাবে অত্যাচার করেছে ; তাদের সামাজিক, অর্থনৈতিক ও সাংস্কৃতিক জীবন সর্বতোভাবে পঙ্গু করার ব্যবস্থা করেছে, আর আজ তাদের তাগিদ এসেছে গণতন্ত্রের সাম্য ও স্বাধীনতার দুয়ার আগলাবার জন্ম। তারা যদি আজ জানতে চায় এ কার স্বাধীনতা ? কিসের সাম্য ?—তাদের অপরাধটা কোথায় ?

চীনের চাষীদের কথা আজ আমার মনে পড়ছে। তাদের উপর অত্যাচার না করেছে কে ?—সরকার, ধনী, বুদ্ধিজীবী সকলেই। চাষীদের মধ্যে শতকরা পঁচাত্তর জনই অশিক্ষিত। তারই সুযোগ নিয়ে কখনও বা তাদের পঞ্চাশ বছরের ট্যাক্স আগাম আদায় করে দারিদ্রের চরম দুর্গতির মাঝে পৌঁছে দেওয়া হয়েছে ; ট্যাক্স পাবার জন্ম তাদের উপর আফিম চাপান হয়েছে। বছরের পর বছর দুর্ভিক্ষ ও বন্যায় বংশের পর বংশ লোপ পেয়ে গেছে—তবুও তাদের দুর্গতির আসানের কোন চেষ্টা হয় নাই। তাদেরই ভাগ্যবান দেশবাসীরা পরম নিশ্চিত্তে চাষীদের এই নিম্নম মৃত্যুকে লক্ষ্য করেছে, কারণ তাদের চোখে এটা হ'ল জন-সংখ্যার অপরিমিত বৃদ্ধির একটা প্রতিকারের পথ। আর আজ এই চীনা চাষীরাই তাদের শত্রুদের অমিততেজে বাধা দিচ্ছে।

জনসাধারণের স্বার্থ যদি আমরা উপেক্ষা করি তবে গণতন্ত্রের নামে কার স্বাধীনতা ও সাম্য আমরা রক্ষা করতে সমরে প্রবৃত্ত হচ্ছি ? গণতন্ত্রের সীমানায় যারা বাস করে তাদের যদি না বাঁচাই তবে কি গণতন্ত্র রক্ষা পাবে ? হিটলার হয়ত বা হারবে কিন্তু গণতন্ত্রের এই সর্বব্যাপী ফ্রন্ট যদি আমরা স্বীকার না করে নেই, গণতন্ত্রের হারও অনিবার্য।

এটা আমাদের বোঝা উচিত যে পরস্পরের দুর্বল স্থানগুলি যদি চোখ ঠেঁরে যাই আমাদের বিপদ কাটবে না। আমেরিকাবাসীরা নির্ভয়ে ভারতের কথা বলবে ; নিগ্রোদের অবস্থিতিও স্বীকার করতে তাদের সঙ্কোচ বোধ করলে চলবে না ; তেমনি আজ আমেরিকা ও ইংলণ্ডের চীন সম্বন্ধেও সত্যভাষণে ভয় পেলে চলবে না।

সাম্যের দেশ আমেরিকা পণ করেছে গণতন্ত্রের ঘর সামলাবে আর তাদেরই ঘরের ১ কোটি বার লক্ষ লোক বৈষম্যের নির্যাতন ভোগ করছে ! চীনদেশ শত্রুর আক্রমণ প্রতিরোধ করেছে আর সেখানকার চাষীদের উপর জমিদার-মহাজন ও সামুরিকদের অত্যাচারের অন্ত নাই। এমনি ধারা স্ব-বিরোধী ক্যবস্থা নগ্ন হয়ে আত্মপ্রকাশ করে যখন শুনি স্বৈরাচারের খাসমহলে লালিত ভারতবর্ষের ডাক এসেছে ইউরোপের স্বাধীনতা যুদ্ধে ইংলণ্ডের পক্ষে লড়াই করবার।

ষতদিন পর্যন্ত এই বিরোধের অবশান না হবে গণতন্ত্রের বিজয় অসম্ভব—তার অন্তর্নিহিত বিরোধের চাপে গণতন্ত্র ভেঙে পড়বে।

(পাল' বাক্—'এশিয়া' নামক ইংরাজী মাসিক পত্রিকা হইতে ।)

এবার লুপ্ত হবে। বিশ্বব্যাপী প্রাণসমুদ্রের সঙ্গে মানুষের হবে অন্তরঙ্গ একাত্মবোধ। সত্য বস্তুর মধ্যে মানুষের সম্প্রসারিত চেতনা অবগাহন করে সত্যের অনাবৃত রূপকে অনুভূতিতে পাবে। মানুষ মুক্ত হবে কামোদ্দীপনা থেকে; থাকবে না মানুষের দুঃখ বেদনার (pain) অনুভূতি; মানুষের সঙ্গে মানুষের সম্পর্ক হবে সহজ এবং হিংসাবর্জিত। সামাজিক ক্রমবিকাশের এই আধ্যাত্মিক ব্যাখ্যা আজকাল অনেক মুনীষী প্রচার করছেন। আমাদের দেশে শ্রীঅরবিন্দ ও অনেকটা এই ধরনের আধ্যাত্মিক রূপান্তরের পরিকল্পনা পৃথিবীতে উপস্থিত করেছেন। এ সম্বন্ধে বিস্তৃত আলোচনা এক্ষেত্রে সম্ভব নয়। শুধু Gerald Heard এর বইখানার প্রতি আমাদের দেশের পণ্ডিত ও পাঠকদের দৃষ্টি আকর্ষণ করবার জন্তই এর সংক্ষিপ্ত পরিচয় দেওয়া হল।

Hitler Youth—Hans Siemsen. Published by Lindsay Drummond; 7s. 6d.

জার্মানীর যুবশক্তিই হলো জার্মানীর সামরিক শক্তির ভিত্তি। হিটলারের দুটো সামরিক বাহিনীর নাম হলো S. S. এবং S. A. এরাই হলো নতুন জার্মানরাষ্ট্রের শিরোমণি। এদের মৈত্র্যসংখ্যা আসে জার্মানীর “হিটলার যুবসংঘ” নামক যুব-সংগঠন থেকে। “হিটলার যুব-সংঘ” হলো জার্মানীর যুবশক্তির সংঘরূপ। Adolf Goers নামক একজন “হিটলার যুব-সংঘের” সভার মুখ দিয়ে এই সংঘ সম্বন্ধে বর্ণনা পেশ করা হয়েছে এই পুস্তকে। Goers জার্মান বন্দীশিবির থেকে পালিয়ে এসে গ্রন্থকার ‘সিমসেন’এর কাছে জার্মান যুবশক্তির বর্ণনা দিচ্ছে। এই হলো পুস্তকের মর্ম। বইখানার আগাগোড়া কেবল জার্মান যুবকদের জঘন্য শারীরিক ও মানসিক দুর্গতি ও তাদের ব্যাধিগ্রস্ত জীবনের চিত্র দিয়ে ভিত্তি করা হয়েছে। জার্মান যুবশক্তি হলো যৌন বৃত্তিতে কদর্য, সমাজ বৃত্তিতে নির্ধূর, ঘসখোর ও পানাসক্ত; মনুষ্যত্বের রেন্দাক্ত বিকৃতি ঘটেছে জার্মান যুবজীবনে। এই বক্তব্যটুকু গ্রন্থকার পরিবেশন করেছেন জগতের সম্মুখে। আমাদের মতে বইখানা হলো তৃতীয় শ্রেণীর প্রচার-পুস্তক। কারণ একটা সমস্ত জাতির যুবশক্তিকে এমন হেয় ও জঘন্য বলে প্রমাণিত করবার প্রেরণা যে উদ্দেশ্যমূলক তা’ প্রথম দৃষ্টিতেই ধরা পড়ে। হিটলার-পন্থী যুবকদের জীবন-দর্শন ভ্রান্ত হতে পারে কিন্তু তাদের কর্ম-শক্তি ও নানা ঐশ্বর্যকে অস্বীকার করবার কারণ ঘটেনি আজো।

হালখাতা (ছোটদের বার্ষিকী)—১ম বর্ষ, ১৩৪৮, দাম ১২, ৪১ডি, একডালিয়া রোড, কলিকাতা।

‘হালখাতা’ পেয়ে ছোটরা খুসি হবে। কেবল তাই নয়, শিক্ষাও পাবে। বাংলা সাহিত্যের যারা বিশিষ্ট নায়ক তাঁদের অনেকেরই লেখা এতে রয়েছে। এটা সম্পাদকদের কৃতিত্ব, বলতেই হবে। ‘হালখাতা’ সব দিক দিয়েই নতুনত্ব দাবি করতে পারে। কিন্তু একটা খুঁত আছে বলে আমাদের চোখে পড়ল। ছোট ছেলেমেয়েদের জন্ম লেখা হলেও এর সবলেখা ছোটদের উপযুক্ত হয়নি; যেমন শ্রীযুক্তা রাধারাণী দেবীর হালখাতা প্রবন্ধটা। ‘ফ্রান্সের বাকশক্তিহীন শিশু পেয়েছে রাশিয়ার কোলে বাক্ক্ষুতি’ “প্রচলিত ব্যবস্থা ভঙ্গীভূত করণের অনলকণা”—ইত্যাদি আরো বিস্তৃতভাবে সহজ ভাষায় ও ভাবে লিখলে সহজবোধ্য হতো। দ্বিতীয়তঃ রাজনৈতিক লেখা এতে স্থান পায়নি, এটাও চোখে পড়ল। স্বাধীনতা সংগ্রাম সম্বন্ধে ছোটদের চিন্তা সচেতন হয়, দুর্ধর্ষ সংগ্রামে যে বলিষ্ঠ আনন্দ তার প্রবল আকর্ষণ ছোটদের মনে সহজেই জন্মে,—এমন যুগোপযোগী লেখা ‘হালখাতায়’ নেই। রাধারাণী দেবীর লেখা এবং কাজী আফসারউদ্দিন আহম্মদের প্রবন্ধ, এবং বিধায়ক ভট্টাচার্যের গল্প—এই তিনটি মাত্র লেখাতে যুগপ্রচেষ্টার ছোঁয়াচ কিছুটা আছে। এসব অসম্পূর্ণতা সত্ত্বেও ‘হালখাতা’ সবদিক দিয়েই সফলতা লাভ করেছে।



“বিশ্ববন্ধু”

যুদ্ধের নব পর্যায় :

(ক) রুশ-জার্মান যুদ্ধের পৃষ্ঠপট

অবশেষে সত্যিই তাই ঘটলো! ২২শে জুন (১৯৪১) রবিবার ভোরে চারটার সময় হিটলার সোভিয়েট রুশিয়াকে আক্রমণ করেছে।

সমস্ত পৃথিবী দম বন্ধ করে গুনলো এবং বিশ্বয়ে ছুচোখ রগড়াতে লাগলো। কিন্তু সন্দেহের কারণ নেই; ২২শে বেলা ১১টায় মলোটভের বিবৃতি এবং সেইদিনই প্রাতে হিটলারের ঘোষণা সকল সংশয়ের নিরসন করলো। ১৯৩৯ সনের আগষ্ট মাসে রুশ-জার্মান মিতালী আরম্ভ হয়েছিল; দেড় বছরের অধিক কাল পরে মিতালী ভাঙ্গলো। এই দেড় বছর ধরে সমস্ত পৃথিবীতে কতো জল্পনা-কল্পনা, কত হাহুতাশ এবং কত ব্যঙ্গ-বিদ্রূপ চলেছে, এই কল্পনাভীত মিতালী সন্দেহে। এই মিতালীর জন্মও যেমন আকস্মিক এবং আশাতীত, এর অবসান-ও তেমনি অপ্রত্যাশিত ও আশ্চর্য। অহি-নকুলের মৈত্রীর মত এই দুই পরস্পরবিরোধী রাষ্ট্রের সন্ধি পৃথিবীর ইতিহাসে এক অদ্বিতীয় ঘটনা। এমন আর কখনো হয়নি। হিটলারের ভাষায় বলশেভিকরা হলো ‘blood-stained criminals’, ‘dregs of humanity’. আর বলশেভিকদের সঙ্গে সন্ধি? অসম্ভব; “.....it would be folly to ally ourselves with a country whose master is the mortal enemy of our future. How can we release our people from this poisonous grip if we accept the same grip ourselves?” (Mein Kampf.) কম্যুনিজ্‌ম হলো মানবতার নারকীয় শত্রু, এর সঙ্গে বন্ধুত্ব? নৈব চ নৈব চ। এই হলো ফ্যাশিজ্‌ম-এর মনোভাব রুশিয়ার প্রতি। ঐদিকে রুশিয়ার মনোভাবও জার্মান রাষ্ট্রের প্রতি সমান বিদ্বেষে পূর্ণ। ক্যাপিটালিজ্‌মের নির্মম শত্রু হলো সোভিয়েট রাষ্ট্র এবং হিটলার হলো সেই ক্যাপিটালিজ্‌মের নারকীয় সম্ভান। কাজেই, হিটলারের সঙ্গে মৈত্রী শ্রমিক স্বার্থের প্রতি

আমেরিকাও রুশিয়ার পক্ষে দাঁড়িয়েছে। এখন কথা হলো, কার্যতঃ রুশিয়া কতো সাহায্য পাবে এবং সাহায্য পাবার পথ কোথায়। দূর থেকে 'লড়া বাহাত্তর, মরো বাহাত্তর' বলা সহজ ও নিরাপদ কিন্তু সাক্ষাৎ মৃত্যুর সঙ্গে যারা মুখোমুখী লড়াই করছে তাদের সংগ্রামে প্রত্যক্ষ অংশ নেবার বন্দোবস্ত কোথায়? রুশিয়াকে আজ একাকী প্রবল প্রতিপক্ষের সঙ্গে যুদ্ধ করতে হচ্ছে। যেমন ইংলণ্ডকে করতে হয়েছে ইতিপূর্বে।

এদিকে আর্টিক সমুদ্র থেকে কৃষ্ণসাগর পর্যন্ত দুহাজার মাইলব্যাপী আক্রমণে জার্মানীর অগণিত সৈন্য, ট্যাঙ্ক ও এরোপ্লেন রুশিয়ার ওপরে চড়াও করেছে। ফিনল্যান্ড, ল্যাটভিয়া, লিথুয়ানিয়া, পোলাণ্ড, উক্রেইন, বেসারাবিয়া—এই কটা রণাঙ্গণের মধ্যদিয়ে জার্মান সৈন্য চক্রাকারে রওনা হয়েছে; মস্কো ও উক্রেনের রাজধানী কিভের দিকেই সমস্ত বাহিনীর বিদ্যুৎগতি। এদিকে রুশিয়াও দশ মাইল চওড়া একটা প্রতিরোধ-রেখা গড়ে তুলেছে; এই প্রতিরোধ-রেখার নাম হল ষ্ট্যালিন লাইন। ষ্ট্যালিন-লাইনের আশ্রয় নিয়ে রুশিয়া গড়িলা-নীতিতে হিটলার-বাহিনীকে পিছন থেকে বিদ্রস্ত করবার চেষ্টায় আছে। ইতিমধ্যে জার্মানী থেকে প্রচারিত হয়েছে, বিয়ালিষ্টক্ ও মিনস্ক এই দুই স্থান জার্মানী দখল করেছে। কিন্তু দক্ষিণে বেসারাবিয়ায় জার্মান গতি প্রতিহত হয়েছে। নানা বিরুদ্ধ খবর দুপক্ষ থেকেই প্রচারিত হচ্ছে। কিন্তু আসল কথা হলো এই যে, একাকী রুশিয়া দুর্দান্ত প্রতিপক্ষের সঙ্গে কতদিন লড়াইতে পারবে? আমেরিকা ও ইংলণ্ডেরই বা সাহায্য করবার সামর্থ্য কতখানি আছে? ওয়েন্ডেল উইলকী বলেছেন, মৌখিক সহানুভূতির কোনই মানে নেই। আমেরিকা, ইংলণ্ডকে সাহায্য করেই কূল পাচ্ছে না, রুশিয়াকে কী করবে! 'New York Post' বলেছে, "There is no honesty in asking the British to give their lives while we only supply the tools." আমেরিকার যুদ্ধে যোগদান করার দাবি চারদিকেই উঠেছে; কিন্তু কবে রুজভেন্ট কথার রাজ্য ছেড়ে বাস্তবভাবে কাজে নামবেন! পৃথিবী তা দেখবার জন্ম উৎসুক হয়ে আছে।

..


তুর্ক-জার্মান চুক্তি

গতমাসে রুশ-জার্মান যুদ্ধের পরেই তুর্ক-জার্মান চুক্তি প্রথম শ্রেণীর ঘটনা। হিটলারের বাল্কান অভিযানের সময় যখন একে একে সমস্ত রাজ্যগুলি হয় তার আনুগত্য স্বীকার করে কিংবা তার সঙ্গে যুদ্ধ করে পরাজিত হয় তখন তুর্কী কি করে দেখবার জন্ম সকলে উৎসুক হয়েছিল। কখনো কখনো মনে হয়েছে তুর্কীর সঙ্গে জার্মানীর যুদ্ধ আসন্নপ্রায়। কিন্তু সে সময় তুর্কী নিরপেক্ষতা রক্ষা করেছে। সমস্ত জল্পনা-কল্পনার অবসান ঘটিয়ে গত ১৮ই জুন তারিখে তুর্কী-জার্মান মৈত্রী চুক্তি আনুকারায় স্বাক্ষরিত হয়েছে। তুর্কীর দিক থেকে সারাজোগলু এবং জার্মানীর পক্ষে ফন্ প্যাপেন চুক্তিতে স্বাক্ষর করেন। এই চুক্তির সর্ভ তিনটি (১) জার্মান ও তুর্ক পরস্পরের

কোরে এমন কি তার নিমন্ত্রণেই নাকি এরূপ করা হয়েছে। আইসল্যান্ডের আভ্যন্তরীণ সমস্ত প্রকার অধিকারই অব্যাহত থাকবে এবং যুদ্ধ শেষ হবার সঙ্গে সঙ্গে আমেরিকা আইসল্যান্ড ত্যাগ কোরে আসবে। বর্তমানে আমেরিকার একমাত্র উদ্দেশ্য হবে আইসল্যান্ডকে বহিঃশত্রুর হাত থেকে রক্ষা করা। অনুরূপ উদ্দেশ্যে পূর্ব থেকেই রুটেন সেখানে ঘাঁটি আগলাচ্ছে। সম্প্রতি কমন্স সভায় চার্চিল বলেছেন যে আমেরিকার কাজে রুটেনের আপত্তি করবার কোনো হেতু নেই বরং রুটেন তা অনুমোদনই করছে। আইসল্যান্ড দখল করবার কারণ বলা হয়েছে—দুইটি; প্রথমতঃ আইসল্যান্ড যদি জার্মান বা ইটালীর দখলে যায় তবে আমেরিকা ও রুটেনে বিমান আক্রমণ চালানো খুব সহজ হবে। সেটা পূর্ব থেকে অসম্ভব করা হোল—দ্বিতীয়তঃ আমেরিকা থেকে রুটেনে খাটোপকরণ পাঠানো বহু পরিমাণে নিরাপদ হবে। তাহোলে আমেরিকা শনৈঃ শনৈঃ আসরে নামছে ?

এই দখলের ব্যাপারটা মহানাটকের অন্ত্য “অভিনেতারী” কি ভাবে দেখছেন বোঝা যাচ্ছেনা—কারণ ইটালী ও জার্মানি উভয়েই এ সম্পর্কে এ পর্যন্ত নীরব। তবে মনে যে তাঁদের এতে খুব সুপ্রসন্ন হয়ে ওঠে নাই তা নিশ্চিত। জাপান কিন্তু আমেরিকার এইসব ব্যবহারে মানসিক স্ট্রেশ রাখতে পারছেননা—এবং প্রশান্ত মহাসাগরে যুদ্ধের জন্তু তৈরী হচ্ছে—সে উদ্দেশ্যে নাকি নৌবহরও জড় কোরতে আরম্ভ করেছে। সংবাদ চাঞ্চল্যকর সন্দেহ নেই। এবং এই ভারতের ৪০ কোটি অরক্ষিত নরনারী—তারা চঞ্চল হয়ে করবে কি ? বেশী চাঞ্চল্য প্রকাশ করলে “ভারত রক্ষা আইনের” রক্ষাকবচ আছে—মুহূর্তে সমস্ত চাঞ্চল্য দূর কোরে নিশ্চল শান্তিতে নিয়ে যাবার ব্যবস্থা আছে—আমাদের আবার চিন্তা কি ?

১১-৭-৪১



সম্প্রদায়িকতা

সাম্প্রদায়িকতার হিড়িক

গতমাসে বাংলাদেশের বিভিন্নস্থানে সাম্প্রদায়িকতার তাণ্ডব পূর্ণভাবেই চলেছে—বিভিন্ন স্থান থেকে যে কয়টি খবর পাওয়া গেছে তারমধ্যে গত ১৪ই জুন কুমিল্লা জেলায় চাঁদপুর অঞ্চলের হাজিগঞ্জ থানার অধীন মালিগাঁও গ্রামের দ্বারকানাথ ও অনাথশর্মার বাড়ী প্রায় ১০০ লোকে একত্রিত হয়ে লুট করে।

১৯শে জুন নোয়াখালী জেলা থেকে একটা সংবাদ পাওয়া যায় ১২টার পব রায়পুরা থানার অধীন সায়েস্তানগর গ্রামের ধনী জমিদার শ্রীপারীলাল রায়ের বাড়ীতে ১৪।১৫ শত লোক জড় হয়ে চার শ মণ সুপারি লুট কোরে নিয়ে যায়, একটা লোহার সিন্দুক ও নিতে চেপ্টা করেছিল, নিতে বা ভাঙতে না পেরে ফেলে রেখে যায়।

তৃতীয় ঘটনাও কুমিল্লা জেলাতে ঘটে। চাঁদপুরের ফরিদগঞ্জ থানার আলুনিয়া গ্রামের অভয়দাস মজুমদারের বাড়ী ২০।২৫ জন লোক আক্রমণ করে—সেদিন সার্কেল অফিসার সেখানে উপস্থিত ছিলেন। তিনি নিজে উপস্থিত হোয়ে লুণ্ঠনকারীদের চলে যেতে বল্লেনও তারা যায় না। তারপর গুলি চালানো হোলে তারা চলে যায়।

গত ২৬শে জুন রাত্রিতে ঢাকাতে আবার দাঙ্গা ভীষণাকারে শুরু হয় এবং প্রায় দুই পক্ষ কাল ধরে গুপ্ত খুন ও আক্রমণ চলতে থাকে—এই কয়দিনে মৃতের সংখ্যা প্রায় ৪০ এবং আহতের সংখ্যা তার দ্বিগুণ হয়।

এখন প্রশ্ন হোচ্ছে এই সকল (১) দাঙ্গার মূলে কি কারণ রয়েছে? (২) সেগুলি দূচ করবার উপায় কি? (৩) সে উপায় অবলম্বন করবার জন্ম কি করা হোচ্ছে? দাঙ্গার মূল কারণ খুঁজতে গিয়ে দেখি সাম্প্রদায়িক ইন্ধন জুগিয়ে যারা লাভবান হয় সে সকল লোকের বা দলের—প্রত্যক্ষ ও পরোক্ষ প্ররোচনা রয়েছে। উচ্চপদস্থ ব্যক্তিদের সাম্প্রদায়িক ব্যবহারও একটি প্রধান কারণ। সম্প্রতি হক সাহেব আজাদের পৃষ্ঠায় তার জাত ভাইদের—ঢাকা দাঙ্গা তদন্ত কমিটির সম্পর্কে তাদের কর্তব্য সম্পর্কে যে ভাবে পুঙ্খানুপুঙ্খ উপদেশ দিয়েছেন তাতে যে সাম্প্রদায়িক আবহাওয়ার উন্নতি হবে এমন

টাকার কারাদণ্ড হয়। আপীলে প্রফেসার জ্যোতিষ ঘোষ ছাড়া আর সকলেই বেকশুর মুক্তি পান। জ্যোতিষ বাবুর ২০০ টাকা জরিমানা হয়।

এ-কয়েকটি ঘটনা দেখে এরপর ভারতরক্ষা আইনের কবলে যারা পড়েন তাঁদের ভাগ্য সম্পর্কে কৌতূহল হয়। ঘাঁদের আটক কোরে রাখা হয়েছে তাঁদের সকলের যদি বিচার হতো তবে কার ভাগ্যে যে কি ফল হতো বলা যায় না।

সে যা হোক, বিচারও হবে না আর তার ফল দেখে কৌতূহল নিবৃত্তি করাও চলবে না; ইতিমধ্যে ভারতরক্ষার উদ্যোগপর্ব ভারতের সর্বত্র বিভীষিকা ছড়াতে থাকবে।

কংগ্রেসে মতসংঘর্ষ—মুন্সীজীর সঙ্গে গান্ধীজীর মতবৈষম্য

যা' অনিবার্য তাই ঘটেছে। গত বিশ বছর ধরে গান্ধীয় অহিংসা কংগ্রেসী রাজনীতির কণ্ঠরোধ করে রেখেছে। অহিংসার যে একটা সীমা আছে, তা' গান্ধীজী স্বীকার করেন; কাজেই অব্যর্থ নিয়মে কংগ্রেসে আজ ভাঙন ধরেছে। জুন মাসের শেষদিকে বোম্বের ভূতপূর্ব স্বরাষ্ট্রসচিব শ্রীযুক্ত কে, এম, মুন্সী কংগ্রেস বর্জন করবেন বলে ঘোষণা করেছেন। কারণ হলো এই যে অহিংসার একটা সীমা আছে বলে তিনি মানেন। ধর্ম, ধর্মস্থান, গৃহ, নারীর মর্যাদা ও প্রাণরক্ষার জন্য হিংসার আশ্রয় নেওয়া দোষের তো নয়ই, বরং মানুষের শ্রেষ্ঠ কর্তব্য। কিন্তু গান্ধীজী শ্রীভোগীলাল লালাকে লিখিত পত্র প্রসঙ্গে জানিয়েছেন, হিংসার দ্বারা অগ্নায়ের প্রতিরোধ করা কংগ্রেসে থেকে চলবে না। এমনকি যে সব ব্যয়ামাগারে হিংসভাবে আত্মরক্ষার কৌশল শেখান হয় তাদের সঙ্গে সংশ্রব পর্যন্ত কংগ্রেসীরা রাখতে পারবে না। মুন্সীজী বহু ব্যয়ামাগারের সহিত সংশ্লিষ্ট আছেন; সংশ্লিষ্ট থাকা কর্তব্য মনে করেন। কাজেই মতভেদটা খুব গভীর। শোনা যাচ্ছে মুন্সীজীই একা নন। আরো বহু কংগ্রেসী তাঁকে অনুসরণ করবেন। যদি বিশ্বাসের ও মতামতের মর্যাদা থাকে এবং আদর্শের সততা থাকে, তবে অনেকেরই কংগ্রেস ছাড়তে হবে। নতুবা গান্ধীজীকেই কংগ্রেস ছেড়ে যেতে হবে। প্রতিষ্ঠানের কল্যাণের দিক থেকে বিচার করে অহিংসার পরীক্ষার জন্য গান্ধীজীর অগ্ন ক্ষেত্র নির্বাচন করা উচিত। ভারতের সবচাইতে বড়ো গণপ্রতিষ্ঠানকে একটা কৃত্রিম নৈতিকতার শিকলে বেঁধে পঙ্গু করে রাখবার দিন গত হয়েছে। কিন্তু কংগ্রেসের ভবিষ্যৎ নির্ভর করছে একা গান্ধীজীর ওপরে নয়, অগণিত সাধারণ সদস্যের ওপরে। এরা যদি আজ নির্ভয়ে নিজেদের মতামতের ওপরে দাঁড়িয়ে গান্ধীবাদকে অস্বীকার করেন তবেই কংগ্রেসে সত্যের মর্যাদা সুরক্ষিত হবে। নতুবা ব্যক্তির মোহ যদি আজও আমাদের সকল যুক্তি ও বিচারকে আচ্ছন্ন করে থাকে তবে স্বাধীনতা সংগ্রামের সকল সম্ভাবনা বিফল হবে।

মুন্সীজীর পরবর্তী প্রোগ্রাম হলো পাকিস্তান-বিরোধিতা। তিনি চান 'অখণ্ড হিন্দুস্থান' আন্দোলন। আমাদের পূর্ণ সমর্থন এই প্রস্তাবের পেছনে আছে। ভারতবর্ষের সর্বপ্রধান প্রয়োজন

সেখানে এই ছোট ও মাঝারি শিল্প-প্রতিষ্ঠান গুলি যদি ধ্বংস পায় তবে যেমন বেকার সমস্যা বাড়বে তেমনি ভারতকে আরো পরমুখাপেক্ষী হোতে হবে। অথচ তার জন্য মাথা ব্যাথা কার ?

কিছুদিন আগে কলকাতায় ইণ্ডিয়ান চেম্বার অফ কমার্স কোনো একটা শিল্পের জন্য সাহায্য চেয়ে সরকারের কাছে সুপারিশ কোরেছিল কিন্তু সরকার এই মোড়লি সহ না কোরে নির্দেশ দিলেন শিল্পের মালিকেরা সোজাসুজি সরকারের কাছে আবেদন না কোরলে তা বিবেচনা করা হবে না। ছোট ছোট শিল্পগুলির পক্ষে বিচ্ছিন্নভাবে আবেদন করার অশুবিধা অতি সহজেই বোঝা যায়—তাদের পক্ষে কোনো প্রতিষ্ঠানের মধ্যস্থতা গ্রহণ করা স্বাভাবিক ও প্রয়োজনীয়—কিন্তু সরকারের তা সহ হোলো না, কে জানে যদি এ ভাবে সজ্ঞবদ্ধতার মধ্য দিয়ে বিপদ ঘটে। সর্বত্র তাই বিচ্ছিন্নতা যত বেশী পরিমাণে জাগিয়ে রাখা যাবে—কি রাষ্ট্র ক্ষেত্রে, কি শিল্পক্ষেত্রে ততই মঙ্গল। ঘুরে ফিরে একজায়গাই আমরা আসছি। বার বার সাম্রাজ্যবাদের রুদ্ধ-দরজায় মাথা খুঁড়ে শক্তিক্ষয় হোতে বা মাথাটা যেতে পারে হয়তো কিন্তু তাতে ঘরে ঢোকা সহজ হবে না—অন্য পথ দেখতে হবে—সমস্ত জাতির মধ্যে কবে এ কথাটা বীজ-মন্ত্রের মত ছড়িয়ে পড়বে ?

চাউলের ও কাপড়ের সমস্যা.

ভারতবর্ষের স্বার্থের সঙ্গে বর্তমান যুরোপীয় যুদ্ধের কোন সম্পর্ক নেই, কিন্তু তবু ভারতকে যুদ্ধে যোগ দিতে হয়েছে। আধুনিক লড়াই এমনই সর্বগ্রাসী ব্যাপার যে তাতে দেশের সমস্ত অর্থ ও সামর্থ্য আছতি না দিয়ে নিস্তার পাওয়া দুষ্কর। কাজেই যুদ্ধের অব্যর্থ ফল হিসাবে নিদারুণ অর্থ, অন্ন ও বস্ত্র সংকট সকল দেশে দেখা দেবেই। সাম্রাজ্যবাদ সৃষ্টি করে যারাই গবেষণা করেছেন তারা প্রত্যেকেই স্বীকার করেছেন সাম্রাজ্যবাদের পরিণামে যুদ্ধ ঘটবেই এবং যুদ্ধের পরিণামেও সংকট দেখা দেবেই। যুদ্ধে যে সব দেশ সাক্ষাৎভাবে লিপ্ত হয়েছে, যে সব দেশের বৃকের ওপরে বোমা ও বিমানের ধ্বংসাত্মক চলেছে তাদের দুর্দশার কথা ছেড়েই দিলাম। যারা ভারতবর্ষের মত কিছু দূরে থেকে অর্থ ও জন দিয়ে সাহায্য করছে তাদেরও দুর্দশা দিনে দিনে শোচনীয় হয়ে উঠতে বাধ্য। ভারতবর্ষেও যুদ্ধজনিত সংকট আরম্ভ হয়েছে। এর প্রথম সূচনা হয়েছে খাদ্য ও বস্ত্রের দুর্ভিক্ষে।

বাংলায় চাউলের দাম আগুনের মতো বেড়েই চলেছে। ৬ টাকা দিয়ে চাউল কিনে আমাদের গরীব দেশের কজন লোক পেটের ক্ষিদে মেটাতে পারবে ? চারদিকে তাই আজ শোনা যাচ্ছে দরিদ্রের ক্রন্দন ও মধ্যবিত্তের হাহাকার। কিন্তু এই অন্নদুর্ভিক্ষের প্রতিকারেরও কোনো পথ সরকার বাহাদুর খুঁজে পাচ্ছেন না। তারা বিবৃতি বের করে এবং দুর্ভিক্ষের কারণগুলো বিশ্লেষণ করেই খালাস। ইতিমধ্যে দুটো বিবৃতি বের হোয়েছে। অন্নভাবের তিনটে কারণ : (১) বাংলা-

দেশে যে ধান জন্মে তাতে বছরের খোরাক কুলোয় না, ব্রহ্মদেশ থেকে চাউল আমদানী করতে হয় (২) এবার যুদ্ধের জন্য জাহাজ পাওয়া যাচ্ছে না, তাই আমদানী অনেক কম (৩) এবছর ফসল বহু নষ্ট হওয়ায় মজুদী চাউলও খুব কম আছে। (৪) যুদ্ধের জন্য এদেশ থেকে বহু চাউল বিদেশে রপ্তানী হয়েছে (৫) ব্রহ্মদেশেও চাউলের অভাব আছে কারণ সেখান থেকে জাপান, হংকং, মালয় ইত্যাদি দেশ বহু অতিরিক্ত চাউল কিনে নিয়েছে। কারণগুলো জানা গেল, কিন্তু প্রতিকার কি? প্রতিকার একমাত্র চাউলের আমদানী বাড়ানো। কিন্তু জাহাজ কোথায়? বাংলা গভর্নমেন্ট জানিয়েছেন, জাহাজী কর্তাদের কাছে আশ্বাস পাওয়া গেছে ভবিষ্যতে জাহাজের কিছু সুবিধা হতে পারে। এ আশ্বাসও অস্পষ্ট। তাছাড়া রেঙ্গুনে চাউলের দামও এবার অনেক বেড়েছে, রপ্তানীর দরুণ মণ প্রতি বৃদ্ধি ১৮/০, জাহাজ ভাড়া বৃদ্ধি হয়েছে মণ প্রতি ১০, ব্রহ্ম সরকারের নতুন রপ্তানী ট্যাক্স দিতে হচ্ছে মণ প্রতি ৮/৫, মোট ২৮/৫ করে মণপ্রতি বৃদ্ধি হয়েছে। কাজেই এই আশ্বাসের দামের চাউল রেঙ্গুন থেকে এনে এদেশে কিছু পরিমাণ ফেললেই বা এই দুর্মূল্য চাউল কিনবে কে? সরকারের উচিত ছিল জাহাজের চেষ্টা আগে থেকেই করা আর দাম বাড়াবার আগেই সম্ভবমত চাউল আমদানী করে রাখা। তখন গাফিলতী করে এখন কুস্তীরাক্ষ বিসর্জন করার কোনই মূল্য নেই। দারিদ্রের কান্নায় দেশ ভরে যাবে কে এর প্রতিকার করবে?

কাপড়ের বেলায়ও সেই একই অবস্থা। ভারতে উৎপন্ন কলের ও তাঁতের কাপড়ে চাহিদা মেটে না। আমদানী করতে হয় বিদেশ থেকে। বিদেশ থেকে আমদানী বন্ধ হয়েছে, আর এর ওপরে যুদ্ধের জন্য গভর্নমেন্ট কলগুলোকে খাটাচ্ছেন যুদ্ধের বস্ত্রের জন্য। কাজেই কাপড় দুর্মূল্য হয়েছে, দুস্প্রাপ্য হবে শীতেরই। সূতারও অভাব তীব্র। এ সমস্যারও কোন সমাধান গভর্নমেন্ট করেননি। তথ্য সংগ্রাহক কমিটী (fact finding committee) একটা করা হয়েছে। কিন্তু কমিটির দ্বারা কতটুকু কী হয়েছে বা হবে, তা অজ্ঞাত। গভর্নমেন্টের যদি কল্পনাশক্তি বা দৃঢ়দৃষ্টি না থাকে তবে দেশকে রক্ষা করবে কে?

কৃষক আন্দোলনে হাওড়া

বাংলাদেশে কৃষক আন্দোলন গড়ে ওঠেনি, এ কথা স্বীকার করতে হবে। একটা প্রাদেশিক কৃষক সভার অফিস কলকাতায় আছে শোনা যায়; কিন্তু বাংলার ২৯টা জেলায় কোনো সংগঠনের বালাই এদের আছে কিনা সন্দেহ। বিহার, ইউ-পিতে যেমন মণ্ডলে মণ্ডলে কৃষক-সংগঠকরা প্রাণান্ত পরিশ্রমে কৃষকদের শ্রেণীচেতনা ও শ্রেণীসংস্থা গড়ে তুলেছেন, বাংলায় তা আজো কল্পনাতেই। এখানে শিশু থেকে বৃদ্ধ সবাই বচনে বিশারদ, কিন্তু ক্ষেত্র-কর্মে হাতে-কলমে কিছু করবার বেলায় লোক পাওয়া দায়। বিশেষতঃ গ্রামে থেকে কাজ করবার কর্মী বিরল। সহরে বসে সভা সমিতিতে কৃষক আন্দোলনের ইতিহাস ও সংখ্যাতত্ত্ব আলোচনা করা


সহজ। কিন্তু জলে-ঝড়ে, রৌদ্রে-বৃষ্টিতে, মাঠে-ঘাটে ঘুরে অশিক্ষিত চাষীদের মধ্যে কাজ করতে শুরু মেরুদণ্ডের দরকার হয়। বাংলাদেশে তাই কৃষক আন্দোলন শক্তিশালী হয়নি। মাত্র যে তিন চারটে জেলায় কিছু কিছু কৃষক আন্দোলন হয়েছে তার মধ্যে হাওড়ার নাম উল্লেখযোগ্য। শ্রীযুক্ত নিতাই মণ্ডলের নামে ইতিপূর্বে মোকদমা দায়ের করা হয়েছে, তাকে অনেক নির্যাতন সহ করতে হয়েছে চাষীদের জন্ত। এ ছাড়া শ্রীযুক্ত বিষ্ণু সামন্ত, ক্ষিতীশ সরকার, নরেন্দ্র চৌধুরীর নামেও কিছুদিন আগে ভারতরক্ষা আইনের মোকদমা আনা হয়েছিল। অপরাধ ম্যাজিস্ট্রেটের নিষেধ অমান্য করে এরা শোভাযাত্রা করেছিলেন এবং 'সুভাষবাবুকী জয়', "জমিদারি প্রথা ধ্বংস হোক" ইত্যাদি ধ্বনিও এরা করেছিলেন। জমিদারি প্রথার অপকারিতা সম্বন্ধে মতামত থাকতে এবং তা' প্রচার করাটা যে ভারতরক্ষার কী বিঘ্ন করছে, তা' বোঝা ছুঁকর। তাছাড়া সুভাষ-প্রীতিটা ও যে যুদ্ধ চালনার কী ব্যাঘাত উৎপাদন করছে তাও বোঝা মুশ্কিল। যেটা অতি সামান্য তাকে মিছামিছি বাড়িয়ে তুললে যা পরিচালনার কোনই সৌকর্য হয় না, তবে দেশের পক্ষে এইটুকু কল্যাণ হয় যে এইসব জুলুম লোন্দের চেতনাকে সত্যিকার অবস্থা সম্বন্ধে সজাগ করে তোলে। হাওড়ার কর্মীদের আমরা অভিনন্দন করছি, তারা ধীরে ধীরে কৃষক চেতনাকে গড়ে তুলতে পারছেন এই কারণে। সাম্প্রদায়িক বিষয়ে একমাত্র প্রতিষেধক হলো কৃষক-সংগঠন।


শ্যার সি, ওয়াই, চিন্তামণির মৃত্যু

এলাহাবাদের লীডার পত্রিকার সম্পাদক, লিবারেল পার্টির ডাইসপ্রেসিডেন্ট ও নেতা শ্রীযুক্ত চিন্তামণি ৬১ বছর বয়সে পরলোকগমন করেছেন। তাঁর বিশ্বকোষী পাণ্ডিত্য এবং অসাধারণ শ্রমশক্তি চিরকাল ভারতবর্ষের শ্রদ্ধা অর্জন করবে। সামান্য অবস্থা থেকে উন্নতির উচ্চতম শিখরে আরোহণ করে তিনি প্রতিভার পরিচয় দিয়েছেন। যুক্তপ্রদেশ আইন সভার ও গোলটেবিল বৈঠকের তিনি সদস্য ছিলেন, যুক্তপ্রদেশের শিক্ষা-শিল্পমন্ত্রী ও তিনবছর ছিলেন। তাঁর মৃত্যুতে দেশের অভাবনীয় ক্ষতি হল।

শ্রীযুক্ত গুরুসদয় দত্ত

নানা লোকহিতকর প্রতিষ্ঠানের স্থাপয়িতা প্রিয়ভাষী শ্রীযুক্ত গুরুসদয় দত্তের ক্যান্সার রোগে অকালে মৃত্যু হয়েছে। তাঁর বয়স হয়েছিল ৫৮ বছর। সরোজনলিনী দত্ত বিগালয় এবং ব্রতচারি সংজ্ঞ, এই দুটো প্রতিষ্ঠানের সঙ্গে তাঁর নাম চিরদিন জড়িত থাকবে। আইন অমার্গ আন্দোলনের সময়ে এবং হিজলী মহিলা-বন্দীদের অনশনকালে তাঁর দেশপ্রীতি ও সংসাহসের পরিচয় আমরা পেয়েছিলাম। সমাজ সেবাক্ষেত্রে তাঁর অভাব চিরদিন বাংলাদেশে অনুভব করবে। আমরা তাঁর শোক সমুপ্ত পরিবারবর্গকে আন্তরিক সমবেদনা জানাচ্ছি।





সেখানে শত্ৰু সাক্ষ্য

১৯৩৩ সাল
শতাব্দিক

কিন্তু সাম্রাজ্যবাদী শাসনের আসল রূপ কি? এ হলো ভেদনীতিরই রূপান্তর। শাসন যেখানে শোষণ; সেখানে শাসন-নীতিকে হতেই হবে ভেদনীতি। বিশেষতঃ ভারতবর্ষের মত বিস্তৃত দেশকে করায়ত্ত রাখতে হলে ভেদ-নীতিই হলো একমাত্র অব্যর্থ অস্ত্র। এর সঙ্গে থাকবে অপর তিনটে নীতির মিশাল। বচনে ও ইস্তাহারে উচ্ছ্বসিত হতে থাকবে সাম-নীতির মিষ্টি-বীণাণী। কিন্তু প্রচুর ব্যবহার হবে দান ও দণ্ডনীতির। দান ও দণ্ড হলো ভেদ-নীতিরই দুটো অঙ্গ। এক পক্ষের ওপরে বর্ষিত হবে দান-নীতির অফুরন্ত দাঙ্গিত্য; অপর পক্ষের পিঠে পড়বে ছুতোনাভায় দণ্ড-নীতির অক্লান্ত চাবুক। তাতেই সৃষ্টি হবে একাধিক পক্ষ এবং ক্রমশঃ তাদের মধ্যে প্রসারিত হবে সমুদ্রের ব্যবধান। ব্যবধান ক্রমশঃ আনবে বিদ্রোহকে এবং বিদ্রোহ পরিণত হবে হানাহানি ও রক্তারক্তিতে। এরই নাম divide et impera এবং বিজেতা ও প্রবলের হাতে এই নীতি হলো আত্মকালের পুরোধো অস্ত্র। তবে সাম্রাজ্যবাদ আজ পৃথিবীতে বিজ্ঞানের শক্তিকে কাজে লাগাতে পারছে; তাই শাসন ও শোষণ দুই-ই আজ হয়েছে অতি ক্ষুরধার ও সূক্ষ্ম। কুটিলতায় ও কুশলতায় ভেদনীতি আজ হয়েছে বিজ্ঞান-সম্মত। লাজপত রায়ের ভাষায় “The policy of divide and rule is the sheet anchor of all Imperialist Governments. British rule in India has been persistently following that policy.” অদৃষ্টের পরিহাসে বিপুল ভারতবর্ষ হয়েছে এই নীতির প্রকৃষ্ট ক্ষেত্র এবং ব্রিটিশ শাসন এই প্রশস্ত ক্ষেত্রে এই ভেদনীতির করেছে চরম প্রয়োগ, বৈজ্ঞানিক রীতিতে ও সূক্ষ্মতম কৌশলে। এই ভেদনীতিরই চূড়ান্ত ফল ফলেছে ভারতব্যাপী সাম্প্রদায়িক দাঙ্গায়। এতে শাসন কর্তৃপক্ষ আপত্তি করবেন জানি, কিন্তু বৈজ্ঞানিক বিশ্লেষণ ও বাস্তব তথ্যের সম্মুখে সে আপত্তি মিলিয়ে যাবে। শাসন-যন্ত্র যারা চালান তারা যে সজ্ঞানে ও সচেতন ভাবে ভেদনীতির পথেই একে চালান, তার প্রমাণ রয়েছে রাজপুরুষদের অগণ্য স্বীকৃতিতে।

বিংশ শতাব্দীর প্রথম দশক থেকেই হিন্দু-মুসলমান সমস্যা ঘোরালো হয়ে উঠেছে। পূর্ব বঙ্গে হিন্দু-মুসলমানের মনোমালিণ্য শুরু হয়েছে স্বদেশী আন্দোলনের থেকে। তার পরেই আরম্ভ হয়েছে রক্তাক্ত দাঙ্গা-হাঙ্গামা যা আজ ধারণ করেছে বর্বর আকার। ১৯২৩ থেকে ১৯২৭ সন পর্যন্ত নানা দাঙ্গায় ৫ বছরে প্রায় ৪৫০ লোকের মৃত্যু হয়েছিল এবং ৫০০০ লোক আহত হয়েছিল। তার পরে ১৯২৭ সেপ্টেম্বর থেকে ১৯২৮ জুন পর্যন্ত সময়ের মধ্যে ১৯টা হিন্দু-মুসলমান দাঙ্গা হয়েছে, যাতে এক মাদ্রাজ ব্যতীত অন্য সব প্রদেশই ভুক্তভোগী হয়েছে। ১৯২৬ সনের এপ্রিল থেকে জুলাই চারমাস কলকাতার পথঘাট রক্তাক্ত হয়েছিল; তার পরে পাবনা, রাবলপিণ্ডি, লাহোর এবং অন্যান্য স্থান। ১৮ মাসের মধ্যে মৃত হয়েছে প্রায় ৩০০ এবং আহত ২৫০০; তার পরে ১৯২৭ থেকে পর পর আরো ২০টা সাংঘাতিক দাঙ্গা সংঘটিত হয়েছে, যার মধ্যে, “বোম্বে দাঙ্গা তদন্ত কমিটির” হিসাবে, এক বোম্বের ছুটী দাঙ্গাতেই ২০০ লোক মারা গেছে। তারপর

এই শাস্তির কারণ হল মুসলমানের তদানীন্তন অজ্ঞতা ও ক্ষমতার অভাব। কিন্তু আদতে তা নয়। বরং মুসলমান আমলে মুসলমানের হাতে অত্যাচার ও উৎপীড়ন করবার সামর্থ্য ও সরঞ্জাম প্রচুর ছিল। হিন্দুদেরও সেই যুগে দাঙ্গা করবার যথেষ্ট কারণ ছিল, যেহেতু হিন্দুরা এই দেশে একদা ক্ষমতার অধিকারী ছিল। সেই পূর্বস্মাদিত ক্ষমতার স্মৃতি তাদের মনকে বিখ্যাত করতে পারত। কিন্তু এই ধরনের দাঙ্গা সে যুগে অজ্ঞাত ছিল। তারপর ১৮৫৭ সালের যুগে দেখি মুসলমান অজ্ঞ তো নয়ই বরং অধুনালুপ্ত ঐশ্বর্যের স্মৃতিতে মুসলমান ১৯ শতকে পরম আত্মসচেতন ও ক্ষমতাপ্রয়াসী। সিপাহী যুদ্ধে মুসলমানই প্রধান অংশ গ্রহণ করেছিল; বাহাদুর শাহকে দিল্লীর গদীতে বসিয়ে ইংরেজকে তাড়িয়ে লুপ্ত মুসলীম সমৃদ্ধিকে পুনঃ প্রতিষ্ঠা করবার শ্লোগানই ছিল সিপাহীদের একমাত্র শ্লোগান। নিজাম, অযোধ্যার নবাব ও অন্যান্য মুসলমান তালুকদারদের প্রতি ইংরেজ গভর্নমেন্টের ব্যবহার মুসলমানদের মনে ইংরেজ বিদ্বেষ জ্বলে দিয়েছিল। তারা ইংরেজকে তাড়িয়ে মুসলমান শক্তিকে পুনঃস্থাপনের উদ্দেশ্যে বিদ্রোহী হয়েছিল। ক্ষমতার সম্ভাবনা সেই যুগেই মুসলমানের বেশী ছিল; মুসলমানের সঙ্গে বেশী সংঘর্ষ হবার সম্ভাবনা ছিল। কিন্তু তা হয়নি। এলাহাবাদের মৌলবী লিয়াকৎ আলি, পাটনার শাহ মহম্মদ হুশেন, ওয়াজুল হক ও পীর আলী প্রভৃতি মৌলবীদের বিধিবদ্ধ প্রচার তাদের সচেতন মন এবং প্রথর আত্মসম্মান জ্ঞানেরই পরিচয় দান করে। সিপাহীযুদ্ধের যুগে মুসলমানদের সমুখে ছিল ভবিষ্যৎ রাষ্ট্রীয় ক্ষমতার বিপুল সম্ভাবনা; হিন্দুদের সামনেও ছিল সেই অনিশ্চিত পরিস্থিতির সুযোগে নতুন হিন্দুশক্তির সংগঠনের আশা। প্রদেশে প্রদেশে রাজ্যচ্যুত হিন্দুরাজা ও জমীদারদের মনে সেই স্বপ্নই ছিল গোপনে লুকিয়ে। কিন্তু আশ্চর্য এই রাষ্ট্রক্ষমতার জন্ম দুর্দম আকাজ্ঞা সত্ত্বেও হিন্দু-মুসলমান পরস্পর লড়াই না করে করেছিল ইংরেজের সঙ্গে লড়াই। কাজেই লীগপন্থী ও ইংরেজ, কারুরই যুক্তি টেকে না! আসল কথা, ১৯ শতকের শেষের দুই দশক থেকেই হিন্দু মুসলমান পরস্পরকে শত্রু মনে করেছে।

কুখ্যাত সার ব্যাম্ফিল্ড ফুলার একটি বহুপ্রচারিত উপমায় ভারত সরকারের দুই রাণীর উল্লেখ করেছিলেন: হিন্দু হোলো তুয়োরানী, আর মুসলমান সুয়োরানী। কথাটায় সত্য আছে। মুসলমানকে নেকনজরে দেখা হলো সরকারে অভ্যস্ত ক্রীড়া। তবে প্রথম থেকেই অবস্থা এমনি ছিল না। সিপাহীযুদ্ধের অভিজ্ঞতাই ইংরেজকে সজাগ করে তোলে। সৈন্যসজ্জায় ও সামরিক ব্যবস্থাকে নতুন করে গঠন করবার প্রয়োজনবোধ প্রবল হয়ে উঠে। এমন বন্দোবস্ত চাই, যাতে ভবিষ্যতে ঐক্যবদ্ধ বিদ্রোহ সম্ভব না হতে পারে। কাজেই divide et impera অস্ত্রকে শাণিত করে তোলা হল। অবশ্য সিপাহী যুদ্ধের আগে থেকেই এ অস্ত্র ছিলো এবং এর ব্যবহারও হয়েছে। ১৮২১ সনে পর্যন্ত একজন বৃটিশ অফিসার 'carnaticus' ছদ্ম নামে 'Asiatic journal'এ লিখেছিল Divide et Impera should be the motto of our Indian administration,

whether political, civil or military." * এমন কি Lt. Col. John Coke, মোরদাবাদের কমাণ্ডাণ্ট, সিপাহিযুদ্ধের সময়ে লিখেছিলেন, ভারতের বিভিন্ন ধর্ম ও জাতির মধ্যে কৌশলে পার্থক্যকে বাড়িয়ে রাখতে হবে, একত্র হতে দেওয়া হবে না। ১৮৫৯ সনে যে পীল কমিশন তদন্ত করেছিল তার রিপোর্টে ও সাক্ষ্য দেখা যায়, বহু ইংরেজ অফিসার ভেদনীতির পোষক হিসেবে সৈন্যদলকে একাধিক জাতির ও বর্ণের মিশ্রণ করে রাখবার জগ্ন পীড়াপীড়ি করেছিলেন! লর্ড এল্‌ফিন্সটোন, মেজর জেনারেল টাকার (H. T. Tucker) ইত্যাদি সৈন্য দলকে বর্ণ ও জাতি-বিরোধে জর্জরিত করে রাখবার পরামর্শ দিয়েছিলেন। Lord Ellenborough ও এই মতই দিয়েছিলেন, কারণ তাতে ব্রিটিশ স্বার্থকে কায়েম রাখা যাবে। কাজেই পীল কমিশনও সুপারিশ করেছিলেন, প্রত্যেক রেজিমেন্টকেই বিভিন্ন জাতি ও বর্ণের বিরোধক্ষেত্র করে তুলতে হবে X। লর্ড এল্‌ফিন্সটোন খোলাখুলি লিখেছিলেন, "Divide et impera was the old Roman motto and it should be ours." (14-5-1859 minute) ভূরি ভূরি দৃষ্টান্ত দেওয়া যেতে পারে যাতে ইংরেজের ভেদনীতিপ্রবণতা প্রমাণ হয়।

তবে লক্ষ্য করবার আছে এই যে, ইংরেজের এই ভেদনীতিরও দুটা পৃথক অধ্যায় রয়েছে। একটা হলো মুসলমান দমনের অধ্যায়, দ্বিতীয় অধ্যায় হলো মুসলমান তোষণ ও হিন্দু দলনের অধ্যায়। মুসলমানের হাত থেকেই ইংরেজ ভারতবর্ষকে ছিনিয়ে নিয়েছে, মুসলমানই ছিলো এ দেশের একছত্র অধিশ্বর সেই যুগে। এই কারণেই যেমন মুসলমান ইংরেজের বিদ্রোহী ছিলো, ইংরেজও মুসলমানের শত্রুতা করত তেমনি পদে পদে। সিপাহী যুদ্ধের পরেও প্রায় বিশ বছর যাবৎ মুসলমানের প্রতি বিরূপ ছিল ইংরেজ। ১৮৫৯ সনে মুসলমানরাই প্রধানত বিদ্রোহের শক্তি জুগিয়েছে। আর মুসলমানদের ছিল হিন্দুদের চাইতে বেশী ধর্মোন্মাদ ও দুর্ধর্ষতা। ১৮৪২ সনে, কাবুল যুদ্ধের পরে লর্ড এলেনবোরো (তখনকার গভর্নর-জেনারেল) ডিউক অব ওয়েলিংটনকে লিখেছিলেন, "মুসলমান চেয়েছিল আমরা আফগানিস্থানে হেরে যাই, আর হিন্দুরা চেয়েছে আফগানরা হারুক। কাজেই মুসলমান যখন শত্রুভাবাপন্ন, তখন বিশ্বস্ত হিন্দুদের আশ্রয় লাভের চেষ্টা না করাটা আমাদের আহাম্মুকী হবে। হিন্দুরা সংখ্যায় ও দশগুণ হবে।" * তিনমাস পরে

* Vide, "consolidation of the Christian Power in India," pp74-5, by B. D. Basu.

+ "Our endeavours should be to uphold in full force the (for us fortunate) separation which exists between the races & religions, not to endeavour to amalgamate them. Divide et impera should be the principle of Indian Government." (Ibid)

x "The Native Indian Army should be composed of different nationalities and castes, and as a general rule, mixed promiscuously through each regiment." (Report of the Peel Commission on the organisation of the Indian Army.)

লর্ড এলেনবরো একেবারে স্পষ্টভাবেই ব্রিটিশনীতির উল্লেখ করেছেন; মুসলমান শত্রুভাবাপন্ন, তাই হিন্দুদের তোষণ করাই হলো আমাদের আসল নীতি। * হেনরী হ্যারিংটন টমাস নামক বঙ্গীয় সিভিল সার্ভিসের একজন অবসর প্রাপ্ত কর্মচারী ১৮৫৯ সনে সিপাহী বিদ্রোহ সম্বন্ধে একখানা পুস্তিকা লিখেছিলেন; বইখানার নাম “The late rebellion in India and our future policy”. এতে তিনি লিখেছেন, মুসলমানরা সাধারণতই গবিত ও নির্মম এবং প্রাধান্য-লিপ্সু। তার ওপরে রয়েছে তাদের অনির্বাণ আশা, ইংরেজকে নষ্ট করে আবার মোসলেম শক্তিকে প্রতিষ্ঠা করবার। তারাই হিন্দুদের হাত করে এই সিপাহী-বিদ্রোহের বা বিপ্লবের বন্দোবস্ত করেছে। ‘বঙ্গীয় সৈন্যদলে’র হিন্দু-সিপাহীরা মুসলমানের হাতের যন্ত্রমাত্র ০। রাজকর্মচারীদের তদানীন্তন মনোভাব এই সব কথা থেকেই বোঝা যায়। মুসলমান দলনই সেই যুগে ছিলো ব্রিটিশ শাসনের মূলমন্ত্র।

কিন্তু শতাব্দী শেষ হবার সঙ্গে সঙ্গেই বাতাস উল্টোদিকে বইতে লাগলো। হিন্দুরা পাশ্চাত্য শিক্ষায় অনেকদূর অগ্রসর হয়ে গেছে তখন। যুরোপীয় বিপ্লবের বাণী এবং ১৯ শতকের সাম্য ও স্বাধীনতার মন্ত্র হিন্দুসমাজে গভীর অসন্তোষ সৃষ্টি করেছে। ফলে ভারতের স্থানে স্থানে বিপ্লব আবহাওয়া ও সঙ্ঘ গড়ে উঠতে লাগল, হিন্দুরাই হ’ল ইংরেজ শাসনের বিরোধী। সংখ্যাধিক হিন্দুরা যদি জেগে ওঠে দলবদ্ধ হয়ে এবং তার সঙ্গে যদি মুসলীম শক্তি যুক্ত হয়, তবে ইংরেজ শাসনের আয়ু অচিরে ফুরাবে। সেই থেকেই আরম্ভ হল ব্রিটিশ শাসনের নবনীতি, মুসলমানকে তুষ্ট করে হাত করবার এবং হিন্দুকে দলন করার কূটনৈতিক পাল্লা। মুসলমান পাশ্চাত্য শিক্ষায় পিছিয়ে পড়েছে, হিন্দুরা তখন অনেক অগ্রসর। মুসলমান ঘুম থেকে উঠে এই তহ হৃদয়ঙ্গম করলো; ইংরেজের আনুকূল্য ও প্রীতিকে তারা তাই সাগ্রহে ও নিশ্চিত্তে বরণ করে নিলো। ইংরেজের কূট ভেদনীতিকে তারা ধরতে পারলো না। ভারতবর্ষের জনসাধারণের প্রকৃত কল্যাণের পথ কোন্ দিকে তা’ তারা চিন্তা করলো না। মুসলমান ও হিন্দু গণসমাজ তখন ঘুমে আচ্ছন্ন। এখানে শুধু মধ্যবিত্তের কথাই বলা হচ্ছে, ইংরিজী শিক্ষায় যে শ্রেণী পাশ্চাত্য বিদ্রোহের শক্তি-মন্ত্রে

* “It seems to me unwise, when we are sure of the hostility of one-tenth, not to secure the enthusiastic support of the nine-tenths which are faithful.”

(oct 4, 1842)

+ “I cannot close my eyes to the belief, that that race (Muslims) is fundamentally hostile to us and therefore our true policy is to conciliate the Hindus.”

(letter dated 18-1-43 to Duke of Wellington)

0 “.....it was the result of a Muhammadan conspiracy....The Muhammadans planned and organised this rebellion (or rather revolution) for their own aggrandisement alone and that the Hindu sepoys of the Bengal Army were their dupes and instruments.” (Henry Harrington Thomas.)



মহম্মদ ইয়কুবের নেতৃত্বে মোসলীম লীগের কলকাতা অধিবেশনে (৩০-১২-২৭) সাইমন কমিশনকে বরকট করার সিদ্ধান্ত করে। কিন্তু লাহোরে সার মহম্মদ শফীর নেতৃত্বে ঐ তারিখেই বয়কটের বিরুদ্ধে প্রস্তাব পাশ করান হয়। ইংরেজের স্বার্থসিদ্ধির সহায় স্বরূপ ভারতে মতান্তর ও মনান্তর বৃদ্ধিই পেতে থাকে। সর্বশেষে ১৯৩৫ সনের শাসনতন্ত্র। এবার কেবল হিন্দু-মুসলমান নয়, এবার ভারতে হিন্দু সমাজও উন্নত ও অন্নত জাতের কলহে বহুখণ্ডিত হয়ে উঠেছে। সমস্ত ভারতবর্ষ আজ আত্মকলহের রক্তাক্ত লীলাভূমি। আজিকার এই হানাহানি ও কলহকে বিচার করতে হবে পূর্ববিবৃত পটভূমিকায়।

এই প্রেক্ষাপটে দেখলেই বর্তমান ভারতের ক্রমবর্ধমান সাম্প্রদায়িক সংঘর্ষের স্বরূপ ও তত্ত্ব ধরা পড়বে। ইংরেজ কর্মচারির ব্যক্তিগত সদিচ্ছা বা উদারতা নয়, সমষ্টি জীবনের ভবিষ্যৎ ও বর্তমানকে বিচার করতে হবে ঐতিহাসিক দৃষ্টিতে, ঘটনাপঞ্জের সমষ্টিগত বাস্তব বিবর্তনের বিশ্লেষণ দিয়ে। একটু চোখ মেলে বিশ্বজগতের দিকে তাকালেই সাম্রাজ্যবাদী শাসননীতির গূঢ় অর্থ ধরা পড়বে। কেবল ভারতেই নয়, সর্বত্রই সাম্রাজ্যবাদের একই নীতি। কেবল ইংরেজই নয়, অগণ্য জাতিও এই একই পথে চলে। ইংরেজের দোষ নাই। কারণ ঐতিহাসিক নিয়মেই তাদের মতি ও স্বার্থ বৃদ্ধি এইরূপ নিয়েছে ও নিতে থাকবে। কিন্তু আমাদের ঐতিহাসিক ভূমিকা আমরা কেন গ্রহণ করবো না? এই ছুঃখ জর্জর দেশের কোটি কোটি মানবের কল্যাণের পথে যে ভূমিকা সার্থক হবে। যাদের চক্ষু খুলেছে তাঁরাই এ ভূমিকা সজ্ঞানে গ্রহণ করতে পারবে। ইংরেজের স্বার্থবৃদ্ধি যাই করুক, আমাদের কল্যাণ-বৃদ্ধি দ্বারা আমরা তাকে ব্যর্থ করবো। ইংরেজের যদি ভেদনীতি হয়, আমাদের নীতি হবে সংহতি-নীতি। কিন্তু ভেদ-নীতিকে ব্যর্থ করবে কে? যে শর্ষে-দিয়ে ভূত ছাড়াব, সেই শর্ষেই যে ভূতের বাসা হয়েছে। আমরা যে পরস্পরকে ভেদ-বিচ্ছিন্ন করে নিজেরাই ব্যর্থ হতে চলেছি! এক্ষেত্রে উপায় কি? উপায় হলো, সাম্প্রদায়িকতার ভূতগ্রস্ত যারা এখনো হননি তারা একত্র হোন এবং ভূতাবিষ্টদের ভূত ছাড়াবার চেষ্টা করুন। যে ভূত আজ চেপেছে, তাকে না তাড়ালে কল্যাণের পথ রুদ্ধ থাকবে। ইংরেজকে দোষারোপ না করে আত্ম-শক্তিতে ভারতের গণকল্যাণকে উদ্ধার করতে হবে। “উদ্ধরেদাত্মনাত্মানম্ নাআনমবসীদয়েৎ”, এই শ্লোক আজ আমাদের সঙ্খবাণী।

1. “I respectfully remind you once more that it was your early speech about their extra claims that first started the Moslem hare.” (Recollectious, vol, 11, pp 325)

2. “There is no harm now in saying that the deputation’s was a ‘command’ performance!...Hitherto the Mussalmans had asked very much like the Irish prisoner in the dock who,...had frankly replied that he had certainly not engaged counsel, but that he had ‘friends in the jury!’ But now the muslims ‘friends in the jury’, had themselves privately urged that the accused engage only qualified counsel like all others.” (Congress President’s address, cocanada congress, 1923).

3. “Sinister influences have been and are, at work on the part of the govt; that Muhammdan leaders are inspired by certain British officials and that these officials...sow discord...by showing to the Muhamadans special favours.” (Awakening of India, p 283)

“জীবন নদীর তীরে”

ভবানী সেনগুপ্ত

আজ আমার জন্ম দিন। তিনদিন আগে থেকে শুনে আসছি, আজ জন্মদিন আমার। উৎসব আয়োজনের পরিমাণে হয়তো অভিমানের সুযোগ পাবোনা, কিন্তু তবু কেন যে মনটা এতো নিস্তেজ লাগছে, একটা চাপানো পাষাণের নীচে যেন হাপিয়ে উঠছি!

মেঘলা দিনের কালো সকাল। এই ধূসর সকালের গভীর ভাবটা ভালো লাগে, না? না, কৈ ভালো লাগে না তো। ওর সঙ্গে আমার মনের ভেতরকার ভাবের সাদৃশ্য আছে বলেই আমার মনে হয় ওকে আমার ভালো লাগে। কেউ জানে না, আমি আমাকে হারিয়ে দি’—বাইরে আর ভিতরে রং-এর একাকার হয়ে যায়। বই এর পাতা থেকে মুখ তুলে বাইরের আকাশের দিকে একটু তাকাই। আচ্ছন্ন কৃষ্ণ আবেশে সব কিছু নিজেকে মিলিয়ে দিয়েচে—বর্ষা প্রাতের ধূসর গভীর ভাবটাতে মনটাও কেন যেন গভীর হয়ে উঠতে চায়।

রেখা এসে ঘরে ঢোকে।—সু, তুমি কি ভাবচ ?

আমি কি কিছু ভাবছিলাম ? না, আমি একটু কি যেন করছিলাম।—‘কিছু নয় তো?’

—বলো না,—রেখা একটু হাসে,—ক্যালকুলাসের প্রলেমগুলি খুব শক্ত, না সু?

—তাই বুঝি আমি ভাবছিলাম?

—তা নয়তো কি? আর নয়তো লজিকের কোন ছরুহ সমস্যা……ও, তুমি তো আর লজিক পড়োনা, তবে হয়তো আর কিছু একটা বই!

টুপ্ টাপ্ করে বাইরে জলের ফোঁটা ঝরতে আরম্ভ করে।

রেখা আলমারী খুলে সেতারটা বার করে……

—আজকের দিনটা বড়ো সুন্দর। মনটাকে মাতলা করে দেয়। তুমি তো এসব কিছু বোঝো না, তোমাকে বলাই বৃথা। আমি ওপরে যাই—বলবে, তারের ওপরে উ, আ, কি করচিস্।

রেখা চলে যায়। আমার চোখ নেমে আসে জু-অলজির বইটার ওপর। কি রকম ছবিটা এঁকেচে অ্যামিওবার……জীব-তহ থেকে মনটা জীবন-তথ্যের দিকে এগিয়ে আসতে চায়। ওরা ভাবে, মানুষ আমি নই, হৃদয় আমার নেই। বাস্তবের প্রাচীরে ছোট বেলা থেকে ওরা আমায় ঘিরে রেখেচে, ভাবে, আমি আটকা পড়ে গেছি একেবারে। মানুষ আর আমি নেই।

আমার আজ জন্মদিন।...দূরান্তে মোটরের শব্দ আর মিলের হুংকার মিলে একটা অদ্ভুত শব্দের সৃষ্টি করে।

শুধু এমনি ক’রেই কি জীবনের বছরগুলো কাটবে? এমনি ক’রেই? এই কি সত্যিকারের বেঁচে থাকা? মনে হয় এর বাইরের জগতে আমার স্থান নেই। আমি আটকা পড়ে গে’ছি বন্ধ কারাগারে, বুক ফাঁটা কান্নায় নিজের চোখের জলে.....না, জীবনের একটা দিক আমি জানিনে, কোন দিকই বোধ হয় আমি জানিনে।

এই পরিবারের সংকীর্ণ সংস্কার এবং ভয়াত পঙ্গুতার বাইরে আছে সারা সমাজ এবং সারা দেশ। জীবন ওখানে বিস্তৃত। দিগন্তে তার ছায়া দেখতে পাই। কতোবার তার মায়া মনে লাগে। কিন্তু জীবনে যত কিছু গেল না পাওয়া, মিছে আর কেন তা ভাবিতে যাওয়া।

আমাকে আড়াল করে রেখেছে সংসারের সংকীর্ণ সংস্কার, আমার মনকে তো সে পারে নি। এত বাধা, এত ভয়, এত বিধি-নিষেধ এদের এড়িয়ে সে চলে গেছে; আমি জানি, মন আমার বাধা পরেনি। আর সেখানেই সকল বেদনা, সমস্ত দুঃখ লাঞ্ছনার শেষ সীমা, নিজেকে প্রতারণা করার চরমতা। তাই ভাবি মানুষের সব মরে, মরে না শুধু মন! মন বেঁচে থাকে, মনে হয় সে বেঁচে নেই, তবু সে যে বেঁচে আছে তারই অস্পষ্ট ইঙ্গিত ভেসে আসে বর্ষা সকালের মেঘলা আবহাওয়ায়, অথবা কঠিন বাস্তবের দৃঢ় সংঘাতে।

আমি বসেছি, আমার বুকের কাছে সাজানো টেবিল। বই, এক, দুই, তিন...আটখানা বই। দোয়াত-দানি, ফুলের টব একটা। বাবা বসেচেন আমার ধারে, মা সামনা-সামনি। রেখা বসেচে আমার আর এক পাশে। বাবার পাশে অরুণ, মার পাশে দ্বিজেন বাবু; তার পরে দুই মাসিমা, তিন মাসতুতো বোন, এক মাসতুতো ভাই। এরা সবাই রক্তের সম্পর্ক নয়, অনেকেই তৈরী করে নেওয়া।

সুপ্তি আই-এ পরীক্ষায় তুমি এত ভাল করেচ যে আমাদের বুক গর্বে ভ’রে উঠেচে। পরীক্ষার খবর জানবার পরেই তোমাকে আমার এ উপহার দেওয়া উচিত ছিল, কিন্তু রেখে দিয়েছি জন্মদিনের জন্যে। জন্মদিনে তুমি নতুন উদ্যমে বাপ-মায়ের প্রদর্শিত পথে সত্য, সংযত জীবনের উন্নতির শেষ ধাপে পৌঁছতে পারো ঈশ্বরের কাছে এই করে প্রার্থনা। এ বড়ো দুর্দিন। আধুনিকতার, দৌলতে আমরা ভুলতে বসেছি অতীতের সকল গৌরব; এ যুগের ছেলেমেয়েরা উচ্ছৃঙ্খল, অসংযত; তাই ঈশ্বরের এত অভিশাপ! গুরুজনদের অবাধ্য হওয়া, রীতি-নীতির প্রতি ঘৃণা ও অসম্মান, এই এ যুগের ধর্ম। সর্বনাশের ধর্ম এ। তোমার বাবা-মার সর্বপ্রধান কীর্তি তাঁরা মমাজের এই সর্বনাশের উর্ধে তোমাদের তুলে রেখেছেন। তোমরা ধর্মে ও কর্মে তাঁদের মুখ

বাবা তুমি যে কাঁদচ, এ কান্না তোমার আনন্দের কান্না! দুঃখ-বেদনায়, ব্যর্থতায়, হতাশায় লোকে কেমন করে কাঁদে তুমিও জানো না আমিও জানি নে। না আমি বোধহয় জানি। বৃকের ভিতরটা যদি খুলে দেখানো যেতো বাবা তা হলে বুঝতে আমারও জীবন ফানুস-উড়িয়ে ছেলে-খেলার মতো—কাঁচা হাতে লেখা একটা বিয়োগান্ত নাটক। তুমি আশীর্বাদ করলে, কিন্তু কিসের আত্মত্যাগ? কি পেয়েছি যে বিলিয়ে দেব? নেবে কেন লোকে একটা অপূর্ণ মনকে! দেব কেমন করে আমি? কাকে করবো সেবা—সেবায় যদি নিজেকে উজাড় করে না দিতে পারি?

—‘এই স্মৃতি তুমি কি ভাবচ? সকাল বেলায় সলিউসনটা এখনো হয় নি? দোহাই, একটু হাসো এখন। সারাদিন তো জু-লজি, তোমাকে এবার আমি নিয়ে সত্যি জুতে রেখে আসবো।’
রেখা।

তাদের মুখে চোখে হাসি। রেখার মুখে হাসির রেখা স্পষ্ট।

মা বাবা আর সবাই কি আলোচনায় ব্যস্ত। আমি হাসতে পারছি না কেন? ওরে রেখা তুই পালা! তোর এখনো সময় আছে। রেখা তুই পালা! না, তোকেও আমার সঙ্গে আসতে হবে, যেখানে আমি এসে দাঁড়িয়েছি, সেইখানে।

অরুণ! আজকের উৎসবে অরুণও এসেছে! অরুণ মা-বাবার অতিপ্রিয়! বিশ্ববিদ্যালয়ের পরীক্ষাতে ক’রে ভালোই, কিন্তু সেটাই আসল কারণ নয়। এ যুগের বহু দূরে অরুণ—এগিয়ে নয় পেছিয়ে। চোখের চশমা শক্তি বদল ক’রে ক’রে চোখকে শক্তিহীন ক’রে তুলেছে। মুখে কথা নেই, মনেও আছে বলে মনে হয় না। চুলগুলি ছোট; সমান করে ছাঁটা, মাথা সোজা হলেও চোখ সোজা হয় না।

অরুণকে বাবা-মা খুব ভালোবাসেন। জীবনে কেউ ওকে প্রতিবাদ করতে দেখে নাই, সবার কথায় সাই দিয়েও নিজে কখনো হায়-হায় ক’রে না। অরুণ, বাবা বলেন, আপনাতে আপনি সম্পূর্ণ!

হয়তো তাই! কিন্তু...না, এখানে কিন্তু নেই। জীবনে কোনদিন কোনো কিছুও জাগেনি ওর প্রাণে, আজ কিন্তু দিয়ে ওকে বিচার করা অস্বাভাবিক! যাচাই ক’রে নি কোনদিন, বাছাই ক’রে নি কখনো, তাই ওকে হয় তুলে নাও, নয় ফেলে দাও! তবু মুশ্কিল এই যে জীবন চলে যাচাই আর বাছাইয়ের ঘোড়ায় চড়ে। এখানে একটানা মৃদলতার স্থান নেই...। কিন্তু, (হ্যাঁ, এবারেও কিন্তু) অরুণ তা স্বীকার করবে না।

হাসি পায় যখন ভাবি এই অরুণের ভেতরও পুরুষের প্রাণ আছে! তবু, সত্যিই আছে। মাঝে মাঝে যখন বায়োলজির কথা বাবার সঙ্গে ও আলোচনা ক’রে মাঝে মাঝে যখন ক্যালকুলাসটা আমায় বুঝিয়ে বলে, তখন আমি যেন টের পাই, কিছুর একটা দমকা উত্তপ্ত হাওয়া ওর অজ্ঞাতে এসে আমার মুখে লাগে। অরুণ জানে না, ওর মধ্যে যে পুরুষ আছে, তাও ও জানে না।

—‘অরুণদা একটি মানুষ-গাথা। পুরুষ যে কেমন ক’রে এমন হয়!’—রেখা ব’লে।

‘কেন, আমরা কি আছি’?

—‘আমাদের কথা বাদ দাও! কিন্তু এমনি মরে যাওয়া জীবন নিয়ে... হুঁতোর!’

আমারই বোন রেখা।

‘মাই এক্স্পিরিয়েন্স উইথ্ ট্রুথ্’। মহাত্মা গান্ধীর জীবনী। আমার জন্মদিনে অরুণের উপহার। তার গায়ে লেখা, সত্যকে জানো।

তুমি জানো নাকি অরুণ সত্যকে? সত্যের সঙ্গে অভিজ্ঞতা তোমার কী? না থাক... বিজনের ভাষায় বলি, তুমি হচ্ছ ghost of things that might have been.

—‘তোমার উপহারটি চমৎকার! কিন্তু এই বইতে সরকারী কুনজর নেই তো?’

—আজ্ঞে না।

—আগে আমি পড়ে তারপরে সূঁকে দোবো এখন।

মা। জীবনে এই ধারা সেন্সরসীপ্ সুশিক্ষার জগ্গে দরকার। এই পরীক্ষায় পাশ না হ’তে পারায় বিজন বই পড়ানোর চাকরী ছেড়েছেন।

“সুপ্তির জন্মদিনে আমার কিছুই বলার নেই। ঈশ্বরের দয়ায় এবং আপনাদের আশীর্বাদে, আজ ওর জীবনে যে গৌরব ও লাভ করেছে, তা রক্ষা ক’রে ও চিরদিন চলবে।”

মা।

তুমি ঠিক বলেচো। চিরদিনই চলতে হবে আমাকে, মা। এর বাইরে ছাড়া নেই।...

ক্রান্ত দ্বি-প্রহর। কলোঁর্জের বন্ধুরা চ’লে গেল।...কেন এসেছিল ওরা? দিনটা এখনো ঘোলাটে—বৃষ্টি যে হবে তার চিহ্নমাত্র নেই। গুমড়ে গুমড়ে ওঠাই ওর স্বভাব—বর্ষা-দিনের। ওর স্বভাবে আমাদের অভাব জেগে ওঠে। নিজের রিক্ত, দীনশূণ্য চেহারাটা মনে প’ড়ে।

কোন দূরান্তে একদিন এমনি মেঘের ঘন-কুণ্ড কারাগারে কে যেন মুক্তি মেগেছিল—ব্যর্থ বিরহ-তপ্ত জীবনের বুক ফাটা হাহাকার কে-যেন কাব্যে জানিয়েছিল, জানিয়েছিল ছন্দে! সে যুগ আর নেই। পঢ় নেই, এটা গঢ় এবং মঢ়ের যুগ। সঢ়-ফোঁটা জীবন বধ্য ভূমিতে অবরুদ্ধ। অন্ধকারে কেঁদে মরে। কবি নেই, কারো ব্যথা কেউ আর সার্বজনীন ক’রে তোলে না। আমাদেরো আর পড়তে ভালো লাগে না। ভালো-লাগে না বলতে, ‘তোমাকেই যেন ভালো বাসিয়াছি শতরূপে শতবার’। মনে হয়, ফাঁকিকে খাঁকি পোষাকে সাজিয়ে মেকী ঢাকবার বৃথা প্রয়াস।

একদিন সন্ধ্যায় তিনি এসেছিলেন..... তাঁর কথা আজো আমার মনে আছে। তিনি বলেছিলেন, শিক্ষার উদ্দেশ্য নিজেকে মুক্ত করা। সা বিছা যা বিমুক্তয়ে। মিথ্যা আমাদের

বর্ষা-অপ্স

অজিত দত্ত

বর্ষণ-ঘন অঞ্জন দিন নির্মম এল ছুয়ারে
শৃঙ্খল পায়ে বন্দী হ'ল যে রাকা
বঞ্চনা শরে জর্জর তনু শান্তনু তনয়ের
শরশয্যায় অন্তরখানি ঢাকা।

মস্থিত হায় করেছি আকাশ খুঁজিয়াছি পারিজাত,
পরাজিত আজ, সাধনার চিতা জ্বলে।
যজ্ঞের ঘোড়া ধরেছি একেলা, দুর্জয়ে অনুরাগ,
দুঃসহ রণ যুঝিয়াছি পলে পলে।

সঙ্কানী তব বর্ষার ধারা বরষার ধারা সম
দুর্বল ক্ষীণ অন্তর-লোক ছায়।
দুঃখের তীরে নির্বাণ মহা, মৃত্যু আসিবে কবে
অম্বর তলে উত্তরায়ণ, হায় !

ফাল্গুনী তব কণ্টক শরে রক্ত হরেছ মোর
বক্ষের তলে তৃষ্ণার দাহ জ্বলে।

উদ্ধত বীর, অলকনন্দা আনো আনো তব শরে
পিয়াসা আমার মেটে কি ধরণী-জলে ?



পুত্রী

ক্ষেত্রমোহন পুরকায়স্থ

চার

মৃত্যুঞ্জয়ের পেনশনার বন্ধু নিস্তারণ মিত্র লোক ছিল লুঁসিয়ার। পাঁচশ টাকায় সব-জজি পদ থেকে অবসর গ্রহণ করলেও, দ্বিতীয় বার সংসার করে এবং আটটি পুত্র-কন্যার পিতা হয়ে আর্থিক হিসাবে খানিকটা বিহ্বত হয়ে পড়েছিল— বিশেষতঃ অধিক পেনশন থেকে নিয়ে দক্ষিণ কলিকাতায় একখানা বাড়ী তৈরী করবার পর। নিস্তারণ মৃত্যুঞ্জয়ের কন্যাকে স্নেহের চোখে দেখত না। অপরোক্ষে সে মৈত্রীকে উড়ন-চণ্ডী মেয়ে বলেই উল্লেখ করত এবং সময়ে-অসময়েই মৈত্রীকেও তিতকথার আবরণে অনেক ভৎসনাই করত। কিন্তু প্রথম পক্ষের একমাত্র পুত্র নিখিল যখন ডেপুটী পদে নিযুক্ত হ'ল, মৃত্যুঞ্জয়ের পত্নী প্রমদাই তখন মৈত্রীর সঙ্গে নিখিলের সম্বন্ধ আনবার জন্ত ঔৎসুক্য জানাল। উল্লেখ মাত্রই সম্বন্ধটা নিস্তারণের মনঃপূত হ'ল। তার কারণ নিস্তারণ দেখল যে মৃত্যুঞ্জয়ের ব্যাঙ্কে যে আনুমানিক হাজার ত্রিশেক টাকা আছে, এই সম্বন্ধ হলে নিখিলই হবে কালক্রমে তার মালিক, কাজেই তার নিজের যা কিছু বিষয়-সম্পত্তি ছিল তা কেবল দ্বিতীয় পক্ষের তিন ছেলেরই মধ্যে ভাগ-বাটোরা করা চলবে। প্রমদা কিন্তু এ সব কিছু না ভেবেই সম্বন্ধের প্রস্তাব করেছিল; নিখিলকে গর্ভে ধারণ না করলেও তার প্রতি প্রমদার স্নেহের কোন কার্পণ্য ছিল না। কথাটা উত্থাপনের পর নিস্তারণের বাড়ীতে একদিন সকল্য মৃত্যুঞ্জয়ের কিসের একটা উপলক্ষ্য করে নিমন্ত্রণ হ'ল। কিন্তু প্রমদা মৈত্রীকে দেখে খুব খুসী হ'ল না, স্বামীকে ব'ল্ল “রংটা'ত ভালই, অসুখও কিছু বলে মনে হ'ল না। গায়ের গড়নেও মেয়েটা রোগা নয়, তবু যেন গায়ের মাংস কম এবং এবং মুখে লাভণ্য বলে কিছু নাই।”

কিন্তু নিস্তারণের সংসার বৃদ্ধি যখন এ সম্বন্ধে একবার সায় দিয়েছে, তখন স্ত্রীর মতের জন্ত সে পেছন ফেরবার লোক নয়। বিশেষতঃ অলক্ষ্যে নিস্তারণের একটা বন্ধ ধারণা ছিল যে প্রমদা যখন নিখিলের সৎমা, তখন এ বিয়েতে প্রমদার মত নেবার তেমন আবশ্যক নেই।

মৃত্যুঞ্জয় প্রস্তাবটা শুনে ব'ল্ল “ভাই, নিখিলত ছেলে খুবই ভাল এবং সে তোমার পুত্র, কাজেই আমার দিক থেকে এ সম্বন্ধে আপত্তি করবার কিছুই নাই। কিন্তু বুঝ্‌চত নিস্তারণ—”

কথাটা শেষ করতে না দিয়ে নিস্তারণ ব'ল্ল “আরে ভাই, সে সব কথা কিছু নয়। ও ছেড়ে দাও। হাঃ হাঃ, বুঝ্‌লে মৃত্যু, এ কেবল পায়রার জোড়, একবার করে দিলেই হ'ল। ভুলে গেছ বুঝি Tennysonএর লাইন কয়টা,—“In the spring a fuller crimson comes upon the robin's breast”

“তার জন্তেই নিস্তারণ মেয়েছিলেন নিজস্ব মতামতের উপর বিবাহটা নির্ভর করছে বেশী।”

“হাঃ হাঃ ভায়া, ও সব বাজে। ভেবে দেখনা এ শর্মার কথাটা। ‘এই নিখিলের মার যখন মৃত্যু হয় তখন আমি বহরমপুরে—বহরমপুরে তখন তুমিও ছিলে হে—মনে নেই সেখানে Egerton সাহেব Session Judge ছিল, ব্যাটা আমায় একদিন খাস্ কামরায় বলেছিল “Nistaran Babu don't split your infinitives in your Judgement”, ব্যাটা কত মন দিয়ে আমার রায় সব পড়ত, হাঃ হাঃ। ও যা তোমায় বলতে যাচ্ছিলাম সেখানে শ্রাদ্ধের পর কাজে হাজির হতেই হলধর বাবু Government Pleaderএর বাড়ীতে গিন্নীকে একদিন খাবার দিতে দেখেছিলাম। হাঃ হাঃ, ও সব কিছু নয় ভায়া, “In the spring a livelier iris changes on the furnished dove.”

অনেক আলোচনার পর ঠিক হল যে তখন থেকে সপ্তাহ দুই প্রায়ই নিখিল মৃত্যুঞ্জয়ের কাছে Indian Penal Code পড়তে আসবে। নিস্তারণ বন্ধুকে এই বলে আশ্বস্ত করে বিদায় নিল যে দিন তিনেকের মধ্যেই কন্য়ার বে-আইনী অনুরাগে পিতার আইন্ অধ্যাপনা বন্ধ করতে হবে। ফলে হ'ল তাই।

নিস্তারণের প্ল্যান মাই থাকুক, মৃত্যুঞ্জয় কন্য়াকে নিখিলের অধ্যয়ন-অনুরাগের নিভৃত কারণটা খোলা-খুলি ব্যক্ত না করে পারলো না। সে না পারা ছিল মৃত্যুঞ্জয়ের পক্ষে নিতান্ত অসম্ভব। কারণ পিতা-পুত্রীর মধ্যে যে একান্ত মানসিক ব্যবধানহীন বন্ধু-স্বলভ নৈকট্য ছিল, তাতে নিখিলের অধ্যয়ন-অনুরাগের মূখ্য কারণটা কন্য়ার নিকট দু'দিন পর্যন্ত অব্যক্ত রাখতে মৃত্যুঞ্জয়ের দ্বিধাগ্রস্ত প্রাণের বেদনা অসহ্য হয়ে উঠল, তৃতীয় দিন বিকালে চায়ের টেবিলে পিতার মুখ খুলে গেল—মৃত্যুঞ্জয় কাতরভাবে মৈত্রীকে বলল, “জান মা, একটা কথা তোমাকে বলা হয় নি’। এই নিখিল ছেলেটা যে রোজ ক’দিন ধরে আমার কাছে আইন পড়তে আসছে তার সঙ্গে ওর বাবা তোমার সম্বন্ধ আনতে চান”।

মৈত্রীর সামনের চায়ের পেয়ালা হাত লেগে পড়ে গিয়ে টেবিলে বিছান চাদরটাকে আর্জ করে দিল; তাঁর চোখে একটা রোষের দীপ্তি খেলতে লাগল; মুখটাকে বিকৃত করে সে উত্তেজিত কণ্ঠে বলে উঠল “কি আশ্চর্য, তুমি এই বড়বন্ধে সায় দিলে এবং আমার কাছে ঘেঁষবার জন্য ছেলেটাকে রোজ রোজ বসে বসে কষ্ট করে পড়াচ্ছ?”

“আমি শু তাই তোমায় বলেই দিলুম মা।”

“এ বলার মূল্য কি হল? বিয়ে যখন আমি করব না, তখন ছেলেটা সপ্তাহ কেন, বছর খানিক ধরে তোমার ওখানে আনাগোনা কল্লোও কিছু হবে না। আশুক না যত খুসী।

কিন্তু তুমি ত আমায় না জানিয়ে এ ঘড়যন্ত্র পাকাতে বসেছিলে ! আশ্চর্য তোমার ব্যবহার—কি যে তুমি করছ কিছুদিন থেকে আমার সব ব্যাপারে, আমি বুঝিতে পারি না। এমন ধারা তুমি ত ছিলে না ?”

মৃত্যুঞ্জয় কথা না বলে চা খেতে লাগল এবং মৈত্রী টিপটে আর গরম জল না দেখতে পেয়ে চাকরকে ডেকে ধমকাতে লাগল এবং পরে গরম জল আনিয়ে পেয়ালায় চা ঢেলে নিঃশব্দে পান করতে লাগল। মিনিট দুই পিতা-পুত্রী কোন কথাই বলল না, পরে মৃত্যুঞ্জয় একটু কেশে বলল “মৈত্রী তুই ভুল বুঝেছিস, আমার ত কোন ঘড়যন্ত্র করার অভিপ্রায় ছিল না।”

“তুমি আমার কথায় বাথা পেয়োনা। তুমিই আমায় শিখিয়েছ লুকোচুরিকে বেনা করতে, তাই আমি আজ সহিতে পাচ্ছি না যদি তুমি আমার কাছে আমার সম্বন্ধে কোন কথা চেপে যাও।”

“তা যা হবার তা হয়ে গেছে। এখন বাপু তোর যা ইচ্ছা নিখিল সম্বন্ধে তুই তা করিস্।”

“আমি আবার ওর সম্বন্ধে কি করব—”

এমনি সময় শ্রীমন্তু ঘরে ঢুকল এবং শিষ্টাচারান্তে একটা চৌকিতে বসে মৈত্রীকে বলল “কি গো মৈত্রী, বড্ড উত্তেজিত মনে হচ্ছে যেন ?” মৈত্রী উত্তর দিল “কিছু না।”

মৃত্যুঞ্জয় কথায় যোগ না দিয়ে ঈষৎ হাসতে লাগল। আলোচনা পাছে বন্ধ হয়ে থাকে এই ভেবে শ্রীমন্তু বলল “তোমার লজ্জিত বোধ করবার কিছু নেই মৈত্রী। আমি মনে করি যে মেয়েদের উত্তেজনাই হল তাঁদের প্রাণ-স্ফূর্তি। মেয়েদের প্রকাশ-ক্ষমতা আছে বলেই তাঁরা হাসেন বেশী, কাঁদেন বেশী, চটেন বেশী—কুলু কুলু কুলু নদীর স্রোতের মত—রবীন্দ্রনাথের সেই কবিতাট মনে নেই।”

মৈত্রী গম্ভীরভাবে জবাব দিল “কোনটা ঠিক কোনটা বেঠিক সেটা বুঝুনগে আপনি কবিতা পড়ে। আমার কাছে কবিতার সাফাই গাইবেন না।” বলে অর্ধোচ্চারিত স্বরে আপন মনে মৈত্রী বলল “রবীন্দ্রনাথের কবিতা !”

শ্রী—তুমি বেজায় উত্তেজিত হয়ে আছ। ভালই, কিন্তু সেটাকে দমন করে ভাল করছো না। আমি না হয় উঠি তুমি যা বলচিলে তাই বল।

মৃ—হ্যাঁ, মৈত্রী আমার একটা—কি গো মা সেটা বলো শ্রীমন্তুকে ?

মৈ—তোমার ইচ্ছা হলে বল না। আমার কি এসে যায় বললে।

মৃ—জানলে শ্রীমন্তু, আমাদের এই নিস্তারণ বাবুর বড় ছেলেটা—এর যে—

শ্রী—নিখিল, এই গেল সপ্তাহে ডেপুটী হল।

মৃ—হ্যাঁ, সেই। কি বল্ছিলাম—এই যে ছেলেটা, নিস্তারণের ইচ্ছা যে মৈত্রীর সঙ্গে তাঁর বিয়ে

হয়। তাইতে—

পাঁচ

হেমবালার প্রস্তাব মত মৃত্যুঞ্জয়ের সঙ্গে তাঁর সাক্ষাত হবার ব্যবস্থা হ'ল। সাক্ষাতের নিগূঢ় অভিপ্রায় ছিল মৃত্যুঞ্জয়ের সঙ্গে নিস্তারণের হৃদয়তার সুযোগ নিয়ে নিখিলের জীবন-বীমার প্রতিশ্রুতি গ্রহণ করা। হেম-বালা কিন্তু মৃত্যুঞ্জয়ের সঙ্গে আলাপ করে দেখল এ পথে বিঘ্ন বহু। প্রাথমিক শিষ্টাচারের অবসান হ'লে এবং মৈত্রী কোন কারণে বসবার ঘর থেকে উঠে গেলেই হেমবালা বল্ল, “আপনার কাছে আমার আসার বিশেষ দরকার হ'ল মৈত্রীর বিয়ের একটা সম্বন্ধ। আমার ত ছেলেটাকে খুবই ভাল লাগে এবং কিরীটের কাছে আপনার কণ্ঠা যতটুকু শুনেছি, তাতে মনে হয় আপনি বোধ হয় রেজিষ্ট্রী বিয়েতে আপত্তি করবেন না। শৈবাল চাটুয্যে ছেলেটির নাম আপনি শুনেছেন কি—হালে ষ্টোরস্ ডিপার্টমেন্টে ৫০০ মাসিনার কাজ পেয়েছে।”

মৃত্যুঞ্জয় উত্তর দিল “ছেলেটা খুবই ভাল বলে মনে হচ্ছে। তবে কি জানেন মেয়ে আমার বিয়ে কত্তে রাজি হচ্ছে না।”

“তা হবে নিশ্চয়। আপনি ওর জন্তু কিছু ভাববেন না। আমার বাড়ীতে সেদিন মৈত্রী শৈবালকে দেখেছেও। আর কি জানেন, মেয়েদের বিয়ের ব্যাপার মেয়েরাই বুঝতে ও বাঝাতে পারে।”

“আমার একান্ত ধারণা যে মৈত্রীকে এখন বিয়েতে রাজি করাতে পারব না। এই দেখুন না আমার বন্ধু নিস্তারণ মিত্র—”

“—যার ছেলে হালে ডেপুটি হ'ল না।”

“হ্যাঁ তিনিই বটে এবং সেই ছেলেটির সঙ্গেই বিয়ের জন্তু নিস্তারণ সম্বন্ধ এনেছিলেন। কিন্তু হলে কি হবে? মেয়েতো সম্বন্ধ এগোতে দিলেই না, তা ছাড়া মেয়ের ব্যবহারে নিস্তারণও আমার উপর খানিকটা বিরক্ত ও বোধহয় ক্রুদ্ধ হয়েছেন।”

হেমবালা অন্তমনস্ক ভাবে বলল “তাই না কি।” খানিকক্ষণ চুপ থেকে বল্ল “আচ্ছা আপনার যদি নিখিলের সঙ্গে সম্বন্ধ চালাবারই বেশী আগ্রহ হয়—তা ছাড়া ও বিয়েতে অসবর্ণ বিয়ে ও হবে না—বাস্ তাই করুন। আমায় না হয় আপনি একদিন নিস্তারণ বাবুর বাড়ীতে নিয়ে যান, এদিকে আমি মৈত্রীকে নেড়ে দেখে বখন। (স্মিত মুখে) আসল কথা আমি চাই মৈত্রীর বিয়েটা হোক। চমৎকার আপনার এই মেয়েটা।”

মৃত্যুঞ্জয় রাজি হল না। কিন্তু অনেক কথার পর শেষ পর্যন্ত মৃত্যুঞ্জয়ের আপত্তি ও হেমবালার মৈত্রী-অনুরাগের রফা হল এই করে—যে শৈবাল চাটুয্যের সঙ্গেও ত নিস্তারণ তাঁর কোন কণ্ঠার সম্বন্ধ কত্তে পারে কাজেই হেমবালাকে নিস্তারণের সঙ্গে পরিচিত করে দেওয়া হবে। নির্দিষ্ট অপরাহ্নে হেমবালা মৃত্যুঞ্জয়ের সঙ্গে গিয়ে প্রথমে প্রমদা এবং পরে নিস্তারণের সঙ্গে

নবযৌবনা

নির্মলচন্দ্র চট্টোপাধ্যায়

কোমল অধরে তব স্পর্শ কামনার
কমনীয়, নয়নের নীলাভ অঞ্জনে
বেদনা আভাস মাখা, নবীন যৌবনে
সহসা স্তম্ভিত যেন জাগর জোয়ার ;
সঘন নিশ্বাসে ভাসে বসন্তসখার
সুরভিত ভস্মরেণু অদৃশ্য-গোপনে ।
ভিতর বাহির ভরি' তোমার ভুবনে
নিয়ত নিগূঢ় কোন্ ভাবনা সঞ্চার !
মনের মধুকবনে বঁধুয়ার তরে
মুকুতার মালা গাঁথা অসমাপ্ত পড়ি'
ক্ষুধা অভিমান ভরে ; পত্রমরমরে
সলাজ হৃদয় আজ ওঠে নাকো নড়ি ।
যৌবনউদ্বেল তব জীবনে সুন্দরী
বেদনামধুর একী শোভা মরি মরি ॥



হিটলার ও ষ্টালিন এবং মানব সমাজের ভবিষ্যৎ

সমর গুহ

সর্বগ্রাসী-মহাসমরের প্রথমাংকের অবসান হয়েছে। এবার দ্বিতীয় অংকের পালা। প্রথমাংকের নায়ক ছিলেন চার্চিল ও হিটলার। পটপরিবর্তনের দ্বিতীয় পর্যায়ে এসে যোগ দিয়েছেন ষ্টালিন। সম্ভবত এ মহানাটকের যবনিকা টানবেন চার্চিল ও তার মিত্রা রুজভেস্ট নন, অণ্ড কেউ—তারা হলেন—হিটলার ও ষ্টালিন।

সমগ্র মানবসমাজের ভাগ্য, তাদের শান্তি ও স্বস্তি নির্ভর করছে এই দুই বিশিষ্ট মানবের উপর। আগামী কালের মানবেতিহাসের সভ্যতা ও সংস্কৃতির রূপায়নের কৌশলী হলেন এরা। উৎকর্ষচিত্তে সমগ্র মানবসমাজ তাই এদের দিকে তাকিয়ে রয়েছে এরা কি করবেন? সমাজকে, সভ্যতাকে কোন পথে নিয়ে যাবেন? ক্লিষ্ট সমাজের আবদ্ধ কারাগার হ'তে কি এরা মুমূর্ষু মানবাত্মাকে মুক্তি দেবেন? উদ্দেশ্যহীন দিক্ভ্রান্ত মানবজীবনকে শত-সহস্রদলে সঞ্জীবিত করে তুলবেন—না আরো বিকৃত আরো কুৎসিত করে তুলবেন?

বিচিত্র এই দুই ডিক্টেটরের চরিত্র। মানব-চরিত্রের বিশিষ্ট কতকগুলি বৃত্তির অভাব সত্ত্বেও, এ কথা আজ অপকটে স্বীকার করা যায়, যে জার্মানী ও রাশিয়ার জনসাধারণ হিটলার ও ষ্টালিনকে জাতীয়তার অগ্রদূত বলে মেনে নিয়েছে। নিজস্ব প্রতিভা ও যুগধর্মের তাগিদই তাদের অবিসম্বাদী নেতৃত্বের মূল কথা।

হিটলার জার্মানীর জাতীয় সমস্যা যথাযথ নির্ধারণ করেছিলেন। সে সমস্যা সমাধানের প্রয়াসই হিটলারের অভ্যুত্থানের গোড়ার কথা। ১৯১৮ সালের পর্যুদস্ত জার্মানীর অস্থিমজ্জায় পরাজয়ের গ্লানিমা বিষাক্ত রক্তের মত জমে উঠছিল। সেই বিষাক্ত রক্তের অসহ্য যন্ত্রণায় সমস্ত জাতি হয়েছিল অস্থির। এ রোগযন্ত্রণার প্রতিশোধক জানা ছিল একমাত্র হিটলারের। তাই হিটলার সমস্ত জনসাধারণকে ভাসাই সন্ধির বিরুদ্ধে ক্ষেপিয়ে তোলার মন্ত্র দিয়েছিলেন। কোন এক লেখক সত্যই বলেছেন—'Hitler is the creation of Versailles Treaty.' হিটলারের নেতৃত্ব প্রতিষ্ঠার দ্বিতীয় কারণ হয়েছে, জার্মান ভাষাভাষীদের একরাষ্ট্রের আওতায় আন্বার প্রয়াস। ভাসাই সন্ধির ফলে জার্মান জাতি ছিন্ন-বিছিন্ন হয়ে পড়েছিল। এই বিচ্ছিন্ন অংশগুলি—রাইনলাণ্ড, অস্ট্রিয়া, পশ্চিম চেকোস্লোভাকিয়া ও পোলিশ করিডরের (corridor) অংশগুলিকে একই রাষ্ট্রের অধীনে এনে পুরোপুরি একটি জার্মান রাষ্ট্র প্রতিষ্ঠার ভবিষ্যৎ ছবি, তিনি এমনভাবে জার্মান

জনসাধারণের কাছে তুলে ধরেছিলেন, যে সমস্ত জার্মান জাতি এই নূতন রাষ্ট্র প্রতিষ্ঠার স্বপ্নে বিভোর হয়ে হিটলারের পেছনে সার বেঁধে দাঁড়িয়েছিল। অবশ্য ব্যাংকার—(Fritz Thyssen) ফ্রিৎস থাইসেন ও বৃদ্ধ প্রেসিডেন্ট হিগেনবুর্গের সমর্থনও হিটলারের ক্ষমতালাভে অনেক সাহায্য করেছিল। কিন্তু অভীষ্ট ক্ষমতা লাভে হিটলার জার্মানীর আভ্যন্তরীণ দলাদলির পূর্ণ সুযোগ গ্রহণ করেছিলেন। স্যোসিয়েলিষ্ট, কমুনিষ্ট, রিপাব্লিকান ইত্যাদি দলগুলি রাষ্ট্রক্ষমতা অধিকার করবার জন্য পরস্পর যুঝেছে অনেক কিন্তু জার্মানীর সমসাময়িক সমস্যার সংগে তাল রেখে, সমগ্রজাতির সমস্যার সমাধানের কোন নূতন সক্ষম দিতে পারেনি। মতবাদের গোড়ামীতে এদের পেয়ে বসেছিল। দেশের সমস্যা সমাধান অপেক্ষা মতবাদের প্রতিষ্ঠার দিকেই এদের ঝোক ছিল বেশী, তাই সংখ্যালঘু হয়েও হিটলারের অনুগামীরা অল্পকালের মধ্যেই জার্মানীতে সর্বসর্বা হয়ে উঠেছিলেন কারণ তার মতবাদ ও কর্মপন্থার সংগে জাতির নাড়ীর যোগ ছিল।

হিটলার, সাময়িকভাবে জার্মানির জাতীয় সমস্যার সমাধান করেছেন সন্দেহ নাই, কিন্তু সমস্যা সমাধানে এমন কতকগুলি প্রগতিবিরোধী, রাষ্ট্রিক ও আর্থিক মতবাদ এবং বংশগত আভিজাত্যের প্রশ্রয় দিয়েছেন, যে জার্মান জনসাধারণ সম্বন্ধেই, এই মতবাদ মারাত্মক হয়েছে যা সমগ্র বিশ্বের শান্তি ও সংহতি বিনষ্টকারী হতে বাধ্য। ধনতান্ত্রিক রাষ্ট্রগুলিতে, ধনতন্ত্রবাদের উগ্রতায় যখন গণ আন্দোলন সমাজতান্ত্রিক আকারে দানা বেঁধে উঠেছে এবং নবজাগ্রত জনশক্তির চাপে তথাকথিত গণতন্ত্রী মার্ক, পার্লামেন্টারী সরকারের সহায়ে অগণিত গণসমাজকে শাসন ও শোষণ যখন প্রায় অসম্ভব হয়ে পড়েছে, তখন হিটলারের এই নূতন মতবাদ ধনতান্ত্রিকদের শেষ আশ্রয় স্থল হয়ে উঠলো। রাষ্ট্রনিয়ন্ত্রণ সম্বন্ধে হিটলারের মতবাদ 'Fuherer Prinzip' নামে পরিচিত। এই মতবাদে গণতন্ত্রের মূলোৎপাটন করা হয়েছে। রাষ্ট্র তথা নেতাই হলেন একচ্ছত্র অধিপতি। এই স্বৈরাচারী শাসনে জনসাধারণের মতামত খাটানোর কোন অধিকার নাই। জনসাধারণ প্রতিবাদ বা মতামত জানাবে না, নিরুত্তরে শুধু রাষ্ট্রের আদেশ মানবে। এক কথায় এই মতবাদে জনসাধারণের স্বাধীন মতামত জ্ঞাপনের সুযোগকে সম্পূর্ণরূপে অস্বীকার করা হয়েছে। অর্থনীতির ক্ষেত্রে এই মতবাদ আরো মারাত্মক। এই মতবাদে ব্যক্তিতন্ত্রকে স্বীকার করে, ধনতান্ত্রিক উৎপাদন, বণ্টন ও শোষণের উপায়কে মেনে নেওয়া হয়েছে। রাষ্ট্রের স্বৈরাচারিতায় ব্যক্তি-প্রভু আংশিকভাবে ক্ষুণ্ণ হয়েছে সত্য, তথাপি বিলিয়মান ধনতন্ত্রের শেষ এবং সাময়িক নিশ্চিত আশ্রয়স্থল লাভের তুলনায়, এ ক্ষতি স্থিত-স্বার্থবাদী ধনতান্ত্রিকদের নিকট অনেকটা সহনীয়। তাই হিটলার কেবলমাত্র জার্মানীর ধনতান্ত্রিকদের সমর্থন ও আনুগত্য নয় পৃথিবীর অন্যান্য রাষ্ট্রের ধনিকদের সহানুভূতি আকর্ষণেও কৃতকার্য হয়েছেন। এই রাষ্ট্রিক এবং আর্থিক মতবাদের ফলে, জার্মানীতে কোন গণআন্দোলন বা দল গঠনের অধিকারই



জনসাধারণের নাই। তাই সরকারী চাপে বিরুদ্ধবাদী দলগুলিকে রূঢ়ভাবে দমন করা হয়েছে। জাতীয় কোলিন্যের যে বুলি আমদানী করা হয়েছে (Racial superiority) তার একমাত্র পরিণতি হবে—অপেক্ষাকৃত আপাংক্রয়ে জাতিগুলির উপর অধিকার লিপ্সায় জাতিতে জাতিতে কোন্দল।

জার্মানি ও ইটালী এই দুই দেশে একই মত—আকারে বিভিন্ন হলেও প্রকারে এক। এই মতবাদ মুসোলিনির কথায়, 'anticipates the solution of a universal problem, which elsewhere have to be settled in the political field by the rivalry of parties, the excessive power of parliamentary regime, and the irresponsibility of political assemblies'..... বিশ্বসমস্যা সমাধানের দাবী করে। পৃথিবীর অন্যান্য রাষ্ট্রে ক্ষয়িষ্ণু বণিকতন্ত্র বা সাম্রাজ্যবাদীগণ, এই নূতন মতবাদে আসন্ন মৃত্যুর হাত থেকে কিছুকালের জন্তু রেহাই পাবার ও আয়ুষ্কাল বৃদ্ধি করবার সন্ধান পেয়েছে। এ মতবাদ তাই বিশ্বের, ধনতন্ত্রীদেব শেখ ভরসাস্থল—তাদের অমৃত রসায়ন। এ মতবাদ তাই জার্মানি ও ইটালীর ভৌগলিক দেয়াল ভেঙ্গে সমগ্র ইয়োরোপে ছড়িয়ে পড়েছে। ১৯৩৬ সালের জাপ-জার্মান 'anti-comintern' বা কমুনিষ্ট বিরোধী চুক্তির ফলে এ মতবাদ এসিয়াতেও প্রসার লাভ করেছে। ফ্রাংকোর ফ্যালেঞ্জিষ্ট দলের প্রভাব আজ স্পেনে অপ্রতিদ্বন্দী, রুমানিয়া এবং হাংগারীও এই মতবাদের উপাসক। এ মতবাদের ছোঁয়াচ থেকে ফ্রান্স এমন কি ইংল্যান্ড পর্যন্ত রেহাই পায়নি। ফ্রান্সের 'Neo-Socialist' দল এবং Moseleyর 'British Union of Fascists' তারই ইঙ্গিত। গণতন্ত্রী আমেরিকার সোরগোল ভেদ করেও ছ'একটি বেসুরো কণ্ঠ শুনা যায় এবং দক্ষিণ আমেরিকায় মাঝে মাঝে তা কলরবের মতই মনে হয়। কমুনিষ্ট ইন্টারন্যাশনালের মত ঘটা করে না হলেও, এ মতবাদ যে ধীরে ধীরে একটি আন্তর্জাতিক Fascist International এর রূপ নিচ্ছে তাতে সন্দেহ নাই। এই ফাসিষ্ট ইন্টারন্যাশনালকে পাকা-পোক্ত করে তুলবার জন্তু অধুনা হিটলারের, নববিধান বা New Order এর বুলি এবং Axis-Pact বা চক্রচুক্তির সহায়ে এই বুলিকে কার্যকারী করে তুলবার যে প্রচেষ্টা চলেছে, তাতে মানবেতিহাসের ভবিষ্যৎ সম্বন্ধে শংকাকুল হওয়ার যথার্থ কারণও রয়েছে।

রাষ্ট্র ক্ষমতা লাভে ষ্টালিনকে হিটলারের মত এত বাধাবিপত্তির সম্মুখীন হতে হয় নাই। রাশিয়ার জমি আগেই প্রস্তুত ছিল। বস্তুত জমি তৈরীর বেশীর ভাগ বাহাহুরী লেনিনেরই। যুগ যুগ লাঞ্চিত ও অপমানিত গণসমাজ এই সবেমাত্র নূতন রাষ্ট্র, অর্থ ও সমাজনীতির আশ্বাদ পেয়েছিল। পুরাতন বন্ধন শিথিল হয়ে নবজীবনের জোয়ার রাশিয়ায় সমস্ত গণসমাজকে ভাসিয়ে নিয়ে যাবার পথ প্রশস্ত হয়েছিল—এই নূতন জীবনের সঙ্গে পরিচয় এবং তাকে পুরোপুরি উপভোগ করা ছিল রাশিয়ার জনসাধারণের একমাত্র কাম্য। ১৯১৭ সালের পর থেকে ছিল রুশ গণসমাজের

নবরূপায়নের যুগ। বিপ্লবোত্তর কালে সমাজতান্ত্রিক আদর্শে রাষ্ট্রকে পুনর্গঠন ও সমাজকে সংস্কার করবার দিকে জনসমাজের ঝোঁক ছিল বেশী। এর ফলে বৈপ্লবিক রাজনীতিতে গণসমাজের বিশেষ স্পৃহা ছিল না। তাই নেতৃস্থানীয়দের রাজনৈতিক দলাদলি, রাষ্ট্রে ক্ষমতা নিয়ে কাড়াকাড়ি এবং কর্মপন্থার মতান্তর নিয়ে মাথা ঘামাতে জনসাধারণ নিতান্তই ছিল নারাজ। ট্রটস্কির 'Theory of permanent revolution' বা বিশ্ববিপ্লব এবং ষ্টালিনের 'Socialism in a single country' বা একদেশীয় সমাজতন্ত্রবাদের বিতর্ক ও দ্বন্দে জনসাধারণের বিশেষ কোন যোগ ছিল না বললেই চলে। আসলে জনসাধারণের মানসিক অবস্থা ছিল অনেকটা নির্বিকার ঔদাসিন্যময়। তারা চেয়েছিল তাদের নিজস্ব সমস্যা সমাধান, অন্ন-বস্ত্র বাসভূমি, শিক্ষা ও আরামের ব্যবস্থা। বাস্তববাদী ষ্টালিন এই মানসিক অবস্থার পুরোপুরি সুযোগ গ্রহণ করেছিলেন। তাই একদিকে লেনিনের নামের দোহাই দিয়ে অন্যদিকে পঞ্চবার্ষিকী পরিকল্পনার সাহায্যে নববিধানের সূচনা এমন তোড়জোড়ের সংগে আরম্ভ করে কিছুটা সাফল্য তিনি এনেছিলেন—সমগ্র জনসাধারণ এই নূতন জীবনের সাথে নিজেদের খাপ খাইয়ে নেওয়ার জন্য ছিল ব্যস্ত। উর্ধ্বতন নেতাদের দলাদলির ব্যাপারে মাথা ঘামাবার ফুসরতও তারা পায় নাই। উপরন্তু জনসাধারণের নিজস্ব সমস্যার আংশিক সমাধান হওয়াতে, তাদের অসন্তোষের কারণ ছিল না। ষ্টালিনের সফলতার আরেকটি কারণ—রাশিয়ার একমাত্র দল কম্যুনিষ্ট পার্টির উপর ষ্টালিনের একাধিপত্য। রাশিয়ার রাষ্ট্র পরিচালনায় কম্যুনিষ্ট পার্টির বর্তমান প্রভাব যোলখানা। ষ্টালিন তাই আজ পৃথিবীর সর্বপ্রথম সমাজতান্ত্রিক রাষ্ট্রের একচ্ছত্র অধিপতি এবং Communist International বা সাম্যবাদী আন্তর্জাতিকের নেতা। কার্লমার্কসের স্বপ্ন ছিল, সমাজতন্ত্রবাদের মধ্যদিয়ে পৃথিবীর সর্বহারা গণসমাজের মুক্তি আনয়ন করা। এই স্বপ্নকে রূপ দেবার জন্য মার্কস আন্তর্জাতিক সমাজতান্ত্রিক সংঘ গঠন করেছিলেন। লেনিন উত্তরাধিকারী হিসাবে এ সংঘকে ব্যাপক ও পুষ্ট করেছেন এবং এর অধুনাতম নেতা ষ্টালিন একে দিয়েছেন নূতন মতবাদ ও কর্মপন্থার সন্ধান। কম্যুনিষ্ট ইন্টার-ন্যাশনালের আদর্শ ছিল পৃথিবীর সমস্ত রাষ্ট্রে সমাজতন্ত্রবাদের প্রতিষ্ঠা করা এবং কর্মপন্থা ছিল পৃথিবীর বিভিন্ন রাষ্ট্রের সর্বহারাদের সংঘবদ্ধ করে বিপ্লবের সাহায্যে রাষ্ট্রক্ষমতা অধিকার ও সর্বহারাদের নেতৃত্ব বা 'Dictatorship of the proletariat' প্রতিষ্ঠা করা।

হিটলারের অভ্যুত্থানের পূর্ব পর্যন্ত কমিউটার্ণের বা কম্যুনিষ্ট আন্তর্জাতিকের কেন্দ্রীয় পরিষদ থেকে এই মতানুযায়ী কাজ চলছিল। কিন্তু একদিকে জার্মানী ও ইটালীতে ফ্যাসিষ্টবাদের ব্যাপক প্রসার লাভে এবং অন্যদিকে পৃথিবীর বিভিন্ন রাষ্ট্রে কম্যুনিষ্ট পার্টিগুলির স্বীয় কর্তৃত্ব প্রতিষ্ঠার অক্ষমতায় ও ফ্যাসিষ্টবাদ প্রতিরোধের ব্যর্থতায়, ষ্টালিন সোভিয়েট রাষ্ট্রের নিরাপত্তা রক্ষায় সন্দেহান হয়ে উঠলেন। এই সময় জাপ-জার্মান-ইটালীর 'কম্যুনিষ্ট

পক্ষে শুভ নয়। জয়লাভেও মহাযুদ্ধোত্তর ইংলণ্ড অর্থনীতিতে এমন কি সাম্রাজ্য নীতিতেও অসুবিধার তাঁবেদার রাষ্ট্রে পরিণত হওয়ার সম্ভাবনা রয়েছে। ফলে সমরোত্তর ইংলণ্ডে গুরুতর অর্থনৈতিক সংকট অনিবার্য। এমতাবস্থায় ইংলণ্ডকে planned economy গ্রহণ করতেই হবে। সমাজতন্ত্র গ্রহণ ব্যতীত এই পরিকল্পিত অর্থনীতি গ্রহণ করতে হলে, ইংলণ্ডের ধনিক শ্রেণীর ফাসিষ্টবাদ গ্রহণ ছাড়া উপায়ান্তর থাকবে না, কারণ এতে গণসমাজকে শাসন ও শোষণ করবার ক্ষমতা আংশিক ক্ষুণ্ণ হলেও সমূলে বিলুপ্ত হবে না। অর্থনৈতিক সংকটের সুযোগে ইংলণ্ডে সমাজতন্ত্রের প্রতিষ্ঠার সম্ভাবনা থাকলেও ব্রিটিশ লেবার পার্টির রাজনৈতিক ক্লীবত্ব ও কমুনিষ্ট পার্টির ক্ষীণ বল সে সম্ভাবনার ফলাফল সম্বন্ধে যথেষ্ট সন্দেহের উদ্রেক করে। যাই হোক না কেন জয়ে বা পরাজয়ে উভয় অবস্থাতেই ব্রিটিশ সিংহের সামনে কঠিন সমস্যা।

বর্তমানে রুশ-জার্মান যুদ্ধের ফলাফলের সংগে সমগ্র পৃথিবীর গণসমাজের ভাগ্য জড়িত। যে সোভিয়েট রাষ্ট্র নিপীড়িত গণসমাজের মুক্তির স্বপ্নকে রূপ দিয়েছে, এবং যা তাদের আত্মিক প্রেরণা ও উৎসাহের আশ্রয়স্থল, গণসমাজের সেই প্রথম রাষ্ট্র আজ আক্রান্ত। যদি ষ্টালিনের ভাগ্যে পরাজয় থাকে তা' হলে অন্তত সাময়িকভাবে পৃথিবীর সর্বস্বত্বদের মুক্তির সম্ভাবনা বিনষ্ট হয়ে যাবে। কিন্তু, চিরদিনের জন্য সর্বস্বত্বদের পরাজয় সম্ভব কি? ফাসিষ্টবাদের অন্তর্নিহিত অসংগতি ও পূঁজিবাদের ক্রমপরিণতির ইতিহাস কিন্তু অন্যরূপ ইংগিত করে।



বাহাদুর সিং

অমলেন্দু দাশগুপ্ত

ইংরাজ মাত্রেই যেমন রাজা, নেপালী মাত্রেই তেমনি বাহাদুর সিং। কাঁধে বুলানো ব্যাগে যা কিছু স্থাবর সম্পত্তি ভরিয়া লইয়া জুতা পায় টুপি মাথায় হাফপ্যান্ট পরিধানে কোমরে কুকরি বাহাদুর সিং ভাগ্যঅন্বেষণে হিমালয় হইতে বাংলার সমতলে অবতরণ করিয়াছিল। চেঙ্গিস, তৈমুর, নাদির ইত্যাদির দিন ছিল না, তাই বাহাদুর সিং তেমন সুবিধা করিয়া উঠিতে পারিল না। এতবড় বাংলাদেশে ভাগ্য তাঁর জন্ম কোথায় লুকাইয়া আছে, খুঁজিতে খুঁজিতে বেচারা বাহাদুর সিং আধমরা হইয়া আসিয়াছিল।

গাছে চড়াইয়া দিয়া মই কাড়িয়া লইবার কথাই লোকে বলে, কিন্তু নীচে নামাইয়া আনিয়া উপরে উঠিবার মইটা মরাইয়া লইবার উল্লেখ তো কেহই করে না। যে আশা হাতছানি দিয়া পাহাড় হইতে সমতলে ডাকিয়া আনিয়াছিল, সে আশা বহু আগেই ফেরার হইয়াছে। নিরুদ্দিষ্ট আশার সন্ধানের ধৈর্য বাহাদুরের আর ছিলনা, লোভ বা উৎসাহ তো আগেই মরিয়াছে। এখন ঘরের ছেলে ঘরে ফিরিতে চাহিতেছিল, কিন্তু বাহাদুর সিংয়ের বর্তমানে পকেটে সম্বল মাত্র দুটা ছুঁআনি আর তিনটা পয়সা।

দেশের রাস্তা পরে খুঁজিলেও চলিবে, আপাততঃ প্রাণ বাঁচাইবার জন্ম কিছু খাওয়ার বড় আবশ্যিক হইয়া পড়িয়াছে। বাহাদুর সিং বাজারের মধ্যে এদিক ওদিক সকল দিক ঘুরিয়া দেখিল, একটা দোকানও খোলা পাইল না যে কিনিয়া কিছু খাইবে,—হরতালে সহরের সমস্ত দোকানপাট বন্ধ। কিন্তু ক্ষুধা কিছুতেই বন্ধ হইতে চাহে না, বরং উত্তরোত্তর তার প্রকোপ বর্ধিতই হইয়া উঠিতেছে। ইন্ধনের অভাবে অগ্নি নির্বাপিত হয়, কিন্তু পেটের আগুন ইন্ধনের অভাবে বাড়িতেই থাকে। বাহাদুর সিংয়ের মনে হইল, খাওয়ার ভাবনা পরে ভাবিলেও চলিবে, এখন অতি আবশ্যিক নিদ্রার। একটু ঘুমাইতে না পারিলে সে নির্ধাৎ মরিয়া যাইবে। ভাগ্য ভালো, ঘুমের জন্ম দোকান পাট খোলা থাকার দরকার করে না, টান হইবার মত খানিকটা জমি পাইলেই চলিয়া যাইবে।

বাহাদুর সিং তার শরীরটাকে কোনমতে ছুইপায়ে বহন করিয়া রাস্তার পাশে এক দোকানের একটা বেঞ্চির উপরে আনিয়া স্থাপন করিল। ক্ষুধার তীক্ষ্ণতাবোধ নষ্ট হইয়াছে, সমস্ত শরীরটার রক্তে রক্তে আফিংএর নেশার মত ক্লাস্তি ও নিদ্রা ছাইয়া আসিতেছে, শরীরটাকে বেঞ্চির উপর টান করিয়া শোওয়াইয়া ঘাড়ের নীচে ব্যাগটাকে বালিশ করিয়া লইয়া বাহাদুর সিং

চক্ষু বুজিল। পৃথিবী অন্ধকারে ভরিয়া গেল,—সেই অন্ধকারে এক গাহাড়ী গ্রামের ঝাপসা ছবি কিছুতেই সে স্পষ্ট করিয়া লইতে পারিতেছিল না, অন্ধকারে রং ও ছবি মুছিয়া মুছিয়া যাইতেছিল, আর ঘুমের কালো জলে মন ডুবিতে ও ভাসিতেছিল। বাহাদুর সিং ক্ষুধা ভুলিয়া, গৃহে ফিরিয়া যাইবার কথা ভুলিয়া এবং নিজেকে ভুলিয়া কয়েক মিনিটের মধ্যে ঘুমাইয়া পড়িল।

এক সময়ে একটা শব্দ শুনিয়া বাহাদুর সিংয়ের ঘুম ভাঙ্গিয়া গেল—Halt, ক্যাপ্টেনের আদেশে একদল স্বদেশী সেনা বাজারের রাস্তার মধ্যে থামিয়া দাঁড়াইল। ভলান্টিয়ারদল আদেশমত দলে দলে বিভক্ত হইয়া বাজারের বিভিন্ন স্থানে ও রাস্তার মোড়ে মোড়ে গিয়া মোতায়ন হইতে লাগিল। বাহাদুর সিং চোখ মেলিল। ক্যাপ্টেনের সঙ্গে চোখাচোখি হইতেই শায়িত অবস্থাতেই বাহাদুর সিং মিলিটারী কায়দায় ডান হাতটা কপালে তুলিয়া একটা সেলুট ঠুকিয়া বসিল। ছড়ি শুদ্ধ বাঁহাতটা ঈষৎ উঁচু করিয়া ক্যাপ্টেন বাহাদুরের অভিবাদন স্বীকার করিলেন এবং চোখের ইঙ্গিতে কাছে ডাকিলেন।

বাহাদুর উঠিয়া বসিল। ‘টুপিটা ঘুমের মধ্যে এক সময়ে গড়াইয়া নীচে পড়িয়া গিয়াছিল, তুলিয়া মাথায় পরিল, ব্যাগটা কাঁধে ঝুলাইয়া লইল, তারপর ক্যাপ্টেনের কাছে আসিয়া দাঁড়াইল। দুই গোড়ালীর ঠোকাঠুকিতে আওয়াজ বাজাইয়া ‘অ্যাটেশন’ হইয়া দাঁড়াইয়া আবার ডান হাত কপালে ঠেকাইয়া সেলুট করিল।

—“কি নাম?”

—“বাহাদুর সিং।”

—“বেঁচে আছিস্? ক’দিন খাসনি?”

—“জী?”

—“থাক্, উত্তর দিয়ে কাজ নেই, চেহারাতেই মালুম হচ্ছে। কোথায় চাকুরী করিস?”

—“নকরী মিলছেনা, হুজুর।”

—“তাতে মিলবেই না, চাকুরী কি এত সস্তা জিনিষ বাপু! করবি?”

—“হুজুর” বলিয়া দাঁত বাহির না করিয়াই স্মিতবদনে বাহাদুর সম্মতি জানাইল, চ্যাপটা মুখের চোখ নামক বস্তু ছুটি প্রায় বুজিয়া আসিয়াছিল, এবং নাসিকা নামক যে বস্তুটা মুখমুণ্ডে সামান্য মালভূমি হইয়া টুকিয়াছিল, হাসির আকর্ষণে প্রায় সমতল ভূমিতে পরিণত হইয়াছিল।



“ শায়িত অবস্থায়ই...মিলিটারী কায়দায়
...সেলুট করিল।

ক্যাপ্টেন বলিলেন—“খুব হয়েছে। নে, বুঝতে পেরেছি যে খুশী হয়েছি। ঠায়ায়রো” বলিয়া বিভিন্ন ব্যাচের নায়কদের যথাযথ উপদেশ দিয়া ক্যাপ্টেন বাহাদুরের দিকে ফিরিয়া তাকাইলেন, বলিলেন—“নে চল্ । হেঁটে যেতে পারবি তো ?”

বাহাদুর সঙ্গে চলিল।

পরের দিন দেখা গেল স্বরাজ-ক্যাম্পের বাড়ীর গেটে একটা টুল পাতিয়া বাহাদুরসিং উপবিষ্ট হইয়াছে; স্বরাজ-সৈন্যের ঘাঁটির সদর রক্ষার ভার তার উপর ন্যস্ত হইয়াছে। বাহাদুর একই সঙ্গে দারোয়ান ও উল্টিয়ারের কাজ পাইয়া গেল।

প্রথম প্রথম একটু অসুবিধা হইয়াছিল, কিন্তু এজন্য বাহাদুরকে দায়ী করা উচিত হইবে না। তার উপর হুকুম ছিল যে বাহিরের লোক যেন বিনা অনুমতিতে ক্যাম্পে ঢুকিতে না পারে। কে বাহিরের লোক আর কে ভিতরের লোক, সে নূতন লোক, কেমন করিয়া ঠিক করিবে, কারু কপালে তো আর সাইনবোর্ড টাঙ্গানো নাই যে দেখিয়া চিনিয়া নিবে! অতএব, একটু আধটু অসুবিধা হইবে সে তেমন কিছু মারাত্মক ব্যাপার নয় বা মার্জনা করা যায় না।

দ্বিতীয় দিন, টুল পাতিয়া বাহাদুর গেটে বসিয়া আছে, রাস্তা দিয়া যতলোক গেল আসিল সবাই তাকে একবার ভালো করিয়া দেখিয়া লইল। এত লোকের দৃষ্টিতে বাহাদুর মোটেই অপ্রতিভ হইল না বা অস্বাচ্ছন্দ বোধ করিল না। বাহাদুরের চোখমুখের ভাব তার কোমরের কুকরির চাইতে কোন অংশে কম ভয়াবহ ছিল না। কাজেই বাহিরের লোক বাহিরেই থাকিত, আগের মত বিনা প্রয়োজনে ক্যাম্পে ঢুকিয়া পড়িত না।

রোগা লম্বা এক ভদ্রলোক রাস্তা হইতে সোজা ক্যাম্পের গেটে ঢুকিয়া পড়িলেন। বাহাদুরসিং প্রথমটা খেয়াল করে নাই, বেড়ায় বুলানো শ্লিপ-কাগজ হইতে একখণ্ড কাগজ টানিয়া লইয়া পেনসিল দিয়া কি একটা বস্তু অঙ্কনে বা লিখনে ব্যস্ত ছিল। একটা লোক সম্মুখ দিয়া পার হইয়া ভিতরে প্রায় ঢুকিয়া যাইতেছে মাথা তুলিয়া সে দেখিতে পাইল। কাগজ পেনসিল ফেলিয়া সে তড়াক করিয়া উঠিল, আগাইয়া গিয়া লোকটির জামার গলদেশ ধরিয়া টানিয়া সেখানে ফিরাইয়া আনিল যেখানটায় গেটের প্রবেশদ্বার।

ভদ্রলোক কহিতেছিলেন—“ছোড় দাও, ক্যা করতা হ্যায় ?”

বাহাদুর জিজ্ঞাসা করিল—“ক্যা মাদ্গতা হ্যায় ? ভিতরমে যাতা হ্যায় কাহে ?”

—“ভিতরমে যাতা হ্যায় দরকার আছে বলে !”

বাহাদুর বলিল—“শ্লিপ দাও। হুকুম মিলে তো ভিতরে যাবে।”

—“শ্লিপ ? আমাদের শ্লিপ লাগে না।”



চোরদের লইয়া ছোটবাবুর সেই মার্জার-মৃষিক সদৃশ ভয়াবহ ক্রীড়াই তিনি বাহাদুর সম্পর্কে পুনরভিনয় হইতেছে দিব্য চোখে বেশ স্পষ্ট দেখিতে পাইলেন।

বাহাদুর সত্যই এত অভদ্র ছিল না, ঐ ছোট দারোগাই তার ক্রোধের হেতু ছিল। সেই রাগটা বাগে পাইয়া বড় দারোগার উপরই সে ঝাড়িয়া লইতেছিল। সেকেণ্ড ক্লাশ হইতে অসহ-যোগ করিয়া ভলন্টিয়ার দলে নাম লিখাইয়াছিল স্থানীয় ছুটী ছেলে। ঘোড়ায় চড়া শিখিবার লোভে ও প্রয়োজনে বাহাদুরকে সঙ্গে লইয়া মাঠে যায়, চড়িবার জন্ত নয়, ঘোড়া ধরিবার জন্ত। খেলার মাঠে থানার সামনেই ছোট দারোগার ঘোড়াটা চড়িয়া বেড়াইতেছিল, বাহাদুর লুকুম পাইয়া সেটাকে ধরিয়া আনে। কোয়ার্টার হইতেই ছোটবাবু অশ্ব-অপহরণ দেখিতে পান, সিপাইদের লুকুম দেন তস্করদের কান ধরিয়া তাঁহার সমুখে আনয়ন করিতে। সিপাইদের আসিতে দেখিয়া ছেলে ছুটী চটপট সরিয়া পড়ে, বাহাদুর একাকী গিয়া পড়ে সিপাইদের হাতে। সিপাই তিনজন আসিয়া বলে যে, ছোটবাবুর কাছে যাইতে হইবে, তার কান পাকড়াইয়া লইবার লুকুম ছিল বটে, কিন্তু তাহারা ততদূর পর্যন্ত যাইবে না যদি বাহাদুর ভালো মানুষের মত তাদের সঙ্গে যায়।

বাহাদুর কর্ণ-আকর্ষণ করার প্রস্তাবে আরও চটিয়া গেল, ছেলে ছুটীর পলায়নে সে আগেই উত্তপ্ত হইয়াছিল, চটিয়া বলিল, “শালা লোককো আনে বল।”

ছোটবাবুকে শালা ধলায় সিপাইরা খুশী হইল কিনা জানা গেল না, একজন জবাব দিল, “ও শালা আসবে না তুম শালা চল।”

বাহাদুর বাঘের মত খেপিয়া গেল, বাঘের মত লাফাইয়া পড়িয়া লোকটার মুখে থাবার মত একটা ঘুঁসি বসাইয়া দিল। তিনজনের সঙ্গে একা একটা লোকের পারা সম্ভব লইল না, তাছাড়া সঙ্গে কুকরীও ছিল না। বন্দী বাহাদুরকে ছোটবাবুর সমুখে লইয়া যাওয়া হইল। সেখানে মার ধর কিছু হইল না বটে, কিন্তু ছোটবাবু হিন্দি, বাংলা, ইংরেজী তিন ভাষাতে যে সব গালি বর্ষণ করিলেন তাতেই বাহাদুরের রক্ত মাথায় উঠিয়া গিয়াছিল। থানার অতগুলি সিপাই শাস্ত্রীদের সমুখে বিশেষ কিছু সে করিতে পারে নাই, শুধু পলাইয়া আসিয়াছে যে শালা ছোটবাবুকে পাইলে সে একদিন ভালো করিয়া দেখিয়া লইবে। ছোটবাবুকে আজ পর্যন্ত সে পায় নাই। বড়বাবুকে পাইয়াছে বটে, কিন্তু তাঁকে দিয়া ছোটবাবুর উপরকার আক্রোশ মিটাইয়া তৃপ্তি পাওয়া যাইবেনা, সে বুঝিয়াছিল। ও, আজ যদি সত্যপ্রিয় বাবু না আসিয়া সেই শালা ছোটবাবু—

স্বরাজ্য ক্যাম্পের ভিতর বোধ হয় কংগ্রেস কমিটির মিটিং শেষ হইয়াছে, অনেকগুলি পায়ের শব্দ গেটের দিকে আসিতেছে শোনা গেল। অনেকের সাথে প্রেসিডেন্ট সুরেনবাবু ও সেক্রেটারী প্রতাপবাবু গল্প করিতে করিতে গেটে আসিলেন, বাহাদুর আগেই উঠিয়া দাঁড়াইয়াছিল।

প্রেসিডেন্ট সুরেনবাবু গেটে আসিয়া সত্যবাবুকে দেখিতে পাইলেন,—“সত্যবাবু যে, খবর কি ?”

—“খবর আছে, আচ্ছা লোক গেটে বসিয়েছেন।”

—“চলুন, ভিতরে চলুন,” বলিয়া প্রেসিডেন্ট ও সেক্রেটারী সত্যবাবুকে সঙ্গে লইয়া আবার স্বরাজ্য অফিসের বাড়ীর ভিতর ঢুকিলেন।

বাহাদুর নির্বিকার বুদ্ধগুণের মত আপন টুলেতে আবার আসীন হইয়া রহিল। কিছু যে ঘটিয়াছে, তার মুখ দেখিয়া, বুঝিবে এমন প্রজ্ঞাদৃষ্টি এ কলিতে সম্ভব নহে।

ভোর বেলা ঘুম ভাঙ্গিতেই ছোট্ট সহরে উত্তেজনার তুমুল ঢেউ উঠিল। বিনা নোটিশে দোকানপাট বন্ধ হইয়া গেল, স্কুলের ছেলেরা আজ আর স্কুল হইবে না জানিয়া রাস্তায় বাহির হইয়া পড়িল। প্রেসিডেন্ট সুরেনবাবু ও সেক্রেটারী প্রতাপবাবু, স্বদেশী সেনার কমান্ডিং অফিসার ব্যানার্জী, খিলাফত কমিটির প্রেসিডেন্ট খাঁ সাহেব এবং স্বরাজ্য ক্যাম্পের দারোয়ান ও ভলন্টিয়ার বাহাদুর সিং গ্রেপ্তার হইয়াছে। ছোট্ট ডোবায় যেন বান ঢুকিয়া তুফান ও তরঙ্গ তুলিল—এমনই সহরের অবস্থা। পুলিশ সাহেব স্বয়ং সুরেনবাবু ও প্রতাপবাবুকে গ্রেপ্তার করিয়াছেন, ইন্স্পেক্টর গ্রেপ্তার করিয়াছেন খাঁ সাহেবকে। সত্যপ্রিয়বাবু নিজে ছিলেন স্বরাজ্য ক্যাম্প হানা দিবার দলের অধিনায়ক হিসাবে, কিন্তু সঙ্গে ছিলেন ছোট দারোগা মণিবাবু, তাঁর উপস্থিতিতে সত্যপ্রিয়বাবু শুধু দর্শক হিসাবেই যেন আসিলেন এবং গেলেন। সেনাধ্যক্ষ ব্যানার্জীকে এইখানেই গ্রেপ্তার করা হয়। যাইবার সময় ছোটবাবু বাধ্য হইয়া বাহাদুরকে সঙ্গে লইয়া যান।

বাহাদুরের গ্রেপ্তারের খবরটাই সবচেয়ে আলোচ্য বিষয় হইয়া উঠিল। সহরের সকলেই জানিল যে, বাহাদুরের সঙ্গে ছোট দারোগার কি প্রকার মধুর আলাপ হইয়াছিল। রান্নাঘরে মেয়েরা পর্যন্ত এ লইয়া বেশ খানিকটা হাসি হাসিয়া লইতে পারিয়াছিল। এই উত্তেজক ঘটনার মধ্যে বাহাদুর সিং খানিকটা রস-সঞ্চার করায় সকলের প্রিয় হইল, এমন কি দূর পাহাড়ীদেশের লোকটীর জন্ম সহরবাসীরা একটা গমতা ও আত্মীয়তা পর্যন্ত বোধ করিল। ছোট ছেলেদের কাছে বাহাদুরতো একজন ‘হিরো’ হইয়া দাঁড়াইল।

বানার্জী গ্রেপ্তার হইয়াছেন, সেনানিবাস তন্ন তন্ন করিয়া তন্নাসী করা হইয়াছে, পুলিশ এত চেষ্টা সত্ত্বেও বোমা বা পিস্তল পায় নাই, তবে প্রকাণ্ড এক বোঝা কাগজ ও বই হস্তগত করিতে পারিয়াছে।

যাইবার সময় ছোট দারোগা বাহাদুরকে বলিলেন, “নে বেটা, তুইও চল।”

শুনিয়া বাহাদুর যৌৎ করিয়া উঠিল, “বেটা কাহে বলতা তুম্।”

—“বেশ, বাবাই বলছি। চল বাপ, একবার থানায় চল।”

পিতা সম্বোধনেও বাহাছুর আপত্তি করিল—“এমন জানোয়ারকো পিতা হাম নেই হোতা হ্যায়।”

ছোট দারোগা সত্যপ্রিয় বাবুর মত শাস্ত প্রকৃতির ছিলেন না, অত্যন্ত রাগীমানুষ, কিন্তু সাপের মাথার মণির মত মণিদারোগার মাথার মধ্যে বিধাতা রসিকতা জিনিষটা খানিকটা দিয়া দিয়াছিলেন। ছোটবাবু চোখ বড় করিয়া আশ্চর্যবোধক চিহ্ন প্রকাশ করিলেন এবং জিজ্ঞাসা করিলেন—“বাপ হতেও আপত্তি? কেন, কি দোষ করেছি?”

বাহাছুরের উত্তর বাংলাতে তর্জমা করিলে হয়, “তুমি কি মানুষ, তুমি তো কুত্তা হ্যায়।”

“—কেন?” সরল শিশুর সারল্য লইয়াই যেন ছোটবাবু প্রশ্ন করিলেন। দূরে দাঁড়াইয়া সত্যবাবু, বানার্জী সাহেব ও অপর সকলে মৃদুমৃদু হাসিতেছিলেন।

বাহাছুর কেনর উত্তর দিল,—“তুম গোলাম হ্যায়। নিজের দেশের লোককে সাহেবের হুকুমে ধরে নিয়ে যাচ্ছ, তুম বেইমান হ্যায়, তুম...বাচ্চা হ্যায়।”

কুত্তা, বেইমান ইত্যাদি পর্যন্ত ছোটবাবু হজম করিতে পারিয়াছিলেন। কিন্তু শেষেরটা আর পারিলেন না, কি জাতীয় মাতার পুত্র হইলে এ কাজ পারে—বাহাছুরের গালে এক প্রচণ্ড চড় কষাইয়া বলিলেন—“শালা,...বাচ্চা!”

বাহাছুরের মুখ দিয়া কোন কথা বাহির হইল না, কেবল বিহ্ব্যংগতিতে খাপ হইতে দক্ষিণ হাতের মুঠার কুকরীটা বাহির হইয়া আসিল। ছোটবাবু ভয়ে ছাইয়ের মত ফ্যাকাশে মারিয়া গেলেন, ছুইপা পিছনেও হাটিয়াছিলেন। তিনি মৃত্যুকে স্বচক্ষে পলকের জন্ম দেখিতে পাইলেন বাহাছুরের চোখের দৃষ্টিতে আর তার হাতের কুকরীতে। সিপাইদের বাধা দিবার সময় ছিল না, ছোটবাবুরও আত্মরক্ষার সামর্থ্য ছিল না, সমস্ত স্নায়ুই তার শিথিল হইয়া গিয়াছিল।

কুকরীটাও ছোটবাবুর বুকের মাঝখানে বিহ্ব্যংবেগে আসিয়া দাঁড়াইল একটা শব্দ, অফিসার কমান্ডিংএর গলা—“বাহাছুর টেনশন।”

কুকরীসমেত উত্তত মুঠি নীচে ফিরিয়া আসিল, বাহাছুর অ্যাটেনশন অবস্থায় পাথরের মূর্তির মত স্তব্ধ দাঁড়াইয়া রহিল, কিন্তু পাথরের ছুই চোখ যেন অস্বিউত্তাপে গলিয়া জল টলটল করিয়া উঠিল।”



[বাহাছুর টেনশন]

একেবারে তুচ্ছ হইয়া পড়িয়াছিলেন, সেই লুপ্ত মর্যাদা ও শক্তি যেন চোখের দৃষ্টিতেই তিনি পরস্বাপহারী চোরের নিকট উদ্ধার করিয়া লইবেন। কিন্তু চোখের দৃষ্টি ডকে দাঁড়ানো বুদ্ধমূর্তির মুখে ঠেকিয়া ফিরিয়া আসিল, বাহাদুরের গোলাকার চ্যাপটা মুখে কোন কুঞ্চন বা প্রসারণই দেখা গেল না।

হাকিম বলিলেন, “গবর্মেণ্ট নেই মান্তা, হুঁ, কেন?”

বাহাদুর জবাব দিল—“এ শয়তানী গবর্মেণ্ট আছে। হাম স্বরাজ গবর্মেণ্ট মান্তা হ্যায়।”

বলার ঢংটা এমন চাপা ও চিবানো যে, শুনিলে মনে হইতে পারিত যে, স্বরাজ গবর্মেণ্ট যেন চিংড়িমাছের মুড়ো, পাইলে কি করিবে তাহা বাহাদুরের ভঙ্গীতে প্রকট হইল।

হাকিম যুদ্ধের কৌশল পরিবর্তন করিলেন, সামান্য একটা অশিক্ষিত লোককে এতখানি গ্রাহ্য করার ভুল বুঝিতে পারিলেন। একটু হাসিয়া প্রেসিডেন্ট সুরেনবাবুকে লক্ষ্য করিয়া বলিলেন, “তালিম তো ঠিক দিয়েছেন দেখছি, জ্যান্ত সিদ্দিশন।”

সুরেনবাবু জবাব দিবার আগে সরকারী উকীল মহিমবাবু জবাব দিলেন, জ্যান্ত সিদ্দিশন কি বলছেন, ইউর অনার, জ্যান্ত জন্ত বুলেই চলে, স্বাধীন দেশের জংলীলোক কিনা।”

মহিমবাবু ছিলেন সুরেনবাবুর আবাল্যবন্ধু সতীর্থ। বন্ধুত্বটা নিঃশেষ হয় নাই, তাই বন্ধুর হইয়া জবাব দিলেন। হাকিম অতি কষ্টে এই চৌর-কিল হজম করিলেন। কিন্তু আক্রোশটা পড়িল বাহাদুরের উপর। হাকিমের ইচ্ছা ছিল, নির্দেশও ছিল, যে বাহাদুরকে বেশ ভালো করিয়া ধমকাইয়া ও শাসাইয়া ছাড়িয়া দিবেন। কিন্তু ইচ্ছাটা রায়ের সময় অশ্রু রূপ হইয়া গেল। বাহাদুরের ছ'মাস সশ্রম কারাদণ্ডের লুকুম হইল।

বাহাদুর বুদ্ধমূর্তির মত বিকারশূন্য হইয়া দণ্ডদেশে শুনিয়া গেল, যেন এসবের সঙ্গে তার নিজের কোনই যোগ নাই!

বিরট জনতা বন্দেমাতরম্ শব্দে আকাশ বাতাস ও মাটি কাঁপাইয়া পাঁচজনকে জেল গেট অবধি পৌছাইয়া দিল। বাহাররের খাটো গলাও ফুলের মালায় ভরিয়া গিয়া তার নিস্কন্ধ বানাইয়া দিল। বাহাদুর প্রথম একটু লজ্জা পাইয়াছিল, কিন্তু সে সামান্যক্ষণের জন্ম, হাসি, আনন্দ ও গর্বে তার ছোট চোখ দুটী পর্যন্ত উজ্জ্বল ও মনোরম হইবার উপক্রম হইল।

জেলগেটে আসিয়া বাহাদুর জনতার দিকে মুখ ফিরাইয়া হাত উঁচু করিয়া হাক দিল—
বন্দেমাতরম।

জনতা তুফানের চাবুক খাওয়া সমুদ্রের মত গর্জন করিয়া উঠিল—“বন্দেমাতরম্।”

জেল অফিসে বাহাদুরকে লইয়া একটু হাঙ্গামা, হাঙ্গামা ঠিক নয়, ফ্যাসাদ করিয়াছিল। ফ্যাসাদটা বানাজ্জীই কাটাইয়া দেন।

সুরেনবাবু, প্রতাপবাবু ও খাঁ সাহেবকে জেলের ভিতরে পাঠাইয়া দেওয়া হইয়াছিল জেলারের অনুরোধ সত্ত্বেও বানার্জী ভিতরে যান নাই, বাহাদুরের সঙ্গেই একত্র গিয়া ভিত চুকিবেন, তাই অপেক্ষা করিতেছিলেন। জেলারও অনুমতি লইয়া কোয়ার্টারে ফিরিয়া গিয়াছেন অফিস ঘরে কয়েকজন ওয়ার্ডার ও জমাদার উপস্থিত ছিল। আর ছিল নায়েব জেলার। লোকটী বুদ্ধি শুধু উর্ধ্বের দিকেই ছিল, গায়ে মাংস নাই বলিলেই চলে, জ্যামিতির সরল রেখার মানবী

সংস্করণ যেন। নায়েবের নাকটী খাড়ার মত, তা ছুপাশে চোখ ছুটী আবার ট্যারা। চেয়ারে উপর দুই পা তুলিয়া উঁচু হইয়া বসিয়া মস্ত ব একটা খাতা টেবিলের উপর খুলিয়া বসিয়াছিল।

কান হইতে বিড়িটা নামাইয়া তাহাতে অ সংযোগ করিলেন, এক মুখ ধূঁয়া ছাড়িয়া বাহাদুর দেখিবার জন্য বানার্জী সাহেবের দিকে চাহিলে জিজ্ঞাসা করিলেন,—“নাম কি?”

বানার্জী রুম্বকণ্ঠে প্রশ্ন করিলেন—“কা

...জ্যামিতির সরলরেখার মানবীয় সংস্করণ যেন জিজ্ঞেস করছেন?”

দৃষ্টি এবার বানার্জী সাহেবের উপর হইতে উঠিয়া বাহাদুরের উপর গিয়া বসিল, না কহিলেন,—“না না, আপনাকে নয়; ওকে জিজ্ঞেস করছি, ঐ নেপালিকে। খাতায় সব নি নিতে হবে কিনা।”

বানার্জী নিজের ভুল বুঝিতে পারিলেন, ট্যারাচোখে একদিকে চাহিয়া অন্যদিক দেখি হয় এ তাঁর খেয়াল ছিল না, কহিলেন,—“ও—” বলিয়া চুপ করিয়া রহিলেন।

নায়েব বলিলেন—“এই, নাম কি?”

বাহাদুর জবাব দেয় না দেখিয়া কহিলেন—“আরে উত্তর দেয় না যে। কানে শে তো!” বলিয়া নায়েব বাহাদুরের উপর দৃষ্টি লইয়া বানার্জীকে দেখিলেন। বানার্জী ভালো কোন উচ্চ-বাচ্য করিলেন না।

জমাদার বাহাদুরকে ঠেলা দিয়া কহিল—“এই, বাবু নাম জিজ্ঞাসা করছেন, নাম বল বাহাদুর নায়েব জেলারকে নাম বলিল—“বাহাদুর সিং।”

নায়েব জেলার লোকটী নাকি উচ্চবংশের লোক, কিন্তু সেই নীল রক্তের কোন ছ তাঁর দেহে বা মনে ছিল না। ষেটুকু বা ছিল তা বিড়ি-গাজা ও শস্তা মদ খাইয়া

করিয়ছিলেন। এই কুড়ি বৎসর যাবত জেলের অফিসে বসিয়া প্রত্যহ দুইবেলা চোরডাকাত ইত্যাদির নাম-ধাম পরিচয় খাতায় লিখিয়া আসিতেছেন, এরপরেও শরীরে বা স্বভাবে নীল রক্তের সন্ধান চাওয়া অশ্রীয়া। নায়েব লিখিতে লিখিতে আপন মনেই বলিলেন—“বাহাদুর সিং, কি দেশ বাবা, সব ব্যাটাই এক নামে কাজ চালায়,—নামের বাজে খরচ আছে, এ অপবাদ কেউ দিতে পারবে না।” খাতা হঠতে মুখ তুলিয়া জিজ্ঞাসা করিলেন—“বাপের নাম কি?”

বাহাদুর অপমান বোধ করিল, যেন বাপ তুলিয়াছে, কটু কণ্ঠে কহিল—“কেন, বাপের নাম দিয়ে কি কাম?”

—“আরে ম'লো, ফৌস করে যে। খাতায় লিখতে হবেনা? বল, বাপের নাম কি বল—”

—“কেন, বাপের নাম কেন বলতে যাব? আমার নাম দিয়েছি, আর কি চাই—”

—“তাতে দিয়েছিস, কিন্তু বাপের নামও যে দরকার—” বলিয়া নায়েব ট্যারা চোখ ব্যানার্জীর উপর পাতিয়া বাহাদুরকে দৃষ্টিতে অনুরোধ জানাইল যে, খামোকা কেন দেবী করিতেছে।

—“না, কোন দরকার নাই। আমার জেল হয়েছে, আমার নাম বলতে আমি রাজি আছি। পিতার নাম কেন বলব। তিনি তো কোন কসুর করেন নাই।”

—“আচ্ছা ফ্যাসাদে পড়েছি—আরে কসুরের কোন কথাই হচ্ছে না। নিয়ম আছে, বাপের নাম, গ্রামের নাম এম্বল লিখতে হয়। ধর তুই যদি মরে যাস, তবে খবর দিতে হবে না! নাম ঠিকানা না জানা থাকলে কেমন করে তোর ঘরে খবর যাবে শুনি?”

—“সে আমি জানি না। পিতার নাম আমি কিছুতেই বলব না।” বলিয়া বাহাদুর মৌন অবলম্বন করিল। সিপাইরা বুঝাইল, জমাদার বুঝাইল, নায়েব ও আবার বুঝাইলেন যে, এতে ভয়ের বা দোষের কিছু নাই,—কিন্তু বাহাদুর কিছুতেই মৌন ভঙ্গ করিল না। দোষ সে করিয়াছে, তার বিষয়ে খাতায় লেখা হউক, এর মধ্যে পিতার কথা কেন আসিবে সে কিছুতেই বুঝিতে চাহিতেছিল না। পুত্র হইয়া পিতার নাম বলিয়া দিবে এমন কুপুত্র সে নয়।

নায়েব জেলার পোড়া বিড়িটায় নিরর্থক কয়েকটা টান দিয়া ব্যানার্জী সাহেবকে দেখিবার জন্ত বাহাদুরের উপর ট্যারা চোখ পাতিলেন এবং কাতর ভাবে বলিলেন—“স্মার আপনি একটু বুঝিয়ে বলুন না।”

ব্যানার্জী কহিলেন—“বাহাদুর, এতে কোন দোষ নেই, তোমার বাবার নাম বল।” হুকুম অমান্য সে করিতে পারে না, কিন্তু ব্যানার্জীর হুকুম পালন করার শক্তি তার ছিল না, প্রায় কাঁদ কাঁদ হইয়া বাহাদুর বলিল—“পিতার নাম আমি জানে না ভুলে গেছি, মনে নাই।”

নায়েব জেলার জমাদার সিপাই সকলের মুখ হাঁ হইয়া গেল এবং সেই হাঁ করা মুখেই হাসি ফাটিয়া পড়িল।

বর্তমান যুদ্ধের গোড়ার কথা

দিগিন্দ্র চন্দ্র বন্দ্যোপাধ্যায়

বর্তমান যুদ্ধকে বুঝিতে হইলে বিভিন্ন দেশের সমরপ্রস্তুতির গোড়ার কথা কিছু জানরকার। যুদ্ধ বাধিবার পূর্বে ইউরোপের রাজনৈতিক গগনে যে প্রবল ঝড় উঠে তাহার মূছিল নূতন সামরিক শক্তির আবির্ভাব। জাতীয়-সমাজতন্ত্রী জার্মানী এবং সাম্যবাদী সোভিয়েট যুনিয়ন সম্পূর্ণ নূতন ধরণে সমরসজ্জা করে, সমরায়োজনে প্রাচীনপন্থী গ্রেট বৃটেন এবং ফ্রান্স হইতে তাহা একেবারেই পৃথক। প্রয়োজনকালে অনতিবিলম্বে যাহাতে দেশের সমস্ত শক্তি সামরিক ও সম্পদরাশি সামরিক প্রয়োজনে নিয়োজিত করা চলে, জার্মানী ও সোভিয়েট যুনিয়ন পূর্বাতেমন ব্যবস্থা করিয়া রাখে এবং উভয় দেশই রণনীতিকে আক্রমণাত্মক করিয়া তোলে। পক্ষান্তরে গ্রেট বৃটেন ও ফ্রান্স সেই প্রাচীন আত্মরক্ষাত্মক রণনীতিকেই আঁকড়াইয়া ধরিয়া বসিয়া থাকে। ফলে ভাসাই সন্ধিতে গ্রেট বৃটেন ও ফ্রান্স সামরিক বলে যে প্রধাণ্য লাভ করিয়াছিল, ১৯৩০ হইতে ১৯৩৫ সালের মধ্যে তাহা লোপ পায় এবং পশ্চিম ইউরোপের সামরিক প্রাধাণ্য মধ্য ও উত্তর ইউরোপের আশ্রয় লয়।

নাৎসী জার্মানী ও সোভিয়েট যুনিয়ন—এই দুই নূতন সামরিক শক্তির রাজনৈতিক উদ্দেশ্য পৃথক, কাজেই তাহাদের সমরায়োজনের লক্ষ্যও স্বতন্ত্র। অস্ত্র বাড়াইলেই পররাজ্য করিতে হইবে এমন কোন কথা নাই। আক্রমণাত্মক সমর প্রস্তুতি আর রাজনৈতিক উদ্দেশ্য পররাজ্য আক্রমণ এক কথা নয়। সামরিকক্ষেত্রে আক্রমণাত্মক নীতি রাজনৈতিক ক্ষেত্রে সহ আত্মরক্ষাত্মক অস্ত্ররূপে ব্যবহৃত হইতে পারে। সোভিয়েট যুনিয়নের অস্ত্রবৃদ্ধির উদ্দেশ্য ত রাজনৈতিক লক্ষ্যকে বাঁচাইয়া রাখা, জাতীয়-সমাজতন্ত্রী জার্মানীর মত পররাজ্যমুখী ইতিহাসের পৃষ্ঠায় দৃষ্টিপাত করিলেই তাহার প্রমাণ মিলে। ১৯২০ সালে পোলাও সোভিয়েট যুনিয়নকে আক্রমণ করিয়াছিল। ১৯৩১ সাল হইতে জাপান এবং ১৯৩৩ সাল হইতে জার্মানী স তাহাকে আক্রমণের ভয় দেখাইয়াছে। কাজেই ইহাদের হাত হইতে নিজেকে বাঁচাইবার তাহার অস্ত্রবৃদ্ধি না করিয়া উপায় ছিল না।

নূতন সামরিক শক্তি জার্মানী ও সোভিয়েট যুনিয়নের তিনটি ব্যাপারে প্রাচীন সামরিক শক্তি গ্রেট বৃটেন ও ফ্রান্সের অপেক্ষা অধিকতর সুবিধা আছে।

প্রথমতঃ তাহাদের প্রাকৃতিক ও সামগ্রিক সম্পদ বেশী, ইউরোপে সব চেয়ে বেশী লোক বাস এই দুই দেশে এবং তাহাদের প্রত্যেকেরই শৈল্পিক সামর্থ্য যথেষ্ট।

দ্বিতীয়তঃ সমর সস্তার নির্মাণে তাহারা যথেষ্ট সময় থাকিতে মন দেয় এবং তাহাদের অস্ত্র-গুলি অতি আধুনিক ও উৎকৃষ্ট—একটি দৃষ্টান্ত দিলেই ব্যাপারটা বুঝা যাইবে। এই যুদ্ধেও ফ্রান্সের গোলন্দাজ বাহিনীতে উনবিংশ শতাব্দীর কতকগুলি কামান ছিল; পক্ষান্তরে ১৯০২ হইতে ১৯৩৮ সালের মধ্যে জার্মানী ও সোভিয়েট যুনিয়ন তাহাদের সমস্ত সেনাদলে অতি আধুনিক কামান সমূহের প্রবর্তন করে। সেনাদল গঠনে যান্ত্রিক উৎকর্ষের কোনটাকেই তাহারা বাদ দেয় না।

তৃতীয়তঃ জার্মানী ও সোভিয়েট যুনিয়ন—এই দুই দেশেই ডিক্টেটরী ব্যবস্থা থাকায় (অবশ্য আদর্শ পৃথক) বৈপ্লবিক পন্থায় সেনাগঠনে সুবিধা হইয়াছে। রাষ্ট্রনিয়ন্ত্রিত শিল্পসম্পদকে তাহারা যেমন পূর্বাভেদেই সমরার্থক করিয়া তুলিতে পারিয়াছে, তথাকথিত গণতান্ত্রিক পুঁজিপন্থী গ্রেট ব্রিটেন ও ফ্রান্স তেমন পারে নাই। শিল্পকে সমরার্থক করার জন্ত যুদ্ধ বাধিবার পর সমস্ত কলকারখানা ব্রিটিশ সরকারকে নিজ নিয়ন্ত্রণাধীনে নিতে হয়। কিন্তু জার্মানী ও সোভিয়েট যুনিয়ন এই ব্যবস্থা পূর্ব হইতেই করিয়া রাখিয়াছিল, কাজেই প্রয়োজন হওয়া মাত্রই তাহারা দেশের সমস্ত শক্তি ও সম্পদ যুদ্ধে নিয়োজিত করিতে পারিয়াছে। এই কারণেই তাহাদের সামরিক সামর্থ অধিক।

সামরিক শক্তিপুঞ্জের মধ্যে নাৎসী জার্মানী ও সাম্যবাদী সোভিয়েট যুনিয়নের স্থান যে শীর্ষে তাহা অবিসংবাদিত সত্য, কারণ অর্থনৈতিক শক্তিসম্পন্ন দেশগুলির মধ্যে এই দুইদেশই কেবল সমরসামর্থ বাড়াইবার জন্ত আশ্রয় চেষ্টা করিয়াছেন। আবার এই দুই দেশের মধ্যে বোধ হয় সোভিয়েটের স্থান আরও উচ্চে, কেন না জার্মানীর তুলনায় তাহার কাঁচা মাল ও জনবল বেশী।

এই গেল প্রথম শ্রেণী। দ্বিতীয় শ্রেণীর পর্যায়ে পরে গ্রেট ব্রিটেন ও ফ্রান্স। এই দুই দেশের অর্থনৈতিক ভিত্তি খুবই দৃঢ় এবং সাম্রাজ্য ধরিলে তাহাদের জনবলও যথেষ্ট, কিন্তু সেই তুলনায় তাহাদের সমরপ্রস্তুতি অন্ততঃ এই যুদ্ধের প্রাক্কাল পর্যন্ত ছিল অত্যন্ত নৈরাশ্রজনক। সুসংগঠিত শিল্প, সুদৃঢ় অর্থনৈতিক ভিত্তি এবং প্রচুর জনবল থাকিতেও সেইগুলিকেই সমরার্থক না করায় এই দুই দেশ সামরিক শক্তিতে জার্মানী এবং সোভিয়েট রুশিয়ার পশ্চাতে পড়িয়া থাকে।

সামরিক ক্ষেত্রে তৃতীয় শ্রেণীভুক্ত করা যায় ইতালী ও জাপানকে। এই উভয় দেশ অর্থনৈতিক ক্ষেত্রে দুর্বল কিন্তু সমরায়োজন করিয়াছে আকর্ষণ। ইহাদের অবস্থা গ্রেটব্রিটেন ও ফ্রান্সের অবস্থার ঠিক বিপরীত। শিল্পক্ষেত্রে ইতালী একেবারেই দুর্বল এবং কাঁচামালের অভাব উভয় দেশেই আছে। অস্ত্রসজ্জার আড়ম্বর থাকিলেও অর্থনৈতিক দুর্বলতার জন্ত এই দুই দেশের সমরসামর্থ কম। অতএব অর্থনৈতিক শক্তিসম্পন্ন সোভিয়েট যুনিয়ন, জার্মানী, গ্রেট ব্রিটেন, ফ্রান্স * ইহাদের কাহারও সঙ্গে ইতালী বা জাপানের দীর্ঘকাল যুদ্ধ চালাইবার সামর্থ নাই।

* এখানে ফ্রান্সের পরাজয়ের পূর্বের অবস্থাই ধরিয়া লইতে হইবে।

ইউরোপে সামরিক শক্তির দিক দিয়া চতুর্থ শ্রেণীতে ফেলা যায় পোলাণ্ড, রুমানিয়া ও যুগোস্লাভিয়াকে। শিল্পক্ষেত্রে ইহারা নিতান্তই অনগ্রসর—সৈন্যবল মাঝারি, অস্ত্রশস্ত্র নিতান্তই কম। কাজেই দলে ভিড়াইবার জন্য ইহাদিগকে লইয়া প্রবল রাষ্ট্রসমূহ যথেষ্টই টানা-হেঁছড়া করিয়াছে। ইহাদের মধ্যে পোলাণ্ড ও যুগোস্লাভিয়ার সামরিকবল জার্মানীর সঙ্গে যুদ্ধে বিনষ্ট হইয়াছে এবং রুমানিয়া জার্মানীর দলে ভিড়িয়াছে।

ইউরোপের অন্যান্য দেশের সামরিক বল উল্লেখযোগ্য নহে। এই মানদণ্ডের সাহায্যে বর্তমান যুদ্ধকে বুঝিতে অনেকখানি সুবিধা। পটভূমি জানা থাকিলে ঘটনাপ্রবাহ সহজেই হৃদয়ঙ্গম হয়,— নচেৎ ঘটনার উদ্ভেজনা মানুষের নিরপেক্ষ বিচার বুদ্ধিকে অনেক সময়ই বিভ্রান্ত করে।



মনে করত, একরূপ প্রমাণিত হয় না। আজকাল একটা ধূয়া উঠেছে, বিচার-আচার, যুক্তি-তর্ক কিনয়, যার যার বর্তমান অধিকার বজায় রাখতে হবে—অর্থাৎ ন্যায়ভাবেই হোক আর অন্যায়ভাবে হোক, যে একটি সুযোগ পেয়ে বসেছে, সে কিছুতেই তা' ছাড়বে না। আর যাকে একবার অসুবিধায় ফেলা গেছে, সে যেন চিরকাল ঐ ভাবেই নিষ্পেষিত হ'তে থাকে। এই প্রকার মনোবৃত্তির ফলে স্বাধীন জাতিদের মধ্যে বড় বড় যুদ্ধ সংঘটিত হ'তে পারে, আর পরাধীন নির্বী জাতির মধ্যে স্বার্থগত সাম্প্রদায়িক দাঙ্গা হাঙ্গামা বাধা কিছু আশ্চর্য নয়।

দেখা গেছে, জাতি বা সম্প্রদায়ের মধ্যে অতিরিক্ত পার্থক্য,—তা' সে আর্থিকই হোক শিক্ষা সংক্রান্তই হোক, বা বিচার নৈতিকই হোক,—বিক্ষোভের সৃষ্টি করে। রাজা রামমোহনে আমলেও যে মুসলমান শিক্ষা-সম্পদ, রুচি-সভ্যতা এবং কর্মদক্ষতায় হিন্দুর চেয়ে নিকৃষ্ট ত নয় বরং উৎকৃষ্টই ছিল, অল্পকালের মধ্যেই সে হিন্দুর চেয়ে সর্বাংশে নিকৃষ্ট হয়ে পড়েছে। এর কারণ কতকটা ইংরাজ শাসনে জমিদারী বন্দোবস্ত, নিষ্কর বাজেয়াপ্ত, এবং ঐ কালের মুসলমানদের ওগাবী বিদ্রোহ, ইংরাজ-বিদ্বেষ এবং গতানুগতিকপ্রিয়তা। কিন্তু মুসলমানের সহিত শাসক জাতি অসৌহার্দই বোধ হয় এই অবনতির প্রধান কারণ। এজন্য মুখ্যতঃ হিন্দুকে দায়ী করা যায় না কিন্তু তবু মুসলমানের নিষ্ফল আক্রোশ সুবিধাভোগী হিন্দুর উপরেই গিয়ে পড়ল। যে কারণে অফিস ফেরতা বড়বাবু সাহেবের চোখরাঙানী কিম্বা বিশিষ্ট সম্বোধন হজম ক'রে স্বগৃহে আপা পরিজন-বর্গের উপর ঝালঝাড়তে প্রবৃত্ত হয়, এ সেন কতকটা সেই ধরণের। হিন্দুও যে কোনোদিন মুসলমানের প্রতি স্নিগ্ধ গদগদ ভাব পোষণ করতে পেরেছে বা আজও করেছে, তেমন নয়। প্রতিদিন সহরের কশাই খানায় কত গরু সামরিক ও বেসামরিক লোকের আহাৰ্যে পরিণত হচ্ছে, তা বিরুদ্ধে প্রতিবাদ হয় না' কিন্তু কোরবানীর সময় গো-রক্ষিণী বৃত্তির বিশেষ প্রকাশ হয়। পক্ষান্তরে গোরাপল্টন ব্যাণ্ড বাজাতে বাজাতে মসজিদের পাশ দিয়ে মার্চ ক'রে গেলে, কিম্বা মহরমের সময় মুসলমান ঢাকঢোল পিটিয়ে মসজিদের সামনে দিয়ে গেলৈ কারও নামাজের ব্যাঘাত হয় না, অথ সংকীর্তন বা দোল-দশহরা প্রভৃতি হিন্দু উৎসব উপলক্ষে কাঁসর, সানাই বাজলেই নামাজে মনোযোগ রক্ষা করা অসাধ্য হ'য়ে পড়ে। এর থেকেই বোঝা যায়, এ সবার ভিতরে যতটা প্রপাগাণ্ডা বজ্রিৎ আছে, ততটা আন্তরিকতা নিশ্চয়ই নাই।

দ্বিতীয় স্বাধীনতা আন্দোলন বা অসহযোগ আন্দোলনের সময় দেখা যায় মুসলমান হিন্দু সঙ্গে যোগ দিয়েছিল। হিন্দু-মুসলমান চাকুরীজীবী বা উকিল মোক্তার বা স্কুল কলেজের ছাত্রদিগের সংখ্যা অনুপাতে দেখলে বলা যায়, প্রায় সমভাবেই যোগ দিয়েছিল। এতদিনে মুসলমানের ভিতর কিছু রাজনৈতিক চেতনার সঞ্চার হ'য়েছিল বলে ধরে নেওয়া যায়। এই সময়ই সর্বপ্রথম বন্দেমাতরম ও আল্লাহো-আকবর একসঙ্গে ধ্বনিত হয়। মনে হ'য়েছিল হিন্দু-মুসলমান যেন

উর্ধ্ব মানুষকে স্থান দিয়ে থাকেন। তুর্যোগের কালমেঘের এক প্রান্তে এঁরাই একমাত্র আশার রজত-রেখা। দ্বৈষপ্রচারক, স্বার্থান্বেষী নেতা ও খবরের কাগজের কবল থেকে, জাতিকে রক্ষা করার ভার এঁদের উপরেই। এঁরা যদি দেশে সুশিক্ষা বিস্তার করে জনমন বা জনচরিত্র সুন্দর করতে পারেন, তবে কোনও সুদূর ভবিষ্যতে দেশের সুখসম্পদ হয়ত ফিরে আসতে পারে। কিন্তু বর্তমানে এ আশা এত ক্ষীণ যে কিছুই ভরসা করা যায় না, কারণ এখনও মানুষ পর্যুদস্ত, পশুবনই প্রবল।



‘রবিরে ঘেরিয়া গ্রহ— নিবেদন করে তার অসহ বিরহ’

লোকমান খান শেরওয়ানী

অবিরাম কি অদৃশ্য আকর্ষণ হানি'
আমারে তোমার পানে নাও তুমি টানি ।
অহরহ এ রবিরে ঘেরি যেন গ্রহ
নিবেদন করে তার অসহ বিরহ ।

অন্তরের অন্তঃস্থল মথিয়া পিষিয়া,
ব্যথা বিষে জর্জরিত মোর রিক্ত হিয়া ;
নির্মমে দলিয়া মোকে করিয়াছে নিঃস্ব,
বেদনার তীব্র ঘাতে মৌন মূক বিশ্ব ।
অভাগার দীর্ঘশ্বাস—ব্যথিল আকাশ ;
অমৃতের মাঝে যেন মৃত্যুর বিকাশ ।
হৃদয় অনলে দহে, সে নিধুম দাহ—
বল চির অপ্রকাশ—জানিল না কেহ ।

অকালেতে আজ
হোথা যম রাজ
মেলিয়াছে বাছ ।

একি পরমাদ
পূর্ণিমাষ চাঁদ
গ্রাসিয়াছে রাছ ।

আমারে করিতে লয়
প্রতীক্ষিয়া আছে যে প্রলয় ।

পাতাল ভূতল আর আকাশ ধ্বনিছে ;
বিষাক্ত নিশ্বাস মোর অন্তরে রণিছে ।
জীবনের রূপ রস গন্ধের সঞ্চয়,
আরাধ্যা দেবীয়ে দানি' যেনা রিক্ত হয় ;
তাহারে নাশিতে হয়—হেরি আয়োজন,
নিরন্ত পর্বতে জাগে ছঃসহ দহন ।

কিন্তু হয়, দুর্ভাগ্য আশায়—
টানিছে, সহসা দূরে অজানা দিশায় ।
মরু মরে পিপাসায়, হয় তারি দাহ
শুক্ক তরু মাঝে আনে অনল প্রবাহ ।
ভীষ্মেরে ভস্মিতে পুনঃ একি সমারোহ !
ভস্মিল যে ভাগ্যহত, কাটেনা দশাহ ।
আজিও রবিরে অই ঘেরিয়াছে গ্রহ
নিবেদন করে তার অসহ বিরহ ॥





২৭০ বৎসরের বিমান আক্রমণের ইতিহাস

১৬৭০ সনে লেনা ডি টার্বুজি নামক একটা ইটালীয়ান সর্বপ্রথম উড়োজাহাজ আবিষ্কারের স্বপ্ন দেখেন—যাহারা শত্রুপক্ষের নৌবহর, ঘরবাড়ী দুর্গ ও সহর ধ্বংস করা যাবে।


১৭২৬ সনে এলেন জোনাথেন সুইফট, তাঁর নায়ক গালিভারকে লাপুটাতে পাঠিয়ে লাপুটার ভাসমান দ্বীপ দেখালেন। সে দেশের রাজা কোনো বিদ্রোহী নগরকে যদি শাস্তি দিতে চাইতেন তবে লাপুটাকে সে নগরের উপর দিয়ে ভাসবার ব্যবস্থা করতেন এবং সঙ্গে সঙ্গে নগরের অধিবাসীদের উপর বড় বড় পাথর নিক্ষেপ করা হতো। অনেকে আত্মরক্ষা করবার জন্ত গাছের বা মাটির নীচের ঘরে চুকতে বাধ্য হতো—এদিকে লাপুটার চাপে তাদের বাড়ীর ছাদ ভেঙ্গে গুড়ো গুড়ো হয়ে যেতো।

১৭৬৯ সনে ইরেসুমাস ডারউইন নামক একজন বিপ্লবকারী বেলুন উঠতে দেখা পর্যন্ত খুব সম্ভব জীবিত ছিলেন। ১৭৯৩ সনে একটা ফরাসী বিপ্লবকারী বিপ্লবকারী বিপ্লবকারী টুলো নগরীর উপর বেলুন থেকে ১৪ টনের উপর দুইটা বোমা ফেলবার প্রস্তাব করেন।

১৮১৮ সনে ইংলেণ্ডে চার্লস রোজিয়ার নামক চেম্বারের এক অধিবাসীকে শত্রুর উপর দাঁতালো বোমা ফেলবার জন্ত বেলুনে আকাশে উড়বার সম্ভাবনা সম্বন্ধে চিন্তা করতে দেখা যায়। ঘড়ির যন্ত্রের মত একটা যন্ত্রের দ্বারা বোমা ফেলবার ব্যবস্থা করা হয়েছিল।

একশতাব্দী আগে, ইটালীয় দেশপ্রেমিক বিখ্যাত ম্যাসিনি অস্ট্রিয়ানদের ইটালী থেকে বিতাড়িত করবার উদ্দেশ্যে কোন এক আবিষ্কারকের প্রস্তাব নিয়ে মাথা ঘামিয়েছিলেন। আবিষ্কারকটা একটা গতি নিয়ন্ত্রিত করা বেলুন আবিষ্কার করেছিলেন।

এই সময় বৃটিশ গভর্নমেন্ট বিমান যুদ্ধ সম্পর্কে ওৎসুক্য প্রকাশ করতে আরম্ভ করেন। ১৮৪৬ সনে একটা আবিষ্কারককে গভর্নমেন্ট থেকে বৃত্তি দেয়া হয় তার আবিষ্কৃত বেলুন দুর্গ ও নগরের উপর বিস্ফোরক নিক্ষেপ করে বিপক্ষের সৈন্য ও অসামরিক জনমণ্ডলীর মধ্যে ভীতির সঞ্চার করতে পারে কিনা তা' প্রদর্শন করবার জন্ত।



**Dictators and Democracies—Calvin, B. Hoover, Published by
Macmillan & Co., Ltd.**

সবাই বলছেন বর্তমান যুদ্ধের ওপরেই নির্ভর করছে আধুনিক সভ্যতার ভবিষ্যৎ। বিশেষতঃ রুশ-জার্মান যুদ্ধের পর থেকেই বিশ্ব-সমাজের পরবর্তি স্তর কি হবে সে সম্বন্ধে গবেষণা প্রবলতর হয়েছে। ফ্যাসিজম্ এবং কম্যুনিজমের এই সংঘর্ষের ফলে যা দাঁড়াবে তারই ওপরে নির্ভর করবে পৃথিবীর পরবর্তি চিন্তা ও চেষ্টা, এ কথা মনে করছেন সবাই। ফ্যাসিজম্ এবং কম্যুনিজম্, এই দুই মতের পারস্পরিক সম্বন্ধ কি এবং এদের সাদৃশ্যই বা কি আর পার্থক্যই বা কি, এদের সংঘর্ষই বা কেন,—এসব প্রশ্নের গুরুত্ব বর্তমান যুদ্ধের পটভূমিকায় আরো বেড়ে গেছে। আলোচ্য বইখানাতে দুই মতবাদের তুলনামূলক আলোচনা করা হয়েছে সমসাময়িক পৃথিবীর রাষ্ট্রীয় পরিস্থিতির প্রসঙ্গে। হুভার সাহেব আমেরিকার খ্যাতনামা রাজনৈতিক নেতা ও লেখক। পাঁচটি অধ্যায়ে তিনি সংক্ষিপ্ত বিচার করে সিদ্ধান্ত করেছেন (১) পার্লামেন্টীয় পদ্ধতির যুগ শেষ হয়ে পৃথিবী এখন ডিক্টেটরী যুগে পদাপর্ণ করেছে, যাকে বলা যায় “Caesarism” এর যুগ। ফ্যাসিজম্, নাজিজম্ ও কম্যুনিজম্ এই তিনই হলো সেই সিজারীয় ডিক্টেটরীর তিন রূপ। পারিপার্শ্বিকের নব পরিণতি ডিমোক্রেসীকে বাঁচতে দেবে না, “render the survival of a liberal, democratic and parliamentary state doubtful” (p 22). (২) বাহ্যতঃ পার্থক্য দেখা গেলেও আসলে মূলনীতি ও ব্যবহারে এই তিন মতবাদই একই বস্তুর এপিঠ-ওপিঠ। তিনটি অধ্যায়ে হুভার এই সিদ্ধান্তের সমর্থনে বিচার উপস্থিত করেছেন। রাষ্ট্রীয় ও অর্থনৈতিক দুই ক্ষেত্রেই এরা একই দিকে অভিযান করেছে। এই তিনেরই রাষ্ট্র হলো সার্বভৌমিক ও সর্বশক্তিমান রাষ্ট্র এবং ব্যক্তিকে খর্ব করে, পিষ্ট করে রাষ্ট্রকে অপ্রতিদ্বন্দ্ব করা এদের প্রধান বৈশিষ্ট্য হয়ে দাড়িয়েছে “জুলুম” বা Terror. তারপরে অর্থনৈতিক ক্ষেত্রে এরা তিনই হলো ক্যাপিট্যালিজম্‌এর শত্রু। তবে কম্যুনিজম্ যতখানি যায়, অপর দুই মতবাদ ততদূর যায়নি এখনো। কম্যুনিজম্ ব্যক্তিগত সম্পত্তি ও ক্যাপিটালকে উৎখাত করবে, অপর পক্ষে ফ্যাসিজম্ ও নাজিজম্ করবে কঠোরতম নিয়ন্ত্রণ। কাজেই মূল প্রেরণা একই। এই তিন রাষ্ট্রই

উদ্বৃত্ত মুনাফা (surplus value) আদায় করে ব্যবহার্য পণ্যে ব্যয় না করে, ব্যয় করছে সাময়িক প্রস্তুতির ব্যবস্থায়। ক্যাপিটালিজমকে ধ্বংস করে এই ত্রয়ীই পৃথিবীকে সীজারীয় যুগে উত্তীর্ণ করেছে ও করবে। “Yet in National Socialism and in Fascism or in any similar system the capitalist as capitalist is bound to disappear as surely as if less painfully than, under communism.” (p61) হত্যার লিবারেলের পার্লামেন্টে মনোবৃত্তি নিয়েই আলোচনা করেছেন। বইখানার গুরুতর অভাব হলো এতে পার্লামেন্টে ডিমোক্রেসীর ক্রটিগুলোর সংশোধন কোন ব্যবস্থায় সম্ভব হবে, তার কোন ইঙ্গিতই এতে নেই। তবু বইখানা বিচারশীল যুক্তিপূর্ণতায় এবং ভাষার ও ভাবের সখলতা ও প্রাজ্ঞলতায় মূল্যবান। প্রত্যেক চিন্তাশীল ও জিজ্ঞাসুর এই বইখানা পড়া উচিত এবং বিচার করা উচিত।

The Peoples' Front—G. D. H. Cole ; Victor Gollanz Ltd.

প্রায় চারশত পৃষ্ঠার এই বইখানা মিঃ কোলের অগ্ৰাণ বইর মতই ঠাণ্ডা এবং বিস্তৃত। রাজনৈতিক ক্ষেত্রে কোল সাহেব দীর্ঘদিন ধরে জ্ঞান বিতরণ করে এসেছেন, এ পুঁথিখানাও তার পাণ্ডিত্য এবং তথ্যসংগ্রহের কৃতিত্বকে স্মৃতিস্তম্ভ করে রেখেছে। বইখানা লেখা হয়েছে চার বছর আগে যখন স্পেনদেশ আত্মকলহে মুহমান ও রক্তাক্ত হচ্ছিল। সেই যুগে ফ্যাসিস্ট বিরোধী ঐক্যের শ্লোগান সর্বত্রই সজোরে ঘোষিত হচ্ছিল। ফরাসী এবং স্পেনদেশে সত্যি সত্যিই বামপন্থী ঐক্য তখন দানা বেঁধে উঠেছিল। ১৯৩৬ সনের সাধারণ নির্বাচনে সমাজতন্ত্রী লিও ব্লুম (Leon Blum) নেতৃত্বে কোয়ালিশন গঠিত হয়েছিল ফ্রান্সে সোশ্যালিস্ট ও র্যাডিক্যাল দলের। কম্যুনিষ্টরা যদিও এতে যোগ দেয়নি, তবু সর্বনিম্ন প্রগ্রামকে সমর্থন করছিল। তারপর স্পেনদেশেও ১৯৩৬ সনের সাধারণ নির্বাচনে বামপন্থীদের জয় হল এবং রিপাব্লিকান নেতা আজানার হাতে শাসন কহুত্ব এসে গেল। সোশ্যালিস্টরা শরীক হয়নি, এনার্কিস্ট, সিন্ডিক্যালিস্টরাও বামপন্থী ঐক্যের বাহিরে ছিল। কিন্তু অন্তঃযুদ্ধ শুরু হবার সঙ্গে সঙ্গেই (Frente Popular) পরিস্থিতির চাপে জোর ধরে উঠেছিল। কিন্তু বল্ডুইন সাহেবের প্রতিক্রিয়াশীল নীতির ফলে এই বামপন্থী ঐক্য ফলবান হতে পারেনি। সেই ট্রাজেডীর ইতিহাস আজ পুরাণো হয়ে উঠেছে। দেখতে দেখতে সমস্ত যুরোপে বামপন্থার চরম দুর্দশা ঘটলো এবং ফ্যাসিস্ট অভিযান অমিতশক্তিতে যুরোপকে করায়ত্ত করে ফেললো। আজিকার পটভূমিকায় বইখানা অনেকটা সাবেকী হয়ে পড়েছে সন্দেহ নেই। তবু এতে যে গুহ্ম আলোচনা, বিস্তৃত বিচার ও ঐতিহাসিক তথ্যের সমবায় আছে তাতে সমসাময়িক ও ভবিষ্যৎ রাজনীতিক্ষেত্রে পুঁথিখানা অগ্রগতির সহায়ক হবে। প্রত্যেক রাজনৈতিক কর্মীর বইখানা পড়া উচিত। কোল সাহেবের সব মতের সঙ্গে আমরা একমত নই কারণ প্রধানতঃ তিনি নিয়মতান্ত্রিক এবং বিপ্লবকে তিনি ভাল চোখে দেখেন না। তবু বৃটীশ রাজনীতিতে লেবার পার্টি এবং কম্যুনিষ্ট পার্টির মধ্যে যে অহি-নকুল কলহ চলেছে তার প্রতিবাদ তিনি তুলেছেন। সমস্ত বইখানাই বামপন্থী ঐক্যের জ্ঞান কাকুতিতে পরিপূর্ণ। কিন্তু হায় ঐক্য কোথায়! আর, ভারতবর্ষ! আমাদের বেলায় চতুর বিলিভী শৃগালেরা সবাইই “এক-রা”। সোশ্যালিস্ট লিগু, স্বতন্ত্র লেবার, সোশ্যালিস্ট, সিটিস-বেভিনের ও অ্যাটর্নী-ক্রীপসের দল সবাই ভারতবর্ষের বেলায় “চুপ”। কোল সাহেব অতিকষ্টে ডোমিনিয়ান টেটাসের

সুপারিশ করেছেন, কিন্তু তাতে জোর নেই। যাহোক বইখানা মূল্যবান; বিশেষতঃ রুশ-জার্মান লড়াই এবং ইঙ্গ-রুশ মৈত্রীর ফলে আবার নতুন করে “বামপন্থী ঐক্য”র দাবি চারদিক থেকেই উঠবে সন্দেহ নেই কাজেই বইখানার প্রয়োজনীয়তা রয়েছে।

বিজ্ঞান পরিচয় (মাসিক পত্রিকা) ১ম বর্ষ, ৩য় সংখ্যা, সম্পাদক শ্রীনিবাস কুমার সেন, ২৭নং পুরাণা পল্টন, রমনা, ঢাকা হইতে প্রকাশিত। বার্ষিক ৫ টাকা

বর্তমান যুগের সর্বপ্রধান বৈশিষ্ট্য হলো বিজ্ঞান। মানুষের জীবনের সকল ক্ষেত্রেই আজ বিজ্ঞানের প্রভাব অপ্রতিদ্বন্দ্ব। কী তাত্ত্বিক প্রশ্নগুলির সমাধানে, কী দৈনন্দিন জীবনের ব্যবহারে ও প্রয়োজনে, বিজ্ঞানকে বাদ দিয়ে চলবার উপায় নেই। বিজ্ঞানের শক্তিকে সমাজের প্রয়োজনে আজ লাগাতে হবে, একথা গান্ধীজী ছাড়া আর কেউ অস্বীকার করেন না। আমাদের দেশে বিজ্ঞান-চর্চার প্রয়োজন অল্প সব কিছুই চাইতে বড়ো। বৈজ্ঞানিক মনোবৃত্তি ব্যতীত আমাদের এই জরাজীর্ণ, নিস্প্রাণ সমাজকে রক্ষা করবার উপায় নেই। আলোচ্য পত্রিকাখানি এই সাম্প্রতিক প্রয়োজনকে সিদ্ধ করবে। পত্রিকাখানি দেখে আমরা আনন্দিত হয়েছি। এগারটা প্রবন্ধে নানা তথ্য এই সংখ্যাটিকে পরিবেশন করা হয়েছে। আশা করি, উত্তরোত্তর উন্নতির পথে “বিজ্ঞান পরিচয়” সমাজের নিত্য নতুন কল্যাণের পথ উদ্ঘাটন করবে।

“দীপকর”

ব্লাড-ভিটা

আদর্শ টনিক

রক্ত নির্মল ও সতেজ করে, বৈজ্ঞানিক পদ্ধতিতে গভর্নমেন্ট পরীক্ষাগারে বিভিন্ন রসায়নের গুণাগুণ নির্ণিত ও প্রসংশিত।

ভিটামিন “বি,”

হিমোগ্লোবিন,

আয়রন,

ক্যালসিয়াম

ম্যাঙ্গানিস

ও

ফসফেট

ইত্যাদি মিশ্রিত।



স্নায়বিক দৌর্বল্য,

রক্তাশ্রিতা,

কোষ্ঠ-কাঠিন্য,

গাউট,

রিউমেটিসম,

ও

সন্তান-সন্ত্যবার

পক্ষে বিশেষ

ফল-দায়ক।

অধ্যক্ষ মথুরাবাবুর

মেডিকেল রিসার্চ লেবরেটরী

পি, ২৩, সেন্ট্রাল এভিনিউ, কলিকাতা।




“বিশ্ববতে”

রুশ-জার্মান যুদ্ধ—

গত বিশ্ববতে ১৯১৭৪১ পর্যন্ত রুশ-জার্মান যুদ্ধের যে খবর ভারতে এসে পৌঁছেছে তার একটা মোটামুটি বিবরণ দেওয়া হয়েছিল। তারপর এই চার সপ্তাহে রুশ-জার্মান যুদ্ধের কোনো পক্ষেই চূড়ান্ত নিষ্পত্তি কিছু হয়েছে বলে অনুমান করা কঠিন। ১৫ শত মাইল দীর্ঘ রণাঙ্গণে প্রচণ্ড যুদ্ধ চলছে—যুদ্ধ আরম্ভ হবার সময়ে সোভিয়েট বলেছিল তাদের সমস্ত শক্তি সংহত করতে পাঁচ সপ্তাহ সময় লাগবে, পাঁচ সপ্তাহ কেন, এখন যুদ্ধের সাত সপ্তাহ চলছে—কাজেই তাদের সমস্ত শক্তি এতদিনে যুদ্ধের জয় প্রস্তুত হয়েছে ধরে নেওয়া যেতে পারে। জার্মানী পূর্ব থেকেই এ যুদ্ধের জয় প্রস্তুত ছিল কাজেই উপযুক্ত সৈন্য সমাবেশ সে নিশ্চয়ই করেছে—আর এই পাঁচ সপ্তাহ কালের মধ্যে সে আরো বহু সৈন্য এনেছে ধারণা করা ভুল নয়। তাছাড়া ফিল্ড-মার্শাল ম্যানারহিমের অধিনায়কত্বে উত্তরে ফিনবাহিনী লেনিন গ্রাডের দিকেও দক্ষিণে রুম্যানিয়বাহিনী কিয়েভের দিকে অগ্রসর হচ্ছে। তিনটি লক্ষ্য অবলম্বন কোরে যুদ্ধ চলছে—উত্তর-পশ্চিমে লেনিনগ্রাদ, মধ্য মস্কো ও দক্ষিণ-পশ্চিমে কিভ এই তিন দিকের মধ্যে দ্বিতীয় দিকে জার্মান সৈন্য অগ্রসর হচ্ছে। কিন্তু যতটা দ্রুত অগ্রসর হওয়ার আশা জার্মানী কোরেছিল তা সম্ভব হয়নি—প্রথম জার্মানবাহিনী দক্ষিণে অগ্রসর হোতে চেষ্টা করে কারণ কিয়েভ ইউক্রেনের রাজধানী এবং এই অঞ্চল যুদ্ধোপকরণ যোগাবার পক্ষে প্রকৃষ্টতম। কিন্তু এদিকে বিশেষ সুবিধা না কোরতে পেরে জার্মানী উত্তরে লেনিনগ্রাদ ও মধ্যাঞ্চলে মস্কোর দিকে অগ্রসর হয়। এর মধ্যে মস্কোর দিকেই জার্মান বাহিনী সবচেয়ে বেশী অগ্রসর হোতে পেরেছে বলে মনে হয়। মস্কো থেকে ২৫০ মাইল পশ্চিমে স্মোলেন্স্ক দখল কোরেছে বলে ১৭ই জুলাইর জার্মানীর খবরে প্রকাশ হয়—কিন্তু স্মোলেন্স্ক দখল সম্পর্কে সোভিয়েট এখনো স্পষ্ট কোনো কিছু প্রকাশ করেনি। তবে স্মোলেন্স্ক অঞ্চলের পূর্বে যে জার্মানী বেশীদূর অগ্রসর হোতে পারছে না তা যুদ্ধের খবর থেকে বোঝা যায়।

উত্তরে লাডোগা হ্রদ ঘুরে পাস্কোভ ও টালিনের ভীষণ অরণ্য পার হয়ে জার্মান সৈন্যের লেনিনগ্রাদ দখল করা কঠিন কাজেই সেদিকে এখনো জার্মানবাহিনী বিশেষ অগ্রসর হোতে পারে নাই বলেই অনুমান করা যায়। সম্প্রতি বিমান আক্রমণে লেনিনগ্রাদকে ঘায়েল করবার চেষ্টা



হোচ্ছে। মস্কোর উপরও সোভিয়েট বিমানবাহিনী আক্রমণ চালাচ্ছে। জার্মানরা বলে এই বিমান আক্রমণের লক্ষ্য সামরিক স্থান—সোভিয়েটরা তার উত্তরে যথারীতি বলে যে সামরিক ঘাঁটিগুলির কোনো ক্ষতিই হয় নাই—একমাত্র বেসামরিক জনসাধারণই এর জন্য ক্ষতিগ্রস্ত হোয়েছে।

সুমেরু অঞ্চলে সোভিয়েট সৈন্য ও বৃটিশ নৌবহরের সমাবেশ হোয়েছে বলে খবর পাওয়া গেছে। ফিনল্যান্ডের বন্দর পেটসামোর উপর বৃটিশ বিমানের হানা দেবার খবরও এসেছে কাজেই সোভিয়েট ও বৃটিশ শক্তির সহযোগে ফিনল্যান্ড শীঘ্রই খুব একটা যুদ্ধ হবে অনুমান করা যায়।

সোভিয়েটরা বলেছে যে জার্মানী বিষাক্ত গ্যাস ব্যবহার আরম্ভ করেছে জার্মানরা নাকি তা অস্বীকার করেনি। এদিকে ২০ শে জুলাইর খবরে প্রকাশ ষ্টালিন দেশেরক্ষা সচিবের দপ্তরও নিজে গ্রহণ করেছেন।

দক্ষিণে গত কয়েকদিন কিয়েভের ৮৫ মাইল পশ্চিমে জিতামিরের চারপাশে তুমুল যুদ্ধের খবর পাওয়া যাচ্ছে। এদিকে ২৬শে জুলাইর রুম্যানিয়ার এক সংবাদে প্রকাশ যে রুম্যানিয়া বেসারেবিয়া অঞ্চল দখল কোরেছে। সর্বশেষ খবর যে জার্মান ও রুম্যানীয়বাহিনী বেসারেবিয়ার

দিকে প্রবল বাধা পাওয়াতে জার্মান বাহিনীর কিছু অংশ কৃষ্ণ-সাগরের তীরে ওডেসা বন্দরের দিকে অগ্রসর হোচ্ছে। কিয়েভ ও ওডেসার যোগসূত্র ছিন্ন করবার জন্য বিশেষ চেষ্টা চলছে।

যুদ্ধের গতি দেখে মনে হয় শীঘ্রই এই যুদ্ধ শেষ হবার নয়। কারণ কোন পক্ষই কম নয় এবং চূড়ান্ত মীমাংসা হোতেও কাজেই দেরী হবে। এতে আর যার যাই হোক ইংলণ্ডের পক্ষে সুবিধা হবে বলেই মনে হয়।

জাপানের নীতি

জার্মানী রুশ আক্রমণ করবার পর থেকেই জাপানের মতিগতি সম্পর্কে সকলে উৎকণ্ঠিত হোয়ে পড়েছিল। গত ১৬ই জুলাইর রয়টারের খবরে জাপান মন্ত্রীসভার পদত্যাগ পত্র সরকারী ভাবে ঘোষিত হয়। এই পদত্যাগের কারণ সম্পর্কে গবেষণা হোয়েছে তবে যথার্থ কারণ জানা যায়নি। কিন্তু জার্মানীর রুশ আক্রমণের ফলে জাপান গভর্নমেন্টের মধ্যে জাপানের কর্তব্য সম্পর্কে যে বিভিন্ন মত দেখা দেয় তা অনেকটা নিশ্চিতভাবে বলা যায়। মাৎসুওকা এবং সমর সচিব জেনারেল টোজো প্রভৃতি চরমপন্থীরা ইন্দোচীনের দিকে অগ্রসর হবার নীতি সমর্থন করেন। অন্যদিকে স্বরাষ্ট্র-সচিব ব্যারন-হিরানুমা প্রভৃতি মধ্যপন্থীরা ইউরোপের যুদ্ধের ফলাফল আরো সুপষ্ট না হওয়া পর্যন্ত জাপানের নূতন কোনো যুদ্ধে লিপ্ত হবার বিপক্ষে। এই দলকে জাপানের ব্যবসায়ী মহল সমর্থন করছিলেন। প্রিন্স কনোয়ো নূতন মন্ত্রী-সভা গঠনে নাকি নো ও সমর বিভাগের সমর্থন পেয়েছেন। নূতন মন্ত্রী সভায় কনোয়ো প্রধান মন্ত্রী, এড্‌মিরাল তিইজিরো তোয়েদা পররাষ্ট্র ও বৈদেশিক সচিব মিঃ হারমিত স্বরাষ্ট্র সচিব জেনারেল হেডেকী তোজে সমর সচিব এবং ব্যারন হিরানুমা, লেঃ জেনারেল তেইচি সুজুকি, লেঃ জেনারেল হিসুকি ইয়ানগাওয়া দপ্তরবিহীন মন্ত্রী হোয়েছেন। নূতন মন্ত্রী সভা থেকে মাৎসুওকা বাদ পড়েছেন এটা সবচেয়ে লক্ষ্য করবার বিষয়।

এই মন্ত্রী সভা ঘোষণা করেছেন যে—মন্ত্রীসভার পরিবর্তনে আন্তর্জাতিক পরিস্থিতিতে যে জাতীয় কর্ম নীতি এতদিন গৃহীত হোয়েছিল তার কোনো পরিবর্তন হবে না। বৈদেশিক নীতিরও কোনো মূলগত পরিবর্তন হবে না—মার্কিন যুক্তরাষ্ট্রের সঙ্গে জাপানের সম্পর্কের উপর বিশেষ গুরুত্ব দেওয়া হবে মাত্র।

নূতন মন্ত্রীসভার প্রথম কাজ দেখা যাচ্ছে সমস্ত ইন্দোচীন দাবী কোরে ২৪ ঘণ্টার মেয়াদে ভিসিকে এক চরমপত্র দান। এক বছর আগে ফ্রান্সের পতনের সুযোগ নিয়ে উত্তরে ইন্দোচীনে কয়েকটি সামরিক ও বিমান ঘাঁটি দাবী করে ইন্দোচীনের স্বার্থহানির কথা স্বরণ কোরে এবং আমেরিকা ও বৃটেন চীনকে সাহায্য করবে—এই আশা নিয়ে ইন্দোচীন প্রথম এই দাবী অস্বীকার করে—কিন্তু যখন বৃটিশ ও আমেরিকার নিকট কোনো সাহায্য পাওয়া দূরে থাকুক—বৃটেন ব্রহ্ম-চীন

সম্পাদকীয়

রবীন্দ্রনাথের মহাপ্রয়াণ

গত বৃহস্পতিবার, ৭ই আগষ্ট বেলা ১২টা-১০ মিনিটের সময় রবীন্দ্রনাথ পরলোকগমন করেছেন। কিছুদিন যাবৎ তিনি অসুস্থ হয়ে পড়েছিলেন; তারপরে কলকাতায় এসে অবধি অসুস্থতা বেড়ে যায়। গত ৩০ শে জুলাই তাঁকে অস্ত্রোপচার করা হয়। তার পর থেকেই তাঁর অবস্থা ক্রমশঃ খারাপ হতে থাকে। গত বৃহস্পতিবার ৯টা-১০ মিঃ সময়ে অক্সিজেন দেওয়া হয়। ১০টার সময় ডাঃ বিধান রায় ও এল, এম্, ব্যানার্জি ঘোষণা করেন, কবির অবস্থা খুব আশঙ্কাজনক। তার পরে ১২টা-১০ মিনিটে সব শেষ হয়। শেষ দিকে কবির লোক চেনবার ক্ষমতা লুপ্ত হয়েছিল। তাঁর শেষ কবিতা রচনা করেছিলেন ৩০ শে জুলাই, অপারেশানের পরে যখন জ্ঞান হয় তখন। সন্ধ্যাবেলা নিমতলা শ্মশানঘাটে কবির মৃতদেহ দাহ করা হয়। কলিকাতার লক্ষ লক্ষ নাগরিক শোকযাত্রায় যোগ দিয়েছিল। কবির ভ্রম্ম ও অস্থি শান্তিনিকেতনে নিয়ে যাওয়া হয়েছে। শ্রাদ্ধ ১৭ই আগষ্ট রবিবার শান্তিনিকেতনে সম্পন্ন হবে। প্রায় সত্তর বছর যাবৎ যে ব্যক্তিত্ব বাংলা ও ভারতবর্ষকে গৌরবান্বিত রেখেছিল আজ তার অবসান হল। আমরা কবির শোকাত' আত্মীয়-স্বজনকে সমবেদনা জ্ঞাপন করছি। এই প্রসঙ্গে দেশবাসীকে অনুরোধ করছি, তাঁর স্মৃতিরক্ষা সূত্রে শান্তিনিকেতন বিশ্ববিদ্যালয় যেন জনসাধারণের সহায়তায় স্থায়িত্ব লাভ করে।

দেশপ্রিয়

গত ৭ই শ্রাবণ দেশপ্রিয়ের মৃত্যুতিথি। এই দিনেই ৮ বছর আগে দেশপ্রিয় রাঁচিতে অন্তরীণ থাকা কালে মারা যান। দেশবন্ধুর একান্ত বিশ্বাসী সহকর্মী ছিলেন যতীন্দ্রমোহন। তাঁর সমস্ত জীবন দিয়ে তিনি প্রমাণ করেছেন তাঁর উপর দেশবন্ধুর বিশ্বাস যোগ্যপাত্রেই অর্পিত হয়েছে। দেশের সেবায় গুরুতর পরিশ্রম কোরেই তাঁর স্বাস্থ্য ভেঙ্গে যায়, ফলে তাকে দেশ হারায়। কিন্তু আমরা বলি তাঁকে হারাব কেন, এই সব জীবনইতো জাতির শাস্বত সম্পদ। ভবিষ্যৎ বংশ এই সব জাতীয় সম্পদ থেকেই তো নিজেদের জীবনকে মণ্ডিত করবে। আজ তাঁর শ্রাদ্ধবাসরে আমরা তাঁর স্মৃতির উদ্দেশ্যে গভীর শ্রদ্ধা নিবেদন করছি।

আচার্য প্রফুল্ল জয়ন্তী

গত ১৭ই শ্রাবণ আচার্য প্রফুল্লচন্দ্রের ৮০ বৎসর পূর্ণ হলো। তাঁর গুণমুগ্ধ দেশবাসী ঐ দিন তাঁর জয়ন্তী উৎসব অনুষ্ঠিত করলো। আচার্য প্রফুল্লচন্দ্রের বৈজ্ঞানিক প্রতিভা ও বলমুখীন সাধনার বিষয় আজ উল্লেখ নিস্প্রয়োজন—সমস্ত ভারত এমন কি ভারতের বাইরেও অনেকে তা জানেন। তাঁর জীবন দিয়ে দেশসেবার যে জ্বলন্ত উদাত্তরণ, যে বলিষ্ঠ মনুষ্যত্বের অবদান আমাদের চোখের সামনে তিনি ধরেছেন সমস্ত জাতি তাতে সমৃদ্ধ হয়েছে। তাঁর ভগ্ন-স্বাস্থ্য নিয়ে তিল তিল কোরে জীবনের প্রতি মুহূর্ত তিনি স্বদেশসেবার কাজে ভরে তুলেছিলেন, সে দৃষ্টান্ত আর কোথাও পাওয়া যাবে না। তাঁর শিষ্যগোষ্ঠী আজ ভারতের ও জগতের সম্মান ও শ্রদ্ধার পাত্র—এ তাঁর পক্ষে কম আনন্দের কথা নয়। আমরা তাঁর কাছে বিশেষ ভাবে ঋণী। তাঁর স্নেহের দান আমাদের কর্মপ্রচেষ্টাকে অজস্রভাবে উৎসাহিত ও সফল করেছে। আমরা কৃতজ্ঞ অন্তরে তা স্মরণ করছি এবং তাঁর এই অশীতিতম জন্মতিথিতে তাঁকে গভীর শ্রদ্ধা জানাতে গিয়ে এ কথাটাই মনে হচ্ছে যে তাঁর মত জীবন আমাদের জাতীয় জীবনে কবে আরো অধিক সংখ্যায় দেখতে পাব, কবে আচার্যদেবের জন্মদিনের আকাজ্জা বাস্তবিকই পূর্ণ হবে।

নিখিল ভারত ফরোয়ার্ড ব্লকের ওয়াকিং কমিটির বৈঠক

গত ২০শে ও ২১শে তারিখে দিল্লীতে নিখিল ভারত ফরোয়ার্ড ব্লকের ওয়াকিং কমিটির ২দিন ব্যাপী বৈঠক সমাপ্ত হয়েছে। সর্দার শাহুল সিং সভাপতির আসন গ্রহণ করেন। ৪টা জরুরী প্রস্তাব গৃহীত হয়। (১) রুশবাসীর প্রতি সহানুভূতি—সমাজতান্ত্রিক রাষ্ট্র প্রতিষ্ঠা ফরোয়ার্ড ব্লকের উদ্দেশ্য কাজেই সমাজতান্ত্রিক রাষ্ট্র হিসাবে রুশদেশের প্রতি ফরোয়ার্ড ব্লক স্বভাবতই সহানুভূতিশীল। কিন্তু সেই সঙ্গে ফরোয়ার্ড ব্লকের সুপষ্ট মত এই যে এই যুদ্ধে কোনো পক্ষ অবলম্বন করবার ক্ষমতা বা ইচ্ছা ভারতের নাই। কাজেই ফরোয়ার্ড ব্লক ভারতের জনসাধারণকে স্বদেশের স্বাধীনতা লাভের দিকে সমস্ত শক্তি নিয়োজিত করতে নির্দেশ দিচ্ছে। (২) যুদ্ধের পরিস্থিতি থেকে স্পষ্ট অনুমিত হয় যে ভারতবর্ষ একটা যুদ্ধমান জাতির অধিকৃত বলেই ভারত আক্রমণের সম্ভাবনা বেশী, কাজেই এই আসন্ন আক্রমণ থেকে মুক্তি পাবার উপায় জাতীয় গভর্নমেন্ট প্রতিষ্ঠা করা এবং এই উপায়েই ভারত আক্রমণের ক্ষেত্রে একটা বিশিষ্ট অংশ গ্রহণ করতে পারে। ফরোয়ার্ড ব্লক আভ্যন্তরীণ বিশৃঙ্খলা ও বহিঃশত্রুর আক্রমণ থেকে ভারতকে রক্ষা করবার দায়িত্ব গ্রহণ করতে প্রস্তুত আছে। (৩) আন্তর্জাতিক পরিস্থিতির ফলেই দেশের সর্বত্র অরাজকতা ও সাম্প্রদায়িক দাঙ্গা হাঙ্গামা বৃদ্ধি পেয়েছে এবং ভবিষ্যতে আরো পাবে। এর হাত থেকে দেশকে রক্ষা কোরে আভ্যন্তরীণ বিশৃঙ্খলা নিবারণ ও বহিঃশত্রুর হাত থেকে জাতিকে রক্ষা করার জ্যেষ্ঠ ভারতের নিজস্ব একটা জাতীয় সৈন্যবাহিনী গঠন প্রয়োজন। এজন্য ফরোয়ার্ড ব্লক —

মধ্য দিয়ে তা সম্ভব হবে। কারণ তাঁর মতে ভারতবর্ষে পার্লামেন্টারী শাসনতন্ত্র অচল যেহেতু ভারতবর্ষের মেজুরিটি ভূয়া মেজুরিটি। বাংলা ও পাঞ্জাবের মত তৈরী করা মেজুরিটি না হোলে শাসনতন্ত্র কার্যকরী হবেনা। ভারতবর্ষে নূতন মেজুরিটি করতে হবে—কারণ ভারতবর্ষ বিচিত্র দেশ। তাছাড়া এখানকার আভ্যন্তরীণ মতভেদের কথা উল্লেখ কোরে বলেছেন ক্ষমতা দিতে আমরা সর্বদা প্রস্তুত তবে এত মতভেদ যেখানে সেখানে আর আমরা কি করতে পারি, সকলে এক না হোলে শাসন হয় কি কোরে।

শিল্প সম্বন্ধেও আমেরীসাহেব বলেছেন যে ভারতের শিল্পোন্নতি যাতে হয় তার জন্য তাঁরা সকলেই আগ্রহান্বিত কিন্তু মুস্কিল হোচ্ছে অন্যস্থান থেকে ইঞ্জিন ও যন্ত্রপাতি না আমদানী হলে শিল্পকারখানা চালানোই মুস্কিল। কাজেই যুদ্ধ বিরতির জন্য অপেক্ষা কোরে থাকতে হবে। ইতিমধ্যে আমেরীসাহেব ক্ষণে ক্ষণে বক্তৃতা দিয়ে আমাদের মনে বিচিত্র ভাব উৎপাদন করতে থাকুন—ভারতের ভাগ্য তাতেই সুপ্রসন্ন হবে।

যুরোপীয় যুদ্ধের বোঝা—

ভারতবর্ষকে যুদ্ধের অংশী হতে হয়েছে, তারজন্য যে দুর্ভোগ তাতো ভারতকে ভুগতেই হচ্ছে; তার ওপরে যুদ্ধের ফলে আরো যেসব আনুযায়িক বিপদ ঘনিয়ে এসেছে ~~তার~~ ~~কম~~ কম নয়। বাজারদরের বৃদ্ধি, নিম্প্রদীপের মহড়া, পুলিশের ও গোয়েন্দার উৎপাত বৃদ্ধি ধরপাকড়, এমন কি সাম্প্রদায়িক দাঙ্গার বৃদ্ধি (অনেকেই বলছেন যুদ্ধের সঙ্গে দাঙ্গার সম্পর্ক আছে) ইত্যাদি অনেক রকমের যন্ত্রণা তো আছেই। তার ওপরে সব চাইতে লাঞ্চার বিষয় যেটা সেটা হলো মুহূর্মুহ করবৃদ্ধি। শোনা যাচ্ছে কেন্দ্রীয় সরকারের একটি অতিরিক্ত (supplementary) বাজেট আবার ভারতবাসীর ঘাড়ের ওপরে ঝুলছে। সিন্দুরে মেঘ দেখলে যেমন দন্ধ গাভীর আতঙ্ক হয়, অতিরিক্ত বাজেটের কথা শুনলেও এদেশে নতুন করবৃদ্ধির ভয় উপস্থিত হয়। ছুতোর অভাব হবে না, কারণ কোন দিনই হয় নাই। পেট্রোলের নিয়ন্ত্রণ দরুণ পেট্রোল শুদ্ধ থেকে আয় কমে যাবে; জাপানের সঙ্গে বাণিজ্য সম্পর্ক ছেদন করার দরুণ আমদানী-রপ্তানীর শুদ্ধ-আয় লোকসান হবে; তাছাড়া যুদ্ধবায়ও বৃদ্ধি হচ্ছে দিন দিন। আয়ের হানি ও ব্যয়ের বৃদ্ধি!! কাজেই সঙ্গে সঙ্গে উপকথার উর্টটার পিঠের ওপরে সাধ্যমত ভার চাপান প্রয়োজন হবে!

রাজায় রাজায় যুদ্ধ হলে গরীবের প্রাণ চিরকালই যায়। কিন্তু এটা আধুনিক যুগ। তাই প্রাণ দেবার আগেও গরীবেরা একবার জিজ্ঞাসা করে থাকে। পেট্রোল নিয়ন্ত্রণে জনসাধারণের কোন সুবিধাই হয় নাই। বরং সাধারণের অসুবিধা বেড়েইছে। জাপানী কারবার বন্ধ হওয়ায় বহু ব্যবসায়ীদের অর্থহানি ঘটেছে আর দরিদ্র জনসাধারণের (consumerর) পণ্যমূল্য বৃদ্ধির দরুণ প্রাণান্ত কষ্ট হয়েছে। অথচ এই দুইটা ব্যাপারের জন্য জনসাধারণ মোটেই দায়ী নয়।

এই সম্পর্কে সমস্যা সম্বন্ধে তদন্ত কোরে রিপোর্ট দেবার জন্য ব্রহ্ম ও ভারত সরকার পরামর্শ করে ব্যাঙ্কটোর কমিশন নিযুক্ত করেন। এই কমিশন যে সকল চুক্তির সত্ নির্ধারণ করেছেন সেগুলি প্রধানতঃ কোনো প্রকার অনুমতিপত্র ব্যতীত কোনো ভারতবাসী ব্রহ্মে প্রবেশ করতে পারবে না—অনুমতি পত্র দুই প্রকার হবে (ক) এই শ্রেণীর অনুমতিপত্র যাকে দেওয়া হবে তিনি অনির্দিষ্ট কালের জন্য ব্রহ্মদেশে থাকতে ও চাকরী নিতে পারবেন। অনুমতিপত্র পেতে হোলে ৫০০ ফি দিতে হবে। (খ) এই শ্রেণীর অনুমতি বিশেষভাবে শ্রমিকদের জন্য, এর জন্য ১২ প্রবেশ ফি লাগবে এবং প্রতি বৎসর ৫ কোরে ফি দিতে হবে। এ শ্রেণীর অনুমতিপত্রে নির্দিষ্ট কালের জন্য বাস বা চাকরী করতে পারবে কিন্তু ডোমিনাইলের অধিকার অর্জন করতে পারবে না।

একটি ইমিগ্রেশন বোর্ড গঠিত হবে তার সুপারিশ বিবেচনা কোরে ব্রহ্ম সরকার কাজ করবেন। এই মোটামুটি সত্। এখন প্রশ্ন হোচ্ছে ব্রহ্মদেশে ভারতবাসীর যাতায়ত নিয়ে সরকার হঠাৎ কেন এই সময়ে এতটা উৎকণ্ঠিত হোয়ে উঠলেন বোঝা মুশ্কিল। এই সঙ্কটের সময় যখন দুই দেশের মধ্যে অধিকতর সহযোগিতা ও ঐক্য স্থাপিত হওয়া উচিত ছিল ঠিক তখনই এইরূপ বিধি বিশেষের ফল কি হবে বোঝা সহজ। দ্বিতীয়তঃ, ব্রহ্ম সরকারের অনুমতি ব্যতীত যখন কেউ ব্রহ্মদেশে প্রবেশ করতেই পারবে না তখন প্রবেশ নিয়ন্ত্রণ করবার উদ্দেশ্যে প্রবেশ ফি ধার্য করবার হেতু বোঝা গেল না। শিক্ষা বা দেশভ্রমণ দ্বারা অভিজ্ঞতা লাভের জন্য যদি কেউ যেতে চায় তাকেও ঐরূপ ফিস্ দিয়ে অনুমতিপত্র ক্রয় করতে হবে। অন্তত ছাত্র বা ভ্রমণকারীদের জন্য এরূপ ব্যবস্থা আছে বলে জানি না। ভারত সরকার এখনো একে আইনে পরিণত করেন নাই। আইনে পরিণত করবার আগে এ সম্বন্ধে জনসাধারণের মতামত গ্রহণ করবেন এ আশা করবার কোনো হেতু দেখছি না।

কাজেই এবার ভারত ও ব্রহ্ম-বিচ্ছেদ পূর্ণ হোলো কিন্তু প্রশ্ন জাগে বর্মীদের বাস্তবিক সরকার সমস্যা কতটা মিটবে—বর্মীদের কল্যাণের অছিলায় সাম্রাজ্যবাদের ভেদনীতিই বা কতটা কার্যকরী হবে।

৪ম, এম্ হায়দারির আত্মতৃপ্তি

কিছুদিন হোলো কলকাতার এক ভোজ সভায় ইষ্টার্ণ গ্রুপ সাপ্লাই কাউন্সিলের মিঃ এম্ এম্ হায়দারি এক বক্তৃতা কোরোছেন। তার মূল কথা হোলো—সাপ্লাই কাউন্সিলে ভারতীয়দের যথেষ্ট সম্মান দেওয়া হোয়েছে কিন্তু সে সম্পর্কে ভারতীয়রা যথেষ্ট সচেতন নয়। তাঁর নিজের সম্মান সম্পর্কে মিঃ হায়দারি যদি আত্মতৃপ্তি অনুভব কোরে থাকেন তাতে আমাদের আপত্তি করবার কোনো কারণ নেই। কিন্তু যদি তিনি বলেন যে অষ্ট্রেলিয়া, নিউজিল্যান্ড প্রভৃতি ডোমিনিয়ানগুলির প্রতিনিধিদের যে মূল্য ও মর্যাদা, ভারতের প্রতিনিধিরও সেইরূপ—আমরা তা স্বীকার করতে পারি

নই। প্রথম কথা সেখানে ভারতের জনসাধারণ দ্বারা নির্বাচিত কোনো প্রতিনিধি নেই—যে প্রতিনিধি আছেন তিনি সরকার মনোনীত প্রতিনিধি, তাঁর কার্যকলাপের উপর জনসাধারণের মতামত প্রতিফলিত হবার কোনো সম্ভাবনা নেই। ওদিকে অষ্ট্রেলিয়া, নিউজিল্যান্ডের প্রতিনিধিরা তাঁদের স্ব স্ব দেশের জনসাধারণ দ্বারা নির্বাচিত ও তাঁদের কাছে তাঁদের কার্যকলাপের জন্য দায়ী।

তারপর, এই সাপ্লাই কাউন্সিলের কাজে ভারতের উপকার হোয়েছে কতটুকু? যদি এই সময় যখন বিদেশী মালের আমদানী অনেকাংশে কমেছে—দেশী শিল্পগুলি অপ্রতিহতভাবে উন্নতি করতে পারতো তবে কিছুটা স্থায়ী অর্থনৈতিক উন্নতি হয়তো বা ভারতের হতো। কিন্তু আগে যে সব মেশিনে এক প্রকার জিনিষ তৈরী হতো সেগুলি এখন সামরিক জিনিষ উৎপাদন করবার কাজে ব্যবহার করা হোচ্ছে একথা মিঃ হায়দারিই বলেছেন—কাজেই স্থায়ী উন্নতির সম্ভাবনা কোথায়? জরুরী কাজ চালাবার জন্য ভারতের প্রয়োজন। বিশেষতঃ ইষ্টার্ন গ্রুপ কন্ফারেন্সেই এই নীতি গৃহীত হয় যে অষ্ট্রেলিয়া প্রভৃতি যায়গায় যে সব সমরোপকরণ এখন তৈরী হোচ্ছে সেগুলি ভারতে তৈরী কোরে সময় নষ্ট করবার প্রয়োজন নেই বরং ভারতকে কাঁচামাল সরবরাহকারী হিসাবে রাখাটাই বেশী লাভজনক হবে। এরপর ভারতের শিল্পের কতটা উন্নতি লাভের সম্ভাবনা আছে তা অনুমান করা কঠিন নয় কাজেই মিঃ হায়দারি বৃথাই অতটা উচ্ছ্বসিত হোয়ে উঠেছেন।

রাজনৈতিক বন্দীর মুক্তি

রাজনৈতিক বন্দীদের সম্বন্ধে কিছু লিখলেই পুনরুক্তি ঘটবে। কারণ বারবার একই কথার পুনরাবৃত্তি করে করে পত্রিকাগুলি হয়রাণ হোয়েছে, কিন্তু সরকারপক্ষের তাতে কোনই ভাবান্তর হয় নাই। এই হতভাগ্য দেশে জনমতেরও মূল্য নেই, আর সংবাদপত্রেরও কদর নেই। অথচ গণতন্ত্রের ধূয়া ধরে বুরোক্রাসী দিব্যি খুশখুশাল অনুযায়ী যা 'তা' করে চলেছে। সেদিন বাংলা সরকার জানিয়েছেন যে শর্তাধীনে বন্দীমুক্তি দেবার অঙ্গীকারকে প্রত্যাহার করা হল। ১৯৩৯ সালের ১৪ই নভেম্বরের বিরুদ্ধে ঘোষণা করেছিলেন চল্লিশজন বিশেষ বৈপ্লবিক বন্দীকে মুক্তি দেওয়া হবে যদি তাঁরা নির্দিষ্ট সর্ত মানতে রাজী হন। বিগত প্রায় ছবছর কালের মধ্যে ১০জন বন্দী শর্তাধীন মুক্তি পেয়েছে; আর বাকী আছে ত্রিশ জন। হঠাৎ সরকার কেন এই ত্রিশজনকে শর্তাধীন মুক্তি পর্যন্ত দিতে অস্বীকার করলেন, তা বোঝা দুষ্কর। শর্তাধীনে মুক্তির নীতি সম্বন্ধে আমরা এখন কিছু বলছি না। এই রকম মুক্তি স্বীকার করবেন কিনা তা বন্দীদের ব্যক্তিগত রুচি ও মতামতের ওপরে নির্ভর করছে। কিন্তু বাংলাসরকারের এই আকস্মিক মত পরিবর্তনের কারণ কি? কোন নূতন পরিস্থিতির কি উদয় হোয়েছে? না, যুদ্ধ পরিচালনা বা efficient prosecution of the war কিংবা public order বা safetyর দাবিতেই এমন


ডিজিয়ে লীগের সভ্যদের সঙ্গে সরাসরি আলাপ করতে, এতদিন বৃটিশের ভেদনীতি আবিষ্কার কোরে সরকারকে বিবৃতি মারফৎ শাসিয়ে দিয়েছেন এবং যারা লীগের মত ব্যতীত সদস্যপদ গ্রহণ কোরেছেন তাঁদের লীগ সদস্যপদচ্যুত করবেন বলে হুমকিও দিয়েছেন। বোম্বের দল-নিরপেক্ষ নেতৃসম্মেলনেও স্মার তেজ বাহাচুর সাফ জয়কার প্রমুখ নেতৃবৃন্দ ভারতীয়দের যেভাবে দপ্তর বন্টন করা হয়েছে তার তীব্র প্রতিবাদ কোরেছেন এবং এদ্বারা ভারতীয়দের যে নূতন কোরে অপমান করা হয়েছে তাও বলেছেন। কিন্তু এত গবেষণার পর সরকার যে পরিষদটি গঠন করলেন তাতে তাঁদের কাজ সিদ্ধিই হবে, কারণ শেতাজদের হাতে আগে যেমন সমৃদ্ধ ক্ষমতা ছিল এখনো তার কোন ব্যতিক্রম হয়নি।

ভারত-রক্ষা কমিটি

স্মার ওয়াভেল ভারতীয় রাষ্ট্রীয় পরিষদ ও কেন্দ্রীয় পরিষদের ১০ জন সদস্য নিয়ে ভারত রক্ষা কমিটি গঠন করেছেন (১) এতদ্বারা ভারতের যুবক সম্প্রদায় যুদ্ধে যোগান করতে প্রস্তুত হবে (২) এবং ভারতে প্রচুর সমরোকরণ তৈরী হোয়ে বৃটেনের সহযোগে ভারত নিরাপদ হবে। উদ্দেশ্য সাধু সন্দেহ নেই। কিন্তু তাকে কাজে পরিণত করবার উপায় দেখে আমরা বিস্মিত হোয়েছি। স্মার ওয়াভেল ছুঁথ করেছেন কংগ্রেস ও লীগ এই সাধু উদ্দেশ্যে সহযোগিতা করছে না বলে, কেন করছেন সে সম্বন্ধে কারণ আবিষ্কার করা তাঁর কাজ নয়। যাদের সদস্য নিয়েছেন, কোন সম্প্রদায়ের উপর তাঁদের প্রভাব আছে জানা যায়নি কাজেই তাদের কমিটিতে নেওয়াতেই ভারতের যুবক সম্প্রদায় দলে দলে অগ্রসর হবে প্রাণ দেবার জন্ত, এ আশার কারণ কি আমরা জানিনা। যাহোক, ভারত সচিব আমেরী সাহেব বলেছেন ভারত সম্পর্কে নূতন কিছু করবার নেই—যে সময় প্রচেষ্টা ভারতে চলেছে তাতেই তারা সন্তুষ্ট, তবে আর কথা কি? যুদ্ধ বাঁধিয়েছেন তাঁরা এবং এ যুদ্ধের জন্ত কতটা সাহায্য তাঁদের দরকার তাঁরাই ভাল বোঝেন। কিন্তু যুদ্ধ যে ক্রমশঃ পশ্চিম ও পূর্বদিক থেকে ভারতের উপকূলের দিকে অগ্রসর হোচ্ছে তার জন্ত ভারতবাসী উৎকণ্ঠিত হোয়ে উঠেছে বৈই কি? কারণ কর্তাভজার দেশ সহেও এতবড় ঝড়ের সামনে একেবারে নিলিষ্ট থাকতে পারছে না ভারতবর্ষ। একজন ভারতীয় আই সি এমকে অতিরিক্ত ডিফেন্স সেক্রেটারী এবং ডিফেন্স এডভাইসারী কমিটির সেক্রেটারী করে ভারতবাসীকে ভারতরক্ষা ব্যবস্থায় যথেষ্ট সুযোগ দান করা হোয়েছে বলে ভারতবাসী উচ্ছসিত হোয়ে উঠতে পারছে না। দেখা যাবে কোন দিক থেকে কি আসে। প্রস্তুতির বালাই যখন নেই তখন কেবল অপেক্ষা করা ছাড়া আমাদের করবার আছে কি?

পেট্রোল নিয়ন্ত্রণ

গত জানুয়ারী মাসে নয়াদিল্লীতে পেট্রোল নিয়ন্ত্রণ সম্মেলন হোয়েছিল। সেই সম্মেলনের সুপারিশ অনুযায়ী হিসাব পত্র সংগ্রহ করা হয়—সম্মেলনে পেট্রোল বাঁগবার ব্যবস্থা অবলম্বনের



পাটক্রয়-কর বিল কাদের স্বার্থে ?

গত ৩০ শে জুলাই পাট-ক্রয়-বিল বঙ্গীয় ব্যবস্থা পরিষদের ১০৩-২৭ ভোটে সিলেক্ট কমিটিতে প্রেরিত হয়েছে। ৮ই আগষ্টের মধ্যে রিপোর্ট দাখিল করতে হবে। কৃষক-প্রজাদলের পক্ষ থেকে সংশোধন প্রস্তাব আনা হয়েছিল, বিলটী সম্বন্ধে জনমত সংগ্রহ করা হউক। কিন্তু প্রস্তাব অগ্রাহ্য হয়। বিলের মর্ম অনুসারে, পাটকলের মালিক এবং রপ্তানী ব্যবসায়ীদের কাছ থেকে টাকা প্রতি দুই আনা হারে কাঁচা পাট ক্রয়ের উপরে কর আদায় করা হবে। এতে সরকারের বার্ষিক ৫০ লক্ষ টাকা আয় হবে।

বাংলা সরকারের টাকার দরকার, কাজেই বিলটীতে সরকারের স্বার্থ আছে, বোঝাই যাচ্ছে টাকার যে দরকার, তার প্রমাণ দিয়েছেন এক লক্ষা ফিরিস্তি দাখিল করে মিঃ সুরাবর্দি। অর্থ সচিব মিঃ সুরাবর্দি আশ্বাস দিয়েছেন, যে ৫০ লক্ষ টাকা আয় হবে তার প্রায় ৩৬০ লক্ষ টাকাই পাট-চাষীদের কল্যাণের জন্যই ব্যয় হবে। পাট চাষীদের কল্যাণ মানে হলো পাট-চাষ নিয়ন্ত্রণ। নিয়ন্ত্রণ ও কড়াকড়ির ফলে নাকি গত বছর থেকে এ বছরে তিন ভাগের এক ভাগ মাত্র পাট-চাষ করা হয়েছে। এই নিয়ন্ত্রণ ব্যবস্থা ও কড়াকড়ি বজায় রাখতে হবে, কারণ তা হলেই পাট চাষীর নাকি স্বর্গ সুখ হবে। কাজেই কার্যতঃ পাট ক্রয়-কর থেকে চাষীরই সুখ সুবিধার ব্যবস্থা হবে।


পাট-চাষ নিয়ন্ত্রণ সম্বন্ধে আমরা পূর্বেই বলেছি যে এসব খণ্ড ও আদর্শহীন ব্যবস্থায় আর যারই হোক চাষীদের লাভ হবে না। দূরদৃষ্টি সহ অগ্রপশ্চাত্ত বিবেচনা না করে কেবল নামকা-ওয়ান্তে যেনতেন কিছু করলে, দাকটোল পেটানোর সুবিধা হতে পারে, কিন্তু কোন সুফল হবে না। পাট-চাষ নিয়ন্ত্রণের কোন মানে হয় না যদি নিয়ন্ত্রণ বেঁধে না দেওয়া হয়। নিয়ন্ত্রণ বেঁধেও কিছু লাভ হবে না যদি বিক্রীর ব্যবস্থা না হয়। নিয়ন্ত্রণে আনার দরকারই সর্বাগ্রে। যতদিন তা'না হবে, ততদিন এসব কৃত্রিম ব্যবস্থার কোন ফলই হবে না। চাষীর সুবিধা না হয়ে মধ্যবর্তী শ্রেণীরই লাভ হবে বেশী। সরকারের নিয়ন্ত্রণ ব্যবস্থায় চাষীর আরো হয়েছে বিপদ। অথচ সরকার নিয়ন্ত্রণকে স্থায়ী করে তুলেছেন। তারই জন্য প্রধানত এই পাট-ক্রয় বিলের দরকার হয়েছে।

এই পাট-ক্রয় বিলেও চাষীদের যে সুবিধা হবে তার নিশ্চয়তা নেই। মিলমালিকরা করের ছুআনা পাটের দামের থেকেই তুলে নেবে। অর্থাৎ চাষীকে বাধ্য করবে ছুআনা কম দামে পাট বিক্রী করতে। চাষীর উপায় নেই, তাকে করতেই হবে। কাজেই এ ট্যাক্স আদায় হবে চাষীদের কাছে। তাতে চাষীদের সর্বনাশ হবে; কারণ একেতো পাটের বাজার নাই, তার ওপরে ট্যাক্স দিতে হবে। এই কারণে কৃষক প্রজাদল চেয়েছিল চাষীদের মত সংগ্রহ করে ৩০ দিন পরে বিলটীর আলোচনা করতে। কিন্তু সরকারের সবু সময় নাই। আসল কথা হল মিল মালিকদের মনোভাব। তারা যদি বিরুদ্ধতা করে তবে বিলের উদ্দেশ্য ব্যর্থ করে দিতে সময় লাগবে না। তারপরে আমাদের মন্ত্রীদেবই বা বিশ্বাস কি? মিলমালিকরা গভর্নমেন্টের সঙ্গে কখন কি চুক্তিতে বন্ধ হয় তার ঠিক কি? কাজেই চাষীদের মত নিয়ে তারপরে বিলের আলোচনা হলে চাষীদের কল্যাণ কী পদ্ধতিতে করা সম্ভব হবে তার নির্ধারণ করা যেত। কিন্তু বাংলা সরকার সে কথা শুনে কেন? চাষীদের হিতসাধনের নামে কতদিন এই অব্যবস্থা ও আদর্শহীন উচ্ছ্বলতা চলবে?



ভোরের শীতে
শালিনিকেতনের পাশের গ্রাম

শীনন্দলাল বসু



বান্ধকেন্দ্র স্বথ শান্তি ...

শাশনাল



ইণ্ডিয়ান

লাইফ ইনসিওরেন্স

কোম্পানী লিঃ

১২নং, মিশন রো, কলিকাতা।

ভারতীয়
মুখোলাকার
কে,সি,আই,ই,কে,সি,বি,ও,
কর্তৃক প্রতিষ্ঠিত
এবং

মার্টিন কোম্পানী

দ্বারা পরিচালিত।

ঢাকা অফিস—

৮, চিত্তরঞ্জন এভিনিউ

আসাম অফিস—

শিলং রোড, দৌহারী।

বিহার অফিস—

লোয়ার রোড, বাঁকিপুর,

পাটনা।

১ টী—

ক্ষুদ্রতম ব্যাঙ্ক একাউন্টের শক্তি অনেক।
তার প্রাণ আছে। দিনে রাতে সুদে আসলে
সে বেড়েই চলে। তারপর একদিন সে বিরাট
হয়ে উঠে—করে বিশ্বয় ও আনন্দের সৃষ্টি। মানুষের
দৈনন্দিন জীবন যাত্রার আজ সে অবিচ্ছেদ্য সাথী।

কলিকাতা কমার্শিয়াল ব্যাঙ্ক

১৫, রাইভ স্ট্রিট, কলিকাতা।

ভারতের প্রাচীনতম বীমা প্রতিষ্ঠান—

বোম্বে মিউচুয়ালে

জীবন বীমা কর্তৃক

প্রত্যেক বীমাকারীই এই কোম্পানীর
অংশীদারঃ

আমাদের কোম্পানী অসামরিক জীবন বীমার
পলিসিতেও যুদ্ধের দায়িত্ব গ্রহণ করেন
তজ্ঞাত অতিরিক্ত হার দিতে হয় না।

বোম্বে মিউচুয়াল

লাইফ ইনসুরেন্স সোসাইটি, লিমিটেড

স্থাপিত—১৮৭১

চীফ এজেন্সি—দস্তিদার এণ্ড সন্স

১০০, রাইভ স্ট্রিট, কলিকাতা।

শ্রোতসময়ে দিনে

ছুর্গা পূজা! একটা দিনের মতো দিন! সমস্ত বছর আপনি এই দিনটিরই প্রতীকা করে থাকেন। এমনি আনন্দময় দিনে আত্মীয়-স্বজন আর বন্ধু-বান্ধবদের সঙ্গে আতিথেয়তার মধ্য দিয়ে আপনার মধুরতর সম্পর্ক গড়ে উঠুক, আর আপনার বাড়িতে হাস্তকলরবে মুখর নিত্যকার চায়ের মজলিশটি প্রচুর চায়ের পরিবেশে প্রাণময় হয়ে উঠুক। এরূপ প্রত্যেক শ্রমণীয় দিনেই অভ্যাগতদের চা দিয়ে অভ্যর্থনা করুন।



ভারতীয় চা


উৎসবে



অতুলনীয়



Handwritten signature or text, possibly "Rajendra Prasad" or similar, written in a cursive style.



শ্রদ্ধায় স্মরণ জ্যোতির্ময়ী বসু

কত শত বৎসরের অনিশ্চিত অপেক্ষার পর তবে একজন মহাপুরুষের সম্ভব হয় পৃথিবীতে। প্রাচীন ভারতের ইতিহাসে পড়েছি বীর সন্তান লাভের জন্য কত পুত্রোষ্টি যজ্ঞের কাহিনী, দেখেছি সন্তান লাভের আশায় জননী কত সুদুঃসহ তপস্যার, অতুলনীয় আত্মত্যাগের চিত্র। বীর্যবান ক্রীলাভের কামনায় ধরিত্রীর কৃচ্ছ্রতা তার চেয়ে তো কম নয়। এ তো জন্মদান নয়, এয়ে আবির্ভাব। প্রায় আড়াই হাজার বৎসর পূর্বে ভারতে আবির্ভূত হয়েছিলেন একজন অতিমানব। ভারতবাসীকে ধনিয়ে গিয়েছিলেন অহিংসার মোহন মন্ত্র। তাঁরই নামে সে যুগের আমরা নামকরণ করেছিলাম বুদ্ধ যুগ। তারপর কতশত শতাব্দী ধরে ভারতের চিন্তা-ধারা ভারতের কর্মধারা পরিচালিত হয়েছিল তার প্রদর্শিত পথে। এযুগে রবীন্দ্রনাথের প্রভাব এত বেশী যে “রবীন্দ্রিক যুগ” বললেই তবে যুগের যথার্থ পরিচয় দেওয়া হয়। অর্ধ-শতাব্দীরও অধিক কাল ধরে ভারতে যে সভ্যতা অতি দ্রুত পথে গড়ে উঠেছে, তার ভিত্তি স্থাপিত হয়েছে রবীন্দ্রনাথের ভাবধারায়। আমাদের জীবনের এমন ক খুব কম আছে যেখানে তাঁর স্পর্শ লাগেনি। কবি রবীন্দ্রনাথ, শিক্ষাগুরু রবীন্দ্রনাথ, রাজ-সংস্কারক রবীন্দ্রনাথ, রাজনৈতিক রবীন্দ্রনাথ, দার্শনিক রবীন্দ্রনাথ, বক্তা রবীন্দ্রনাথ, এবং কবিপরি ধর্মগুরু রবীন্দ্রনাথ—কর্তরূপে যে তিনি আত্মপ্রকাশ করেছেন আমাদের কাছে, বহু শতাব্দীর তা আমাদের উপলব্ধি করতে হবে। আজ আমরা শুধু গর্বের সঙ্গে অনুভব করবো আমরা যে রবীন্দ্র যুগে, আমরা পরিপুষ্ট হয়েছি রবীন্দ্র যুগে, আবার শেষ নিশ্বাস ত্যাগ করে যাবো রবীন্দ্রনাথের যুগে। আমাদের বুদ্ধ নাই, মহাবীর নাই, শঙ্কর, রামানন্দ, কবীর, শ্রীচৈতন্য নাই; রামকৃষ্ণ, রামহংস এবং স্বামী বিবেকানন্দ ও আমাদের অনেকের জীবনে নাই। কিন্তু আমাদের সকলের জীবনে আজ রবীন্দ্রনাথ আছেন। বর্তমান ভারত অতীতের চেয়ে কোন অংশে হীন নয়।

আজ আমাদের চরম দুঃখের দিন, আমরা আমাদের যুগশ্রষ্টাকে হারিয়েছি। তবুও বলব যে আমাদের হারানোর দুঃখ যেমন আছে, তেমনি আমাদের প্রাপ্তির আনন্দও আছে, আমাদের সমৃদ্ধির আশাও আছে। রবীন্দ্রকাব্যমাগরে শত শত বৎসর ধরে অবগাহন করা চলবে। জগতের ইতিহাসে আবার এমন ছুদিন হয়তো আসবে, যেদিন এই প্রবাহও হয়তো হয়ে আসবে স্তিমিত। সে দিন আবার ধাত্রী যোগযুক্তা হবে বীর সন্তান লাভের কঠিন তপস্যায়। আমাদের জীবনে কিন্তু সে ছুদিন অপেক্ষা কর নেই। রবীন্দ্রনাথের ভাবসিঞ্চনে আমাদের জীবনে ঘটেছে যে শুভ সঞ্চয় সে আমাদের বহুদূর নিয়ে এসেছে।

যে পূর্বোক্ত কী স্বদেশী কী বিদেশী সাহিত্যিকদের মধ্যে হাম্মরসের বালাই ছিল না, অথচ রবীন্দ্রসাহিত্যের একাধিক অঙ্গ রসিকতায় ঝকমক করেছে। অবশ্য অ-বাঙ্গালীদের দোষ দেওয়া যায়না, কেননা রসিকতার অনুবাদ হয় না। কিন্তু বাঙ্গালীরা কেন রসিকতার উল্লেখ করে তাঁকে পৃথক স্থানে বসায়না বুঝিনা। গোপালভাঁড়ের রসিকতায় দীক্ষিত বাঙ্গালীর পক্ষে কাজটা শক্ত নিশ্চয়। কিন্তু বৈদগ্ধ গর্ববোধও আমাদের কম নয়। তবে কি আমরা রবীন্দ্রসাহিত্য না পড়ে এবং তাঁর কথোপকথন না শুনেই তাঁর জগৎ শোকোচ্ছ্বাস করছি? এক এক সময়, বিশেষতঃ এই কয়দিন মনে হয়েছে যে আমাদের জাতীয় সুনিশ্চিত ছুঃখ রবীন্দ্রসাহিত্য সম্পর্কে অনিশ্চিত জ্ঞান ও প্রাদেশিক অভিমানের সঙ্গে যুক্ত, এমন কি তার পূরণও বলা যায়। ‘চিরকুমার সভা’ ‘গোড়ায় গলদ’ প্রভৃতি হাম্মরসাত্মক নাটকের কথা ছেড়ে দিচ্ছি, তাদের জনপ্রিয়তা নাট্যমঞ্চের আশীর্ব্বাদে। কিন্তু কজন ‘পঞ্চভূত’ পড়েছেন জানতে ইচ্ছে করে। আমি এমন লোক জানি যারা অন্ততঃ বাধ্য হয়ে প্লোটোর ডায়লগ্‌স্ পড়েছেন কিন্তু পঞ্চভূতের নাম পর্য্যন্ত শোনেন নি। অথচ রস ও জ্ঞানের অদ্ভুত সমাবেশ, রসিকতার দীপ্তি ও ক্ষিপ্ততায়, জীবনসমস্যার প্রাথমিক তত্ত্বের স্মবিচারে ‘পঞ্চভূত’ প্রকৃতই অতুলনীয়।

সেদিন শুনছিলাম যে লিরিক কবিতায় রবীন্দ্রনাথ ইয়েটসের সমকক্ষ। লিরিক কবিতার প্রাণ হল সুর, সেই জগৎ তাকে গীতধর্ম্মী বলা হয়। ইয়েটস তাঁর একখানি চিঠিতে বলেছেন যে তিনি কথার উপযুক্ত সুর, কিম্বা সুরের উপযোগী কথার অনুসন্ধান ব্যগ্র। কিন্তু আমি ইয়েটস সংক্রান্ত একাধিক প্রামাণ্য গ্রন্থে পেয়েছি যে ইয়েটস কথার ও সুরের সম্বন্ধ স্থাপনের জগৎ মোটেই উপযোগী ছিলেন না। ‘Scattering Branches’ নামক স্মারক গ্রন্থে আমার বক্তব্যের প্রমাণ পাওয়া যাবে। শ’—টেলার নামক একজন বিখ্যাত সঙ্গীত সমালোচকও লিখেছেন, ‘His tone-deafness ruled him out as an authority, or even a witness, on the collaboration of the arts. স্বরের পিচ্-এর মধ্যে ইয়েটস পার্থক্য খুঁজে পেতেন না। তাঁর ধারণায় সঙ্গীতের একমাত্র সমর্থন আবৃত্তিতে। শ’—টেলার এই ধরণের সঙ্কীর্ণতাকে বলেছেন, ‘This monstrous circumscription of the composer’s creative genius and insight’। ক্লিটন্—ব্যাড্লে নামক আর একজন বিখ্যাত সঙ্গীতজ্ঞ ইয়েটসের আদেশে কথার জগৎ সুর খুঁজেছেন; তাঁর সিদ্ধান্ত এই, “No matter how well they are written, the words of a true song, will always be incomplete words.” ইংরাজী কথার বন্ধ স্বরবর্ণও নাকি কথা ও সুরের প্রকৃত সমন্বয়ের অন্তরায়। যারা রবীন্দ্রসঙ্গীত শুনেছেন তাঁরা অন্ততঃ অস্বীকার করতে পারবেন না যে (১) সুর থেকে জোর করে বিচ্ছিন্ন করলেও রবীন্দ্রসঙ্গীতের কবিতা আপন অস্তিত্বে গরীয়ান ও (২) বাংলা ভাষার মত হসন্তান্ত বন্ধস্বরবহুল, ব্যঞ্জনবর্ণ ও যুক্তাক্ষরও ধান ভাষার শব্দকে সুরের রসে ভরে দিয়ে তিনি অন্ততঃ দুটি চারুকলার যোগসাধন করেছেন। এই দিক থেকে এবং আমার মতে এইটাই লিরিক কবিতার প্রধান দিক, রবীন্দ্রনাথ ইয়েটস অপেক্ষা অনেক পূর্ণ এবং বিশুদ্ধ।

রবীন্দ্র জ্যোতির্মালা দেবী

পরমের শুভ্র ক্রোড় হতে
প্রাণের কপোত
জন্ম-মৃত্যু দুই পথে
ঢেলে যায় চিরন্তন শ্রোত ।

ছুটি-ধারা, হায়,
যাত্রীসম ঘুরে ফিরে যেথা মিশে যায়
কপোতের সূচির পাখায়,
হে, অমর রবি !
অনন্ত রশ্মিতে তব হেরি আজ তারি দীপ্ত ছবি ।
সাক্ষ্য নভে যাত্রা-সুর—
গোধূলি-তারাটি কাঁদে বিয়োগবিধুরী।
বন্ধু, তার উদাত্ত গরিমী •
মোর বক্ষে ঝঙ্কারিছে দূরের মহিমা ।

অম্বর-উৎপলে
পলে পলে
বিকশি' বিকশি' ওঠে অনন্তপ্রয়াণ
পারাবার-অভিযান ।
চিরপ্রিয় কবি মোর,
ব্রহ্মপুত্র সৃজন বিভোর !
বিশ্বসখা স্নিগ্ধ তপন !
মৃত্যু আজ মৃত্যু নয়—
তোমার গমন
শুরুপটে ধরিয়াছে মহা অভিযান
ওই মহানের পথে
কপোতের ছুটি পাখা-শ্রোতে ।

রবীন্দ্রনাথের দেশবাসীর কর্তব্য কি ?

রাধারাণী দেবী

ভারতবর্ষ একদিন সমগ্র পৃথিবীর বন্দনা পেয়েছিল তথাগত বুদ্ধের দেশ বলে। তারপর ছ' হাজার বৎসরেরও বেশিকাল পরে ভাগ্যানিপীড়িত ভারতবর্ষ আবার সারা পৃথিবীর সবিস্ময় প্রণতি পেলো রবীন্দ্রনাথের দেশ বলে। এ' সম্বন্ধে চিন্তা করার দিন এসেচে।

রবীন্দ্রনাথ যাকে আশৈশব অন্তরে বাহিরে অতি ঘনিষ্ঠভাবে ভালোবেসে ছিলেন,—সেই তাঁর প্রাণপ্রিয় ধাত্রী ধরিত্রী মায়ের কোল থেকে তিনি আজ চির বিদায় নিয়ে চলে গিয়েছেন।

রবীন্দ্রনাথের মহাপ্রয়াণের ক্ষতি অতি বিপুল, আর তার বেদনা দেশকে চরমতম গভীর ও ব্যাপক ভাবে স্পর্শ করেছে। সমগ্র দেশবাসী অসংখ্য ছোট বড় সভাসমিতির অনুষ্ঠান ও নানা রচনাতির মধ্য দিয়ে এ বিষয়ে তাঁদের বেদনা ও শ্রদ্ধা নানাভাবে অভিব্যক্ত করছেন।

রবীন্দ্রনাথের তিরোধানের ক্ষতি এবং বেদনা যেমনই হোকনা কেন, সে-বেদনাকে সে দুঃখকে এবং তাঁর স্বর্গত আত্মার প্রতি শ্রদ্ধাতর্পণকে—রবীন্দ্রনাথের স্বদেশবাসীগণ কেবলমাত্র ভাবাবেগের মধ্য দিয়ে প্রকাশ না করে দৃঢ় কর্তব্যের মধ্য দিয়ে অভিব্যক্ত করলে তাঁর স্মৃতির প্রতি যোগ্য শ্রদ্ধাতর্পণ করা হবে মনে করি। !

দেশের যে কোনও জ্ঞানী, গুণী, শিল্পী, মনীষীর লোকান্তর যাত্রার পর আমরা যে উপায়ে তাঁর আত্মার প্রতি আমাদের শ্রদ্ধা এবং অন্তরের দুঃখশোক প্রকাশ করে থাকি, রবীন্দ্রনাথের প্রতিও সেই একই উপায়ে অস্তিম কর্তব্য সমাধা করলে আমাদের কর্তব্যের গুরুতর ত্রুটি ঘটবে। কারণ রবীন্দ্রনাথের ঋণ আমাদের পিতৃমাতৃঋণেরও অধিক। আমাদের দেশে এ' সত্য উপলব্ধি করার দিন আজও আসেনি। কিন্তু একদিন আসবেই। সেদিন আমাদেরই উত্তর পুরুষেরা তাদের পূর্বপুরুষদের মৃত্যুয় লজ্জিত নতশির হবে।

যে ঋণ পিতৃমাতৃঋণেরও অধিক, সে ঋণ পরিশোধ সম্ভব নয়; কিন্তু স্বীকৃতি সম্ভব, কৃতজ্ঞতা সম্ভব। তাই জগুই বলি আর সকল বিশেষ মানুষের মতো রবীন্দ্রনাথ সম্বন্ধেও সেই একই উপায়ে—স্বর্গতের প্রতি জীবিত মানুষের কর্তব্য ও কৃতজ্ঞতা অভিব্যক্ত করলে, সে শুধু নিজেদেরই বিচারশক্তির অভাব আর উপলব্ধি শক্তির স্থূলতা সপ্রমাণ করা হবে মাত্র।

পাথরের মূর্তি গড়ে, ইট কাঠের সৌধ রচনা করে, রাজপথের নামকরণ করে বা সংস্কৃতিমূলক কাজে সামান্য বৃত্তি বন্দোবস্ত করে রবীন্দ্রনাথ ঠাকুরের স্মৃতিরক্ষার চেষ্টা নিতান্তই নিরর্থক। এ যেন প্রদীপ্ত সূর্য্যাকে বাতির আলো জ্বলে দেখাবার প্রয়াস।

রবীন্দ্রনাথ বিরাট ছিলেন। তাঁর সর্বতোমুখী প্রতিভা, সর্বস্পর্শী অনুভূতি, সর্বাশ্রয়ী সাহিত্যকে নিয়ে বিচার বিশ্লেষণ করবার জগু অনাগত কাল তার শত শত শতাব্দী নিয়ে অপেক্ষা করে আছে।

রবীন্দ্রনাথ করেছিলেন বিশ্বভারতীর জন্ম—তারপর তাঁর পিছনে আর কে এসে দাঁড়ালো? একমাত্র ভারতবর্ষের একজন শ্রেষ্ঠ শিল্পী এই মহামনীষী এই মহাকবি এই মহামানবের পিছনে এসে দাঁড়িয়েছিলেন। তাঁর বিরাট ও মহৎ আদর্শকে অনুরে যথাযথ উপলব্ধি করে। এই আত্মত্যাগী শিল্পীর একনিষ্ঠ সেবা বিশ্বভারতীকে আংশিকভাবে যে সফলতায় মগ্নিত করে তুলেচে ও তুলেচে লক্ষ লক্ষ মুদ্রার অর্থানুকূলা তার কাছে তুচ্ছ।



শান্তিনিকেতনে অধ্যাপনারত রবীন্দ্রনাথ

ভারতবর্ষের প্রত্যেক জ্ঞানী গুণী ও শক্তিশালী মানুষ রবীন্দ্রনাথের স্মৃতির প্রতি শ্রদ্ধা জানাচ্ছেন, বিশ্বভারতীকে রক্ষা করার আবেদন জানাচ্ছেন। বিশ্বভারতীর প্রয়োজন যে তাঁদেরকেই। দেশের সর্বশ্রেষ্ঠ বৈজ্ঞানিকগণ, সর্বশ্রেষ্ঠ দার্শনিকগণ, রাসায়নিক, শিল্পী, যন্ত্রী, কর্মী—সর্বতোভাবে না হোক আংশিকভাবেও বিশ্বভারতীর সহিত নিজেদের যুক্ত করুন। তাঁদের শক্তির, জ্ঞানের, প্রতিভার ও মনীষার সেবাস্পর্শে বিশ্বভারতীকে উজ্জীবিত করে তুলুন।

রবীন্দ্রনাথের জীবন বিশ্বভারতীর আদর্শের মধো নিহিত। এই আদর্শ যদি ভারতবর্ষ বাঁচিয়ে ও বলিষ্ঠ করে তুলতে না পারে রবীন্দ্রনাথ বিশ্বজগৎ থেকে ধীরে ধীরে কালের স্পর্শে অপসৃত হয়ে আসবেন। কেবল মাত্র ভারতবর্ষের মধো বেঁচে থাকা রবীন্দ্রনাথের যোগ্য বাঁচা নয়। এঁয়েন সাত রাজার মহামূল্য ধনভাণ্ডার, মাটির নিচে সমাহিত থাকার মতোই হবে।

ভারতের সমস্ত প্রদেশের শ্রেষ্ঠ গুণী, জ্ঞানী, শিল্পী, বৈজ্ঞানিক শিক্ষিত সংস্কৃতিবান্ পুরুষ ও নারীর সামনে—অর্থসঙ্গতিবান্ ধনিজনের সামনে যে-কর্তব্যের আহ্বান অপেক্ষা করছে,—এর ডাকে সাড়া দেওয়ার দিন আজও কি আসেনি? শুধুই কি মুখের শোকে আর মোখিক শ্রদ্ধাতেই আমাদের রবীন্দ্রনাথের ঋণের মর্যাদা দান হবে?

রবীন্দ্রনাথের সহিত কয়েকটি দিন

কবিরাজ কমলাকান্ত ঘোষ, বি, এম-সি।

কবিরাজ বিমলানন্দ তর্কতীর্থ যখন গুরুদেবের চিকিৎসার ভার গ্রহণ করে আমাকে আহ্বান করলেন, ওখানে থেকে তাঁকে সাহায্য করতে তখন গর্বের সঙ্গে যথেষ্ট ভয় মেশানো ছিল। পৃথিবীর শ্রেষ্ঠতম মনীষীর চিকিৎসার তত্ত্বাবধান করবার গুরুতর দায়িত্ব চিকিৎসকের জীবনে আসে খুবই কম। কিন্তু সমস্ত আশঙ্কা ও ভয় চলে গেল যখন সদানন্দময় রহস্যপ্রিয় ভারতীয় ঋষির পাশে এসে দাঁড়ানুম।

৩রা জুলাই (১৯৪১) শান্তিনিকেতনে উপস্থিত হলাম। সেদিন ছিল বাদলা হঠাৎ সবটা আকাশ কালো হয়ে ঝপ ঝপ করে হল বৃষ্টি শুরু, আবার থেমে গিয়ে রোদ বলসে উঠল চারদিকে, এমনভাবে আষাঢ় দিনের লুকোচুরি চলছিল। গাড়ীর ঝাকুনিতে যতটা না অবসন্ন বোধ করেছিলাম তার চাইতে বেশী হোলো বোলপুরের বাদলায়-ভাঙ্গা তরঙ্গায়িত লাল সুরকীর সামান্য রাস্তাটুকু পার হতে। রাত্রি ৮।০ টায় উদয়নে গুরুদেবের ঘরে গিয়ে হাজির হলাম। খুব অবসন্ন দেখাচ্ছিল তাঁর মুখচ্ছবি, ক্লান্তি ফুটে উঠেছিল মুখে, কিন্তু বিরক্তির লেশমাত্র ছিলনা, সহজ স্নিগ্ধকণ্ঠে কবিরাজ বিমলানন্দরাবুকে বল্লেন, “দেখ, তোমার ওষুধ ও পথ্য আমি ঠিক নিয়ম করে খাচ্ছি, মন্দ আছি বলে মনে হচ্ছেনা, ওঁরা বলছেন জ্বরটাও কিছু কমেছে।” আমি ওঁকে প্রণাম করলুম, তিনি জিজ্ঞাসু দৃষ্টিতে চাইলেন—কবিরাজ মহাশয় আমার পরিচয় দিয়ে বল্লেন, ইনিই আপনার কাছে সর্বদা থাকবেন, আপনার সমস্ত উপসর্গগুলো ওঁর কাছে বলবেন, উনি প্রয়োজন মত আমার সঙ্গে পরামর্শ করে নেবেন, তিনি সম্মতিসূচক ভঙ্গিতে বল্লেন “বেশ ভাল”।

এভাবে আমার কাজে আমি বহাল হলাম—প্রতিদিন সকালে ও বিকেলে গুরুদেবের স্বাস্থ্য পরীক্ষা কোরে রিপোর্ট লিখে পাঠাতুম। আমার থাকবার ব্যবস্থা হয়েছিল শ্যামলীতে, উত্তরায়ণের মধ্যেই। প্রতিদিনের আসা যাওয়ায় ও ঘনিষ্ঠ সংস্পর্শে আমার সঙ্গেচ অনেকখানি কমে এসেছিল, সব চাইতে বেশী হয়েছিল গুরুদেবের সহজ ব্যবহারে। এই অসুস্থ অবস্থায়ও তাঁর মানসিক সমতা নষ্ট হয়নি। তাঁর পরমাশ্চর্য জীবনের দৈনন্দিন পরিচয় এ সময় কিছুটা পাই। এই অসুস্থ অবস্থাতেও গুরুদেব আমার ব্যক্তিগত স্বাচ্ছন্দ্যের খোঁজখবর নিতেন, সঙ্গে সঙ্গে বাড়ীর সবাই। ক্রমে শরীরের খুঁটিনাটি খবর নেবার ও ব্যবস্থা দেবার গণ্ডী থেকে আমার প্রবেশাধিকার এসে গেল গুরুদেবের দৈনন্দিন চিন্তাধারা ও ব্যক্তিগত জীবনের মধ্যে। যে দিন তিনি শুন্লেন এককালে বঙ্গীয় সরকারের রোষকবলিত হ’য়ে আমাকে ৫।৬ বৎসর বন্দী জীবন কাটাতে হয়েছিল, তিনি আমায় ডেকে পাঠালেন। চোখ কপালে তুলে বিস্ময়ের ভঙ্গীতে বল্লেন, “তুমিত বড় সাংঘাতিক লোক হে”। তাঁর কণ্ঠে চাপা রহস্যের ভাব, সঙ্গে সঙ্গে একটু উৎফুল্লতারও,—“আমি যদি আগে থেকে জানতুম তাহলে তোমাকে এখানে আসতেই দিতুম না।”

আমি নীরবে হাসছিলাম এরপর আমাকে জিজ্ঞাসা করলেন আমি কোথায় কোথায় ছিলাম এবং আমার বন্দীজীবন কিভাবে কেটেছিল। আমার কথা তিনি খুব মনোযোগ দিয়ে সব শুনছিলেন, বললেন—
“তোমার এ অভিজ্ঞতাগুলো, লিখো তাতে কাজ হবে।”

এ আলোচনার সময় শ্রীযুক্তা রাণী মহলানবীশ সেখানে উপস্থিত ছিলেন। তিনি হেসে বললেন, “আপনি বেশ বুদ্ধি শিখিয়ে দিচ্ছেন, উনি এগুলো লিখুন, আর সঙ্গে সঙ্গে আবার ঝুঁকে নিয়ে জেলে পুরুক”। গুরুদেব সহাস্ত্রে আমার দিকে চেয়ে বললেন, “ক্ষতি কি হে!” মুখে চোখে চাপা রহস্য ফুটে উঠেছে “তুবেলা খাবারটা জুটেবে কোন ভাবনা নেই, চিন্তা নেই।” সকলেই সমস্যার হেসে উঠলুম।

নানা কথায় একদিন ওঁর ‘চার অধ্যায়’ সম্বন্ধে কথা উঠলো। তিনি একটু ছুঁতের সঙ্গে বললেন “তোমরা এই বইখানি গ্রহণ করনি”। আমি চুপ করে ছিলাম। তিনি বুঝলেন সেটা স্বীকার করে নিচ্ছি। পরে বললেন, “দেখ, আমি কোনদিন তখনকার ঘটনার সংস্পর্শে আসিনি। শুনছিলাম তখনকার দিনে স্বাদেশিকতার নাম দিয়ে আমাদের দেশের অনেক স্বার্থপর লোক, লোক ঠকাবার ব্যবসা আরম্ভ করেছিলেন। দেশের লোক ওঁদের চিনতে না পেরে নানা ভাবে নির্যাতিত হয়েছে। আমার খুব আতঙ্ক হ’ল, বুঝলাম দেশবাসীকে সতর্ক করে তুলতে হবে।” তাঁর ভাষায় উদ্বেজনার আভাস ফুটে উঠলো। “সেজগাই আমি ওঁর বইখানা লিখেছিলাম।” আমি বললাম, “আপনি যে সমস্ত ঘটনার সমাবেশ সেখানে করেছেন সেগুলো অন্ততঃ কয়েকটা ক্ষেত্রে না ঘটেছে তা নয় কিন্তু আপনার বইতে সেগুলোই বিপ্লবপন্থীদের কর্মপন্থা হিসেবে ফুটে উঠেছে। ওঁদের কাজগুলোকে ভাল বা মন্দ কিছুই না ব’লে এটুকু বলা চলে, যে সব তরুণ তরুণী এতে অংশ গ্রহণ করেছিলেন তাঁদের অনেকের চরিত্রে এমন নিষ্ঠা ও ত্যাগ ছিল যে দেশবাসীর কাছে তার জন্য শ্রদ্ধা ও সহানুভূতি তাঁরা আশা করতে পারেন। আপনার এই বইয়ে তাঁরা নিরাশ হয়েছেন নিশ্চয়ই।” তিনি বললেন, “আমি সেটা নিশ্চয়ই মানি, আমার বইয়ে সেটা বাদ দিইনি, যদি তোমার মনে থেকে থাকে তা হলে তুমি নিশ্চয়ই বুঝবে। সেদিক থেকে তাঁদের পাওনা আমি দিয়েছি।” আমি সেটা মেনে নিয়ে বললাম, “তবুও সাধারণ পাঠক যারা তাঁদের মনে অণু দিকের ছাপটাই বড় হ’য়ে ফুটে ওঠে, সেদিকটা অন্ধকারেই থেকে যায়।” তিনি চুপ করে রইলেন। আমি বললাম, “যদি পাশাপাশি অণু কোনও বইয়ে বিপ্লবী চরিত্রের এ দিকটা আপনি ফুটিয়ে তুলতেন, তাহলে বোধ হয় কারুর কোন ক্ষোভ থাকত না।” তিনি মৌন হয়ে রইলেন। আমি ব’লে চললাম, “বিশ্ববিদ্যালয়ের কত ছাত্র ছাত্রী তাঁদের পড়াশুনাতে জলাঞ্জলি দিয়েছেন, স্বেচ্ছায় কত লোক অকথা দারিদ্র্যকে বরণ করেছেন, অশিক্ষিতা কুলবধ পর্যন্ত স্বামী ও শ্বশুর শাস্ত্রীর লাঞ্ছনা সয়ে এঁদের সাহায্য করেছেন। মিছে করে হারিয়ে গেছে বলে নিজেদের যৎ-সামান্য গহনা তাঁদের পলাতক জীবনের সাহায্যে উৎসর্গ করেছেন, এঁদের ইতিহাস কেউ লিখবে না, এঁদের উদ্দেশ্যে শ্রদ্ধা জ্ঞাপনও কেউ করবে না।” তিনি মৌন ভঙ্গ করে বললেন, “তুমি আমার ‘বদনাম’ গল্পটা পড়েছ?” আমি জানালুম

দুনিয়ার বাঙালী যুগ

বিনয় সরকার

দুনিয়ার শুরু হইয়াছে বাঙালী জাতির দিগ্বিজয়, বর্তমানে মাত্র এই তথ্যটার দিকে স্বদেশ
গতেছে উন্নতি অবনতির কথা, বাড়তি ঘাটতির
লক্ষণ কি কি, উন্নতি-অবনতির মাপকাঠি কিরূপ,
শ্লেষণ বাঙালী সমাজ-শাস্ত্রীদের অন্তিম গবেষণার
য় নরনারীর উন্নতি-অবনতি, আর বিশেষ করিয়া
শব্দকে পঠন পাঠন, আলোচনা-গবেষণা ইত্যাদির
র অল্পসন্ধান বাঙালী সমাজশাস্ত্রীদের মহলে মহলে
ধন, বিজ্ঞান, বিচার ক্ষেত্রেও উন্নতিতত্ত্ব বর্তমান
১৯২৬ সনে এইরূপ গবেষণার সূত্রপাত করা
রতির পথে বাঙালী" গ্রন্থ (১৯৩৪) উন্নতি-তত্ত্বের
দিক সন্থকে বঙ্গীয় সমাজ-বিজ্ঞান পরিষদের
শ্বাস করি। সামাজিক উন্নতি-তত্ত্বের নানা কথা
য় সমাজ-শাস্ত্র) গ্রন্থে (১৯৩৬) আলোচনা করিয়াছি।
মান লেখক এবং বঙ্গীয় সমাজ-বিজ্ঞান পরিষদের



জয়ন্তী

শারদীয়া সংখ্যা

১৩৪৮

১২/১১

দুনিয়ার বাঙালী যুগ
স্বর্ণের ভবিষ্যৎ
ভাষা প্রমবিনী রোটোরী
ইতিহাসের দিগ্ভ্রম
সাহিত্যের ভবিষ্যৎ
শিক্ষা
ভারতীয় স্থাপত্য শিল্পের দাবী

বিনয় সরকার
অনাথ গোপাল সেন
পুলকেশ দে সরকার
অনিলচন্দ্র রায়
ক্ষেত্রমোহন পুরকায়স্থ
স্বরমা মিত্র
শ্রীশ চন্দ্র চট্টোপাধ্যায়

বসিয়াছে। সত্যি কি তাই? আমরা কি সত্য
লাতে আমাকে যাইতে হইয়াছে। আর অনেক
ফরিয়াছি। দেখিতেছি মাত্র যে, যশোহর, নদীয়া
। কিন্তু আর সব জেলাতেই পঞ্চাশ বৎসরের মধ্যে
তে কান কালাপালা হইয়া যাইতেছে। আগেকার
ম্যাজিষ্ট্রেট হইতে পারিত। আর এখন অনেক
ই পাশ করিয়াও বসিয়া আছে। কিন্তু একমাত্র

আর্থিক অবনতির দিকে যাইতেছে? সোজা
বুঝা যাইতেছে একমাত্র যে, লিখিয়ে পড়িয়েদের দল ভারি হইতেছে। কিন্তু মাথা পিছু মধ্যবিত্তের
সমাজ কমিয়াছে তাহা বুঝিবার কারণ পাওয়া যায় না। গোটা দেশের সংখ্যা ধরিলে বরং উল্টা বোঝা যায়।
মধ্যবিত্তের সুখ স্বচ্ছন্দতা হয় ত বাড়িয়াছে। বঙ্কিম-যুগে মধ্যবিত্ত লোক বলিতে আমরা যাহাদের
বুঝিতাম তাহাদের মত এবং তাহাদের চেয়েও ভাল অবস্থার লোক এই পঞ্চাশ বৎসরে ঢের বাড়িয়াছে।
একটা ছোট দৃষ্টান্ত দিতেছি। এই যে এত সব কংগ্রেস, কনফারেন্স, শিল্প-প্রদর্শনী, আর্থিক সম্মেলন,
সাহিত্য সম্মেলন হয়, এতে লাগে টাকা। মধ্যবিত্তের ট্যাকে টাকার জোর বাড়িয়াছে। না বাড়িলে
এসব পোষাকি জিনিষ গণ্ডায় গণ্ডায় চলিত না। আর এত হাজার হাজার লোক এই সবে মসৃণ হইতে
পারিত না। অধিকন্তু মধ্যবিত্তের সংখ্যাও খুব বাড়িয়াছে।

জয়শ্রী

বাঙালী আজ কোন অবস্থায় আছে সে কথাটা বুঝিবার জন্ত ১৮৩১ সনে প্রকাশিত রামমোহন রায়ের উক্তিটা তলব করা যাউক। বিলাতের কমিশন তাঁহাকে প্রশ্ন করিয়াছিল—“তোমাদের দেশের লোক কি খায়?” তিনি উত্তর দিয়াছিলেন, “ভদ্রলোকেরা—যাহাদের সংখ্যা খুব কম, তাহারা খায় ভাত, মাছ, তরকারী আর মশলা (ডালের নান করেন নাই); আর সবাই খায় ভাত আর মুন।” ভাত আর মুন একটা অতিমাত্রায় লম্বা-চোড়া জীবন যাত্রার উপাদান নয়। ১৮৩১ এর তুলনায় ১৯৪১ এ বাঙালী জাত বড় অবস্থা হইতে ছোট অবস্থায় নামে নাই। যাহা-কিছু পরিবর্তন দেখিতেছি খুঁটিয়া খুঁটিয়া আলোচনা করিলে বুঝিব যে, তাহার মোট কথা ছোট হইতে বড়'য় উঠা। এই সব বিষয়ে বস্তু-নিষ্ঠ আর সংখ্যা-নিষ্ঠ গভীরতর আলোচনা চাই।—বর্তমানে মাত্র ঠারে ঠারে বলিয়া যাইতেছি। অনেক লোক উন্নতি-অবনতি জরীপ করিবার কাজে উঠিয়া পড়িয়া লাগুন।

এইবার আর এক তরফ হইতে বাঙালী জাতের জরীপ করিব। বাংলার নরনারীকে ভদ্রলোকের “পাতে দেওয়া” যায় কি না এই প্রশ্নের সমালোচনায় অনেক বাঙালীর উঠিয়া পড়িয়া লাগা উচিত। এ একটা বড় গবেষণার বস্তু। বাঙালীর প্রভাব “অ-বাঙালী” ভারতীয়ের উপর আর “অ-ভারতীয়” ছুনিয়াবাসীর উপর কিছু পড়িয়াছে কি? যদি পড়িয়া থাকে, তবে কবে হইতে, আর কতখানি? যদি কোনো বাঙালী পুরুষ বা স্ত্রী অ-বাঙালীদের কোনো প্রকারে প্রভাবিত করিয়া থাকে, যাহাকে দেখিয়া যাহার কাজ হইতে “অগ্র জাতের” লোকেরা বলিয়াছে “হাঁ, একটা মানুষ বটে,” তাহা হইলে আমি বলিব সেই বাঙালীটা ভদ্রলোকের “পাতে দেবার” উপযুক্ত সেই বাঙালী “বাপকা বেটা।” অবশ্য বাঙালীর সৃষ্টিশক্তিতে বাংলার নরনারীর, মায় বুনো পাছাড়া-আদিমদেরও উন্নতি হইয়াছে; একথা সহজেই বোঝা যায়। কিন্তু বাঙালীর জ্ঞান-বিজ্ঞান, সাহিত্য, শিল্প, সংস্কৃতি বা কৃষ্টি পাইয়া বাংলার চৌহদ্দির বাহিরের লোকেরা কতটা লাভবান হইয়াছে তাহাই আলোচনার বস্তু। ইংরেজ জাত এমন অনেক মানুষ দিয়াছে, যাহারা না জন্মিলে ইয়োরামেরিকা আর ছুনিয়া পড়িয়া উঠিত না। ফ্রান্স ও জার্মানীর বহু সম্ভান আছে যাহারা পৃথিবীকে এই ভাবে গড়িয়া তুলিতে অনেক সাহায্য করিয়াছে। ছুনিয়া এই সব ফরাসী ও জার্মানের “খাইয়া মানুষ” হইয়াছে। তেমনি এমন কোনো বাঙালী জন্মিয়াছে কি, যে না জন্মিলে অবাঙালী ভারত আর অভারতীয় ছুনিয়া দরিদ্র থাকিত? আর জন্মিয়া থাকিলেও কখন কখন? হাজার পাঁচ-ছয় বছর আগে মহেন্দ্রজোড়ের যুগে বাঙালী কিরূপ ছিল জানা নাই।—বৈদিক যুগের জানা আছে নামজাদা ঐতরেয় ব্রাহ্মণের কথা, যেটা বোধহয় প্রায় পৌনে তিন হাজার বছর আগেকার সাহিত্য। কিন্তু তাহা অবাঙালীর সৃষ্টি। বৈদিকযুগে ভারতবর্ষের আদর্শ পাওয়া যাইত ঐতরেয় ব্রাহ্মণের মত গ্রন্থে। বৈদিক সাহিত্যের প্রাণের কথা ছিল দিগ্বিজয়, “অহমস্মি সঃমান,” “পরাক্রমের মূর্তি আমি, আমার নাম উত্তর বা সর্বশ্রেষ্ঠ, আমি জেতা, বিশ্বজয়ী, জগৎ আমার জানে দিগ্বিজয়ী বলিয়া” ইত্যাদি।

এই দিগ্বিজয়ের চিন্তায় ও কাজে তখনকার বাঙালীর দান কিছু ছিল কি না জানা যায় না। সেই সবে সৃষ্টিকর্তা বোধহয় পাঞ্জাবী বা কনৌজিয়া বামুন বা আর কেহ। তারপর তাদের চেলারা সেই যুগের “বয়স্কাউট” সব দিগ্বিজয় চালাইতে চালাইতে যখন সদানীরা দরিয়ার কিনারায় আসিয়া দাঁড়াইল তখন তারা দেখিল যে, প্রাচ্য ভারতে, বঙ্গবিহারে মানুষ নাই, আছে শুধু জঙ্গল। তাহারা

ফিরিয়া গিয়া গুরুদেবকে বলিল, “ওদেশের লোকেরা সব পক্ষিজাতীয় নর-নারী, ওরা খালি কিচির-মিচির করে”। দেখিতেছি যে, তারপর সেই সকল পশ্চিমা বামুন, ঋষি, পণ্ডিত ইত্যাদি লোক আসিয়াছিল আমাদের গুরু হইয়া। বাঙালী আমরা আর্থামীর অ-আ-ক-খ পাইয়াছি অ-বাঙালীর কাছে। সে যুগে বাঙালীর প্রভাবে অবাঙালী মানুষ হয় নাই। বাঙালীরা মানুষ হইয়াছিল অবাঙালীর খাইয়া।

শাক্য সিংহ নামক বুদ্ধের নাম আমরা নিই বটে, কিন্তু বুদ্ধদেব বাঙালী নন। বাঙালী বাদশা ধর্মপালের প্রভাব? বাংলার বাহিরের আবহাওয়ায় ধর্মপালের নাম হোমিওপ্যাথিক ডোজে ছড়ানো আছে মাত্র। অধিকন্তু ধর্মপাল খাঁটি বাঙালী কিনা সন্দেহ। এই সঙ্গে গবেষণার বস্তু—বাঙালী কাহাকে বলে? আমাদের বিক্রমপুরের অতীশ দীপঙ্করের নাম করিতে পারি। বলিতে চাই যে, বিক্রমপুরের “বাঙাল” বাচ্চা দীপঙ্কর “বাপকা বেটা” বটে। তিব্বতের উপর তাহার প্রভাব জ্বরদস্ত ও বিস্তর। অতীশ দশম শতাব্দীর লোক। আজও তিব্বতে “বাঙাল” অতীশ বীরের নামডাক জ্বর।

হিন্দু ছাড়িয়া বাঙালী মুসলমানদের কথা ধরিলেও অবস্থা তথৈবচ। বাংলার মুসলমানরা অবাঙালী মুসলমানদের খাইয়া মানুষ। বাঙালী মুসলমানদের অবাঙালী মুসলমানদের “পাতে দেওয়া” চলিবে না। এই সকল দিকে খোঁজ চলিতে থাকুক।

বাঙালী চৈতন্যদেব বোধহয় “সমগ্র ভারতের” শ্রদ্ধাযোগ্য ব্যক্তি। কম-সে-কম আসাম উড়িষ্যার উপর তাঁহার প্রভাব ছিল ও আছে। অবশ্য তাঁহার সম্প্রদায়ের আদিগুরু ছিলেন দক্ষিণী মধবাচার্য। আসল কথা, শেষ পর্যন্ত বোধহয় স্বীকার করিতে বাধ্য যে, রামমোহন রায়ই হইতেছেন প্রথম বাঙালী মানুষ, যাহাকে ইজ্জৎ দিয়াছে গোটা ভারতের নরনারী। এত সেদিনের কথা।

বাঙালীরা চিরকাল মুখস্থ করিয়াছে পাঞ্জাবী পাণিনি, কনৌজিয়া বরাহমিহির, মালবীয়া কালিদাস, দক্ষিণী শঙ্করাচার্য ইত্যাদি। কিন্তু অ-বাঙালীরা কেহ কোনো বাঙালীর জিনিস এমন “নিত্য-নৈমিত্তিকভাবে” গিলিতে চেষ্টা করিয়াছে কি না খোঁজ লইয়া দেখার দরকার। এই সঙ্গে বাঙালীর “নব্য-শাস্ত্র” কতটা বাঙালীর স্বাধীনসৃষ্টি, তাহা কথিয়া দেখা আবশ্যিক হইবে। অধিকন্তু এই নব্য-শাস্ত্রের ইজ্জৎ বাংলার বাহিরে কতটা তাহারও পরীক্ষা চাই। বাঙালী সমাজে অবাঙালী দর্শনের যে প্রভাব, বাংলার বাহিরে নব্য-শাস্ত্রের প্রভাব ততখানি বা সেই ধরণের কি? বাংলাদেশে প্রচলিত গোটা হিন্দু সংস্কৃতি আর ভারতীয় হিন্দু-মুসলমানের তৈয়ারী সভ্যতা বোধহয় মৌল আনা অ-বাঙালীর সৃষ্টি। রামমোহন রায়ই সর্বপ্রথম “ভারত প্রসিদ্ধ” বাঙালী। বর্তমানযুগে আমরা বঙ্কিম বিদ্যাসাগরের গৌরব করি। কিন্তু বঙ্কিম-বিদ্যাসাগরকে কয়টা অবাঙালী চিনে বা চিনিত? অধিকন্তু ইহারা ত একালের লোক, আমাদের সমসাময়িক বলিলেই হয়। তাহাতে বর্তমানে বাঙালীর বাড়তি প্রমাণিত হয়, কিন্তু বাঙালী জাতের পুরাণো কোষ্ঠীটা ইজ্জৎ পায় না।

বিবেকানন্দ প্রথম বাঙালী যার নাম “তামাম দুনিয়া” ছড়াইয়া পড়িয়াছে। ভারতের ভিতরে ও বাহিরে ১৮৯৩ সনে বিবেকানন্দের ছঙ্কারে সারা দুনিয়ার লোক—সাদা, কালো ও হলুদে সকলে বলিতে বাধ্য হইয়াছিল যে, দক্ষিণ গঙ্গার কিনারায় একটা জাত জন্মগ্রহণ করিয়াছে, যাদের কাজ কর্ম না দেখিলে, না জানিলে পৃথিবী দরিদ্র থাকিয়া যাইবে। তারপর হইতেই, বিশেষতঃ ১৯০৫ সনের গৌরবময় স্বদেশী বিপ্লব

স্বর্ণের ভবিষ্যৎ

অনাথগোপাল সেন

গত মহাযুদ্ধের অভিনেতা ও দর্শকদের মধ্যে অনেকেই এখনও বেঁচে আছেন; শুধু বেঁচে আছেন নয়, তাঁদের কেহ কেহ বর্তমান মহাযুদ্ধের প্রধান ভূমিকায় অভিনয় করছেন। আমরা আদারব্যাপারী, জাহাজের খবরে আমাদের দরকার না থাকলেও জাহাজ ত আমাদের ছাড়ে না। তার দুরাগত চেউয়ের ঠেলাতেই যে আমাদের ব্যাপারীর ডিপ্লী কাৎ হবার জোগাড়। গতবারের ভুক্তভোগী অনেকেই তাই অনেক কথা চিন্তা করেন ও জিজ্ঞাসা করেন। তাই আজ স্বর্ণের ভবিষ্যৎ সম্বন্ধে এই সংক্ষিপ্ত আলোচনার সূচনা।

গত লড়াইয়ের পূর্বে জার্মান মুদ্রা মার্কের মূল্য ছিল আমাদের টাকার মাপে ৮/০ আনা; বিলাতী মুদ্রা পাউণ্ড-স্টার্লিংএর মাপে এক শিলিং। কিন্তু যুদ্ধ শেষ হ'বার পর মার্কের মূল্য স্বর্ণহীন হয়ে এমন অভাবনীয় ও বিস্ময়কররূপে হ্রাসপ্রাপ্ত হতে শুরু করল যে ১ টাকায় বহু লক্ষ মার্ক কিনতে পারা যেত। অর্থাৎ মার্কের তখন আর কোনো মূল্যই মুদ্রা জগতে প্রায় ছিল না। জার্মানিতে তখন লোকেরা ১ লক্ষ মার্ক দিয়ে ১ পেয়লা চা খেত। এটা একটা ঠাট্টার বা তামাসার ব্যাপার হয়ে দাঁড়িয়েছিল—অবশ্য জার্মানবাসীদের নিকট নয়, বিদেশীদের নিকট। বিদেশীদের অনেকেও জার্মান মার্ক নিয়ে ফটকা খেলতে গিয়ে অনেক টাকা খুইয়েছিলেন, আবার কেহ দু'দিনের জন্ত বাদশাহী ভোগের অধিকারী হয়েছিলেন। মার্কের দাম যখন পড়তির মুখে তখন অনেকেই রাতারাতি বড়লোক হবার লোভে ২০০।১০০ টাকা, কিংবা সেই পরিমাণ ডলার বা ষ্টার্লিং দিয়ে ২ লক্ষ, ১০ লক্ষ, ২০ লক্ষ মার্কের মালিক হচ্ছিলেন এবং আমাদের মত অনেক গরীব লোকেও তখন ২।৪ দিনের জন্ত লক্ষপতি (মার্কের হিসাবে) হবার সুযোগ ও গৌরব লাভ করেছিলেন। কেউ তখন কল্পনা করতে পারে নি যে মার্কের একেবারে শেষ অবস্থা; সবাই ভাবছিলেন, আমিই সবচেয়ে সম্ভায় আজ মার্ক কিনেছি, কাল থেকে মার্কের দর আস্তে আস্তে চড়বে। তারপর, পূর্বের অবস্থায় ফিরে না এলেও তার কাছাকাছি যখন আসবে, তখন আমাদের লক্ষ লক্ষ মার্ক মুদ্রাকে টাকা, ডলার, ষ্টার্লিং বা অন্য কোন মুদ্রায় পুনরায় পরিবর্তিত করে নিয়ে নিজের দেশে লক্ষপতি হয়ে বসব। কিন্তু হায়রে দুর্ভাগ্য! দিনের পর দিন মার্কের দর পড়তেই থাকল, আর পূর্বের ক্ষতি খানিকটা পুষিয়ে নিয়ে averageটা একটু ভাল করবার দু'রাশায় অনেকেই good money দিয়ে আরো মার্ক কিনতে লাগলেন। অবশেষে একদিন উপস্থিত হ'ল যেদিন জার্মান সরকার ঘোষণা করে দিলেন, তাদের মার্ক মুদ্রা শেষ নিঃশ্বাস ত্যাগ করেছে। অর্থাৎ এই মুদ্রার অস্তিত্বকে জার্মানী আর স্বীকার করে না, সুতরাং এর দাবী আর তারা মিটাতে পারবে না। The old mark is dead. এই সময়ে মার্কের এমনি ছুরবস্থা দাঁড়িয়েছিল যে, ১ পাউণ্ড বা ১০।১৫ টাকা দিয়ে বিশ কোটি মার্ক কিনতে পারা যেত! সুতরাং আত্মহত্যা ছাড়া তার আর কোনো উপায়ান্তর ছিল না। যারা ২০০।১৪০০ টাকা খরচ

করে লক্ষ লক্ষ জার্মান মার্কের অধিপতি হয়েছিলেন তারা যদি কাগজের নোটগুলিও হাতের কাছে পেতেন তাহলে সেগুলিও ওজন দরে বিক্রয় করে খানিকটা সাহসনা লাভের উপায় পর্যন্ত ছিল না ; কারণ তখন জার্মানীতে একলক্ষ মার্ক অপেক্ষা কম মূল্যের নোটই ছাপা হত না ! যারা সে সময়ে তাড়াতাড়ি জার্মানী থেকে পণ্য খরিদ করতে পেরেছিলেন তারা খুব লাভবান হয়েছিলেন। আর লাভবান হয়েছিলেন তারা যারা তখন বিদেশ থেকে জার্মানীতে গিয়ে থাকতে পেরেছিলেন। অনেক ভারতীয় যুবক সে সময়ে ২০০। ৪০০ টাকায় লক্ষ লক্ষ মার্ক কিনে নিয়ে জার্মানীতে শিক্ষা লাভ বা ভ্রমণের জন্ত চলে গিয়েছিলেন। তারা তখন মাসিক ৫। ৭ টাকা মাত্র ব্যয় করে সেখানকার সকল রকম খরচ পুষিয়ে শিক্ষা লাভ করবার সুযোগ পেয়েছিলেন। যারা একবারে সমস্ত টাকা দিয়ে মার্ক না কিনে, বিলেতের ব্যাঙ্কে টাকা জমা রেখে যেমন যেমন মার্কের দর পড়ছিল, নিজ প্রয়োজন মত তেমন তেমন ২। ১ পাউণ্ড মূল্যের মার্ক কিনছিলেন তারা আরো বেশী লাভবান হচ্ছিলেন। জার্মান প্রবাসী ভারতীয়দের মিলনস্থল, “হিন্দুস্থান এসোসিয়েশ্যান” সে সময়ে দেড় লক্ষ মার্ক দিয়ে বার্লিনে প্রাসাদোপম গৃহ ক্রয় করেছিলো—যা তারা কখনো কল্পনাও করতে পারতেন না। প্রকৃত পক্ষে এর জন্ত বোধহয় ৫। ১০ পাউণ্ড কিংবা ১০০। ১৫০ টাকার বেশী প্রয়োজন হয়নি ! কিন্তু এ সময়ে সম্ভায় কেনা সহ সম্পত্তি জার্মান সরকার পরে বাজেয়াপ্ত করে নিয়েছিলেন।

এই সময়ে বিশ্বকবি রবীন্দ্রনাথের ও তাঁর বিশ্বভারতীর কি গুরুতর ক্ষতি হয়েছিল তা' কবিগুরুর নিজ ভাষায় শুধুন : “জার্মানীতে আমার বই বিক্রি শুরু হয়েছিল প্রবল বেগে। ইতিমধ্যে যুদ্ধ বেধে গেল। অবশেষে যখন হিসাব মেটাবার সময় এল তখন মার্কের এমন অধঃপতন হোলো যে তাকে টাকায় পরিণত করতে গেলে এক আঁজলাও ভরে না। সমস্ত আয় জার্মানীকেই দান করে এলুম। তার মূল্য যদি হ্রাস না হোতৈ তা' হলে বিশ্ব-ভারতীর জন্তে আজ আমাকে ভিক্ষের ঝুলি বয়ে বেড়াতে হোতো না।*” এর মানে হচ্ছে এই যে যারা পাউণ্ড, ডলার, ব্যাঙ্ক, টাকা প্রভৃতি বিদেশী মুদ্রার বিনিময়ে মার্ক ক্রয় করে জার্মানীতে বসে তা' ব্যয় করেছেন কিংবা জার্মান পণ্য ক্রয় করেছেন, তাঁরা হয়েছেন অত্যন্ত লাভবান আর যারা মার্কের হিসাবে পণ্য বিক্রয় করে সেই মার্ককে টাকা বা অণ্ড মুদ্রায় পরিণত করে নিজ দেশে তাই আনতে চেয়েছেন তাঁদের ভাগ্যে লক্ষ মার্কের বিনিময়ে এক আঁজলাও মেলেনি।

মুদ্রা সম্পর্কীয় ব্যাপারে যারা সম্পূর্ণ অনভিজ্ঞ তাঁরা হয়ত ব্যাপারটা কি কিছুই বুঝতে পারছেন না। এরই নাম inflation of currency বা মুদ্রা সম্প্রসারণ। পণ্যের মূল্য স্থির রাখবার জন্ত বিক্রয়যোগ্য মোট পণ্যের অল্পপাতে মুদ্রার পরিমাণ স্থির রাখতে হয়। তা না করে যদি কোনো দেশের কর্তৃপক্ষ খামখেয়ালী বা অজ্ঞতাবশতঃ মুদ্রার পরিমাণ অকারণে বাড়িয়ে দেন বা কমিয়ে ফেলেন তাহলে পণ্যের মূল্য যথাক্রমে বাড়বে ও কমবে, প্রকারান্তরে মুদ্রামূল্য কমবে ও বাড়বে। একেই ইংরাজিতে quantity theory of money বলে। এখানে হয়ত অনেকে ভাববেন, টাকা কি ইচ্ছা করলেই বাড়ান যায় ? কাগজের নোট বেশী ছাপিয়ে ও “ক্রেডিট” সৃষ্টি করে তা খানিকটা করা যায়। কিন্তু গত লড়াইয়ের পূর্ব পর্যন্ত ইয়োরোপ ও আমেরিকার মুদ্রা স্বর্ণমানের উপর প্রতিষ্ঠিত ছিল। তার অর্থ হচ্ছে এই যে, কাজের সুবিধার জন্ত কাজটা নোট, চেক, ছত্তি, যাই বাজারে দেনা পাওনা মেটাবার জন্ত চলুক না কেন, এ সকলের পশ্চাতে ছিল স্বর্ণ ;

* রবীন্দ্রনাথের পত্রাবলী—প্রবাসী, ভাদ্র, ১৩৪৮

মিটাতে গিয়ে পৃথিবীর শ্রেষ্ঠ ধনী ইংলণ্ডের স্বর্ণ তহবিল পর্যন্ত হালকা হয়ে উঠেছিল। যুদ্ধে পরাজিত হয়ে সকলের নিকট চোর দায়ে ধরা পড়ে, সকলের জরিমানা ও ক্ষতিপূরণের দাবী মাথায় করে নিয়ে জার্মানীর কি দশা হল তার পরিচয় ত পূর্বেই খানিকটা দিয়েছি। স্বর্ণ বলতে তার আর বিশেষ কিছু রইল না। অল্প দেশের সঙ্গে তার তফাৎ এই দাঁড়াল যে তারা তাদের অর্থের সম্প্রসারণ একটা সীমার মধ্যে রাখতে পেরেছিলেন, কাগজী নোট প্রচলনের সঙ্গে সঙ্গে তারা স্বর্ণও ধার করছিলেন এবং ধার পাচ্ছিলেনও। কিন্তু ৫ বৎসরকাল একা সকলের সাথে লড়াতে গিয়ে চারিদিকে আক্রান্ত ও অবরুদ্ধ হয়ে তাসাঁই সন্ধির চরম শাস্তির বোঝা মাথায় করে জার্মানীকে সম্পূর্ণ দেউলে হতে হল। তার মুদ্রা ফীত হতে হতে একেবারে ফেটে পড়ল। পৃথিবীর মুদ্রা ইতিহাসে এ রকম দৃষ্টান্ত আর দ্বিতীয় মেলে না।

যে স্বর্ণমান ভিত্তি করে আন্তর্জাতিক বাণিজ্যের এরূপ প্রসার ও দেনা পাওনা মিটাবার এরূপ সুবিধা লাভ হয়েছিল তাকে যদি বহাল রাখতে হয় তাহলে প্রত্যেক দেশে তার প্রয়োজনানুযায়ী পণ্য সম্পদ বা জিনিষ কেনা বেচা করে তাকে তত বেশী স্বর্ণ দিতে হবে। আমি সম্পদ সৃষ্টি করবার বুদ্ধি ও শক্তি রাখি এবং আমার সম্পদের বিনিময়ে অপরের সম্পদ গ্রহণ করতে চাই; কিন্তু সম্পদ বিনিময়ের সুবিধার জন্ত যে স্বর্ণরূপী দালালটি আমরা একদিন সৃষ্টি করেছিলাম তার অভাবে আমার বিরাট শক্তি ও আয়োজন পণ্ড হবে এ কেমন কথা? বিভিন্ন দেশের মধ্যে maldistribution of gold বা স্বর্ণের এরূপ অসমঞ্জস বণ্টনের ফলেই এই অবস্থা দাঁড়িয়েছে। একদিকে পণ্যসম্ভার শিল্পী ও বণিকের কাঁধে ভূতের বোঝার মত চেপে বসে আছে, মাসুকের ভোগে তা আসতে পারছে না; অন্ডিকে মানবসমাজের একটা বিরাট অংশের নিত্যন্ত প্রয়োজনীয় অভাব মিটছে না। একদিকে ঐশ্বর্যের প্রাচুর্য, অন্ডিকে অভাবের তাড়না, একদিকে প্রচুর ভোজ্য, অন্ডিকে সংখ্যাতিত বুকু। এর কারণ হচ্ছে ২৪টি ভাগ্যবান দেশ, বিশেষ করে গত যুদ্ধের ফলে, পৃথিবীর স্বর্ণতহবিলের উপর চেপে বসে আছেন, এবং স্বর্ণহীন জগৎবাসীর নিকট স্বর্ণের বিনিময়ে পণ্য বিক্রয়ের ব্যর্থ ও হাঙ্গুর প্রয়াস করছেন। যুদ্ধের অস্বাভাবিক তাড়নায় পড়ে যে স্বর্ণমান সকলে ত্যাগ করেছিলেন যুদ্ধের পরে ১৯১৯ ও ১৯২৫ সালের মধ্যে তারা সবাই একে একে স্বর্ণমানে ফিরে এসেছিলেন—নইলে আন্তর্জাতিক ব্যবসা-বাণিজ্য সব অচল থাকতো। তার ফলে সমস্ত কাগজী মুদ্রা ও অতিরিক্ত অর্থকে বাতিল করে দিতে হয় এবং অকস্মাৎ একদিন যুদ্ধের কল্যাণে অর্থের বাজারে যে জোয়ার দেখা দিয়েছিল, ভাটার টানে সেখানে নিদারুণ নগ্নমূর্তি দেখা দিল। অর্থাৎ যেখানে ছিল inflation of currency সেখানে উপস্থিত হল contraction of currency (অর্থ-সঙ্কোচন)। তা' না করে উপায় ছিল না; কারণ ধন-তত্ত্ববাদের চিরপরিচিত পন্থায় স্বর্ণের মধ্যস্থতা ভিন্ন পৃথিবীর ব্যবসা-বাণিজ্য পরিচালনা করার অল্প কোন উপায় তারা ভাবতে পারে না। অন্ততঃ তখন পর্যন্ত ভাবতে পারেন নি। কিন্তু গত যুদ্ধে যারা মারাত্মকভাবে জখম হয়েছিলেন তার মধ্যে স্বর্ণমানও অন্ততম। কারণ mal-distribution of gold এর জন্ত ধনতান্ত্রিক সমাজ-ব্যবস্থা মূলতঃ দায়ী হলেও এর তীব্রতার জন্ত গত লড়াই এবং তাসাঁই সন্ধিই প্রধানতঃ দায়ী। তাই প্রধান প্রধান দেশগুলির সমবেত চেষ্টায় ইয়োরোপে পুনরায় স্বর্ণমানের প্রতিষ্ঠা হলেও, সর্বাপেক্ষা আশ্চর্যের বিষয় এই যে ইংলণ্ডকেই বিশ্বজোড়া ব্যবসা-মন্দার বিপাকে পড়ে ১৯৩১ সালে আবার স্বর্ণমান পরিত্যাগ করতে হয়। এবং মহাজনে যেন গতঃ সঃ পন্থা—

অভূতপূর্ব ও স্বর্ণীয় ঘটনা—যা' ধনতান্ত্রিক যন্ত্র এবং তার বাহন স্বর্ণের ভবিষ্যৎ দুর্ভাগ্যের পরিষ্কার সূচনা করে।

এই সময়েই জার্মানিতে হিটলারের আবির্ভাব ও ক্ষমতালভের সূত্রপাত। অবস্থার দায়ে জার্মানিকে মুদ্রার জ্ঞাত স্বর্ণের আধিপত্য বাধ্য হয়ে স্বীকার কতে হলেও রুশিয়াকে তা' কতে হয় নাই। কারণ রুশিয়ার ১৯১৯ সালের ঐতিহাসিক বিপ্লবের মূল নীতিই ছিল অর্থ বা স্বর্ণ-বিরোধী। সোশ্যালিজম প্রতিষ্ঠা করে মুদ্রার সাহায্যে পণ্য বিনিময়ের পরিবর্তে দেশের প্রত্যেক অধিবাসী রাষ্ট্রের অধীনে কাজ করে পণ্য উৎপাদন করবে এবং নিজ নিজ প্রয়োজনানুযায়ী উৎপন্ন পণ্য ভোগ করবার অধিকারী হবে, এই ছিল পৃথিবীর শ্রেষ্ঠ বিপ্লবী লেনিন ও তাহার সহকর্মীদের উদ্দেশ্য। কাগজের নোট সেখানে নামেমাত্র রাখা হয়েছিল আয়-ব্যয়ের হিসাব ও পণ্যের মূল্য নিরূপণের শুধু একটা মাপকাঠি হিসাবে। রুশিয়া কৃষি প্রধান দেশ ও সর্ববিধ নৈসর্গিক সম্পদের অধিকারী হওয়ার দরুণই এই ব্যবস্থা অবলম্বন করা তাহার পক্ষে সহজসাধ্য হয়েছিল। কারণ বর্হিবাহিজ্য শিল্পজাত পণ্য বিক্রয় ততটা কঠিন, কৃষিজাত পণ্য বিক্রয় ততটা কঠিন নয়। বিদেশ হতে তাকে যে সব কলকজা, যন্ত্রপাতি ও অন্যান্য নিত্যপ্রয়োজনীয় শিল্পদ্রব্য আমদানি করতে হত, তার মূল্য সে স্বর্ণ দ্বারা না দিয়ে কৃষিজাত পণ্য দ্বারা পরিশোধ করত। তার দেশের লোককে মজুরিস্বরূপ অর্থ দিয়ে পণ্য উৎপাদন কতে হয়নি বলে সে অন্য দেশের তুলনায় সহজেই তার কৃষি-সম্পদ বিদেশে সম্ভায় বিক্রি করতে পারত। তাই অর্থ বা স্বর্ণকে একেবারে বাদ দিয়ে যে ব্যবস্থা চালান রুশিয়ার পক্ষে সম্ভবপর হয়েছিল জার্মানীর পক্ষে ইচ্ছা সত্ত্বেও তা' সম্ভবপর ছিল না। তা ছাড়া যদিও হিটলার পূর্ণ ক্ষমতা লাভ করার পর দেশের অনেক বড় বড় শিল্প প্রতিষ্ঠানকে রাষ্ট্রের প্রয়োজনে নিজ কর্তৃত্বাধীনে এনেছিলেন, তা' হলেও দেশ হতে রুশিয়ার মত ব্যক্তিগত ধনাধিকার বা শিল্প-প্রচেষ্টার বিলোপ সাধন করেন নি। এই অবস্থাটাকে সমাজতন্ত্র ও ধনতন্ত্রের মাঝামাঝি একটা অবস্থা বলা যেতে পারে। একদিকে হিটলার দেশের ক্রমবর্ধমান ও শক্তিশালী কম্যুনিষ্টপাটিকে নির্ধূরভাবে দমন করলেও কম্যুনিজমের নীতিকে সম্পূর্ণ বর্জন করেন নি। অন্যদিকে আবার দেশের পুঞ্জিবাদী ও শিল্পপতিদের সকলকে খারিজ করে দিয়ে তাঁদেরও চটান নি। তিনি চেষ্টা করছিলেন, দেশের ধনিক ও শ্রমিক উভয় শ্রেণীকেই হাতে রেখে, জার্মান জাতির বিশেষ কৌলীণ্য বা আভিজাত্যের দোহাই দিয়ে দেশের চরম দুর্বস্থার মোড় ঘুরিয়ে দিতে। তাই সর্বসাধারণের নিকট জিনিসটাকে লোভনীয় করে তুলবার জ্ঞাত তিনি এই নীতির নাম দিয়েছিলেন জাতীয় সমাজতন্ত্রবাদ (National Socialism)


রুশিয়ার আদি ও অকৃত্রিম সমাজতন্ত্রবাদের সঙ্গে এর পার্থক্য হচ্ছে এই যে, ধনতন্ত্রবাদের জুলুমবাজি হতে সমস্ত রুশিয়ার কৃষক ও শ্রমিকের মুক্তির দায়িত্ব গ্রহণ না করে জার্মানী শুধু নিজের দেশের কৃষক ও শ্রমিকের মুক্তির দায়িত্ব গ্রহণ কতে চাচ্ছে। তবে মোটের উপর একথা অস্বীকার করা যায় না যে, race superiorityর মারাত্মক অহংগিকাকে বাদ দিলে রুশিয়ার সঙ্গে জার্মানীর সামাজিক, অর্থনৈতিক, ও রাজনৈতিক ক্ষেত্রে সাদৃশ্য দেখা যায় অনেক বেশী। যেটুকু বৈষম্য ছিল তার মূলে ছিল ভৌগোলিক কারণ। বিশালকায়, প্রভূত প্রাকৃতিক সম্পদশালী রুশিয়ার পক্ষে অন্য দেশের সহিত বিচ্ছিন্ন-সম্বন্ধ ও আত্ম-সর্বস্ব হয়ে নিজের ঘর সামলানো ও জগতের মুক্তির কথা ভাবা যত সহজসাধ্য ছিল, এই সব অমুকুল অবস্থার অভাবে

জয়শ্রী

জার্মানীর পক্ষে তা' একেবারেই সম্ভব ছিল না। বৈদেশিক বাণিজ্য ভিন্ন তার পক্ষে বেঁচে থাকা অসম্ভব অথচ তার জগৎ তার না ছিল ভূমি, না ছিল স্বর্ণ। সমদুঃখী, সমাবস্থাপন্ন কতকগুলি দেশ বা জাতিকে হারা করতে না পারলে, পরস্পরের সুবিধামত নিজেদের মধ্যে বাণিজ্য-চুক্তি দ্বারা পণ্য বিনিময়ের সাহায্যে বৈদেশিক ব্যবসা-বাণিজ্য চালানো সম্ভব নয়। তাই পুরাতন আর্থিক ব্যবস্থার বিরুদ্ধে হিটলারের এই উদ্যানক গাত্রদাহ, জার্মানীর এই ভয়ঙ্কর বর্তমান বুদ্ধ অভিযান, এবং পৃথিবীর স্বর্ণহীন, বিত্তহীন দেশ সমূহের সম্মুখে এই নব-বিধান (new order) প্রতিষ্ঠা সঙ্কল্পের সু-উচ্চ ঘোষণা। কতকগুলি দেশের সঙ্গে পণ্য বিনিময়ের পারস্পরিক চুক্তির সাহায্যেই স্বর্ণহীন জার্মানী এই নরমেধ যজ্ঞের কল্পনাভীত বিপুল ব্যয়ভার বহন করে যাচ্ছে। সেইজগৎই হিটলার বারবার বড় গলায় বলছে, "labour is my gold" (কর্মক্ষমতাই আমার স্বর্ণ)... "যুদ্ধের ফলাফল আর যাই ঘটুক না কেন, দুনিয়ার রঙ্গমঞ্চে স্বর্ণকে আর ফিরে আসতে হচ্ছে না।" ভবিষ্যতে আভ্যন্তরিক ও আন্তর্জাতিক ব্যবসা-বাণিজ্যের ক্ষেত্র হতে স্বর্ণকে বিতাড়িত করে বিভিন্ন দেশের মধ্যে আপোষ চুক্তির দ্বারা পণ্য বিনিময়ের সাহায্যে বাজু কর্ম চালানোই হিটলারের উদ্দেশ্য। তাঁর এই অভিলাষ যদি সিদ্ধ হয়, তা' হলে পর্বত-প্রমাণ স্বর্ণ সঞ্চয় করে আমেরিকা আজ যে মধুর স্বপ্ন দেখছে তা অনেকখানি ধূলিসাৎ হবে। অবশ্য চারিদিকের অবস্থা এমন অদ্ভুতভাবে জট পাকিয়ে উঠছে যে তার ভেতর থেকে ভাবীকাল কোন্ রূপ নিয়ে আত্ম-প্রকাশ করবে তা অনুমান করাও কঠিন। কারণ তর্কের খাতিরে জার্মানীর জয়লাভ যদি আমরা স্বীকার করেওনি, তা'হলে ভূমি ও স্বর্ণ লাভের রুদ্ধ দুয়ার উন্মুক্ত হবার পর সে যে তার দুর্দিনের সঙ্কল্প ও প্রতিশ্রুতি পালন করবে তার নিশ্চয়তা কি? অগাদিকে জার্মানীর পরাজয় ঘটলেও বর্তমান এংলো-আমেরিকান মৈত্রীর মধ্যে ভবিষ্যৎ বিচ্ছেদ ও নূতন সঙ্কটের বীজ যে এই সময়েই রোপিত হচ্ছে না তাই বা কে জানে? কারণ এই জীবন-মরণ লড়াইয়ে জয়লাভের জগৎ ইংলণ্ডকে যে কল্পনাভীত মূল্য দিতে হচ্ছে তার অনেকখানিই যাচ্ছে আমেরিকার বিরাট জঠরে। স্মরণ্য, এই যুদ্ধ ইংলণ্ডের অল্পকালে নিষ্পত্তি হলেও সারা ইউরোপে আবার যে অভিশপ্ত হাহাকারের সৃষ্টি হবে তা' নির্বাপিত করবার দায়িত্ব তখন পড়বে একমাত্র আমেরিকার উপর। আমেরিকা যদি তখন স্বেচ্ছায় ও স্বচ্ছন্দচিত্তে তার স্বর্ণ-পাহাড়ের একটা বড় অংশ দান বা ঋণ হিসাবে প্রত্যর্পণ না করে, তা'হলে তাকে সম্পূর্ণ একঘরে হয়ে যক্ষের মত নিষ্ফল স্বর্ণসিন্দুক পাহারা দিতে হবে। বৃটেন ও বৃটিশ সাম্রাজ্যকেও সে তখন দলে টানতে পারবে কিনা সন্দেহ। স্মরণ্য যুদ্ধে জার্মানীর জয় (যা কখনো সম্ভব নয়) বা পরাজয় যাই হোক, নিকট ভবিষ্যতে আর্থিক জগতে স্বর্ণের প্রভুত্ব ও মহিমা আরো অনেকখানি ক্ষুণ্ণ হবার সম্ভাবনা। স্বর্ণমান ত গত যুদ্ধের ফলে পূর্বেই মরেছে, এখন এই যুদ্ধের পর স্বর্ণ বাঁচলে হয়।

গত যুদ্ধে মুদ্রা-সম্প্রসারণ নীতির কথা দিয়ে প্রবন্ধ শুরু করা গিয়েছিল। এবারকার যুদ্ধে সে সম্পর্কে কি ব্যবস্থা চলছে তৎসম্বন্ধে দু'চারটি কথা বলে প্রবন্ধ শেষ করছি। গতবারের অত্যধিক অর্থ-সম্প্রসারণ নীতির কুফল পরবর্তী কালে এমন একটা ভয়াবহ বিশ্বব্যাপী ব্যবসা-মন্দার সৃষ্টি করেছিল যার স্মৃতি আজও এমন সুস্পষ্ট রয়েছে যে সকল দেশই তাই এবার আর্থিক ব্যাপারে অতি সন্তর্পণে কাজ করছে। অবশ্য যুদ্ধের অতিরিক্ত খরচের দাবী মেটাবার জগৎ মুদ্রা সম্প্রসারণকে একেবারে বাদ দিয়ে কেউ চলতে পারছে না বটে; কিন্তু তাকে যথাসাধ্য সীমার মধ্যে রাখতে সবাই চেষ্টা করছে। ভারতবর্ষে গতবারের মত এবারও

১. টাকার নোট চলছে সত্য, কিন্তু তার সঙ্গে সঙ্গে রৌপ্য মুদ্রা, অন্ততঃ এখন পর্যন্ত, একেবারে দুশ্রাপ্য হয়ে ওঠে নি। তা' ছাড়া গতবার ক্রমান্বয়ে উচ্চতর স্তরে গবর্ণমেন্টের তরফ হতে ঋণ গ্রহণ করে টাকা তুলবার যে হিড়িক পড়ে গিয়েছিল সে পছন্দ এবার যথাসম্ভব পরিহার করে চলা হচ্ছে। 'ডিফেন্স বণ্ডে' টাকা ধার দেবার জন্তু সর্বসাধারণের নিকট যে আবেদন উপস্থিত করা হচ্ছে তার স্তর পূর্বাপেক্ষা বৃদ্ধি করা হয় নি। এভাবে মুদ্রা-সম্প্রসারণকে যথাসম্ভব দমিয়ে রেখে এবার গতবারের মত জনসাধারণের পক্ষে সম্ভা অতিরিক্ত অর্থোপায়ের পথ যেমন বন্ধ করে দেওয়া হচ্ছে, তেমনি অতীতকালে যুদ্ধের দরুণ অত্যধিক মূল্যবৃদ্ধির প্রবণতা ও ব্যবসাদারদের 'প্রফিটিয়ারিং' প্রবৃত্তিকে এবার গবর্ণমেন্টের পক্ষ হতে কড়া ভাবে নিয়ন্ত্রণ করবার চেষ্টা প্রথমাবধি চলছে—যদিও সে চেষ্টা সবতোভাবে সর্বক্ষেত্রে সফলকাম হয় নি। যুদ্ধের অতিরিক্ত ব্যয় সঙ্কুলনের জন্তু ধনী ও সর্বসাধারণের উপর নূতন নূতন প্রত্যক্ষ ও পরোক্ষ কর (tax) ধার্য করে অর্থের সংস্থান করবার চেষ্টাই এবার প্রধানতঃ চলছে। ঋণ না করে অতিরিক্ত ট্যাক্সের সাহায্যে অর্থ সংগ্রহের একটা সুবিধা এই যে, ঋণের স্তর চলতে থাকে এবং জনসাধারণকে দীর্ঘকাল তার জের টানতে হয়। দ্বিতীয়তঃ গবর্ণমেন্ট পুনঃ পুনঃ উচ্চতর স্তরে টাকা ধার করতে শুরু করলে ব্যবসায়ক্ষেত্রে ও টাকার বাজারে একটা ভয়ঙ্কর বিশৃঙ্খলা উপস্থিত হয়। ইংরেজ গবর্ণমেন্ট তাই গতবারের শিক্ষা গ্রহণ করেছেন বলে মনে হয়। আমাদের পক্ষে সেটা অনেকটা মন্দের ভাল বলতে হবে।



আর কারও যে আছে তাই বা বলি কি করে? মাতৃভাষাকে শিক্ষার বাহন ক'রতে হবে তাই নিয়ে বিশ্ববিদ্যালয়ে যেন একটা খেলা হ'য়ে গেল। শিক্ষার নামে এতবড় একটা বিরাট কঁাকি যে হ'তে পারে পরিভাষা 'খেলার' আগে সে ধারণা আমাদের ছিল না; আর তেগনি ধরা পড়েছে অধ্যাপকদের বিপুল অজ্ঞতা। ইংরিজী শিক্ষায় তাঁরা এতই পেকে গেছেন যে বাংলা পরিভাষা তাঁদের দিয়ে অসম্ভব। হ'য়েছে ও তাই। যিনি বা যারা দু'টো চারটে সংস্কৃত শব্দ জানেন তা উজাড় ক'রে দিয়েই সরে পড়েছেন। অর্থনীতি থেকে শুরু ক'রে শুক্রনীতি পর্যন্ত আপনি যাই কেন লিখতে যান না ওঁদের পরিভাষার তালিকা আপনাকে এতটুকু সাহায্য ক'রবে না। আপনি যে শব্দটি খুঁজবেন, দেখবেন ঠিক সেইটিই চতুর অধ্যাপকেরা এড়িয়ে গেছেন। বিশ্ববিদ্যালয়ের সমবেত চেষ্টা দূরে থাক, যিনি ইকনমিক্সের প্রফেসর, তাঁর কাছে ধনী দিয়ে পড়লে তিনি বড় জোর একটা ইংরিজী প্রবন্ধ দিতে পারেন কিন্তু বাংলায় অর্থনীতি সম্বন্ধে লিখতে বললে তাঁর সময়ের নিতান্ত অভাব হবে। যিনি রাজনীতি পড়ান—অত কেন, যিনি আইন পড়ান তাঁকে বলুন তো আগাগোড়া বাংলা পরিভাষায় একটা মামলার বিবরণ লিখে দিতে। জীবতত্ত্ব, প্রাণিবিজ্ঞান, পদার্থবিজ্ঞানের তো কথাই নেই। কাজেই অধ্যাপক বা বিশ্ববিদ্যালয়ের কথা থাক। অথচ, চেষ্টা করলে তাঁরাই পারতেন; অবসরও প্রচুর—দর্নাহাও নেহাৎ কম নয়। কিন্তু তাঁরা করবেন না।

করবেন না তার কারণ কম্প্লেক্স = মানসকুট। শিক্ষিত বলতে আমরা বুঝি ইংরিজী শিক্ষিত এবং বাংলা থেকে সর্বত্র ইংরিজীকেই প্রাধান্য দিয়ে থাকি—সেই মানসকুট। যিনি বাংলায় প্রবন্ধ লিখতে পারেন তিনি বেশ লেখেন; কিন্তু যিনি ইংরিজীতে লিখতে পারেন তিনি একেবারে 'আহা বেশ!' বাংলা প্রবন্ধ লেখার অক্ষমতাকে আমরা এভাবে চেপে ধাই। কিন্তু ইংরিজীটা কে বেশী জানে তার প্রমাণ হয় তখন যখন কোন একটা ভাল ইংরিজীর প্রবন্ধ অনুবাদ ক'রতে হয়। যাকে অনুবাদ ক'রতে হয় তাকে ইংরিজীর ব্যুৎপত্তিগত অর্থ, ধরণ পরিপূর্ণভাবে জানতে হয়—আর জানতে হয় পরিপূর্ণরূপে বাংলা। বাংলা দৈনিকের বাংলানবিশীরা বা উপেক্ষিত অনুবাদকেরা ইংরিজী দৈনিকের ইংরিজী নবিশদের চাইতে দ্বিগুণ কৃতিত্ব দাবী ক'রতে পারে। তাদের ইংরিজীও জানতে হয়, বাংলা ও জানতে হয় এবং অল্প জানলে চলে না, ভাল ভাবেই জানতে হয়। কিন্তু মজা এই ঐ মানসকুটের দরুণ আমরা এই সত্যটা ভুলে যাওয়াকেই গর্ব ও গৌরবের কারণ মনে করি। তাই একই কোম্পানীর বাংলা অনুবাদকের মাইনে যদি ধরি অতি কষ্টে ত্রিশ—তো ইংরিজী নবিশের মাইনে অতি সহজে ধরি পঞ্চাশ।

ইংরিজী ও বাংলা দৈনিকের সাব্‌এডিটরদের কাজের তুলনা ক'রলেই জিনিষটা আরও লজ্জাকর হবে। ইংরিজী সাব্‌এডিটর ইংরিজী সংবাদটাকে অনায়াসে প্রেসে পাঠিয়ে দিতে পারে; বাংলানবিশ পারে না—তাকে অনুবাদ ক'রতে হবে। ইংরিজী নবিশকে ফরাসী বা জাপানী উচ্চারণ নিয়ে মাথা ঘামাতে হবে না, প্যাঞ্জার হবে, না প্যান্‌সার হবে ভাবতে হবে না বা ইংরিজীর গঠন কৌশল নিয়ে চুল ছিঁড়তে ও হবে না। জার্মান ভন না ফন, ফরাসী গ'গামেলিন না গামেলাঁ, রুশীয় Pskov, পাস্কভ না স্কোভ, জাপানী টোয়োডো না টোজোদো, নিচি-নিচি সিমবুম না বাম, রুজভেন্টের "ফায়ার-সাইড চ্যাটটা" কি, চীনদেশের ওয়াং উই, মিশরের সাদিদল, ইরাকের বেইরুট না বিরাট, তা নিয়ে মাথা ঘামাতে হয় না। ভাবতে হয় না, ব্যাটলসিপ, ওয়ারশিপ, ফ্লিটে কোন তফাৎ আছে কি না। বাংলানবিশ তখন একাধারে চাকরী আর

এর পর Red army units লালফৌজ বাহিনী (?) inflicted heavy losses on the German 16th motorised division operating—division কে আর বাহিনী করা চলে না, ডিভিসানই রাখতে হবে, ডিভিসান সম্বন্ধে আমাদের কোন ধারণাই নেই—কি ক'রে থাকবে বলুন? যাত্রাগানের যুদ্ধ ছাড়া যারা যুদ্ধ দেখল না তারা এসব কি বুঝবে বলুন—অনুবাদকই বা কি বোঝাবে? তবে থাক ডিভিসান, অক্ষৌহিনীর ব্যাপার নয় যে মহাভারত থেকে চমু, অনিকিনী এসব বসিয়ে দেব। ১৬ নং নয়, ষোড়শ ডিভিসান = operating যুদ্ধ করিতেছে, কিন্তু operation মানেই যুদ্ধ নয়। তেমনি enemy activity = শত্রু-পক্ষীয় কমতৎপরতা কিন্তু ক্ষেত্রবিশেষে active হ'লে? অথবা ধরুন patrol activity.


আশুন সংগ্রামে কাঁপিয়ে পড়ি। Front কে রণাঙ্গন আর Battlefield কে যুদ্ধক্ষেত্র করা যাক; attack এর নামে আক্রমণ চালাই আর raid এর নামে হানা দি; কিন্তু যেখানে raided থাকে সেখানে আর হানা দেওয়া সম্ভব নয় আক্রান্তই

হ'তে হয়। মুখে এরোপ্লেন বললেও লিখতে হবে বিমান, কেননা দৈনিকে ওটাই চালু। তাই বিমান হানা দিলে anti-aircraft কে বিমান-ধ্বংসী কামান ক'রতে হবে। যদি পারেন destroy মারফৎ ওদের ধ্বংস করুন না হয় brought down কে পাতিত করুন। চোখ বুঁজে ভূপাতিত করা মুশ্কিল, কেন না অনেকগুলো জল-পাতিতও হয়; অতএব যে পতিত তাকে পাতিত করাই ভাল, ল্যাঠা চুকে যায়।

Planes, aircraft = সবই বিমান।

কিন্তু seaplane কি, সামুদ্রিক বিমান

নিশ্চয়ই নয়, অতএব Seaplane সিপ্লেনই। Fighter = জঙ্গী বিমান, Bomber = বোম্বার্ক বিমান, Dive-bomber? বাজ-বোম্বার্ক? waves of planes = বিমানের ঢেউ অসম্ভব, বিমানের কাঁক কিন্তু groups of planes? সেও তো কাঁক। এরা চায় mass attack ক'রতে, তার মানে কি সমবেত ভাবে না যুথবদ্ধভাবে? না, একযোগে? তাহ'লে individual planes কি বলব? বিচ্ছিন্ন, ছত্রভঙ্গ, একক? বিচ্ছিন্ন। একটারও মানে হয় না। Break through—কাঁকতালে যাবার উপায় নেই; বাধা উপেক্ষা ক'রে যেতে পারেন, কাটিয়ে ও যেতে পারেন। কিন্তু দেখবেন Balloon barrage আছে, Night fighter এর নৈশ জঙ্গীবিমান আছে। ওরা সব military objectives এ যে সামরিক লক্ষ্য বস্তু আছে তাতে direct hit ক'রে সরাসরি বোমা ফেলছে। ফলে civilian বে-সামরিক ব্যক্তিদের মধ্যে casualty = হতাহত? কিন্তু কেবল আহত



আশুন সংগ্রামে কাঁপিয়ে পড়ি

জয়প্রা

অবস্থাও তো casualty, ম'রতে হবে কেন? উপায় নেই। সে কি যে সে বোমা? তারা সব incendiary = আগ্নেয় বোমা আর high explosive = অতি বিস্ফোরক বোমা। Time bomb, delayed bomb এর কথা আজকাল আর শোনা যায় না—বাঁচা গেছে। কিন্তু মরেছি A. R. P. আর ফায়ার ব্রিগেড নিয়ে; আজকাল আবার passive defence corps দেখা দিচ্ছে; যদি বলি বিমান আক্রমণ প্রতিকার তবে A. R. P. volunteer কে নিয়ে মুস্কিলে পড়ি। ফায়ার ব্রিগেড চোখের জল দেখে লজ্জা পায়। তবু National Defence work এ নেমে আত্মপক্ষ সমর্থন নয়, দেশরক্ষার কাজে লাগতে হবে কিন্তু এমনই দুর্ভাগ্য Defensive operation এ নেমে অন্ধকার দেখি যখন defence কে বিশেষণ ক'রে production উৎপাদন ইত্যাদি দেখা দেয়। কাজেই এই যে war effort এর বৃদ্ধ প্রচেষ্টা বা war materials = রণবস্তু জোগাড়ের চেষ্টা তা দেশে যে resource তাগোর (!) আছে তাকেই tap ক'রতে হবে exploit ক'রতে হবে, utilise ক'রতে হবে।

তবু আসে ঐ অতি ভৈরব হরষে নিদারুণ ঐ ব্লিৎসক্রিগের তড়িতাক্রমণ কিন্তু ব্লিৎস-এয়ার সামলাই কি দিয়ে বলুন না? আসে প্যাঞ্জার আসে পিনসারের সাঁড়াশি! ভয় হয় encirclement এর ঘেরাও বা



তবু আসে ঐ অতি ভৈরব হরষে ব্লিৎসক্রিগের আক্রমণ।

অবরোধে শত্রুপক্ষের হয়তো বা bloody losses হবে “রক্তাক্ত ক্ষতি” কে হাসার অবসর না দিয়ে বিপুল বা নিদারুণ ক্ষয়। আসছে tank ট্যাকেররূপে, armoured car বা unit সাজেয়া গাড়ী বা বাহিনী-রূপে। আশুক না camouflage এর বিভ্রাস্তকারী ফাঁকিঝুঁকির সাহায্যে শেষটায় rear-guard action চালাবে না অপরপক্ষ? তার কি হবে? হবে আর কি শত্রুপক্ষ collapse ক'রবে। এতো আর ঘরবাড়ী collapse নয় যে ধ্বসে যাবে বা মাহুষ নয় যে নেতিয়ে পড়বে, অথচ এ কিন্তু শত্রুর ভেঙে পড়াও নয় পরাজয় ও নয়—সংগ্রাম-

ক্ষেত্রে collapse = কোলাপ্স। ব্যস এবার নিন, বন্দী করুন, মেশিনগান, সাবমেশিনগান, মাইনথ্রোয়ার সব আত্মসাৎ করুন, নইলে কলের গান (গ্রামোফোন?) অর্ধকলের কামান, মাইন নিক্ষেপক কোনটাই বাংলায় হজম হবে না। ওদের Communication = আদান প্রদান (?) বন্ধ, Communication line = যাতায়াতের পথ (?), বন্ধ, তা' ছাড়া supply base = সরবরাহ ঘাঁটি থেকে advanced unit = অগ্রসর দল বহুদূরে।



যদি কর্মচারী হয় তবে সামরিক officer তো সামরিক কর্মচারী হ'তে পারে না। তাঁরা অফিসারই থাকবেন ; Govt. officials হ'লে গভর্নমেন্ট কর্তৃপক্ষ হবেন। আবার authorities ও কর্তৃপক্ষ বা কর্তৃপক্ষ মহল। Politics = রাজনীতি ; Political leader = রাজনীতিক নেতা ; political shibboleth = রাজনৈতিক (দলবিশেষের) বুলি। আপদ কালে এঁরাই morale = মেরুদণ্ড (?) সঙ্কল্প (?) ঠিক রাখেন বা ভাঙেন। কেননা এঁদেরই মধ্যে কারা যে Fifth column = বিতর্ষণ বাহিনী (পঞ্চম বাহিনী নয়, আমাদের আর চারটে বাহিনী সম্বন্ধে ধারণা থাকত, তবে না ?) তা ঐ আপদ কালে জানা যায় ; বিদেশী গভর্নমেন্ট খুসীমত সহস্র security prisoner = (নিরাপত্তা রক্ষার্থে আটকবন্দী !!!) ক'রলেই তাদের ও ঐ কলঙ্ক হবে এমন কোন কথা নেই ; বরং ওরা detenu র মতই সিকিউরিটি বন্দী হ'য়ে থাকে। বিভিন্ন রাষ্ট্রের মধ্যে কূটনৈতিক সম্পর্ক থাকে, তাই থেকে কূটনীতিজ্ঞদের অবস্থার আর তাঁদের Diplomatic mail bag কূটনীতির চিঠির থলি (?) থাকে ; তাঁদের ও হয়তো আবার C. C. বা Private Secretary = খাস সেক্রেটারী (গোপন বা ব্যক্তিগত সম্পাদক নয়) থাকে ; বড় বড় কর্তাদের personal envoy = খাসদূত থাকে—যেমন প্রেসিডেন্ট রুজভেন্টের হারি হপকিন্স ছিলেন। President সভাপতি কিন্তু রুজভেন্ট সভাপতি নন, প্রেসিডেন্ট ; Chairman = সভাপতি কিন্তু President আর Chairman এক জায়গায় হ'লে গোলে হরিবল হবে। অতএব রুজভেন্ট ছাড়া অন্য কোথাও যদিও বা President = সভাপতি হয় Chairman কে চেয়ারম্যানই থাকতে দিন। ওঁরা election কে নির্বাচন ক'রলেও vote কে ভোটই রেখেছেন, এমন কি কাণ্ডিং ভোট পর্যন্ত। Premier, Prime minister, Chief minister সব প্রধান মন্ত্রীর একাকার। এঁদের পক্ষ থেকে announcement, declaration = ঘোষণা জারী হয়। অনেক লোকে মিলে conference = সম্মেলন হয়, এদের দু'জনের মধ্যেও conference = সাক্ষাৎকার হয়, interview র প্রসাদে মোলাকাৎ ও ক'রতে পারেন। আপনার চাকরী confirmed = পাকা হোক না হোক এদের সংবাদ সরকারী ভাবে confirmed = সমর্থিত হওয়া চাই-ই। meeting সভা কিন্তু cabinet meeting = মন্ত্রিসভার অধিবেশন ; sitting ও অধিবেশন। সভার ফলাফল broadcast = বেতারে প্রচার হবে ; জায়গা বিশেষে বেতার বক্তৃতা হবে আবার যেখানে Marshal Petain will broadcast a message = সেখানে মার্শাল পেত্যা বেতার যোগে বাণী দিবেন বা প্রেরণ করিবেন ; (message = বাণী, বিবৃতি, বক্তৃতা) internal policy = আভ্যন্তরীণ নীতি কিন্তু minister for interior [for internal (home) affairs] হবেন স্বরাষ্ট্র সচিব (আভ্যন্তরীণ মন্ত্রী (!) নয়। রাষ্ট্রে-রাষ্ট্রে মতানৈক্য ঘটলে বিভিন্ন পণ্যদ্রব্যের ওপর একে অপরকে চাপ দেবার জন্ত embargo, prohibition, sanction এর আশ্রয় নেয়, কিন্তু বাংলায় এক নিষেধাজ্ঞা ছাড়া আর কিছু নেই। কিন্তু Demarche এর কি বাংলা হবে বলুন তো ; মনোভাব জ্ঞাপন করাকে মনোবিজ্ঞপ্তি বলা চলে না—শুধু বিজ্ঞপ্তি দিতে হয়। এই ধরন না state of siege যদি অবরোধাবস্থা করি তবে encirclement কে অবরোধ ক'রলে না, ঘেরাও ক'রতে হয়।

উদাহরণ বাড়িয়ে লাভ নেই। রোটারীর স্পিডের সঙ্গে সঙ্গে এমনি দৈনন্দিন নিত্যব্যবহার্যের মত আমাদের ঘরে ঘরে নতুন শব্দ আসছে—সরকারী Black-out এর ছকুমে এসেছে দুর্নিরীক্ষ্য নিশ্চিন্দীপ !



অবাস্তব হতেই পারেন না! কিন্তু 'অনেকান্ত বস্তুবাদ' যে আজ একান্ত ভাবে অবাস্তব ধর্মের রাজ্যে তাঁদের নিয়ে চলেছে তার উপায় কি?

যুদ্ধ এসেই আমাদের সব ওলটপালট করে দিয়েছে। ইতিপূর্বে আমরা দিব্যি ছিলাম। একদিকে আমরা নিশ্চিন্তে অহিংসার মন্ত্রপাঠ করেছি, মোলায়েম ছন্দে ও মধুর সুরে। ব্রিটিশের প্রবল কামান আর চক্চকে ব্যায়োনেট মাথার ওপরে শান্তির ছত্র নির্মাণ করে রেখেছে, সেই ছত্র-ছায়া তলে আমরা নির্ভয়ে অহিংসা ও প্রেমের অজেয় শক্তির ব্যাখ্যা করেছি। অপরপক্ষে আমরা সমাজতন্ত্রের স্তুতিবাচন করেছি, সুগম্ভীর ছন্দে ও দীপক রাগিনীতে। সঙ্গে সঙ্গে চলেছে সাম্রাজ্যবাদের বিরুদ্ধে ত্রুদ্ব জিহাদ। সাম্রাজ্যবাদী কাড়াকাড়ি থেকে কী করে অনিবার্য হয়ে ওঠে সাম্রাজ্যবাদী লড়াই, আর সে লড়াইর প্রতি আমাদের কী অপরিসীম ঘৃণা, সব আমরা জলদনির্ঘোষে ব্যক্ত করেছি। সাম্রাজ্যবাদী যুদ্ধ সভ্যতার কতো বড়ো শত্রু তা সূক্ষ্মভাবে সবিস্তারে ব্যাখ্যা করেছি; কেবল তাই নয়; আমরা সাম্রাজ্যবাদ এবং তার অনিবার্য সৃজন, সাম্রাজ্যবাদী যুদ্ধের ওপরে অব্যর্থ কাগজী গোলাগুলিও বষণ করেছি। কিন্তু হায়, যুদ্ধ এলো আজ প্রলয়ঙ্কর সতোর বেশে। এক নিমিষে সে আমাদের সকল মিথ্যাকে নূলিসাৎ করে দিয়ে গেল; আর চিনিয়ে দিয়ে গেল আমাদের সত্যিকার পরিচয়! গর্জমান কামান আর উত্তত বোমার সামনে অহিংসার কল্পিত বজ্র শিশুর খেলনার মতো টুকুরো টুকুরো হয়ে ভেঙ্গে পড়ল। কোথায় রইলো প্রেম, আর কোথায় রইলো মমতাময়ী অহিংসা। আর বিজ্ঞানসম্মত সমাজতন্ত্র? তারও দশা নতখৈবচ। কথার কিল্লা আর কাগজী গোলাগুলি যে আসল গোলাগুলির কাছে খেলখেলা মাত্র, তারও প্রমাণ হলো হাতে হাতে। যুদ্ধের নিকষে কয়েই আজ ধরা পড়েছে সকল আক্ষালন আর সকল মিথ্যার নির্জলা স্বরূপ।

ইলেকট্রিসিটি কখনো করে তড়িতায়িত, প্রাণচঞ্চল; কখনো করে আড়ষ্ট, প্রাণহীন। যুদ্ধও বিদ্যুৎশক্তিরই মতো। কোনো জাতিকে করে তোলে বেগশীল, কাউকে করে নিঃসার ও তিমশীতল। ভারতবর্ষ আজ যুদ্ধের প্রবল আঘাতে কেমন অসার হয়ে পড়েছে। তার সঙ্গে সঙ্গে আজ পক্ষাঘাত। সবগুলো দলই কেমন জড়সড় হয়ে আছে। যুদ্ধের প্রথম দিকে যে হাঁকাহাঁকি ছিলো আজ তা নেই। ইংরেজের শাসনও আজ রুদ্ধ মূর্তিতে দেখা দিয়েছে, যুদ্ধের মূর্তিও আজ হয়ে দাঁড়িয়েছে প্রলয়ঙ্কর। ভারতবর্ষেও তাই আমরা এই রুদ্ধতাকে দেখে ভড়কে গেছি এবং শিষ্টভাবে বিবরে প্রবেশ করে নিরাপদ হয়েছি। গান্ধীজী মাঝে মাঝে কাগজে ও মূল্যকাতে বড় বড় বিবৃতি দিয়ে এখনো অহিংসার জগজ্জয়ী শক্তির স্তুতিব্যাখ্যা করে থাকেন। আর ভয় দেখান যে, ইংরেজের সঙ্গে তার যুদ্ধ আরো দীর্ঘদিন চলবার সম্ভাবনা। কিন্তু ইংরেজের সঙ্গে তার যুদ্ধ যে কল্পনা ব্যতীত আর কোথাও নেই, এ অপ্রিয় সত্য তিনি সময়ে চাপা দেন। সত্যগ্রহ আজ যুদ্ধ-কোলাহল আর হিন্দু-মুসলমানের রক্তারক্তিতে নিঃশব্দে ডুবে গেছে। কিন্তু তা স্বীকার করবার মতন নৈতিক

সাহস সত্যাগ্রহের নেতার নেই। “যুদ্ধবিরোধী ধ্বনি” করে যে সাম্রাজ্যবাদী যুদ্ধায়োজনকে ব্যাহত করা চলে না, ধ্বনি যে শুধুই ফাঁকা আওয়াজ মাত্র, তাতে যে ইম্পাতের আর শীঘ্র বেগকে প্রতিরোধ করা যায় না, এ কথা আজ দিনের আলোর মত স্পষ্ট হয়ে উঠেছে। কিন্তু স্পষ্ট কথাতেও ভণ্ডামীর কুয়াশা দিয়ে অস্পষ্ট করে তোলা যায়। কংগ্রেসীদেরও রাজনৈতিক বিবেকে কাঁটার খোঁচা না লাগে তা নয়। মিঃ মুন্সীর মতন দু'একজন কংগ্রেস থেকে বেরিয়েও আসেন। কিন্তু আমাদের জাতীয় স্বভাব তো যাবার নয়! ঢাক ঢাক গুড় গুড় হলো আমাদের একমাত্র পূঁজি। সত্যকে স্বীকার করবার পৌরুষ আমরা হারিয়ে ফেলেছি। পরাধীনতার আফিম আমাদের চিত্তকে করেছে বিষাক্ত। চমকপ্রদ কথার চাকচিক্য আর মিঠে রসের বিলাসিতা দিয়ে আমরা আমাদের ক্লীবনকে সতত ঢাকা দিই। কাজেই সত্যকে কেউ চোখে আঙুল দিয়ে দেখিয়ে দিলেও আমরা স্বীকার করিনে; নাটকীয় বীরত্বের আশ্বালনে লোকের চোখে ধুলো দিয়ে থাকি। কাজেই দু'একজন মুন্সীতে কী হবে? সাধারণ কংগ্রেসীদের চোখে ধুলোপড়া পড়েছে, তারা অন্ধ। আর নেতারা তো স্বার্থ-সিদ্ধির দক্ষিণাচারী সাধনেই মত্ত আছেন। সত্যমূর্তি-জাতীয় নেতাদের গান্ধীভক্তি ও অস্থিসাপ্রীতি কোন দরের তা' সবাই জানে। তাই শাদুল সিং যখন এ-আই-সি-সি'র সভা ডেকে যুগান্তযায়ী প্রোগ্রাম বদলানোর প্রস্তাব করেন তখন কৃপালিনী-সত্যমূর্তিরা গান্ধীভক্তির প্রেমবিকায়ে সগর্বে গর্জন করতে থাকেন। কিন্তু গর্জন যতই করুন, যুদ্ধবিরোধী আন্দোলন আজ লজ্জাকর প্রহসনে পরিণত হয়েছে। এর পেছনের তত্ত্ব হলো ক্লীবন এবং স্বার্থ ও ক্ষমতাব লোভ। আজ জাতীয় ও আন্তর্জাতীয় ব্যাপারে ভারতীয় নেতাদের নিষ্ক্রিয় জড়ত্বের কারণ হলো ভয় ও লোভ। তাই আজ সমস্ত জাতীয় সংগ্রাম মধ্যপথে এসে স্তব্ধ হয়ে আছে।

দক্ষিণাচারীদের কথা থাকুক, বামদিকের কী করছেন? তাহাদেরও সেই একই পক্ষাঘাত আক্রমণ করেছে। প্রহরে প্রহরে কোলাহল করে এরাও আপনাদের অস্তিত্ব জ্ঞাপন করে আসছিলেন, কিন্তু সে কোলাহলও কিছুদিন যাবৎ বন্ধ ছিলো। মানবেন্দ্র রায়ের ব্যাডিক্যাল দল, কংগ্রেস-সোস্যালিষ্ট দল, ন্যাশনাল ফ্রন্ট দল,—সবাই যেন মূর্চ্ছিত হয়ে ঝিমোচ্ছে। প্রবল বেগ নেই, তীক্ষ্ণ গতি নেই; জোয়ার শেষ হয়ে ভাটার মূর্ত্তা আরম্ভ হয়েছে। এই স্তিমিত অবস্থায় কংগ্রেস, ট্রেডইউনিয়ন কংগ্রেস, কিষাণ সভা, সব প্রতিষ্ঠানেই ঘুণ ধরেছে, জাতীয় জীবনের পাঁকে পাঁকে জীর্ণতা; প্রাণপুরুষ আজ ব্যাধিজর্জর দেহ নিয়ে কবরের প্রতীক্ষায় আছে। কিন্তু আমাদের যাই শোক না কেন, যুদ্ধ চলেইছে। তার রক্তাক্ত রথের চাকা দেশের পর দেশের ওপর দিয়ে গড়িয়ে চলেছে। যুদ্ধের অক্টোপাশ আমাদে দেশকেও চারদিক থেকে বেঁধে বেষ্টন করেছে, আমাদের সমস্ত শক্তিকে নিষ্ঠুরভাবে শুষে নিচ্ছে। এই সংকটকালে আমাদের একদল বলছেন, ইংরেজকে সাহায্য কর। কারণ ইংরেজ হলো ডিমোক্রেসীর শেষ ধ্বজাধারী। ইংরেজ বাঁচলেই ডিমোক্রেসী

জয়প্রা

বাঁচলো, আর তাহলেই আমরাও বাঁচবো। মানবেন্দ্র রায়ের দল হলো এই ব্রিটিশ বিজয়ের প্রধান গভীরথ। আর সঙ্গে আছেন হিন্দুসভার দল, ইংরেজকে আশ্রয় করেই এদেরও সকল আশা জোর ধরেছে। অন্যদিকে 'বিজ্ঞানসম্মত সমাজবাদীরা' এতদিন দিশেহারা হয়ে চুপ করে ছিলেন। কারণ সমাজতন্ত্রের পিতৃভূমি রুশিয়া গত দেড় বছর ধরে ফ্যাসিজ্‌মের সঙ্গে মিতালীতে লিপ্ত থাকায় এদের অবস্থা সবিশেষ অস্বস্তিজনক হয়ে উঠেছিল।

এই দেড় বছর ফ্যাসিস্ত জার্মানীর বিরুদ্ধে জিহাদ কিঞ্চিৎ ফিকে হয়ে উঠেছিল। কিন্তু আজ রুশজার্মান যুদ্ধ আরম্ভ হবার সঙ্গে সঙ্গে আবার এদের প্রাণরিক কোলাহল আরম্ভ হয়েছে। এবার সুর বদলে এরা যুদ্ধসঙ্গীত শুরু করেছেন। যুদ্ধে রুশ দেশকে সাহায্য করতে হবে, ভারতবর্ষের হবে তাই এখন নৈমিত্তিক কর্মযোগ, কারণ সমাজতন্ত্রকে বাঁচাতে হবে, তবেই আমরা বাঁচবো। আর ভারতের সমাজতান্ত্রিক ভবিষ্যৎ লতার মত মুঞ্জরিত হবে রুশ বনস্পতিক আশ্রয় করে। কাজেই কর্তব্য হলো যুদ্ধে শরীক হওয়া। একদল বলেছেন, ইংরেজকে সাহায্য করতে হবে, অপর দল বলেছেন, রুশকে। কিন্তু অবস্থার যোগাযোগে দুই রাস্তাই একই স্থানে গিয়ে মিলেছে। কাজেই দুই যুদ্ধের একই ফল। রুশকে সাহায্য করবার মানেই ইংরেজকেও সহায়তা করা। এপথে বিপদ নেই, কারণ এ হলো সরকারী বাঁধা সড়ক। রুশকে সহানুভূতি দেখানো নিরাপদ রাষ্ট্রনীতিও বটে, আর সমাজতান্ত্রিক আনুগত্য প্রকাশ করাও এতে হয়। এদিকে কংগ্রেস কিন্তু বিপরীত পথে পা দিয়ে ফেলেছে। হরিপুরা থেকে আজ পর্যন্ত যুদ্ধবিরোধীনীতি প্রচার করে এখন ইংরেজকে সাহায্য করা তার পক্ষে সম্ভব নয়। এ হেন পরিস্থিতিতে কোন্ পথে হবে ভারতীয় জনগণের কল্যাণ? যুদ্ধ সম্বন্ধে, সংগ্রাম সম্বন্ধে কোন্ মনোভাব হবে নিভুল পথের দিশা?

ভারতবর্ষের মনোভাব নির্ধারণ করতে হলে বিচার করতে হবে যুদ্ধের প্রকৃতি ও গতিকে এবং ভারতবর্ষের রাষ্ট্রনৈতিক কল্যাণকে। যুদ্ধের স্বরূপ কী? ভারতবর্ষেরই বা কোন্ অপবর্গ সিদ্ধ হবে এই লড়াইয়ের শরীকী করে? যুদ্ধবিরোধ ও যুদ্ধসমর্থন, দুই মতেরই মূল্যনিরূপণ হবে এই মানদণ্ডের বিচারে। প্রথম প্রশ্নের নিঃসংশয় জবাব হল এই যে, বিংশ শতকের এই দ্বিতীয় মহাযুদ্ধ হল অবিমিশ্র সাম্রাজ্যবাদী লড়াই। প্রথম মহাযুদ্ধের পেছনে ছিলো যে সব কারণ, অত্যাচার লড়াইয়েরও পশ্চাতে আছে সেই একই কারণের পূর্ণ সমবায়। ক্যাপিটালিজ্‌মের প্রয়োজন হয় সাম্রাজ্যের, দরকার পড়ে জগৎজোড়া বাজারের! কাজেই বাণিজ্যলোভ থেকে সাম্রাজ্যলোভ আসে; বিত্তের মোহ থেকে আসে মাটির ক্ষুধা। কেবল তাই নয় জলপথেরও ওপরে পড়ে টান। আসে কাড়াকাড়ি, আসে উন্মত্ত হানাহানি। গত-যুদ্ধের জন্ম হয়েছিল দুই সাম্রাজ্যবাদের প্রতিদ্বন্দ্ব থেকে। একদিকে পুরোনো সাম্রাজ্যবাদ, অর্থাৎ জলে-স্থলে ইঙ্গ-আমেরিকান্

বলে দৃষ্টি-কোণের বদল, তার চিহ্নও তো নেই। অত বড় রূপান্তর যদি হয়েই থাকত,—সাম্রাজ্যবাদের যুদ্ধ থেকে ডিমোক্রেসীর ও সমাজতন্ত্রের লড়াইতে পরিণতি—তবে ইংরেজের ব্যবহারে ও বন্দোবস্তে তার ছাপ পড়তো। কিন্তু কই? চিরপুরাণ কূটশাসন এদেশে চলেছে একটানা, সেই সাম্রাজ্যবাদী ক্রুর কৌশল! সেই ভেদনীতি! সেদিন বড়লাটের পরিষদকে বাড়িয়ে নতুন সভা নেওয়া হলো, কিন্তু তাতে আমাদের মধ্যে লাগলো কলহ; যে নীতিতে এটা করা হল, তাতে এদেশীর ঘরভাঙ্গানো আর মনভাঙ্গানো ছুই-ই হলো। দল থাকতেও দলের মত না নিয়ে মিঃ অ্যানেকে নেয়া হল পরিষদে; হক্-সিকান্দর-সাতুল্লাকে নিয়ে মুসলীম লীগে লাগলো অশুঃকলহ। এমনি করে বড়লাটের নীতি সৃষ্টি করলো আমাদের মধ্যে বিশৃঙ্খলা। এ হলো সাম্রাজ্যবাদের চিরস্থান ঔপনিবেশিক নীতি, colonial policy.

অথচ এই নীতির মর্মভেদ আমরা করতে পারছিলাম। আমরা রুশের প্রতি দরদ দেখাতে গিয়ে রোমান্টিক হয়ে উঠি। যুক্তি ও বুদ্ধিকে জলাঞ্জলী দিয়ে আমরা কেবল কাগজী প্রস্তাব পাশ করি আর সাদৃশ্য ভাবে উচ্ছ্বসিত হই। রুশ নাম মর্মে প্রবেশ করলে আমরা আত্মহারা না হয়ে পাইনি; তাই দেখি সমাজতন্ত্রীরাও আজ জাতীয় ঐক্যের ধূয়া তুলছেন। শ্রেণীচরিত্রের ইঙ্গিত, যুদ্ধের স্বরূপ ও প্রকৃতি, ভারতের ভবিষ্যৎ, এসব বিচারের প্রয়োজন নেই; কেবল ডিমোক্রেসীর দোতাই দিয়ে নামমাহাত্ম্যে বিগলিত হলেই হবে। হিন্দু ও মুসলমান, প্রতিক্রিয়াশীল ও প্রগতিশীল, গোঁড়া ও উদার, বিপ্লবী ও লিবারেল--সবাই এসে এক প্ল্যাটফর্মে দাঁড়াও, সকল শ্রেণীর “জাতীয়” ঐক্যের বা consolidationএর শ্রীক্ষেত্র রচনা কর। গত মহাযুদ্ধেও যুরোপের দেশে দেশে এই ধরনের “জাতীয়” ঐক্য গড়ে উঠেছিল; রুশিয়াতেও কেরেন্‌স্কী এই ঐক্য গড়বার চেষ্টা করেছিলেন, যুদ্ধপরিচালনার সৌকর্যার্থে। লেনিন এই ঐক্যের বিরুদ্ধে বলেছিলেন, “I hear that in Russia there is a trend toward consolidation, consolidation with the defensists—that is betrayal of socialism.”

সমাজতন্ত্রের কল্যাণে আমাদের কি কর্তব্য তবে? একথা আজ বুঝতে হবে যে ভারতবর্ষে সমাজতন্ত্রের সঙ্গে স্বাধীনতার অচ্ছেদ্য যোগ। দুশো বছরের পুরোণো সাম্রাজ্যবাদ এখানে মাটির স্তরে স্তরে শিকড় বসিয়েছে। এই নিদারুণ বাঁধন থেকে মুক্তি না পেলে সমাজতন্ত্রের আশা মরীচিকা মাত্র। স্বাধীনতাকে অর্জন করাই ভারতবর্ষের প্রাথমিক কর্তব্য। ইতিহাসের এই হলো বাস্তব পর্যায় বা ক্রম। এই হলো সাম্প্রতিক রাষ্ট্রনীতির প্রথম সূত্র। দ্বিতীয় সূত্র হলো এই যে এ যুদ্ধের স্বরূপ সাম্রাজ্যবাদী এবং অগ্ৰাণ্য দেশ হয়েছে যুদ্ধাঙ্গান সাম্রাজ্যবাদীদের স্বার্থসিদ্ধির উপায় মাত্র। এই ছুই সূত্রের বিচারে কংগ্রেসের নীতির যুক্তিযুক্ততা প্রমাণিত হয়। পথের দিশা কংগ্রেসের ঠিকই আছে, কিন্তু সে নীতির দিক দিয়ে,

জয়শ্রী

ব্যবহারের দিক থেকে নয়। 'ধ্বনির' শক্তি যা-ই হোক, তাতে যুদ্ধবিরোধ হয় না; স্বাধীনতাও নৈতিক বচনের প্রভাবে আয়ত্ত হয় না। স্বাধীনতার জন্য চাই সক্রিয় কর্মপ্রচেষ্টা। সেই সক্রিয় কর্মপ্রচেষ্টার অভাব ঘটেছে বলেই আজ কংগ্রেস রাষ্ট্রীয় ক্ষেত্রে বিকল। ঘটনাস্রোতের ওপরে আজ তার কোন হাত নেই। কেবল কংগ্রেস নয়। অন্যান্য দলেরও সেই কথা। চলমান কর্মপ্রবাহ বন্ধ হয়ে গেছে। তাই রাষ্ট্রীয় জীবনে আজ আবদ্ধ পঙ্কিলতা এবং জড়ত্ব। তাই আজ কাজের বদলে কথার পূজা আর সংগ্রামের বদলে অশ্রুবিসর্জনই আমাদের নিত্যকর্ম হয়েছে। তাই সমাজতন্ত্রী রুশিয়ার জন্য মৌখিক সহানুভূতির ভাবানুভূতি আছে কিন্তু ভারতবর্ষে সমাজতন্ত্রের গোড়া পত্তনের প্রথম যে দুর্কৃত কাজ তার বালাই নেই। তাই আজ সংবাদপত্রে কোলাহল উঠেছে রুশিয়াকে সম্প্রীতি জানানোর জন্য; কার কত প্রীতি জানাবার জন্য ধুম পড়েছে Cables পাঠাবার।

আজ যে আন্তর্জাতিক সংকট পৃথিবীকে গ্রাস করে ফেলছে, তার কার্যকরী ব্যবহার কী ভাবে ভারতবর্ষ করবে, তা-ই আজ ভারতের সম্মুখে জাগ্রত প্রশ্ন। এই প্রশ্নের জবাব চালাকীর দ্বারাও দেওয়া যাবে না, ক্লীবনের দ্বারাও নয়। ঘর সাম্ভাব্য কঠিন প্রয়াস আজ আমাদের করতে হবে। পরকে মৌখিক সহানুভূতি দেখানো বা মিথ্যা ডিমোক্রেসীর নামে মাতামাতি করা, ভারতবর্ষের আজিকার পরিস্থিতিতে অপ্রাসঙ্গিক। ইতিহাসের এই দারুণ সংকটে আমরা পরাজয়-মূলক মনোবৃত্তি নিয়ে ভাবানুভূতিয় সময় কাটাচ্ছি। রোমানের ট্রপিকাল ব্যাধি আমাদের আক্রমণ করেছে; সেই ব্যাধিরই জয় হবে? না, সুস্থ বাস্তবতার দৃষ্টি সাহায্যে আমরা লেগে যাবো বৈপ্লবিক সংগঠনে। ইতিহাস জবাব চেয়েছে, আমরা আজ কী জবাব দেবো?

—*—

ক্ষেত্রমোহন পুরকায়স্থ

সাহিত্যের ভবিষ্যৎ

একজন আধুনিক ইংরাজ কবি ও যশস্বী সাহিত্যিক C. Day, Lewis মন্তব্য করিয়াছেন—Literature will be more concerned with the relation between masses and less with relation between individuals, more definitely a partisan in life's struggle. In fact, it will moralise more. এই ভবিষ্যদ্বাণী লিউইস্ কবির লেখনী নিসৃত হইলেও ইহা তাহার একান্ত নিজস্ব মত নহে—ইহা বর্তমান বাম-পন্থী সাহিত্যিক মাত্রেরই বক্তব্য বিষয়। সাহিত্যের বাজারে বেসাতি করিতে হইলে আজ আর নাকি গায়ক-গায়িকার ব্যক্তিগত আশা-আকাঙ্ক্ষা, ভাব-অনুভূতি, জয়-পরাজয়ের কাহিনী লইয়া আবেদন সৃষ্টি করিলে চলিবে না—ব্যক্তিকে ব্যক্তি মনে করিবার যে ব্যর্থতা তাহা আজিকার সাহিত্যিক না হইলেও অনাগত যুগের সাহিত্যিক নিশ্চয়ই বুঝিতে পারিবেন—সেই ভবিষ্যৎ যুগের সাহিত্য সাধনা বৈষয়িক জীবনের সংগ্রাম সাধনার অঙ্গমাত্র হইবে—এক কথায়, সাহিত্যকে নীতির ক্ষেত্রে আপনাকে উজাড় করিয়া তবে তাহার

প্রকাশ, তার মধ্যে একদিকে সৃষ্টি, আর একদিকে বিনাশ, একদিকে নূতনের বিকাশ, আর একদিকে বিলয়। অজস্র দাক্ষিণ্যে চলে প্রকৃতির সৃষ্টির লীলা, আবার নির্মম হস্তে সেই সৃষ্টিকেই সে নাশ করে। যে ফুলটিকে অগ্নান শোভায় প্রভাত আলোয় বিকশিত ক'রে তোলে, সন্ধ্যার অন্ধকার তাকেই ঝরিয়ে ফেলে ভূমিতলে, বসন্তে নূতন পল্লবে যে বৃক্ষকে মুঞ্জরিত করে তোলে, গ্রীষ্মে তাকেই দাবদাহে শুষ্ক করে, বর্ষণে যাকে সঞ্জীবিত ক'রে, শীতবায়ুর স্পর্শে তাকেই বিশুদ্ধ বিবর্ণ ক'রে অরহেলায় ভূমিতলে বিক্ষিপ্ত ক'রে; আবার আসে নূতন পত্রোদগমের উৎসব, এইরূপে পরিবর্তনের পটভূমিকায়, সৃষ্টি ও বিনাশের ক্রমিক পদসঞ্চারে প্রকৃতির সৌন্দর্য বহুধা বিকশিত হ'য়ে ওঠে। তাই বর্ষার দিনে বর্ষণমুখর প্রকৃতি আমাদের আনন্দে অভিষিক্ত ক'রে আবার শরতের মেঘমুক্ত আকাশ আমাদের অভিনন্দিত ক'রে। অসীম সাধনায় ও নৈপুণ্যে যেক্রপ রেখাটি বিশ্ব-শিল্পী ফুটিয়ে তোলেন ফুলের পাপড়িতে, মেঘের রেখায়, পাখীর পাখায়—আবার নির্মম ঔদাসীন্যে তাকেই অবলীলায় মুছে ফেলেন। রূপ হ'তে রূপান্তরে প্রকৃতির নিত্য বিহরণ, আনন্দে মুখর ও সৌন্দর্যে উজ্জল। তাই তার মধ্যে যেমন আছে সৃষ্টির বিলাসলীলা, তেমনি আছে নির্মম বৈরাগ্য, যার শক্তিতে সে যা কিছু গড়ে তুলেছিল তাকে ধূলিসাৎ ক'রে দিয়ে যায়, কিন্তু তাতে তার প্রাচুর্যের ক্ষয় হয় না, আনন্দ পরাজিত হয় না। সকল পরিবর্তনের মধ্যে, উদয় ও তিরোধানের মধ্যে আমরা কৌতুকময়ীর নৃত্যচপল নুপুর গুঞ্জন শুনে পাই, প্রভাতের আলোকরেখায় সন্ধ্যার বর্ণোদ্ভাসে, বৃক্ষপল্লবের ঈষৎ আন্দোলনে এক অনন্ত আনন্দ-উৎসের ধারার স্পর্শ পাই। মনে হয় প্রাণপর্যায়ের এই বৃষ্টি মূলরহস্য যে রহস্য অফুরন্ত লাবণ্যে প্রাণের সঞ্জীবনে, নিত্য উৎসারিত হয়ে উঠেছে, দিকে দিকে শ্যামল পল্লবে, মানুষের প্রাণে ও মনে।

প্রকৃতির শতসহস্র বিকাশের মধ্যে মানুষও ত একটি, তাই প্রকৃতির রহস্যের ছায়া মানুষের মধ্যেও আমরা প্রতিফলিত দেখতে পাই। প্রকৃতির যে দুইটি বিভিন্নরূপ দেখতে পাই, একটি তার খণ্ড খণ্ড, ক্ষুদ্র সৃষ্টিতে, আর একটি তার সকল সৃষ্টিকে অতিক্রম করে, যে শাস্ত স্বরূপ আছে, আবির্ভাব ও বিনাশের মধ্য দিয়ে যা রূপে, বর্ণে, গন্ধে, স্পর্শে আপনাকে নিরন্তর প্রকাশ ক'রে কিন্তু তাহাতেই নিঃশেষিত নয়। মানুষের মধ্যেও সেই দ্বৈত আমরা প্রত্যক্ষ করি। আমাদের একটি সাংসারিক সত্তা আছে যে সকল প্রকারের জীবন ধারণের উপযোগী আয়োজনে ও ভোগে নিত্য ব্যাপ্ত, জৈবপ্রয়োজনে একান্তভাবে শৃঙ্খলিত, আর একটি সত্তা আছে যে সকল প্রকার প্রয়োজন ও হিসাবের বাহিরে। একটি স্বরূপ আমাদের দুঃখে সুখে, উত্থান পতনে একান্ত বিপর্যস্ত পরিবর্তনশীল জীবনের প্রবাহে নিরন্তর স্পন্দমান, আর একটি স্বরূপ আছে—সকল প্রয়োজন বিনিমুক্ত, প্রসন্নতায় সমুদ্ভাসিত। এই মুক্ত স্বরূপটির আভাস আমরা পাই কাব্যে, সাহিত্যে, শিল্পে, জ্ঞানীর সাধনায় যোগীর যোগাসনে। মানুষ যখন সর্ববিধ দৈব প্রয়োজনের প্রাণিশূলভ প্রবৃত্তিকে অতিক্রম করে, আর একটি গহন অন্তর্লোকের আভাস পায়—তখনই সে আপন বিশুদ্ধতর সত্তা ও গভীরতর আনন্দের সন্ধান পায়। সৌন্দর্য ও আনন্দের সেই উৎসকে তুচ্ছতার স্পর্শ আবিলা করতে পারে না, লোভ, ঈর্ষা মলিন করতে পারে না। যে ঘাত ও সঙ্ঘাত জীবনকে নিরন্তর সংক্ষুব্ধ করে তোলে—বিচিত্র অভিজ্ঞতার সৃষ্টি করে—তারই তটদেশে দাঁড়িয়ে উদাসীন, শুদ্ধ, বুদ্ধ মুক্ত যে স্বরূপ আমাদের অন্তরে প্রোদ্ভাসিত হয়ে ওঠে, তারই আলোকে নূতন সত্য, নূতন অনুভূতি, নূতন তথ্য, নূতন আনন্দ জীবনকে অভিষিক্ত

জ্যোতি

করে সকল ক্ষয়-ক্ষতিকে তুচ্ছ করে। ব্যক্তিকে অতিক্রম করে আমাদের প্রত্যেকের মধ্যে সেই যে অন্তর্যামী আছেন তিনি আনন্দে আত্মপ্রকাশ করেন কাব্যে, সাহিত্যে, শিল্পে, সেবায়, মানুষের প্রতি প্রেমে। সেই গহন লোকের উদ্ভাসে আমরা এমন প্রেমের স্পর্শ পাই যা বৃহৎ করে,—এমন আনন্দের সন্ধান পাই যা স্বচ্ছ সাবলীল প্রবাহে জীবনকে অভিষিক্ত ও মধুর করে তোলে, এবং যে প্রীতি কোনও প্রাপ্তির অপেক্ষা রাখে না, কেবলমাত্র আপ্লাবনে হৃদয়কে স্তম্ভিত করে, যে দেওয়াতে প্রার্থনা থাকে না, আপনার মহৎ ঐশ্বর্যের পরিচয় যে আপনি বহন করে আনে—সেই প্রীতি, ও আত্মদানেই সেই অন্তর্মহিমাকে বাহিরের জগতে সূচিত ও উদ্ভাসিত করে তোলে।

জ্ঞাত বা অজ্ঞাতসারে আশৈশব প্রকৃতির লীলানিকুঞ্জে আনন্দের উৎসে যে রহস্যটি নিরন্তর নির্ভাসিত হয়ে উঠছে—তারই স্পর্শে, নিয়মে আমরা নিয়ন্ত্রিত ও গঠিত হয়ে এসেছি। প্রকৃতির বিধানে আমাদের আবির্ভাব। তারই বৈশিষ্ট্যের ছাপ আমাদের অন্তরে আমাদের প্রকৃতিতে তাকেই অনুসরণ করার প্রেরণা অনুভব করতে পারি। সেইখানেই আমাদের শিক্ষার মূলমন্ত্র, সেই লীলা নিকেতনই আমাদের শিক্ষালয়। সামাজিক ও সাংসারিক বিধানে মানুষ নানাবিধ শিক্ষার ব্যবস্থা ও প্রতিষ্ঠান গড়ে তুলেছে। তার মধ্যে দুইটি বিভাগ দেখতে পাই একটি জৈব প্রয়োজনের অনুকূল শিক্ষা, যান্ত্রিক ও ব্যবহারিক নানা প্রকারের। আমাদের বর্তমান প্রসঙ্গ ও অবসরে সেই বিষয় এখানে আলোচ্য নয়। শিক্ষার আর একটি বিভাগের উদ্দেশ্য আমাদের মধ্যে সকল প্রয়োজনের বাহিরে, যে ব্যাপকতর মুক্তস্বরূপ আছে তাকেই জাগ্রত করা। তাই আমাদের কাব্য, সাহিত্য, দর্শন, শিল্প প্রভৃতির পাঠের, আলোচনার ও শিক্ষার ব্যবস্থা দেখতে পাই। যুগে যুগে যে লোকাতীত আনন্দের আশ্বাদে মানুষের চিত্ত উদ্বেলিত হয়ে উঠেছে—তারই স্পর্শ ও উদ্বোধনে শিক্ষার্থীদের চিত্ত জাগ্রত হোক, এই উদ্দেশ্য তার মূলে আছে। আপনার অন্তরের যে রসমূর্তিকে প্রত্যক্ষ করে কালিদাস পুলকে উচ্ছ্বসিত হয়ে উঠেছিলেন, শেক্সপীয়ার মানব-চিত্তের যে রহস্য উন্মোচন করেছিলেন, রবীন্দ্রনাথ যে সৃজনানন্দে আত্মহারা হয়েছিলেন, দার্শনিক যে অভিনব তত্ত্বের আনন্দে আত্মহারা হয়েছিলেন, যে প্রেমে বুদ্ধ প্রভৃতি নিমগ্ন হয়েছিলেন—তারই সঙ্গে ঐক্যতানতায় মানুষ আপনার মধ্যে আর একটি বৃহত্তর, সুন্দরতর, মহত্তর স্বরূপকে উপলব্ধি করতে পারে। আমাদের নিজেদের মধ্যেই সেই অতি-মানবের স্পর্শ লাভ করতে পারলে সকল দুঃখ সুখ ঘাত-সজ্বাত আমাদের বিপর্যস্ত করতে পারে না, আনন্দকে মলিন করতে পারে না, সে সকল তুচ্ছাতুচ্ছ ঘটনাকে রমনীয় করে। দুঃখশোকের ও ব্যর্থতার মধ্যেও প্রকৃতির অঙ্গনে নটরাজের যে নৃত্যধ্বনি মুখরিত হয়ে উঠছে, তারই রেশ শুন্তে পাই এবং তখনই সংসারের মধ্যে থেকেও সংসাররতীতের দর্শন আমরা পাই। পুষ্পকোরক যেমন করে তার পাপড়ির আবরণ উন্মুক্ত করে বিশ্বসভার সৌন্দর্যকে অভিনন্দিত করে, তেমনি করে যেন শিক্ষার্থী আপন আবরণ উন্মোচন করে গহনলোকে প্রস্ফুটিত হতে পারে। আপনার নির্মল স্বরূপকে উপলব্ধি করতে পারে, সকল দৈনন্দিন আবর্জনাকে ধৌত করে, প্রেমে সহজ, আনন্দে সার্থকতায় পরিপূর্ণ হয়ে উঠতে পারে, নূতন উন্মেষে জ্ঞানের ও প্রেমের দীপ্তিতে জগতকে সুন্দর ও মধুর করতে পারে নিজেকে সৃষ্টি করতে পারে নূতন রূপে।—নূতন আলোকে তার হৃদয়দল বিকশিত হয়ে উঠতে পারে—এই হ'ল শিক্ষার মূল রহস্য। প্রকৃতির এই মর্মকথাটি তাই বাণীহীন নিঃশব্দ সঙ্গীতে আমাদের অন্তরে ধ্বনিত হয়ে উঠেছে।

জ
ন
ক
ন
স
স
স



শি
শ্রে
স
স
স

শ্রীশচন্দ্র চট্টোপাধ্যায়, স্থাপত্য-বিশারদ

আমাদের রাষ্ট্রীয় সমস্যা এতদূর জটিল হইয়া উঠিয়াছে যে সমস্যার সমাধানকামী নেতারা, রাষ্ট্রীয় স্বাধীনতা না পাওয়া পর্যন্ত, সমাজ ও জাতির কল্যাণকর সংস্কার-কার্যে মনোনিবেশ করিতে অবসর পান না। তাঁহারা বলেন যে রাজনৈতিক পরাধীনতা হইতে দেশকে মুক্ত না করিতে পারিলে দেশের শিল্প ও সংস্কৃতির উদ্ধার সম্ভবপর নয়। পরাধীন, দরিদ্র অবস্থায় শিল্প ও সংস্কৃতি সম্পূর্ণরূপে উদ্ধার করা যে সম্ভবপর নয় সে কথা অস্বীকার করা যায় না। কিন্তু সেই অজু-হাতেই যে শিল্প ও সংস্কৃতিকে, রাষ্ট্রীয় স্বাধীনতা না পাওয়া পর্যন্ত, একেবারে অনাহারে রাখিতে হইবে এইরূপ যুক্তি আমরা গ্রহণ করিতে অক্ষম। বিগত পঞ্চাশ বৎসর যাবৎ কংগ্রেস, বহু চেষ্ঠা সত্ত্বেও, স্বরাজ প্রতিষ্ঠা করিতে সক্ষম হয় নাই। আরও বহুবৎসর কংগ্রেসকে এই সম্পর্কে যুদ্ধ করিতে হইবে হয়ত। কিন্তু দুই সহস্র বৎসর কালের জ্বলন্ত স্থাপত্যের অনল ততদিনে নিভিয়া যাইবে যে। অতঃপর, স্বরাজ পাওয়া সত্ত্বেও জাতির শ্রেষ্ঠতম গৌরব, ও পৃথিবীপ্রসিদ্ধ ভারতের স্থাপত্যকে রক্ষা করিতে পারা যাইবে না, অবিলম্বে যদি সমগ্র ভারতবাসী তাহা করিতে সচেষ্ট ও সক্রিয় না হন। সে কথা তাঁহারা ভাবেন কি?

মহিলার পাঠাগারে সজ্জিত থাকিত। রূপে, গুণে, পাণ্ডিত্যে অতুলনীয় ও সর্ববিধ কলাকুশলা, বারঙ্গনা শ্রেষ্ঠা অম্বপালিকার অভিজাত সমাজের প্রত্যেক স্তরে অসামান্য প্রভাব প্রতিপত্তির ও সর্বশেষ তাঁহার বুদ্ধির চরণে আয়ু-নিবেদনের কাহিনী ভারতের ইতিবৃত্তে স্থান পাইয়াছে।



কলশাচের আধাব—পদ্ম পত্রের উপরে পদ্মকোরক।

সেকালের শিল্পীরা রাজা-প্রজা সকলেরই পুষ্পোৎসব প্রায় পুষ্ট হইতেন। দরিদ্রা-মহিলা এক বিধবারা প্রাসাদ ও মন্দির কক্ষ, গৃহ ও প্রমোদ ভবন, স্কুলমন্দির শিল্পদ্বারা সজ্জিত করিয়া অর্ধোপার্জন করিতেন। এই যুগেও এবিধ কলাকুশলার অস্তিত্ব বহুদিন। কয়েক বছর পূর্বে যশোরের পর্যটন কালে আমি লক্ষ্য করিয়াছিলাম মতারাওয়ারীর প্রাসাদের একটি কক্ষের দেওয়ালগারে চিত্ররূপে ব্যপ্তা মলিন বসনা রাজপুত্র রমণী। শুনিয়াছিলাম যে রমণী চুরির অপরাধে

জেলের কয়েদী। দরিদ্র কৃষক কণ্ঠা। রাজস্থানে একদা চিত্র-কলার কিরূপ প্রসার ছিল তাহা উক্ত রমণীর দৃষ্টান্ত হইতে বোধগম্য হয়। মেবার রাজ্যে কৈলবারা ও কুম্বলগড় (কমলমীর্) প্রভৃতি মধ্য যুগের শহরে অসংখ্য পুস্তক বাটির দেওয়ালগুলি স্ত্রী লোকের দ্বারা চিত্রিত করা হয়। আমি কয়েকটা চিত্রের আলোক চিত্র লইয়াছিলাম। যোধপুর ও মেবারের সঙ্গম স্থলে ভীল পল্লীর পর্ণকর্টারে দেখিয়াছি স্ত্রীলোকেরা ভৈরো (ভৈরব) সিংহমহিনী প্রভৃতির মূর্ত্যমূর্তি নির্মান করিতেছেন। দক্ষিণ ভারতের জননী ও কণ্ঠা আবহমান কালের অলিখিত শিল্প-রচনার রীতি-পদ্ধতিকে নিষ্ঠা ও অধ্যাবসায়ের সহিত বাঁচাইয়া রাখিয়াছেন।



পোড়া মাটি ও সিমেন্টের কাজের নমুনা।

অধুনাতন ভারতের ধন-কুবেরগণ প্রভূত অর্থব্যয়ে আধুনিক আমেরিকান ও রোমান ধরণের সৌধ মন্দির ও উদ্যান প্রস্তুত করাইয়াছেন। কিন্তু সেই সকল উদ্যানে গমন করিলে প্রাচীন ভারতের প্রমোদ উদ্যানের কোনও প্রতি-চ্ছবি পরিলক্ষিত হয় না। সংস্কৃত ও পালি-সাহিত্যে নরপতি ও শ্রেষ্ঠীদের প্রমোদ কাননের, অচ্ছাদ সরসী-নীরে ভাসমান বিলাস ভবনের যে উজ্জল বর্ণনা আছে তাহাতে সমগ্র চিত্রটি পাঠক-পাঠিকার মানসপটে প্রতিফলিত হইয়া উঠে। প্রাচীন ভারতের যন্ত্রধারা গৃহ, প্রেক্ষাগার, নৃত্যশালা, সাগরগৃহ, মনিশিলাপট্ট, মানমন্দির, বসন্তমঞ্চ, দোলকুঞ্জ, মাধবীকুঞ্জ, তমাল বীথিকা, বকুল বীথিকা তাহাদের প্রাচীন নামের মোহ-মাধুরিমা লইয়া কেবল মাত্র প্রাচীন গ্রন্থেই অধিষ্ঠিত আছে কিন্তু এই কালে ও আমাদের ফুলবাগানে তাহাদের সন্নিবেশ করা কষ্টসাধ্য অথবা অর্থ-সাপেক্ষ নহে। বীকানের, যোধপুর, উজ্জয়িনী ও কাশ্মীরে সেরূপ উদ্যান আমি দেখিয়াছি।

সুদূর অতীতের পঞ্চনদের তীরে যে আর্ষ-সভ্যতার প্রথম উন্মেষ হইয়াছিল, পাঁচহাজার বছর আগে সিন্ধু উপত্যকার মোহেন-জো-দড়ো এবং হরপ্পায় যে দ্রাবিড় সাহিত্য ও শিল্প-কলার নিদর্শন পাইয়াছি, তাহাই পরবর্তী যুগের হিন্দু ভারতের সংখ্যাভীত মঠ ও মন্দিরের বিজয় বৈজয়ন্তির তলে পরিপুষ্ট ও বিকশিত হয়। অজম্মা, এলোরা, ভুবনেশ্বর, দিলবারা, মাছুরা, পশুপতিনাথ, ঔংকারধাম ও তাজমহল বিশ্ব-সভ্যতার দরবারে ভারতবাসীর জগৎ সর্বশ্রেষ্ঠ স্থান নিরূপিত করিয়াছে। ভারতের স্থাপত্য ও ললিতকলা ভারতের সভ্যতা ও সংস্কৃতিরূপী মহাদ্রুমের ফুল ও ফলের স্বরূপ। ভারতের দেবায়তন হইতেই ভারতের সভ্যতা ও প্রতিভার সর্বমুখী বিকাশের প্রমাণপঞ্জী পাওয়া যায়। ভারতের অসাধারণ স্থাপত্যকলা, ভারতের অনবদ্য শিল্পসুশমা মণ্ডিত মন্দির ও হর্ম্য, দেউল ও মঠ মাত্র কয়েক মুহূর্তের জগৎ নিরীক্ষণ করিলে যে কোনও সভ্যমানব, সুদূরের বিদেশী, ভারতের সভ্যতার অন্তরাত্মার আলেখ্য পাইবেন যাহা বেদ পুরাণ, রামায়ণ মহাভারত, ধর্ম, দর্শন, শাস্ত্র, জ্যোতিষ, শিল্প-শাস্ত্র, সাহিত্য ও কাব্য হইতে বহুকাল ধরিয়া অধ্যয়ন করিলে পাওয়া যায়। হিন্দুর এক একটি দেব মন্দির, বিজয়নগরের এক একটি প্রাসাদ নিকেতন, হিন্দুর শিক্ষা ও সভ্যতার, কল্পনা ও সৃজন শক্তির প্রস্রবন স্বরূপ।

কাল চক্রের আবর্তনে এবং বিভিন্নমুখী ঘটনার ঘাত-প্রতিঘাতে সভ্যতার আকর ভূমি ভারতবর্ষ আজ নানা ভাবে বিপর্যস্ত ও দুর্দশাগ্রস্ত। সেই হেতু হিন্দুর রাষ্ট্রীয় ও সামাজিক জীবন ও অধোগামী, ভিতরের ও বাহিরের নানা সংঘর্ষ ও সংঘাতের কবল হইতে সে আজ আত্মরক্ষা করিতে অসমর্থ। দারিদ্র, কু-শিক্ষা ও কুসংস্কার আজ তাহার অন্তরাত্মাকে আহত ও কলুষিত করিয়াছে।

কলিকাতায় একটি ভারতীয় স্থাপত্য-বিদ্যালয়ের প্রতিষ্ঠার উদ্দেশ্যে এই সেদিন বিশ্ববিদ্যালয়ের সিনেট হ'লে, নিখিল ভারতের স্থাপত্য শিল্পের একটি বিশিষ্ট প্রদর্শনীর আয়োজন করার প্রয়োজনীয়তাও বিবেচিত হয়। তজ্জন্য শ্রদ্ধেয়া লেডী প্রতিমা মিত্রের আবাস ভবনে প্রস্তাবিত বিদ্যালয়ের কার্যনির্বাহক মণ্ডলীর একটি সভা আহুত হয়। সেই সভার সহানুভূতি প্রার্থনা করিয়া স্থানীয় কলেজগুলির কতিপয় ছাত্রী ও অধ্যাপিকা এক আবেদন পত্র পাঠাইয়াছিলেন এই মর্মে, যে গভর্নমেন্টের শিক্ষা বিভাগ মেয়েদের স্থাপত্য অথবা সুকুমার শিল্প শিক্ষার কোনও প্রকার ব্যবস্থা করেন নাই, এমন কি ইঞ্জিনিয়ারিং কলেজে এবং গভর্নমেন্ট আর্ট স্কুলেও দেশীয় স্থাপত্যের শাখা নাই। উক্ত প্রতিষ্ঠানগুলিতে বাঙ্গালী ছাত্রীদের প্রবেশ নিষিদ্ধ। প্রস্তাবিত স্থাপত্য-বিদ্যালয় ও প্রদর্শনীর কর্তৃপক্ষেরা যেন এরূপ ব্যবস্থা করেন যাহাতে ছাত্রীরা শ্রেষ্ঠতম স্থাপত্যশিল্পের শিক্ষালাভ হইতে বঞ্চিত না হন। কিন্তু বড়ই আশ্চর্যের বিষয় যে কংগ্রেস প্রভৃতি প্রতিষ্ঠানের নেতৃবৃন্দ সে সভায় উপস্থিত থাকা সত্ত্বেও ছাত্রীদের আবেদন গ্রাহ্য করেন নাই।

আমার বিশ্বাস চাকু ও কারু শিল্পের সৌন্দর্য সুসমা পরিকল্পনা করিবার যোগ্যতা পুরুষের চেয়ে মেয়েদের কোন অংশে কম নয়। বাসভবন কিরূপে প্রয়োজনের উপযোগী, পরিষ্কার পরিচ্ছন্ন ও সর্বাঙ্গসুন্দর করিতে পারা যায় তদ্বিষয়ে বরং তাঁহাদের আগ্রহ, ঐকান্তিকতা ও নিষ্ঠা বেশী দেখা যায়। উত্তর ব্রহ্মদেশের শাণ, কোচিন ও চীন প্রদেশের গণগ্রামেও আমি দেখিয়াছি স্থানীয় রমণীদের পরিকল্পনা ও তত্ত্বাবধানে সুদৃশ্য অথচ অনাড়ম্বর কুটার ও মন্দির নির্মিত হয়। তাহার কারণ ব্রহ্মদেশের পারিবারিক ও সামাজিক জীবনে ব্রহ্মরমণীর যেরূপ স্বাধীনতা আছে পৃথিবীর অন্যত্র স্ত্রীলোকের সেইরূপ অবাধ স্বাধীনতা নাই। ফলতঃ বনে জঙ্গলে হাতীধরা হইতে জেলের দারোগা হওয়া পর্যন্ত কর্মজীবনের প্রতিস্তরেই ব্রহ্মমহিলার প্রাধান্য। সুখ ও শান্তির লীলা-নিকেতন, স্বচ্ছন্দগতি সামাজিকজীবন প্রবাহের ঐক্যতান, ঐ স্বচ্ছতোয়া ইরাবতীর তটচুম্বী সুবর্ণ-ভূমিতে বিরাজিত ও মুখরিত।

এই প্রবন্ধের সঙ্গে প্রকাশিত মন্দির, ভবন ও শিল্পকার্যের নমুনাগুলি লেখক শ্রীযুক্ত শ্রীশ চন্দ্র চট্টোপাধ্যায়, স্থাপত্য বিশারদ, কর্তৃক পরিকল্পিত ও তাঁহার তত্ত্বাবধানে নির্মিত। তাঁহার সহকারী স্থপতি ও কৃষ্ণীভাত্র শ্রীযুক্ত মণিলাল রায়ের সহযোগিতা বিশেষভাবে উল্লেখযোগ্য। উদীয়মান স্থাপত্য শিল্পী, বিবিধ কলাকুশলা, কুমারী বুলবুল মিত্র, এম.-এ. পরিকল্পনা ও মডেল নির্মাণের কার্যে আংশিক ভাবে সাহায্য করিয়াছেন। সুপ্রসিদ্ধ কন্ট্রাক্টর মেসার্স এম, এল, ডালমিয়া কোম্পানীর সুযোগ্য কর্ণধার শ্রীযুক্ত অর্জুন প্রসাদ ডালমিয়া কয়েকটা মন্দির ও ভবন নির্মাণের জন্ত দায়ী।

চিম্নীর ওপর শকুনি

গণেশ বন্দ্যোপাধ্যায়

রেল লাইনের এপারে শ্রমিকদের বস্তু। ওপারে মিল। কাজে যায় সব রেল লাইনের তলা দিয়ে। এফোঁড় ওফোঁড় একটা সুড়ঙ্গ।

ভোর সকালে ওপারে ভোঁ বাজে। এপারের যত সব পিলপিল করে গর্তে গিয়ে ঢোকে। নীরব ব্যস্ততায় দিনের শেষে যেন পরিশ্রান্তি নেমে আসে! চিম্নীর মুখে ধোঁয়া পড়ে এলিয়ে। পাশ দিয়ে মেল গাড়ীটা ঝকঝক করে চলে যায়। রেলের লাইন থেকে রোদ গিয়ে পড়ে চিম্নীর গায়ে। আলোর পৃথিবী আসে নিভে। মাঠ থেকে পাখীগুলো কোলাহল তুলে বাসায় ফেরে।

কলের ছুটি হয়, ভোঁ বাজে। যেন মোষের পাল, কাতারে কাতারে বেরিয়ে আসছে। ওপারে রেল লাইন। নীচে সুড়ঙ্গ। অন্ধকার পাতালের ভিতর দিয়ে তারা এপারে উঠে আসে।

খেমন ক্রমেই পিছিয়ে পড়ে। ভীড়ের সঙ্গে সঙ্গতি রাখতে পারে না। পরিশ্রান্ত, তার ওপর জ্বর এসেছে। দেহটা গুটিয়ে গেছে। হাড়ের খিলেনগুলো গেছে খুলে। কোন রকমে শরীরটাকে সামনে ঠেলে নিয়ে চলে।

ঘরে এসে আর দাঁড়াতে পারে না। বাইরে খাটিয়া পাতা থাকে, শুয়ে পড়ে।

দুর্গা ঘরে ছিল, বেরিয়ে আসে। বলে, এখন আবার শুলি কেন? চল্ খাবি চল্!

—তুই খেগে, আমি খাব না। আমার জ্বর এসেছে। বলে খেমন পাশ ফিরে চোখ বোজে। ফোঁতে আর দুঃখে দুর্গা গুমরে ওঠে, বারণ করলে শুনবি না তো। বল্লাম যাসনি, জ্বর গায়ে কষ্ট হবে। যেমন শুনলি না। নে এবার মর, আমার কি!

খেমনের পক্ষে কাঁড়নি অসহ। বলে, নে নে থাম, খুব হয়েছে, আর চেষ্টাসনা!

সর্বান্তে বেদনা। ভাল লাগে না! রাগ ধরে! গা হাত পাগুলো যদি একটু টিপে দেয় তাও নয় হয়। নিরুপায়ে খেমন অক্ষুট শব্দ করে। ঘন ঘন পাশ ফেরে।

দুর্গা কপালে হাত দেয়। নিঃসহায়ে খেমন লাল চোখ দুটো খুলে দেখায়। লাল চোখ দুর্গা অনেকবার দেখেছে। ও তার সয়ে গেছে।

খেমন কিন্তু সহঁতে পারে না। অধীর হয়ে গোঙ্গায়। খাটিয়াটা মাঝে থেকে কাঁকিয়ে ওঠে। দুর্গার ভয় করে। মমতায় চোখের পাতা দুটো কাঁপে। বলে, হ্যাঁ রে কষ্ট হচ্ছে, গা হাত পা টিপে দেবো?

মানুষ হয়েও কেন যে এর উত্তর চায় খেমন ভাবতেও পারে না। তবু বলতে হয় ভিখারীর মত, দিবি তো দে, শরীরটা বড় কামড়াচ্ছে!

—সর, বসতে দে!

জয়প্রা

খেমন সরে যায়। দেহ যেন জুড়িয়ে যায়। দুর্গা পা টিপে দেয়। সন্ধ্যার হাওয়া বয়। গাছের পাতা নড়ে। দুর্গার কপালে চুল ওড়ে। দড়ির খাটিয়া দোলে। ঘুমের আবেশে খেমনও দোল খায়।

ওদিকে ঘরের ভিতর মেয়েটার ঘুম ভেঙ্গে যায়। ব্যগ্র দৃষ্টিতে চেয়ে দেখে, মা নেই। ঘর অন্ধকার। থাবা মেঝে উঠে বসে। হামাগুড়ি দিয়ে খানিকটা অন্ধকারে ঘুরপাক খায়। শেষে দরজার কাছে গিয়ে উঁকি মারে। গুড়ি মেঝে মাকে দেখে হাসে। দুর্গা জানতেও পারে না। হঠাৎ পায়ের ওপর কি যেন কিলবিল করে ওঠে। চেয়ে দেখে ছুল্লী। দুর্গা হাত বাড়াল, আয়!

ছুল্লী যেন গলে যায়। সোহাগে মায়ের বুকে কাঁপিয়ে পড়ে।

খেমন নড়ে ওঠে, আঃ, কি হলো?

—কি হলো চেয়ে দেখনা! দুর্খী হেসে বলে। ছুল্লীকে নিয়ে লোফালুফি করে। খেমন চেয়ে থাকে। তারপর একটু একটু করে দৃষ্টি বুজে আসে।

মহাদেও আসে বেড়াতে। ছুল্লীকে নিয়ে দুর্গা গিয়ে ঘরে ঢোকে। খেমন টেরও পায় না। মহাদেও ঝুঁকে পড়ে বলে, এই! তারপর আশ্বে আশ্বে ধাক্কা দেয়, শুয়ে কেন, ওঠ!

—জ্বর এসেছে।

—এক্ষণি ভাল হয়ে যাবে। উঠে বোস, বলছি।

ঠিক সময়ে মানসিংও এসে দাঁড়ায়। মহাদেও সাক্ষী মানে। বলে, বোতল দেখলে ভূত পলায়, তো জ্বর!

—নিঃসন্দেহে। কিন্তু আশ্বে।—সায় দিতে মানসিং দেবী করে না। বলে, কই হাত দোখ?

খেমন হাতখানা বাড়িয়ে দেয়। চোখ বুজে মানসিং শক্ত করে নাড়ী টিপে ধরে। সকৌতুকে মহাদেও কৌতুহলী হয়ে ওঠে, কি রকম মনে হয়?

—বিশেষ কিছু নয়। ছ'চোক পেটে পড়লেই ছেড়ে যাবে।

তপস্বী ভেঙ্গে যায়। চোখ খোলে।

মহাদেও দু'জনকে ছুটো বিড়ি এগিয়ে দেয়। বলে, তবে আর দেবী কেন, হয়ে যাক তা হলে?

খেমন উঠে বসে, বেশ আনাও তা হলে।

—পয়সা? আসল জায়গায় মানসিং এতক্ষণে ঘা দেয়। সমাধানে মহাদেও দেবী করে না। বলে, কেন তিনজন রয়েছি, সমান সমান দাও!

যুক্তিতে বাঁধুনি আছে। কেউ অস্বীকার করতে পারে না।

মুষ্কিল হয় খেমনের। বলে, আমায় কিন্তু আজ ধার দিতে হবে। কঠিন বাস্তবে মহাদেও সঙ্গে সঙ্গে মুখ খুবড়ে পড়ে, না বাবা এ সব ব্যাপারে ধার-ধোর চলে না। নগদ চাই, নগদ।

বিভোরের মত মানসিং মাথা নাড়ে, একশোবার। সঙ্গে সঙ্গে খেমনকে চোখ ঠাওরায়, কেন ছল্লীর মায়ের কাছ থেকে কিছু নে না?

খেমন হাত জোড় করে, ওরে বাপ্‌রে, তাহলেই হয়েছে! মদ খাওয়া বার করে দেবে।

—মদ! সবিস্ময়ে মহাদেও মানসিংকে প্রশ্ন করে, মদ মানে?

মানসিং অসহায় চম্কে ওঠে, সত্যি মদ মানে? কিসের মদ! খেমন ঘাবড়ে যায়, তার মানে!

—মানে ওষুধ। মহাদেও গদগদ হয়ে ওঠে।

—হ্যাঁ নিশ্চয়ই, মানসিং পরিষ্কার করে দেয়, অসুখ হয়েছে, ওষুধ চাই না? পয়সা খরচ না করলে অসুখ কি অমনি সারবে?

যুক্তিতে কৌশল আছে। উৎসাহে খেমন উদ্দীপ্ত হয়ে ওঠে। নম্র হেসে শুয়ে পড়ে।

পরামর্শ করে দুর্গাকে ডাকা হয়। মহাদেও সকলের বয়সে বড়। যথাসম্ভব গুরুত্ব নিয়ে বলে, যে রকম দেখছি তাতে মনে হয় অবস্থা খারাপ। সময় থাকতে ওষুধ দিলে অবশ্য কোন ভয় নেই। বলা যায় না, পেটে ওষুধ পড়লে হয় তো এখুনি ভাল হয়ে যেতে পারে।

দরজার পাশে দুর্গা ঘোমটা মুখে দাঁড়িয়ে থাকে। মানসিং আশ্বাস দেয়, তা ছাড়া আমরা যখন রয়েছি, নিয়ে যাই, তারপর ডাক্তার দেখিয়ে নয় পৌঁছে দিয়ে যাব।

মহাদেও বলে, যেতে হলে কিন্তু এখুনি ওঠা দরকার। মানসিং উঠে পড়ে, বেশ তা হলে ওঠো! মহাদেও দ্বিধাবোধ করে, তা নয় হলো। কিন্তু পয়সা না দিলে তো ভালো ওষুধ দেবে না। অসুখ সারবে কি করে!

নূতন সমস্যা! মানসিং চিন্তিত হয়ে ওঠে। বলে, আচ্ছা আটগুণা পয়সা তো নিয়ে যাওয়া যাক। বেশী লাগে যদি তখন দেখা যবে।

—সেই ভাল! নিশ্চিত হয়ে মহাদেও উঠে দাঁড়ায়।

দুর্গাকে আর দরজার পাশে দেখা যায় না। ওরা দেখে দুটো সিকি সেখানে চক্‌চক্‌ করছে। মহাদেও ইসারা করে। সমস্তম্বে মানসিং গিয়ে তুলে নেয়।

দূর বেশী নয়। ব্যবস্থা ভাল। ওপারেই শূঁড়ি খানা। খেমন যেন শিশু, হাঁটতে জানে না। দু'জনের কাঁধে ভর করে পা পা করে চলে যায়।

রাতের আকাশে তারা জ্বল্‌জ্বল্‌ করে। রাত করে খেমন ঘরে আসে। দুর্গা ধরে ফেলে মুখে তার মদের গন্ধ।

বলে, তুই মদ খেয়েছিস্!

জয়প্রা

— ছোড় দে বলছি ! দুর্গা প্রাণপণে ধস্তাধস্তি করে ।

উপর্যুপরি খেমন মারে লাথি । বেপরোয়া তেজে সে যেন মরিয়া হয়ে উঠেছে । অব্যক্ত বেদনায় দুর্গা বিকৃত হয়ে আসে । এলোচুল আর চোখের জলে ছটফট করে ।

একখানা ঘর । ছল্লী কাঁদছে । দুর্গা কাঁদছে । রাগী পাগলের মত খেমন গজরাচ্ছে আর ঠেঙাচ্ছে । হঠাৎ ঘরের ভেতর ছায়া পড়ে । বাইরে ভীড় জমে গেছে । খেমন ক্রক্ষেপ করে না । ছিটকে বেরিয়ে যায় ।

গুম হয়ে দুর্গাও বসে থাকে । সাদা ছুটো চোখ । জলে যেন ছুটো কড়ি ভাসছে । একাগ্র দৃষ্টি । হিংস্র তারা দুটো জ্বলছে ।

নিজেও কিছু খেলে না । মেয়েকেও মাই দিলে না । শক্ত করে চুল বেঁধে উঠে দাঁড়াল । ছল্লীকে নিলে পিঠে বেঁধে । হাতে নিল ঘাস-কাটা খুরপী । তারপর ঘরে শিকল তুলে দিয়ে রাস্তায় এসে দাঁড়াল ।

কোথায় দিগন্ত বিস্তৃত প্রান্তর ? হাতে তার খুরপী । দুর্গা চলে যাচ্ছে । শুকনো মাঠের ঘাস তাকে ডাকছে ! চাইতে পারে না । চোখের সামনে তীব্র রোদ ! সর্বান্তে নিদারুণ বেদনা ! চোখের সামনে বিশ্ব যেন ছুলছে । পিঠে বাঁধা ছল্লী । সেও ছুলছে ।

* * * * *

মহাদেও বলে, ভেবে কি করবি ? রাগ করে গেছে, আবার ফিরে আসবে । মানসিং স্বীকার করে না । বলে, হ্যাঁ বাপের বাড়ী গেছে কিনা, তাই ফিরে আসবে ! ছটুলালের বুড়ো দিদিমা মাথা নাড়ে বিজ্ঞ কণ্ঠে বলে, ভাবিস না । ছ'দিন সবুর করে দেখ । কোথায় আর যাবে । ফিরে আসবেই !

—তা আর নয় ! মানসিং বাদ সাধে, যেখানেই যাক, ফিরে সে কিছুতেই আসবে না ।

মহাদেও খোঁচা দেয়, না আসবে না, তাকে বলে গেছে ।

পাঁচজনার মাঝে কথাটা চাবুকের মত পড়ে । মানসিংয়ের চোখ ছুটো বেরিয়ে আসে, বলে, একটু মুখ সামলে, বুঝেছ মহাদেও !

—যা যা তোর মত অনেক দেখেছি—যা ! তুড়ি মেরে মহাদেও উড়িয়ে দেয় । মানসিংও ছাড়ে না । সজোরে চেপে ধরে, বটে নাকি ? দেখাও না মুরোদ কতখানি ?

ঝান্সু গলায় দিদিমা এবার ঝেঁজে ওঠে, থাম থাম খুব হয়েছে, বাজে বকিস না । সব-টাতেই তোর পাকামী ।

—তা বলে মহাদেও কেন ওকথা বলবে ?

—বেশ আর বলবে না, চুপ কর ! দিদিমা স্নিগ্ধ হয়ে আসে । বলে, খেমনের খাওয়া বোধ হয় এখনও হয় নি ?

—হবে কোথেকে! মহাদেও সুযোগের সদ্ব্যবহার করে, একে মনের ঠিক নেই, তার ওপর পাঁচজনে পাঁচ কথা বললে কখন মাথার ঠিক থাকে?

পাঁচজনা মানেই মানসিং। মানসিং গৌজ হয়ে বসে থাকে।

মহাদেও উঠে পড়ে। খেমনেরও হাত ধরে টানে, নে ওঠ্ চ'!

—কোথায় নিয়ে যাচ্ছিস? ব্যগ্রস্বরে বুদ্ধা যেন ধমকে ওঠে। সবিনয়ে মহাদেও হাসে। সারা মুখে কাঁচা পাকা দাড়ী।—কোথাও নয়, এই একটু বেড়িয়ে নিয়ে আসি। জোছনা রাত। বেশ ফুরফুরে হাওয়া দিচ্ছে। একটু ঘুরে আসি না?

বুদ্ধার মনে ধরে, বলে, বেশ যা। তবে বেশী রাত—করিস্ না। সারাদিন কিছু খায় নি।

—জানি জানি, কিছু ভেব না। বলে খেমনকে টেনে নেয়, আয়!

লুক্ক দৃষ্টি তুলে মানসিং তাকায়। ব্যক্তির স্ফীত করে মহাদেও হাসে। যাবার সময় একটা চোরা চাহনী মারে। মানসিং জর্জরিত হয়ে ওঠে। পরাজয়ের আক্রোশে মনে মনে ফেটে পড়ে।

নীচে চাঁদের আলোয় গাছের ছায়া পড়েছে। ওপরে রেলওয়ের বাঁধ। খেমনের ইচ্ছা হয় বাঁধের ওপর দিয়ে সেও কোথাও চলে যায়। যতই কাছে আসে ততই অভিভূত হয়ে পড়ে।

হঠাৎ চাঁদের আলো যায় নিভে। অন্ধকার সুড়ঙ্গের ভেতর খেমন দাঁড়িয়ে পড়ে। অধীর কণ্ঠে বলে ওঠে, ওপারে কোথায় যাচ্ছ?

—যেখানেই যাই না। আয়তো!

—না!

রীতিমত মহাদেও স্তম্ভিত হয়ে ওঠে, প্রশ্ন করে কেন?

—মদ আমি খাব না!

স্পষ্ট দেখা যায় না। অন্ধকারে মহাদেও খেমনের হাতখানা চেপে ধরে, পাগলামী করিস না। আমি বলছি সে ফিরে আসবে। সমস্ত দিন কিছু খাস নি। খামকা মন খারাপ করিস না। আয়!

দাঁড়াতেও কষ্ট হয়। খেমনের মনে হয় পাগলের মত কেবলই সে ঘুরে ফিরে বেড়ায়। পথ তাকে ডাকছে। সে চলেছে।

বাইরে ছোট একটা মাঠ। অদূরে কল। খেমন আবার দাঁড়িয়ে পড়ে। অপলকে চেয়ে থাকে। আকাশের ওপর ভাঙ্গা চাঁদ।

মহাদেও এসে পাশে দাঁড়ায়। বলে, কি দেখছিস?

—ওটা কি?

—কই?

—ওই যে চিম্নির ওপর কালো।

জয়শ্রী

দেখে মহাদেও বিস্মিত হয়ে ওঠে। বলে, শকুনি। কেন ?

স্থির দৃষ্টির ওপর ভ্রু দুটো কুঞ্চিত হয়ে আসে। খেমন কথা কয় না। আবার চলতে শুরু করে। মাঠের পরেই ক'খানা খোলার ঘর। তারপরেই বড় একটা পুকুর। পাশ দিয়ে চলে গেছে মিহি ধুলোর একটা কালো রাস্তা। ওরা গিয়ে সোজা বাজারে ঢোকে।

ফিরতে একটু দেরী হয়। খোলা জ্যোৎস্নায় পুকুর পাড়ে তখন হাওয়া উঠেছে। খোলা চোখে খেমনও রাস্তার ধুলোর ওপর শুয়ে পড়েছে।

মহাদেও বলে, এই ওঠ্ খেমন শোনে না। ধুলোর ওপর গড়াগড়ি যায়। অতি কষ্টে মহাদেও টেনে তোলে। উঠে খেমন তখন গান ধরে।

উল্লাসে মহাদেও চীৎকার করে ওঠে, বেশ, বেশ !

রাস্তায় কুলায় না। উৎসাহের আতিশয্যে খেমন বড় বড় পা ফেলে রাস্তা জুড়ে চলেছে।

মহাদেও বলে, এই থেমে গেলি কেন, গা না ?

অকস্মাৎ খেমন গর্জে ওঠে, পালা !

চকিতে সন্ত্রস্ত হয়ে ওঠে মহাদেও। ভাল করে পরিস্থিতিটা অনুধাবন করে। দেখে, চিমনী'র দিকে মুখ তুলে খেমন গজরাচ্ছে। চোখ দুটো জ্বলছে, আর দাঁড়িয়ে দাঁড়িয়ে টলছে।

মহাদেও বলে, কি হলো ?

খেমন বলে, ওটা এখনও বসে রয়েছে।

চোখের ওপর পৃথিবী যেন পাক খাচ্ছে। দেখে মহাদেও চিত্তিয়ে ওঠে। তারপর উঁচু মুখে আকাশে ঠোনা মারে, মার ওটাকে মার—মার !

পায়ের কাছে পড়ে ছিল রেলওয়ের পাথর। কুড়িয়ে নিয়ে খেমন ছুড়ে মারে। মহাদেও হাঁ করে চেয়ে থাকে। সোঁ করে কালো পাথরখানা ওপর পানে ওঠে যায়।

অভ্রভেদী স্পর্ধা চিমনীটার যেন আকাশে গিয়ে ঠেকেছে। পাথরখানা অতদূর পৌঁছায় না। অদূরে খট্ করে শব্দ হয়। মনের আক্রোশ যেন মাটির ওপর মুখ খুবড়ে ছিটকে পড়ে।

নিষ্ফল রাগে খেমনের পলক পড়ে না। অবাক হয়ে মহাদেও শূন্যপানে চেয়ে থাকে। যেন বিপুল এক ছায়া দাঁড়িয়ে আছে, বিরাট চিমনী ! মাথার ওপর বসে আছে বড়ো শকুনি। কান পর্যন্ত তার ডানায় ঢাকা।

খেমন আর একবার গর্জে ওঠে, হতভাগা !

নিশাচরের পাষাচারী

জ্যোতির্মালা দেবী

বাড়ীটা নিতান্তই সাধারণ। কিন্তু আমার এখানে আসাটাই হচ্ছে অসাধারণ। খুলে বলি।.....

একদিন ছুপুরে হঠাৎ মনে পড়ল বড়দাদার বাড়ি যাওয়া দরকার, কিন্তু দাদা কি এখনো ফিরেছেন ইউনিভার্সিটি থেকে? বড় ঘড়ির দিকে তাকিয়ে মনে হল—ফেরেননি, হাতের ছোট ঘড়িতে কিন্তু সময় এগিয়ে চলেছে খুব দ্রুতবেগে। কোন্টা ঠিক ভাবে ভাবে অধ্যয়নক্ষেত্র মতন ডাইভারকে বললাম, “বালিগঞ্জ চলে।”...দাদা থাকেন আমহার্ট প্লটের দিকে, আমি চললাম বালিগঞ্জ। বাইরের দৃষ্টিতে দেখলে এতে বিস্মিত হবার কিছু নেই। অদৃশ্যের কথা তখন কে জানত!

বালিগঞ্জের এবাড়িখানা সুন্দর, ছোটখাট। কর্তা আমারই ছোট ভাই অরুণ। মাত্র মাস তিনেক হল স্ত্রী ও দুটি মেয়ে নিয়ে উঠে এসেছে এখানে। আমার ছোট বোন অনিমাও এদের সঙ্গেই থাকে। আর থাকেন “লর্ড মিণ্টো”, বঙ্গজ নাম অনিলবরণ। সৌভাগ্যক্রমে আমি তাঁর মাসিমা হই।

এবার কিছু পরিচয় দেওয়া যাক সকলেরই—বাড়ি ও মানুষ সবাইর।

এ বাড়ির উপর কেমন একটা আকর্ষণ হয়েছিল আমার—প্রথম যেদিন আসি সেইদিনই। সে তো প্রায় মাসখুয়েক আগের কথা। আকর্ষণের কারণ—পার্শ্বের অযত্নরক্ষিত আধো-জঙ্গল বাগান: ফুল ও ফল দুইই আছে ওখানে, কিন্তু সবই জঙ্লী ধরণের। কলকাতায় যে এমনটি দেখব, তা দেখবার আগে সত্যিই ভাবিনি।

বাড়িটা আসলে দোতলা, কিন্তু ছাদের উপরে একটি ঘর আছে—লর্ড মিণ্টোর আস্তানা। অতএব তাঁর ও আমাদের মর্যাদা বাড়াবার জন্য আমরা বলি তেতলা।

সময় নেই অসময় নেই, এখানে এলেই যখন তখন ছাদে ছুটে আসি। এটি আমার রোগ এবং বিশেষভাবে আমারই। কিন্তু আশ্চর্য এই যে, আমার আসবার সঙ্গে সঙ্গে এই রোগ সবাইর মধ্যে সংক্রামিত হয়ে যায়। ধীর গভীর প্রকৃতির মেয়ে আমার বোন অনিমা, ছুটোছুটি ভালো বাসে না, তবু উঠে আসে—গভীরভাবেই অবশ্য। পেছন পেছন উঠে আসে উষসী, অরুণের স্ত্রী। তারও পেছনে বেবি আর বিবি; একটি চার বছরের, অন্যটি তিন বছরের—ঠিক দুটি পুতুল যেন, রোগা পাতলা আর ফর্সা।—দুটিকে দুই হাতে দিব্যি তুলে নেওয়া যায়।



এই ছায়াময় জগতে ধীরে ধীরে সে টেনে নিচ্ছে আমায়। এইটেই বুঝতে পারি কিন্তু বোঝতে পারিনে।

নিজের বাড়িতে ফিরে যাওয়া আর হয় না। উষসী অবাক হয়, মুখে কিছু বলে না। অনিমা তাকায় সন্দিক্তভাবে মাঝে মাঝে ভাবি ওদের বলব, কিন্তু বলতে গেলেই কে যেন কণ্ঠ চেপে ধরে। অনুভব করি একটা সুগভীর অভিমান, চোখে না দেখেও মনের মাঝে বুঝি তার দারুণ হতাশা।

নিবিড়, নিবিড়তর ভাবে সে এগিয়ে আসে—অস্তিত্ব নয় সে, একটা অনুভূতি। আমি অনুভব করি তার চোখ, অনুভব করি তার মুখ, অনুভব করি তার—আলিঙ্গন।

পাগল হয়েছি? হয়ত। নিজেকে কতটুকুই বা জানি!

শুধু জানি এই যে, দূরে ঠেলতে চাইলে, অনাদরে অবশেষে অবিশ্বাসে হৃণায় বর্জন করতে গেলে, অশরীরিক কান্না আমারই বুকের মাঝে গুম্বরে ওঠে। সাগরতরঙ্গের মতো আমারই প্রাণের বালুতটকে ছিন্নভিন্ন করে দিয়ে যায় আমার অবিশ্বাস।

তাই আমি যেতে পারি না এবাড়ি ছেড়ে।

অনিমা কিছু বুঝেছিল কি?

রাত্রে তো আমরা একই ঘরে শুই। কত বার তাকে উঠে বসতে দেখেছি, কতবার দেখেছি, সে ঘুমোতে পারবে না, ছটফট। কারণ কি, আমিও জিজ্ঞেস করিনি—সেও বলেনি।

মাঝে মাঝে, চাঁদের আলোতে একটা জিনিষ লক্ষ্য করেছি—মনে হয়েছে গভীর মনোযোগে সে যেন কী শুনছে। শুনতে শুনতে মুখে তার দৃষ্টি উঠেছে কাতরতা, দুই হাতে কাণ চেপে ধরে শুয়ে পড়ে।

হয়ত এমনিই কেটে যেত দিনের পরে দিন।

কিন্তু একদিন সকালে অরুণ বড় বিরক্ত হয়ে মিণ্টোকে বললে, “রাত্রে কি তোরা পায়চারি না করলেই চলে না? সারাদিন খেটে-খুটে ক্লান্ত হয়ে আসি, কিন্তু না বুঝলে সেকথা বলা বৃথা।”

মিণ্টো আশ্চর্য হয়ে বললে, “কি বলছ মামা!”

দেখলাম, অনিমার মুখ একেবারে সাদা হয়ে গেছে—হাতে চায়ের পেয়ালা কেঁপে উঠল। পরমুহূর্তেই সে বিনাবাক্যে ঘর ছেড়ে চলে গেল।

অরুণ অবাক। উষসী রাগ করে বললে, “একি কাণ্ড!”

অনিমা কিন্তু আর এলো না।

সারাদিন মনটা আমার সন্দেহে ছলতে লাগল। যতই ভাবি—

স্পষ্টই বুঝতে পারি ছায়া শুধু আমার একলার নয়। আমি অনুভব করি, ওরা শোনে। আমি দেখি, অনিমা বোঝে।

তা হ'লে ?

অনেক ভেবে ঠিক করলাম—যে অনুভব করে সে শুনতেও পারে, যে দেখে সে বুঝবেও ।

মনের কথা কিন্তু ভাঙলাম না কারো কাছেই ।

তারপর—এলো নিশীথ রাত ।

দেখলাম অনিমা উঠে বসেছে—সমস্ত আকৃতিতে সেই নিবিষ্টতা, সেই স্নান দুঃখ ।

উঠে বসলাম আমিও । কাণ পেতে শুনতে লাগলাম । কই, কিছুই না বাইরে বাগানে কেবল অবিশ্রান্ত ঝাঁ ঝাঁ-ডাক, নিশাপোকাকার উল্লাস ।

শুনতে শুনতে মন আমার নিবিষ্ট হতে লাগল নিজের মধ্যে—এগিয়ে আসছে এগিয়ে আসছে, আঃ গৌরতনু তরুণ !

চুপ—চুপ ! ওই যে সে ফিরে চলল ! আমাদেরই ঘরের দোর খুলে, মৃচ্ পদসঞ্চারে... সিঁড়ি বেয়ে.....

মিনিটখানেক পরেই পায়চারি—ছাদে, স্পষ্ট—আরো স্পষ্ট—স্পষ্টতর—

তারও পরে—সজোর পায়ের শব্দ—পুরুষের, চঞ্চল, অশান্ত, অস্থির চিত্তের—পায়চারি ।

ছুই হাতে কাণ ঢেকে উপুড় হয়ে পড়লাম বিছানায় । কতক্ষণ এভাবে ছিলাম জানি না । জ্ঞান ফিরে এলে উঠে বসলাম । অনিমার কথা মনে পড়ল, চেয়ে দেখলাম—

শুভ্র শয্যা ধপ ধপ করছে চাঁদের আলোতে—অনিমা নেই !

চীৎকারে অরুণ ও উষসী উঠে পড়ল । কাঁপতে কাঁপতে বিছানার দিকে আঙুল দেখিয়ে বললাম, “অনি—”

ছুটে ছাদে এলাম সবাই । মিটো অকাতরে ঘুমোচ্ছে, বালিগঞ্জও ঘুমন্ত, চাঁদের আলোও যেন ঘুমে ঢলে পড়েছে সারা বালিগঞ্জের উপর । চারিদিকে এত আলো—অনিমা কই ?

অবাধ্য স্তম্ভিত পা দুখানিকে কোনোমতে টেনে ছাদের দেওয়ালের কাছে এলাম—উষসীর বর্ণনার সেই দেওয়াল । নীচে বাগান । এই গুরুপক্ষের ছায়া-আলোয় সবুজ রঙ তার কালীর মতো করাল । ওখানে আমার বোন কই, অনিমা কোথায় ?

সহসা উষসী চৈঁচিয়ে উঠল, “ওগো দেখ দেখ, ওটা কি ?”

এদিকে ছাদের আলিসা ছোট একফালি বারান্দার মতো চওড়া, একটি মানুষ স্বচ্ছন্দে শুয়ে থাকতে পারে । অনিমার শাড়ি প্রান্ত জড়িয়ে আছে কোণের গঙ্গাজলের ট্যাঙ্কে, অন্য প্রান্ত এখনো তার পরণে—আর সে নিজে.....

ভীষণ চীৎকারে পাড়া কেঁপে উঠল । মিটোর জেগে উঠে কী কান্না !

জয়প্রা

অতি বড় ভাগ্য আমাদের—অনিমা ছিল মূর্ছায়। জেগে থাকলে এই বিষম চেষ্টামেচি হট্টগোল আর আতঙ্কেই সে মরে যেত। উদ্ধার করতে গিয়েই উপসংহার করে দিতাম ওর—জীবনের।

ভোর হতে না হতেই আমরা অন্য বাড়িতে—বড় দাদার বাড়ি।

কিন্তু.....

এ জীবনে আমার ব্যথা আর ঘুচলনা। সেই বন্দী— একাকী বন্দী, সাথী নেই—নেই দরদী! সেই অশান্ত পায়চারি! কী চেয়েছিল সে আমার কাছে, কী-ই বা তাকে দিতে গিয়েছিল অনিমা?

রহস্যের মতন পড়ে আছে ওই বাড়ি, কেউ সাহস করে না ভাড়া নিতে। লোকে বলে, বড় জানাজানি হয়ে গেছে। কেউ গাল দেয় বাড়িওয়ালাকে, বলে—ভাড়ার লোভে এতদিন গোপন করেছিল। নিজেরা জেনেশুনে চলে গেছে।

হায় বন্দী নিশাচর, হায় নিশীথের পিপাসা!

এর পরে কত দেশ-বিদেশ ঘুরলাম তারই—অশান্তি বুক নিয়ে। জীবন হয়ত আমার ঘটনা বহুল, কিন্তু বহু ঘটনার মধ্যেও এটির তুলনা মেলে না। তাই ঘুরে ফিরে আজ আমি আবার সেই বালিগঞ্জ। নিতান্ত সাধারণ—বাহ্য দৃষ্টিতে নেগাত নিদোষ ওই বাড়িটা তেমনি দাঁড়িয়ে আছে। একটু শ্যাওলাবরা, একটু পুরানো, পরিবর্তন এইমাত্র।

প্রতিবেশীরা জিজ্ঞেস করলে, “ভাড়া নেবেন? কিন্তু—”

বাধা দিয়ে বললাম, “জানি। কিন্তু বাড়িটা আমার ভালো লাগে, তাই জিজ্ঞেস করছি—কোনো ছুঁটনা ঘটেছিল কি?”

কেউ বলতে পারল না। একটা রহস্যঘন আবরণ, একটা অহেতুক শঙ্কার ছায়ামাত্র; এবং তারও কারণ অনিমার সেই ‘এ্যাক্সিডেন্ট’ আর আমাদের কানে-শোনা ‘পায়চারি’। তারপর থেকে বাড়িটা পড়ে আছে, কেউ সাহস করে না ভাড়া নিতে।

জিজ্ঞেস করলাম, “বাঁদের বাড়ি তাঁরা থাকেন কোথায়?”

উত্তর—“এই তো কাছেই। ছ’মোড় ঘুরে গেলেই সাদা-নীলে মেশানো দ্বিতীয় বাড়িখানা।”

তখনই রওনা হয়ে পড়লাম।

বসবার ঘরে অনেকক্ষণ অপেক্ষা করতে হ’ল। কতী বা কতী কেউ বাড়িতে নেই। বড়দিদিমণি আছেন।

বললাম—তাঁকেই ডেকে দেওয়া হোক।

মিনিট দশেক পরে যে মেয়েটি ঘরে ঢুকল, তাকে দেখে অবাক হয়ে গেলাম, রুদ্ধকণ্ঠে বললাম, “করুণা, তুমি?”



“একি, সীতা ?”

“চিনতে পেরেছ ?”

“পারবার কথা নয়। কতকাল পরে দেখা বলো তো ? সেই ডায়োসেসামে, তুমিও বি, এ পাশ করলে আর আমি গেলাম মুসৌরী—”

“বিয়ে হয়েছে না ?”

করুণা হেসে বললে, “লোহা সিঁড়র ঢুইই দেখছ তো। কিন্তু তুমি এত অন্তমনস্ক কেন ? রোগাও হয়ে গেছ বড়। আমি তো এখানে থাকি না নইলে খোঁজ নিতাম অনেক আগেই—”

“থাকো না এখামে ? কোথায় ছিলে এতদিন ?”

“মধ্যভারতের নানান জায়গায়। ওঁর কাজ ওদিকেই। ভালো কথা, তুমি কোথায় আছ এখানে, তা তো বললে না।”

“কোথাও নেই। তবে থাকতে চাই। তাই তো এসেছি তোমার কাছে।”

করুণা হতবুদ্ধি হয়ে বললে, “তার মানে ?”

“মানে না হয় পরে বলব। আগে বলো তোমাদের—রোডের বাড়িখানা ভাড়া দেবে কিনা।”

এক মনে লক্ষ্য করছিলাম করুণার মুখ, দেখলাম—ওই কথা বলামাত্র স্বর্গোর বর্ণ তার আঙনের মতো লাল হয়ে উঠল। অনেকক্ষণ কোনো উত্তরই দিল না। তারপরে কথা যখন বলল তখন কণ্ঠ ঈষৎ রুঢ়। বললে, “ও বাড়ি ভাড়া দেওয়া হয় না।”

“কিন্তু আমার যে চাই-ই। করুণা, আমায় দয়া করো।”

বিস্ফারিত চোখে করুণা অনেকক্ষণ ধরে আমায় দেখতে লাগল। অনেকক্ষণ পরে বললে, “সীতা ব্যাপার কি—বলবে আমায় ?”

“বলব।”

“তাহলে ওপরে আমার শোবার ঘরে এসো, এখানে যে কেউ এসে পড়তে পারে।”

* * *

সামান্যই বলবার ছিল আমার।

বাকি কথাগুলো করুণার। বললে, “সীতা, তুমি আমার বাল্যবন্ধু। আমার যা বলবার আছে বলছি। তারপরে কি করতে হবে না হবে তুমিই বুঝে দেখো।” খানিক নীরব থেকে, রুদ্ধ-কণ্ঠ পরিষ্কার করে নিয়ে আবার বললে, শোনো।”

আমার ছোট কাকা, নাম অভী, বাড়ির সবচেয়ে ছোট ছেলে। তার আঠারো বছর বয়সের সময় ঠাকুরদা মারা গেলেন, ঠাকুরমা গিয়েছিলেন আগেই।

বাঙালী, মা দক্ষিণী। রহস্য ওখানেই। জিজ্ঞা আর—মিত্রের বাবা একই। জিজ্ঞার মা—মিত্রের মা নন। কে তিনি? বলছি। ভারতের দক্ষিণে ডি—স্টেটের নাম শুনেছ? জিজ্ঞার মা ওখান-কারই এক উচ্চপদস্থ কর্মচারীর মেয়ে। রূপেগুণে রাজার নজর পড়ল। প্রথম যৌবন, পিতার অধীন, অনভিজ্ঞ মেয়ে, অতএব যৌবনের কয়েকটা বছর এমনিই কেটে গেল। তার পরে দেখা হল মিত্রের বাবার সঙ্গে। শুনেছি মস্ত গুণীলোক ছিলেন সুশীলবাবু—কণ্ঠস্বরে নাকি বনের পশু পোষ মানত, রাজার অন্তঃপুরিকা কোন্ ছার! ফলে ঘটল এক ইলোপমেন্ট। রাজা নিলেন প্রতিশোধ—সুশীলবাবুর গর্দান, লোকে কিন্তু জানল মোটর এ্যাকসিডেন্ট। সত্য যারা জানত তারা কেউ দিনের আলোতে বা সরকারী কোর্টে সাক্ষ্য দিতে আসে না। অতি কষ্টে জিজ্ঞার মা কাশীতে পালিয়ে এলেন। যথাসময়ে পালাতে পারলে যে বিয়ে হত, তারই জন্ম আফশোষ করতে করতে এবং ভগ্নস্বাস্থ্যে একটি দুর্বল শিশু প্রসব করে, অকালে মারা গেলেন এই কাশীতেই।—মিত্রের তখন কৈশোর যৌবনের সন্ধিক্ষণে। অল্প লোক হলে হয়ত ভাবত, অনেকখানি ইতস্ততও করত—জিজ্ঞার পিতৃপরিচয়ের নিশ্চয়তা কী? কিন্তু মিত্রের মনে কোনো সন্দেহই উঠল না। সমাদরে জিজ্ঞাকে গ্রহণ করলে। ক্রমে লোকে ভুলে গেল যে জিজ্ঞা মিত্রের আপন বোন নয়। জানতই বা ক'জন? বাঙলাদেশে তো কেউই নয়।

এখন বুঝতে পারছ অভীর বিয়ে গোপনে কেন হল, কেনই বা সে পরমাখীর কাছেও নিজেকে লুকিয়েছিল! অদৃষ্ট! তাছাড়া আর কী বলব।

চাকরেরা মিথ্যে বলেনি। মাঝে মাঝে ও বাড়িতে একাধিক লোকই থাকত, গোপনে রাত্রে একাধিক লোকই ছাদে পায়চারি করত। রহস্য ঘনতর হচ্ছে দেখে বাবা কোনো বন্ধুর শরণ নিলেন। সখের ডিটেকটিভ চাকরদের বশ করে ওখানে রাত্রি যাপন করলেন—কয়েক রাত। শেষের দিকে অভী ও জিজ্ঞা ধরা পড়ল একসঙ্গে। জ্যোৎস্না রাত্রির, বালিগঞ্জ গভীর ঘুমে অচেতন, দু'জনে ঠিক ছুপুর রাতে উঠে ছাদে বেড়াচ্ছে হাতে হাত জড়িয়ে। জিজ্ঞার কালো চুল হাওয়ায় উড়ে অভীর চোখে মুখে ছড়িয়ে পড়েছে, দুখানি মুখ কতবার পাশাপাশি হল—কত চাওয়া-চাওয়ি চোখে চোখে। তারপর হঠাৎ বিস্ময়ে স্তম্ভিত রইল সেই মুখ সেই দুজোড়া চোখ। সেই ছাদের ঘরে দপ করে আলো জ্বলে উঠেছে! প্রদীপ্ত আলোকে দাঁড়িয়ে বাবার বন্ধু, জ্বলছে তাঁর চোখও—রাগে। একটি কথা শুধু বললেন অভীকে—“ব্যভিচারী!”

চোখের পলক না ফেলতে এক কাণ্ড। জিজ্ঞা কি লাফিয়ে পড়ল ছাদ থেকে, না অভীই তাকে ফেলে দিল? অনেক চেষ্টা করেও বন্ধু তা স্মরণ করতে পারেন নি। শুধু ছুটে গিয়ে অর্ধ-উন্মত্ত অভীকে তিনি জোর করে চেপে ধরলেন, ছাদের দেয়ালের কাছে এসে দেখলেন অভীর সঙ্গিনীর

কিন্তু ওর মনে মনে মতলব ছিল। টের পেলাম সেদিন, যেদিন বাগানের বুড়ো মালী চুটে এসে বললে যে খোকাবাবু অনবরত ডুব দিচ্ছে কাঁচা কুয়ার জলে। বারণ মানছে না।

আত্মহত্যা করতে সে চায়নি, খুঁজছিল কেবল জিজাকে।.....

যাক্ আর বেশী নেই। এই বাড়ির এই বাগানেই একদিন তার সকল খোঁজার অবসান হয়েছে। না সীতা, আত্মহত্যা নয়, অসুখে মারা গিয়েছিল অভী। কিন্তু শেষ মুহূর্ত পর্যন্ত, জিজাকে খুঁজেছে। তারপর চরম হতাশায়, এই মতের অন্বেষণ ছেড়ে চির-অন্বেষণের পথেই বেরোবার জন্তে, কান্নাকাটি করে ওই বাগানেই তার শেষ শয্যা পেতেছিল। অভীর কথা আর নেই।”

*

*

*

একটা অননুভূত বেদনায় আজো হৃদয় যেন ছিন্নভিন্ন হয়ে যেতে চায়। নিশীথের বন্দী—অতৃপ্ত পিপাসা—

জিজা শুধু তার প্রেমের প্রতীক। সে শরীরিণী নয়, তাই তরুণ তাকে খুঁজে খুঁজে বেড়ায়। শুধু বাগানে নয়, ছাদে নয়; শুধু জলে নয়, স্থলেও নয় শুধু। অভী আজো তাকে খুঁজে বেড়ায় মানবের অনুভূতিতে, তার অস্থির অন্বেষণ-ধনি ধরা পড়ে মানুষের শ্রবণে, তার সৃষ্টির তিয়াস ঝল্কে ওঠে মেদিনীর চোখে।

আমি তাই তার বন্দি। বাড়ি? হ্যাঁ ও বাড়ি ছেড়ে এসেছি। তাই অভীও আজ সেই বাড়ি ছেড়ে, দৃঢ়তর ভিত্তি গেড়েছে আমারই অন্তরগৃহে। সেখানে তরুণের অন্বেষণ, অভীর পিপাসা—অক্লান্ত।



বন্দিনীর বন্দনা

স্বর্ণকমল ভট্টাচার্য

রেণু দেবী আজ চুল বেঁধেছেন অনেক সময় নিয়ে। আর কি সেই চুলের গোছা আছে! তবু, শত হলেও, বাইরের লোকের কাছে একটা পেত্নীর মতো তো আর যাওয়া যায় না। হলেনই বা চার সন্তানের মা! বয়স তবু কী আর এমন! এখনো ভাঁটার ডাক আসতে তাঁর অনেক দেবী।

শ্যামবাজারে নেমন্তন্ন। স্বামী আজ সন্ধ্যার আগেই আপিস থেকে বাসায় ফিরবেন। বলে গেছেন; সেজেগুজে তৈরী হয়ে থাকতে।

রেণু দেবী প্রস্তুত। এখন শুধু পরণের আধ-ময়লা শাড়িটা বদলে ফেললেই হয়। খোঁপা বেঁধেছেন, টিপ পড়েছেন, সিন্দুর দিয়েছেন সিঁথিমূলে, মুখে মেখেছেন স্নো। বেশ খানিকটা পাউডারও ঘষেছেন সারা মুখে; আবার তা মেশাতে হয়েছে এমনি করে যে, দেখে কেউ বুঝেও যেন বুঝতে না পারেন।

ছেলেমেয়েদেরও, সাজিয়েছেন—টুনিকে, বেলাকে, মণ্টুকে, খোকনকে। কোলের ছেলেটার ছুঁচু চোখে আঁবার কাজলও পরিয়েছেন। পরাতে গিয়ে কি জানি কেন আজ মনে পড়ে কবেকার সে কথা! আয়নার কাছে দাঁড়িয়ে একটা কৃত্রিম তিল এঁকে দিলেন নিজেরই বাম-গাণ্ডে। স্বামীর খুব ভালো লাগত এককালে। দোষ কী তাতে? কিন্তু আরশির মধ্যে ডাগর চোখ ছুঁতে ফুটে উঠল কেমন একটু লজ্জা যেন—এই একা ঘরে, নিজেরই কাছে। রীতিমতো রাগ হয় রেণু দেবীর। আয়নার উপরই ফিক্ করে হেসে ফেললেন—পান-খাওয়া লাল টুকটুকে ঠোঁটে! এখনো সে সুন্দরী! আর কারু চোখে না-ই ধা যদি, ওঁর কাছে ত বটেই। কিন্তু কথাটা ভাবতে গিয়ে বার বছর আগের সেই আকাশ থেকে ধপাস্ করে যেন খসে পড়েন বর্তমানের শক্ত মাটিতে। তবু আজ সেজেছেন বহুদিন পরে। মিথ্যে ভেবে আর লাভ কী? লক্ষ্য আজ স্বামীই। স্বামীর কাছে আজ এই স্মরণে, একটু ছন্দিত হয়ে ওঠেনই যদি, তার ফলে ব্রহ্মাণ্ড আর রসাতলে যাবে না! কী এমন বয়স তাঁর টুনি এখনো দশ-ই পেরোল না!

কাজের লোকটাকে আজ যু হোক পাওয়া যাবে অনেকক্ষণ। আপিস থেকে ফেরেন সেই রাত ন'টা, কোনো কোনো দিন আরো অনেক পরে। অসুখ হয়ে ছ'দিন যদি বিছানায়ও পড়ে থাকেন, তা হলেও রেণু দেবী বুঝি কটা দিন নিঃশ্বাস ফেলে বাঁচেন। লোকটা মানুষ, না মেশিন?

সিঁড়িতে জুতোর শব্দ। রেণু দেবী চট্ করে খোঁপাটা ঠিক করে নেন। মস্ত বড় ভুল হয়ে গেছে! পরণের কাপড়খানায় হেঁশেলের ও-বেলাকার যত সব ছাপছোপ লেগে আছে এখানে ওখানে। শাড়িখানা পরে নিলেই ভালো ছিল।

সুশান্ত ঘরে ঢোকেন। পাঞ্জাবীটা খুলতে খুলতে প্রশ্ন করেন, “নেমন্ত্নে যেতেই হবে?”
“বা-রে! আমাদের সব তৈরী হয়ে থাকতে বলে এখন তুমি—”

“কাজ ছিল যে অনেক।”

“সে তো রোজই থাকে।”

“প্রেস থেকে ফোন করে জানিয়েছে, আমার জন্মে টেবিলের উপর একগাদা প্রফ্ আজ কাঁদছে বসে।”—বলেই সুশান্ত শুষ্ক হাসি হাসেন।

“বললে না কেন, আজ নেমন্ত্ন রয়েছে?”

“তখন কি আর ও কথা ছাই মনে ছিল।”

তার মানে, ছেলেমেয়েদের নাচিয়ে-ছুলিয়ে সে কথা অনায়াসে ভুলে থাকাটাই কাজ, এ-ছুনিয়ে বাদবাকী আর সবই অকাজ।

“চট্ ছ কেন? যাব।—যাব বলেই তো সকাল করে ফিরে এলাম।”

অপার দয়া! রেণু দেবী মনে মনে অভিমানে ফুলতে থাকেন। কারণটা অবশ্য আলাদা এত করে যে সেজেছেন আজ, লোকটার একটিবার চোখেও পড়লো না!

বাইরে সন্ধ্যা নামছে। ঘরের মধ্যে আবছা অন্ধকার। তারই জন্ম নজরে এখনো পড়েন নি বুঝি? হয় তো তা-ই। রেণু দেবী সরে এলেন দেওয়ালের গায়। হাত বাড়িয়ে সুইচ্ টিপে দিয়ে দাঁড়িয়ে রইলেন ঐ চোখ ধাঁধানো, বিজ্ লী আলোর নিচেই। সুন্দরী সে আজো!

সুশান্ত প্রশ্ন করেন, “প্রিমিয়ামের টাকাটা আজ মনে করে ধীরেশকে দিয়েছিলে তো?”

হা, হতোহস্মি! রেণু দেবী ফুলে ফেঁপে ওঠেন ভেতরে ভেতরে। এরি জন্ম এত সাজ? এতখানি কাঙালপনা? কেন? মুখ থেকে কী একটা কথা বুঝি বার হয়ে আসছিল, ঘরে ঢোকে টুনি—বড় মেয়ে।

“ওরা সব কোথায়?”

“নিচে—মাসীমাদের ঘরে।”

“ডেকে নিয়ে আয়।”

“আমরা কি এখনি যাব মা?” উল্লাসে প্রশ্ন করে মেয়ে।

খোকনকে দুধ খাওয়াতে হবে, মন্টুর মাথাটা বালিশে টেনে তুলে দিতে হবে, বেলা এরি মধ্যে কুকুর কুণ্ডলী হয়ে পায়ের তলায় গিয়ে ঠাই নিয়েছে—তাকেও ঠিক করে শোয়াতে হবে, টুনিরও শোওয়া খারাপ—মাঝে একটা পাশবালিশের বেড়া দিতে হবে—যত ভাবনা, যত চিন্তা কি তাঁর ? সম্ভানরা কি শুধু রেণু দেবীরই ? জোড়া-দায়িত্বের দায়ভাগ কেবল একেরই ঘাড়ে ?

“ঠিক হয়ে শোও না গো !” — স্ত্রী আস্তে একটু ধাক্কা দেয় ঘুমন্ত স্বামীকে ।

“হুঁ !” তন্দ্রাজড়িত অর্থহীন সাড়া ।

“কেবল হুঁ আর হুঁ !” — একেবারে মশারিটার উপরে গিয়ে পরেছ । এ আবার কেমন ধারা শোওয়া ! এক্ষনি পটাসু করে জিড়ে পড়বে মশারিটা সকল গোষ্ঠির গায়ের উপর।—
শুনছ ?”

জবাব দিল সুশান্তের নাসিকাগর্জন । মশারির মধ্যে ভুর ভুর করে এসেলের মৃৎগন্ধ । রেণু দেবী ইচ্ছে করেই শাড়িখানি আজ বদলাতে ভুলে গেছেন ।

“ষেঁড়্ সুইস্টা টিপে দাও না গো !—তোমার হাতের কাছেই ।” দেবে না কেউ, তা রেণু দেবী বেশ জানেন । তবু আজ তিনি বলবেনই, এক শ বার বলবেন এই অন্ধকার নির্জন ঘরের সঙ্গেই না হয় কথা কইবেন মনে মনে । দিন তাঁর ফুরিয়ে গেছে ! আজ যেন তিনি বাসি ফুলের মালা । ফুল কি আর আছে ! ফুলের আজ ফল-পরিণতি । তবু কেন হয় ফলের মধ্যেও আজ ফুলের স্মৃতি কাঁদে ?.....

“আবার তুই পায়ের তলায় গেছিস্ ?” অন্ধকার বিছানায় মা গর্জে ওঠেন, “যেমন ঘরে জন্মেছিস তেমনি তো হবি ! কথা বললে যদি কানেও তোলে ; বাতিটা নেবাবার উপকারটুকু হয় না বাবা !—তোদের আর দোষ কী ! এক ঝাড়েই তো বাঁশ ।”

আবার চুপচাপ । সুশান্ত নাক ডাকে । রেণুর চোখে ঘুম আসে না । কেবলি করে এপাশ-ওপাশ । মনে পড়ে সেই কলেজ জীবনের কথা । এক যে ছিল তরুণী ! সম্মুখে কত আশা, কত বড় বড় কথার রাজহ । সেই মুকুলিত মনের সামনে সেদিন বিমুগ্ধ বিস্ময়ের এক বিশ্ব নিয়ে দেখা দিয়েছিল যে তরুণ রাজপুত্র, তাঁর এখন নাক ডাকে । বাইরের ডাক আজ তাঁকে অনেকখানি ঘর ছাড়া করেছে মনের দিকে । আর রেণু দেবীর কাছে হেঁশেলই আজ সারা ছুনিয়া, ভাঁড়ার হয়েছে ব্রহ্মাণ্ড !.....

কোলের ছেলেরা ঘুমের মধ্যে একবার কেঁদে ওঠে । ইচ্ছে করেই মা থাকেন অন্ধকারে দূরে সরে । কাঁচুক না খানিক । কান্না শুনে তবু ঘুম ভাদুক ঐ লোকটার । ভুগুক না সে-ও অস্তুতঃ এই একটা দিন ।...ও-ঘুম কি আর ভাদবে আজ ? কুম্ভকর্ণ !...

“ওগো শিগ্গির ওঠ, দ্বাখো খোকন হঠাৎ কেমন যেন করছে,” অন্ধকারে বেজে ওঠে রেণুর ভীত সন্ত্রস্ত কণ্ঠস্বর।

সুশান্ত ধড়ফড় করে উঠে বসেন বিছানার উপর। রুদ্ধ কণ্ঠে প্রশ্ন করেন, “কী হ'ল ?”

“খোকন হঠাৎ ‘বিষম’ খেয়ে চোখ কপালে তুলেছিল।”

ইতিমধ্যে সুশান্ত আলো জ্বলে দিয়েছেন। ফুলের মতো কোমল শিশু নিশ্চিত্তে মায়ের কাছে ঘুমিয়ে আছে। খানিক আগে তার উপর দিয়ে যে অত বড় একটা বিপদ ঘটে গেছে, তার কোনো লক্ষণ নেই।

সুশান্ত আলো নিবিয়ে দিয়ে বিড়বিড় করতে থাকেন, “তোমায় কদিন বলেছি, ঘুমুতে ঘুমুতে ছেলেপেলের মুখে—। কথা কানেই তোল না। একটা বিপদ ঘটলে বুঝবে তখন।”

“চের হয়েছে। খামো এবার।” ঝংকার দেন রেণু দেবী।

“ত্যা! আবার রাগ দেখাচ্ছ। —এত লেখাপড়া শিখেছ না ছাই। তোমায় আর কত দোষ দেব কাঁঠাল গাছে আম হয় না। আমাদের সমাজটাই এই—”

“রাত ছুপুরে তোমার ঐ পুরণো লেকচার এখন বন্ধ রাখো দিকি নি। —ঘুমুতে দাও। সারাদিন তো খেটে খেটে মুখে রক্ত উঠে মরি। রাত্তিরে পেটের শত্রুরা জ্বালাবে একদিকে, তার উপর তুমি যদি আবার—”

“শুধু রেগেই জিততে জানো—আর কিছু শেখো নি,” বলে সুশান্ত পাশ ফিরে শোন।

মিনিট কয়েক বাদে রেণু দেবী পুলকিত হয়ে ওঠেন। স্বামীর জাগ্রত ডানহাতটা তাঁরই দেহের উপর। কিন্তু হঠাৎ-জাগা এই উচ্চাসটুকু পরক্ষণেই মিলিয়ে যায়। পিতা জননীকে ডিঙিয়ে সম্মান খোঁজে। হাত বাড়িয়ে খোকনের কপাল ছুঁয়ে সুশান্ত গদগদ কণ্ঠে কথা বলেন, “খোকনটা বড্ড ছুঁছুঁ হয়েছে আজকাল। না রেণু ?”

রেণু দেবী চুপ করে থাকেন।

“এবার জ্বর থেকে উঠে একটু কাহিল হয়ে পড়েছে। তাই না ?”

অপর পক্ষ সায় দেয় না।

“ঘুমুলে না কি গো ?”

অভিমানিনী মরার মতো পড়ে আছেন নির্বাক, নির্বিকার। সুশান্ত আবার পাশ ফিরে শোন। মশারির মধ্যে ছয়টি প্রাণীর ঘুমন্ত নিঃশ্বাস-প্রশ্বাসের সম্মিলিত মৃদু শব্দের সঙ্গে এসেসের মরে-আসা গন্ধ, খানিক তখনো যে রয়েই গেছে!

পরদিন।

জ্যেষ্ঠা

ভোর না হতেই উঠতে হয় রেণু দেবীকে। স্বামী চা খেয়েই বেড়িয়ে পড়বে টিউশানে। নটার মধ্যে আবার চাই আপিসের ভাত। ছ'মুঠো মুখে গুজে সেই যে লোকটা বেরিয়ে যাবে বেলা সাড়ে ন'টায়, আর আসবে রাত দশটায়—সন্ধ্যার পর প্রেসের কাজটা সেরে এখানে ওখানে নানা ফিকির ফন্দিতে কাটিয়ে চাকুরিতে চলে না, করতে হয় আরো অনেক ছোট-খাটো উদ্ভবৃত্তি!

“ছাত্র পড়ানো ছেড়ে দাও।—কতবার বলেছি, এত খাটুনি সহবে না তোমার। কথা যদি কানেও তোল।” চা দিতে গিয়ে রেণু দেবী বলেন। সুশাস্তু খুব খাটে সত্য, তাই বলে তাঁর অমন সুপুষ্ট বলিষ্ঠ দেহ ভেঙ্গে পড়ছে এমন কথা তাঁর শত্রুও বলবে না। জবাব দিলেন, “আমার এই লোহার মতো শরীর—”

“অত কেনই বা খাটবে, শুনি। তোমার কাছে কোনো দিন টাকা-টাকা করেছি শুনেছ কখনো। কত লোকের তো চলে-না চলে-না করেও চলে যায়। তোমার টিউশানের টাকাটা ছাড়াও এ-সংসার না খেয়ে আর মরবে না।”

“তা জানি! সেটা হচ্ছে বর্তমানের কথা। ভবিষ্যতের কথা ভাবতে হবে! মেয়েটা বড় হয়ে উঠছে না? বিয়ে দিতে না পার, পড়াবে তো? আর ছুদিন বাদে চার-জন মিলে যখন স্কুল-কলেজে বেরোবে, তখন? মরার কথা কেউ বলতে পারে না। লাইফ-ইন্সিওরের প্রিমিয়ামটা চালিয়েই যেতে হবে।”

কথাগুলো একেবারে পুরাণো। সুশাস্তুও বছবার বলেছেন এমনি গড় গড় করে, রেণু দেবীও শুনে গেছেন এমনি তন্ময় হয়ে।

সুশাস্তু ছাতা নিয়ে বেরিয়ে পড়েন। রেণু দেবী বারান্দায় এসে দাঁড়িয়ে থাকেন পথের দিকে—বন্দিনী তাকিয়ে থাকে বন্দির গমন-পথে! মায়ায়, অনুকম্পায় বুকখানি ভরে ওঠে! কাল রাতের হিংসার পাত্র আজ সকালে শিকল-পরা পুরুষ!.....

ঠিকে-ঝি মানদা এসেছে—রান্না ঘরের চাবী চায়। এর মধ্যে ছ'বাড়ীর বাসন-মাজা শেষ করে এসেছে সে। এর পড়েও আরো ছ'বাসায় তার কাজ বাকী। মনে পড়ে রেণু দেবীর—মাঘ মাসের শেষ রাত্রে রোজ এসে মানদা কড়া নাড়ে—“বৌদিমনি গো দোর খোল।” কনকনে শীতে ঠক্ঠক্ করে কাঁপতে কাঁপতে একরাশ বাসন নিয়ে মানদা দেখতে দেখতে গরম হয়ে ওঠে কাজের ঠেলায়। মানদা কারু ঘাড়ে বসে ভাত ধ্বংস করে না! খাঁচা-ছাড়া পাখীর পায়ে স্বাধীনতার শিকল!

এই দোতলা বাড়ীর পাশেই খানকয়েক খোলার ঘর রেণু দেবীর পাড়াপড়শী—তবু চেনেন না ওদের। শুধু জানেন মোটর এসেও ঐ চট-লাগানো দোর-গোড়ায় দাঁড়ায়—গবগ

মাঝে মাঝে, রাত্রিবেলা। ছোট ছোট ছেলেমেয়েরা কিন্তু কর্পোরেশনের ফ্রী স্কুলে পড়তে যায় রোজই—মানুষ হতেই চায় !...

রেণু দেবীর কাছে এই কতবার দেখা তুচ্ছ-করা ঘরগুলো আজ বড় হয়েই দেখা দেয়। কেন যেন মনে হয়, তাঁর কথাও কোথায় যেন গিয়ে মিশে গেছে ওদের কথার সঙ্গেই ; কোথায় যেন স্বামীর সঙ্গেও মিলে গেছেন একই প্রাস্তরে। ভাষা দিয়ে সে-কথা এখন বোঝাতে পারবেন না।—এক বোবা অন্ধ অনুভূতির মধ্যে শুধু ধরা পড়ে সবটাই !...

বন্দিনী সে বন্দীর ঘরে ! তাকিয়ে আছেন সামনের বড় বাড়ীটার বাগানের দিকে। দেখতে দেখতে পূর্বদিকের কোণের ঐ ছোট গাছটা বড় হয়ে উঠেছে—একদিন তার ফুলও ফুটবে, ফলও ধরবে হয় তো।

ছেলেমেয়েরা এখনো কেউ ওঠে নি রেণু দেবী একলা—বড় একা আজ। সকালের কাঁচা রোদ অজস্র ছড়িয়ে গেল বাগানের সর্বাস্থে। ঝলমল করে উদ্ভিদরাজ্য—কাল রাতের বৃষ্টি-ভেজা ঘাসগুলোও হাসে যেন। জেগে উঠেছে জীব-জগত। চেউএর পর চেউএর মতো এই অব্যাহত অফুরন্ত স্রোতের যে আর শেষ নেই। এই তো ভালো, এই না জীবন ! রেণু দেবী উন্মনা হয়ে ওঠেন—এই বিশ্বসৃষ্টির মহাসঙ্গীতের মূলসুরেরই বাহন হয়ে আজ কেন সে এত বেশুর, এমন বেখাপ, এতখানি বেমানান ? অনাগত কালের সঙ্গে অতীতের যোগসূত্র বাঁধতে গিয়ে সে কি শুধু যুগে যুগে নিজেই পড়বে বাঁধা ? আষাঢ়ের এই নির্মেষ আকাশের নিচে এই জীবধাত্রী বসুন্ধরার শতলক্ষ ঘটনার বিপুল প্রবাহের মাঝে দাঁড়িয়ে, এ-কথা যে মন মানে না—স্বীকার করতে পারে না এই নিষ্ঠুর পরিহাস, এই চূড়ান্ত অপমান !...তবু মানতে হয়। কাঁঠাল গাছে আম হয় না—রাগের মুখে বলা স্বামীর কালরাত্রের কথাগুলি হয় এতখানি সত্য !...

কোথায় যেন রয়ে গেছে মস্তবড় গোঁজামিল। মানুষের নিজের হাতের মুখের সৃষ্টিই কি নির্বাক বিশ্ববিধানের ঘাড়ে চাপিয়ে দিয়েছে সব অপরাধ, সব অভিযোগ ? অনিবার্যই যদি, তবে আকাজক্ষণীয় নয় কেন ?...

“বৌদিমণি ! উম্মন ধরিয়ে দিয়েছি।”

“আমি যাচ্ছি পরে, তুমি যাও।”

মানদা চলল তার অশ্রু কাজে।

“মানদা !”

মানদা যেতে যেতে সিঁড়ির মুখে ফিরে তাকায়।

“তোমার ছেলেটার অশ্রু সেরেছে ?”

“সারলো আর কৈ ?—কালও আবার জ্বর এসেছে।”

“ডাক্তার দেখাচ্ছ না কেন ?”

জয়শ্রী

“কাল হাসপাতালে নিয়ে যাব ভাবছি,” মানদা সিঁড়ির অর্ধেক নেমে গেছে, “বৌদিমণি ও-বেলা এসে সব বলব ভাই! আজ তোমার এখানেই দেবী হয়ে গেছে অনেক।”

রেণু দেবী ঘরে ফিরে আসেন। খবরের কাগজ এসে গেছে। মানদাই রোজ উপরে ওঠার সময় নিচ থেকে নিয়ে আসে সঙ্গে করে।

“আনন্দবাজারের” পাতা জুড়ে মহাযুদ্ধের ‘ব্যানার’!—কালো মোটা বড় বড় হরফে পুরনো পৃথিবীর শেষ-নিঃশ্বাসের পূর্বাভাস? ছ’হাজার মাইল ফ্রন্ট জুড়ে ইতিহাসের বৃহত্তম যুদ্ধ। এদিকে জাপানী সৈন্য ঢুকে পড়েছে ইন্দোচীনে। ওদিকে মার্কিন মুলুকও লাগাম ছিঁড়তে চায় যেন। পূবে, পশ্চিমে, উত্তরে, দক্ষিণে—লাগুক আগুন সব খানেই! জমকালো হেডিংগুলোর উপর চোখ বুলিয়েই রেণু দেবী কাগজখানা সরিয়ে রাখেন। মাতা মৃত্তিকার কী বিপুল গর্ভযাতনা! নবজীবনের জন্মলগ্ন আর কতদূর? রেণু দেবীর অশান্ত প্রশ্নের জবাব মিলবে সেই দিন?—আজ মাথা খুঁরে মরলেও কি মুক্তি নাই?

মিথ্যা সাস্তনা? রঙীন কল্পনা? সেই ভাবী দিনের আভাস যে রেণু দেবী পেয়েছেন—যেমন তাঁর সর্বাঙ্গ দিয়ে, সারা মনপ্রাণ দিয়ে, টের পেয়েছেন তাঁর গর্ভস্থ অজান অদেখা পঞ্চম আত্মজের সুনিশ্চিত আগমনের সত্যটাকে। পলে-পলে দিনে-দিনে বেড়ে’ গড়ে’ বেড়িয়ে আসে নবাগত রক্তশ্রোতে স্নান করে। জীবন থেকে আর এক জীবন! পুরনো দেহ থেকে নতুন দেহ। বিশ্বসৃষ্টির সব চেয়ে বিস্ময়কর ব্যাপার! ব্রহ্মাণ্ডের সব চেয়ে সহজ-সুন্দর-প্রবল-নিষ্ঠুর!

ইতিকথা! জীবনকে যে মুক্ত করে, তারই মুক্তি খেমে থাকবে কতকাল?

“মা!”

টুনি মুখ ভেঙ্গে উঠে এসে সামনে দাঁড়িয়েছে।

“কী মা!” স্নেহের আবেগে জননী’র কণ্ঠস্বর কেঁপে যায়। রেণু দেবী মেয়ের মুখের দিকে খনিক চেয়ে থাকেন নিষ্পলক। টুনি যে বড় হয়ে উঠছে দিনের দিন! ভাবীকালের এক রেণু দেবীর ফ্রক পরার দিন ফুরিয়ে আসছে ধীরে ধীরে। তারপর?.....

সংবাদপত্রের একটানা হেডলাইনের কালো বড় অক্ষরগুলি যেন লক্ষ লক্ষ নরনারীর জমাটবাঁধা রক্ত। সেদিক থেকে চোখ ফিরিয়ে রেণু দেবী আত্মজার বাসী মুখেই একটা চুমু খান কপালের উপরে। টুনি কিন্তু অবাক হয়ে চেয়েই আছে উদ্বেল জননী’র হাস্যোজ্জ্বল মুখখানির দিকে। মায়ের কাছে এত আদর বহুকাল সে পায় নি। ব্যাপার কী?

“লজ্জা কিলো! আমি যে তোরা মা!” রেণু দেবী মেয়েকে তাঁর বুকের কাছে টেনে নিয়ে খানিক বিমুগ্ধ চোখে চেয়ে থাকেন; ঐ বিছানার উপর ঘুমিয়ে আছে বেলা আর মন্টু আর খোকন।—ঘুমিয়ে আছে আগামীকাল!

জয়প্রা

বাহার দেওয়া তাতে। এ তো সেদিনের কথা, এই তো এই বারান্দার রেলিং ঘেঁষা কেদারাটায় বসিয়া ও টেবিল ঢাকনিটায় ফুল তুলিতেছে, সুপ্রিয়র পায়ের শব্দ নীচের সিঁড়িতে, ওর চলা ওই রকমই। ধীরে সুস্থে কথা বলা বা চলাফেরা সুপ্রিয়র অভ্যাসের বাইরে।

—বাঃ! চমৎকার হচ্ছে তো! রেখে দিও রেখে দিও, কী জানি ওটা শেষ হবার আগেই যদি পাড়ি জমাতে হয় অন্ত্র, টেবিলে বিছিয়ে চা খাওয়া আর হবে না তখন। যদি ফিরে আসি……। ওঃ! তাইতো, শিখা হিসাব করে। এতো সেদিনের কথা নয়। এ যে বহুদিন—একটি দুইটি বছরও নয়, সুদীর্ঘ আটটি বছর পর ফিরিয়া আসিয়াছে সুপ্রিয় টোকিও হইতে ভারতবর্ষে। রাজরোষ ওর কাটিয়াছে সম্প্রতি, তাই কলিকাতায় আসিয়া পৌঁছিতে সক্ষম হইয়াছে গতকাল। এতকাল একটা চিঠি লেখার পর্যন্ত হুকুম ছিলনা সুপ্রিয়র। কিন্তু রওনা হওয়ার পথে নিশ্চয়ই ছিলনা সে নিষেধাজ্ঞা এবং, অবশ্যই শিখাকে সে নিজে পারিত সংবাদটুকু দিতে; আজ ভোরে সংবাদ দিয়া গেল সুনীল আর বিভূতি, আজ বৈকালে আসিবে শিখার বাড়িতে সুপ্রিয়। এর উপরে সেসময় যেন জিজ্ঞাসা করিবার মত কিছু ছিল না—সুনীল আর বিভূতি চলিয়া গেল। তারপর আয়োজনে আয়োজনে নামিল সন্ধ্যা, সুপ্রিয় এখনও আসিল না। সুপ্রিয় এইরকমই—হঠাৎ অপ্রস্তুত অবস্থায় হয় তো ওকে আসিয়া দিবে চমকাইয়া। আশ্চর্য নয়, হয়তো বা ও আসিয়া পড়িয়াছে অনেকক্ষণ আগেই, আব্রুগোপন করিয়া আছে এ বাড়িরই কোনও স্থানে। বুকের মধ্যটা শিখার গুরু গুরু করিয়া উঠে, এ বাড়ির ধূলিকণার সঙ্গে যে পরিচয় সুপ্রিয়র, আর অপরের চোখে ধূলা দিয়া নিজ উদ্দেশ্য সিদ্ধ করিতে ও যা ওস্তাদ…… একবার আসন্ন সন্ধ্যায় নিতান্তই অসময়ে এক পুলিশ আসিয়া বাড়ি ঘিরিল, দোতলায় প্রবেশ করার সিঁড়ির মুখের বন্ধ দরজাটা লাথি মারিয়া তারা ভাঙিয়া ফেলে আর কি। শিখা ছুটিয়া গেল স্নানের ঘরের মধ্যে, অর্ধ স্নাত হইয়া একটা জানালার ফাঁকে ঝুঁকিয়া পড়িয়া পুলিশ অফিসারের দৃষ্টি আকর্ষণ করিয়া কহিল, দশমিনিট……কাপড় ছেড়ে দরজা খুলছি। সেই অভিনয়টুকুই কাজে লাগাইয়া ফেলিল সুপ্রিয়, কারণ বাড়ি সার্চ করিয়া তাহার আর সন্ধান পাওয়া গেল না।

সুপ্রিয় যে সময় ভারতের বাইরে গেল, সে সময় হইতে এতগুলো বছর নিরুদ্দিগ্ন নিশ্চিত হইয়া কোন সময়ের জন্যই শিখাকে স্বস্তি বা অবসর দেয় নাই। সুপ্রিয় গেল, রাখিয়া গেল তার অনুচরবৃন্দ, আর আশ্রয়দাত্রীর দায়িত্ব দিয়া গেল শিখাকে। এ বাড়িতে সামাজিক প্রশ্নের বালাই নাই, নিজের অভিভাবক বলিতে শিখা নিজেই। তারপর অর্থ আছে, বিজ্ঞা আছে, বাইরে নামও আছে দানশীলা বলিয়া। ছুঃসময়ে অনেকেই আসিল ওর কাছে! বিজন, অতুল, সমর, পরিতোষ—অবশেষে প্রফেসর বিভূতি মৈত্র পর্যন্ত। তারা ওকে করিয়াছে সন্তুষ্ট, শিখা করিয়াছে স্নেহ—সুপ্রিয়রই অনুগামী যে ওরা। এত কাল ও ছিল অনেকেরই নির্ভরযোগ্য আশ্রয়স্থল, অবশেষে



বাজনাটার গায়ের সঙ্গে ভাল করিয়া আঁটিয়া বসে শিখা, ছোট করিয়া শুধু বলে, ওঃ, জানতুম না—।

—সে একটা সঙ্কট গেছে জীবনে বুঝলে, সুপ্রিয় কহিল, প্রবল প্রয়োজন এবং ইচ্ছা থাকে সত্বেও এদিকে আমার অবস্থাটা কোন রকমেই জানাতে পারিনি। আমার নিতান্ত বিপন্ন অবস্থায় চিত্রার সঙ্গে দেখা, ওরও মা তখন সচ্য মারা যাওয়ার পর বাপ একজন জাপানী মহিলার অধিনায়কত্ব মেনে নিলেন, দু'জনেরই বিপন্ন অবস্থায় বন্ধুত্বটা আমাদের গাঢ় হয়ে উঠতেই, ওকে বিয়ে করে আলাদা হয়ে অণু বাড়ীতে উঠে গেলুম ওর বাপের আস্তানা ছেড়ে। শিখা চাহিয়াছিল চিত্রার পানে। গোল ধরণের পুরনু মুখ, স্থূল দেহ বেড়িয়া জমকাল ফুলকাটা শাড়ী। সুপ্রিয়র কথার শেষে দেখা গেল চিত্রার বৃহৎ মুখখানা একটা আয়তৃপ্তির খুমীতে উজ্জল হইয়া উঠিয়াছে। পূর্বনির্দেশ মত শিখার দাসী আসিয়াছে। টিপটু ভর্তি তৈরী চা রাখিয়া গেল টেবিলের ধারে। চিত্রাকে দেখা গেল একটু ইতস্ততঃ করিতে, তারপরই শিখার পানে চাহিয়া কহিল, আমাদের দু'জনের মতোই দেখছি আয়োজন, আপনি কি বসবেন না?

সুপ্রিয় স্থির দৃষ্টিতে চাহিল শিখার শ্বেতপাথরের মত কঠিন মুখের পানে; এ মুখের পানে চাহিয়া এখন কিছুতেই বিশ্বাস করা চলে না যে ওরও চোখে সাধারণ মেয়েদের মতই চোখের জল দেখা দিতে পারে। সুপ্রিয়র স্মরণে আসে শিখার কান্না ভরা মুখ, তারই সঙ্গে মনে পড়ে দেশ ছাড়িয়া যাইবার রাত্রিটি। ঠোঁটের উপর দাঁত চাপিয়া সুপ্রিয় চাহিয়া রহিল শিখারই দেহ আড়াল দেওয়া সঙ্গীত যন্ত্রটার প্রতি। চা-প্রিয় লোক চিত্রা, পেয়ালায় চা ঢালিবার মুখে শিখাকে কহিল, আপনার দাসীকে আদেশ করুন আরেকটা কাপ্ আন্তে, গল্প করার মতো সময় আজ আর নেই, আসুন চা-টা একসঙ্গেই আনন্দ করে খাই।

সবিনয় ভঙ্গীতে হাত দুটি জড় করিয়া কহিল শিখা, অনেক ধন্যবাদ আপনাকে। দয়া করে মাপ করতে হবে আমায়, এ সময়ে চা যে আমি খাইনে। সুপ্রিয় চমকিয়া উঠিল; সম্পূর্ণ অবিশ্বাস্য কথা শিখার মুখে। কিন্তু অসম্ভব ও সম্ভব হইয়াছে, এতো তুচ্ছ চা পান। তথাপি জিজ্ঞাসা না করিয়া থাকিতে পারে না সুপ্রিয়—আচ্ছা বিভূতি চা খায় না বলে তুমি কেন নিজের রুচিটা বিসর্জন দিলে?

—বিভূতি—? একটা বিস্ময়ের ধাক্কায় একটুক্ষণ চূপ করিয়া থাকে শিখা। তারপর সহজ সুরে কহিল, বিভূতি বাবু তো চা খান। আমার এই খানেই তিনি চা-তে অভ্যস্ত হয়েছেন। অথচ তুমি ছেড়ে দিলে... সুপ্রিয় যেন ক্লান্ত হইয়া উঠিল।

—হাঁ ছেড়ে দিলুম, শিখা কহিল।—কবে থেকে? সুপ্রিয় আবার প্রশ্ন করে। শিখা একটু থামিয়া বলে, এই তো আজ থেকে।

নিঃশব্দ হাসিতে চিত্রার মুখ তরঙ্গায়িত হইয়া উঠিল, চায়ের পেয়ালা মুখ হইতে নামাইয়া কহিল, তুমিও যেমন! শিখা দেবীর মুখ দেখেই বুঝতে পারছি আমি, বহু আগ থেকেই চায়ের প্রতি আসক্তি ওঁর টুঁটে গেছে, আজকেই নূতন নয়। ছাখতো, চায়ের পাত্র সামনে রেখে আমিতো পারলুম না বসে থাকতে, ছুঁকাপ হয়ে গেল এরই মধ্যে। কথার মধ্যেই খাবারের থালাটা চিত্রা একটু সামনে টানিয়া লয়, সামান্য একটু মুখে তুলিয়াই স্ফিতমুখে উঠিয়া দাঁড়ায়। কি একটা ক্রটি ঘটিল বুঝি, শিখা ব্যস্ত উদ্ভিগ্ন হইয়া কহিল। আপনাদের সঙ্গে বসতে না পারার অপরাধ আপনি নিশ্চয়ই ক্ষমা করছেন, তবু কেন একরকম না খেয়েই উঠে পড়লেন? রুমালে মুখখানা মুছিয়া কহিল চিত্রা, নীচতলার ফুলের বাগানটুকুর মতোই সুন্দর আপনার অতিথিপনার আয়োজন। মিষ্টিমুখ আমি করেছি, এখন না গিয়ে আর উপায় নেই, মেয়েটাকে রেখে এসেছি ঝিয়ের জিন্মা করে, অস্বস্তিতে আর বসা হলো না, বিভূতিবাবুকে নিয়ে যাবেন একদিন আমাদের ওখানে। আচ্ছা চল্লুম, নমস্কার! বিদায় দিতে শিখা এই বার উঠিয়া দাঁড়ায়, দুই চোখ মুদিয়া অতি আরাম-দায়ক ভঙ্গীতে সিগার ফুকিতেছে সুপ্রিয়। শিখা কহিল, মেয়ের জন্ম ব্যস্ত হয়ে চলেছেন, ইনি যে রইলেন। চিত্রা হাসিয়া উঠে—পরম নিশ্চিত্তের সুরে বলে, সোনা জ্বরতের পোটলা নয় যে চুরি যাবে। ওঁর এই রকমই, নিজের ইচ্ছে না হলে সাধ্য নেই যে ওকে কেউ কোন বিষয়ে মত করাতে পারে। গাড়ি পাঠিয়ে দেব ঘণ্টাদেড়েক পর, এখন ওকে তোলা যাবে না। নিঃশব্দে শিখা চিত্রার অনুসরণ করিল সিঁড়ির ধাপ পর্যন্ত, হাসিমুখে নামিয়া গেল চিত্রা, নীচের রাস্তায় মোটরের হর্ণ বাজিয়া ওঠে।...সুপ্রিয়র সম্মুখে শিখা আর ফিরিয়া আসে না—স্তব্ধ হইয়া দাঁড়াইয়া থাকে সিঁড়ির ধাপে। অধর্দন্ধ সিগারটা ছুঁড়িয়া ফেলিয়া লাফাইয়া ওঠে সুপ্রিয়।—বিভূতি কখন আসবে? কখন সে বাড়ী ফেরে? প্রশ্নের জবাব দিতে শিখা প্রবেশ করিল ঘরে; কহিল, কেন আসবে এখানে? সুপ্রিয় কহিয়া উঠিল, তার মানে ডিভোর্স করলে নাকি তাকে?

শিখার মুখের উপর উপেক্ষা-মিশ্রিত হাসির ঝিলিক খেলিয়া যায়। এসব কী রকম ধারণা তোমা—আপনার?

সুপ্রিয়র ক্ষুদ্রায়তন চক্ষু দুইটি বিস্ফারিত হইয়া ওঠে। ওর স্বাভাবিক ক্ষিপ্ত কণ্ঠস্বর স্থির হইয়া আসে। এক সঙ্গে অনেকগুলো কথা কহিয়া ফেলিল সুপ্রিয়। ধীরে ধীরে ও কহিতে থাকে, টোকিওর একটা রেস্টুরায় দেড় বছর আগে সুশীল, চন্দর সঙ্গে দেখা, বয়নশিল্প শিখতে গেছে জাপানে। কলকাতার বহু খবরের মধ্যে বিশেষ খবর সে দিলে যে তুমি সংসারী হয়েছো বিভূতিকে নিয়ে। তারপর থেকে আমার মাথা খারাপ হয়ে গেল, এখানে সেখানে কাজ করে টাকাকড়ি কিছু সঞ্চয় করেছিলেম, ব্যাঙ্কে জমা ছিল...আর আমি উপোস করে ঘুরে বেড়াতে



নতুন রিক্রুট হয়ে এখানে যারা আসে, তাদেরই শুধু থাকতে দেওয়া হয় নতুন বস্তীতে। এখানকার এমনি ব্যবস্থা। এই ব্যবস্থার জোরে দালিয়া স্থান পেয়েছে নতুন বস্তীর ছোট ঝকঝকে একখানি ঘরে। আজ এক হপ্তা দালিয়া কাজে গিয়েছে; এর মধ্যে দু'হপ্তার মজুরি সে অগ্রিম পেয়েছে। হাতে নগদ পয়সা পেয়ে আনন্দে চঞ্চল হয়ে ওঠে দালিয়া। এ'ক' দিনের ভেতরই দু' দু' বার ম্যানেজার সাহেব নিজে বাড়ী এসে তাদের খবর নিয়ে গেছেন, আর এও বলে গেছেন প্রয়োজন হলেই আরও দু' হপ্তার মজুরি সে অগ্রিম পাবে। কৃতজ্ঞতায় ভেঙ্গে পড়ে দালিয়া, ম্যানেজার সাহেবের অপরিসীম দয়া সে ভুলতে পারে না। ভোর পাঁচটায় নিয়মিত কলের বাঁশী বেজে ওঠার সাথে সাথে, চারটে পাস্তা, পেঁয়াজ, মুন দিয়ে খেয়ে দালিয়া কাজে বেরিয়ে যায়,—ফেরে সে বিকাল ছ'টায়। নানা কাজের ভেতর দিয়ে, এমনি এদের দিন কেটে যায়। ম্যানেজার সাহেবের অপরিসীম দয়া, বর্তমান জীবনযাত্রার বিরুদ্ধে কোন অভিযোগই এদের মনে স্থান পায় না।

নতুন যায়গা, প্রকৃতির শ্যামল সৌন্দর্য লছমির মন্দ লাগে না। প্রকৃতির শামল সৌন্দর্যের মাঝে নিজের অজ্ঞাতে লছমি হারিয়ে ফেলে নিজের অস্তিত্ব। ছোট সংসার, কাজ কর্ম ও নেই তেমন কিছু, সুদীর্ঘ অবসর। অবসর সময়টা বাজে কাজে, প্রকৃতির সৌন্দর্য উপভোগ করেই কাটিয়ে দেয় লছমি; এখনও এই পরিবেশ ও প্রতিবেশীদের সে ঠিক আপনার করে নিতে পারেনি।

ভোর পাঁচটায় দালিয়া কাজে বেরিয়ে গেছে। প্রতিদিনের মত অল্পমনস্ক লছমি আজও বাইরের দাওয়ায় বসে দূরের শ্যামল পাহাড়ের কোলে বিছিয়ে দিয়েছিলো আপনার শাস্ত দৃষ্টি। ভারী বুটের শব্দে লছমির ধ্যান ভেঙ্গে গেল। ত্রস্ত বিস্মিত লছমি ফিরে দাড়ালো। সামনে দাড়িয়ে বাগানের ম্যানেজার, মুখে তার জলন্ত সিগার আর সুস্পষ্ট মৃদু হাসি। সপ্রতিভ লছমি সরমজড়িত কণ্ঠে বললে—“উনি ত বাড়ী নেই।”

কোন উত্তর না দিয়েই ম্যানেজার সাহেব নীরবে বেরিয়ে গেলেন। অল্পমনস্ক ম্যানেজারের পকেট থেকে একখানা কাগজ বেরিয়ে পড়লো। তাড়াতাড়ি কাগজখানি কুড়িয়ে নিয়ে লছমি ডেকে বললে—“হুঁজুর, আপনার কাগজ।”

ম্যানেজার সাহেব ফিরে দাড়ালেন। হেসে বলেন—“উঁ, আচ্ছা—এ এখন তোমার কাছেই থাক।” কোন কথা বলবার সুযোগ না দিয়েই ম্যানেজার সাহেব সামনের লাল পথটী ধরে দ্রুত এগিয়ে গেলেন।

বিশ্বয়াবিষ্ট লছমি দশ টাকার নোটখানি হাতে করে দাওয়ায় ফিরে গেল। আজকের এই অযাচিত দানের কোন অর্থই সে খুঁজে পায় না।—ম্যানেজার সাহেবের অর্থপূর্ণ মৃদু হাসি, এরই বা কি অর্থ থাকতে পারে? ভাবতে ভাবতে, শিউরে ওঠে লছমি। মনে পড়ে সাঁওতাল পরগণায় তাদের সেই ছোট কুঁড়ে ঘরখানির কথা, ছেলে বেলার কথা, বাগ মার কথা। সাঁওতাল পরগণার স্মৃতির সাথে জড়িত কত সুখ-দুঃখের কথা। বাসন্তী পূর্ণিমার রাতে দালিয়ার সাথে প্রথম মিলনের কথা; প্রথম মিলনের মাধুর্যে পূর্ণ কত মান, অভিমানের কথা। মনে পড়ে পাশের বাড়ীর ঝরিয়া, মনিয়ার কথা। লছমি আসার সময় গলা ধরে দু'বোনের কি কান্না। এদের কথা ভাবতে, ভাবতে লছমির চোখের পাতা দু'টা ভারি হয়ে ওঠে।

“লছমি !” স্বামীর সাড়া পেয়ে লছমি চোখ মুছে উঠে দাড়ায়। আনন্দে আত্মহারা দালিয়া কাছে এসে বলে—“দেখেছিস ! আমি ত আগেই বলেছিলাম, সাহেবের চোখে যখন পড়েছি তখন ভাল কাজ একটা হবেই।” জিজ্ঞাসু নেত্রে লছমি তাকিয়ে থাকে। দালিয়া বলে চলে—“এবার হলো ত ? কুড়ি টাকা মাইনে। খাস বড় সাহেবের আরদালী, দশ টাকা পেয়েছি আগাম ; এবার তোর কি চাই বল দেখি ?” লছমির দিক থেকে কোন সাড়াই পাওয়া গেল না। “খাবার কিছু থাকে ত দে, আমাকে সহরে যেতে হবে,— আজ আর ফিরবো না, কাল তোর নাগাদ হয়ত ফিরবো।” ব্যস্ত লছমি উঠে দাড়ায়। দালিয়া ডেকে বলে—“শোন ! তোর জন্ম একখানি লাল শাড়ী আনবো। লাল শাড়ীতে তোকে মানায় বেশ।” স্বামীর প্রতি কটাক্ষ হেনে লছমি রান্না ঘরে চলে যায়। একখালা শুকনো ভাত, একটু ডাল, আর এক বাটা মাছের ঝোল পরিশ্রাস্ত দালিয়ার সামনে ধরে দেয়। ভাত ক’টা খেয়ে মুখ ধুয়ে দালিয়া উঠে দাড়ায়। লছমি পান নিয়ে দাঁড়িয়েছিলো, তাড়াতাড়ি পানটুকু মুখে দিয়ে দালিয়া সহরের উদ্দেশে বেরিয়ে পড়ে। আজ তার প্রাণে এসেছে আনন্দের জোয়ার; কিছুতেই আর সে বাধ মানছে না।

সন্ধ্যা হয়ে গেছে অনেকক্ষণ। কুলিবস্তির বৃকের উপর ধীরে ধীরে নেমে এসেছে রাত্রির গাঢ় অন্ধকার। সমস্ত বস্তুটাই যেন ঘুমে অচেতন, কোথাও প্রাণের এতটুকু স্পন্দন নেই। দূর থেকে এখনও মাঝে মাঝে ভেসে আসে মাদলের মৃদু আওয়াজের সাথে অসংলগ্ন হিন্দি গানের দু’ একটি টুকরো। দু’ একটি জীর্ণ ঘরে এখনও দেখা যায় ক্ষীণ আলোকের রশ্মি। এছাড়া কোথাও কোন শব্দ নেই, সমস্ত বস্তুটাই যেন মৃত্যুর মত নীরব।

নৈশ বাতাসে দূর থেকে ভেসে আসে নারী-কণ্ঠের কাতর আর্তনাদ। চকিতে জেগে ওঠে কুলিবস্তির প্রত্যেকটি প্রাণী। নৈশ গগন মুখর করে বেজে উঠে দামামা। শব্দ লক্ষ্য করে বৃকের দল ছুটে চলে লাল সরু পথটা ধরে। অধীর ঔৎসুক্যে অপেক্ষা করে মেয়ে বৃড়োর দল, সমবেদনায় চঞ্চল হয়ে ওঠে প্রত্যেকটি প্রাণ। নতুন বাড়ীর পাশে এসে বৃকের দল থমকে দাড়ায়। বিজলী বাতির আলোর সাথে ম্যানেজার সাহেবের জড়িত কণ্ঠস্বর ভেসে আসে। পরস্পরের মুখ চেয়ে বৃকের দল ধীর পদক্ষেপে ফিরে আসে। ঘটনা শুনে দীর্ঘনিঃশ্বাস ফেলে বস্তির প্রাণীগুলি একে একে এসে আশ্রয় নেয় নিজেদের ঘরগুলির ভেতরে। এমনই এদের স্বভাব। দুঃখ হলে দীর্ঘনিঃশ্বাস ফেলে দুঃখ ভোলবার চেষ্টা করে, প্রতিকার করতে ছুটে আসে না। এরা সবই জানে, সবই বোঝে : তবু দীর্ঘনিঃশ্বাস ছাড়া অথ কোন প্রতিকারের কথাই এরা ভাবতে পারে না। আর এ ত নতুন নয়, এমনি ঘটনা ত চিরদিনই ঘটে আসছে ;—এতে বৈচিত্র্য থাকলেও নতুনত্ব নেই। সেদিন ত এমনি ঘটনাই ঘটে গেল পাশের বাড়ীতে। কৈ, কেউ ত প্রতিবাদ করেনি। এদের ধারণা, নিয়তির মতই এ নিষ্ঠুর, এর গতি ছুনিবার, মানুষের সাধ্য নেই এর গতিরোধ করে। সুন্দরলালের স্মৃতি এরা আজও ভোলেনি। নিরপরাধ সুন্দরলাল এর প্রতিবাদ করতে গিয়েই আজও কারা-প্রাচীরের অস্তরালে দিন গুনছে।

ভোর হওয়ার সাথে সাথে এদের মধ্যে কর্মব্যস্ততা ফিরে আসে। অপ্রতিহত গতিতে চলে এদের দৈনন্দিন কর্মপ্রবাহ। পূর্ব রাত্রির ঘটনা কোন দাগ কাটতে পারেনি এদের মনে, এতটুকু বিচলিত করতে পারেনি এদের জীবনের গতি। এই সামান্য ক’ ঘটনার ভেতরই বিগত রাত্রির সমস্ত গ্লানি এদের মন থেকে নিঃশেষে মুছে গেছে। এমনি করেই এরা ভুলে থাকে ছুনিয়াকে। ব্যথা অস্তরে চেপেই এদের হাসি মুখে এগিয়ে যেতে হয়।

ভোরের আবছা অন্ধকারে গা ঢেকে ত্রস্ত পদে এগিয়ে চলেছে দালিয়া। পূর্ব আকাশের লাল আভা নীল পাহাড়ের বৃকে মায়াপূরী সৃষ্টি করেছে। এমনি প্রাণ ভরে দালিয়া কোনদিন প্রকৃতির সৌন্দর্য উপভোগ করেনি। আজকের ভোরের আলো তার মনে যেন নতুন রঙ ধরিয়ে দিয়েছে, তাকে করে তুলেছে মাতাল। আনন্দে ভেঙ্গে পড়ে দালিয়া বাড়ীর কাছে এসে ডাকে—“লছমী !”

কোন সাড়া না পেয়ে দালিয়া এগিয়ে যায়। অজ্ঞাতে শঙ্কিত হয়ে ওঠে প্রাণ। বাকবাক সুন্দর ঘরখানির বিশৃঙ্খল আসবাব প্রাণে ব্যথা দেয় ; শঙ্কিত দালিয়া ক্ষীণ কণ্ঠে ডাকে—“লছমি !”

জয়প্রা

দালিয়ার সাড়া পেয়ে পাশের বাড়ীর কালো মেয়েটা ছুটে আসে। সালঙ্কারে বর্ণনা করে পূর্ব রাত্রির ঘটনাবলী ;—সাস্তনার সুরে অনেক কথাই সে বলে যায়, বোঝাতে চায় এতে দুঃখ বরবার নেই কিছুই। হতভাগ্য দালিয়া !



- মায়া : দিনে দিনে তোর চেহারা এমন হয়ে যাচ্ছে কেন বল দেখি ?
- মলয়া : কি রকম দিদি ?
- মায়া : মুখে হাসি নেই, চোখে দীপ্তি নেই, রং ফ্যাকাশে হয়ে যাচ্ছে দিন দিন শুকনো হয়ে যাচ্ছিলাম যে।
- মলয়া : কি জানি দিদি কত রকম ঔষধ খাচ্ছি, কিছুতেই কিছু হয় না ; খিদে হয় না, খেলে হজম হয় না, এটা নয় ওটা নয়, পেটের অসুখ লেগেই আছে।
- মায়া : যা ভেবেছি ! সেবার সেই ভারি অসুখের পর আমারও ঐ রকম হয়েছিল ; কিছুতেই কিছু হয় না, শেষটা ডাক্তার বললে লিভারের দোষ—কুমারেশ ব্যবহার করে দেখুন। কুমারেশ খেয়ে আশ্চর্য্য ফল পেলুম। আমি সেই থেকে পেটের গোলমূলে সবাইকে কুমারেশ খেয়ে দেখতে বলি। খেয়ে দেখ তোর চেহারা আগের চেয়েও ভাল হয়ে যাবে মনে স্ফূর্তি পাবি।
- মলয়া : আচ্ছা দিদি আজকেই আনিয়ে নেব।

কুমারেশ ও, আর, সি, এল, লিঃ
সালঙ্কার, হাওড়া



ଶ୍ରୀ ୨୨୦

আহ্বান

সুরেন্দ্রনাথ মৈত্র

আধখানি গান গাহিয়া উড়িয়া গেলে
ছোট ছুটি ডানা মেলে
হ'লে যে উধাও সে গানের মাঝখানে !
নানা কথা নানা তানে
মোর অন্তরে তারে পূর্ণতা দিতে চাই নিতিনিতি,
তাই অফুরান গীতি
গাঁথিয়া চলেছি মালিকায় মালিকায়,
অন্তরাটির কণ্ঠ আমার ধরিবারে নাহি পায় ।

ফিরে এসো মোর পাখী,
শ্রবণে পরাণ রাখি'
বাকিটুকু তার শুনি ।
সে গানের জালবুনি'
উর্ণ আমার গাঁথে জঞ্জালমালা,
ফুরাক্ তাহার পালা,
মোনের মাঝে সুরে তব হোক লয়
গীতি তুষাত' নিরাকুল এ হৃদয় ।

বিবর্তন

অজয় ভট্টাচার্য

মেঘের নীলাম্বরীতে লেগেছে জ্যোছনার জরিপাড়,
হাওয়ার আকাশ আজ নাকি হলো স্বপনের পারাবার,
নিশিগন্ধার বীথি-ছায়াপথে চন্দ্রাহতের দল—
আদম-ইভেরা আজো চিনিল না আদি নিষিদ্ধ ফল।

বুকের তলায় ফুঁসিছে হাপর কহে কালিয়ার বাঁশি—
ওমর খায়াম আর সাকী সুরা হয়ে গেছে কবে বাসি,
গতিচক্রের চক্রনেমীতে দেমাকীর গুঁড়া দেহ,
কালো বুভুক্ষা শুষিয়া নিয়েছে পৃথিবীর অনুলেহ।

এই তো সাগর চিনিতে পার' কি ক্ষীরদ-সায়র বলি'—
সপ্ত ডিঙার সদাগর সবি উবিয়া গিয়াছে চলি—
রক্তে যাদের নোনা ধরিয়াছে একটু হুনের লাগি
লবণানুর তীরে হাত পাতি তাহারাই আছে জাগি।


আজিকার ঝড়ে উড়ে গেল শুধু পিয়ালের পাতা নয়,
ছিন্ন পুঁথির কত ছেঁড়া কথা ছড়ানো আকাশময়।
ধোকা-ভগবান পারেনি রাখিতে ফাঁকির সিংহাসন
মানুষ হয়েছে আপন বিধাতা আপনার নারায়ণ।

দেখিতে পাও কি অকাশে উড়িছে অশ্বক্ষুরের ধূলি,
বল্লাবিহীন আগুনে জ্বলিছে কত পৃথিবীর খুলি—
পাথরে পামাণে কাণো ইম্পাতে মানুষের পরিচয়
আজিকার রাত হলে চাঁদের আর কুসুমের নয়।

ঘর সন্ধান

ভড়িৎ কুমার ঘোষ

ডিগবাজী-খেকো চূণমাথা চাঁদে বিট্কেল্ পোড়া দম্-ফাটা-শাস্—	দাগীজীবনের থ্যাব্‌ডানো-আশা বাধা-মেঘ ঠেলি মুক্তিরে পাবে	নভে জাগে ! কবে— বাগে ?...
পিছলানো পথ্ 'জোড়াতালি-দেহ' থ্যাতলা পায়ের চ্যাপ্‌টা পরাণ	উচু নীচু আর— কোনো মতে হায় চাম্‌ড়া হয়েছে পায়নাকো ঠাই	কাদা ! নড়ে ! সাদা,— ঘরে !
ফুট্‌বল্ জমে পইটিক ঘুষি বরফের স্নেহ ফোস্‌কার জ্বালা	পিত্‌তি পড়িয়া হজম হইতে পাড়িদেওয়া ভার দাত্‌ মুখ্ খিঁটে	পেটে ; চলে ! হেঁটে,— জলে !
চলি তবু চলি— ভেল্‌কী দেখানো	খোঁচা-খেকো চোখ্ বজ্‌জাত-পথ্	মেলি' ! ঠেলি !!!



সারসি

অনিলেন্দু চক্রবর্তী

মস্তিষ্কের ঠোকাঠুকি, মল্লযুদ্ধ বর্ষিষ্ণু 'ইজম' এ,
অনার্যের নির্বাসন, প্রাণদণ্ড অবাধ্য আর্যের ;
মুখরুচি জ্ঞানরুচি ভেদ ; সদাসৎ দ্বন্দ্ব চিরন্তন ;
ইষ্টমন্ত্র অনিষ্টজ ;—ইষ্ট আর কতদূর !

খৃষ্টবুদ্ধ ক্ষীণকণ্ঠ, গণ্ডগোলে ব্যর্থ উপদেশ ;
বশিঃ শব্দাঘাতে মানবিক কর্ণে শূন্যবাদ ।
বাসরের মৃত্তবাণী ! কুণ্ঠাভয়ে মধ্যাহ্নে মিলায় ;
নির্বিকার বধির আকাশ ।

তুমি, কোথা তুমি !—

চক্ষে যার বহ্নি জ্বলে, বরাভয় তীক্ষ্ণ হাসি মুখ,
শুধু যার একবার অঙ্গুলি সঙ্কেতে
মিলাবে তরল গীতে আত্মঘাতী জীবনের
সমস্ত সংঘাত—
ভালমন্দ স্বার্থ-দ্বন্দ্ব উন্নত-অধম ।




আবছায়া

জীবনানন্দ দাস

ভোরের বেলায় আজ একটি কঠিন অবসাদ
• বিকেল বেলায়ও আজ একটি কঠিন
বিষন্নতা লেগে আছে পৃথিবীর বুকে ।
একটি কৃষাণ এসে ছুয়ে ছুয়ে যোগ করে তিন

পাতালে তাদের স্বাধীন রাজ্য গেল বুঝি এতকালে ;—
 মনিবেরা আজ তাদেরই গর্ভে ঢুকিতেছে পালে পালে।
 আসমানে নাকি হুম্মন আসে,
 হুম্দাম্ গোলা ফাটিছে আকাশে,
 বাবুদল ভয়ে কাবু নিজবাসে পালা-পালা মুখে বলে,
 পোকাকার মতন পিল-পিল করে' খাদে ঢোকে দলে দলে।

পাতাল-রাজ্য জয়লাভ হয়ে গেল বুঝি এইবার,
 সাদায়-কালোয় মন্দে-ভালোয় হ'ল বুঝি একাকার !
 সাপ এসে ঢোকে ব্যাঙের গতে—
 কেউ আর কারে চাহেনা ধরতে,
 কোনও ভেদ নাই স্বর্গে মর্তে, সভ্যতা গেল চুকে'।
 গুহার মানুষ প্রাণ রাখে আজ গুহারই মধ্যে ঢুকে' ॥



পদাভিক

শান্তিরঞ্জন বন্দ্যোপাধ্যায়

সূর্যের আলো বন্ধের কাছে
গারে ঝিলিক
উদ্ধত বৃকে স্পর্ধায় চলি পথ—
বাঁকা তলোয়ারে স্বর্ণ-রশ্মি
প্রতিফলন
ত্রিংশ আবেগে হাতিয়ায় ঝলসায় ।

ছঁসিয়ার ভাই, কাজ সমাপ্ত
প্রস্তুতির
প্রকাশ ব্যথায় কাঁপে সীমান্ত দেশ—
তীর্থের পথে গনতান্ত্রিক
আগন্তুক
তৃতীয় নয়নে দ্বিতীয় সূর্য জ্বলে ।

যুগ-শতাব্দী ঘূর্ণায়মান
রাত্রিদিন
পথের কমলে কাজ নাই কমরেড—
লক্ষ্যের গানে অপ্রতিহত
কুচ্কাওয়াজ্
বৈশাখী-ঝড়ে রক্ত নিশান ওড়ে ।

মিথ্যে ক্ষতির পুঁজির বড়াই
তুলে রাখো
ঝলমল করে সোনালি ভবিষ্যৎ—
বাঁকা তলোয়ারে স্বর্ণরশ্মি
প্রতিফলন
উদ্ধত বৃকে স্পর্ধায় চলি পথ !



“বিশ্ববন্ধু”

যুদ্ধের দ্বিতীয় বৎসর শেষ হল

গত ৩রা সেপ্টেম্বর যুদ্ধের তৃতীয় বৎসর আরম্ভ হল। দ্বিতীয় বৎসরে যুদ্ধের প্রকৃতি সম্পূর্ণ বদলে গেছে, দীর্ঘদিন ধরে যুদ্ধ চলবে এ কথা স্পষ্ট হয়ে উঠেছে। সমস্ত পৃথিবীকে এই রক্তাক্ত রণাঙ্গনে এসে এই নিষ্ঠুর মারণ যজ্ঞে যোগ দিতে হবে, আজ তা' সবাই বুঝতে পারছে। দিন গড়িয়ে চলেছে, আর যুদ্ধ নিত্য নূতন স্তরে প্রবেশ করে বিশ্বয়কর জটিলতায় আটকা পড়ছে। একবছরের সংক্ষিপ্ত কাহিনীও নভেলের মত রোমাঞ্চকর। গত আগষ্ট (১৯৪০) মাসে একাকী ও নিঃসঙ্গ ব্রিটিশ প্রবল জার্মানীর বিরুদ্ধতা করেছিল। ভূমধ্যসাগরে তখন মুসোলিনী চূর্ধ্ব হয়ে উঠেছে, ১৮ দিনে ব্রিটিশ সোমালিল্যান্ড তার হাতে গেছে। আটলান্টিকে জার্মান ইউ-বোট অক্লান্ত আক্রমণ চালিয়েছে ইংরেজের সববরাহ জাহাজগুলোর ওপরে। তারপরে ৮৪ দিন ব্যাপী জার্মান ব্লিৎসক্রিগ্ (বিমান আক্রমণ) ইংরেজের আশ্চর্য জাতীয় ঐক্য ও নির্ভার কাছে হার মানলো। পৃথিবীর বিশ্বয় ও শ্রদ্ধাকে ইংরেজ সেদিন জয় করেছিল। আটলান্টিকের যুদ্ধের ফলে ব্রিটিশ হলো বিব্রত, সঙ্গে সঙ্গে আমেরিকা এলো সাহায্যে এবং “ইজারা ও ঋণদান” আইন পাস হয়ে গেল। যুদ্ধের মালপত্র ইংলেণ্ডে পৌঁছে দেয়া দায়, তাই আমেরিকা কতকটা দূর পৌঁছে দেবার দায়িত্ব নিল; এই উদ্দেশ্যে যুক্তরাষ্ট্র দখল করল আইসল্যান্ড। অগণিত ব্রিটিশ জাহাজ ডুবিয়ে জার্মানী অপূরণীয় ক্ষতি করেছে ইতিমধ্যে। কিন্তু ব্রিটিশের নৌশক্তিরও প্রবল আত্মপ্রকাশ হলো জার্মান জাহাজ বিসমার্ককে ডুবিয়ে দিয়ে। কিন্তু অতঃপর জার্মানী নতুন পথে যুদ্ধকে চালনা করল। বলকানের দিকে এলো জার্মান যুদ্ধরথ। ৩১শে ডিসেম্বর (১৯৪০) রুম্যানিয়া হার মানল, ফলে হাঙ্গারী নিল ট্রানসিলভানিয়া, সোভিয়েট নিয়ে গেল বেসারাবিয়া, দক্ষিণ দোক্রজাকে নিল বুলগারিয়া। আফ্রিকাতে জেনারেল ওয়াভেল ডিসেম্বর মাসে প্রতি-আক্রমণ করলেন ইটালীর গ্রাৎসিয়ানীর বিরুদ্ধে। টৌরোণ্টো ও মাটাপানের ব্রিটিশ বিজয়, লিবিয়ায় সাইরেনিকা দখল, ব্রিটিশ সোমালিল্যান্ড



পুনর্দখল, ইটালীয় সোমালিয়াও ও এরিট্রিয়া এবং সর্বশেষে আবিসিনিয়ার পুনর্বিজয় আফ্রিকাতে ইতালীর প্রতাপকে খতম করলো। ৫ই মে হাইলেমালাসী আদিসআবাবা পুনঃ প্রবেশ করলেন, ডিউক অব আওস্ট্রা, ইতালীয় বড়লাট, ২০শে মে আত্মসমর্পণ করলেন। এদিকে জার্মানীর অভিযান চলেছে অব্যাহত। ১৯৪১এর ১লা মার্চ বুলগারিয়া জার্মানীর পক্ষে এলো ; যুগোস্লাভিয়া ২৫শে মার্চ জার্মানীর দিকে পা বাড়াল ; কিন্তু ২৭শে মার্চ আবার জার্মানবিরোধী বিদ্রোহের ফলে বালকরাজা পিটার সিংহাসনে বসলেন। ৬ই এপ্রিল জার্মানরা যুগোস্লাভিয়া ও গ্রীস আক্রমণ করে ১২ দিনের মধ্যে দখল করে নিল। ব্রিটিশ শক্তি ক্রীট দ্বীপে শেষ বাধা দান করে ১৫০০০ সৈন্যকে ক্রীটের খুলিতে রেখে পরাজয় স্বীকার করে ফিরে এলেন। ইরাকে রশীদ আলীর বিদ্রোহ দমন এবং সিরিয়াতে ভিসি-শক্তির পরাজয় ইতিমধ্যে ইংরেজের প্রতিষ্ঠাকে দৃঢ় করল মধ্যএশিয়ায়। এর পরই যুদ্ধ নতুন অধ্যায়ে প্রবেশ করলো। ২২শে জুন ১৫০০ মাইল ব্যাপী জার্মানীর আক্রমণ আরম্ভ হল সোভিয়েটের বিরুদ্ধে। লেনিনগ্রাড, মস্কো, কিভ ও ওডেসা এই চারিটা অঞ্চলে জার্মানীকে রুশিয়া প্রাণপণ বাধা দিচ্ছে। আজপর্যন্ত সেই অভিযান অনির্দেশ্য পথের দিকে চলেছে। সুদূর প্রাচ্যেও যুদ্ধের হাওয়া উঠেছে। থাইল্যান্ডকে বেচারী ইন্দোচীনের এক টুকরো অংশ নির্বিবাদে দখল করতে দিয়ে জাপান শেষে নিজেই ইন্দোচীনকে গ্রাস করবার আয়োজন করেছে। এদিকে নূতন ঐক্য গড়ে উঠেছে সোভিয়েট-ইঙ্গ-আমেরিকার। চার্চিল এবং রুজভেল্ট জাহাজী মোলাকাত ও পরামর্শ করে মিলিত ঘোষণায় পৃথিবীকে আশ্বাস দিয়েছেন, যুদ্ধশেষে সর্বমানবের মুক্তি ও সর্বব্যাপী শান্তি স্থাপন করা হবে, পৃথিবীর সর্বত্র। তারপরে গত ২৫শে আগষ্ট ইঙ্গ-ব্রিটিশ মিলিত শক্তির ছুদিক থেকে ইরান আক্রমণ করে বিনা বাধায় দখল পাওয়ায় ব্রিটিশ প্রাধান্য মধ্যপ্রাচ্যে নিরাপদ হয়েছে। রুশ-জার্মান যুদ্ধই পৃথিবীর ভবিষ্যৎকে নিরূপণ করবে এবং এই যুদ্ধের দিকেই সবাই তাকিয়ে আছে। যুদ্ধের তৃতীয় বৎসরে পৃথিবীর ভবিষ্যৎ কোন্ দিকে রূপান্তরিত হবে কে জানে ?

চার্চিল-রুজভেল্ট ঘোষণা—‘পৃথিবীর মুক্তিপত্র !’

মিঃ রুজভেল্ট ও মিঃ চার্চিল স্ব স্ব স্থান থেকে তর্কাতর্কিত হয়েছিলেন। তারপরে রহস্যের উদ্ঘাটন হয়েছে এবং লর্ড প্রিন্সীল মিঃ অ্যাটলী গত ১৪ই আগষ্ট রেডিওতে জানিয়েছেন যে রুজভেল্ট ও চার্চিল সমুদ্রের বুকে গোপনে সাক্ষাৎ ও পরামর্শ করেছেন পৃথিবীর ভবিষ্যৎ ব্যবস্থা এবং যুদ্ধের বর্তমান অবস্থা সম্বন্ধে। একবার সাক্ষাৎ হয়েছে ব্রিটিশ রণপোত “প্রিন্স অব ওয়েলস্”-এ ; দ্বিতীয় বৈঠক হয়েছে যুক্তরাষ্ট্রের “অগাষ্টা” নামক ক্রুইজারের ওপরে। আলোচনায় উপস্থিত ছিলেন ছ’পক্ষের সরকারী মহারথীরা, যথা, ব্রিটিশ জেনারেল ষ্টাফ নায়ক জেনারেল জন্ ডিল, যুক্তরাষ্ট্রের ষ্টাফ-নায়ক জেনারেল মার্শাল, যুক্তরাষ্ট্রের নৌ-নায়ক অ্যাড্‌মিরাল হ্যারল্ড ষ্টার্ক,

ইজারা-খাগ-নিয়ন্ত্রক মিঃ হ্যারিমান ইত্যাদি। এই সাক্ষাৎকার নিয়ে একটা হটগোল পড়ে গেছে, কারণ এর ফলে চার্চিল-রুজভেল্ট এক “৮-দফা ঘোষণা” পৃথিবীর সম্মুখে প্রচার করেছেন। ঘোষণার মর্ম হলো : (১) ইঙ্গ-আমেরিকার কোনো রাজ্যে লোভ নেই (২) স্থানীয় লোকের মত না নিয়ে কোথাও কোন পরিবর্তনই করা হবে না (৩) প্রত্যেক জাতির রাষ্ট্রগঠনের আত্মকর্তৃত্বকে অব্যাহত রাখা হবে এবং যাদের স্বাধীনতা হ্রত হয়েছে তাদের স্বায়ত্বশাসন উদ্ধার করে ফিরিয়ে দেওয়া হবে (৪) বিজিত বা বিজয়ী, ছোট বা বড়, সকল রাষ্ট্রকে কাঁচা মাল ও বাণিজ্যের সমান অধিকার দেওয়া হবে, অবশ্য এখন যে সব চুক্তি ও বাধ্যবাধকতা আছে তাদের মর্যাদা হানি না করে। (৫) শ্রমিক জীবনের উন্নতি, আর্থিক প্রগতি এবং সামাজিক নিরাপত্তা বিধানের জন্ত সকল জাতির মধ্যে সহযোগিতা সৃষ্টি করা হবে (৬) নাজী জুলুমের বিনাশের পরে অভাব ও ভয়ের তাড়না থেকে সর্বমানবকে মুক্তি দিয়ে এমন বিশ্বশান্তি স্থাপিত হবে যাতে প্রত্যেক জাতি স্ব স্ব দেশে নিরাপদে জীবন যাপন করতে পারবে। (৭) এই বিশ্বশান্তিতে প্রত্যেক মানুষের সমুদ্র পারাপার করবার অবাধ অধিকার থাকবে (৮) পশুশক্তিকে বর্জন করতে হবে সব জাতিকে এবং যারা অপরের ওপরে হামলা করবে তাদেরই নিরস্ত্র করতে হবে।

এই ঘোষণায় কোথাও কোথাও আনন্দ কোলাহল উঠেছে, কারণ মাটির পৃথিবীতে স্বর্গরাজ্য নেমে আসবে যুদ্ধ শেষ হতেই। মানুষ যুগান্ত থেকে যে স্বপ্ন দেখেছে এতদিন পরে এই স্বার্থবিধ্বস্ত মানবসমাজে সেই স্বপ্ন সত্য হতে চলল। কিন্তু আমরা আশ্বস্ত হতে পারছি না। কাঁটা যে কোথায় বিঁধে আমরা ভারতবাসীরা তা ভালো করেই জানি। মিষ্টি মিষ্টি কথা, ভালো ভালো প্রতিশ্রুতি বিপদের সময়ে সবাই শুনিতে থাকে। শিশুরা এসব শুনে ভোলে, অগ্নে নয়। আমরা কেবল ভাবছি ১৯১৪ সনের কথা। কানে গাজো বাজছে প্রেসিডেন্ট উইলসনের সেই ঘোষণা : “We desire no conquest, no dominion. We seek no indemnities for ourselves, no material compensation for the sacrifices we shall freely make. We are but one of the champions of the rights of mankind,....we shall fight for....democracy,....for the rights and liberties of small nations, for a universal dominion of right by such a concert of free peoples as shall bring peace and safety to all nations and make the world itself at last free.” হায় ডিমোক্রেসী ! হায় বিশ্বশান্তি ! চৌদ্দ-দফা উইলসন শান্তি মিথ্যার অন্ধকারে লুপ্ত হয়েছে। আবার ১৯৪১ সনে সাম্রাজ্যবাদী বীণায় বাজছে আট-দফা শান্তির রাগিণী। টীকা নিপ্রয়োজন, তবে যুক্তরাষ্ট্রের সিনেট-সামরিক-কমিটার চেয়ারমেন ডিমোক্রেসিট রেনোল্ড্ সাহেবই টীপনি করেছেন, তা’ হলে ভারতবর্ষকে স্বাধীনতা দান করেই এই বিশ্বশান্তির উদ্বোধন হোক না কেন ? প্রশ্ন শুনে ইতিহাস বিধাতা হয়ত নেপথ্যে হাসছেন। কিন্তু আমরা নীরব থাকাই সঙ্গত মনে করছি।

জয়শ্রী

দূরে। তাই মাঞ্চুকুয়াকে দখল করে জাপান আশ্রিত রাজ্যে পরিণত করেছে। মঙ্গোলিয়া হল সমাজতন্ত্রী রুশের আশ্রিত ; মাঞ্চুকুয়ো সাম্রাজ্যবাদী জাপানের তাবেদার। মাঞ্চুকুয়ো-মঙ্গোলিয়া সীমানা নিয়ে অহরহ উৎপাত লেগেই আছে। দুই পক্ষই দিন-রাত সঙ্গীন উঁচিয়েই আছে। কিন্তু এদের কলহটা ঠিক সত্যিকারের নয়। এদের কলহের পিছনে আসল সংঘর্ষটা হল রুশ-জাপানের ; বহুদিন ধরে এই ঝগড়া চলেছে। মাঝে মাঝে এক দল অপরের রাজ্যে ঢুকে কিছু জোর-জুলুম করে আসে ; কিছু গোলাগুলি চলে, আবার যার যার হিসসায় এসে প্রতীক্ষা করেন। কিন্তু কিছুদিন যাবৎ রুশ-জাপানের সম্পর্কটা কিছু মোলায়েম করে আনবার চেষ্টা ছুপক্ষই করছেন। কারণ ছুপক্ষেরই অন্তর্দিকে বিপদ ঘনিয়ে এসেছে। জাপানের চীনা হাঙ্গামা তার আমেরিকা-ফ্যাসাদ আছেই, আর রুশেরও জার্মান-বিপদ মারাত্মক হয়ে উঠেছে। বিশেষতঃ ভ্লাডিভোষ্টক দিয়ে, প্রশান্ত সমুদ্র দিয়ে রুশকে অস্ত্রশস্ত্র আনাতে হবে। আমেরিকার সাহায্য ওপথেই আনাতে হবে। কিন্তু জাপান কালান্তক যমের মত পথ আগলে আছে। ভ্লাডিভোষ্টক দিয়ে অস্ত্রশস্ত্রের আমদানী জাপান কিছুতেই করতে দেবে না। ২১শে সেপ্টেম্বরের “কোকুমিন সিন্থুন” তীব্র প্রতিবাদ করে বলেছে, এখান দিয়ে অস্ত্রশস্ত্র নিলে যুরোপের যুদ্ধ সুদূর প্রাচ্যেও শুরু হবেই। জাপানের সুর এতে স্পষ্ট। কাজেই সীমান্তে রুশ-জাপান সম্পর্ককে যথাসম্ভব নিরাপদ রাখা দুইয়েরই একান্ত স্বার্থ।

আর কিছুদিন আগে “মাঞ্চুকুয়ো-মঙ্গোলিয়া সীমান্ত কমিশন” নামে এক মীমাংসা কমিটি নিযুক্ত হয়েছিল। এতে রুশ-জাপান দুই দলেরই প্রতিনিধি আছেন ; এর নায়ক হলেন বৈদেশিক বিভাগের “রাজনৈতিক পরিচালনা বুরোর” নেতা নোবুসদা শিমৌরা। এই জয়েন্ট কমিশন সীমানা নির্ধারণের কাজ একুশে আগষ্ট শেষ করে ফিরেছেন। এরা নিজ নিজ রাজধানীতে এসে ঘোষণা করেছেন যে ছুপক্ষের প্রতিনিধিরা আগামী ২২শে সেপ্টেম্বর তারিখে হারবিন্ নামক স্থানে বৈঠক করবেন এবং সেই দিনই সীমান্তচুক্তিতে চূড়ান্ত ভাবে স্বাক্ষর করবেন। এতে বাহ্যত মনে হয় সাময়িক শান্তি স্থাপিত হলো। কিন্তু অনেকে মনে করছেন, “জাপান জার্মানীর ত্রিশক্তি-চুক্তির মিত্র, কাজেই রুশিয়াকে পূর্বদিক থেকে আক্রমণ করে সে মিত্রকে সহায়তা করবেই। এতে কেবল বন্ধুত্বই আছে তা’ নয় ; এতে আছে বহু দিনের ঐতিহাসিক প্রতিদ্বন্দ্বের মীমাংসার সুযোগ, রুশ-বিপদকে এই সুযোগে জাপান তাড়াবে পূর্ব এশিয়া থেকে। আসল কথা হলো, জমি আর সীমানার কাড়াকাড়ি এতো সহজে সন্ধি-আলোচনার দ্বারা মীমাংসা হয় না। তরবারি শেষ পর্যন্ত আসবেই। কাজেই উভয় পক্ষের সাময়িক স্বার্থের ঠেলায় এখন দোস্তালি হলেও ভবিষ্যতে কী হবে তার ঠিক কি ? ইতিমধ্যে ২২শে সেপ্টেম্বরের বৈঠকে কী হয় দেখা যাক।

সম্পাদকীয়

ভারত-বর্মা-চুক্তি .

কিছুদিন হ'ল ভারত-বর্মা-চুক্তি পাকাপাকি করা হয়েছে, এই খবরটা অকস্মাৎ ভারত সরকার জানিয়েছেন। চুক্তির উদ্দেশ্য হলো ভারতীয়দের বর্মায় প্রবেশ নিয়ন্ত্রিত ও সংকুচিত করা। চুক্তির ইতিহাস অতি দুঃস্বপ্ন রহস্যে আবৃত। চুক্তিটা ব্যাক্সটার (Baxter) রিপোর্টকে ভিত্তি করেই তৈরী হয়েছে বলে বলা হয়েছে। কিন্তু ব্যাক্সটার সাহেব তদন্ত করে যে সিদ্ধান্তে উপস্থিত হয়েছিলেন, তার সম্বন্ধে একটা অকারণ গোপনতা অবলম্বন করা হয়েছে। ১৯৪০ সনের অক্টোবর মাসে সেই রিপোর্ট বর্মা সরকারের হাতে ছিলো, কিন্তু ভারতসরকার কবে রিপোর্ট পেয়েছেন তা না জানলেও একথা বলা চলে যে দেশের লোক সে রিপোর্ট চোখে দেখেনি বলদিন। এমন কি বর্মায় যে ভারতীয়দের কমিটি গঠিত হয়েছিল তাদেরও রিপোর্ট দেওয়া হয়নি, যদিও ভারত সরকারের প্রতিনিধিরা সে কমিটির মতামতও জানতে চেয়েছিলেন। তাছাড়া ভারতীয় কমিটিকে শিক্ষা-স্বাস্থ্য-জমিবিভাগের ভারপ্রাপ্ত সদস্য (যিনি ভারত গভর্নমেন্টের পক্ষে চুক্তিতে স্বাক্ষর করেছেন) বলেছেন যে বর্তমান আন্তর্জাতিক পরিস্থিতিতে বর্মীদের খুসী করবার জন্য ব্রিটিশ সরকার অনেকদূর যাবেন। বর্মীদের চটানো এখন অসম্ভব। কাজেই চুক্তির স্বরূপ যে কী হবে এতেই বোঝা যাচ্ছে। তাছাড়া ভারতীয় কমিটিকে এঁরা বরাবর বলেছেন যে বর্মা সরকারের সঙ্গে বর্তমান কথাবার্তা প্রাথমিক এবং শুধু মীমাংসার পথ অনুসন্ধান বই আর কিছুই নয়। কিন্তু কথাবার্তার পরে রিপোর্ট দেখিয়ে তাদের বলা হয় চুক্তি একেবারে চূড়ান্ত এবং আর রদবদল চলবেনা। এর ওপরে আবার এদিকে রটনা হয় যে বর্মার ভারতীয়গণ এ চুক্তিকে সমর্থন করেছে। অথচ এর চাইতে অমূলক কথা আর কী হতে পারে ?

চুক্তির মর্ম অত্যন্ত ভেদমূলক এবং ভারতবাসীর পক্ষে চরম অপমানজনক। চুক্তি অনুসারে ভারতবাসীর বর্মায় খুশীমত প্রবেশ করবার অধিকার হরণ করা হয়েছে। ১লা অক্টোবর (১৯৪১) থেকে যারা বর্মায় যেতে চান তাদের দুই শ্রেণী-ভুক্ত করে দু'রকম পাস দেওয়া হবে। কাদের পাস দেওয়া হবে, কতজনকে দেওয়া হবে, কাকে ও কতজনকে কোন্ শ্রেণীতে কেনা হবে, তা সবই বর্মা সরকারের ইচ্ছার ওপরে নির্ভর করবে। তাছাড়া যে সব ভারতীয় আগে থেকেই বর্মায় আছেন তাদেরও তিনটি শ্রেণীতে ভাগ করা হবে। অর্থাৎ (১) যারা বর্মাতেই জাত, লালিত



ও বর্মারই স্থায়ী বাসিন্দা (২) যারা ১৫ই জুলাইর আগে সাত বছর ধরে বর্মায় বাস করছেন। (৩) যারা ১৫ই জুলাই তারিখে বর্মায় বাস করছিলেন। এই তিন শ্রেণীর এবং উপরোক্ত দুই শ্রেণীর ভারতীয়দের অধিকার ও মর্যাদা ভিন্ন ভিন্ন রকমের হবে। যারা ব্যবসা-বাণিজ্য করেন তাদের তো অসম্ভব ক্ষতি ও অসুবিধা হবেই, যারা বেড়াতে যাবেন তাদেরও লাঞ্ছনা ও বিরক্তি কম হবে না। এই চুক্তির আগে গত ফেব্রুয়ারী মাসেই ভারত-বর্মা বাণিজ্য-চুক্তি নিষ্পন্ন হয়ে গেছে। যদি এই বর্তমান চুক্তি এবং বাণিজ্য চুক্তি একত্র সম্পাদন করা হত তবে ভারতীয়দের পক্ষে এমন ক্ষতিজনক একটা চুক্তি হতেই পারত না। কারণ তা হলে বাণিজ্য ব্যাপারে ভারতীয়রা তখন চাপ দিতে পারতেন এবং বর্মা সরকারও ভারতীয় বাণিজ্য ক্ষতি স্বীকার করতে সাহস করতেন না। কিন্তু তা হয়নি। বরং তখন ভারতসরকারের শিক্ষা-স্বাস্থ্য সদস্য বেসরকারী পরামর্শদাতাদের বলেছিলেন যে বাণিজ্য ভারত বর্মাকে সুবিধা করে দিলে পরে বর্মাও খুশী হয়ে ভারতীয়দের বর্মাপ্রবেশ ব্যাপারে উদারতা দেখাবে। এই আশ্বাসের ফলেই বে-সরকারী পরামর্শদাতারা ভারতের বাণিজ্য স্বার্থের ক্ষতি স্বীকার করে বাণিজ্য চুক্তিতে রাজী হয়েছিলেন। কিন্তু উদারতার ফল এখন হাতে হাতে পাওয়া গেলো।

এই চুক্তির প্রতিবাদে ভারতবর্ষের জনমত প্রবলভাবে আত্মপ্রকাশ করেছে। সমস্ত প্রতিষ্ঠান এর সংশোধন দাবী করেছে। গান্ধীজীও গত ২৪শে অগাষ্টের বিবৃতিতে এই চুক্তির তীব্র প্রতিবাদ করেছেন। তাঁর মতে এই চুক্তি ভারতবর্ষ ও বর্মার পক্ষে অত্যন্ত অপমানজনক এবং বর্মাবাসীর কাছে ভারতবাসী বিদেশী হতেই পারে না। "Indians in Burma and Burmans in India can never be foreigners in the same sense as people of the west. This agreement must be undone because it breaks every cannon of international propriety." আমাদের মতে এই ভেদনীতি হলো সাম্রাজ্যবাদের অবশ্যস্বাবী ফল। কিছুদিন যাবৎ সিলোনভারত বিচ্ছেদের প্রথম অধ্যায় আরম্ভ হয়েছে। এখন বর্মা-ভারত বিভেদের সূচনা হলো। বর্মার প্রধান মন্ত্রী মিঃ উ-স (U Saw) ব্রিটিশ স্বার্থের হাতে ক্রীড়নক হয়ে বর্মার ও ভারতের অকল্যাণকর এই চুক্তির সৃষ্টি করেছেন; বর্মা ও ভারতের জনসাধারণ এই বিভেদ চায় না। ভারতে ও বর্মায় এই চুক্তির বিরুদ্ধে দেশব্যাপী আন্দোলন হওয়া প্রয়োজন।

মাধ্যমিক শিক্ষা বিল

মাধ্যমিক শিক্ষা বিল আবার বঙ্গীয় ব্যবস্থাপরিষদে এসেছে। এই বিলটির বিরুদ্ধে সমস্ত বাংলাদেশে যে পরিমাণ আন্দোলন ও উত্তেজনা হয়েছে আর কোন বিল নিয়ে ইদানীন্তন এমন হয়নি। বিরোধী দলের পক্ষ থেকে এই বিলের বিস্তৃত সংশোধন দাবী করা হয়েছে;

বহুদিন যাবৎ কোয়ালীশন-সরকারী পক্ষের সঙ্গে একটা আপোষের চেষ্টা ও আলোচনাও চলেছে। কিছুদিন আগে একটি বিশেষ কমিটির (special committee) ওপরে এ বিল সম্বন্ধে বিবেচনা করে একটি সর্ব-স্বীকৃত সিদ্ধান্তে আসবার ভার দেওয়া হয়েছিল। গত পনের দিন ধরে 'বিশেষ কমিটি' বহু বাদবিতর্কের পরে বিলের অনেকগুলি বিষয় সম্বন্ধেই নাকি একমত হতে পেরেছিলেন; কিন্তু শিক্ষাবোর্ডের গঠন এবং সাম্প্রদায়িক প্রতিনিধিদের সংখ্যা সম্বন্ধে গুরুতর মতভেদ হওয়ায় শেষ পর্যন্ত মীমাংসার চেষ্টা ব্যর্থ হয়েছে।

গত ৪ঠা সেপ্টেম্বর তারিখে পরিষদের অধিবেশনে রায় হরেন্দ্রনাথ চৌধুরী বিলটিকে সিলেক্ট কমিটিতে দেবার জন্য একটি মোশান আনেন কিন্তু তাঁর প্রস্তাব ৫৬-১২৪ ভোটে অগ্রাহ্য হয়ে যায়, অবশ্য, তিনদিন পুরো বিতর্কের পরে। সেদিন কৃষকপ্রজা দল সরকার পক্ষকে সমর্থন করেছিলেন এবং কোয়ালিশানী ব্যতীত অন্যান্য সব হিন্দুই মোশানটিকে সমর্থন করেছিলেন। কাজেই বাহ্যতঃ প্রায় সাম্প্রদায়িকভাবেই ভোটাভোট হয়েছিল। ইউরোপীয়দের চিরন্তন প্রথা অনুসারে তারা সরকার পক্ষে ভোট দিয়েছিলেন। তারপরে গত ৮ই সেপ্টেম্বর থেকে বিলটির প্রতি দফা নিয়ে আলোচনা আরম্ভ হয়েছে। ঐ দিন বিরোধী পক্ষের সংশোধন প্রস্তাব নিয়ে তুমুল বিতর্ক হওয়ায় শ্রীযুক্ত শরৎ বসু মহাশয় সেদিনের জন্য ভোটাভোটি স্থগিত রেখে আপোষের শেষ চেষ্টা দেখবার জন্য প্রধান মন্ত্রীকে অনুরোধ করেন। কিন্তু প্রধান মন্ত্রী বলেন, তার ব্যক্তিগত মত বা ইচ্ছা যাই হউক না কেন, কোয়ালীশান দলের আদেশের বাইরে তিনি যেতে পারবেন না, তাঁর হাত পা বাঁধা। অতঃপর স্কুলের অনুমোদন সংক্রান্ত সংশোধনটা ৫০-৯২ ভোটে অগ্রাহ্য হয়।

শিক্ষাবিলের ভবিষ্যৎ সম্বন্ধে কারুরই কোন সন্দেহ নেই। কিন্তু কেবল সংখ্যার জোরে পাশ হলেই কি যে কোন আইন চলতে পারে? পারে না, কারণ কল্যাণ করবার শক্তি না থাকলে কোন বিলই দীর্ঘদিন ধরে জনসাধারণের সমর্থন পেতে পারে না। আর জনসাধারণের সমর্থন ব্যতীত আইনের কোন ভিত্তিই থাকে না। শিক্ষাবিল সম্বন্ধে হিন্দু বা মুসলমানের সাম্প্রদায়িক মনোভাব যাই হোক না কেন, নিরপেক্ষ দৃষ্টিতে বিচার করলে বিলটা ঘোরতর প্রতিক্রিয়াশীল বলে সবাই স্বীকার করবেন। প্রথমতঃ বাংলার বর্তমান মন্ত্রীসভা সকল রকমে প্রতিক্রিয়াশীল, তাঁদের জাতীয়তাবিরোধী কার্যকলাপ বাংলার রাষ্ট্রীয় ও সামাজিক জীবনের অপূরণীয় ক্ষতি করেছে। বাংলার দেড়হাজার হাই স্কুলকে ব্রিটিশের ইচ্ছিতে পরিচালিত এই বাংলাসরকারের হাতে তুলে দিতে কোন যুক্তিশীল ভারতবাসীই চাইবেন না। রাষ্ট্র-পরিচালিত শিক্ষা দেশের কল্যাণে আসে তখনই, যখন রাষ্ট্র হয় উচ্চ আদর্শে কোন প্রগতিশীল দলের দ্বারা পরিচালিত। বিশ্বজগতের বৈজ্ঞানিক প্রগতির যারা কোনই ধার ধারেন না, যারা মধ্যযুগীয় সংকীর্ণ দৃষ্টি দিয়ে

জয়প্রা

স্মৃতির প্রতি শ্রদ্ধাজ্ঞাপন হয়। সার তেজ বাহাদুর সপ্তক অনুরোধ করেছেন রবীন্দ্রসাহিত্যকে ইংরিজী অনুবাদ করে একটি শোভন সংস্করণ প্রকাশ করতে এবং তার একখানা ভাল জীবনচিত্র রচনা করতে। শ্রীযুক্ত শরৎ বসু প্রস্তাব করেছেন, মহাজাতিসদনকে আংশিক বা সম্পূর্ণভাবে রবীন্দ্র স্মৃতিসদন নাম দেবার, কারণ মহাজাতি সদন হবে ভারতীয় কৃষ্টিজীবনের উদার ক্ষেত্র আর রবীন্দ্রনাথের সঙ্গে এর যোগও ছিলো নানা রকম। এই সব বিবিধ প্রস্তাবের সবগুলিই গ্রহণ-যোগ্য এবং একটিকে কাজে পরিণত করলে অন্যটি গ্রহণ করা চলবেনা এমন নয়। মহাজাতি সদনের নামকরণ নিয়ে শ্রদ্ধেয় রামানন্দ বাবু আপত্তি করেছেন এবং শরৎ বাবুও তার জবাব দিয়েছেন। অন্য কাগজেও এই নিয়ে বাদানুবাদ হয়েছে। রবীন্দ্র স্মৃতি সকল বিতর্কের উর্ধে, তা নিয়ে এই অশোভন বাদানুবাদ আমাদের মর্মপীড়া দিয়েছে। আমরা আশা করি, এ অপ্রিয় প্রসঙ্গটি অচিরেই শেষ হবে। আর সকল শ্রেণীর ও মতবাদের লোক নিয়ে একটি কমিটি করে রবীন্দ্রনাথের স্মৃতিরক্ষার যত্নরকম ব্যবস্থা সম্ভব তার যথোচিত আলোচনা করে উপযুক্ত ভাবে বন্দোবস্ত করলে শোভন হবে। আর একটি কথা, সেদিন টাউন হলে যে রবীন্দ্রস্মৃতিসভা হয়েছে তার শোচনীয় অব্যবস্থা আমাদের পীড়া দিয়েছে। রবীন্দ্রনাথ ছিলেন সুরুচি ও শালীনতার প্রতিমূর্তি। তাঁর অভাব জাতীয় জীবনের এই সংকটকালে আমাদের দুর্বল করেছে। কাজেই তাঁর স্মৃতিসভায় যে হট্টগোল ও বিশৃঙ্খলা দেখা গেছে তাতে আমাদের জাতীয় চরিত্রে রুচি ও নিষ্ঠার পরিচয় পাওয়া যায়নি।

বীর সাভারকারের তার

চার্লিস-রুজভেন্ট ঘোষণা বের হবার পরেই হিন্দুসভার সভাপতি বীর সাভারকার প্রেসিডেন্ট রুজভেন্টের কাছে কেবল্ পাঠিয়েছেন। তাতে দাবি করেছেন, রুজভেন্ট-চার্লিস ঘোষণার মুক্তিবাণী ভারতের বেলায়ও প্রয়োগ হওয়া উচিত। শ্রীযুক্ত শরৎ বসু এ বিষয়ে মিঃ সাভারকারের দৃষ্টি আকর্ষণ করে বলেছেন যে বিদেশীদের ঔদ্যর্ঘের ওপরে নির্ভর করবার দিন গত হয়েছে, কারণ স্বাধীনতা কখনো কেউ কাউকে দান করেনা। শ্রীযুক্ত সাভারকার এর জবাবে শরৎ বাবুকে জানিয়েছেন যে তাঁর প্রেরিত কেবল্ একটা রাজনৈতিক চালমাত্র; তাতে ছোটো সফল হবে। প্রথমতঃ ইঙ্গ-আমেরিকার ভণ্ডামী প্রমাণিত হবে, দ্বিতীয়তঃ ভারতের ফরোয়ার্ড ব্লক ইত্যাদি যে সব রাজনৈতিক দল রুশিয়াকে উদ্ধারকর্তা মনে করে উচ্ছ্বসিত হয়ে উঠেছে, তাদেরও চোখ খুলবে। আমরা বীর সাভারকারের এই বীরত্বব্যঞ্জক উচ্ছ্বাসে মোটেই বিস্মিত হইনি। কারণ রুজভেন্টের কাছে আবেদনটা যে উদ্দেশ্যে করা হয়েছে বলেই বলা হোক না কেন, আসল কথা হলো, তাঁর এখনো কিছু আস্থা রয়েছে বৈদেশিক ধুরন্ধরদের ওপরে। কারণ রুজভেন্ট সাহেবকে ভণ্ড প্রমাণ করে ভারতের স্বাধীনতা কতদূর এগোবে তা' বুদ্ধিমানরা সবাই বোঝেন। বীর সাভারকারও যে বোঝেন না, তা' নয়। বিশ্বরাজনীতির ধুরন্ধরেরা আজ পর্যন্ত

কতো আশ্বাস ও কতো প্রতিশ্রুতি যে মনোজ্ঞ ভাষায় ইতস্ততঃ ছড়িয়েছেন তার ইয়ত্তা নেই। সে সব হাওয়ায় মিলে গেছে। কাজেই অপরের অসাধুতা উদ্ঘাটন না করে, স্বাবলম্বী হয়ে স্বাধীনতা অর্জনের দিকে মনোনিবেশ করাই ভালো। বীর সাভারকার কি হিন্দুসভাকে সেই বন্ধুর পথে নিয়ে যাবেন? না, কেবল রাজনৈতিক চাল দিয়ে বাজীমাত্ করবার কাজেই নিযুক্ত থাকবেন?

মোসলেম লীগে গৃহবিবাদ

গত ২৪শে সেপ্টেম্বর বোম্বাই শহরে মোসলেম লীগের ওয়ারকিং কমিটির (কার্যপরিষদ) অধিবেশন হয়ে গেল। বিষয়টা সামান্য হলেও শেষ পর্যন্ত গুরুতর হয়ে দাঁড়িয়েছে। বড়লাট যে নতুন “দেশরক্ষা কাউন্সিল” নিয়োগ করেছেন তাতে মোসলেম লীগের মিঃ হক, সার সিকান্দর হায়াৎ এবং সার সাহুল্লা এই তিনজন বিশিষ্ট সদস্যকে সভ্য বলে মনোনয়ন করেছেন। এদিকে মোসলেম লীগের সর্বসর্বা নেতা হলেন জিন্না সাহেব। এ ব্যাপারে মোসলেম লীগ বা জিন্না সাহেব দুইয়ের কারুকেই বড়লাট আমল দেন নি। মোসলেম লীগের প্রস্তাব অনুযায়ী দেশরক্ষা কাউন্সিলে লীগসভ্যদের প্রবেশ বারণ। কাজেই বড়লাট বৃদ্ধি করে লীগ ও জিন্না সাহেবকে উপেক্ষা করেই এদের তিনজনকে গ্রহণ করেছেন। সঙ্গে সঙ্গে জিন্না সাহেব সংবাদপত্রের মারফৎ ব্রজনির্ঘোষে আমাদের জানালেন, নিয়মভঙ্গের অপরাধে এদের তিনজনের ওপরে শাস্তিবিধান করা হবে। তিনি স্বয়ংই মাদ্রাজ প্রস্তাব অনুসারে তাঁর ডিক্টেটরী ক্ষমতার বলে শাস্তি দিতে পারতেন; তবে তা না করে কার্যপরিষদকে দিয়েই উচিত ব্যবস্থা করাবেন। তাই বোম্বাই অধিবেশন হলো। প্রধান মন্ত্রী হিসেবে বাধ্য হয়ে সরকারী আদেশে এই পদ গ্রহণ করতে হয়েছে বলে আসামী পক্ষ আত্মপক্ষ সমর্থন করেছেন। কিন্তু এসব যুক্তি কাজে আসেনি, অপরাধ সাব্যস্ত হয়েছে, এবং দশদিনের মধ্যে “দেশরক্ষা কাউন্সিলের” সদস্যপদে ইস্তফা দেবার আদেশ হয়েছে। সার সিকান্দর এবং সাহুল্লা ইস্তফা দিতে রাজী হয়েছেন। মিঃ হকও ইস্তফা দেবেন, তবে অণুকারণে, লীগের আদেশে নয়। সঙ্গে সঙ্গে মিঃ জিন্নার উদ্ধত ব্যবহারের প্রতিবাদে, মোসলীম লীগের ওয়ারকিং কমিটি ও কাউন্সিলের সভ্যপদও ত্যাগ করেছেন। মিঃ হক যুদ্ধে সাহায্য করাকে পবিত্র কর্তব্য বলে মনে করেন। দেশরক্ষা কাউন্সিলে মিঃ জিন্নাকে অগ্রাহ্য করেও তিনি থাকতেন। তবে মোসলেম ঐক্যরক্ষা করবার জ্ঞা এবং অপর দুজন না থাকলে একাকী দেশরক্ষার সুবিধা হবে না মনে করে তিনি বাধ্য হয়ে ইস্তফা দিচ্ছেন। হক সাহেব ও সার সিকান্দরের সঙ্গে জিন্নাসাহেবের কলহ বরাবরই রয়েছে। হক সাহেব ও সার সিকান্দর দুটো প্রধান মোসলেম প্রদেশের নেতা, মোসলেম শক্তির চাবি-কাঠিও তাঁদেরই হাতে, অথচ নেতৃত্ব করবার সময়ে জিন্না সাহেব করেন, এটা এদের কাছে সঙ্গত মনে হয় না। কাজেই এটাই হল বিবাদের গোড়ার কথা। অন্ততঃ হক সাহেবের পদত্যাগ-পত্র পড়লে তো তাই মনে হয়। তবে আমরা এই কলহের জ্ঞা চিন্তিত নই মোটেই, কারণ এর ভিতর নীতির কোন বালাই নেই। আছে ব্যক্তিগত পদমর্যাদার প্রতিদ্বন্দ্ব। তাই প্রভাতের মেঘাড়ম্বরের মতো এই কলহ বহ্নারস্ত থেকে লঘুক্রিয়ায় এসে দাঁড়াবে, তাও আমরা জানি।

শ্রীযুক্তা নাইডুর সত্যভাষণ—কংগ্রেসে অসন্তোষ

শ্রীযুক্তা সরোজিনী নাইডু কয়েকটি সত্য কথা বলেছেন। গত ১লা সেপ্টেম্বর অ্যাডহক্ বিপিসিসিতে বক্তৃতা প্রসঙ্গে তিনি স্বীকার করেছেন যে সত্যাগ্রহ আন্দোলন কার্যকরী হয়নি, লোকের উৎসাহও এতে নেই, “...there had been waning of enthusiasm.” সত্যাগ্রহ এখন যে কেবল একটা নামমাত্র ব্যাপারে পরিণত হয়েছে তা’ আমরা বহুদিন থেকেই বলে আসছি। কারুর উৎসাহ নেই, কারণ কংগ্রেসীরা গান্ধীজীর নীতির বিফলতা বুঝতে পেরেছেন। বৃথা কাজে সময় ও শক্তিক্ষেপ করবার উৎসাহ কারুর থাকেও না। কংগ্রেসীদের মধ্যে বর্তমানে যে অসন্তোষ জন্মে উঠেছে তাও তিনি স্বীকার করেছেন। তাঁর মতে “There was a good deal of dissatisfaction among the Congressmen who felt that there was nothing spectacular in the movement. It was a terrible sign of their failure...” কংগ্রেস ভারতের সব চাইতে শক্তিশালী রাজনৈতিক প্রতিষ্ঠান, অথচ সেই বিপুল শক্তি আজ অব্যবহারে মরচে-ধরা অবস্থায় পড়ে রয়েছে। গান্ধীজীর অসঙ্গত খেয়াল এবং গোড়ামীর জন্ম এই শক্তি ব্যর্থ হতে চলেছে। এই নিঃশেষিত গান্ধীবাদীয় নীতির বাঁধন কাটিয়ে না উঠতে পারলে ভারতের রুদ্ধ জনশক্তি মুক্তি পাবে না। তাই অবিলম্বে নিখিল ভারত কংগ্রেসকমিটির সভা ডেকে পরিস্থিতির বিশ্লেষণ পূর্বক কালোপযোগী প্রগ্রাম গ্রহণ করা প্রয়োজন হয়ে পড়েছে। সরোজিনী দেবীর এই সত্যভাষণে কি কংগ্রেসীদের চেতনা হবে ?

কৃপালিনী-সত্যমূর্তির গোড়ামী

ফরোয়ার্ড ব্লকের প্রেসিডেন্ট শাদূল সিংহ কবিশের মহাশয় এ-আই-সি-সি’র সম্পাদক আচার্য কৃপালিনীর কাছে পত্র দিয়েছিলেন অবিলম্বে এ-আই-সি-সি’র সভা ডাকবার জন্ম। কিন্তু সম্পাদক মহাশয় ঔদ্ধত্যপূর্ণ জবাবে জানিয়েছেন কংগ্রেসের নীতি পরিবর্তনের কোনই প্রয়োজন নেই, কারণ সবই ঠিক আছে। মিঃ সত্যমূর্তি জেল থেকে বেড়িয়েই কংগ্রেসের নীতি ও কৌশল পরিবর্তনের প্রয়োজনীয়তায় উল্লেখ করেছেন। শাদূল সিংহজী তাঁকেও অনুরোধ করেছিলেন, নিখিলভারত কংগ্রেস কমিটির সভা আহ্বানে সহায়তা করবার জন্ম। কিন্তু তৎপরতার সঙ্গে মিঃ সত্যমূর্তি জানিয়েছেন, তাঁর পূর্ণ বিশ্বাস আছে গান্ধীজীর ও কংগ্রেসের বর্তমান নীতির ওপরে, তবে তিনি শুধু মন্ত্রীত্বগ্রহণটা চান, আর কিছু নয়। কিন্তু মন্ত্রীত্ব গ্রহণ করতে হলে যে কংগ্রেসের বর্তমান নীতি বর্জন করতে হয়, সেটা হয়তো মিঃ সত্যমূর্তি খেয়াল করেন নি। মন্ত্রীত্ব নিলে যুদ্ধ পরিচালনার দায়িত্বও নিতে হবে, কিন্তু কংগ্রেস যুদ্ধবিরোধী নীতি গ্রহণ করেছেন। একদিকে যুদ্ধাভ্যর্থন করা, অন্য দিকে যুদ্ধবিরোধিতা করা—এই দুটাই এক সঙ্গে চলবে নাকি ? তা ছাড়া এই প্রসঙ্গে সর্বসাধারণ কংগ্রেস-সভ্যদের একটু তলিয়ে দেখতে ও বিচারপ্রবণ হতে অনুরোধ করছি।

বোম্বাইতে ছাত্রদলন

বোম্বাই বিশ্ববিদ্যালয়ের সমাবর্তন উৎসবে বিশ্ববিদ্যালয়ের ছাত্রছাত্রীরা উৎসবের প্রধান বক্তা সার মরিস্ গায়ারের বিরুদ্ধে বিক্ষোভ প্রদর্শন করেছেন। সার মরিস্ দিল্লী বিশ্ববিদ্যালয়ের ভাইস চ্যান্সেলার হিসাবে গতবৎসর দিল্লীর ছ’জন ছাত্রকে রাজনৈতিক আন্দোলনে যোগদান করে শৃঙ্খলাভঙ্গের অপরাধে উপাধি থেকে বঞ্চিত করেন। বোম্বাইর বিক্ষোভ সার মরিসের কৃতকর্মের



सुन्दरबारी, काठमाडौं, नेपाल



দশম বর্ষ

কার্তিক, ১৩৪৮

৫ম সংখ্যা

সাহিত্যে শ্রেণীবাদ

অনিল চন্দ্র রায়

সাহিত্য নিয়েও আজ তর্ক উঠেছে। যেমন তর্ক উঠেছে জীবনের অগাণ্ড সব কিছু নিয়ে। এ তর্কটা হলো আরো একটা বড়ো তর্কের অংশ মাত্র। সেই আসল তর্কটা হলো মানুষের জীবন সম্বন্ধে, মানুষের সংস্কৃতি সম্বন্ধে। তর্কটা প্রবল হয়ে উঠেছে, কারণ সংশয় ও প্রশ্নও প্রখর হয়ে উঠেছে। জীবনের সকল ক্ষেত্রই আজ প্রশ্নের দ্বারা আকীর্ণ; সর্বত্রই আঁকা রয়েছে বড় বড় অগণিত প্রশ্নবোধক চিহ্ন যাকে ওয়েল্‌স সাহেব বলেছেন এ যুগের মশার ঝাঁক, 'mosquitoes of modern world'. এরা ঝাঁকে ঝাঁকে আমাদের আক্রমণ করেছে এবং প্রশ্নের মশকদংশনে আমরা আজ সংশয়বিষে জর্জরিত হয়ে উঠেছি,—'now they swarm on every path and infect us with a fever of doubt,' (Wells) এই তাড়নায় আমরা আরম্ভ করেছি বিচার, বিশ্লেষণ ও অনুসন্ধান। এরই ফলে ঘটছে আমাদের আদর্শের দ্রুত রূপান্তর। আমরা সমাজ ও রাষ্ট্রকে ভেঙ্গে গড়তে চাই। কিন্তু ভাঙ্গাগড়ার পরিকল্পনা নিয়ে মতভেদ আছে। এবং মতভেদ থেকেই দলভেদের উৎপত্তি হয়েছে। সমাজনীতি ও রাজনীতিতে বিভিন্ন দলের সংঘর্ষ আজ সাহিত্যেও এসে পড়েছে, কারণ সাহিত্য সমাজনীতির এলাকার অন্তর্ভুক্ত। সাহিত্যিককেও তাই পলিটিশিয়ান ও সমাজতাত্ত্বিক হয়ে বিতর্কের আসরে নামতে হয়েছে।



দেশ ও কাল, তার পুরুষ-ও-স্ত্রী বা লিঙ্গভেদ (sex), তার পরিবার-গত স্থান ও পদ-মর্যাদা (status), তার ধর্ম ও জাতি (caste)। সে কেবল ব্যবসায়ীই নয়, ধনিক ও শ্রমিকই নয়; মঙ্গোলীয় বা নিগ্রো রক্ত তার মধ্যে আছে, তার প্রভাব আজ জনন-শাস্ত্র (genetics) স্বীকার করবে; সে পুরুষ কি নারী তারও প্রভাব তার মানসিক গড়নকে অনুরঞ্জিত করবে, একথা মৌন শাস্ত্র আজ বলবে; সে পিতা কি ভ্রাতা কি স্বামী, মাতা কি জায়া কি কন্যা এই পারিবারিক সম্পর্ক-জালের চাপও তার চেতনাকে কিছু অভিভূত করবে, একথা মনস্তত্ত্ব অস্বীকার করে না; সে নাস্তিক কি আস্তিক কি ফেটীশ-পূজক, তান্ত্রিক কি ইহুদী কি বৈষ্ণব, এসব ব্যাপারের প্রভাবও কম নয়, সমাজতত্ত্ব একথা স্বীকার করবে। মানুষের ব্যক্তিত্ব মিশ্র পদার্থ, তাকে কেবল একটা দিক থেকে, একটা cross section হিসেবে দেখলে, সে দেখা আংশিক ভাবে সত্য হবে। কেবল ব্যবসায়গত শ্রেণীর অন্তর্ভুক্ত ব্যক্তি হিসেবে তাকে দেখলে তার ব্যক্তিত্বের সবটুকু ধরা পড়ে না। ব্যক্তি হিসেবে, মানুষ হিসেবে তার ব্যক্তিত্বের একটা দিক আছে। রাসেল বলেছেন, যার দাঁত ব্যথা হয় সেই জানে ব্যথার অনুভূতিকে; এ তার একান্ত নিজস্ব; এখানে প্রত্যক্ষ ভাগ দেবার উপায় যেমন নেই, এখানে অন্য কারুর ভাগ নেবারও পথ নেই। গোলাপ দেখে বা সূর্যাস্ত দেখে যে আনন্দের উপলব্ধি কারুর হয়, তা তারই বিশিষ্ট উপলব্ধি। বাইরের সমাজের সঙ্গে, অপরাপর মানুষের সঙ্গে প্রত্যেক ব্যক্তিরই এক না এক সূত্রে যোগ আছে। কিন্তু সমস্ত মানুষের সঙ্গে সকল যোগসূত্রের বাইরে একটা নিরানন্দ অন্তর্লৌকিক আছে যেখানে অপরের প্রবেশপথ নেই। সেখানে মানুষ একক। বাহির ও ভিতর, এই দুইয়ের সমবায়েই মানুষের ব্যক্তিত্ব সম্পূর্ণ। এদের একে অন্যের উপরে সততই প্রভাবপাত করছে, এই অন্তোন্তোতাকে স্বীকার করেও ভিতর ও বাহির দুইয়েরই স্বাভাবিক স্বাতন্ত্র্যকে স্বীকার না করে উপায় নেই। সমুদ্রবেষ্টিত দ্বীপ অপর দ্বীপ বা দেশ থেকে পৃথক, সমুদ্র তাদের মধ্যে অন্তরাল রচনা করে বিচ্ছিন্ন করেছে। কিন্তু সমুদ্র আবার, অন্য দৃষ্টিভঙ্গীতে, দুইয়ের মধ্যে যোগসেতু হিসেবেও রয়েছে। সমুদ্র ব্যবধানও বটে, সংযোগও বটে। তেমনি ব্যক্তির স্বাতন্ত্র্যও যেমন সত্য, তেমনি সত্য তার সমষ্টির অন্তর্ভুক্তি ও সংযোগ। মানুষ যেমন একক ও পৃথক, তেমনি মানুষ বহুর সহযোগী এবং সমাজেরও অংশীদার। ব্যক্তির সুখদুঃখও যেমন সত্য, তেমনি সমষ্টিজীবনের সাধারণ সুখদুঃখও সত্য; ব্যক্তি নানা ক্ষেত্রে নানা লোকের সঙ্গে সমান সুখদুঃখের ভাগী; সেই কারণে বহুতর লোকের সঙ্গে ব্যক্তির গোষ্ঠীবন্ধন ঘটে, এবং ব্যক্তি তাই বিবিধ গোষ্ঠী-জীবনের (group life) অন্তর্ভুক্ত, ফলভাগী এবং প্রভাব-লালিত। তার বিবিধ সম্পর্ক-বন্ধনের মধ্যে কেবল 'জীবিকাসম্পর্কিত সম্বন্ধ ও সংযোগই তাকে মাটির ঢেলার মত মৌল আনা গড়ে তুলবে, একথা কোন বিজ্ঞানই সমর্থন করে না। কারণ এ হলো নিছক একদেশ-দর্শন মাত্র এবং যাকে বলে 'over-simplification' সেই আতিশয্য দোষেরই নামান্তর।

সাহিত্য কেবল মানুষের অর্থনৈতিক শ্রেণী-চরিত্রেরই প্রকাশ মাত্র, একথা এই এক-দেশদর্শী গোঁড়ামী বই আর কিছু নয়। মানুষের মনোভাব তার শ্রেণী-স্বার্থের দ্বারা প্রভাবিত হয়, সত্য। কিন্তু সে কতটুকু? তাছাড়া সেই প্রভাবকে অপরাপর স্বার্থ, তাগিদ ও প্রভাব খর্ব এবং এমনকি, বিলুপ্তও করতে পারে। কেন পারে তার জবাব দিয়েছে সমাজতত্ত্ব। সমাজে ও জীবনে বিবিধ শক্তি ও স্বার্থ কাজ করছে, ক্রমবিকাশের মূলে রয়েছে এই বিচিত্র ও অসংখ্য শক্তিসমূহের সমবেত ও পারস্পরিক ঘাতপ্রতিঘাত। এই পারস্পরিকতা (reciprocity) হলো অতীকার সমাজতত্ত্বের সর্বস্বীকৃত তথ্য। মার্ক্সীয়দের অর্থনৈতিক শ্রেণীবাদ দাঁড়িয়ে আছে তাঁদের সামাজিক ক্রমবিকাশবাদের ওপরে। এই বিবর্তনবাদের ভিত্তি হলো একরৈখিক (unilinear), অপরাবর্তনীয় (irreversible) কার্যকারণক্রমের থিওরী যা' আজকার দর্শনে ও বিজ্ঞানে অচল। অর্থনীতি যেমন জীবনের অপরাংশকে প্রভাবিত করছে, অপরাংশগুলোও তেমনি অর্থনীতিকে প্রভাবিত করছে। শ্রেণীস্বার্থের প্রকাশ সাহিত্যে থাকবে, সন্দেহ নেই; কিন্তু সকল রকমের গোপ্তীজীবনের স্বার্থই সাহিত্যের মধ্যদিয়ে প্রতিফলিত হবে, একথাও অনস্বীকার্য। অধিকন্তু কেবল গোপ্তীজীবনই নয়, বাষ্টি-জীবনেরও আশানিরাশার কাহিনী সাহিত্যে ভাষা পাবে। সমষ্টিজীবন দানা বেঁধে উঠেছে ছোটবড় নানাবিধ গোপ্তীর মধ্য দিয়ে। ছোট বড় নানা আকারের সমকেন্দ্রিক বৃত্তের অন্তর্ভুক্ত হয়েও ব্যক্তির একটা স্বতন্ত্র সূত্র আছে। তাই আজ মার্ক্সীয়দের মধ্যে যারা যুক্তিশীল তারা ব্যক্তিকে নিয়েও সাহিত্য হতে পারে একথা স্বীকার করেছেন। বিখ্যাত মার্ক্সবাদী জন্ ট্রাচীও (strachey) বলছেন, "Literature, for the most part, attempts to illuminate some particular predicament of a particular man or a particular woman at a given time and place." এই স্বীকৃতির জন্য গোঁড়া মার্ক্সীয়রা খুশী হননি। এমনকি গেন্ভিল্ হিক্‌স্ এর জন্য ট্রাচীকেও এক হাত নিতে ছাড়েননি। কিন্তু আমেরিকার আর একজন মার্ক্সীয় সাহিত্যিকও ব্যক্তির মূল্যকে স্বীকার করে ট্রাচীকে সমর্থন করেছেন। তার নাম ফ্যারেল (J. T. Farrell). তিনি বলছেন, সামাজিক শক্তিগুলো এমন ভাবে দানা বেঁধে উঠে কাজ করেনা যাতে এক একটা বিপুল আকারের পিণ্ড বিরুদ্ধ দিক থেকে এসে পরস্পরকে ধাক্কা দিচ্ছে। মানুষকে কেবল পিণ্ডের অংশ হিসেবে দেখলে আবার পুরোণো যান্ত্রিকতারই সমর্থন করা হয় — "the treatment of them as such is a fall back to the materialism that preceded Marx.....We cannot treat social forces as mechanical and the basis of this is the common intellectual conception of cause and effect as rigidly opposite poles." (৬) ফ্যারেলের মতে সাহিত্য শ্রেণীকে নিয়েও হতে পারে, ব্যক্তিকে

(6) "A note on Literary criticism" by James T. Farrell.

জয়শ্রী

নিয়েও হতে পারে। আর ব্যক্তিকেন্দ্রিক সাহিত্যের মূল্য যে কম একথাও স্বীকার্য নয়। উপন্যাসের শ্রেণীভাগ করে হিক্স যে “সমষ্টি-কেন্দ্রিক” উপন্যাসের নামকরণ করেছেন তাও ফ্যারেলের মতে অবৈজ্ঞানিক। (৭)

জীববিজ্ঞা ও সমাজবিজ্ঞা দুইই স্বীকার করে থাকে যে মানুষের সঙ্গে মানুষের সাদৃশ্য যেমন আছে তেমনি প্রভেদ-ও আছে। কোনো কোনো বিষয়ে অপরের সঙ্গে সাদৃশ্য থাকে আবার অন্যদিক থেকে থাকে অসাদৃশ্য। জীবিকা-স্বার্থের সাদৃশ্য যাদের মধ্যে রয়েছে তারা হলো মার্ক্সীয় “শ্রেণী”। তেমনি অন্যান্যবিধ সাদৃশ্যের ভিত্তিতে অন্যান্যকমের গোষ্ঠী গড়ে ওঠে। মানুষের সঙ্গে মানুষের কেবল এক ধরনের সাদৃশ্যটিকেই চোখের ওপরে রেখেই সাহিত্য সৃষ্টি হবে, কেবল অর্থনৈতিক শ্রেণীর স্বার্থ নিয়েই সাহিত্য গড়ে উঠবে, এ দাবি ও কল্পনা ভিত্তিহীন। আরেকটা কথা আছে। ব্যক্তির সঙ্গে ব্যক্তির একটা প্রভেদও আছে; সকল সাদৃশ্যের পিছনেই জেগে রয়েছে এই প্রভেদ বা অসাদৃশ্য। এইদিক থেকে দেখলে প্রত্যেকটা ব্যক্তিরই আছে একটা বিশিষ্টতা বা uniqueness. এইখানে প্রত্যেকটা ব্যক্তি স্বতন্ত্র মহিমায় ভাস্বর! দৈহিক ও মানসিক প্রকৃতি ও রীতিতে, উভত্রই, এই ব্যক্তি-বৈশিষ্ট্য সুষ্পষ্ট। আকৃতিতে যেমন প্রতিটা ব্যক্তি প্রতি ব্যক্তি থেকে বিভিন্ন, প্রকৃতিতেও তাই প্রতি মানুষের একটা পৃথক স্বকীয়তা আছে। (৮) এই কারণে মোটা-মোটা ভাবে শ্রেণী হিসেবে কোন মানুষ-সংহতির ব্যবহার সদৃশ ও সমপ্রকৃতিক হওয়ার সম্ভাবনা সত্ত্বেও কোন ব্যক্তির ব্যবহার সম্বন্ধে সঠিক ভবিষ্যৎ-বাচন চলে না। ব্যক্তির প্রায়শই বিশিষ্ট-প্রকৃতি ও স্বতন্ত্রধর্মী হওয়ার সম্ভাবনা থাকে। এখানে statistical average'এর পদ্ধতি খানিক দূর কার্যকরী হলেও, বেশী দূর নয়। যেখানে মানুষ স্বতন্ত্রধর্মী সেখানে তার ব্যবহার শ্রেণী-ব্যবহার না হয়ে হবে সম্পূর্ণ ব্যক্তিক ব্যবহার যা স্বকীয় বৈশিষ্ট্যে স্বয়ংসিদ্ধ। এই ব্যক্তি-

(7) “Therefore, because a novel happens to deal with the particular predicament of a particular man or woman...it does not necessarily follow that it is tainted with individualism, nor, because it is tainted with individualism, does it necessarily follow that it belongs in a lower category than the collective novel;.....Actually there is nothing astounding in the fact that novelists are likely to go on writing about the individuals, because, after all, the world is made up of individual human beings.”—(ibid, pp. 111-112).

(8) “Besides being members of classes and groups, they are intractable individual entities, each uniquely different and in some respects, from every other human being on this planet.....In other words, in every individual there is an aspect of uniqueness and intractability and this makes him not completely predictable in every potential situation.” (ibid, pp 117).

শ্রেণীর প্রভাব বা পারিপার্শ্বিকের প্রভাবকে কোন যুক্তিশীল সমালোচকই বাদ দিতে পারেন না। কিন্তু তাই বলে শ্রেণীকেই সাহিত্যবিচারের একামেবাদিতীয়ম্ মানদণ্ড করে দাঁড় করানোর কোন যুক্তিসঙ্গত কারণই নেই। ইতিপূর্বে অর্থাৎ মার্ক্সীয় সাহিত্য সৃষ্টি হবার আগেও সমালোচকেরা পারিপার্শ্বিকের ও এমন কি, শ্রেণীর প্রভাব সম্বন্ধে আলোচনা করেছেন। দৃষ্টান্ত স্বরূপ, কুরথোপ্ (Courthope) তার বিখ্যাত এক প্রবন্ধে (“Poetry and the people”) শ্রেণী-প্রভাবের গুরুত্ব সম্বন্ধে লিখেছিলেন। (১১) এমন কি, বুর্জোয়া উদারনীতির বর্তমান বিশৃঙ্খলা যে সমষ্টিবাদ ও ব্যক্তিবাদের সংঘর্ষ থেকে জন্মেছে এবং তাই তদানীন্তন কাব্য যে এই বিশৃঙ্খলার ছাপ বহন করেছে, তাও তিনি ব্যাখ্যা করেছেন। কিন্তু পারিপার্শ্বিকের গুরুত্ব উপলব্ধি করা এক কথা, আর তার অন্ধ মাহাত্ম্য কীর্তন করা হলো অন্য ব্যাপার। মার্ক্সীয় সমালোচনার আতিশয্য দোষ এবং একদেশদর্শিতা তাই বৈজ্ঞানিক যুক্তিতে গ্রাহ্য হওয়া সম্ভব নয়। এমনকী ট্রটস্কীও এ সম্বন্ধে মার্ক্সীয় গৌড়ামীর তীব্র সমালোচনা করেছেন। শ্রেণীসংস্কৃতি বলে কোন বস্তু নেই, কাজেই প্রলেটারীয় সংস্কৃতি বা সাহিত্য বলেও আলাদা কিছু থাকবার কল্পনা করবার কোনই অর্থ নেই। যে শক্তি ও আনন্দের উপাদানকে মানুষ যুগে যুগে সঞ্চয় করেছে, সেই সব উপাদানকে কোন বিশেষ শ্রেণীর সংস্কৃতি বলে ছাপ মেরে দেবার কোনই কারণ নেই। ইলেক্টিসিটি, স্টীমএঞ্জিন, এরোপ্লেন, মোটর, চিকিৎসা-বিজ্ঞান, রেডিও, ইঞ্জিনিয়ারিং ইত্যাদি হলো আধুনিক সভ্যতার উপাদান, এর মূলে বহু লোকের অবদান রয়েছে। সর্বমানবের কল্যাণে এদের ব্যবহারে ও প্রয়োগে কোন আপত্তিই থাকতে পারে না। তবে বর্তমান যুগে বুর্জোয়া শ্রেণীর সামাজিক প্রাধান্য বাগিঞ্জো ও রাষ্ট্রে রয়েছে; তাই এসব মানব-ব্যবহার্য উপাদান কতিপয় ধনিকের দখলে ও ভোগে আটক আছে। সর্বহারাদের এতে কোন অধিকার নেই। কিষাণ-মজুরের রাজ হলে, এই যুগাস্তের ক্রমসঞ্চিত ঐশ্বর্য কিষাণ-মজুরের ভোগেও আসবে। যা ছিলো সংখ্যালঘুর আয়ত্তে, তা হবে অগণিতের উপভোগ্য। যে সংস্কৃতি বা সভ্যতা আজ এক শ্রেণীর একচেটীয়া, সেই সংস্কৃতি ছড়িয়ে পড়বে সকল স্তরের মধ্যে। শুধু এই হবে পার্থক্য। কাজেই “বুর্জোয়া” বা “প্রলেটারীয়” বলে মার্কামারা কোন সংস্কৃতি নেই; এ হলো শব্দের ছুঁই প্রয়োগ মাত্র। আসল কথা আজিকার বুর্জোয়ার অধিকৃত ও উপভোগ্য সংস্কৃতিকে আমরা চাই প্রলেটারীয়ের দখলে এনে দিতে। অনাগত বিপ্লব হবে এই হস্তান্তরের বাহক। কাজেই বিপ্লবোত্তর সংস্কৃতিকে “সমাজতান্ত্রিক”

(12) “All through the history of England we see a tendency in the life of the nation to concentrate itself in...some particular class which becomes for the time being the sovereign power, rallies round itself all the faculties of the people.....”
(Courthope).



বা “প্রলেটারীয়” সংস্কৃতি নাম দেওয়া একান্ত নিরর্থক। অর্থনৈতিক বা বাণিজ্যিক পরিভাষাকে সাহিত্যিক ক্ষেত্রে অপপ্রয়োগ করলে অর্থবিভ্রাট ঘটবেই। সংস্কৃতি ও সাহিত্যকে যারা রাজনৈতিক লেবেল দিয়ে খণ্ডিত করে দেখেন তারা সংস্কৃতির অপব্যথা করেন। ফ্যারেলের ভাষায়, “When one freezes the categories of bourgeois and proletarian and insists that they be standards of measurements in literature, one shuts out the enduring element that Gide speaks of.” এঙ্গেল্‌স্‌ (Engels) মার্ক্সীয় ডায়ালেকটিক জড়বাদকে যান্ত্রিক জড়বাদে পরিণত করেছেন, “বুর্জোয়া,” “প্রলেটারীয়” ইত্যাদি পরিভাষাকেও কাঠকঠিন, অনড় সংজ্ঞায় দাঁড় করিয়ে দিয়েছেন। এর ফলে মার্ক্সবাদীরাও “বুর্জোয়া” ইত্যাদি লেবেল ব্যতীত সংস্কৃতি, সাহিত্য বা সমাজ-জীবনকে ভাবতেও পারেন না। এই গৌড়ামীর পথ এঙ্গেল্‌স্‌-ই দেখিয়েছেন। তিনিই প্রথম “প্রলেটারীয় সংস্কৃতি”র কথা রাজনীতি ক্ষেত্রে আমদানী করেছেন। কিন্তু এই ধরনের ভাগাভাগি সংস্কৃতির ক্ষেত্রে চলে না। বিশেষতঃ যে মনোভাব বুর্জোয়া সংস্কৃতি বিলীয়মান বলে নাসিকা কুঞ্চিত করে, তা কেবল বিশুদ্ধ অজ্ঞতা বই অণু কিছু নয়। প্রলেটারীয় সংস্কৃতি বলে যে নতুন সংস্কৃতির কাহিনী মার্ক্সবাদীরা প্রচার করে থাকেন, তা সোণার পাথর বাটীরই মতন কল্পনার অলীক সৃজন। ট্রট্‌স্কীর মত গৌড়া মার্ক্সবাদীও একথা স্বীকার করেছেন। ডিক্টেটরী যুগের অশেষ নতুন সমাজ সংগঠন হবে শ্রেণী-হীনতার ভিত্তিতে। সে যুগের সংস্কৃতি হবে সর্বমানবের সংস্কৃতি, “প্রলেটারীয়” নামক শ্রেণীচিহ্নে লাক্ষিত সংস্কৃতি নয়। (১৩) এমন কি মার্ক্স স্বয়ং-ও সাহিত্য সম্বন্ধে শ্রেণীবাদের গৌড়া সমর্থক ছিলেন বলে মনে হয় না। তথাকথিত “বুর্জোয়া”-মার্ক্স বলে মার্ক্স এ যুগের ও পূর্ববর্তী যুগের সাহিত্যকে অগ্রাহ্য করেন নি; বরং সাহিত্যকে রাজনৈতিক মতসংঘর্ষের উদ্দেশ্যে রেখে তিনি অবিমিশ্র সাহিত্যরসাম্বাদের পথ দেখিয়ে গেছেন। এস্‌কাইলাস্‌ (Æschylus), হোমার থেকে দান্তে, সেক্‌স্পিয়ার, সারভেন্‌টে (Cervantes) গ্যয়েটে (Goethe), হায়নে (Heine), ইত্যাদির বইগুলো তাঁর দৈনন্দিন শাস্তি এবং সারাজীবনের সান্ত্বনার উৎস ছিল। পল লাফার্গ বলেছেন, মূল গ্রীক ভাষায় এস্‌কাইলাসের বই মার্ক্স অমৃতঃ

- (13) “There is no workers’ culture and that there will never be any and in fact there is no reason to regret this. The worker acquires power for the purpose of doing away for ever with class culture and to make way for human culture; We frequently seem to forget this. The main task of the proletariat intelligentsia in the immediate future is not the abstract formation of a new culture,.....but definite culture-bearing, ie, a systematic, planful and of course, critical imparting to the backward masses of the essential elements of the culture which already exists.” (Trotsky—Literature & Revolution.)

জয়প্রা

মজুরের স্বার্থকে জয়যুক্ত করে নতুন অর্থ-বাবস্থা কায়েম করতে হবে। কিন্তু তাই বলে মানুষের সংস্কৃতি ও সমস্তসভ্যতাকে শ্রেণীবাদের লোহার ছাঁচে ফেলে মাপতে বা গড়তে হবে, এই Nouveau-মার্ক্সীয় সমালোচনা-রীতির কোন বৈজ্ঞানিক ভিত্তি নেই। একই যাত্ন দিয়ে জ্ঞানবিজ্ঞানের সকল ক্ষেত্রেই সবকিছুর সম্পূর্ণ সমাধান করা চলে না। একটা সীমা পর্যন্ত এ নীতি কিছুটা কার্যকর হতেও পারে কিন্তু তার পরে এ অদ্বৈতী পদ্ধতি অচল। সমাজ ক্ষেত্রের যে পদ্ধতি বা standard তাকে সাহিত্য ক্ষেত্রে ছবছ প্রয়োগ করার স্বপক্ষে কোনই লজিক নেই। সাহিত্য-সমালোচনার ক্ষেত্রেও আজ মার্ক্সবাদীরা ডায়ালেকটিক ও শ্রেণীসংগ্রামের অস্ত্র হাতে অবতীর্ণ হয়েছেন এবং “বুর্জোয়া” সাহিত্যের মৃত্যু-দণ্ডের ছকুম দিয়েছেন। কিন্তু টুটস্কীর লেখনীতেই বেরিয়ে পড়েছে মার্ক্সীয় স্বীকৃতির সত্যভাষণ, “It is very true, one cannot always go by the principles of marxism in deciding whether to reject or accept a work of art.” ১৯১৭ সালের পরের জগতে যে সব নতুন ঘটনাবিবর্তন হয়েছে তার ঐতিহাসিক ইঙ্গিত হলো এই যে বাস্তব পরিস্থিতির চাপে মার্ক্সবাদীদের সাহিত্যিক গোঁড়ামীর একদিন সংশোধন হবে।



জয়প্রা

হারিয়ে বসে ছিল, ফলে পূর্বপুরুষদের চেষ্টা দ্বারা অর্জিত জ্ঞানকে নিভূল মনে করা ছিল রীতি— প্রাকৃতিক জগত সম্বন্ধে তাদের জ্ঞান অতি অকিঞ্চিৎকর হওয়া সত্ত্বেও তার বিরুদ্ধে কেউ কিছু মতামত প্রকাশ করলে, তাকে এ জগতে সমাজের অত্যাচার ও পরজগতে নরকাগ্নির ভয় সহ্য কোরতে হতো।

১৫ শতকে পশ্চিম ইউরোপের চিন্তাশীল ব্যক্তির এই বিচারহীন চিন্তার বিরুদ্ধে বিদ্রোহ ঘোষণা করেন এবং ব্যক্তিগত অভিজ্ঞতা ও পরীক্ষার উপর নির্ভর করবার মনোভাব প্রচলিত হয়। সাধারণতঃ গ্রীক প্রভাবের পুনরাবর্তি থেকেই “বিচারশীল চিন্তার” জন্ম-কাল গণনা করা হয়। কিন্তু এছাড়াও অন্যান্য যুক্তি-প্রবণতার যুগ আছে। কিন্তু নানা কারণে রেনাশাসকেই প্রধান স্থান দেওয়া হয়। এই রেনাশাসের প্রভাব ইউরোপে ৪০০ বৎসর কাজ করেছে। এতে বুদ্ধি ও কৌশলের ক্ষেত্রে অভূতপূর্ব উন্নতি সাধিত হয়েছে যার ফলে সমস্ত জীবনযাত্রার প্রণালীতে বিপ্লব সংঘটিত হয়েছে। প্রথম প্রথম রাজনীতি, সমাজতত্ত্ব ও ধর্মের ক্ষেত্রে রেনাশাসের প্রভাব ছিল কম। কিন্তু ক্রমে এসব ক্ষেত্রেও প্রচলিত পদ্ধতির বিরুদ্ধে রেনাশাসের প্রভাবই জয়লাভ করে। রেনাশাসের প্রভাব কত বেশী হোয়েছিল একটি উদাহরণ তা থেকে বোঝা যাবে—ফরাসী বিপ্লবের কালে—ফরাসী জাতি তাদের পুরোণো ধর্মকে বর্জন কোরে তার পরিবর্তে বিচারের অধিষ্ঠাত্রী দেবীর মূর্তি নির্মাণ করে। তারা বোঝেনি যে এ কাজটাই একটা যুক্তিবিরোধী কাজ।

কিন্তু রাজনীতি, সমাজতত্ত্ব, ধর্ম এসব ক্ষেত্রে বিচারশীল চিন্তার প্রসার কমই হোয়েছে, তার ফলে বর্তমান কালে সর্বাপেক্ষা বড় ট্র্যাজেডী—ইউরোপীয় জাতিগুলি দ্বারা অপেক্ষাকৃত কম ভাগ্যবান জাতিগুলির ঔপনিবেশিক শোষণ এবং বিগত ও বর্তমান মহাযুদ্ধ—দেখা দিয়েছে। মানব-সমাজের স্থায়ী ও উন্নতির সহিত সংশ্লিষ্ট বিষয়গুলি সম্পর্কে “বিচার প্রবণ চিন্তা”র প্রয়োগ করা কি একেবারে অসম্ভব? দুর্ভাগ্যবশতঃ ইতিহাসের একদশী শিক্ষার জন্ম বর্তমান যুগের মানসিক অবস্থা এই সকল বিষয় প্রশস্ত দৃষ্টি দিয়ে বিচার করবার পক্ষে অনুগৃহীত। কিন্তু হয়ত কয়েক শত বৎসর পর কোনো দার্শনিক একালের সংঘর্ষগুলিকে প্রাচীন যুগের সংঘর্ষের মতই যুক্তিহীন মনে করবেন। বিশেষ সুবিধাভোগ করবার জন্য পৃথিবীর সর্বাপেক্ষা উন্নত জাতিগুলি গত মহাযুদ্ধে পরস্পর সংঘর্ষে লিপ্ত হয়। বর্তমান যুদ্ধকে বিভিন্ন দুই মতবাদের যুদ্ধ বলে অভিহিত করা হয়। কিন্তু চরম সাম্রাজ্যবাদী শোষণ থেকে আরম্ভ কোরে, চরম মার্কসবাদ পর্যন্ত বিভিন্ন রাজনৈতিক মতবাদ পরীক্ষা কোরলে দেখা যাবে কোনটিই সম্পূর্ণ খারাপ নয়, কোনটিই সম্পূর্ণ নির্দোষ ও নয়। বস্তুতঃ রাশিয়া যেমন চরম মার্কসবাদ থেকে সুরু কোরে দেখছে যে ধনতান্ত্রিক দেশদ্বারা পরিবেষ্টিত হোয়ে পুরোণো ব্যবস্থার কিছু কিছু তাকে গ্রহণ করতেই হবে। অন্যদিকে সাম্রাজ্যবাদের প্রধান দুর্গগুলিও শিল্প, বাণিজ্য ও ব্যক্তিগত সম্পত্তির সম্পর্কে বিভিন্ন পরিমাণের রাষ্ট্র-নিয়ন্ত্রণ প্রবর্তিত করবার প্রয়োজন বোধ করেছে।

ঐশ্বর্য ও ঐতিহ্যে যে সকল দেশ সম্পূর্ণ বিভিন্ন তাদেরও শাসন-কৌশল একই প্রকারের হোয়ে উঠছে এবং কোনো ব্যবস্থার যে সব উপাদানকে অত্যাবশ্যকীয় লক্ষণ বলে বিবেচনা করা হোতো কয়েক দশক পরে সেগুলির ও অভাব লক্ষিত হোচ্ছে। জাতিগত শ্রেষ্ঠত্বের উপর নাজিবাদ ও ফ্যাসীবাদ গড়ে উঠেছে। জগতের বড় বড় সাধারণতান্ত্রিক দেশগুলি দৃশ্যতঃ এই নীতিকে নিন্দা করে থাকে কিন্তু তাদের বাক্য ও কার্যের মধ্যে আকাশপাতাল প্রভেদ। দৃষ্টান্তস্বরূপ বলা যেতে পারে আমেরিকার সাধারণতন্ত্রের অধীনে ১৫০ লক্ষ “কালার্ড” জাতি বাস করে। হাউস অব রিপ্রেজেন্টেটিভে এদের কয়েকটি মাত্র “জেনিটর” রয়েছে। প্রাচীন রোমীয় সাম্রাজ্য অপেক্ষা বৃটিশ সাম্রাজ্য অধিকতর উদার বলে দাবী করা হয়—কিন্তু রোমীয় সাম্রাজ্যের অধীনে সকলেই রোমীয় নাগরিক হবার অধিকার লাভ করতো—বৃটিশ সাম্রাজ্যে এরূপ আইন এখনো বহুদূরে। কাজেই জগতের তথাকথিত উন্নত জাতিগুলি যখন ডিমোক্রেসীর সুবিধা সম্বন্ধে বাকবিস্তার করেন তখন সেগুলি নিজেদের দেশকে লক্ষ্য করেই করেন। এধরণের কথাবার্তা অপেক্ষাকৃত মন্দভাগ্য জন-সংঘের পক্ষে সম্পূর্ণ বিভ্রান্তকারী। ইতিহাস বার বার এই শিক্ষাই আমাদের দিয়েছে যে যারা জাতিগত শ্রেষ্ঠত্বের ভ্রান্ত ধারণা দ্বারা চালিত হয় কিছু আগে কি পরে এর ফল তারা ভোগ করে।

ছূর্তাগা বশতঃ আমাদের এই দেশে জ্ঞানের ক্ষেত্রে পর্যন্ত বিচারশীল মননার অভাব ; আর রাজনীতি, সমাজনীতি কিংবা ঐর্থনীতির ক্ষেত্রে তো কথাই নাই। বর্তমান ভারতবর্ষের নানা বিরুদ্ধ চিন্তাধারার সংঘর্ষকে যদি কেউ দূর থেকে নিরপেক্ষ দৃষ্টিতে দেখেন তবে তাঁর পক্ষে এখানকার নানা দল ও সম্প্রদায়কে এভাবে বর্ণনা করা অগ্নায় হবে না, যে এই সব দল হলেন অগণিত মাছের ঝাঁকের মতন, জালে আটকা পড়ে প্রত্যেকেই বিপরীত দিকে জালকে টানছেন। অল্প কিছু দিনের জন্য একটা ঐক্যের মনোভাব এখানে দেখা গিয়েছিল, তার কারণ হলো একটা সার্বজনীন অগ্নায় ও অবিচারের উপলব্ধি। কিন্তু যে মুহূর্তে এই অগ্নায় ও অবিচারের কিছুটা দূর হবার সম্ভাবনা দেখা দিল, অমনি পুরোগো কুসংস্কার ও মানসিক সংক্ষীর্ণতাগুলো আবার ফিরে এসে জাতীয় জীবনের ক্ষতিসাধন করতে শুরু করলো। বলা বাহুল্য এই সব সংস্কারের জন্ম হয় ইতিহাসের ভ্রমাত্মক শিক্ষা থেকে। নিরপেক্ষ ও যথার্থ অনুসন্ধিৎসার মনোবৃত্তি নিয়ে সমস্যাগুলোকে না দেখতে পারলে—এই ছুরবস্থা থেকে রেহাই পাওয়া অসম্ভব।

কেউ হয় তো তর্ক তুলবেন যে রাজনীতি, ধর্ম ও সমাজ সম্পর্কিত বিষয়গুলোকে নির্লিপ্ত, নিরপেক্ষ মনোভাব নিয়ে আলোচনা করা একেবারে অসম্ভব। কিন্তু আমাদের অভিজ্ঞতা অণু রকম ; কারণ কংগ্রেসের ‘জাতীয় পরিকল্পনা সমিতির’ আলোচনায় যোগ দিয়ে আমরা অণু-রকমটা দেখেছি। ক্যাপিটালিষ্ট ও কম্যুনিষ্ট, শিল্পপতি ও শিক্ষাব্রতী, সব রকম মতবাদের লোকই

জয়প্রা

এই কমিটির সভ্যদের মধ্যে ছিলেন, এমনকি হয়তো যতজন মেম্বার ছিলেন ততটী মতবাদও ছিলো কমিটিতে। বিশেষ বিশেষ বিষয় ও সমস্যার আলোচনার জন্য আলাদা আলাদা ২৯টী সাবকমিটি গঠিত হয়েছিল। এই সব সাবকমিটির সভ্যদের মধ্যে সব রকমের বিভিন্ন ও বিরোধী মতই ছিলো। আর বিষয়গুলোও সব এমন ছিলো যা নিয়ে তুলতর্ক বাঁধবার খুবই সম্ভাবনা ছিল, যথা যন্ত্রশিল্প, কৃষি-মজুর, ব্যাঙ্ক ও কারেন্সী, শিল্প-নীতি ইত্যাদি। তবু পরিকল্পনা কমিটি ও সাব-কমিটিগুলির সকল মেম্বারেরই এ অভিজ্ঞতা হয়েছে যে, নিরপেক্ষ ভাবে সকল বিষয়ের সবগুলো সমস্যাকে বিচার ও বিশ্লেষণ করা হলে, দেখা গেল সকলের মনেই একই ধরনের সমাধান উপস্থিত হয়েছে : আর খুব তর্ক-বলুল বিষয়েও প্রভূততম মতের ঐক্য উপস্থিত হওয়া সম্ভব হয়েছিল। কাজেই রাজনৈতিক ও অর্থ-নৈতিক সমস্যা গুলোর সম্বন্ধে বিচারশীল মননার নীতি প্রয়োগ অসম্ভব বলে মনে হয় না। কিন্তু আজকালকার রাজনৈতিক নেতারা নিরপেক্ষ দৃষ্টিতে সমস্যার বিবেচনা করবেন, এমন মানসিক গঠনই তাদের নেই। এ কাজের জন্য গড়ে তুলতে হবে একেবারে নতুন ধরনের মনকে। অবশ্য রাষ্ট্রীয়, আর্থিক ও সামাজিক সমস্যা গুলির বৈজ্ঞানিক সমাধান পাওয়া গেলেও বিনা বিরোধে ও বিনা সংগ্রামে তাদের কাজে প্রয়োগ করা যাবে কিনা সেটা বিবেচনার বিষয়।

পলিবিয়াস্ (Polybius) নামে একজন গ্রীক ঐতিহাসিক কয়েক বছর বন্দী হয়ে রোমে ছিলেন এবং এই সূত্রে বড় বড় রোমানদের সঙ্গে পরিচিত হবার সুযোগ পেয়েছিলেন। তাঁর মনে এই প্রশ্ন জাগলো ; রাজনীতিতে গ্রীকরা কেন সফল হতে পারলো না, অথচ তাদেরই কাছে শিক্ষা পেলো যে রোমান জাত এবং যে জাত সামান্য মাত্রও মৌলিকতা দাবী করতে পারে না, তারাই বা কেন জগতে হলো সব রকমে সার্থক ও সফল ? তাঁর মনে হলো, এর এক মাত্র কারণ এই হতে পারে যে রোমানদের শাসনপদ্ধতিতে রাজতান্ত্রিক (monarchical), সম্রাটতান্ত্রিক (aristocratic) ও গণতান্ত্রিক রীতিনীতির সুন্দর সামঞ্জস্য ও মিলন ঘটেছিল। অর্থাৎ গ্রীকরা তাদের শাসন-পদ্ধতি গঠন করেছে নিছক আবাস্তব বুদ্ধিশীলতার সাহায্যে, কিন্তু রোমান জাতি তাদের রাষ্ট্রকে গড়ে তুলেছে দীর্ঘ দিনের সংগ্রাম ও সংঘর্ষে, সঞ্চিত অভিজ্ঞতার সাহায্যে। তাদের এই রাষ্ট্র-ব্যবস্থা কোন একজন লোকের নয়, বহুজনের সৃষ্টি ; এর নিখুঁত পরিণতি ঘটেছে এক জীবনের চেষ্টায় নয়, বহু পুরুষের এবং অনেক যুগের সাধনার ফলে। বর্তমান বিশৃঙ্খলার মধ্য থেকে যুগোপযোগী রাষ্ট্র ব্যবস্থা ও অর্থ-নৈতিক সমাজ পদ্ধতি গড়ে উঠতে পারে যদি সমস্যাগুলোর সমাধান করার চেষ্টা করা হয় নিরপেক্ষ ও বাস্তব বুদ্ধির সাহায্যে এবং যদি ইতিহাসের যথার্থ শিক্ষাকে স্মরণ রেখে তার অভিজ্ঞতাকে সমগ্র সমাজের কল্যাণে নিয়োগ করা হয়।



ঐ প্রশ্নটাই জপ্তে থাকি। অপমানাহত হয়েও যখন শুনি রুজভেন্ট-চার্চিল কি একটা ঘোষণা করেছেন, তখন ফের এই প্রশ্ন তুলি।

পরাদীনতা রোগের এ যেন ডিলিরিয়াম। বলতে লজ্জা নেই, চীনেরা যখন জাপানীদের অগ্রগতিকে বাধা দেয়, তখন আমরা খুসী হই বটে কিন্তু আরও খুসী হই যখন শুনি জাপানীরা ইংরেজের গালে চড় মেরেছে ; ভাবি, কোথায় যেন জিতে গেলাম। যখন ইউরোপে যুদ্ধ লাগে তখন আত্মতুষ্টির একটা ভঙ্গী করে বলি—এইবার ! নাৎসী জার্মানী অপর দেশকে পদানত করছে শুনেও, যে ইংরেজ আমাদের পদানত করে ক্রমাগত আমেরির নির্বোধ বুলির ঝড়ে আমাদের উত্যক্ত করে তুলছে, তাকে কেউ আঘাত করছে জানলে আমাদের মনে হান্কা নিবুদ্ধিতার ছোঁয়াচ না লেগেই পারে না। রাজায় রাজায় যুদ্ধ হয়ে উলুখাগড়ার যে কি হবে তা সবিশেষ জানা সত্ত্বেও এ অদ্ভুত প্রতিক্রিয়া আমাদের মনে কোথা থেকে একটা তৃপ্তি জাগিয়ে তোলে। ইউরোপে যুদ্ধ লেগেছে তাতেই আমরা দর্শকের গ্যালারিতে বসে হাততালি দিচ্ছি। শুধু ঐ ডিলিরিয়ামের গান্ধীঘটা এলে চির পুরাতন প্রশ্নটা করি : আচ্ছা, ভারতে কি হবে ?

চীন জিতলেও আমরা স্বাধীন হব না—রুজভেন্ট-আমেরিকা যুদ্ধ ঘোষণা করলেও আমরা স্বাধীন হব না—ইংরেজ বা জার্মান জিতলে তো হবই না। তবুও এই প্রশ্ন কেন ?

এজন্য দায়ী পুঁথিবদ্ধ ইতিহাস ও দৈনন্দিন ইতিহাস বা সংবাদ পত্র।

ধরুন, আমেরিকার স্বাধীনতা সংগ্রাম (যার তারিফ আজ ইংরেজরাই করে এবং তৎকালীন যে বিদ্রোহীদের কাছে ইংরেজরাই ভিক্ষাপ্রার্থী ও যাদের কলকোলাহলে স্তব করে) ; স্বল্পসংখ্যক প্রায়-নিরস্ত্র স্বেচ্ছাসৈন্য—গাদাবন্দুকের যুদ্ধ। থার্মোপলি থেকে ফরাসী বিপ্লব, ম্যাটসিনি থেকে লেনিন। রুশবিপ্লবের দীর্ঘ কুটিল ইতিহাস।

প্রশ্ন না জেগে উপায় কি ?

কেবল এই জন্মই কি জাগে ?

জাগে, বিদেশী নিপীড়িতদের আহত অভিমানের সঙ্ঘবদ্ধ গোপন ষড়যন্ত্র ও আকস্মিক অগ্ন্যুদ্গারের সাফল্যে নিজেদের সাফল্য স্বপ্নরচনায়। মনে হয় এই তো পথ ! যে শাসনের নাম নির্ধাতন, যে বিদেশী নিষ্করণ শোষণের নাম ছুঁর্ভিক্ষ সেখানে তো বিদ্রোহের সৃষ্টি অনিবার্য। এই চাপা অসন্তোষই বিদ্রোহের বীজ।

তবে আর ভাবনা কি ? যে শাসনে অসন্তোষ ও বিদ্বেষ জন্মায় সে শাসনই তো সিডিসান—বিদ্রোহাত্মক। ওদের ঐ ১২৪-ক ধারাটা তো মিস্‌নোমার যদি না ওটা ওদের ওপরেই প্রযুক্ত হয়।

আমাদের ঐ স্বপ্ন এই মতবাদের ওপরই রচিত হয়। আমরা টেবিল চাপড়ে বলি, ভাবনা কিরে, কিসের ভয়, এই অসন্তোষ-বিদ্বেষই হবে আমাদের নেতা, নেবে মুক্তির ত্রৈলোক্যের।



ক'রবে বাছাইকরা সৈন্যেরা—সাধারণের ওপর যদি জুলুম না হয় তবে তারা স্বেচ্ছায় যুদ্ধে সাহায্য বা যোগ দেবে। পুলিশ বা শাসন কতৃপক্ষ বিব্রত না হয় এজন্য গান্ধীজীর উৎকর্ষার অবধি নেই।

জিন্নাজী সম্প্রদায়ের গণ্ডী থেকে এই একই নীতি অনুসরণ করেছেন। লীগের গণ্ডীতে থেকে লীগের নির্দেশে লীগের পরিকল্পনায় যে পাকা ব্যবস্থা তার ভিত্তিতে দাঁড়িয়েই কেবল সহযোগিতা হবে; তবে ইতিমধ্যে ব্যক্তিগত মর্যাদা অনুযায়ী সহযোগিতায় কোন বাধা নেই।

সাভারকর পরিব্রাহি হিন্দুকে যুদ্ধে যোগ দিতে বলছেন।

অর্থাৎ যে জাতীয় গণ-আন্দোলনকে আইনের অধিলায় ইংরেজদের দমন করতে হ'ত ভারতীয় আন্দোলনের এই ত্রিস্তম্ব নানা অধিলায় সেই কাজটিই নির্বিচারে ও নির্বিকারে ক'রে যাচ্ছেন।

ভারতের এই “বিধিলিপি” সম্পর্কে আশা করি, প্রশ্নকর্তার এর পর আর কোন বক্তব্য থাকবে না।

দশ বছর অন্তর চার্চিল *

“ভারতবর্ষ আমাদের সকল ব্যাপারে এবং আলোচনায় শুধু অংশীদার নয়, শক্তিশালী অংশীদার হিসাবে ক্রমেই স্থান কোরে নিচ্ছে। ১৯১৪ সনের মহাযুদ্ধে ভারতের দান যে কত বেশী তা আমরা জানি।” * * *

“আমরা ভারতের কাছে গভীর ঋণে আবদ্ধ এবং আমরা বিশ্বাসের সঙ্গে সেদিনের অপেক্ষা করছিলাম যখন ভারত সরকার ও ভারতের জনগন সম্পূর্ণভাবে তাদের ডমিনিয়ান স্টেটাস পাবে।”

চার্চিল—১৯২১

দশবছর পর—বলেন তিনি উপরোক্তক্ষেত্রে ডমিনিয়ান স্টেটাস শব্দটি কেবলমাত্র ব্যবহারিক অর্থে বলেছিলেন এবং জয়েন্ট-সিলেক্ট কমিটিকেও বলেন যে তিনি কেবলমাত্র একটা উৎসব উপলক্ষে ‘শুন্তে ভাল একরূপ একটা বক্তৃতা দিয়েছিলেন রাজনীতিকদের যা অনেক সময়েই করতে হয়।’

চার্চিল—১৯৩১

“ভারতের প্রতি আটলান্টিক চুক্তিপত্র প্রযোজ্য নয়”

চার্চিল—সেপ্টেম্বর ১৯৪১

“কেবিনেটের কোনো সভা, মানুষের গননার মধ্যে আনা যায় একরূপ কোনো সময়ের মধ্যে ভারতের ডমিনিয়ান স্টেটাস প্রতিষ্ঠিত করবার কথা বলা দূরে থাক ইঙ্গিত করার কথা ভাবতেও পারেন না। *

—যথার্থ চার্চিল

* চই অক্টোবরের হিন্দুস্থান স্ট্যাণ্ডার্ড হইতে গৃহীত।

বাস্তার রাজ্য দশহরা

ডাঃ ধীরেন্দ্রনাথ মজুমদার

প্রায়ই শুনিতে পাই, অনুন্নত সমাজ উন্নত সমাজের সহিত সামাজিক বন্ধনে আবদ্ধ হতে পারে না। সভ্য সমাজ অসভ্য সমাজের সুবিধা অসুবিধা নিজেদের স্বার্থের দিক দিয়েই চিরকাল বিচার করে এসেছে, তাই অসভ্য বা অধঃসভ্য সমাজ সভ্যতার আলোক হতে বঞ্চিত হয়েছে—বা সভ্য সমাজের সুবিধায় আঁতুনিয়োগ করতে বাধ্য হয়েছে। হিন্দু-মুসলমান সমাজ একে অন্যের সংস্কৃতি ও সভ্যতা রক্ষা করতে পারে না, পারবেও না, তাই হিন্দু তার সভ্যতা ও কৃষ্টি বজায় রাখতে, হিন্দুরাজ্য স্থাপন করবে। মুসলমান পাকিস্তানে তার বৈশিষ্ট্য দৃঢ় করবে। তপশীলভুক্ত সম্প্রদায়ের আজ কেবল রাষ্ট্রীয় স্বাভাবিক রক্ষা করাই প্রয়োজন যে তা নয়, সামাজিক বৈশিষ্ট্য ও তেমনি প্রয়োজনীয়, তাই দেখতে পাই গ্রামে গ্রামে আজ নমঃশূদ্র বা তথাকথিত অনুন্নত শ্রেণীর লোকেরা ব্রাহ্মণ, কায়স্থ, ভদ্রলোকদের সহিত একরকম অসহযোগ আরম্ভ করেছে, যার ফলে, তপশীলভুক্ত 'জাতির' পতন হয়েছে। শ্রেণী বিভাগ ও সমাজভেদের জন্ম ভারতবর্ষ বহু অসুবিধা ভোগ করেছে, আজ 'জাতি' ভেদের জন্ম, আরও কত লাঞ্ছনা পাবে, তার কল্পনাও ভয়াবহ। কিন্তু, এই জাতি ভেদের ভিত্তি এত কায়েমী করে গড়ার কি কোনও প্রয়োজন রয়েছে? এর উত্তর বাস্তার রাজ্যের দশহরার বিবরণ হতে পাওয়া যাবে। কী করে একটি হিন্দু উন্নত সম্প্রদায়, অসভ্য, বন্য জাতিদের নিজেদের কৃষ্টির আবেষ্টনীতে দৃঢ় করে বেঁধেছে, কেমন করে অসভ্য সমাজ সভ্য সমাজের গণ্ডীর ভিতর এসে, সভ্য সমাজের রীতিনীতি ধর্ম-কর্ম নিজেদের বলে গ্রহণ করেছে, সভ্য সমাজই কী করে অসভ্য আচার ব্যবহার নিজেদের কৃষ্টির অঙ্গীভূত করেছে—তা এই দশহরা উৎসব হতে প্রমাণিত হবে।

মধ্যপ্রদেশে বাস্তার সব চেয়ে বড় করদ রাজ্য। ১৮৬৩ খৃঃ অঃ ক্যাপ্টেন হেকটব মেকেঞ্জির রিপোর্ট হতে দেখা যায়, পূর্বে 'বাস্তার রাজ্য' আরও বিস্তৃত ছিল। উত্তর-দক্ষিণে ২৩৫ মাইল ও পূর্ব-পশ্চিমে ১৮২ মাইল। সার্ভে অব ইণ্ডিয়ার হিসাব মতে এর বিস্তৃতি ১৩,৭২৫ বর্গ মাইল মাত্র। বাস্তারের উত্তরে কাঁকড় রাজ্য ও রায়পুর জেলা, পূর্বে ভিজগাপত্তম জেলার জয়পুর জমিদারী, পশ্চিমে চান্দা জেলা ও হাইদ্রাবাদ রাজ্য এবং খরস্রোতা গোদাবরী নদী দক্ষিণ প্রান্তদেশ বেষ্টিত করে চলেছে। রাজ্যের বেশীর ভাগই বিস্তৃত বনভূমিতে পরিপূর্ণ। রাজ্যের উত্তর পশ্চিম প্রদেশ পর্বতাকীর্ণ, মধ্যভাগে স্থানে স্থানে উচ্চ নীচ পাহাড় এবং নীচে মালভূমি। পূর্বভাগে সুন্দর ঝরনা মাঠ, মালভূমির দক্ষিণে ইন্দ্রাবতী নদীর তীরে বাস্তারের রাজধানী জগদলপুর।

জয়শ্রী

বাস্তারের উত্তর পশ্চিম প্রান্তে আবুজমার পর্বতশ্রেণী চলেছে, এই পর্বতে বাস্তারের সব চাইতে অসভ্য, আদিম অধিবাসী 'মার'দের বসতি। 'মার' বা 'মারিয়া'রা তথাকথিত গন্দ জাতির বংশধর, এখনও 'গন্দাল' ভাষায় কথা বলে, এবং গন্দদের প্রায় সব রকম আচার ব্যবহারই তারা মেনে চল। নৃতত্ত্ববিদদের মতে, গন্দরা মেডিটেরেনিয়ান (Mediterranean) জাতির বংশধর, কিন্তু কোল, ভীল, সাঁওতাল ও অন্যান্য অষ্ট্রালিয়ড (Australoid) জাতির সহিত মিশে এক নূতন 'বংশ-জাতির' পত্তন করেছে। গন্দ জাতির অন্যান্য শাখা, যথা মুরিয়া, ডাওয়ামি মারিয়া, ধ্রুব, ভাতরা, ঝোরিয়া-মুরিয়া এবং আরও ছোটখাট অনেক উপজাতি, অতি প্রাচীনকাল হতেই বাস্তারে বসতি করেছে। উহাদের জীবন যাপনের বিধি-নিয়ম—এখনও হিন্দুদের মত হয় নাই সত্য—কিন্তু ক্রমে ক্রমেই উহারা হিন্দুর যাগ-যজ্ঞ, হিন্দুর প্রথা, আচার-ব্যবহার, হিন্দুর পোষাক পরিচ্ছদ ইত্যাদি গ্রহণ করেছে ফলে ২৫০০ বৎসরের মধ্যে গন্দদের যে বৈশিষ্ট্য এখনও আছে তাও লোপ পাবে বলে মনে হয়।

বাস্তারের রাজবংশ রাজ কুলোদ্রব। কিন্তুদত্ত আছে, যে রাজা অনম দেও, যিনি বর্তমান বাস্তার রাজবংশের প্রতিষ্ঠাতা, প্রথম ওয়ারাঙ্গালে (Warangli) ছিলেন। রাজা অনম দেও ধর্মপরায়ণ এবং পূজা পাবনে বিশেষ উৎসাহী ছিলেন। জনৈক পরাক্রান্ত মুসলমান নরপতি জানতে পারলেন, যে অনমদেওর নিকট একটি পরশ পাথর আছে যা, যে কোনও ধাতুকে স্বর্ণে পরিণত করতে পারে। ঐ পরশ পাথরের জন্ম রাজা অনমদেওর রাজ্য আক্রমণ করেন। রাজা অনম দেও যখন কি করা কর্তব্য ঠিক করতে পারছিলেন না, তখন দেবী 'ধামেশ্বরী', রাজার কূল দেবী, স্বপ্নে রাজার নিকট প্রস্তাব করেন যে অনম দেও যেন শীঘ্র ওয়ারাঙ্গাল পরিত্যাগ করেন। রাজা স্বপ্নে দেবীর সাহায্য প্রার্থনা করতে দেবী সাহায্য দানে প্রতিশ্রুতা হন এবং জানান, যে রাজা যখন রাজত্ব পরিত্যাগ করে যাবেন, তিনি পেছনে পেছনে যাবেন এবং তাঁর পায়ের নুপুরের শব্দ যেখানে থামবে রাজা যেন সেখানে নূতন রাজ্য স্থাপন করেন। কিন্তু, রাজা বা তাঁর অনুচরেরা পেছনে তাকাবেন না যদি তাকান তবে নুপুরের শব্দ থামবে এবং রাজার গতিরোধ হবে। রাজার সহিত, রাজগুরু, কতিপয় সম্ভ্রান্ত ক্ষত্রিয় পরিবার ও রাজার একদল শরীররক্ষী হালবা (Halba) সেনাদল ভিন্ন আর কেহ আসে নাই। ধামেশ্বরী দেবীর তলোয়ারখানা রাজা সঙ্গে সঙ্গে নিয়ে এসেছিলেন। রাস্তা চলতে চলতে রাজা ও তাঁর সঙ্গীরা পাইরি নদীর তীরে এসে উপস্থিত হলেন। নদীতে জল খুবই অল্প ছিল, রাজা নদী পার হচ্ছেন এমন সময় নুপুরের শব্দ অস্পষ্ট হতে অস্পষ্টতর লাগল, রাজা দেবীর আদেশ ভুলে, শব্দ অনুসরণ করে পেছনে তাকালেন। নুপুরের শব্দ বন্ধ হল রাজা অত্যন্ত অনুতাপের সহিত, পাইরি নদীর অপর তীরে রাজ্য স্থাপন করলেন। এই পাইরি নদী আজ কাঁকড় ও বাস্তার দুই রাজ্যের সীমানা নির্দেশ করে। এখনও ধামেশ্বরীর মন্দিরে বাস্তার রাজের আদেশে দেবীর তলোয়ার নিত্য মন্দিরে পূজা হয়।

পূর্বেই বলেছি বাস্তার গন্দের দেশ এবং মারিয়ারাই সব চেয়ে প্রাচীন অধিবাসী। যারা এখনও আবুজমারে বাস করে তারা বাস্তবিকই অসভ্য জীবন যাপন করে, কিন্তু যারা সমতল ভূমিতে বসবাস আরম্ভ করেছে, তারা কৃষি কাজ করে এবং অনেক বিষয়েই তারা অগ্ন্যাগ্ন্য কৃষিজীবীদের মত জীবন আরম্ভ করেছে। কেবল আবুজমারের মারিয়া ভিন্ন আর সবাই নিজেদের দেব-দেবীর সন্তিত, হিন্দুর দেব দেবীর পূজা ও হিন্দু তিথি ও উৎসব নিজেদের বলে মনে করে, এবং প্রত্যেক গন্দের গোত্রজাতিই আজ বাস্তারের সর্বশ্রেষ্ঠ উৎসব দশহরতে যোগ দেয়। এই উৎসব দীর্ঘ এক পক্ষকাল ধরে চলে এবং সমগ্র বাস্তারবাসী এই উৎসবের জন্য পথ চেয়ে থাকে।

প্রতি বৎসর কার্তিকেয় অমাবস্যায় অপরাহ্নে জগদলপুরবাসী ও নিকটবর্তী স্থান হতে আগত প্রজাপুঞ্জ রাজপ্রাসাদের দ্বারে সমবেত হয়। তন্মধ্যে অস্পৃশ্য সম্প্রদায়ও থাকে। মাহারারা বাস্তারের অস্পৃশ্য সম্প্রদায় কিন্তু বাস্তারের অধিবাসীরা মাহারাদের তাঁতে তৈরী কাপড় পরিধান করে। এখনও বাস্তারে মিলের কাপড়ের কাটতি খুব বেশী নাই—সাধারণ লোকে এখনও মোটা তাঁতের কাপড় পরে, দূর গ্রামে এবং পাহাড়তলীতে পরিধান বস্ত্রের আবশ্যকীয়তা সন্দেহে সকলে একমত নয়, তাই এখনও কেত কেত উলঙ্গ জীবন যাপন করে। দশহরা উৎসবে ধাতেশ্বরীরই পূজা হয় কিন্তু অগ্ন্যাগ্ন্য দেবদেবীর পূজাও এই উৎসবের অঙ্গীভূত হয়েছে। কেবল হিন্দুদের দেবদেবীর পূজাই যে হয় তা না, বহু গন্দের দেবদেবীও ভক্তিভাবে উপাসিত হয়। তাই আজ বাস্তারে দশহরা উৎসব এক বিচিত্র ব্যাপার হয়ে উঠেছে—এমন কোনও শ্রেণী বা উপজাতি নেই যারা এই উৎসবের কোনও না কোন বিশেষ অনুষ্ঠানে সাহায্য না করে এবং এই সাহায্য ব্যতীত দশহরা উৎসব যে সর্বাঙ্গসুন্দর হয় না তা সকলেই জানে। তাই অনেক রীতি ও আচার, নানাভাবে এই উৎসবের অঙ্গীভূত হয়েছে—যার প্রকৃত উৎপত্তি খুঁজে বার করা সম্ভব নয়। ধাতেশ্বরীর পূজা ভিন্ন, এই উৎসবে পাট দেবতা, কেশ দেবতা, জঙ্গলা দেবতা, হিঙ্গল মাতা, পরদেশী মাতা ও বাবি মাতার পূজা হয়। পাট দেবতা রৌপ্য নির্মিত পালঙ্কে বসান সর্পমূর্তি এবং বাস্তারে খুব জাগ্রত দেবতা বলে এর খ্যাতি আছে। দশহরার সময়, দেশবাসী এই দেবীর নিকট ছন্দ, কলা ও অগ্ন্যাগ্ন্য সুস্বাদু ভোগ স্থাপন করে পূজা দেয়।

অপরাহ্নে ধাতেশ্বরী মন্দিরে পূজা দিয়ে বাস্তার রাজ হস্তিপূর্থে, কাচিন দেবীর মন্দিরে প্রবেশ করেন। অগণিত জনতা এই শোভাযাত্রায় যোগ দেয়। পূর্বেই কাচিন দেবীর মন্দির প্রাঙ্গনে রাজাকে অভ্যর্থনা করার বন্দোবস্ত থাকে। মন্দির প্রাঙ্গনে পূর্বেই একটা দোলা বসান হয় এবং দোলার আসনে বেল কাঁটা স্তরে স্তরে সাজান থাকে যাতে কন্টকাসনে বসা সাধারণ লোকের পক্ষে অসম্ভব হয়। রাজা হস্তিপূর্থে হতে নামলে সাত আট বৎসর বয়সের একটা মাহারা

পুত্রী

ক্ষেত্রমোহন পুরকায়স্থ

(পূর্ব প্রকাশিতের পর)

সে রাত্রে মৈত্রীর ভাল করে আহার হল না। মৃত্যুঞ্জয়ের জ্বর অল্পই ছিল, কাজেই পিতার শারীরিক অবস্থার জ্ঞান যে কন্যার রাত্রির আহারের ব্যাঘাত হয়েছিল, তা নয়—সে ব্যাঘাত হয়েছিল নিজের উপর মৈত্রীর একটা অন্তর্নিহিত ক্রোধ জন্মাতে এবং সেই ক্রোধের উৎপত্তি হয়েছিল কিরীটের সেই সন্ধ্যাবেলাকার গোটা কয়েক কথায়। রাত্রে বিছানায় শুয়ে শুয়ে মৈত্রীর মনে কেবলই তর্ক উঠল। সে যে তাঁর পিতার অর্থে পরিপুষ্ট হচ্ছে, সেটা কি তার পক্ষে খুব অগ্নায়? মৈত্রী যতই ভাবতে লাগল ততই সে আশ্চর্য বোধ করতে লাগল যে এ চিন্তাটা এতদিন তার মনে একবার উঠে নাই। কিছুক্ষণের মধ্যেই জীবিকা-হীনতা আর গ্নায়-অগ্নায়ের ব্যাপারের মধ্যে রইল না, সে একেবারে ঠিক ক'রে ফেলল যে তাকে যতটা সম্ভব একটা উপার্জনের পথ খুঁজে বার করতেই হবে। পরীক্ষায় মৈত্রী ম্যাট্রিকের কোঠা-ও পার হয় নাই, কাজেই এটা সে স্পষ্টই বুঝতে পারল যে টিচারি, যা মেয়েদের সব চাইতে বেশী মেলে, সেটা তার পক্ষে পাওয়া সহজ হবে না! উষ্ণ মস্তিষ্ক ঘটানিক আলোড়ন করেও মৈত্রী সে রাত্রে কোন উপার্জনের পথ মনে মনে স্থির করে উঠতে পারল না।

পরদিন সকালে মৈত্রীর নজর পড়ল এক দেশী ইংরাজী কাগজের প্রথম পৃষ্ঠায় ছাপা ই আই রেলওয়ে কোম্পানীর চাকুরীর বিজ্ঞাপনে। এতে দুটা মহিলা টিকেট-বিক্রেত্রীর পদ-খালির কথা ছিল। মৈত্রী বিজ্ঞাপনটা পড়েই পিতাকে জিজ্ঞাসা করল “আচ্ছা, বাবা, এই ই, আই, আর, কোম্পানী টিকেট-বিক্রেত্রীর কাজে বাঙালী মেয়েদের নেয় না?”

মৃ—বোধ হয় নেয় না।

মৈ—কেন নেবে না, এ বিজ্ঞাপনে ত কিছু লেখে নাই যে শুধু এংলো-ইণ্ডিয়ান মেয়েদেরই নেবে?

মৃ—তা হলে হয়ত বাঙালী মেয়েদেরও নেয়, দেখেছিও বোধহয় দু একজন। তা তুই খোঁজ নিচ্ছিস কিসের জ্ঞান?

মৈ—আমি ভাবছি এর জ্ঞান উমেদার হ'ল।

মৃ—ক্যাপা মেয়ে!

মৈ—বাবু! যে কথা! ক্যাপামোটা কিসে হল বল দেখি? আমায় ত তুমি আর দশটা পরীক্ষায় পাশ করাওনি যে আমি অগ্ন কোন কাজ করে উপার্জন করব?

নি—সব ব্যাটা বেটা কি একই ঠাকুরের গড়া ?

মু—কেন হে, চট্‌ছ কার উপর ?

নি—কার উপর আর—এই হারামজাদা আমার এই ডেপুটী মুর্খের উপর। খুব ভাল সম্বন্ধ এসেছিল হে, বড় এটর্নীর একমাত্র মেয়ে-সন্তান। তাড়াতাড়ি করে ব্যটার নামে ১০০০০ টাকার একটা বীমা করিয়ে premium অবধি দিলুম। এখন শ্রীমান কুশ্মাণ্ড বলে কিনা মেয়ের বাপের চরিত্র দোষ। দোষ হয় ত বুঝবে তোর শ্বাশুড়ী, তোর ব্যাটার কি ? হ্যাঁ ?

“কি আর করা যাবে” বলে মৃত্যুঞ্জয় কথা শেষ করে পথ হাঁটতে লাগলেন।

পিতার স্নেহ-বিগলিত কাতরোক্তিতে কন্যার প্রতিজ্ঞা শিথিল হল না। মৃত্যুঞ্জয় যখন মৈত্রীকে বুকে টেনে বল্লেন, “মিতি, তুই আমাকে এ ব্যথা দিস্ নে মা”, উত্তর হল “তুমি যদি অন্যায়-ভাবে ব্যথা পাও, তবে আমি কি কত্তে পারি বল” ? মৃত্যুঞ্জয় কন্যার ঘাড়ে বেষ্টিত নিজের হাত গুটিয়ে নিলেন আর কোন কথাই বলতে পালেন না। ছুশ্চিন্তায় এবং আহত অভিমানের বেদনায় সে রাত্রি মৃত্যুঞ্জয় এক প্রকার বিনিদ্ৰ ভাবেই কাটালেন। পরদিন মৃত্যুঞ্জয় ক্রমে ক্রমে শ্রীমন্ত ও কিরীটের শরণাপন্ন হলেন। মৈত্রী কড়া কথায় শ্রীমন্তকে ইচ্ছা করে অপমান করার জন্যই বল্ল “মাষ্টারিতে বুদ্ধি লোপ পায় তা আগেই জান্তাম। আপনি না কতবার বলেছেন যে জীবনে প্রত্যেকের আদর্শ স্বতন্ত্র, তবে কেন এখন আমায় বাবার দিক থেকে ভাবতে বলছেন” ? কিরীট এসে বল্ল “মৈত্রী, রোজগার করবে ভালই, তবে কি জান মেয়েদের রোজগারে সমাজের আর কারোই উপকার হয় না ততটা, যতটা হয় শাড়ী-ওয়ালার। এই একচোখোমিটা বাঁচিয়ে চলতে পারবে ত ?” মৈত্রী ক্ষিপ্ত হয়ে ঘর ত্যাগ করল। মৃত্যুঞ্জয়ের সমস্ত সুপারিশ ও অনুনয় অগ্রাহ্য করে মৈত্রী ই, আই, আর এর চৌরঙ্গীর অফিসে কাজে হাজির হ'ল।

বিদ্রোহী কন্যার নির্মম আচরণের দুঃসহ যন্ত্রণা বুকে নিয়ে মৃত্যুঞ্জয় দিন কাটাতে লাগলেন। পিতাপুত্রীর খাওয়া দাওয়া পূর্ববৎই এক সঙ্গে চলতে লাগল, খবরের কাগজ পড়ে আলোচনা তেমনি পিতাপুত্রীর প্রশান্ত জীবন-যাত্রাকে বাক্য-বহুল করে তুলতে লাগল, কিন্তু ল্যান্সডাউন রোডের বাড়ীতে তেমন ভাবে আর সাক্ষ্য-বৈঠক জন্ম না। তার কারণ ছিল একাধিক। প্রথমতঃ, মৃত্যুঞ্জয় কন্যার চাকুরী গ্রহণের পর থেকে প্রায়ই সন্ধ্যায় হাওয়া খেতে বেরিয়ে যেতেন, কোন কোন দিন বা কন্যাও সঙ্গিনী হত। দ্বিতীয়তঃ, আগন্তুকদেরও ল্যান্সডাউন রোডের বাড়ীতে আলাপে যোগ দেবার ইচ্ছা অনেকটা মন্দীভূত হয়ে এল। তৃতীয়তঃ পিতাপুত্রী বাড়ী থাকলেও এবং শ্রীমন্ত-কিরীট বৈঠকে উপস্থিত থাকলেও যেন আলাপ-আলোচনায় পূর্বকার সরসতার অভাব লক্ষিত হত। মানুষের মন প্রকাশ্য বিরোধে যতটা না ছন্দহীন হয়ে পড়ে, তার চাইতে ঢের বেশী হয় অপ্রকাশ্য বিরোধে।

জয়প্রা

সাক্ষ্য-মিলনের প্রসন্নতা মন্দীভূত হ'ল বটে কিন্তু মৈত্রীর কর্ম-জীবনের সূত্রপাত হতে তার প্রতি কিরীটের অনুরাগ গেল অনেকখানি বেড়ে এবং সে অনুরাগের প্রকাশও হ'ল কিরীটের স্বভাবানুগত বিকৃত-রূপে। কিরীট সুযোগ পেলেই বন্ধু-বান্ধবকে নিয়ে চোরঙ্গীর কাউন্টার এ গিয়ে তাঁদের জন্ম টিকেট কিনে দিত এবং সেই সময় বিক্রেত্রীকে তাঁদের কাছে বন্ধুস্থানীয়া বলে পরিচয় করিয়ে দিত। পরিচয়ের এ রকমটা মৈত্রীর মোটেই ভাল লাগল না। তবুও হয়ত কিরীটের প্রতি তার ক্রোধ হ'ত না, যদি না বীমার দালালটা প্রায় দিন সাতেক কাউন্টারে যাবার পর একদিন গিয়ে মৈত্রীকে তার অফিসের মান্দ্রাজী কর্তার সঙ্গে আলাপ করিয়ে দেবার জন্ম প্রস্তাব না করত। মৈত্রী সরোষে সে প্রস্তাবেতো অস্বীকৃত হ'লই, তার পর দিন সন্ধ্যাবেলা বাড়ীতে মৃত্যুঞ্জয়ের সামনেই কিরীটকে এই প্রকার আলাপ করিয়ে দেবার ব্যাপার নিয়ে অত্যন্ত ভৎসনা করল। কিরীট এতে অপ্রতিভ বোধ না করে হেসে বলল “এটা বুঝ না কেন মৈত্রী যে বীমার কাজটা আমার সাথে ব্যাপার নয়”। মৈত্রী শুনে ক্রোধের আতিশয্যে কথা কইতে না পেরে গৃহান্তরে চলে গেল।

মৈত্রী জেদের মাথায় ও নিজের বিচার-বুদ্ধিকে চরিতার্থ করবার একান্ত ব্যগ্রতায় চাকুরী করতে এল বটে কিন্তু টিকেট অফিসের হালচালটা তার আদৌ ভাল লাগল না। যন্ত্রচালিতের মত ছ-সাত ঘণ্টা টিকেট হাতড়ান ও পাঞ্চ করা কাজটায় যত অবসাদই থাক, মৈত্রী সেটাকে কোনরকমে বরদাস্ত করতে পারত। কিন্তু সব চাইতে তাকে পীড়া দিত সমস্ত অফিসের মধ্যে একমাত্র বাঙ্গালী মেয়ে বলে তার উপর পুরুষ-কর্মচারীদের কৌতূহলী দৃষ্টি এবং টিকেট ক্রেয়েচ্ছদের গায়ে পড়ে তার সঙ্গে ভাব জমাবার চেষ্টা। লজ্জাশীলতা বলে যা বোঝায়, মৈত্রী কোনকালে সে হিসাবে লজ্জাশীলা ছিল না। তার নারীত্বের প্রতি কোন আঘাত হলে সে তাকে প্রতিঘাত না করেও উপেক্ষাই করত। কিন্তু কাউন্টারের পাশে বসে কিংবা দাঁড়িয়ে মৈত্রীর যেন সেই অগ্নিকার স্বাভাবিক তেজস্বিতায় ঘাটতি পড়ল। এইরূপ মানসিক পীড়ায় সপ্তাহ তিন কাটলে পর, মৈত্রীর সৌভাগ্যক্রমে টিকেট-অফিসে একটা দ্বিতীয় বাঙ্গালী মেয়ে নিযুক্ত হল— নাম দুর্গাবতী দত্ত। মেয়েটিকে দেখে মনে হত মৈত্রীরই সম-বয়স্কা, যথার্থ দুর্গার বয়স ছিল উনিশ কি কুড়ি। নব-নিযুক্তাকে মান্দ্রাজী-কর্তা মৈত্রীর কাছে সাত দিন কাজ শেখাতে দিয়ে গেলেন, মৈত্রী জিজ্ঞাসা করল, “আপনার নামটা কি—জানা যে দরকার।”

“দুর্গা।”

“দুর্গা কি?”

“দুর্গাবতী দত্ত।”

মেয়েটির সাজ-সজ্জার প্রাচুর্য্য দেখে মৈত্রীর প্রথমটা দুর্গাকে ভাল লাগেনি, তার ওপর নিজের নামটা যে মেয়ে ভাল করে বলবার ভদ্রতা জানে না, সে আবার কাজ করছে এসেছে ভেবেই সে আশ্চর্য হয়ে গেল।

কিন্তু দুর্গা সম্বন্ধে মৈত্রীর প্রথম দিনের বিশী ভাবটা ক্রমশঃই কমতে লাগল। কারণ দ্বিতীয় দিন থেকেই মেয়েটা হয়ে পড়ল একেবারে মৈত্রীর প্রতি শ্রদ্ধানতা।

সে বলল, “আপনি আশায় দুর্গা বলেই ডাকবেন কিন্তু আমি ডাকব আপনাকে মৈত্রীদি।”

“আমার নাম মৈত্রী কে বলে ? এ নামে ত অফিসে কেউ ডাকে না, আমিও তোমায় বলিনি ?”

“তা আমি জানি।”

ব্যক্তিত্বাভিমান যাঁদের তীব্র, অপরের শ্রেষ্ঠত্ব-স্বীকারে তাদের মনের ওপরে পড়ে স্নিগ্ধ প্রলেপ। মৈত্রীরও দুর্গার শ্রদ্ধাঞ্জলি পেয়ে হল তাই—সে এই নব-পরিচিতা, বেশী-বিলাসিনী অ-মার্জিত-ভাষিনীর প্রতি আকৃষ্টা হয়ে পড়ল। মৈত্রী তাকে উঁচু গোড়ালির জুতা ছাড়িয়ে নাগরায়ী ধরাল, উৎসারিত হাসিকে খর্ব করে খাটো রুমালের নূতন ব্যবহার শিখাল, দুর্গার দম্ভাস-এর উচ্চারণটা নিভুল ও সরস করে তুললো। আশ্চর্য যে, দিনের পর দিন এই গুরু-বৃত্তিতে মৈত্রীর ধৈর্য বিদ্রোহী হল না এবং রুচির দিক থেকেও এই অনুন্নত মনের সংস্পর্শে তার ক্লান্তি এলো না।

মাসখানেকের ভিতরই মৈত্রী দুর্গার চরিত্রের ও জীবনের যোল আনা পরিচয় পেয়ে গেল। দুর্গা মনে করত তার জীবন অভিশপ্ত, কেননা তার নিজের কোন পিতৃ-পরিচয় ছিল না ; মাতার মৃত্যুও তার কাছে ততখানি শোকের ব্যাপার ছিল না, যতটা ছিল মাতা-মাতামহীর পঙ্কিল জীবনের গ্লানি। দেহকে আঘাত দিবার জন্ম দুর্গার দিদিমা তাকে যতটা লেখাপড়া শিখিয়েছিল, সেটুকুন লেখাপড়াই তার অন্তরের ঠাকুরকে তখন পিষে মারছিল। নিজের ক্ষুদ্র জীবনের বছর দুয়ের কথাও দুর্গা না শিউরে ভাবতে পারত না। কিন্তু তবু ভাল যে বিধাতা সেই ঘোর ছুঁতিনেই পাঠিয়েছিলেন তাঁর মঙ্গলদূত। এ সব কথা যে দুর্গা ঠিক মৈত্রীকে মুখ ফুটে ব'লল তা নয়, তবে মৈত্রীর অবিকৃত স্বরের তীক্ষ্ণ প্রশ্ন ও দুর্গার অশ্রুক্রন্দ গলার আত্মানুশোচনা মিলে যে সংক্ষিপ্ত জীবন কাহিনী দাঁড়ায়, তা মোটামুটি এই প্রকারের। যেদিন চৌরঙ্গীর ময়দানে দাঁড়িয়ে দুই সহকর্মিনীর বেশী খোলাখুলি ভাবে কথা হয় সেদিন ছিল শনিবার। বাড়ী ফেরবার পথে আধঘণ্টার মত কথা হবার পর দুর্গা হঠাৎ মৈত্রীর প্রায় পা জড়িয়ে ধরে বলল,

“মৈত্রীদি, দোহাই তোমার, তুমি আমাকে ঘৃণা করো না।”

মৈত্রী তাড়াতাড়ি পা'টা সরিয়ে গানিকটা ধমকের সুরে ব'লল “ও কি করছ, দুর্গা, এ মাঠের মাঝে অভিনয় ! তুমি কি করেছ যে আমি তোমাকে ঘৃণা করব ? তোমার মা দিদিমার কাজের জন্মত আর তুমি দায়ী নও।”

“আমার মধ্যে ত তাঁদেরই রক্ত। তা ছাড়া আমিই বা——”

জয়প্র

দিদিমাকে দেখে মৈত্রীর মোটেই ভাল লাগল না। একে ত হরমোহিনী ছিল অতিশয় স্থূলাঙ্গিনী, তা ছাড়া মেজের উপর ঢালা বিছানায় বসে সে যেমন ধারা হাতের কাছের পিকদানে প্রতিমুহূর্তে পানের পিক ফেলছিল, তাতে মৈত্রীর মেজাজ গিয়েছিল বিরক্তিতে ভরে। ঘরে ঢুকেই দুর্গা সহকর্মিনী মৈত্রীদিকে দিদিমার কাছে এবং তাঁরই অনতিদূরে অর্ধশায়িত অখিলদার সঙ্গে পরিচিতা করে দিল। অখিল বিশেষ কোন কথাই আশুভকার সঙ্গে কইতে পারল না কিন্তু হরমোহিনী মৈত্রীর সঙ্গে বিড়বিড় করে গেল মেলা। মৈত্রী যখন বলল যে সে গান গাইতে জানে না, হরমোহিনী হেসে হেসে হাঁপিয়ে উঠল এবং পরে অখিলকে বলল “শুনলে নাতি, ছুঁড়ীর কথা শুনলে, গাইতে শেখেনি। তুমি ত জান আমি আমার দুর্গাকে কের্তন শেখাবার জন্য গোস্বামী চৌড়াটাকে আমার ওখানে আসবার জন্য কত খোসামুদী করেছি।”

অখিল মেজের দিকে তাকিয়েই সংক্ষেপে বুদ্ধার কথার জবাব দিল “হুঁ”। মৈত্রী অসহিষ্ণু হয়ে দূরের চৌকি হতে উঠে দাঁড়াল, ইচ্ছা তখনই পালায়। এমনি সময় খাবারের রেকাব হস্তে ঘরে ঢুকল দুর্গা এবং পেছনে পেছনে চায়ের বাটি হাতে করে বাড়ীর ঝি। চা-খাবার খানিকটা গলাধঃকরণ করে মৈত্রী মিনিট পাঁচেকের মধ্যে ব্যস্ত হয়ে দুর্গার নিকট হতে বিদায় নিল। খানিকটা অসহৃষ্ণিতার জন্য ও খানিকটা বাহু হ্রদ্বতাহীনতার জন্য মৈত্রী দুর্গাকে একবার ওর সঙ্গে বসে নিজের চা-খাবার খেতে বলল না। এমন কি ঘর থেকে বেরোবার সময় মৈত্রী অখিল কিংবা হরমোহিনীর প্রতি শিষ্ঠাচার পর্য্যন্ত করল না।

পলাতক

গৌরচন্দ্র চট্টোপাধ্যায়

পেরিকপ চেড়ে যখন বেরোলাম তখন আমাদের মেজাজ যতদূর খারাপ হবার; যিদেয় অস্থির, সারা ছুনিয়ার লোকের ওপর রাগে গা যাচ্ছে জ্বলে। সুদীর্ঘ বারো-তেরো ঘণ্টা কাটিয়েছি খোঁজাখুঁজি লাফালাফিতে—সামান্য কিছু খাবার যদি হাতানো যায় এই মনে ক’রে, কিন্তু সব বৃথা। শেষকালে কিছুতেই কিছু হবে না দেখে অগত্যা সামনের দিকে এগোনোই ঠিক করলাম কিন্তু কোন্‌দিকে এবং কোথায় তা’ তখনও অনিশ্চিত।

এতদিন জীবনধারার যে খাত ধ’রে বয়ে এসেছি আজও সেই খাতেই বইব, একথাটা আমরা প্রত্যেকেই মৌনভাবে স্থির ক’রে নিলাম,—ক্ষুধিত চোখের ম্লান দৃষ্টিতে সহজভাবে জ্বলজ্বল করছিলো সে কথাটা, আমাদের তিনজনের ভাব হয়েছে খুব বেশী দিন নয়; তা’ হয়েছিলো

নীপার নদীর তীরে খার্সন সহরের একটা মদের দোকানে। একজন আগে কাজ করত রেলসৈন্যদলে পদাতিক সৈনিকের, পরে বোধ হয় ভিসচুলা রেল কোম্পানীতে প্রধান কর্মচারী হয়েছিলো। তার চুলগুলো সব কটা, হাড়শাল বলিষ্ঠ পেশীবল্ল দেহ, পাণ্ডুর চোখ দুটা ঔদাসিন্যে ভরা। জার্মান ভাষা তার খুব বেশীরকম জানা আর বন্দী-জীবনের অভিজ্ঞতাও ছিলো তার বিস্তর। নিজেদের অতীত জীবন সম্বন্ধে খোলসা করে বেশী কিছু বলতে আমাদের মত অবস্থার লোকে বিরক্তি বোধ করে, তার পেছনে সময় সময় অবশ্য ন্যায়সঙ্গত কারণও থাকে। কাজেই আমরা পরস্পরকে বিশ্বাস করেই নিলাম, বাইরে অদৃশ্য সেটুকুর অভাব নজরে পড়বার যো ছিলনা।

দ্বিতীয় সঙ্গীটী নিজেকে মস্কো বিশ্ববিদ্যালয়ের একজন ছাত্র বলে পরিচয় দিলে। আমি আর সৈনিকপুরুষটী দুজনেই একথায় বিশ্বাস করলাম। লোকটা যেমন বেঁটে তেমনি রোগা, সব সময় সে তার পাতলা ফিন্ফিনে স্ট্রট দুটা চেপে থাকে; তাই তাকে খুব বেশী সন্দেহবাদী বলে মনে হয়। তা' সত্ত্বেও তার কথায় বিশ্বাস করবার হেতু আছে; সে ছাত্রই হোক, গোয়েন্দাবিভাগের কোনো কর্মচারীই হোক আর চোর বাটপাড় যাই হোক না কেন, এ অবস্থায় তাতে আমাদের কিছু আসে যায় না। শুধু জানি, দৈবত্ববিপাকে চন্নছাড়া অবস্থায় যখন পরিচয় হয়েছে তখন আমরা তিনজনেই সমান। খিদের জ্বালা কারুর কম নয়, তিনজনের ওপরই পুলিশের কড়া নজর। আমাদের প্রত্যেককেই তুমিয়ার সবকিছুর ওপর প্রতিশোধ নিতে হবে এটা যদি সে ভাবে তা' হলেই হয়।

আমার তরফ থেকে বলতে গেলে এই বললেই যথেষ্ট হবে যে নিজের সম্বন্ধে সব সময় একটা বড় ধারণা পোষণ করবার বাতিক আমার ছিল।

সামনে সৈনিকপুরুষটী, পেছনে আমি আর আমার পেছনে সেই ছাত্রটী। ছাত্রটীর কাঁধ বেয়ে একটা কি ঝুলছিলো জ্যাকেটের মতন। তার তেরছা মাথায় ছিলো চওড়া একটা জরাজীর্ণ টুপি, মাথার চুল খুব ছোট ছোট করে ছাঁটা। সরু সরু পা দুটো একটা ঝাঁট-সাঁট পায়জামার মধ্যে ঢোকানো, জায়গায় জায়গায় তার রঙবেরঙের তালি আর পায়ের তলায় সে বেঁধে রেখেছে রাস্তা থেকে কুড়িয়ে-পাওয়া উঁচু গোড়ালীওয়ালা একটা বুট জুতোর শুধু ওপরের দিকটা, জ্যাকেট থেকে টেঁড়া খানিকটা ফালি দিয়ে। সে বলে সেটাই তার 'স্যাণ্ডাল'।

কোনো কথা না বোলে চুপটী করে সে হাঁটছিল রাস্তার ধূলা উড়িয়ে, স্বচ্ছ নীল চোখদুটো তার ঈষৎ মিটমিট করছিল।

আর সৈনিকপুরুষটীর গায়ে লালরঙের তুলোর সাঁট, খার্সন থেকে নিজহাতে সেটা সে জোগাড় করেছে, সাঁটের ওপরে একটা বেশ গরম ওয়েষ্ট কোট, মাথায় বহু পুরোনো এক সৈনিকের টুপি, তার রঙ ঠিক করা যায়না; পরে আছে একটা লম্বা পায়জামা, পা দুটো খালি।

আসছে আর চোখের সামনে যেন সর্বক্ষণ কালো কি একপ্রকারের দাগ ভেসে ভেসে বেড়াচ্ছে। কখনো মনে হচ্ছে ওগুলি বুঝি ধোঁয়াওঠা গরম মাংসের টুকরো, নয়ত পাঁউরুটী এবং আরও অগ্নি কিছু; কখনো বা তাদের বিশিষ্ট গন্ধগুলো পর্যন্ত শুকতে পাচ্ছি।

যাই হোক পরম্পরের কাছে ভাব বিনিময় করে আর চারদিকে সতর্ক সজাগ দৃষ্টি রেখে আমরা এগিয়ে চলি; প্রাণে আশা জাগে হয়তো ভেড়ার পাল কোথাও চোখে পড়বে, নয়ত আর্মেনিয়ার বাজার অভিমুখী তাতার দেশের ফলবাহী গাড়ীগুলোর ক্যাচম্যাচ শব্দ ও বা শুনতে পাব।

কিন্তু উন্মুক্ত নির্জন প্রান্তর খাঁ খাঁ করতে থাকে।

তুংখধান্দার দিনে আজ সেই কোন্ সকালে তিনজনে মিলে আমরা খেয়েছি মাত্র চার পাউণ্ডটুক গমের রুটী আর পাঁচটা তরমুজ, তার ওপর হেঁটেছিও বড় কমখানি নয়, তাই পেরিকপের বাজারে হঠাৎ ঘুমিয়ে পড়ার পর যখন জাগলাম তখন থিদেয় আর চোখে দেখতে পাচ্ছি না।

না শুয়ে বা ঘুমিয়ে চুপটী করে রাতটা ঠায় পাহারা দেবার পরামর্শ দিলে ছাত্রটী। কিন্তু তৎসমাজে অপরের জিনিষ ছিনিয়ে নেবার মতলবের কথাটা জোর গলায় প্রচার করবার রেওয়াজ নেই, তাই এমনিতেই আমি বাকরোধ করেছিলাম। সত্যি কথা বলার ইচ্ছেটা আমার অসাধারণ, তাই বোলে অপ্রিয় সত্য আমার মুখ দিয়ে সহসা বেরোয়না। এটী আমার স্বভাবের বৈশিষ্ট্য। আমি জানি এই সুসভ্যতার যুগে মানুষের অসৎ আচরণের মাত্রা যত বেড়ে চলেছে ঠিক সেই ভাবে তার মনপ্রাণ কোমল থেকে কোমলতর হয়ে উঠছে। আমিও নিজের তিক্ত অভিজ্ঞতায় দেখেছি লোকে যখন প্রতিবেশীর গলা টিপে ধরে তখনো তার মুখখানিতে দয়া বা সৌজন্মের অভাব ঘটে না; এযুগ উন্নতির সোপান বেয়ে এগিয়ে চলেছে অথচ জেলখানাই বল, মদের দোকানই বল, আর ছুশ্চরিত্র লোকদের আড্ডাই বল, এদের সংখ্যা কমা ছেড়ে উত্তরোত্তর বেড়েই চলেছে।

রাস্তা থেকে একটা ছোটখাটো কাঠের গুঁড়ি তুলে নিয়ে সৈনিকটী উৎসাহ দেয় : কমরেডস্, আগুন জ্বালাবার জোগার দেখা যাক। আজ রাতটা এই মাঠের মাঝখানেই কাটাতে হবে ত, তার ওপর এই শিশির পড়বে।

দল ছাড়া হয়ে প্রত্যেকে রাস্তার আশেপাশে যা' কিছু পাওয়া যায় তারই খোঁজ করতে লাগলাম, গাছের লতাপাতা, শুকনো ঘাস, আরো অণুকিছু, যাতে চট করে আগুন লাগে এমন। যখনই মাথা নীচু করি তখনই মনে হয় মাটিতে শুয়ে পড়ি, নড়নচড়নরহিত হয়ে মাটি কামড়ে প'ড়ে থাকি আর প'ড়ে প'ড়ে অঘোরে ঘুম দি।

•—যদি কোনো গাছের শেকড়বাকড়ও পাওয়া যেত! সৈনিকটী দীর্ঘ নিশ্বাস ফেলে।

কিন্তু কালো চষা মাটির ওপর শেকড়ের চিহ্ন পর্যন্ত নেই। দেখতে দেখতে পৃথিবীর বুকে

—আচ্ছা বেশ ! লোকটা অল্পক্ষণের মধ্যেই জবাব দেয় ।

মুখে হাসি টেনে শাস্ত্র গলায় সৈনিকটী বলে চলে : ঠাখো, আমাদের দেখে তুমি ভাই ভয় পেওনা । আমরা নির্দোষ লোক, যাচ্ছিলাম রাশ্যা থেকে কুবানের দিকে—পথে টাকা পয়সার খাঁকতি পড়ল, তার ওপর যা' কিছু ছিলো তা'ও খেয়ে খরচ হ'য়ে গেছে, আজ দুদিন হ'ল না খেয়েই দিন কাটছে, বুঝলে না ?

প্রায় বিশ গজটাক দূরে থাকায় তার সেই মিষ্টি হাসি লোকটার নজরে পড়লনা ।

—ধরো, বলে বাতাসে হাত ঘুরিয়ে সে চোঁচিয়ে ওঠে । অমনি কালো মতন কি একটা যেন উড়ে এসে আমাদের খুব কাছে চমা জমির ওপর পড়ল । ছাত্রটী ছুট দিল সেটা কুড়িয়ে আনবার জন্যে ।

—ধরো, আবার ধরো ! বাস্ সব শেষ, আর আমার কাছে কিছু নেই ।

সে সব কুড়িয়ে বাড়িয়ে আনলে দেখলাম তা' পাউণ্ড চারেক শক্ত রুটী হবে । আর শক্ত শুকনো রুটী খেতেও লাগে বেশ !

—এই হোলো তোমার, এই হোলো আমাদের পণ্ডিতের, আর এই হোলো আমার । না দাঁড়াও, পণ্ডিতমশাই তোমার থেকে আরও কিছুটা দাঁও নইলে ওর ভাগে কম প'ড়ে যাবে । সতর্ক হ'য়ে ভাগ করতে করতে সৈনিকটী ধীর গলায় বলে ।

ছাত্রটী তাই মেনে নেয় ।

আমি রুটি চিবোতে লাগলাম, কণ্ঠনালী দিয়ে যখন সে গুলো নীচে নামতে লাগলো তখন আমার ডাক ছেড়ে চোঁচিয়ে উঠতে ইচ্ছে হচ্ছিল । ক্ষুধার্ত দিনগুলির কথা আর আমার স্মরণ রইলোনা, ভুলে গেলাম বন্ধুদের কথা, জগতের কথা । কি এক অবাক আনন্দের গুরুভারে আমি যেন তলিয়ে গেলাম ।

কিন্তু শেষ টুকরোটা যখন গলা দিয়ে নেমে গেলো তখনো খাবার ইচ্ছে আমার জুড়ায়নি ।

আমার কাছটতে মাটীতে ব'সে পেটে হাত বুলোতে বুলোতে সৈনিকপুরুষ চোঁচিয়ে ওঠে : ওশালার কাছে আরো মাংসটাংস আছে নিশ্চয়ই ।

—আমারো তাই মনে হয়, রুটীতেও ত সেই রকমই গন্ধ পাচ্ছিলাম । তাছাড়া রুটীও ওর কাছে আরও আছে : চাপা গলায় ছোকরাটী ফিস্ফিস্ করে : হাতে রিভলভার থেকেই যে যত মুশ্কিল করেছে.....

—লোকটা কি ধাতের বলে মনে হয় ?

—আমাদেরই মত একজন.....

—একটা আস্ত কুকুর, সৈনিকটী ছোকরার কথায় বাধা দেয় ।

জয়প্রা

ঘেঁষাঘেঁষি করে বসে আমরা রিভলভার হাতে লোকটীর দিকে আড়চোখে চেয়েছিলাম। সেদিক থেকে কোনো শব্দ বা জীবনের কোনো চিহ্ন তখন টের পাওয়া যাচ্ছিলনা!

আমাদের পাশে আঁধারের পর আঁধার নামল ওপর থেকে, মৃত্যুকাতর নিস্তরুতায় প্রান্তর গেছে ছেয়ে। পরস্পরের নিশ্বাসের শব্দ শুনতে পাচ্ছি। পাতাড়ে ইচ্ছরের আতঁরব থেকে থেকে বাতাসে ভেসে আসছে। আর ওপরে আকাশের স্ননীল বৃকে তারার দল আলোর খেলা খেলে চলেছে। আমাদের ক্ষুধাবোধের বেগ বেড়ে চলেছে আবার।

নীরবতা ভঙ্গ করে আমি বললামঃ চলো ওর দিকে ফের যাওয়া যাক্। ওকে কিছু বলার দরকার নেই, যদি কিছু থাকে ত তারও সদ্যবতার করা যাবে। গুলি ছুঁড়বে!—তা ছুঁড়ুক। লাগে ত একজনের গায়েই লাগবে আর একটা গুলিতে কিছু আর মারা পড়বনা।

লাফিয়ে উঠে সৈনিকটা আমার কথায় উৎসাহ প্রকাশ করেঃ বেশ ত চলো!

খুব আশ্চর্য আশ্চর্য ছাত্রটা চলতে থাকে আমাদের পেছন পেছন।

তিরস্কারের সুরে সৈনিক বলেঃ কমরেড্!

হঠাৎ আলোর ঝলকানিতে আমরা হকচকিয়ে যাই, অমনি গুলির প্রচণ্ড আওয়াজ কানের পরদায় ঘা দেয়।

ফসকে গেছে, বলে আনন্দে লাফিয়ে উঠে সৈনিকটা চেঁচায়ঃ পরক্ষণেই একলাফে গিয়ে লোকটাকে ঝাঁকুনী দেয়ঃ এইবার, এইবার শালা তোকেই এই গুলিতে সাবাড়……।

ছাত্রটা দৌড়ে গিয়ে তার বোঁচকায় থাবা মারে, সেটাকে ছুঁইহাতে আঁকড়ে ধরে সে জোরে জোরে নিঃশ্বাস নেয়।

—শয়তান ত কম নয়, সবিস্ময়ে সৈনিকটি বলে লোকটাকে লাথি মারবার ভঙ্গিতেঃ নিজেকে গুলি করতে গেছিল নাকি? এই, এই শালা নিজেকেই গুলি করলি নাকি?

ছাত্রটা আনন্দের মাথায় চেঁচিয়ে ওঠেঃ এই যে মাংস, হরেক রকমের কেঙ্ক, রুটী, আরো কি কি যেন রয়েছে!

—চুলোয় যাও তবে। চলো চলো, ওগুলোর ব্যবস্থা করা যাক্। সৈনিক উৎসাহে ফেটে পড়ে।

লোকটার হাত থেকে আমি রিভলভারটা কেড়ে নি, তখন সে নিজীব হয়ে পড়ে রয়েছে। রিভলভারে আর একটি মাত্র গুলি বাকি।

আমরা নির্বিবাদে চুপচাপ খেতে থাকি। লোকটাও চুপচাপ প'ড়ে, ওর দিকে নজর দেবারও আমাদের তখন অবসর নেই!

অকস্মাৎ একটা কর্কশ কম্পিত স্বর কানে আসেঃ কমরেড্‌স্, শুধু রুটীর ঙ্গাই এই সব করা!

আমরা সচকিত হয়ে উঠি, ছাত্রী গলা খঁকানি দিয়ে মাথা নিচু করে কাশতে শুরু করে।

—তোমায় মারতে চেয়েছিলাম বলে মনে হয়, না? কিন্তু তোমায় শুধু শুধু মেরে কি হবে বলা? সৈনিকের গলার স্বর শান্ত, ধীর, সযত।

ছাত্রী ফস্ করে বলে ওঠেঃ সবুর করো, আগে খাবার কয়টা শেষ করে নি, তারপর যা' হয় করা যাবে।

রাতের সুগভীর নিস্তরতার মাঝে লোকটার প্রবল জোর জোর নিশ্বাস প্রাণে আশংকা জাগিয়ে তোলেঃ কমরেডস্, আমি গুলি ছুঁড়েছিলাম ভয় পেয়ে।...সূর্য ডুববার পরই জ্বরে আমি বেভঁস হয়ে পড়ি।.....যাচ্ছিলাম স্মোলেনস্-এ, সেখানে ছুতোর মিস্ত্রীর কায করি।...বাড়ীতে বৌটা আছে আর আছে ছোটো মেয়ে, একটা তিন বছরের, আরেকটার বয়স চার।...বহুদিন তাদের দেখিনি!.....

পরে আবার নিশ্বাস নিয়ে বলেঃ তোমরা ভালো মানুষ জানলে কি আর গুলি ছুঁড়ি! একে এই পোড়ো খাঁ খাঁ করছে মাঠ তার ওপর অন্ধকার রাত, আমায় মাপ কোরো কমরেডস্।

—কৈদে মরছো কেন? ঘণাভরে সৈনিকটা তিরস্কার করে।

—ওর কাছে টাকাকড়ি ও কিছু আছে। ছাত্রী ইঙ্গিতে জানায়। চোখছোটো ছোট করে সৈনিকটা লোকটার দিকে তাকিয়ে মুচকি মুচকি হাসেঃ চলো আগুন তৈরী করে একটু ঘুম দেওয়া যাক্।

—আর ওর কি হবে? ছাত্রী প্রশ্ন করে।

—ও চুলোয় যাক্। আমরা কি করব তার?

—কিন্তু আমাদের ত কিছু একটা করা উচিত।

আমাদের ঘুম পাচ্ছিল, লোকটা তখন আমাদের কাছ থেকে গজ তিনেক দূরে শুয়ে নিজের মনে মনেই অস্পষ্ট গলায় কি বলে চলেছিলো। হঠাৎ সে চোঁচিয়ে উঠলঃ কমরেডস্!

—কী, বলা?

—তোমাদের কাছে আগুনের ধারে গিয়ে একটুখানি বসবো?...সারা দেহ আমার শীতে কনকন করছে.....আর মেয়েছোটোর মুখ দেখতে হবেনা....! এই বলে সে দীর্ঘনিঃশ্বাস চাপে।

—আচ্ছা স'রে এসো। ছাত্রী অনুমতি দেয়।

আস্তু আস্তু মাটি ঘষে ঘষে সে সরে আসে। আলোয় দেখলাম লোকটা যেমন লম্বা তেমনি ঙ্কিলিকে রোগা, সারা দেহ তার ঠকঠক করে কাঁপছে, মুখখানা মৃতদেহের মত ফাকাশে, পাণ্ডুর ম্লান। অনুজ্জল চোখছটিতে বিষাদের ছায়া।

—চলো বেরিয়ে পড়া যাক্ ।

তার মুখ গম্ভীর, বিচলিত । চারিদিকে তাকিয়ে দেখলাম ! প্রভাত সূর্যের ব্যাপ্ত সমারোহে ইতিমধ্যেই ছুতোরমিস্ত্রীর স্থির পাংশু মুখ খানি রাঙা হ'য়ে উঠেছে । তার মুখ হাঁ করা, চোখছুটো ঠেলে বেরিয়ে এসে অদ্ভুত জ্বলন্ত দৃষ্টিতে চেয়ে রয়েছে ; দেখলে ভয়ে গায় কাঁটা দেয় । পরণের যা' কিছু সব ঝেঁড়া আর সে প'ড়ে রয়েছে মুণ্ডে । ছাত্রটিরও কোনো হৃদিশ নেই ।

হাতছুটো ধ'রে টানতে টানতে নিয়ে যাবার চেষ্টা ক'রে লাকুতিন জেদাজেদি করে : হয়েচে তো, আর কেন ? এবার চলো ।

সকাল বেলাকার ঠাণ্ডা হাওয়ার আমেজে কাঁপতে কাঁপতে প্রশ্ন করি : লোকটা কি মারা গেছে ?

—তা' আবার জিগ্যেস করতে হয় ? কশে গলা টিপে ধরলে কেউ কি বেঁচে থাকে নাকি !

—কিন্তু ধরলে কে, ঐ ছোকরা বোধ হয় ?

—তাছাড়া আর কে ? দেখচো ত শিক্ষার কি গুণ ! বেশ চালাকি ক'রে লোকটাকে সাবড়ে রেখে এখন আমাদের ফলভোগ করতে ফেলে গেছে । আগে জানতে পারলে একটি ঘুষিতে এর জান নিয়ে নিতাম । এখন চলো মানে মানে পালাই যাতে কেউ এই প্রাস্তুরে আমাদের দেখতে না পায় । আজকেই ওকে এ অবস্থায় সকলে দেখতে পাবে আর খুনীকে খুঁজতেও বাকী রাখবেনা । তার ওপর ওই সব প্রশ্ন,—‘কোথেকে আসছো’, ‘কোথায় রাত কাটিয়েছো’ আর আমাদের ধরলে ত কথাই নেই ।

—তার ওপর তোমার কাছে ওর রিভলভারটা রয়েছে । ওটা ফেলে দাওনা কেন ।

ভাবতে ভাবতে সে বলে : ফেলে দোব ? তুমি জানোনা এর দাম কত ! তিন তিনটে রুবল এর দাম, তার ওপর এর ভেতর একটা গুলি পোরা আছে । আর ও শালা কত কি নিয়ে ভেগেছে তাই বা কে জানে ?

—ওর মেয়ে ছুটোর বরাতে ঐ পর্যন্ত !

—মেয়ে ? হ্যাঁ, তারা বড় হবে, যৌবনের কোঠায় পা দেবে কিন্তু আমাদের তারা বিয়ে করবেনা কক্ষনো এটা নিশ্চয় জেনো । যাক্গে । চলো তাড়াতাড়ি আর দেরী নয় । কোন্ দিকে যাবে বলোতো ?

—যেদিকে ইচ্ছে চলো । ও একই কথা ।

—তা ঠিক, তবু চলো ডান দিক দিয়ে যাওয়া যাক্, ওইদিকে বোধহয় সমুদ্র পড়বে ।

খানিকদূর গিয়ে আমি পেছন ফিরে তাকালাম । বহুদূরে প্রাস্তুরের ওপর কালো একটা টিবি, তার ওপরে সূর্যের আলো এসে জড়ো হয়েছে ।

ইতিমধ্যে একজন সাহসে ভর করিয়া উকি ঝুঁকি মারিয়া দেখিয়া লইল। বারণ করিবার কিছুই নাই। স্তুরাং একে একে ভিতরে ঢুকিয়া পড়িল। আমিও ইহাদের সত্বে কিছুটা ব্যবধান রক্ষা করিয়া চলিতে লাগিলাম।

কিছুদূর আসিয়া দেখি উত্তারা দল বাঁধিয়া একটা লনের বেড়ার ধারে দাঁড়াইয়া পড়িয়াছে। কি যেন এক অভূতপূর্ব দৃশ্য দেখিতেছে মুখের ভাব এইরূপ। আগাইয়া আসিয়া দেখিলাম একটি বিলাসী আয়া গুটি কয়েক দেশী শিশুকে লইয়া খেলা করিতেছে। দৃশ্যটি আমিও দাঁড়াইয়া দাঁড়াইয়া দেখিতে লাগিলাম।

সরু কাকরের পথ। আঁকিয়া বাঁকিয়া অগ্রসর হইয়াছে। চলিতে চলিতে আমরা এ. আই. সি. সির 'দপ্তর'ের সম্মুখে আসিয়া দাঁড়াইলাম। সম্মুখে কয়েক ধাপ সিড়ি। তাহার পর বারান্দা। বারান্দায় দাঁড়াইয়া কয়েকজন ভদ্রলোক ডেস্কের উপর ঝুঁকিয়া পড়িয়া সংবাদ পত্র পড়িতেছেন। ইহার পর হল ঘর। ঘরের মধ্যকার টাইপ রাইটারের খটাখট শব্দ বাহিরে আসিতেছে। উপরে জাতীয় পতাকা, হাওয়ায় পং পং করিয়া উড়িতেছে।

বারান্দায় ওঠা সমীচীন হইবে কিনা উত্তারা দাঁড়াইয়া দাঁড়াইয়া ভাবিতে লাগিল। তারপর সাহস করিয়া একে একে সকলেই বারান্দায় উঠিল। পাঠরত ভদ্রলোকেরা বাধ্য হইয়া মারিয়া দাঁড়াইলেন একমুখ বিরক্তি লইয়া। বারান্দা হইতে হল ঘরের মধ্যে টাঙ্গানো কয়েকজন দেশনেতার ছবি চোখে পড়ে। কয়েকটা আলমারী আর কয়েকজন কর্মরত কেরাণী। হলের মধ্যে কি আছে দেখিবার জন্য সকলেই উদগ্রীব। আঙ্গুলে ভর দিয়া দাঁড়াইয়া, উকি দিয়া যতটা পারে দেখিয়া লইবার চেষ্টা সকলের মধ্যেই প্রবল।

গ্রামে থাকিতে ইহাদের ধারণা জন্মিয়াছে কংগ্রেস অফিস তীর্থস্থান। নেতাদের বহু বক্তৃতা ইহারা শুনিয়াছে। কংগ্রেস কিষণ মজুরের 'স্বামী'। কংগ্রেসরাজ কায়েম হইলে কিষণ মজুরের দুঃখ কষ্ট দূর হইবে। জওরলাল, আনন্দ-ভবন, আরোও কত কি ইহারা শুনিয়াছে। মনে জাগিয়াছে কংগ্রেসের প্রতি দরদ। সেই কংগ্রেস অফিসের এত সন্নিকটে আসিয়া দ্বার হইতেই ফিরিয়া যাইতে মন সরিতেছে না।

“এই চলো, ভীড় মৎ করো, যাও ইধারসে”। হল ঘরের মধ্য হইতে কোন এক দেশ সেবকের তীক্ষ্ণ ককশ কণ্ঠ আসিয়া আসিল। সঙ্গে সঙ্গে লোকগুলির আশাদীপ্ত মুখগুলির উপর নামিয়া আসিল হতাশার ছায়া। একে একে সকলেই নীচে নামিল। আমিও।

এ. আই. সি. সির দপ্তর দেখা আর হইয়া উঠিল না।

ফিরিবার পথে কল্পনায় এলাহাবাদের পূর্ব ছবিটিকে ফিরিয়া পাইবার চেষ্টা করিলাম। এলাহাবাদ আসিল না, শুনিতে পাইলাম “এই চলো, ভীড় মৎ করো, যাও ইধারসে।”

স্বভূহীন

আর্যকুমার সেন

তিন মাস আগের কথা ।

পাশের বাড়ির হরিশবাবু আসিয়া বলিলেন, “পরশু আমার বাড়িতে আপনাদের সকলের নেমন্তন্ন ।”

অবাক হইয়া কারণ জিজ্ঞাসা করিলাম । তিনি দক্ষিণ হস্তের অনামিকা বাহির করিয়া দেখাইলেন । একটি কুশের আঙঠি ।

বলিলাম, “বিয়ে করেছেন ? কবে ?”

“পরশু ।”

“তা এমন নিঃশব্দে সারলেন কেন ?”

নিঃশব্দে সারার কারণ সোরগোল করিবার কিছু ছিল না বলিয়া । হরিশবাবুর পঁয়ত্রিশ বৎসর বয়স, বিপত্নীক । দ্বিতীয়বার বিবাহ করার বাসনা তাঁহার কোনোদিন ছিল না । শুধু এক অনাথা বিধবার দায় উদ্ধার করিয়াছেন । খুব যে অনিচ্ছার সঙ্গে, তাহা নহে । বধু সুন্দরী ।

একটি ছোটখাট রাস্তার উপরে একখানি পুরানো বাড়ি ভাড়া লইয়া আমরা কয়েকজন মিলিয়া মেসবাসী হইয়াছি । হরিশবাবুই প্রথম যাচিয়া আলাপ করেন । বলিয়াছিলেন, “একা মানুষ পড়ে থাকি, তিনকূলে ত কেউ নেই ! অমৃতঃ গোটাকয়েক কাঁধ দেওয়ার লোক ত দরকার !”

তিনি নাকি অশুভ আশঙ্কাতেই আমাদের পরিচয় সংগ্রহ করিয়াছিলেন । আজ দেখিয়া খুশি হইলাম সে পরিচয়ের প্রথম অঙ্গ শুভ কর্মে ভূরিভোজনে । সানন্দে আমন্ত্রণ গ্রহণ করিলাম ।

বধুর বয়স ষোলসতেরোর বেশী নহে । সেদিক দিয়া হরিশবাবুর সঙ্গে একটু বেমানান । তা হোক, অনাথা বিধবার মেয়ে স্বচ্ছল ঘরে আশ্রয় পাইয়াছে, সেটাই বড় কথা ।

তিন মাস পরের কথা ।

শনিবার বিকালের দিকে একটু সিনেমায় যাইব ভাবিতেছি, দ্বারদেশে হরিশবাবু দেখা দিলেন । চুল উস্কাখুস্কা, কোটরগত চক্ষু ।

শঙ্কিত হইয়া জিজ্ঞাসা করিলাম, “কি হয়েছে হরিশবাবু ? অসুখবিসুখ করেনি ত ?”

হরিশবাবু সে কথার জবাব না দিয়া বলিলেন, “শ্মশানে যেতে পারবেন ?”

চমকিয়া কহিলাম, “সে কি ?”

হরিশবাবু বলিলেন, “সুকুমারী মারা গেছে খানিক আগে ।”

স্তম্ভিত হইয়া রহিলাম ।

জয়প্রা

বাহিরে আদি গঙ্গার ধারে আসিয়া বসিলাম।

ঘাটের উপরে শানবাঁধান খানিকটা স্থান, উপরে ছাদ। মেঝের উপরে কয়েকটা লোক নিঃশব্দে ঘুমাইতেছে।

একটা স্ত্রীলোক, সন্ন্যাসিনীও হইতে পারে, পাগলী হওয়াও আশ্চর্য নয়, আপন মনে বিড়বিড় করিতে করিতে এক কোণায় আশ্রয় লইল। পরিধানে ময়লা একটা গেরুয়ারঙের আবরণ মাথায় জটা। একটা ছিন্ন অতি মলিন কাঁথা আপাদমস্তক মুড়ি দিয়া সে ঘুমের আয়োজন করিতেছে। এক পাশে দুটি লোক গায়ের চাদর মাটিতে বিছাইয়া চিং হইয়া পড়িয়া আছে, দেখিলে মনে হয় শ্মশানঘাটে রাত কাটানোতে তাহারা অনভাস্ত নহে।

একজন সন্ন্যাসী আসিয়া একটা ময়লা কাপড়ের পুঁটুলি মাথার নীচে দিয়া সেইখানেই শুইয়া পড়িল। লোক দুটি ভ্রক্ষেপও করিল না।

সহসা সন্ন্যাসীর বিকট চীৎকারে চমকিয়া উঠিলাম। “বোম, বোম, হর হর শঙ্কর!” মনে পড়িল রাত্রি যত গভীরই হোক, শ্মশানে যাহারা ঘুমাইতে আসে, এটুকু গোলমালে তাহাদের নিজের ব্যাঘাত হওয়ার কোনো সম্ভাবনা নাই, ইহার চেয়ে অনেক বেশী গোলমালেও না।

দেওয়ালের রঙ এককালে সাদাই ছিল। এখন তাহার সর্বাঙ্গ ব্যাপিয়া কাঠকয়লার কলঙ্কের ছাপ। ছাদ পর্যন্ত বাদ যায় নাই।

অজস্র নাম। গত দুই তিন বৎসর ধরিয়া এ শ্মশানে যত লোকের শেষকৃত্য হইয়াছে তাহাদের অধিকাংশেরই নাম বোধহয় কাঠকয়লার সাহায্যে দেওয়ালের গায়ে আশ্রয় লইয়াছে। কাঠকয়লা কোথা হইতে আসিয়াছে সম্ভবতঃ না বলিলেও চলে।

জীবিত ব্যক্তির নাম যে নাই, তাহা নহে। এদিক ওদিক খুঁজিলে দুই একটা নাম চোখে পড়ে যাহাদের আগে শ্রী শব্দটি রহিয়াছে। বাকী সবগুলির আগে একটি করিয়া চন্দ্রবিন্দু। ভূমোহন রায়, হরেন্দ্রনাথ বসু, রাজকৃষ্ণ বন্দ্যোপাধ্যায়—এমনি অনেক নাম, সংখ্যাশূন্য।

মনে মনে হাসিলাম। মানুষের অমরত্বের কি ছনিবার স্পৃহা! যেখানে লোকের শেষ চিত্তটুকু পর্যন্ত চিত্রার আগুনে মুছিয়া দিতে আসিয়াছে, যেখানে নিঃসন্দেহে প্রমাণিত হইয়া গিয়াছে মৃত্যুই একমাত্র সত্য, জীবন চরম মিথ্যা, সেইখানেই মানুষ অমরত্বের আশা করিয়াছে। নাম লিখিয়াছে কাহার? যাহারা বাঁচিয়া আছে তাহাদের? না। যাহারা এ জীবনের সঙ্গে সশ্রদ্ধ চিরকালের জন্য চুকাইয়াছে, সারাজীবন মৃত্যুর সত্তিত দ্বন্দ্ব করিয়া পরাজিত হইয়াছে, তাহাদের নাম।

অন্যমনস্কভাবে শুনিলাম সন্ন্যাসীও সেই কথাবলিতেছে। নিদ্রালু লোক দুটি সহসা তাহাকে পরম দার্শনিক সারু ঠাওরাইয়া শ্রদ্ধাভরে তাহাকে নানা বিষয়ে প্রশ্ন করিতেছে, এবং মন দিয়া তাহার উত্তর শুনিতেছে।

সন্ন্যাসীর ভাষা হিন্দী ও বাংলা মিশ্রিত। পৃথিবীটা যে কিছুই নহে, মায়া প্রপঞ্চ, এই তাহার উপদেশের প্রতিপাদ্য বিষয়। কিন্তু সে কথা জানিবার জন্ত গঞ্জিকাসেবী মলিন গৈরিকধারী সন্ন্যাসীর সাহায্যের কি প্রয়োজন বুঝিলাম না। শ্মশানের সম্মুখে বসিয়া যাহারা তিলে তিলে প্রিয়জনের দেহ ভস্মীভূত হইতে দেখিতেছে, তাহারা কি এ সত্য এত সহজে ভুলিয়া যাইবে? শ্মশান হইতে বাহির হওয়ার সঙ্গে সঙ্গে ?

সহসা কোণে শায়িত সন্ন্যাসিনী গোড়াইয়া উঠিল। লোক দুটির একজন বলিল, “কিরে পাগলী, মশায় কামড়াচ্ছে ?”

পাগলী তেমনি ক্রন্দনজড়িত স্বরে উত্তর দিল, “আমি পাগল না।”

সন্ন্যাসী সহসা সোজা হইয়া উঠিয়া বসিল; বলিল, “সে আমি জানি।”

তাহার নবলব্ধ শিষ্যদ্বয় কি যেন বলিতে যাইতেছিল, সন্ন্যাসীর কথা শুনিয়া মুখব্যাধান করিয়াই রহিল।

পাগলী আপন মনেই বারকতক বলিল, “আমাকে খালি খালি পাগল পাগল করিস্নে, আমি পাগল না।”

কথাটা পাগল মাত্রেই সম্ভবতঃ দৃঢ়ভাবে বিশ্বাস করিয়া থাকে; কাজেই কিছুমাত্র অবাধ হইলাম না। কিন্তু সন্ন্যাসী শুইয়া শুইয়াই বলিল, “মা একটু চরণ সেবা করে দেব ?”

বুঝিলাম ভক্তির সর্কার হইয়াছে। পাগলী অনুনাসিক কর্ণে বলিল, “খবরদার, আমায় ছুঁসনে !”

সন্ন্যাসী দীর্ঘনিশ্বাস ফেলিয়া বলিল, “ভকুম না পোলে ছৌব কেন না ?”

লোক দুইটা ঘুমাইয়া পড়িয়াছে। প্রশান্ত নিদ্রা। সশব্দে তাহাদের নাক ডাকিতেছে।

সন্ন্যাসী আপন মনেই খানিকটা উপদেশ দিল। কহিল, “অমর হতে চাও ত পৃথিবীর মোহ ত্যাগ কর—ইত্যাদি” অর্থহীন অনেকখানি প্রলাপ। নিদ্রিত লোকদুটির নাক ডাকা থামিল না।

আপন মনে বলিলাম, “অমর হতে চাও ত এই জায়গাটার দেওয়ালে বড় বড় করে নাম লেখো, ও অমুক চন্দ্র তমুক।”

সন্ন্যাসী ঘুমাইয়া পড়িয়াছে। সন্ন্যাসিনী ঘুমের মধ্যেই গোড়াইতেছে, এবং মধ্যে মধ্যে সশব্দে চড় মারিয়া মশা মারিতেছে।

রাত অনেক হইয়াছে। গঙ্গার ওপারে চেংলার একটি বাড়িতেও আলো জ্বলিতেছে না।

সম্ভবতঃ দেড়টা বাজিয়া গিয়াছে।

ঘাট ছাড়িয়া উঠিলাম। এতক্ষণে সুকুমারীর দেহের আর কতটুকু অবশিষ্ট আছে ?

আর্থিক জগত

জিতেন্দ্র গোস্বামী

দ্রব্য মূল্য নিয়ন্ত্রণ কনফারেন্স

কিছুকাল পূর্বে ভারত সরকারের প্রেস নোটি প্রকাশিত হয়েছে তাহার তাৎপর্য এই “স্পেকুলেশন ও নানা কারণে বর্ধমান এবং অন্যান্য দ্রব্যের মূল্য বৃদ্ধির লক্ষণ দেখা যাইতেছে। ভারত সরকার এ বিষয়ে অবহিত আছেন এবং যত শীঘ্র সম্ভব আর একটি মূল্য নিয়ন্ত্রণ কনফারেন্স আহ্বান করিবার সঙ্কল্প করিয়াছেন। ইতিমধ্যে জনসাধারণকে অচরিত করিয়া যাইতেছে যে তাহারা যেন প্রয়োজনের অতিরিক্ত দ্রব্য ক্রয় না করেন কারণ অতিরিক্ত ক্রয়ে স্পেকুলেটরদের প্রভাবে মূল্য বৃদ্ধি পায়।” *


রিচার্ড ব্যাঙ্কের ডিরেক্টরবর্গের সম্মুখে প্রদত্ত বক্তৃতায় গবর্নর স্যার জেমস টেইলর সেদিন বলেছিলেন যে বিগত দ্বাদশমাসের আর্থিক অবস্থা পর্যালোচনা করে নিঃসন্দেহে বলা যায় যে ১৯৩৯ সালের শরৎকালে যুদ্ধারম্ভের ক্রম ও ডানকারকের দুর্গতির অব্যবহিত পরবর্তী কালের স্বল্পকালস্থায়ী দ্রব্যমূল্যের উচ্ছ্বলতা ব্যতীত ব্যাপক ও শঙ্কাজনক বিপর্যয়, কখনও ঘটেনি। যেটুকু উর্ধ্বগামিতা দেখা দিয়েছে তা সাধারণ এবং স্বাভাবিক বলে নিঃশঙ্কচিত্তে মেনে নেওয়া যেতে পারে। স্যার জেমসের বক্তৃতার মাসখানেকের মধ্যেই দ্রব্য মূল্যের এমন আকস্মিক পরিবর্তন ঘটেছে যে জনসাধারণ তথা কেন্দ্রীয় সরকার চিন্তিত হয়ে পড়েছেন। বিষয়টির গুরুত্ব স্থানীয় ও সরকারীয় দ্রব্য মূল্যের আপেক্ষিক মান-নির্দেশক সংখ্যা বা “Price or Index number” এর সাহায্যে অনায়াসেই উপলব্ধি করা যাবে। কলিকাতার সাধারণ দ্রব্য মূল্যের মান ১৯৪০ সালের মে মাসে ছিল ১১৭, ১৯৪১ সালের মে মাসে তাহা বেড়ে ১৩০ হয়েছিল; জুন মাসে তা ছিল ১৩৮ এবং জুলাই মাসে বেড়ে হয়েছে ১৪৯। বোম্বাইয়ের অঙ্ক এখনও নিশ্চিতভাবে পাওয়া যায়নি তবে বিশেষজ্ঞদের মতে জুন মাসের ১২৭ থেকে জুলাই মাসে তা ১৪০এ উঠেছে। এই বৎসরের জানুয়ারীর তুলনায় কলিকাতার দ্রব্য মূল্যের সাধারণ মান ২৮ পয়েন্ট এবং বোম্বাইয়ের ২৩ পয়েন্ট বৃদ্ধি পেয়েছে। এই সঙ্গে এও লক্ষ্য করা প্রয়োজন যে কলিকাতায় দ্রব্য মূল্যের বর্তমান মান যুদ্ধারম্ভের (অর্থাৎ ১৯৩৯ নবেম্বর ডিসেম্বর) কাল থেকেও

* “There has recently been a visible tendency for the prices of various commodities including textiles, to rise sharply, partly due to speculative influences and partly to more substantial reasons. The Government of India are giving the closest attention to this object and propose to convene another Price Control Conference as early as possible. Meantime, the best service the public can render to themselves is to refrain from making purchases in excess of their normal requirements, as such purchases only serve to encourage those speculative influences which contribute to a rise in prices”—



১২ পয়েন্ট এবং প্রাকযুদ্ধ কাল থেকে ৪৯ পয়েন্ট বৃদ্ধি পেয়েছে। দ্রব্য হিসাবে ভাগ করে দেখা যায় চাউল, গম, ভুট্টা ইত্যাদির মূল্য বেড়েছে ৬ পয়েন্ট, ডাল ইত্যাদির ৯ পয়েন্ট, চিনির ৮ পয়েন্ট চায়ের ২২ পয়েন্ট। একথা বিশেষ লক্ষ করার ব্যাপার যে গত তিন মাসে চায়ের দামের বৃদ্ধি ঘটেছে ৬৫ পয়েন্ট এবং বস্ত্র ও বস্ত্রজাতের ৫৬ পয়েন্ট।

১৯৪১ সালের প্রথম ভাগে সাধারণভাবে ক্রমবর্ধিত দ্রব্য মূল্যের কারণ নিকৃষ্ণচিত্তে যুদ্ধের স্বাভাবিক ফল বলেই ধরে নেওয়া হয়েছিল। কিন্তু বিগত দু'তিন মাসের আকস্মিক ও অভাবনীয় বৃদ্ধির পেছনে বিশ্বব্যাপী মহাসমর সংক্রান্ত বিপর্যয় ছাড়াও অধিকতর শক্তিশালী স্থানীয় ও সাময়িক কারণ বর্তমান এ বিষয়ে আর সন্দেহ নেই। স্পেকুলেটর বা ফাটকাওয়ালার কারসাজি চাহিদা ও যোগানের এই অসাম্যের সুযোগকে যথাসম্ভব ব্যবহার করে দ্রব্য মূল্যের এই আকস্মিক বৃদ্ধি ঘটিয়েছে। সুদূর প্রাচ্যের রাজনৈতিক গগনে কক্ষমেঘের ঘনায়মান ছায়ার সুযোগ নিয়ে একদিনেই চিনির বাজার এতোখানি বেড়ে উঠেছিলো যে সিগ্গিকেটের কর্তারা (Quota) র পরিমাণ বৃদ্ধি করে মূল্য বিশৃঙ্খলার হাত থেকে রেহাই পেলেন। মালবাহী জাহাজের অভাবে বর্মা থেকে প্রয়োজন মত আমদানি হতে পারিনি বলে চাউলের মূল্য আশাতীতরূপে বৃদ্ধি পেয়েছে, এই জাহাজী অব্যবস্থার অন্তরালে বর্মায় ফাটকাওয়ালার সুনিপুণ হস্ত কতখানি কাজ করেছে সে বিষয় তদন্ত সাপেক্ষ। স্বাভাবিক কারণের সুযোগ নিয়ে অস্বাভাবিক প্রতিক্রিয়ার স্কোশলী প্রয়োগ বর্তমানে অর্থনীতিক্ষেত্রে অরাজকতার সৃষ্টি করেছে ও করে চলেছে। ইহা স্বীকার কতেই হবে যে বাড়তি বাজারে যোগান যখন চাহিদার সঙ্গে সমপদক্ষেপে চলতে সক্ষম নয়, তখনই ফাটকাওয়ালার দ্রব্য মূল্যের যদৃচ্ছা ব্যবহার করবার সুযোগ ঘটে। এতকাল প্রাদেশিক সরকারের উপর মূল্য নিয়ন্ত্রণের সকল দায়িত্ব চাপিয়ে কেন্দ্রীয় সরকার নিশ্চিত হয়েছিলেন কিন্তু কার্যতঃ প্রাদেশিক সরকার যে এ বিষয়ে বিশেষ ব্যবস্থা অবলম্বন কতে পারেননি ক্রমবর্ধিত দ্রব্য মূল্য তারই সাক্ষ্য দিচ্ছে। মূল্যবৃদ্ধির ফলে দেশের সর্বত্র যে অবর্ণনীয় দুঃখ দুর্দশার সৃষ্টি হয়েছে তার পরিণাম দেশের অভ্যন্তরীণ শান্তি শৃঙ্খলার পরিপন্থী হয়ে উঠেছে: "Bread riot" গোড়ের সম্মিলিত অভিযান ও বলপ্রয়োগ পূর্বক লুটতরাজ ইতিমধ্যেই সংঘটিত হতে শুরু করেছে। ব্যাপক ও মারাত্মকভাবে কর্তৃপক্ষের শাসন শৃঙ্খলাকে অমান্য করার রূপ পরিগ্রহ করা শুরু সময়সাপেক্ষ। আমরা কেন্দ্রীয় সরকারের সংশ্লিষ্ট দপ্তরকে অবিলম্বে অবহিত না হোলে, এই ব্যাপারে দীর্ঘকাল হরণ করার মতো শুরু যে দুর্গতিকে অনাবশ্যক বাড়িয়ে দেওয়া এবং অবাঞ্ছিত ব্যক্তি ও প্রতিষ্ঠান সমূহের অর্থ শোষণ করবার নিরঙ্কুশ অধিকার মেনে নেওয়া হচ্ছে তাই নয়, ক্রমে ক্রমে অলঙ্কিত বাজারের অবস্থা কাগকরী নিয়ন্ত্রণের গভীর বাইরে চলে যাচ্ছে সে কথা স্বরণ করিয়ে দিচ্ছি।



দৃষ্টিকোণ—শ্রীজ্যোতির্ময় রায়। “কবিতা ভবন” ২০২, রাসবিহারী এভিনিউ, প্রাপ্তিস্থান—
ডি-এম-লাইব্রেরী, কলিকাতা। দাম ১১০ পৃঃ ১৬০।

বাংলা ভাষায় গল্প রচনার বাহুল্য আছে, কিন্তু সাহিত্যলক্ষণাক্রান্ত গল্পের পরিমাণ এখনো যথেষ্ট কম। আদি থেকে শুরু করে রবীন্দ্রনাথের পূর্ব পর্যন্ত যা আমাদের গল্প রচনা, তা হচ্ছে প্রধানতঃ এবং প্রথমতঃ প্রসঙ্গাত্মক—তার লক্ষ্য হ'ল সমাজ, ধর্ম, রাজনীতি, শিক্ষা, আচার, অসুষ্ঠান আরো অনেক কিছু নিয়ে বিচার বিশ্লেষণ করা। কাজেই সাম্প্রতিক সমাদরের মাস্তুল আদায় করেই তা প্রবহমান সাহিত্যধারা থেকে বিচ্ছিন্ন হয়ে পড়েছে। রামমোহন, বিদ্যাসাগর, অক্ষয় কুমার, দেবেন্দ্র নাথ, টেকচাঁদ, রাজেন্দ্রলাল, সকলেরই মূল্য আজ যতটা ঐতিহাসিক, ততটা সাহিত্যিক নয়। চন্দ্রশেখর মুখোপাধ্যায়, কালীপ্রসন্ন ঘোষ, চন্দ্রনাথ বসু, অক্ষয় চন্দ্র সরকার এবং স্বয়ং বঙ্কিমচন্দ্র বাংলা গল্পকে সাহিত্যিক কৌলীনে অভিমুক্ত করলেন—কিন্তু তখনো পর্যন্ত তার শিক্ষক রূপটাই রইলো বেশীর ভাগ জায়গা জুড়ে।

বলা অনাবশ্যক যে এর প্রয়োজন ছিল। বাংলা গল্পই মোটের ওপর একালের সৃষ্টি—তার কোন কৌলিক গরিমা নেই। শ্রীরামপুরের পাদ্রী পণ্ডিতদের হাতে ধর্মপ্রচারের বাহনরূপে যার জন্ম, এঁরা তাকে দেশ-বিদেশের জ্ঞান বিজ্ঞান ও বিচার-বৈদগ্ধ্য সমৃদ্ধিশালী করে না তুললে, তার শব্দভাণ্ডার ও প্রকাশভঙ্গী নানা বিচিত্র পথে প্রবাহিত করার উপযোগী করে না তুললে, রবীন্দ্রনাথকে পর্যন্ত বিশেষ বেগ পেতে হত। রবীন্দ্রনাথ পেয়েছিলেন প্রায় তৈরি একটা ভাষা—যাতে একই সঙ্গে ছিল বস্তুর সঞ্চয় ও ভঙ্গীর সাবলীলতা। রবীন্দ্রনাথ তাই তাঁর সৃজনী প্রতিভা প্রয়োগ করে অতি অনায়াসেই তাকে ঐশ্বর্য মণ্ডিত করে ফেললেন। এখন থেকে যা আমাদের গল্প, তার একটা মাপকাঠি নির্ণয় সম্ভব—কারণ অতি সাধারণ লেখকের রচনাও এর পর একটা বিশেষ স্তরের নীচে নামে না।

এর কারণটা সহজ। রবীন্দ্রনাথ এমন একটা ব্যাপক দৃষ্টিভঙ্গী নিয়ে এলেন, সেই সঙ্গে নিয়ে এলেন এমন একটা সহজ নমনীয় বিদ্যাসম্পন্নতা, যাতে গল্পরচনা অনেকটা স্বচ্ছন্দ হয়ে উঠলো। জাতি গঠন, সমাজসংস্কার, শিক্ষাবিস্তার যে কোন দিকেই তাকে নিয়োজিত করা হক, তা প্রথমতঃ হতে লাগলো

জ্যেষ্ঠ

সাহিত্য, তারপর আর কিছু। রবীন্দ্রনাথের প্রবন্ধসাহিত্যই তার প্রধান দৃষ্টান্ত। রবীন্দ্রানুগামী যুগের প্রমথ চৌধুরী এরপর আনলেন আর একটা জিনিষ—রবীন্দ্রনাথের অব্যক্তিক ভাবমুখিতা এবং অতি-অলঙ্করণকে তিনি আর একটু সহজ করে, তাতে সঞ্চারিত করলেন একটি ঋজুতা। বাংলা কথা ভাষা নিয়ে পরীক্ষা হয়েছিল বঙ্কিমচন্দ্রের পূর্বেই, রবীন্দ্রনাথ ও হাত দিয়েছিলেন এই পরীক্ষায়, কিন্তু প্রমথ চৌধুরীই তাকে সর্ববিধ আলোচনার অন্ত্র বাহন করে তুললেন। এই খান থেকেই আধুনিক গণ্ডের সূচনা—এর পরের ইতিহাস সংক্ষিপ্ত। নানা বিচিত্র পথে, নানা পরীক্ষা নিরীক্ষার ভেতর দিয়ে আজ তা হ-হ করে এগিয়ে চলেছে—বিচারে বিতর্কে, আলাপে আলোচনায়, রসে রসিকতায় তার সমৃদ্ধি আজ প্রচুরায়ত হতে চলেছে। আরো সৌভাগ্য যে প্রসঙ্গাত্মক গল্প ও রসাত্মক গণ্ডের ভেতর আজ সুস্পষ্ট একটা সীমারেখা গড়ে উঠেছে, যার ফলে নিয়মভারাক্রান্ত সাম্প্রতিক রচনাকে আজ আর কেউ সাহিত্য বলে তুল করেন না।

এই ক্রমোন্নতির পথেই বাংলা গণ্ডে এসেছে নূতন একটা জিনিষ—ইংরেজীতে একে বলা হয় personal essay, বাংলায় বলা যাক ব্যক্তিক নিবন্ধ। রবীন্দ্রনাথেই আছে এর রূপ, প্রমথ চৌধুরীতে ও আছে—কিন্তু এর সত্যিকার উৎকর্ষ হয়েছে অতি আধুনিক কালে। মহর্ষি দেবেন্দ্রনাথ, রাজনারায়ণ বসু, সঞ্জীব চন্দ্র, নবীন সেন, চন্দ্রনাথ বসু এবং আরো কোন কোন লেখকের রচনায় এক ধরনের আত্মবীক্ষাসূচক নিবন্ধ দেখা যায়—যার উদ্দেশ্য সমসাময়িক জীবন ও তার পারিপার্শ্বিককে হাক্ক হাতে একে যাওয়া এবং সেই অঙ্কনের মুখে তার ওপর নিজের মনের রং ফেলে চলা। বলা বাহুল্য ব্যক্তিক নিবন্ধের প্রাথমিক কাঠামো এই—কিন্তু এর সঙ্গে চাই একটা সত্যিকার দৃষ্টিভঙ্গী, যা না থাকলে শিল্প হিসাবে রচনা কোন রকমেই দানা বাঁধতে পারে না। রবীন্দ্রনাথের আগে ঠিক সেই ধরনের দৃষ্টিভঙ্গী খুব স্তলভ ছিল না, তাই এদিক থেকে কোন বিশিষ্ট শ্রেণীর সাহিত্য ও হতে পারেনি তাঁর আগে।

আধুনিক কালে যারা এই দিকে লেখনী চালনা করেছেন, তাঁদের মধ্যে অন্নদাশঙ্কর রায়, প্রবোধ কুমার সাত্তাল ও বুদ্ধদেব বসুর খ্যাতি সুপ্রতিষ্ঠিত হয়েছে। কিন্তু এঁরা তিন জনেই জোর দিয়েছেন বিশেষ করে ভ্রমণের কথা লেখার ওপর—পথে বিপথে চলতে ফিরতে যে সমস্ত ছবি চোখে পড়ে, যে সমস্ত লোক এসে পড়ে হাতের সামনে, যে সমস্ত ছোটখাটো ঘটনা ঘটে তার ভেতর দিয়ে নিজের মনের অনুভূতিগুলোকে আলতো আলোয় ফুটিয়ে যাওয়াতেই তাঁদের হাত খেলেছে খুব ভালো। বুদ্ধদেব এ ছাড়াও লিখেছেন ব্যক্তিক নিবন্ধ—যাতে আপাতদৃষ্টিতে তুচ্ছ এবং প্রাত্যহিক সংসারে অনেক সময় উপেক্ষণীয় জিনিষ তাঁর মনের আলোতে বড়ীন হয়ে ফুটে উঠেছে। এই হল খাঁটি জাতের personal essay র দৃষ্টিভঙ্গী কিন্তু এখানেও আছে একটা ছোট আপত্তি। এতটা রং কেন? প্রত্যেক অভিজ্ঞতাকে রঙের জৌলুমে আবিল করে তুললে স্বভাবতঃ লেখক পাঠকের অনুরাগের ওপর দাবীদার হয়ে ওঠেন, কিন্তু এই রংকে সংহত করে তুলতে পারলেই তাঁর দ্বারা সম্ভব সত্যিকার বিচারের সম্মুখীন হওয়া। এই দিক দিয়ে সম্প্রতি একজন লেখক খুব বড় শক্তির পরিচয় দিয়েছেন—তিনি হলেন জ্যোতির্ময় রায়।

এর আগে গল্প লেখায় নিজস্ব বৈশিষ্ট্যের পরিচয় দিয়ে তিনি ভালো করেই প্রমাণ করেছেন যে তাঁর চোখে দৃষ্টির অভিনবতা এবং হাতে প্রকাশের সাবলীলতা আছে। তারি রকম ফের দেখলাম তাঁর নূতন প্রবন্ধের বই 'দৃষ্টিকোণে'। এই বইটি শুধু বাজারেরই নূতন বই নয়, সাহিত্যক্ষেত্রে ও নূতন। যে সমস্ত

বিষয় ও বস্তুকে, যে ধরণের দৃষ্টি দিয়ে আমরা নিত্য নিয়ত দেখেছি বা দেখি—তাদের তিনি এমন একটা বিশেষ দিক থেকে দেখেছেন এবং এঁকেছেন যে প্রথমেই তাঁর দৃষ্টির অভিনবতায় তাক লেগে যায়। কিন্তু তার পরও আছে। শব্দপ্রয়োগ এবং পরিবেশ অঙ্কনে তাঁর এই দর্শন ও মননের সঙ্কয় এমনি জমাট বেধে উঠেছে যে অকপটে বলতে হয় চমৎকার। এই চমৎকার কথাটা ইদানীং আমাদের সাহিত্যে রেখে ঢেকে বলা চলছে, তার কারণ সত্যিকার নূতন লেখকের আবির্ভাবকে আজ আমরা ভয় করতে আরম্ভ করেছি। কিন্তু আমার কোন ভয় নেই—সহজ ভাবেই বলছি চমৎকার, ঠিক এই শ্রেণীর প্রবন্ধ আমি একটাও বাংলায় পড়িনি—এমন ধীর, এমন জৌলুম, সবদিক থেকে এমন নূতনত্ব সচরাচর স্মলভ নয় বলেই বলবো, লেখক সার্থক শিল্পী।

বলা বাহুল্য বইটির আমি বিশদ সমালোচনা করছি না। তাই এর বিষয় নিয়ে আলোচনা করা বা কোন দৃষ্টান্ত উদ্ধৃত করা আমার প্রয়োজন হয় নি। এমন কি দ্বিতীয় খণ্ডে তিনি যে সমস্ত প্রসঙ্গাত্মক রচনা সন্নিবিষ্ট করেছেন, তার কোন কোনটার সঙ্গে রীতিমত মতভেদ থাকা সত্ত্বেও, আমি সেগুলোর কথাও তুলি নি। যে সমস্ত অজ্ঞাত অকিঞ্চিৎকর বিষয়কে তিনি সাহিত্যের উঁচু তলায় উন্নীত করেছেন—যেমন 'ইনসমনিয়া', 'কড়া', 'বেকার বনান ইন্সুরেন্স এজেন্ট'—শুধু সেইগুলোকেই আমি আমার আলোচনার লক্ষ্য স্বরূপ নিয়েছি। ইংরেজীতে পড়েছি এই জাতের লেখা অনেক—বাংলায় এর অভাব চিরদিন ছিল, আশা হচ্ছে এবার দূর হবে। সেই ভাবী সম্ভাবনার অগ্রদূত রূপেই আমি স্বাগত করছি শ্রীবুদ্ধ জ্যোতির্ময় রায়কে।

নন্দগোপাল সেনগুপ্ত।

“নিজেরে হারায়ে খুঁজি”—শ্রীগীতা ঘোষ প্রণীত। প্রকাশক শ্রীহরেন্দ্র কৃষ্ণ সরকার, মাধব চ্যাটার্জী লেন, কলিকাতা, দাম ১৯/০। ১৫০ পৃষ্ঠা

বাংলা সাহিত্যের আসরে আমরা লেখিকাকে সাদর অভ্যর্থনা জানাচ্ছি। লেখিকা নূতন এবং উপন্যাসটা তাঁর প্রথম লেখা। কিন্তু তাই বলে তার লেখনী মোটেই অপটু নয়। লেখিকার রচনা শক্তি আছে, কল্পনা শক্তি আছে আর আছে স্বল্প বিশ্লেষণী প্রতিভা। ভাষা ঝরঝরে ও জোরদার এবং আতিশয্য নেই কোথাও। আলোচ্য উপন্যাসখানিতে গল্পাংশ প্রতি সামান্য। মাতৃপিতৃহীনা মেয়ে, বিলিতি ভাবাপন্ন বড়লোক পিসিমার দ্বারা প্রতিপালিতা ও উচ্চশিক্ষিতা। ড্রইং রুমের কৃত্রিম জীবনের প্রতি বিতৃষ্ণ হয়ে পালিয়ে সে ভবঘুরে বেদের দলে যোগ দিলো এবং দু'মাসের অজ্ঞাতবাসের পরে কলকাতায় এসে বিয়ে পা করে সংসারী হল। প্রসঙ্গক্রমে ইঙ্গ-বঙ্গ সমাজের কৃত্রিম জীবনের এবং বেদে বেদেনীদের বায়াবর জীবনের চিত্র খুটানাটা সহ বিবৃত হয়েছে। আর সঙ্গে সঙ্গে আছে মনস্তত্ত্বের নিপুণ বিশ্লেষণ এবং রোমান্টিক একটা সুগভীর চিন্তের দুর্দমা অতৃপ্তি এবং অকুরন্ত উদাস। শিক্ষিতা আধুনিকার ঘাঘরা পরে দু'মাস বেদেনী জীবন যাপন আবাস্তব মনে হবে। তবু বইখানা আমাদের ভাল লেগেছে।

‘দীপঙ্কর’



৯ই অক্টোবর তারিখে হিটলারের দৈনিক নির্দেশপত্রে (order of the day) যে উক্তি ছিল তার সবটাই যে ফাঁকা আওয়াজ অবস্থা দেখে তা মনে হয় না। হিটলার তার সৈন্যদের উদ্দেশ্যে বলেছেন, 'গত তিনমাসের মধ্যে তোমরা অভূতপূর্ব সাফল্যের সহিত শত্রুর সমরশিল্পের কেন্দ্রগুলি দখলে এনেছ, আরও কয়েক সপ্তাহের মধ্যে রাশিয়ার তিনটি সমৃদ্ধ শিল্পকেন্দ্র তোমাদের হস্তগত হবে। এই যুদ্ধে রুশ হতাহত ও বন্দী ২৪ লক্ষ, ১৭,০০০ ট্যাঙ্ক, ২১,০০০ বন্দুক ও ১৪,০০০ বিমান ধ্বংস অথবা দখল করেছে। তোমাদের সঙ্গে আজ উত্তর থেকে দক্ষিণ পর্যন্ত ফিন, স্লোভাক, হাঙ্গেরীয়ান, ইতালীয়ান, রুম্যানিয়ান সৈন্যদল শত্রুর জমিতে লড়াই করছে, স্প্যানিশ ক্রোট এবং বেলজিয়ান বাহিনী শীঘ্রই তোমাদের সঙ্গে যুক্ত হবে।' মস্কোর পথে মোজালিস্ক, রাসলুভ, ওয়েল, টুলা, কালিনিন এবং কালগা এই স্থানগুলি অনায়াসে না হলেও অল্প সময়ের মধ্যেই যে ভাবে জার্মান কবলে এসেছে তাতে হিটলারেরই সমর্থন পাওয়া যায়। কমুনিষ্ট পার্টির পত্রিকা 'প্রাভদা' ও সেই কথাই বলেছে। 'প্রাভদা' শক্তিত্বিত্তে জার্মানির সংখ্যাধিক্য স্বীকার করে বলেছে— শত্রুসৈন্যের ক্ষতি প্রচুর হলেও অবস্থার গুরুত্ব উপলব্ধি না করা অমার্জনীয় লক্ষ্যচিন্তার পরিচায়ক হবে।

অল্প দুই সপ্তাহ ক্ষেত্রের মধ্যে লেলিনগ্রাদে লড়াইয়ের ভারজিৎ অর্ধীনাংসিত হয়ে গেছে। বণ্টিকে রেড নেভি যে কৌশলের পরিচয় দিয়েছে তাতে মনে হয় লেলিনগ্রাদ সমুদ্রপথে সুরক্ষিত আছে। সোভিয়েট নৌবহর এখনও ওয়েসেল, ভারো এবং হাঙ্গোতে ঘাঁটি আগলে আছে।

রুম্যানিয়ান সৈন্য ওডেসা দখল করেছে। দক্ষিণে খারকভের পথে পোল্টাভা দখলের সংবাদ পাওয়া গেছে। খারকভ ইউক্রেনের শিল্পকেন্দ্রের অগ্রতম। খারকভের পথ খোলা পেলে ইউক্রেনের সমৃদ্ধতর প্রদেশে প্রবেশ পাওয়া সহজ হয়ে যাবে। ইউক্রেনের অল্প কয়েকটি শিল্পকেন্দ্র যেমন কিয়েক, নিপ্রোপেট্রোভস্ক, খারসান ও ক্রিভয়রগ জার্মানদের হস্তগত। জার্মানির দক্ষিণ অভিযানে ডনটেজ শিল্পাঞ্চলের জগ্ন প্রবল চেষ্টা চলেছে।

জার্মানরা আজব সাগরের তীরে মোলটোপাল, বার্ডনিয়ান্দ নারিয়াপোল, টাগানরগ দখল করেছে। টাগানরাগের ৪০ মাইল দূরে রোষ্টভ বন্দর বিপন্ন।

ক্রিমিয়ায় জার্মানরা পেরেকোপ অঞ্চলে সংগ্রাম করছে। ক্রিমিয়ায় সেবেস্তাপুল রাশিয়ান অধিকারে থাকা পর্যন্ত কৃষ্ণসাগরে রুশ-শক্তি প্রবল থাকবে। কিছুদিন পূর্বে বুলগেরিয়ায় সৈন্য সমাবেশের খবর পাওয়া গেছে। কৃষ্ণসাগরে রুশ আধিপত্য খর্ব করার জগ্নই এই আয়োজন মনে হয়। বুলগেরিয়ার বন্দরে যে সামান্য নৌবল আছে তা রাশিয়ার কৃষ্ণসাগরের নৌবলের তুলনায় অত্যন্ত ক্ষীণ। স্মরণ্য ইতালীয় নৌবলের সহায়তায় রুশীয় নৌবলের শক্তি ক্ষুণ্ণ করা ছাড়া জার্মানির অল্প উপায় নাই। এই উদ্দেশ্য সফল করতে হলে দার্দনেলিসের মধ্য দিয়ে ইতালীয় নৌশক্তিকে পথ ছেড়ে দিতে তুর্কিকে রাজী করাতে হবে। বুলগেরিয় সমাবেশের অগুরালে তুর্কিকে সম্মত করবার প্রচ্ছন্ন অভিপ্রায় যে নাই সে কথা জোর করে বলা চলে না। বুলগেরিয় সমাবেশের আতঙ্ক তুর্কি-সম্মতি আদায় করতে না পারলে তুর্কি অভিযানের সম্ভাবনাও আছে।

মধ্য প্রাচ্য

খাইবার আর তেহেরান যেন এক দৌড়ের পথ। ভারতের জঙ্গীলাট ওয়াভেল সাহেব লণ্ডন থেকে ফিরবার পথে তেহেরান ঘুরে এসেছেন। সুইডেনের কাগজ 'সোসিয়াল ডেমক্রেটেন' এর খবর,

ককেসাসে সৈন্ত পরিচালনার উদ্যোগ চলেছে—তার পরেছে ওয়াভেল সাহেবের ওপর। পারস্যান উপসাগরের বন্দর বন্দরসাপুরে সৈন্ত নেমে রেলপথে ইরান যাচ্ছে; খাইবার পাশ থেকে যাচ্ছে সাজোয়া গাড়ী ও বিমান। ইরানের শাহের রেলপথটা খুব কাজে লেগে গেল। এই সুবিধা থাকায় তাজিকের উত্তরে একটা ব্রিটিশ ঘাঁটি রাখা চলবে। দক্ষিণ-রুশের তেলের খনি নিয়ে জেনারেল ওয়াভেল ও মার্শাল ফন রুসতেদের মধ্যে প্রতিযোগিতা শুরু হতে পারে—কে কার আগে দখল করবে। সেইজন্মই এই তোড়জোড়। ভারতের উত্তর পশ্চিম সীমান্তে বিমান মহড়া চলেছে—লড়াই যদি ককেসাসে আসে ?

বিশ্ব শান্তি

লড়াইয়ের কঁাকে কঁাকে শান্তির কথা শুনতে পাওয়া যায়। আবার তার পরই জোড় লড়াই শুরু হয়। “Cannibal Hitler” শান্তির চেষ্টায় ব্যর্থকাম হয়েছেন কারণ “War-monger” চার্চিল তার শান্তি প্রস্তাব অগ্রাহ্য করেছেন। হিটলারের লড়াইয়ের সমস্ত আয়োজন ‘are the most important preparations for peace’ শান্তির নৈবেদ্য রচনা, আর চার্চিলের ‘আটলান্টিক চার্টারের’ প্রতি ছত্রে ছত্রে বিশ্বশান্তির জন্ম উন্মুখতা। আমরা অহরহ একপাঠি শুনছি, লড়াইয়ের পূর্বে দুনিয়া যা ছিল আর লড়াইয়ের পর দুনিয়া যা হ’বে তার মধ্যে থাকবে আসমান-জমিন তফাৎ। পৃথিবীর এই অবস্থায় একটা ছরস্তু বিরোধের অবসান ঘটে নূতন কোন্ ব্যবস্থার মাস্তুলিক দ্বন্দ্বিত হ’বে তা বলা কঠিন কিন্তু একটা প্রশ্নের গীমাংসা হয়ে গেছে। “The price of victory is a European revolution for we can not unleash the forces that victory requires if we stand by the ancient ways.” (Laski, Where do we go from here, p126). ‘ancient ways’ অথবা ‘প্রাচীন পন্থা’র অপমৃত্যু ল্যাঙ্কি সাহেবের স্বপ্নোত্রীয়েরা কামনা ও ভাবনা কোনটাই করেন না, তা আর নজীর দিয়ে দেখাতে হবে না। যুদ্ধ জয়ের জন্ম ল্যাঙ্কি সাহেব যে চড়া দাম হেঁকেছেন তার চাইতেও কম দরে জয়ের পথ খোলা ছিল। সে পথ ক্রমেই দুর্গম হয়ে উঠেছে, স্তত্রাং যারা শূদা চোখে দুনিয়ার দিকে চেয়ে দেখেন, ল্যাঙ্কি সাহেব তাদের উদ্দেশ্যে বলেছেন “without that revolution both the war and the peace will be no more than a dispute about the character of a social order which has twice brought us to world conflict and will bring us to it again if we seek no more than its preservation.” সাম্রাজ্য আঁকড়ে থাকা বাদের স্বভাব তাদের কাছে ল্যাঙ্কি সাহেব কি আশা করেন ?

এই সেদিন ইডেন সাহেব লগুনে এক মৈত্রী সম্মেলনে—‘Inter Allied Conference’—এক ‘স্বপ্ন দিয়ে ঘেরা’ ইউরোপ রচনা করলেন। যুদ্ধের পর নাৎসী নির্যাতন থেকে যে সব দেশ উদ্ধার পাবে মৈত্রী সম্মেলন তাদের খাবার ও জীবন যাত্রার অগ্গাণ্ড অপরিহার্য দ্রব্যের সংস্থান দেবে। খাবার যোগাবে আমেরিকা। আমেরিকার যোগানে আর ইংরেজের মোড়লীতে খাবার বিলি করেই ইডেন সাহেব ভাঙ্গা ইউরোপ জোড়া লাগাবেন, এটা ল্যাঙ্কি সাহেবের ‘revolution’ এর কোন সংস্করণ ?

শ্রেণী সংগ্রাম বনাম জাতীয় সংগ্রাম—

শ্রেণী সংগ্রাম না জাতীয় সংগ্রাম ? প্রশ্নটা স্বভাবতই আসে। সোভিয়েট ইউনিয়ন আজ কোতু-হলের সামগ্রী। আমেরিকার সাহায্য পেয়ে সোভিয়েট ইউনিয়ন শত্রুর আক্রমণ প্রতিরোধ করবার প্রাণপণ চেষ্টা করেছে আর সেই সাহায্যের দাবীতেই সোভিয়েটের সামনে নানা রকম প্রশ্ন তোলা হচ্ছে—‘ধর্মের



স্বাধীনতা রাশিয়ার আছে কি' ? উপায় নাই—সোভিয়েটের প্রচার কর্তা মঃ লজভস্কি ও লাগুনস্‌ দূত মঃ মেইস্কি আমেরিকার প্রত্নকর্তাদের আশ্বস্ত করেছেন—সোভিয়েট ইউনিয়নে বিভিন্ন চার্চ, আছে ধর্মের স্বাধীনতা আছে এবং ধর্মটা হ'ল ব্যক্তিগত ব্যাপার, রাষ্ট্রের সঙ্গে ওর কোন সম্পর্ক নেই, অবশি ধর্মবিরোধী প্রচারেরও স্বাধীনতা আছে। কথায় বলে 'He who pays the piper 'all for the tune.' সোভিয়েট নিরুপায়—শ্রেণী মহৎ কিন্তু জাতি মহত্তর। বাট্টাও রাসেল এই ধরনের একটা অবস্থার কথা চিন্তা করেই লিখেছিলেন সোভিয়েটের শ্রেণী সংগ্রাম জাতীয় সংগ্রামে পরিণত হয়। (The allies of the Soviet government must not be troubled by revolutionary or anti-militarist propaganda, but must be supported in all the turns and twists of their international politics. The war by which the objects of Communism are to be achieved thus ceases to be a class war as formerly conceived and becomes an ordinary war between national states—Which way to peace, p 195)

নিরপেক্ষতা আইনের সংশোধন—

আতলাস্তিকের ক্রমবর্ধমান জাহাজ ডুবিতে আমেরিকার দৈর্ঘের বাধ বুঝিয়া ভাঙে। পর পর আটটা জাহাজ সাবমেরিনের আক্রমণে জলমগ্ন হয়েছে। অষ্টম জাহাজ আই, সি, হোয়াইট ডোবার পর তুমুল কলবর উঠেছে নিরপেক্ষতা আইন সংশোধন করে সত্তদাগরীগুলি জাহাজগুলি সশস্ত্র করবার জন্ত। স্বরাষ্ট্র সচিব কর্ডেল হাল মনে করেন সাবমেরিন অভিযানের মূলে আছে আতলাস্তিকে আতঙ্ক সৃষ্টি করে পৃথিবী জয়ের পরিকল্পনা। নিরপেক্ষতা আইনের বিধানে কোন কোন স্থানে আমেরিকার জাহাজের প্রবেশ নিষিদ্ধ আছে। কিন্তু সাবমেরিন আক্রমণের ফলে সমগ্র আতলাস্তিকই নিষিদ্ধ হবার উপক্রম হয়েছে। সে অবস্থায় 'Lease and Lend' এর সাহায্য রুটেনে পৌছাবে না। এই অবস্থা দূর করবার জন্ত প্রেসিডেন্ট রুজভেল্ট আইন সংশোধনের সুপারিশ করে কংগ্রেসে পাঠিয়েছেন। আই, সি, হোয়াইট ডুবি বোধ হয় প্রেসিডেন্ট রুজভেল্টের পথ স্বগম কোরে দেবে। Isolationist অর্থাৎ যারা আমেরিকাকে ইউরোপের বাগ্গাটের বাইরে রাখতে চায় তাদের দলে আনা এরপর সহজ হয়ে যাবে। সেই দলেরই একজন রেমণ্ড ক্ল্যাপার এই আইনের আগাগোড়া সংশোধন দাবী করে বলেছেন "আইনে গানা আছে আমেরিকার জাহাজ কোন বুদ্ধমান বন্দরে প্রবেশ করতে পারবে না—রুটেনের যে কোন বন্দরে আমেরিকার জাহাজ পাঠাবার স্বাধীনতা 'শাসন বিভাগ দাবী করে'। এই থেকেই মনে হয় সত্তদাগরী জাহাজের সশস্ত্রীকরণের পরই এই ধারণার সংশোধন করা হবে।

পানামায় রাষ্ট্রবিপর্যয়—

এই ধারণটা যে অমূলক নয় পানামায় রাষ্ট্রবিপর্যয়ে সেটা বোঝা যায়। যে সব জাহাজ পানামার নিশান উড়িয়ে চলে পানামার ক্যাবিনেট তাদের সশস্ত্রীকরণ নিষেধ করে। এই খবর আলোচনা কালে যুক্তরাষ্ট্রের পররাষ্ট্র কমিটির সভাপতি সেনেটর কনোলি মন্তব্য করেন "নিরপেক্ষতা আইন সংশোধন করে আমরা বাণিজ্য জাহাজ সশস্ত্র করতে পারি এবং তারপর তাদের যে কোন অঞ্চলে পাঠাতে পারি"। অর্থাৎ পানামা ক্যাবিনেটের মর্জির ওপর নির্ভর না করে এবং পানামার নিশানের ভরসায় না থেকেও আমেরিকা আইন বদলেই নিজের নিশানের আড়ালে জাহাজ চালাতে পারবে।



সফর, সবগুলি গিলে জাপানী নীতির পরিবর্তন আসন্ন হয়ে উঠেছিল। জাপানী রাষ্ট্রনীতিতে চক্রবৎ সামরিক ও বৈশ্বিক প্রভাব দেখা যায়। কোনসে পরিবদ শান্তিজনল ছাড়িয়ে বৈশ্বিক প্রভাবের মর্যাদা বৃদ্ধি করছিল। কিন্তু পর পর এতগুলি ঘটনার সংঘাতে আবার সামরিক প্রভাব জাপানী রাষ্ট্রনীতির আসন দখল করেছে। তাই কোনসে সভার সমর সচিব, নূনন দপ্তরের প্রধান মন্ত্রী।

নূতন মন্ত্রীসভার গঠন সূদূর প্রাচ্যে লড়াইয়ের আতঙ্ক ছড়িয়ে দিয়েছে। জল্পনা চলেছে আক্রমণটা কোথায় হবে। চাংসায় লাজনা ভুলতে কি জাপান দক্ষিণায়নে যাবে? রাড্ভিভাষ্টকের পথে আমেরিকা সোভিয়েট-সাহায্য পাঠাচ্ছে—জাপানী নৌবহরের নজর সে দিকেও আছে। মাকুরিয়ায় সৈন্ত সমাবেশ-সেটা ভুললেও চলবে না। তিনমাস পূর্বে কোনসে সভা পদত্যাগ করলে সাতদিনের মধ্যে জাপানী সৈন্ত ইন্দো-চীনে প্রবেশ করে—এটাও মনে রাখবার বিষয়। মোটকথা, ইউরোপ ও আমেরিকার দিকে তাকিয়ে জাপান তৈরী—টোজো সভা তারই ইঙ্গিত। অভিযান কোথায় এবং কখন হবে রাষ্ট্রনীতির দূরদর্শন দিয়ে তারই নিরিখ চলবে এখন।

১৮-১০-৪১

ব্লাড-ভিটা

আদর্শ টনিক

রক্ত নির্মল ও সতেজ করে, বৈজ্ঞানিক পদ্ধতিতে গভর্নমেন্ট পরীক্ষাগারে বিভিন্ন রসায়নের গুণাগুণ নির্ণিত ও প্রশংসিত।

ভিটামিন “বি,”

আয়রন,

ক্যালসিয়াম

ম্যাঙ্গানিস

ও

ফসফেট

ইত্যাদি মিশ্রিত।



স্নায়বিক দৌর্বল্য,

রক্তাল্পতা,

কোষ্ঠ-কাঠিন্য,

গাউট,

রিউমেটিসম,

ও

সস্থান-সম্ভব্যার

পক্ষে বিশেষ

ফল-দায়ক।

অধ্যক্ষ মথুর বাবুর

মেডিকেল রিসার্চ লেবরেটরী

পি, ২৩, সেন্ট্রাল এভিনিউ, কলিকাতা।



উপর দিয়ে চালিয়ে নেবার মধ্যে কোনো অসঙ্গতি নেই। কিন্তু এই ১৯৪১ সনে ইংলণ্ডের কাছ থেকে কোনো অধিকার আশা করেন এমন রাজনৈতিক—বীর সত্তরকার ও মিঃ জিন্স—বাদে কেউ আছেন কি? কাজেই আমাদের অন্তপথে মুক্তি খুঁজতে হবে—সে পথ কোন দিক দিয়ে কি ভাবে আসবে তা সুস্পষ্ট হয়তো নয়—কিন্তু তার ইঙ্গিত আনুষ্ঠানিক ঘটনাবলীর মধ্য দিয়েই আছে—সে ইঙ্গিতকে ভারতের জনগণের নিকট সুস্পষ্ট কোরে তোলা এখন রাজনৈতিক নেতা ও কর্মীদের একমাত্র কাজ।

আমেরিকার পাঁচটি প্রশ্ন

আমাদের দেশের এক শ্রেণীর রাজনৈতিকেরা ভারতের স্বপক্ষে আমেরিকার ওকালতিতে অত্যন্ত আস্থাবান। তাঁরা মনে করেন যে বৃটেনের শ্রেষ্ঠ বন্ধু আমেরিকা যখন ভারতের প্রতি সহানুভূতি সম্পন্ন তখন—আমেরিকার সুপারিশ বৃটেন ফেলতে পারবে না। সম্প্রতি আমেরিকার কয়েকজন ভদ্রলোক ভারতবর্ষ সম্বন্ধে পাঁচটি প্রশ্ন কোরেছেন সে প্রশ্ন কয়েকটি আলোচনা করে একদিকে ভারতবর্ষ সম্বন্ধে আমেরিকার পর্বত প্রমাণ অঙ্গতার পরিচয় পাওয়া যায়, অন্য়দিকে আমেরী সত্তেবের উত্তরে চমৎকৃত হোতে হয়।

প্রশ্ন পাঁচটি এরূপ :—

(১) ভারতবর্ষ বৃটিশ গভর্নমেন্টকে প্রত্যক্ষ ও পরোক্ষ ভাবে কি কি টাক্স দিয়ে থাকে ?

(২) ভারতের বড়লাট ভারতের জনসাধারণের সম্মতি গ্রহণ না কোরেই সতাই কি জার্মানির বিরুদ্ধে যুদ্ধ ঘোষণা করেছেন ?

(৩) বৃটিশ গভর্নমেন্ট ভারতবর্ষকে ঔপনিবেশিক স্বায়ত্ত শাসন দিচ্ছেন না কেন? তাঁদের কি দেবার ইচ্ছা আছে? কখন?

(৪) ভারতকে স্বায়ত্তশাসন দেওয়াই যদি বৃটিশ গভর্নমেন্টের নীতি হয় তবে পণ্ডিত জগদহরলাল নেহেরুর কারাদণ্ডের সঙ্গে তার সামঞ্জস্য কোথায়?

(৫) বর্তমান যুদ্ধ—ভারতে বৃটিশ রক্ষা ব্যবস্থার স্বপক্ষে অথবা বিপক্ষে কি পরিবর্তন এনেছে? এর উত্তরে আমেরী সত্তেব বলছেন ভারতবর্ষ তো কোনো টেক্স দেয়ই না বরং বৃটিশ সরকারকে ভারত রক্ষার জন্য বৎসরে কয়েক কোটি ডলার দিতে হয়।

বড়লাট যুদ্ধ ঘোষণা করেন নি কারণ তাঁর সে অধিকার নেই, বৃটেন যুদ্ধে লিপ্ত হওয়ার সঙ্গে সঙ্গে স্বতঃসিদ্ধভাবেই ভারত যুদ্ধে অংশীদার হোয়েছে। যুদ্ধ শেষ হওয়ার পরই ভারতকে ঔপনিবেশিক স্বায়ত্তশাসন দেওয়া হবে। ভারতের বিভিন্ন সম্প্রদায় ও দলের মধ্যে একতা স্থাপিত হোলেই তা দেওয়া হবে। পণ্ডিত জগদহরলাল বিশিষ্ট ব্যক্তি হোলেও আইনের উপরে নন। আর যুদ্ধ সম্পর্কে ভারতবর্ষের মতামত কি তা প্রমাণ হবে ভারতবর্ষ থেকে স্বেচ্ছায় সাড়ে সাত লক্ষ লোক সৈন্য বিভাগে যোগ দিয়েছে এই তথ্য থেকে।

যেমন প্রশ্ন তার উত্তরও তেমনি।

হোমচাজ নামে প্রতি বৎসর ভারত থেকে ৫০ কোটি টাকা বেরিয়ে যাচ্ছে—সেটা মার্কিনী বন্ধুরা অবশ্যি একটু খেঁজ করলেই জানতে পারবেন, তবে সে কষ্টস্বীকার তাঁদের কাছ থেকে আশা করা যায় না—আর এই যুদ্ধে সাহায্য করবার ব্যাপারে ভারতের স্বাধীন মতামত কি তা জানাও সহজ। কিন্তু এই প্রশ্ন-উত্তরে ভারতের পক্ষে লাভ লোকমান কিছু নেই। নিছক পরোপকারের খাতিরে আদর্শ রক্ষার জন্ম, কোনো দেশ স্বাধীনতার ফলটা ইংরেজের কাছ থেকে আহরণ কোরে এনে ভারতবাসীর হাতে দেবে সে স্বপ্ন কেউ দেখে না।

ভারতের রেল

ভারতে রেল লাইন প্রবর্তিত হয় প্রধানতঃ ইংরেজের সৈন্য চলাচলের সুবিধার জন্ম—যাতে শান্তি (?) রক্ষার ব্যাঘাত ঘটলে সহজে সায়েস্তা করা যায় শান্তিভঙ্গকারীদের। কাজেই ভারতবাসীর দৈনন্দিন যাতায়াত বা সুবিধা অসুবিধার কথা ধর্তব্যের মধ্যে নয়—ইংরেজের প্রয়োজনে ভারতের রেল অন্তর চালান যাবে তার আর আশ্চর্য কি? কাজেই সম্প্রতি ই, আর্ট, আর এ, উইক-এণ্ড টিকিট বন্ধ করে দেওয়া হোয়েছে, পূজার সময় যাত্রী সংখ্যা বাড়াবার জন্ম রেল কর্তৃপক্ষের চেষ্টায়ও মন্দা লেগেছে—এমন কি পূর্বাঙ্কেই জানানো হোয়েছে এবার কুম্ভমেলায় অতিরিক্ত ট্রেন দেওয়া সম্ভব হবে না। ক্রমশঃ যে ট্রেনের সংখ্যা আরো কমানো হবে তার ইঙ্গিত সর্বত্র। এর কারণ ভারতকে যুদ্ধমান মধ্য-প্রাচ্যে রেললাইন গাড়ী ইত্যাদি চালান দিতে শ্রেয়েছে সেখানকার প্রয়োজন মেটাতে—তয়তো এর পর ইরানের রেল লাইনের স্বল্পতা দূর কোরতে ভারতকেই ডেমক্রেসী রক্ষার্থে স্বার্থ ত্যাগ করতে হবে। তাছাড়া সেসব মেরামতি কারখানা ছিল তাতে পূর্ণোদ্গমে যুদ্ধের সরঞ্জাম তৈরী হোচ্ছে—ভারতে ইঞ্জিন তৈরীর যে পরিকল্পনা হোয়েছিল যুদ্ধের জন্ম তা পরিত্যাগ করা হোয়েছে—যুদ্ধের কাজ কোরেই কারখানাগুলো কুল পাচ্ছে না—ভারতবাসী ২৪ বছর না হয় যাতায়াত নাই করলো—তাতে স্বাধীনতা ও ডেমক্রেসীর কোনো ক্ষতিবৃদ্ধি নেই। কাজেই এদেশে রেললাইন, গাড়ী, ইঞ্জিন সব কিছুর অভাব হোয়েছে, আরো হবে। স্বাভাবিক যাতায়াত বন্ধ হবে, বাণিজ্য বন্ধ হবে ফলে জিনিষের দাম আরো বাড়বে—তা ছাড়া মেরামতের অভাবে রেল লাইন, ইঞ্জিন ইত্যাদির অবস্থা বিপজ্জনকও হবে—কিন্তু তাতে আশঙ্কান্বিত হবার কি আছে—না হয় ডিমোক্রেসী রক্ষার্থে যেখানে লক্ষ লক্ষ লোক মারা যাচ্ছে—কয়েক শত “কালী আদমী” রেল এক্সিডেন্টে মারা যাবে। উদ্দেশ্য তো সাধু!

নিখিল ভারত শিক্ষা সম্মেলন

গত ২৮শে সেপ্টেম্বর শ্রীনগরে এলাহাবাদ বিশ্ববিদ্যালয়ের ভাইস চ্যান্সেলার ডাঃ অমরনাথ ঝাঁর সভাপতিত্বে নিখিলভারত শিক্ষা সম্মেলনের ১৭শ অধিবেশন অনুষ্ঠিত হয়। এই সম্মেলনে

প্রার্থনা করেছেন দেখে আমরা খুসী হোয়েছি। তবে এ ব্যাপার নূতন নয়—বিদেশী শাসকদের অযাচিত উপদেশ ও ভৎসনা ছুইই শুনতে আমরা অভ্যস্ত।

হরদয়াল নাগ জয়ন্তী

গত ১৫ই সেপ্টেম্বর বাংলার প্রবীনতম দেশসেবক শ্রীযুক্ত হরদয়াল নাগ মহাশয়ের ৮৮তম জয়ন্তী উৎসব চাঁদপুরে সুসম্পন্ন হয়। তিনি কংগ্রেসের জন্ম থেকে বর্তমান কাল পর্যন্ত যে কয়েকটি রাজনৈতিক আন্দোলন হোয়েছে সব কয়টিতেই সক্রিয় ভাবে অংশ গ্রহণ কোরেছেন—প্রতি যুগের রাজনৈতিক মূত ও পাথের সঙ্গে সমান ভালে পা ফেলে চলেছেন এ কম বিস্ময়কর ব্যাপার নয়। তাঁর মনো যে জীবন্ত মন ও সজীব প্রাণ রয়েছে জরাগ্রস্ত দেহদ্বারা অভিভূত হোয়ে পড়েনি—তাকে আমরা গভীর শ্রদ্ধা জানাচ্ছি। তাঁর এটো নির্দা ও মানসিক শক্তিকে আমরা দেশের সামনে আদর্শ হিসাবে বরাছি। আদর্শ লাভের জগ্য এটো যে গভীর নির্দা ও একাগ্রতা—এ আমাদের দেশে দ্রব্য।

মাধ্যমিক শিক্ষা বিল

মাধ্যমিক শিক্ষাবিল সম্বন্ধে এসেফুলীর বিরোধীদের সঙ্গে আপোষ মিমাংসা ব্যর্থ হোয়েছে। আমরা অগ্ন্যরূপ আশা করিনি। সাম্প্রদায়িকতার টুলি পরে যারা সব কিছু দেখেন তাঁদের কাছে কোনো বহুতর আদর্শ বা দৃষ্টি ভঙ্গীর আশা করা মুর্থামি—তবে বেশী দিন এভাবে চলবে না এটো বা আশা— কারণ সমস্ত দেশকে বড় কোরতে না পারলে দেশের কোন একটা আশা যে বড় হোতে পারে না এ অভিজ্ঞতা তাঁদের হবেই। আনুজাতিক এটো সঙ্কটময় পরিস্থিতিতেও এঁরা তাঁদের নীতি বদলাচ্ছেন না, এর পরিণাম যে কি অন্তমান করা কঠিন নয়।

এটো বিল সম্পর্কে মন্ত্রীমণ্ডলীর মনোভাবের প্রতিবাদ করবার জগ্য আজরা পার্কে বিরাট প্রতিবাদ-সভা হয়। শ্রীযুক্ত অখিল চন্দ্র দত্ত মহাশয় সভাপতির আসন গ্রহণ করেন। সভাতে মাধ্যমিক শিক্ষা বিল জাতীয় দৃষ্টি ও ভাবধারার পরিপন্থী বলে মত প্রকাশ করা হয়। আর একটা প্রস্তাবে এটো বিল যেন আর অগম্য করা না হয় তার দাবী গভর্ণমেন্টের নিকট করা হয় এবং সদস্যদের এটো বিলের বিরোধিতা করার জগ্য আহ্বান করা হয়, তৃতীয় প্রস্তাবে জনমতের বিরুদ্ধে যদি এটো বিল পাস করা হয় তবে হিন্দু জনসাপারণ ও বিশেষভাবে হিন্দু মন্ত্রীদের মন্ত্রীমণ্ডলীর সঙ্গে অসহযোগ করতে বলা হয়। জনমত যারা গ্রাহ্য করেনা এসব প্রস্তাবে তারা বিচলিত হবে না।

কামাথের বিরতি

চার্টারের আটলান্টিক যোষণা সম্পর্কে নিখিলভারত ফরোয়ার্ড ব্লকের সংগঠনকারী সম্পাদক শ্রীযুক্ত হরিবিষ্ণু কামাথ—এক বিরতি দিয়েছেন, তাতে কয়েকটি সত্য কথা রয়েছে। তিনি যথার্থই

আন্দোলন অর্থহীন বা অর্থোক্তিক নয়—ভেমনি কোন অধীন দেশের অধিবাসীদের পরোক্ষ ভাবে যুদ্ধে সাহায্য করিয়ে নেওয়া হোচ্ছে এই অজুহাতে সাক্ষাৎ ভাবে সাহায্য করার যুক্তি সমর্থন করা যায় না। প্রথমোক্ত স্থলে choice এর কোনো সুযোগ নেই শেষোক্ত স্থলে ইচ্ছা না কোরলে সাহায্য না কোরেও পারা যায়।

তারপর—বিক্রেতা ক্রেতার বৃত্তি কি দেখতে পারে না যখন ক্রেতা বিক্রেতা ব্যক্তি বিশেষ individuals হয়, কিন্তু ক্রেতা বিক্রেতা যেখানে ছুটি প্রতিষ্ঠানের প্রতিনিধি সেখানে সম্পর্ক শুধু বাণিজ্যিক আদান প্রদানের নয়, সেখানে নীতির প্রশ্ন আসে। আর সে নীতি শুধু সাক্ষাৎ ভাবে অস্ত্র শস্ত্র বা যুদ্ধোপকরণের বেলাতেই প্রযোজ্য নয়। আজ মহাত্মা গান্ধি, জাপানের নিকট কস্থল বিক্রী করিবেন কিনা বা তাঁকে করতে দেওয়া হবে কিনা সন্দেহ। যে ক্ষেত্রে বিক্রেতা সকলের নিকট নির্দোষ মাল বিক্রী করতে পারবেন না, সেখানে নীতির দিক দিয়ে কোনো একটি বিশেষ বিক্রেতার নিকট মাল বিক্রী করা অর্থপূর্ণ হয়।

তারপর বিব্রত না করার নীতি—এ নীতিকে আমরা কখনো সমর্থন করি নাই তবু মহাত্মা গান্ধিরই বিব্রত না করবার নীতি অর্থে আমরা বুঝি এতদিন যে এমন কোনো আন্দোলন তিনি করতে চান না, যাতে দেশে অশান্তির সৃষ্টি হয় এবং তার ফলে যুদ্ধমান বুটেন বিপদাপন্ন হয়, তার সঙ্গে কস্থল বিক্রী না করার দ্বারা বিব্রত করবার ব্যাপার সমপর্যায় ভুক্ত নয়। কস্থল বিক্রী না করলে বুটেন কিছুমাত্র অসুবিধাগ্রস্ত হোতো বলে আমাদের বিশ্বাস নয়—এ যেন সহযোগিতা করবার জন্যই সুযোগ গ্রহণ, অসুস্থ সাধারণের সে ধারণা মনে হওয়া খুবই স্বাভাবিক।

মহাত্মা গান্ধির এসব সূক্ষ্ম ethical যুক্তি আমরা রাজনীতিরক্ষেত্রে কোনোদিনই প্রযোজ্য বলে মনে করিনি—কিন্তু তাঁর যুক্তিগুলি আপাতদৃষ্টিতে অনেক সময় ভ্রান্তির সৃষ্টি করে—তার জন্য অলোচনার প্রয়োজন রয়েছে।

ভারতের রাজবন্দী

পরাদীন দেশের রাজনৈতিক বন্দীসমস্যা চির পুরাতন। যাঁরা দেশের ক্লেশ মোচনের জন্য বিন্দুমাত্র আগ্রহশীল তাঁদের জন্য বন্দীশালার দ্বার সর্বদা উন্মুক্ত। বন্দীশালাতেই জীবনের অধিকাংশ সময় তাঁদের কাটাতে হবে এ নিশ্চয় কিন্তু তবু দেশবাসী তাঁদের ভুলতে পারে না—তাঁদের অভাব অভিযোগকে সাধারণে প্রকাশ করতেই হয়।

সম্প্রতি মিঃ এম এন যোশী দেউলী বন্দী নিবাস পরিদর্শন কোরে রাজনৈতিক বন্দীদের কষ্টকণ্ডলো অভাব অভিযোগের বিবরণ দিয়েছেন—সেগুলোকে তিন ভাগে বিভক্ত করা যায়। শ্রেণী বিভাগ, ব্যক্তিগত ও পারিবারিক ভাতা সম্পর্কে অভিযোগ।

শ্রেণী বিভাগ নিয়ে রাজবন্দীরা চিরদিন আন্দোলন করেছে—তবু গভর্নমেন্টের নীতির



পরিবর্তন হয় নি—এই শ্রেণীবিভাগের কি যে প্রয়োজন বোঝা মুশ্কিল। যখন এদের রাজনৈতিক বন্দী হিসাবে স্বীকার করা হোচ্ছে, তখন তাদের একই শ্রেণীভুক্ত যে কেন করা হবে না তার স্বপক্ষে খেয়াল ছাড়া কোনো যুক্তি নেই। এদিকে জিনিষের মূল্য যত বাড়ছে রাজনৈতিক বন্দীদের ভাতার পরিমাণ তত কমছে।

এ ব্যাপার মন্দ নয়—প্রথম এক টাকা ছিল তারপর পনোর আনা ও এখন বার আনা করা হোয়েছে আর পারিবারিক ভাতাও কোনো ক্ষেত্রে দেওয়া হোচ্ছে না। যার যার প্রদেশ থেকে এত দূরে যাতায়াতের পক্ষে কঠিন এরূপ স্থানে বন্দীদের রাখবার বিরুদ্ধে জনসাধারণ ও বন্দীরা বহু অভিযোগ কোরেছে। এদের যদি বন্দী কোরে রাখাই গভর্ণমেণ্টের মর্জি হয় তবে অন্তঃত এদের প্রতি প্রতিশোধমূলক ব্যবস্থা অবলম্বন করা কোনো সভ্য গভর্ণমেণ্টের নীতি হোতে পারে দেখে আমরা বিস্মিত হোয়েছি। যা হোক রাজনৈতিক বন্দীদের সম্পর্কে গভর্ণমেণ্টের নীতির কোনো পরিবর্তন আমরা আশা করিনা যদিও বড়লাটের কাউন্সিলের নবনিযুক্ত মহারথীরা অনেক আশা দিচ্ছেন।

ছাত্রদের স্বাস্থ্যায়ত্তি

কলকাতা বিশ্ববিদ্যালয়ের ছাত্রমঙ্গল সমিতির ১৯৪০—৪১ সালের রিপোর্ট প্রকাশিত হোয়েছে। রিপোর্টে বলা হোয়েছে যে ১৯২০ সনে ছাত্রদের স্বাস্থ্য যা ছিল ১৯৪০ এ তার অপেক্ষা উন্নতি হোয়েছে। ছাত্ররা অধিকতর দীর্ঘ সুগঠিত দেহ ও সুস্থ হোয়েছে। ১৯২০ সালে প্রথম ছাত্র মঙ্গল সমিতি গঠিত হয়—এবং তখন পরীক্ষা কোরে দেখা যায় শতকরা ৬৬ জন ছাত্রছাত্রীই কোনো না কোনো রোগে আক্রান্ত। ১৯৩৫-৩৭ এই তিন বৎসরে এই সংখ্যা শতকরা ৪০ জনে নামে কিন্তু ১৯৩৮—৪০এ এ আবার বৃদ্ধি পেয়ে ৪৭ জনে উঠে। এবার ১৯৪০—৪১ এ যে অনুকূল রিপোর্ট প্রকাশিত হোয়েছে তার স্বপক্ষে ছাত্রমঙ্গল সমিতি বলেছেন যে—সাধারণ স্বাস্থ্য পরীক্ষা করার সময় বিশেষ বিশেষ রোগ সম্পর্কে অনুসন্ধান করা হয় না কাজেই দৃষ্টি শক্তির অভাব ও অগ্ন্যাণ্ড স্বাস্থ্যহীনতার বিষয়ও ধরা হয় নাই। এগুলি বিচার করলে ছাত্রমঙ্গল সমিতির রিপোর্ট অন্তর্ভুক্ত হোতো ১৯৩৮—৪০ সালে দৃষ্টিশক্তির অভাব জনিত রোগ ৩৩ থেকে ৩৭ এ উঠেছে—এবং ছাত্রীদের মধ্যেই এই রোগের প্রসারতা বেশী বলে জানা গেছে—ছাত্রদের সংখ্যা যেখানে ৩৫.৫. ছাত্রীদের সংখ্যা ৪১.৩. টনসিলের রোগে ছাত্র ভুগছে কলেজে ৬.৪ স্কুলে ১৭.৯. আর ছাত্রীদের সংখ্যা ২৮। দাঁতের রোগে আক্রান্ত ছাত্রদের সংখ্যা ১.৪ আর ছাত্রীর সংখ্যা ২.৩। কিন্তু যদিও এ সকল তথ্যথেকে ছাত্র অপেক্ষা ছাত্রীদের স্বাস্থ্য খারাপ প্রমাণ হয় কিন্তু—অগ্ন্যাণ্ড সাধারণ বিষয়ে—ছাত্রমঙ্গল সমিতির অভিমত যে ছাত্র ও ছাত্রীর স্বাস্থ্যের বিশেষ তারতম্য নেই। তাছাড়া এই রিপোর্ট কলকাতার কয়েকটি মাত্র স্কুল কলেজের ছাত্র ছাত্রীদের স্বাস্থ্য পরীক্ষার উপর তৈরী—যথার্থ তথ্য পেতে হোলে সমস্ত বাংলাদেশের স্কুল কলেজের ছাত্র ছাত্রীর স্বাস্থ্য পরীক্ষা করতে হয় এবং সেই রিপোর্ট অনুযায়ী ব্যবস্থা করবার চেষ্টা করতে হয়। বিশ্ব-বিদ্যালয় যদি এদিক দিয়ে সুচিন্তিত ব্যবস্থা অবলম্বন করেন তবে জাতির ভিত্তি সুপ্রতিষ্ঠিত করতে কার্যকরী ভাবে সাহায্য করবেন। আমরা আশা করি কলকাতা বিশ্ববিদ্যালয় এদিক দিয়ে পথ প্রদর্শন করবেন।

সাম্রাজ্যের প্রগতি

“আমেরিকায় আমরা যা করেছিলাম—আয়লেণ্ডে তাই করছি—আয়লেণ্ডে যা করেছিলাম—মিশরে তাই করছি—এবং প্রতিবারই সাম্রাজ্যের লক্ষ্মী অশ্রু বিসর্জন করেন” * নিউ ষ্টেটসমেন ও নেশান নামক বিলাতী সাপ্তাহিকের ৯ই আগষ্টের সংখ্যায় এক প্রবন্ধে সাম্রাজ্যের প্রগতির উপরোক্ত ধরণের একটা ফিরিস্তি—প্রবন্ধ লেখক দিয়েছেন। প্রবন্ধ লেখকের আফশোষ গত ১৭০ বৎসর যাবৎ ইংরেজ সাম্রাজ্য খোয়াচ্ছেন যেমন আজ ভারতবর্ষকে খোয়াতে বসেছেন লর্ড লিনলিথগো ও আমেরী সাহেব। দীর্ঘসূত্রী ইংরেজের বিলম্বিত ব্যবস্থায় অবস্থা নাকি এমন এসে দাঁড়ায় যখন আর ‘সবজেক্ট’দের মন ভোলাবার সময় থাকে না—স্বয়ং-শাসনের বায়না ধরে হাতে হাতীয়ার নিয়ে তারা রুখে দাঁড়ায়। লড়াইয়ে পৃথিবী ওলট-পালট হয়ে যাচ্ছে তবুও ইংরেজের নাকি এই খামখেয়াল দূর হয় নাই; জাঁক করে সাম্রাজ্যের পসরা সাজিয়ে বসতে তাদের প্রচুর প্রয়াস।

সাম্রাজ্যবাদীর খেয়াল সবাই সমান বুঝতে পারেন না, ইতিহাসও সবার কাছে একইভাবে ধরা পড়ে না—তাই আটলান্টিকের চুক্তিপত্র নিয়ে এত উত্তাপ ও মনস্তাপ। ভারতবাসীর হ’য়ে দুচার জন ইংরেজ ভদ্রলোক ওকালতি করেছেন দেখে একই কারণে আমরা কেউ কেউ পুলকিত হোয়েছি।

এ প্রসঙ্গে সার সেকেন্দারের দৃষ্টান্ত বিশেষ উল্লেখ যোগ্য—আটলান্টিক চুক্তি সম্পর্কে চার্চিলের ঘোষণায় তিনি বিশেষ মর্মান্বিত হোয়ে তিনসপ্তাহের মধ্যে বৃটিশ সরকারের নিকট একটা সুস্পষ্ট ঘোষণা দাবী করেন বৃটিশ সরকারের উপর তাঁর এই পূর্ণ বিশ্বাসে অবশ্য আমাদের কোনো আপত্তি নেই—তবে যদি উত্তর মনের মত না হয় তবে তিনি কি করবেন সে সম্পর্কে তিনি নীরব কেন?

সার সেকেন্দারের ঘোষণার দাবী সম্পর্কে সিন্ধুর প্রধান মন্ত্রী খাঁ বাহাদুর আল্লাবক্স এক বিবৃতিতে বলেন যে সার সেকেন্দার যে ঘোষণার দাবী করেছেন তার উদ্দেশ্য আর কিছু নয়, যে সব জাতি গভর্নমেন্টকে এই যুদ্ধে সহায়তা করছে তাদের জন্য অনুকূল বিশেষ শাসনতান্ত্রিক ব্যবস্থা সম্পর্কে একটা প্রতিশ্রুতি পাওয়া। এতে অবশ্যি বৃটিশ গভর্নমেন্টের কোনো আপত্তির কারণ নেই এবং সানন্দে তারা এ প্রস্তাবে স্বীকৃত হবে কারণ ভেদনীতির উপরই তাঁদের সাম্রাজ্য প্রতিষ্ঠিত এবং এ ব্যবস্থাতে সেই ভেদনীতিরই জয় হবে। খাঁ বাহাদুর আল্লাবক্সের বিবৃতির উত্তরে সার সেকেন্দার এ কথা অস্বীকার করতে পারেননি। তিনি বলেছেন যে দেশের বিভিন্ন স্বার্থের প্রতিনিধি হিসাবে গভর্নমেন্টের দ্বারা মনোনীত ব্যক্তিরা একটা সর্বসম্মত শাসনতন্ত্র তৈরী করবেন, যদি এই প্রতিনিধিরা তা না করতে পারেন তবে ভারত রাষ্ট্রীয় সঙ্ঘের যে সকল শ্রেণীগুলি যুদ্ধে সাহায্য করছে তাদের সহযোগিতায় একটা শাসনতন্ত্র রচনা করা হবে। মোট কথা তিনি যে ঘোষণা দাবী করেছেন সাম্রাজ্যের শক্তি তাতে বৃদ্ধিই পাবে, কমবে না—এখন দেখা যাক তাঁর এই দাবীর উত্তরে চার্চিল কি বলেন?

* ‘We do in Ireland what we did in America, in Egypt what we did in Ireland and now in India what we did in Egypt. And every time the Imperial angels weep’.



ভারতীয় রাজনীতির ঘানী

সম্প্রতি কংগ্রেসের জনকয়েক মহারথী মুক্তি পেয়েছেন—তাদের মধ্যে দেশবন্ধু গুপ্ত, আসফালী এবং গোবিন্দ বল্লভ ও আছেন। এঁদের মুক্তিতে আবার ভারতের রাজনৈতিক public opinion মুখরিত হোয়ে উঠেছে নানা জল্পনা-কল্পনায়। তাছাড়া মাদ্রাজী নেতা সত্যমূর্ত্তির ওয়ার্দ্ধা-নাসিক-মাদ্রাজ দৌড়াদৌড়ি রাজনৈতিকদের চমৎকৃত করেছে। নাসিকে ও বোধেতে তিনি দেশাঠি ও সদীরজীর সন্তিত দেখা করেছেন ও বল গোপন বৈঠকের খবরও পাওয়া গেছে। এইসব বিচিত্র ঘটনা পরম্পরার মধ্যথেকে কয়েকটা প্রশ্ন স্পষ্ট হোয়ে উঠেছে।

প্রথমতঃ সত্যগ্রহ সম্পর্কে যাঁরা মুক্ত হোয়েছেন, মৌলানা আজাদ ও পণ্ডিত জহরলাল প্রমুখ যাঁরা জেলে আছেন এবং স্বয়ং গান্ধীজীর মত কি ?

২য়তঃ যদি সত্যগ্রহ সম্পর্কে অনুকূল মত না হয়, তবে নীতির পরিবর্তন কি ভাবে হবে ?

যাঁরা মুক্ত হোয়েছেন সত্যগ্রহ সম্পর্কে তাঁরা পরিষ্কার কোন মতামত প্রকাশ করেননি যা করেছেন তা সরকারী ভাবে সত্যগ্রহকে সমর্থন করে। মৌলানা আজাদ সম্পর্কে যদিও শোনা যাচ্ছে তিনি এই সত্যগ্রহে সন্তুষ্ট নন এর সম্প্রসারণ চান, তবে প্রকাশ্যে তিনি এ অস্বীকার করেছেন এবং সত্যগ্রহের অগ্রগতিতে সন্তুষ্ট বলে জানিয়েছেন।

গান্ধীজীর মতামত সরকারীভাবে জানবার এখনো আমাদের সুযোগ হয়নি—কিন্তু তিনি সত্যগ্রহ সম্প্রসারণ করতে বা এ বন্ধ করতে রাজী নন বলেই মনে হয়—তিনি বলেছেন সত্যগ্রহীদের অসুস্থতা না ঘটলে বার বার কারাবরণ করতে হবে। কাজেই তাঁর মতামত অনুমান করা কঠিন নয়।

ওদিকে সত্যমূর্ত্তির মত যে যুদ্ধ ও জাতীয় অচল অবস্থা সম্পর্কে ভারতবাসীর মতামত কি তা আইন পরিষদের বাহির ও ভিতর উভয় স্থান থেকে প্রচার করা উচিত। আইন পরিষদে যোগ দিলে সে সুযোগ পাওয়া যাবে। এ সুযোগ ছাড়া উচিত নয় কাজেই আইন পরিষদে যোগদান এবং মন্বীত গ্রহণ এ দুইই তিনি সমর্থন করেন। কিন্তু যতদূর জানা গেছে গান্ধীজী এ যুক্তি স্বীকার করেননি—কবে সত্যমূর্ত্তিকে নাসিক তাঁর মতামত প্রচার করবার স্বাধীনতা দিয়েছেন। আমরা ভাবছি এই মতামতের স্বাধীনতা দাবী করেই সুভাষচন্দ্রকে কংগ্রেস থেকে বেরিয়ে আসতে হোয়েছিল—শুধু তাই নয় তাঁকে সমর্থন করার ফলে গোটা প্রাদেশিক কংগ্রেস কমিটিকেই বাতিল করা হোয়েছিল গুয়া ও সতোর খাতিরে। আজ গান্ধীজী তার কি কৈফিয়ৎ দেবেন। ভারতের স্বাধীনতার সংগ্রামে সুভাষচন্দ্রের অপেক্ষা সত্যমূর্ত্তিকে কি বেশী প্রয়োজন ?

এদিকে শোনা যাচ্ছে পাঞ্জাব প্রাদেশিক কংগ্রেস কমিটির সভাপতি মিঞা ইফতিকার উদ্দিন মিঃ জিন্নার সঙ্গে দেখা করবেন, উদ্দেশ্য কংগ্রেস-লীগ মিলন সংঘটিত করা—এ খবর কতদূর সত্য জানা যায়নি—তবে অসম্ভব নাও হোতে পারে। কাজেই সেই “থোড় বড়ি খাড়া খাড়া বড়ি থোড়”। মূর্ছে ভারতের রাজনৈতিক ঘানী—স্থিমিত তার গতি, বাস্তবের সঙ্গে সঙ্ঘর্ষ-বর্জিত তার নীতি, ভাগ্য চক্র এগিয়ে আসছে তাতে ক্রম্বেপ নেই তার চোখে চুলি দিয়ে ঘানী ঠিকমত চালালেই হোলো।



এটিঃ

শিল্পী - রমেন্দ্রনাথ চক্রবর্তী



দশম বর্ষ

অগ্রহায়ণ, ১৩৪৮

৬ষ্ঠ সংখ্যা

বাস্তববাদী দৃষ্টিকোণ

অনিলচন্দ্র রায়

রাজায় রাজায় যুদ্ধ হলে গরীবের প্রাণ যায়, একথা সবাই জানে। যুরোপে আজ লড়াই বেধেছে, কিন্তু ধনে প্রাণে মারা পড়তে বসেছি আমরা। গত যুদ্ধেও আমরা ১৫ লক্ষ লোক আর প্রায় ৬০ কোটি টাকা দিয়েছিলাম, কিন্তু কী হোলো? আমরা যে তিমিরে সেই তিমিরেই আছি। প্রায় দু'শ বছর ধরে একটানা ব্ল্যাক-আউট চলেছে; একটা জোনাকীর আলোও চমকায়নি। অথচ মরবার যখন ডাক আসে তখন বড় বড় মনভোলান কথার নামেই আসে। গতবার যারা পৃথিবীকে মরবার নিমন্ত্রণ পাঠিয়েছিলেন তারা ডিমোক্রেসীর বাঁশী-বাজিয়েই আবেদন জানিয়েছিলেন। জর্জরিত ধরিত্রীকে ডিমোক্রেসীর জন্ম নিরাপদ করতে হবে। পৃথিবী হবে গণসমাজের স্বর্গ, দিকে দিকে নাম্বে ফুলফসলের সোনালী সৌন্দর্য। কিন্তু তার আগে কঠিন মাটিকে মানুষের রক্তে সিক্ত করতে হবে। তাই ৮০ লক্ষ তরুণ তাদের কচি প্রাণ ও টাকা রক্ত ঢেলে দিল যুরোপের মাঠে ঘাটে।

তারাও উইলসনী বাঁশী শুনেছিল। ১৪ দফা নববিধান আর ৪ দফা নব্যনীতির উল্লাসে পৃথিবীর সবাই তখন মেতেছিল। কিন্তু সেই রক্ত সমুদ্র থেকে কোন নতুন সৃষ্টি জন্ম নিল? ১৯১৪ সনের প্রলয়কে সেদিন আশাবাদীরা মনে করেছিল কালের কল্যাণিক প্রসব বেদনা। কিন্তু



হায়! সেই কর্দমাক্ত মাটির পৃথিবী, আর পুরোনো ক্লৈদাক্ত জীবন বেরিয়ে এল সেই বেদনাত্মক কলরোল আর হাহাকারের মধ্য থেকে। লয়েড জর্জ আর ক্রিমেন্সোর হল জয়জয়কার। জয় হলো সেই রাজনৈতিক সাপুড়েদের মিষ্টি বাঁশীর আর বিষাক্ত চাতুরীর। সুললিত কথার মালা গাঁথা হয়েছিল লাঞ্ছিতদের বরণ করবার জন্তু, সেই সব কথা ভেঙ্গে গড়া হলো ছুর্বলের গলার ফাঁসী। জেনারেল স্মাটস্‌এর গাথা থেকে বেরুল, ম্যান্ডেট (mandate) এর ফাঁকি। সেই ফাঁকিতে পৃথিবীশুদ্ধ নির্বোধেরা মুগ্ধ হয়ে বগল বাজাল।

এদিকে ম্যান্ডেটের ফাঁকির ওপরে গড়ে উঠল নতুন সাম্রাজ্যবাদ। যবনিকার আড়ালে গোপন চুক্তি আর নিঃশব্দ লঙ্কাভাগ সমাধা হয়ে গিয়েছিল। মধ্য এশিয়া ও আফ্রিকাকে বাটোয়ারা করে ইঙ্গ-ফরাসী সাম্রাজ্যবাদ গ্রাস করল। তুর্কী সাম্রাজ্যকে ছিঁড়ে টুকুরো টুকুরো করা হল। আরবীদের আশা দেয়া হয়েছিল তাদের মুক্তি দেওয়া হবে। মিশরকে লোভ দেখানো হয়েছিল, লড়াইর পরে রক্ষকনবিশীর (protectorate) খতম হবে। ভারতবর্ষকে আশ্বাস দেয়া হয়েছিল, অচিরে স্বরাজের ফল ফলবে। সবাই মন্ত্রমুগ্ধ হয়ে দিন গুণছিল। কারণ উইলসনীর বিধানের ৩ নম্বর দফায়ই তো আছে, যা কিছু ব্যবস্থা হবে সবই হবে স্থানীয় লোকদের স্বার্থের কল্যাণে। ১২ নম্বরেও ঘোষণা করা হয়েছে, তুর্কীর অধীন জাতগুলোর অবাধ স্বাধীনতা, 'autonomous development'. লীগ অব নেশন্স্‌এর (League of Nations) ২২ নং দফায়ও আছে, "Well being and development of such peoples form a sacred trust of civilization". হায় সভ্যতা! হায় sacred trust!

এই সভ্যতার ফাঁকি দিয়ে চললো অ-সভ্য শোষণ। প্যালেষ্টাইন, আরব, মিশর আটকা পড়লো ইংরেজের লোহার ফাঁদে; সিরিয়া পড়লো ফরাসীর জালে। ইরাকী বিদ্রোহে আবার রক্তস্রোত বইলো, ১৯২১ সনের কাইরো শান্তি বৈঠকে নাম মাত্র ক্ষমতা ইরাক পেল। চার্চিল ব্রিটিশ সৈন্যকে সরিয়ে এনে Royal Air force এর বজ্রমুষ্টিতে ইরাককে আটকে রাখলেন। বাগদাদ, বসোরা হবে ব্রিটিশ সাম্রাজ্যের বিমান পথের নাড়ীকেন্দ্র, আর সুয়েজ খাল হবে সমুদ্র পথের মূল কেন্দ্র। তাই আরব চাই, আর চাই মিশর। আর সঙ্গে সঙ্গে চাই মসুলের তেল, "ইরাক পেট্রোলিয়াম কোম্পানীর" কোটা কোটা টাকার লাভের জন্তু। একই কারণে চাই ইরাণে কর্তৃত্ব; কারণ বছর বছর ২০ লক্ষ পাউণ্ড মুনাফা শুধে আনা চাই, "অ্যাংলো-পারসীয়ান অয়েল কোম্পানীর"। ১৯২২ সনে মিশরকে স্বাধীন ঘোষণা করা হ'ল। কিন্তু যাতায়াতের পথ, বিদেশী স্বার্থ, সুডান ও দেশরক্ষার দায়িত্ব রইল ইংরেজের। যাতায়াত মানে ভারতবর্ষ, চীন, অস্ট্রেলিয়া, ইরান, মেসোপটেমিয়া, আফ্রিকা ইত্যাদি দশদিকের সঙ্গে সাম্রাজ্যের নাড়ীসংযোগ রক্ষা। এরই নাম সভ্যতার দায়িত্ব! মানবতার পবিত্র দায়।

যুদ্ধ হলো অবিভাজ্য ; রুশদের বড়ো মহারথীরাও বলেছেন, এ যুদ্ধকে ভাগ করে দেখা চলেবে না ; আমেরিকা থেকে ইংলণ্ড, ইংলণ্ড থেকে রুশ, পৃথিবীজোড়া একই ক্যাসিবিরোধী যুদ্ধ, indivisible এবং অবিচ্ছেদ্য। এই অবিচ্ছেদ্য যোগেই রুশ ও ইঙ্গ-আমেরিকা আজ যুক্ত হয়েছে। তাই এই আহ্বান, ইংরেজের সঙ্গে কণ্ঠ মিলিয়ে ; এ যুদ্ধ ক্যাসিবিরোধী, ব্যঙ্গ, আর কিছু চাইনে। ক্যাসিস্তবাদকে ধ্বংস করাই একমাত্র প্রোগ্রাম ও আদর্শ।

কিন্তু ভারতের জাতীয়তা আজ এ ডাকে সাড়া দেয়নি। কংগ্রেস এ যুদ্ধের বিরোধী, ফরোয়ার্ড ব্লকও এ যুদ্ধে সাহায্য দেয় নাই। জাতীয়তাবাদ আজ ঘোষণা করেছে, স্বাধীনতাই ভারতের ধ্যানের লক্ষ্য। যুরোপীয় যুদ্ধ হলো সাম্রাজ্যবাদের রেঘারেশি, ছুটো শোষণ-যুদ্ধের আপোষহীন সংগ্রাম। ভারতের স্বার্থ অগ্রতর। জাতীয় আন্দোলন এখানে ভারতীয় স্বার্থকে কেন্দ্র করেছে। এতে মানবেন্দ্র সাহায্য দিতে পারেন নি ; (১) ভারতীয় জাতীয়তাবাদ ও স্বাধীনতাবাদ তাঁর কাছে সংকীর্ণ স্বার্থপরতা। 'বিশ্ব যবে চলে যায় কাঁদিতে কাঁদিতে,' ভারতবর্ষ বসে থাকবে 'মুক্তি সমাধিতে,' এ চলতেই পারে না। সোভিয়েট যদি যায়, ইংরেজ যদি যায়, তবে কে থাকবে ? আর এরা থাকলে সবাই থাকবে ; সাম্য, স্বাধীনতা ও মুক্তি। (২) জাতীয়তাবাদ হলো নেতিমূলক কারণ স্বয়ং স্বাধীন হতে চেয়ে অপরের স্বাভাব্য অস্বীকার করে থাকে : যথা, চীনের কুয়োমিনটাং জাতীয়তা মঙ্গোল ইত্যাদি অ-চীনা জাতিদের স্বাধীনতাকে খর্ব করেছে। যথা, ভারতে মুসলমানের স্বাভাব্য (self determination) স্বীকৃত হয় না, এবং ভারতে জাতীয়তাবাদীরা ব্রহ্মদেশের বিচ্ছেদকে সমর্থন করেনি। এ ছাড়া যা কিছু বিদেশী তারই ওপরে জাতীয়তাবাদীর আক্রোশ, এতে জাতীয় উন্নতি ব্যাহত হয়। (৩) তৃতীয়তঃ ভারতবিভাগ বা পাকিস্তান জাতীয়তাবাদ সমর্থন করেনা, এতে ভৌগোলিক ঐক্যকে বড়ো করে দেখা হয় এবং এ ঐক্য হলো ব্রিটিশ সাম্রাজ্যবাদী স্বার্থের পোষক। কাজেই জাতীয়তা হলো সাম্রাজ্যবাদের সহায়ক। (৪) এই প্রসঙ্গে মানবেন্দ্র রায় রেজা শাহকে আক্রমণ করে রুশিয়ার ইরান অধিকারকে সমর্থন করেছেন। (৫) স্বাধীনতা ইংরেজ দিলেও আজ গৃহযুদ্ধ হবে, তাই স্বাধীনতা দেওয়ারও কোন স্বার্থকতা নেই। মানবেন্দ্রের উক্তিগুলি ঐতিহাসিক সত্যের পরিপন্থী এবং যুক্তিগুলি শিশুসুলভ।

প্রথমতঃ, যুরোপীয় যুদ্ধ সাম্রাজ্যবাদের প্রত্যক্ষ ফল। ১৯১৪ থেকে ১৯৩৯ কোনো দিকেই তফাৎ নয়। যুদ্ধের শিকড় রয়েছে সামাজিক ব্যবস্থার মধ্যে। যে অবস্থার সমবায় লড়াই আস্তে বাধ্য, সেই সমবায় ১৯১৪ সনে যেমন ছিলো এখনো তেমনি আছে। এবারকার যুদ্ধও পশ্চিম সামাজিক কারণ থেকে জন্ম নিয়েছে।—রুশের সংশ্লিষ্ট হওয়াতেই যুদ্ধের রূপ বদলে যায়নি। কারণ ঐতিহাসিক কারণ পরম্পরার প্রকৃতিও বদলায়নি। নীতির সংঘর্ষ বলে যুদ্ধকে কোলিত্ত দান করবার চেষ্টা চলেছে ; কিন্তু রকম বেরকমের মিতালী ও সমবায়ের নমুনাতেই ধরা পড়ে যুদ্ধের

জয়প্রা

স্বরূপ। করাসী প্রথমে হলেন ইংরেজের মিতা। তারপরে হলেন জার্মানীর দোস্ত। রুশীয়া একবার হলেন জার্মানীর দোস্ত, পরে গেলেন ইংরেজের দলে। তাছাড়া যুদ্ধের প্রকৃতি বোঝা গেছে আটলান্টিক চার্টার থেকে। রুশীয়া ঐ চার্টারের উৎসাহী সমর্থক, এতে রুশীয়া সমাজতন্ত্রী ডিমোক্রেসীর ইচ্ছা রক্ষা করেন নি, সাম্রাজ্যবাদের সহায়ক হয়েছেন। ইঙ্গ-মার্কিন-রুশীয় সমবায়ে ইঙ্গ-মার্কিনই প্রবলতর শরীক, ফলে রুশকে এদের মুখাপেক্ষী হতেই হবে। রুশীয় দাবি-দাওয়া চাতুরীতে বিফল হবে, যেমন হয়েছিল লয়েড জর্জ-ক্রিমসোর চালে উইলসনের আদর্শবাদ। জাতিসঙ্ঘের সভ্য হয়ে যেমন রুশীয়াকে মেনে নিতে হয়েছিল উপনিবেশিক শোষণ নীতিকে, ম্যাণ্ডেট নামক সাম্রাজ্যবাদী আত্মসাৎ-এর নীতিকে, ইংলণ্ডের আবিসিনিয় ও স্পেনীয় পলিসীকে। এই কারণে রুশের যোগদানে ইতরবিশেষ কিছু হয়নি। যুদ্ধের সাম্রাজ্যবাদী স্বরূপেরও হানি হয়নি। তাই ভারতবর্ষের এই যুদ্ধ সম্বন্ধে কোন উৎসাহ নেই, কারণ সাম্রাজ্যবাদ হলো জাতীয় প্রগতির পরিপন্থী। এ যুদ্ধে যে শরীক করতে হচ্ছে ভারতের, তাতে তার আত্মার যোগ নাই। মানবেন্দ্র রায় কিন্তু এতে উল্লসিত হয়ে উঠেছেন। তাতে নাকি ইতিহাসের জয় সূচিত হয়েছে; কিন্তু এতে ইতিহাসের নয়, সাম্রাজ্যবাদের জয় সূচিত হয়েছে। মানবেন্দ্রের এ উল্লাস সাম্রাজ্যবাদের সমধর্মী।

দ্বিতীয়তঃ এ যুগের জাতীয়তাবাদের সৃষ্টি হয়েছে সাম্রাজ্যবাদের বিরোধী শক্তি হিসাবে। ইজিপ্ট, আরব, ইরাণ, ভারত, চীন, তুর্কী ইত্যাদি সর্বত্রই সাম্রাজ্যবাদী শোষণের প্রতিবাদে জন্ম হয়েছে জাতীয় আন্দোলনের। একে সংকীর্ণ মতবাদ ও স্বার্থপরতা বলে তাচ্ছিল্য করে সাম্রাজ্যবাদ; Sir. A. T. Wilson ১৯১৮ সনের পরে আরব জাগরণকে বলেছিলেন, "Arab provincialism." কম্যুনিষ্ট মানবেন্দ্রও আজ ভারতীয় জাতীয়তার বিরুদ্ধতা করে সাম্রাজ্যবাদের পরোক্ষ সহায়ক হয়েছেন। সিভিল সার্ভেন্টরাও ভারতীয় আন্দোলনকে 'disgruntled' কতিপয়ের আশ্ফালন বলে গালাগালি দিয়ে থাকেন। জাতীয়তাবাদ সামাজিক বিকাশের একটা ঐতিহাসিক পর্যায়। ঐতিহাসিক প্রয়োজনে এর সার্থকতা আছে। জাতীয়তার সঙ্গে মানবতার ও আন্তর্জাতিকতার বিরোধ নাই, বরং একে অন্নের পরিপূরক। ব্যষ্টির সঙ্গে যেমন সমষ্টির বিরোধ নাই, অংশের সঙ্গে পূর্ণের যেমন সংঘর্ষ নাই। উভয়ের এই যোগাযোগকে যারা ব্যবচ্ছেদ করে দেখেন তারা বাস্তবকে ঋণিত করেন, কৃত্রিম, কাল্পনিক দ্বৈত সৃষ্টি করে তারা জীবনের বিকাশকে ব্যাহত করেন। তবে জাতীয়তা বলতে ঔপনিবেশিক দেশগুলিতে সাম্রাজ্যবাদী জাতীয়তা বোঝায় না। সর্বগ্রাসী, বুদ্ধুকু (annexationist) জাতীয়তা হলো সাম্রাজ্যবাদের জনক। পরাধীন জাতিগুলির জাতীয়তা সেই লোভাতুর বুদ্ধুকুতা নয়। এ হলো শুধুমাত্র বাঁচবার অধিকারকে এবং সামাজিক জীবনের প্রগতিককে অক্ষুণ্ন রাখবার দাবি মাত্র। জাতীয়তা নিছক ভৌগলিক ঐক্য

নয়, সাংস্কৃতিক, রাষ্ট্রীয় ও অর্থনীতিক ঐক্যও বটে। ঐক্য হলো প্রগতির পরিচায়ক, ভেদ হলো সাম্রাজ্যবাদী শোষণ ও শাসনের একমাত্র কৌশল। স্বায়ত্তশাসনের (self determination) নাম দিয়ে ব্রহ্মবিচ্ছেদ ও পাকিস্তান সমর্থন করা হলো প্রতিক্রিয়াপন্থীর মনোবৃত্তি। এই সাধু নীতির দোহাই দিয়ে ইংরেজও ভারতে ভেদনীতিকে বজায় রেখেছে। মানুষ ভৌগলিক পরিস্থিতিকে বাদ দিয়ে চলতে পারেনা। বিশ্বব্রহ্মাণ্ডের সঙ্গে সুদূর সংযোগ রেখে মানুষকে নিকটের সঙ্গে প্রত্যক্ষ যোগ রাখতে হয়। এটি হলো বাস্তব নীতি, ভৌগলিক ঐক্যের ওপরে অযথা গুরুত্ব আরোপ নয়।

কাজেই স্বভারতই জাতীয়তাবাদ অপরের স্বাধীনতাকেও সম্মান করে থাকে। চীনের জাতীয়তাবাদী দল কুয়োমিন্টাঙ-এর বিরুদ্ধে কতকগুলি কল্পিত অভিযোগ মানবেন্দ্র রায় করেছেন। মাঞ্চু সাম্রাজ্যের উত্তরাধিকারকে বাঁচিয়ে রেখে সানইয়াৎসানও নাকি চীনের অন্তর্জাতগুলোকে গ্রাস করে রাখতে চেয়েছিলেন। ইতিহাস যারা জানেন তারাই বুঝবেন এ অভিযোগ কত ভিত্তিহীন। ডাঃ সানের 'Union of the five races' কে জুলুম বলে অভিহিত করার মানে হলো ইতিহাসকে স্বেচ্ছায় বিকৃত করা। সমস্ত চীনদেশের গণশ্রেণীর রাজনৈতিক চেতনার মূলে রয়েছে ডাঃ সানের আজীবন সাধনা। ১৯২৪ সনে ডাঃ সানের নেতৃত্বে কুয়োমিন্টাঙের প্রথম কংগ্রেসের অধিবেশন হয়েছিল। সেই কংগ্রেসেই জাতীয় দলের বিখ্যাত ঘোষণাপত্র (Manifesto) প্রচারিত হয়েছিল। সেই প্রচার পত্রে চীনা জাতীয়তাবাদকে স্পষ্টভাষায় ব্যাখ্যা করা হয়েছে। জাতীয়তাবাদের হলো দুটো উদ্দেশ্য (১) চীনা গণশ্রেণীর স্বাধীনতা (২) চীনা রিপাব্লিকের অন্তর্গত বিভিন্ন জাতি বা অংশগুলোর (Complete equality of the nationalities) পুরোপুরি সাম্য। গণশ্রেণীর দাবী নিয়েই কুয়োমিন্টাঙ সাম্রাজ্যবাদ বিরোধী ফ্রন্ট গঠন করবার পোগ্রাম দিয়েছিল, "It unites the peasants and workers to join the party in order to enable it to present a united front against the militarists and imperialists." (Manifesto), আর জাতিগত সাম্য (racial equality) সম্বন্ধে স্পষ্টভাষায় পিকিং মান্দারিনদের নীতিকে আক্রমণ করে আত্মনিয়ন্ত্রণের (racial self determination) নীতিকে দলীয় নীতি বলে ঘোষণা করা হয়েছে। মানবেন্দ্র দিনকে রাত করে জাতীয়তাবাদের ওপরে ঝাল মিটিয়েছেন। মঙ্গোলীয় রিপাব্লিকের স্বাভাবিক কুয়োমিন্টাঙ আজো স্বীকার করেনি, তুর্কিস্তানের পৃথক হবার (secede) অধিকারকে স্বীকার করেনি বলেও অভিযোগ করা হয়েছে। উপরোক্ত ম্যানিফেস্টোতে, স্বেচ্ছাকৃত সহযোগিতায় (free alliance) চীনা রিপাব্লিক গঠিত হবে, একথা স্পষ্টভাবে রয়েছে। যেমন আজ U. S. S. R. হয়েছে বিভিন্ন জাতীয় রাষ্ট্রের স্বেচ্ছামূলক সহযোগিতায়। সোভিয়েট গণতন্ত্রেও পৃথক হবার অধিকার স্বীকৃত হয়েছে। কিন্তু কাগজে কলমে থাকলেও ব্যবহারিক ক্ষেত্রে সত্যি

অবস্থাটা সুখের নয়। শুধু সৈশুই চাই না। আরও কিছু চাই—অর্থ চাই, শত্রু চাই আর সেই হেতু চাই দেশের শুভেচ্ছা। আমেরী সাহেবের চাওয়ার ও পাওয়ার সুযোগ ছিল। ভারতের জাতীয় দাবী পূরণ করলেই সমস্যা মিটে যেত। অবশ্য এ নিয়ে অনন্তকাল তর্ক করা চলে যেমন চলে চেক ও পোলদের অবস্থা নিয়ে। অসংখ্য বিশ্বের কথাও তোলা যায়। এখানে এইটুকু বলে রাখি যে আমেরী সাহেবের ভারতে যাবার প্রস্তাবটা ছিল সঙ্গত। অবশ্য আমেরী সাহেবকে চার্চিল-সাইমন লয়েডের ভারত সম্পর্কে মনোভাবের বিরুদ্ধে পদত্যাগ না করার জগু ছাড়া অগু কোন কারণে দোষ দেওয়া ভুল হবে। কোনটাই হোল না, ফলে, অতিকায় জানোয়ার একটা হাই তুললো মাত্র। অবস্থা রয়ে গেল অপরিবর্তিত।

কিছুতেই কিছু হ'ল না। আরও কিছু করা দরকার। শ্রুতরাং ১৯৪১ সালের ২২শে জুলাই আমেরি-লিন্‌লিথগো কয়েকটি ছানার জনরু হলেন। আমেরিকা বা বৃটেনের প্রতি হাজারের নয়শত নিরানব্বই জনের কাছে হোয়াইট পেপারে—দেশরক্ষা ও রাষ্ট্রীয় পরিষদ—মুদ্রিত নামের কোন অর্থ নাই। তাদের কাছে প্রশ্ন হ'ল ছানাগুলি সাচ্চা না বুটা? বৃটেনের সুহৃদ, নব্য ভারতের নায়ক নেহেরু সঁয়াতসঁতে গারদে কাল কাটাচ্ছেন—চৌদ্দ দিনে মাত্র একখানা চিঠি তিনি পান। এই অবস্থায় বৃটিশ রাজের আশ্রয়ে রাজকার্য গ্রহণ করা ভারতীয়দের পক্ষে কিছুতেই সঙ্গত না। আমার ভুল হোতে পারে; ছানাগুলি হয়ত বা সাচ্চা। হয়ত বা স্বাধীনতার পথে এক পা ভারত বাড়িয়েছে। একটা ইংরেজী কাগজ তো 'ভারত ভারতীয়দের জগু' এই শিরোনামা দিয়ে এদের আগমনবার্তা ঘোষণা করেছে। আচ্ছা, আরও একটু ভাল করে দেখা যাক।

স্যার হোমী মোদী হয়েছেন সরবরাহ সচিব। স্যার হোমী অমায়িক প্রকৃতির, সুরসিক, বুদ্ধিমান সুচতুর ব্যবসায়ী। জাতে পার্শী। টাকার কথা বাদ দিলে তিনি ভারতের প্রতিনিধি নন। তাঁকে আমার লাগে ভাল। কিন্তু আমি ভেবে পাই না বোধের প্রাসাদে বসে ভারতীয় জনগণের সঙ্গে তার যোগাযোগটা কোথায়?

স্যার আকবর হায়দারী একা আমাকে হায়দারাবাদের ডমৎকার বাগানে খানা খাইয়েছেন। তার সে কি কাণ্ড!—চৌত্রিশটা ফোয়ারা, আলোয় আলো, মধুর আলাপ, সবশেষ তাঁর সংগৃহীত ছবি। তিনি নিজের পেনে ওড়েন, ভোর বেলা মুষ্টিযুদ্ধ লড়েন—তাঁর মত বয়সে ছুটাই তাক্কর ব্যাপার। তিনি একজন মনের মত লোক। তাঁকে মোগল বাদসার উত্তরাধিকারী বলা যেতে পারে—কিন্তু তিনি ভারতের প্রতিনিধি?—হ্যা! একথা উচ্চারণ না করাই ভাল।

রাঘবেন্দ্র রাও আর ফিরোজ খাঁ কুন—তাঁরা হলেন কথাক্রমে অসামরিক দেশরক্ষা ও অর্থবিভাগের মন্ত্রী। উভয়েই কিছুকাল ইংলণ্ডে ছিলেন—সেটা একটা সুবিধাও বটে, অসুবিধাও বটে। রাঘবেন্দ্র রাওকে জানি—বিবেকনিষ্ঠ লোক কিন্তু কল্পনার খালাই নাই। দিল্লীতে রয়ে

নয়। কি মজার কথা! আমি যখন ভারতে ব্রডকাষ্টিংএর বড়কর্তা ছিলাম আমারও এ ধরনের অনেক মন্ত্রণা পরিষদ ছিল। আমাকে রাখবার তাদের কোন ক্ষমতাও ছিল না। বলতে কি তাদের পরামর্শ আগ্রাহ্যই করতাম বেশী। তা' হলে দাঁড়াচ্ছে এই—বড়লাটের নাকচের ক্ষমতা থাকলে রাষ্ট্রীয় পরিষদ হবে স্বেচ্ছাচারীর গোবেচারী মন্ত্রণা সভা।

আমি সমালোচকের দৃষ্টি নিয়ে কথাগুলি বলেছি, না বলে উপায় কি! আমি ভাবতেই পারি না গান্ধী যেখানে নেই নেহেরু যেখানে জেলে কি করে সেখানে গুটি কয়েক মন্ত্রণাদাতা ভারতের প্রতিনিধিস্থানীয় হতে পারে? তবে আর একটা দিকও দেখবার আছে। লিনলিথগো আর আমেরী মিলে যাহোক একটা কিছু করেছেন। তাদের এই অঙ্কুর যুগ্মরিত হবে কি? আমার সন্দেহ আছে প্রকৃত ভারত এদের গ্রহণ করবে কিনা। যদি ভারতের পরীক্ষার সময় আসে, আমার ভুল যেন ভাঙে। একটা কথা এখানে উল্লেখ করতে হয়। জয়াকরের মত লোক, যিনি এই সুবেমাত্র প্রিভিক্যাউন্সিল সভ্য পদ থেকে অবসর গ্রহণ করেছেন, তিনিও বোম্বাইতে লিবারেল কনফারেন্সে ২৭শে জুলাই তারিখে এক প্রস্তাব করেন যে যুদ্ধের অব্যবহিত পরেই ভারতের রাষ্ট্রীয় মর্যাদা উপনিবেশগুলির মত হবে এই মর্মে পরীক্ষার ঘোষণা করা হউক।

সর্বশেষ হলেও সব চাইতে বড় কথা হোল গান্ধীজী। তাঁর সম্পর্কে লিখতে আমার মনোহাচ হয়—এই সব বিক্ষোভের কত উর্ধ্বে তিনি! কীচিৎ ব্যক্তিদের মত তার সঙ্গে আলোচনা করেছি 'সত্যিই কি হিটলার আমাদের জয় করবে?' তাঁর কাছে এই প্রশ্নের একটিমাত্র জবাব পেয়েছি—অহিংসা, সে যত বছরেই হউক।

যুদ্ধ তাঁর কাছে কেয়—দাসত্ব মোচনে হিংসার পথ তাঁর পথ নয়। তবুও, নেহেরুর স্তায় তিনিও ইংরেজের নস্তু এবং কার্যেণ লোলুপতার পরম শত্রু। যদিও এই যুদ্ধে নীতির তাগিদে তিনি হুঁচক সবে আসছেন, আজ যদি ভারতের জীবন-সরণ সমস্যা হ'ত, আমার মনে হয় তিনি নির্দিষ্ট থাকতে পারতেন না। স্বাধীন তাঁর সঙ্গে মিলনের কথা যখন মনে পড়ে যখন বোম্বাই ও দিল্লীতে নেহেরুর সঙ্গে আলোচনার কথা জন্মি তখন মন্ত্রিপরিষদ লিনলিথগোর বিরাট আবেদন হয়ে আসে। এই দুটি স্থান পৃথক ভারতের রেল ইন্ডাস্ট্রির জঙ্গ রক্ত কি করতে পারতেন।*

*New Statesman and Nations, পত্রিকার Lionel Fieldenএর লেখা প্রবন্ধ থেকে অনুদিত।

Lionel Fielden কিছুকাল পূর্বে ভারতের ব্রডকাষ্টিংএর বড়কর্তা ছিলেন। শোনা যায় কতৃপক্ষের সহিত মতভেদ হওয়ায় তিনি পদত্যাগ করেন।

Fielden সাহেবের প্রবন্ধে নতুন কিছু না থাকলেও এটা লক্ষ্য করবার বিষয় যে বর্তমানে ভারতের জাতীয় আন্দোলনের সুরটি একজন ভূতপূর্ব ইংরেজ রাজকর্মচারীর গোবে পড়লোবে ধর্য পড়লোও আমাদের দেশে কোথাও কোথাও আত্মস্বাতন্ত্র্যের দাবী-আন্তর্জাতিক সমস্যার সম্মুখে অস্পষ্ট হয়ে গেছে। এটাই লক্ষ্য করবার বিষয়।

শক্তি

সুরেন্দ্রনাথ মৈত্র

বৃদ্ধের ও বৃদ্ধতর থাকে। আমার এক বয়োজ্যেষ্ঠ বন্ধুর কথা বলি। তিনি আজ ইহলোকে নাই। তিনি জাতিতে ছিলেন নমঃশূদ্র। কলিকাতা বিশ্ববিদ্যালয়ের পরীক্ষায় বিজ্ঞানে প্রথম স্থান অধিকার করে পরে হলেন উকীল। আইনের দ্বিজ্যে নবপন্থাদগমের পর উড়ে গিয়ে বসলেন খুলনার বার-লাইব্রেরির ডালে। সেখানে পদার্পণ করামাত্র যে সাদর সম্ভাষণ পেতেন সেটা লিপিবদ্ধ করি। যেই সেই ঘরে ঢোকা, অমনি সেখানকার একজন মুরুব্বী উকীলবাবু হাঁকলেন—‘ওরে কে আছিস, হাঁকোর জলগুলো ফেলে দে!’ বলা বাহুল্য, এই অনভিজাত আইনী-ভ্রাতার গৃহ-প্রবেশে হাঁকোর জল অশুদ্ধ হয়ে গেল। সুতরাং রঙ্গালয়ে ধূমপান হল অচল। আমার বন্ধু অল্প দিন পরেই মুন্সেফীতে বাহাল হয়ে এঁদের ধুমচর্চার পথ মুক্ত করে দিলেন।

আমরা স্বাধীনতা চাই, স্বরাজ চাই। কে না চায়? যে মুখে বলে না ভয়ে, সে মনে মনে বলে। কিন্তু কোনো জিনিষই ত শুধু চাইলেই পাওয়া যায় না—এক মুষ্টিভিক্ষা ছাড়া। অর্জন করতে হলে চেষ্টার প্রয়োজন, চেষ্টার মূলে আছে শক্তি, বাহুবলই হোক আর আত্মিক প্রভাবই হোক।

এ শক্তি আসবে কোথেকে? যে কামানের গোলায় পাহাড় উড়ে যায় তার কলকজা তৈরী হয়েছে অনেক টুকরো জুড়ে। জাতীয় শক্তির মূলে তার সমষ্টিগত একতায়, ছোট বড়কে পরস্পরের সঙ্গে খাপ খাইয়ে। জীবিত দেহে পঞ্জরকে সংঘবদ্ধ করে পেশী। আমাদের সমাজদেহ বহু শতাব্দী ধরে প’চে গ’লে পরিণত হয়েছে শতবিচ্ছিন্ন কঙ্কাল স্তুপে। মানুষ অসংখ্য শ্রেণী, সে আত্মায় অমর। আমাদের জীবন-মরণ কাঠি আমাদেরই হাতে। যদি প্রাণের সাদা আজ জেগে থাকে আমাদের নাড়ীতে, তবে সেটারে রক্ষা করতে হলে আমাদের বহিঃস্থ দৃষ্টিটাকে ক্রোড়ে হবে অন্তরের সিকে।

শক্তি সংগ্রহ করতে হলে আমাদের দৌর্বল্য কোথায় সেটা আগে দেখা দরকার। যারা নিজের হাতে খাল কেটে কুমীর এনেছে গাঁয়ে, তারা যদি কেবল খালের হুঁপারে দাঁড়িয়ে কুমীরকে গাল পাড়ে, তবে কুমীর শুধু এক একবার তার মাথাটা তোলে আর ল্যাজের বাড়িতে হুঁ একটা খোরাক সংগ্রহ করে। উদর পূর্তির পর দেখা দেয় পুনশ্চ। যাকে একটা শিকার ধরতে হলে তিন ফোশ সাতরাতে হত, সে ঘাটে ভেসে উঠেই মুখের গ্রাস পায়। এর একমাত্র প্রতিকার


খালের তট ত্যাগ করে দল বেঁধে মাটি কেটে খালে ফেলা। কুমীরের পো পিছু সাঁতার কেটে ধীরে ধীরে গাঙে ফিরবে।

আজ নয়, প্রায় দেড়শ বছর আগে এই বাংলার এক যুবক আমাদের জাতীয় দৌর্বল্যের মূল কোথায়, এই তথ্যটি তাঁর সহজ দৃষ্টিতেই আবিষ্কার করেছিলেন এবং বন্ধপরিষ্কার হয়েছিলেন শক্তির কেন্দ্রটিকে বাধামুক্ত করতে। এক টুকরো বরফ রক্ষা করতে হলে ভূঁষি চাই বই কি। কিন্তু বরফ কবে হয়েছে অক্ষুধান, ভূঁষির বাস্তুটা আঁকড়ে বসে থাকলে লাভ কি? পিপাসার সময় জলে একমুঠো ভূঁষি দিলে ত তৃষ্ণার জল শীতল হয় না, হয় অপেয়। একটা এঞ্জিন চালাতে হ'লে চাই আগুন। সে আগুনে নিখর জল হয় বাষ্পীভূত, কলগুলিকে করে সচল। মানুষের জীবনে তার শক্তির মূল অধ্যাত্মকেন্দ্রে। সেখানে যখন প্রবর্তক বাষ্প পৃঞ্জীভূত হয়, তখন জীবনের কলকব্জায় জাগে প্রেরণা। রামমোহন তাই হিন্দুকে দেখিয়েছিলেন কোথায় তার অন্তর্গূঢ় শক্তির উৎস। জগৎকে দেখিয়েছিলেন কোথায় সার্বভৌম মিলনের ক্ষেত্র। যে সর্ষে দিয়ে ভূত ছাড়াতে হবে সেই সর্ষেতে যখন ভূত চাপে, তখন কোনো ওঝার সাধি নেই ভূত ছাড়ানো। ভূতগ্রাস্ত বাঙালী দেড়শ বছর ধরে সর্ষেটাকেই ভূতুড়ে ক'রে তুলেছে।

রামমোহন যে একটা নিতান্ত মেকি ধাঙ্গাবাজ অসচ্চরিত্র লোক ছিলেন এটা প্রমাণ করবার জন্তে সত্যনিষ্ঠ গবেষকের অভাব হয়নি আমাদের এই দেশে। এর জন্তে দুঃখিত হবার কোনো কারণ নেই। আমাদের জাতীয় চর্গক্তি কোন্ চরম দশায় পৌঁছেছে তার একটা সুস্পষ্ট লক্ষণ দেখতে পাওয়া চিকিৎসার পক্ষে অস্বকূল।

হিন্দু মুসলমানের অহিনাকুল্যের যে সমস্যা আজ দেশকে অতিষ্ঠ ক'রে তুলেছে, তার মূলে অনুসন্ধান করতে গেলে কি দেখি? পরের খুঁৎ ধরতে গেলে নিজের দোষ শোধ্রায় না। অত্র মুসলমান সম্প্রদায়ের আলোচনা নিষ্প্রয়োজন। সেটা তাঁরা নিজেরাই করুন। বাংলার মুসলমানেরা সকলেই ইরান তুরানের বংশধর নয়। তাঁরা এলেন—তাঁদের জাতিবর্ণহীন, আচারবাহুল্য বর্জিত, একতায় বলিষ্ঠ উদার ইস্লাম ধর্মে দীক্ষা দিল কে? হিন্দু পৌরহিত্যের সঙ্কীর্ণতা ও ভেদবুদ্ধির খণ্ডতা নির্ঘাতিতকে মুক্তি দিয়েছে গণ-নারায়নী ধর্মমণ্ডলীর আশ্রয়ে। প্রপ্টি জটিল, রাজনৈতিক, অর্থনৈতিক নানা কারণকূট নিহিত রয়েছে এই বিষয় সমস্যার ভিতর। তবু একথা সত্য, মানুষের সন্ধে মানুষের একটা স্বাভাবিক মৈত্রীবন্ধনের সম্ভাব্যতা সর্বদেশে সর্বকালে উন্মুখ। হিংসা, বিদ্বেষ যেমন সত্য, তার চেয়েও আমাদের সত্য প্রেম।

জড় পরমাণুদের মধ্যেও এই আকর্ষণ বিকর্ষণের নিত্যলীলা। তবু আকর্ষণটা প্রবলতর হয়েছে ব'লেই পৃথিবী আজ বাষ্পপিণ্ড নয়। আমরা হিন্দু মুসলমানরা এই মাটির সন্তান। আমাদের মধ্যে এই সার্বজনীন সহজপ্রীতি উদ্ভুদ্ধ হোক, সকল দ্বন্দ্ব সমস্যার সমাধান কর্মকর্ত্ব বাচ্যেই উপলব্ধ হবে স্বয়ংসিদ্ধ প্রেমসম্বন্ধের গুণে।



দিক সামলাতে না পেরে কেবলই মন্ত্রিসভা ভাঙছে। অষ্ট্রেলিয়ায় শ্রমিক গভর্নমেন্ট হয়েছে। বৃটিশ ও মার্কিন গভর্নমেন্ট রুশিয়াকে সাহায্য করার প্রতিশ্রুতি জানিয়েছেন আজ প্রায় চারমাস; মস্কো থেকে রুশ-গভর্নমেন্ট স্থানান্তরিত হয়েছে বলে শোনা যাচ্ছে।

বর্তমানে ভারতের পরিস্থিতি হচ্ছে : আগে-নলিনী সরকার প্রমুখ একদল বড়লাটের ডিকেন্স কাউন্সিলের সদস্য হয়েছেন; মুসলিম লীগের গণ্ডীর মধ্যে হক-জিন্নার মনকষাকষি চলেছে। কংগ্রেস নেতৃবৃন্দের অনেকেই অসুস্থতার কারণ ও মেয়াদের সমাপ্তিতে মুক্তি পেয়েছেন। গান্ধীজী নিয়মিত চরকা কাটছেন। ভারতের সম্পর্কে মিঃ আমেরি ইংরেজ শাসনের একটানা রেকর্ড বাজিয়ে যাচ্ছেন। দিন্কে দিন জিন্নাজী জিন্দাবাদ হচ্ছেন।

এর মধ্যে আরও একটা কাণ্ড হয়েছে রুজভেন্ট ও চার্চিল আটলান্টিকে একটা ফতোয়া দিয়েছেন; তার ব্যাখ্যায় ভারতবর্ষকে জানিয়ে দেওয়া হয়েছে যে বিশ্বসংগ্রামটা হচ্ছে ইউরোপীয় সভ্যতা ও গণতন্ত্রের জন্ম—কালো আদমি ফারাক যাও।

সেই সভ্যতা ও গণতন্ত্র রক্ষার সংগ্রামে নাৎসী-জার্মানী পোল্যান্ড, নরওয়ে, ডেনমার্ক, বেলজিয়াম, ফ্রান্স পদানত করেছে, বৃটেনে বিস্তর বোমা ফেলেছে, বন্ধনকে ঠাণ্ডা করেছে, তারপর— ইতালী, রুমানিয়া, হাঙ্গারী, ফিনল্যান্ড এবং স্পেন, বেলজিয়াম, ফ্রান্স সহযোগে ও অশ্রান্ত জাতির নিষ্ক্রিয় সহযোগিতায় এবং কারও কারও নিষ্ক্রিয় অসহযোগিতার ভরসায় জার্মানী একক রুশিয়ার উপর ঝাঁপিয়ে পড়েছে। ভারতে যুদ্ধ বিরোধীর ক্ষীণ ধ্বনি তুলে দুই একজন নির্বাচিত সত্যাগ্রহী জেলে যাচ্ছে; কংগ্রেসী মন্ত্রীরা মন্ত্রীমণ্ডলী ছেড়ে জেলে গেছেন। কিন্তু যেখানে কংগ্রেসের অপ্রাধিকার সেখানে কিছুদিন ব্যতিক্রম করা হ'ল, অবশ্য নিকরপায় হ'য়ে যখন কোয়ালিশন টিকল না, তখন সত্যাগ্রহের অমুমতি এসেছে।

তখনও মিঃ আমেরি প্রাচীন রেকর্ডখানা বাজিয়েছেন।

যুদ্ধের শুরুতে অথবা যুদ্ধ ঘোষণার পর কংগ্রেসকে কেন জিগ্গেস ক'রে যুদ্ধ ঘোষণা হয়নি এবং পরামর্শের জন্ম তাদের কেন ডাকা হয় না এই অজুহাতে 'ভারতরক্ষা আইনের' বাহু ভেদ ক'রে কংগ্রেস নেতারা মন্ত্রিত্ব ত্যাগ করলেন ও জেলে গেলেন। কিন্তু কৃপালনীর ও রাজেন্দ্র প্রসাদ কংগ্রেসের দপ্তর আগলে বাইরে থাকলেন ও যথাযথ বিবৃতি দিতে লাগলেন।

যুদ্ধের শুরুতে আর আজকের পরিস্থিতিতে এইমাত্র তফাৎ যে, আজকে ডিকেন্স কাউন্সিল গঠিত হয়েছে। মুসলিম লীগ সদস্যরা কেউ কেউ কাউন্সিলে যোগ না দিয়ে জিন্নাজী ও মুসলিম লীগের মর্খাদা বাড়িয়েছেন।

মাঝে আর একটা ব্যাপার ঘটেছিল। স্থার তেজ-বাহাদুরের নেতৃত্বে একটা সর্বদল সম্মেলন বসেছিল। জিন্নাজী অভিযোগ করেন, ওটা কংগ্রেসের প্রেরণায় ও ইচ্ছামুসারে হয়েছে; উদারনীতিকদের বক্তব্য আনলে কংগ্রেসেরই বক্তব্য।

তর্ক উঠতে পারে আইন সভার 'সহযোগিতার' কৌশলটা গান্ধীজী তো প্রথমে বরদাস্ত করেন নি, দাশ সাহেবের সঙ্গে সেজন্য তার বেশ সংঘর্ষই হ'য়ে গেছে ; রাজাজী প্রমুখ আজকের Pro-changer রা তখন ছিলেন No-changer.

তার জবাব এই হবে যে গান্ধীবাদেরও একটি পৃষ্টির ইতিহাস আছে এবং গান্ধীবাদ আইনামুগ বলেই তার মধ্যে দাশ সাহেবের আইন সভা অধিকারের কথা উঠেছে এবং যে আইন গান্ধীবাদের ভিত্তি সেই আইন প্রণয়নের ক্ষমতা আইন সভার। আইন সভার, আইন প্রণয়নের প্রকৃত ক্ষমতা থাকলে সে আইন প্রণয়নে হাত বাড়ানো যাবে ; যদি না থাকে, তবে তাঁও দেশবাসীর সম্মুখে নগ্ন করে দেখানো যাবে। সাধারণের স্বায়ত্তশাসন সম্বন্ধে মোহ কুটিয়ে দেয়া যাবে। তারপর ?—তারপর, দাশ সাহেব জবাব দেন নি।

দাশ সাহেব আইনামুগ গান্ধী আন্দোলনের স্ফূর্তি পরিণতি। গণ-আন্দোলন যেখানে অহিংস হতে চায় এবং গভর্নমেন্টের বদলে আন্দোলনের নেতারা যখন তার কণ্ঠ টিপে ধরেন, সেখানকার গণ্ডী ঠিক রাখতে হ'লে অর্থাৎ, আইনের কাঠামোটা বজায় রেখে দেশবাসীর মনে বিদেশী শাসনের বিরুদ্ধে বিদ্বেষ চাগিয়ে তুলতে আইনের লড়াইই একমাত্র পথ। গান্ধীজী নিজে তাঁর আন্দোলনের এদিকটা সম্বন্ধে অচেতন ছিলেন ; দাশ সাহেব চক্ষুদান করলেন।

কিন্তু গান্ধীজী জানেন, আইন প্রণয়নক্ষেত্রে পরাধীন ভারতবাসীর মোহ কাটতে বেশী দেরী হবে না। আইন সভার গঠনতন্ত্র জানা আছে, বড়লাটের সার্টিফিকেট আছে।

আর একটা কথা ব্র্যাকেটে বলতে চাই। দাশ সাহেবের সময় মিঃ আমেরির কীলকটা বার্কেনহেড অত সহজে ভারতের রাজনীতিতে তখনও প্রবেশ করাতে পারেনি ; মিঃ জিন্স বা আম্বেরদকর তখন ভাল করে কথা বলতে শেখেন নি। তাই আইন সভার নগ্নরূপটা বেশ প্রকট হ'য়ে উঠল। কিন্তু তারপর ?

স্পর্ধিত জনগণ কল কোলাহলে এ প্রশ্ন করল।

গান্ধীজী আবার আইন অমান্যের জম্বুকি ছাড়লেন। সেই আইনামুগ আইন অমান্য। জানিয়ে শুনিয়ে প্রকাশ্যে গান্ধী নির্দিষ্ট আইন অমান্য করতে হবে, পুলিশ ধরলে ধরা দিতে হবে, বিচারক দণ্ড দিলে মেনে নিতে হবে, দণ্ড হ'লে জেলে যেতে হবে ; জেলের আইন কানুন মেনে চলতে হবে। গান্ধীজী যে আইনটি অমান্য করতে নিষেধ করবেন সেটি মেনে চলতে হবে, যেমন, চৌকিদারী ট্যাক্স ও অস্ত্র আইন। অপরদিকে জমিদারী স্বত্ব আর কারখানা মালিকের মালিকানা সম্বন্ধিত প্রশ্ন তোলা চলবে না।

কিন্তু গান্ধীজী এবার নিজেই সহযোগিতার হাত বাড়ালেন, সফ্র-জয়াকর প্রসাদাৎ নূতন শাসনতন্ত্র (মানে, আইন) রচনার জন্ত বিলেত যাওয়া স্থির হয়ে গেল। বিলাতী কূটনীতিকেরা



- (১) অসহযোগ—জেল—আইন সভা—
(১৯২১) (১৯২৩)
(দাল সাহেবের সৌজন্তে)
- (২) আইন অমান্য—(অসহযোগ)—জেল—রাউণ্ড টেবিল
(১৯৩০) (১৯৩১)
(গান্ধীজীর সৌজন্তে)
- (৩) আইন অমান্য (২)—জেল—হরিজন (১৯৩৩)
(১৯৩২) (গান্ধীজীর সৌজন্তে)
নির্বাচন, মন্ত্রিহ (১৯৩৭)
- (৪) মন্ত্রিহত্যাগ
ব্যক্তিগত সত্যগ্রহ } —জেল—সত্যমূর্তি
(১৯৩৯)
- = ভিলাস সার্কেল—অসহযোগ—জেল—আইন সভা
= অসহযোগ—সহযোগ—অসহযোগ—সহযোগ.....

শোনা যাচ্ছে, সত্যমূর্তি ব্যর্থ হবেন। আসফ আলির দোড়ো-দোড়ি, রাজাজীর ওয়ার্কা গমন, জয়াকরের বিবৃতি, সেকেন্দারের ইউনাইটেড ফ্রন্ট, আল্লা বক্কের মহান্ চেষ্টা ব্যর্থ হবে; কেঁননা সত্যমূর্তি রিক্রুট পাচ্ছেন না। কিন্তু সত্যমূর্তি যদি ব্যর্থ হন, গান্ধী আন্দোলন গান্ধীবাদই ব্যর্থ হবে। সত্যমূর্তি গান্ধী কংগ্রেসের অমর প্রতিমূর্তি।

—“এক কথায় ভারত ও বৃটেনের মধ্যে বিবাদের সূত্রটা কি? সেটা হোল—আমরা যেমন স্বাধীনতা চাই, ভারতবর্ষও ঠিক সেই রকম স্বাধীনতা চায়; চার্চিল যে স্বাধীনতা চায়—আত্মনিয়ন্ত্রনের স্বাধীনতা, আপন রুচি অনুযায়ী জীবনযাত্রার স্বাধীনতা—যে জীবনযাত্রার রীতিনীতি ব্রিটিশ পদ্ধতির সম্পূর্ণ বিরোধী—সুহৃদ, মিত্র ও শত্রু বেছে নেবার স্বাধীনতা। আমরা যাদের জেলে পুরছি তারা পশ্চিম বাহিনীও নয় কিম্বা আমাদের শত্রুও নয়—তাদের দাবী হোল আমাদের বর্ণিত যুদ্ধের উদ্দেশ্যের মধ্যে ভারতের স্বাধীনতাও স্থানলাভ করুক।”

—সাওনেল কিম্বেন
'নিউস্ট্রেটসম্যান এণ্ড নেশন'




তার ব্যবস্থা করা আবশ্যিক। তা ছাড়া বাংলা ভাষার প্রথম পাঠগুলি যাতে সহজ, মনোজ্ঞ ও বিশেষ করে লক্ষিত-রূপ-তার দিকে দৃষ্টি রাখাও কর্তব্য। শিশুদের পরিচয় ধাঁদের কাছে অজ্ঞাত নয়, প্রথম পাঠ সংকলিত করার কারণ তাদের ব'লে দিতে হবে না। আর আমাদের মতে প্রত্যেক প্রথম পাঠ প্রণেতারই শিশুমন-অনুশীলন-অভিজ্ঞ না হওয়াটা অমার্জনীয় অপরাধ।

প্রচলিত প্রথম পাঠগুলি বিশ্লেষণ করে যে বিপুল এবং চুরুর শব্দসম্ভার এই অচিরোদগতদস্ত নিরপরাধ শিশুকুলের জন্মে নির্বাচিত পাঠ্যরূপে পাওয়া গেছে—তা একত্র দেখলে চমকে উঠতে হয়। অপগত, লালসা, অনৈতিহাসিক, বিশূচিকা প্রভৃতি শব্দ কেবলমাত্র যুক্তাক্ষর বর্জিত বলেই নির্বিচারে নির্বাচিত হ'য়েছে। এই সব কঠিন শব্দের পৌনঃপৌনিক ব্যবহার থেকে এইটুকু বেশ বোঝা যায় যে বাংলা প্রথম পাঠ প্রণয়নের সময় শিশুদের পরিপাক শক্তি সম্বন্ধে আমরা শুধু উদাসীন নই—নির্মম। এমনতর অভ্যর্থনা দেউড়ীর দরজাতেই পেলে যে, শিশুদের বিদ্যালয়ের আগ্রহের “পিলে-চমকে” যাবে তার আর বিচিত্র কি!

অধিকাংশ প্রথমপাঠ প্রণেতার উক্তরূপ অপচেষ্টা সত্ত্বেও যে বাঙালী শিশুর জ্ঞানার্জন স্পৃহাকে একেবারে গলা টিপে মারতে পারেনি তার কারণ শিশুদের টিকে থাকবার ক্ষমতা অনন্যসাধারণ। জ্ঞানার গৌরবও তার অপরিমেয় আনন্দ, মানবশিশুর জীবনী শক্তিরই সমপর্যায়ের। কিন্তু তৎসত্ত্বেও কল যে শোচনীয় হ'য়েছে তাও নিঃসন্দেহ।

বাংলার শিশুসম্প্রদায় সম্বন্ধে প্রাচীন ও নবীন এই দুই বিভিন্ন যুগে যেমন প্রহার ও প্রশ্রয়ের ব্যবস্থা নির্বিচারে করা হ'য়েছে প্রথমপাঠ প্রণেতারও ঐ দুই বিভিন্ন যুগে সে ব্যবস্থা যে অক্ষুণ্ন রেখেছেন তার প্রমাণ হাতেই রয়েছে। আর এই দুই ব্যবস্থাই একই মনোভাব প্রসূত; অর্থাৎ শিশুচর্চায় আমাদের মনোযোগ ও চিন্তার ক্রেশস্বীকার করবার আলস্য। এইজন্মে প্রথমপাঠ প্রণয়নে আমরা নির্বিচারে হয় একদিকে দুর্লভ্য শব্দপুঞ্জ কণ্টকিত করে শিশুদের চলার পথ চুরুর করে তুলি; আর না-হয়ত বিদেশের অর্থনৈতিক ও সামাজিক পরিবেশের আনুকূল্যে যে পাঠ্যপ্রণয়ন-পদ্ধতি গ'ড়ে উঠেছে তার স্বরূপ পরিপ্যাক করতে না পেরে তারই অন্ধ অনুকরণে লেগে যাই। আর মাত্রাজ্ঞানশূন্য হ'য়ে ছবি আর ছড়ার জগাখিচুড়ীর অতি-পরিবেষণে শিশুকুলকে উদ্ভ্রান্ত করে দিয়ে নিজেদের এই শিশুমার-রচনায় নিজেরা এত মুগ্ধ হ'য়ে থাকি যে এর হাস্তকর রূপটা আমাদের চোখে পড়ে না—যেমন পড়ে না, পাশ্চাত্য-সুরাকেন-বিলাসী সিনেমা-শিক্ষিত অতিআধুনিকতাগ্রস্ত যুরকদের, নিজেদের অভিনয়ের হাস্তকর রূপটা তাদের নিজেদের চোখে।

ঐ রকম ছবি ও ছড়ায় প্রাবৃত প্রথমপাঠ আগাগোড়া কণ্টকিত করে একটা অক্ষরও চিনতে পারে না এমন শিশু আমরা অনেক পেয়েছি। একটা কথা মনে রাখলে সব গোল মিটে যেতো; সেটা এই যে, শিশুরাও মানুষ, আর আমাদের চেয়েও অনেক তাজা মানুষ। তাদের



শিশুর পরিচয় পাকা হইয়ে যায় না—পরন্তু নানা স্থানে নানাভাবে পরে পরে তার পরিচয় পেতে পেতে তার সঙ্গে পরিচয় ক্রমে পাকা হয়। তেমনি ঐ “গ” অক্ষরটি পরপর আরো নানা পাঠের মধ্যে পেতে পেতে “গ” এর পরিচয় পাকা হইয়ে উঠবে। তা’রই “গ” অক্ষরটি শেখাবার মুহূর্ত থেকে তার গলা টিপে গিলিয়ে দেবার চেষ্টা গণ্ডমূৰ্খতা না হ’লেও অপোগণ্ড-মূৰ্খতা তাতে আর সন্দেহ নেই। অতএব একদিকে যেমন খুব অল্প পরিসরের মধ্যে প্রথমপাঠকে সংহত করা দরকার তেমনি সেই সঙ্গে সঙ্গে ক্রমপাঠ্য পদগুলির মধ্যে স্বল্প-পরিচিত অক্ষরগুলি যাতে বারবার যথেষ্ট পরিমাণে আপন আপন পরিচয় দান করতে পারে সেই দিকে লক্ষ্য রেখে পরম্পরায় পাঠ্যপদগুলি রচনা করতে হবে।

তৃতীয়ত, প্রথমপাঠকে সহজ ও সংক্ষিপ্ত করার আর একটি উপায় আছে। জটিল (যথা ক্ষ, ঝ) অনাবশ্যক (যথা ঞ, ঞ্, ঢ) এবং সম-উচ্চারণের (যথা ই, ঈ ; উ, উ ; শ, ষ, স ; ণ, ন) এক একটি অক্ষর ছাড়া অন্য অক্ষরগুলিকে প্রথমপাঠে আনার দরকার নেই। তা’ছাড়া এমন অনেক অক্ষর আছে যে গুলোর ব্যবহার শিশুদের জানা শব্দের মধ্যে নেই (যথা—ঔ, ঋ, ঌ, ৐ ইত্যাদি) আর অপরিচিত শব্দের অক্ষর তাদের মনযোগ ও কৌতুহল আকর্ষণ করে না। এই সময়টা মস্তিষ্ক, চোখ, কান, হাতের সঙ্গে বই ও অক্ষরের সহযোগবিধানের (Co-ordination) কাল। এই অভ্যাসটুকু হ’লে গেলোই নূতন নূতন অক্ষর ক্রমে আয়ত্ত করা শিশুর পক্ষে আর কঠিন হয় না। আর কো-অর্ডিনেশনের এই কালটুকুতে শিশুর পাঠচর্চা যত সহজ ক’রে দেওয়া যায় ততই “পারার” বা সফলতার আনন্দে সে যে মগোরবে এগিয়ে চলতে চাইবে এ তা’ জানা কথা।

এই গেল পড়ার কথা। কিন্তু পড়া আর লেখা এক সঙ্গে শুরু করলেই ফল শেষ পর্যন্ত সব চেয়ে বেশী পাওয়া যায়। কারণ অক্ষরের প্রতিক্রম লেখার চেষ্টাতেই স্মৃতিশক্তিকে সাহায্য করে বেশী ; তা’ ছাড়া ওটা শিশুর সৃজন করবার বৃত্তিকে চরিতার্থ করবার আদি পর্যায়। আর সেই জন্যে শিশুদের পক্ষে স্বাভাবিক প্রবণতা অনুসারে যে যে অক্ষর পর পর শেখা সহজ সেইগুলি পর পর প্রথম পাঠে আসা উচিত। অল্প একটু আলোচনা করলেই এ কথা সহজে বোঝা যাবে।

মানুষের হাত ও পেশীর বিশেষ অবস্থানের জন্যে মানুষের হাতের রেখাঙ্কন প্রবণতা তথা সহজগতি-প্রবণতা হ’চ্ছে বাঁহঁরে থেকে কোলের দিকে, ডাইনে থেকে বাঁয়ে, সরলরেখার চেয়ে বৃত্তাংশ অঙ্কনে। এই জন্যে উর্দু বা ইংরাজি হরফ মানুষের পক্ষে আয়ত্ত করা সহজ। ইংরাজি হাতের লেখার অক্ষর বৃত্তপরায়ণ ও দ্রুতগামী ; কিন্তু আমাদের বাংলা অক্ষরগুলি লেখার সময় দিকবিদিকে খয়কে খয়কে কসরৎ করে করে চলতে হয়। সুতরাং তার পড়ার চেয়ে স্থিতিশীল বেশী এবং অক্ষরের টানগুলি বহুকোণসম্পন্ন সুতর্যং সহজে গড়িয়ে চলে না। এ ছাড়াও বাংলার আক্ষরিকতকগুলি অক্ষর ঔ-বহুভু ও ডু-বহুধু-এর অটোজটিল নৃত্যবিশেষ—যুক্তাক্ষরের ত তুলনাই নেই—এক বোধ হয় স্ত্রীনে অক্ষর ছাড়া। এমন অবস্থায় আমাদের শিশুকালে লেখার প্রথমদিনেই যখন

শক্তিবহীন সত্য ও ন্যায় প্রেমের অকুপণতা।
তথাপি আস্থা এখনো রয়েছে ভবে
ধর্মের জয় হবে।

বাস্তব চেয়ে স্বপ্ন কি বলশালী ?
নিভে যতবার কেন ততবার আশার প্রদীপ জ্বলি
প্রাণের নিভৃত কোণে ?
মানবাত্মা কি শোনে
তোমার অভয়বাণী ?
সে মাত্বে রবে শোকতাপ ভুলে যায়
ভবিষ্যপানে চায়।

অনপন্যে সে আশারমন্ত্র হৃৎকম্পনে বাজে,
যতদিন ভবে জীবাত্মা রবে সে সুর থামিবে না যে !
হৃদয়ে হৃদয়ে যে আগুন জ্বলে
একদিন তার সমবেত ফলে
উঠিবে জ্বলিয়া কল্লাস্তুর চিতা ।
পুড়ে ছারখার হবে ছুরাচার, নব-জীবনের গীতা
হবে বিরচিত প্রাচীপ্রতীচির মিত্রাকর শ্লোকে
নবীন সবিতা দিবে দেখা এই রক্তখোঁত লোকে।



নাস

সঙ্গর তটচার্য

ভালোবাসার আমাদেরো ছিল অধিকার
ছিল মনে মনে ছোট একখানা নীড়
সময় যেখানে মেলেনা ঘুমের আঁধি আর
এখন এখানে জাগর মুখর ভীড়।

কবে থেকে কতো রাজপুত্রের অভিযান
সুরু হয়ে গেছে তেপান্তরের পর—
আমরাও সেই কাহিনী শুনেছি পেতে কান,
আজ দেখি ধু ধু করে শুধু বালুচর।

ফুলের মতন ঝরে কতো মৃৎ অনুভব
রোমাঞ্চময় মুহূর্ত মরে যায়,
পাখীর কতো না কাকলীর মতো কলরব
স্বপ্নের দূর ধ্বনি হয়ে সরে যায়।

সাদা বলাকার সাদায় উষর নীলাকাশ
নেই তার পথে এক ফোঁটা নীল জ্বল,
বলাকার দেহে এখনো জলের প্রতিভাস,
মন হুঁয়ে আছে জলহীন মরু-তল!

কতো জীবনের ব্যথার রাত্রি কতো দান
নিয়ে আসে আর ভরে ওঠে কতো বুক,
আমাদের ক্ষুধা সে-ব্যথারে করে অপমান,
আমাদের বুক অটল নিরুৎসুক।

যারা ভালোবাসে, যাদের আকাশে ওঠে চাঁদ,
আমাদের পরাজয়ে নিল যারা জয়—
আমাদের এই মৃত্যুর হীন অপরাধ
তাদেরো কর্ত্তে এমনি মৃত্যু-ময়।

সংস্কার

আশাপূর্ণা দেবী

দীর্ঘকাল পরে সত্যসুন্দর দেশে ফিরিলেন—পুত্রের বিবাহসংবাদে নয়—মৃত্যু সংবাদে। জীবনমৃত্যুর দ্বন্দ্ব মানুষ আজও বিধাতার কাছে মাথা হেঁট করিয়া আছে সত্য, তবু সেই পরম পরাজয়ের গ্লানি ঢাকিতে অভিযানের আর অস্ত্র নাই তাহার। ছরস্তু আবেগের সময়—“পাখী হইয়া উড়িয়া যাইবার” তীব্র ইচ্ছাকে আর নিরুপায় ক্ষোভে নিঃশ্বাস ফেলিয়া ক্ষান্ত থাকিতে হয় না। ওড়াও সম্ভব হইয়াছে।

অতর্কিত দুঃসংবাদে দিশাহারা সত্যসুন্দর উড়িয়া আসিলেন।

স্বামীর আগমনসংবাদ ইন্দুমতীকে জানানো হয় নাই, অপ্রয়োজন বোধে নয়, সাহসের অভাবে। সরকার মহাশয় নিজস্ব বিবেচনায়, কর্তাকে আনিতে দমদমায় গাড়ী পাঠাইবার ব্যবস্থা করিয়া, সাহসে বুক বাঁধিয়া ইন্দুমতীর ঘরের দুয়ারে আসিয়া দাঁড়াইলেন।

ইন্দুমতী কিন্তু সকলের আশঙ্কামত এই নূতন আলোড়নে ধৈর্য হারাইলেন না। অনবরত কাঁদিয়া কাঁদিয়া ক্রমশঃ যেন নিথর হইয়া যাইতেছেন তিনি। মাথার কাপড়টা ঈষৎ টানিয়া দিয়া মুহূর্তে কহিলেন—গাড়ী রাখবেন সময়ে, দেখবেন যেন কিছু অসুবিধে না হয়।

কৃতার্থমণ্ড শ্রীকান্ত সরকার দুইহাত জোড় করিয়া সবিনয়ে জানাইলেন—আজ্ঞে গাড়ী রওনা হয়ে গেছে দমদমায়। উড়োজাহাজে আসছেন কি না।

— উড়োজাহাজে? তাই বটে, চারদিনের পথ একদিনে পাড়ি দিবার প্রয়োজন থাকিলে উড়িয়া আসা ছাড়া উপায় কি? কিন্তু প্রয়োজন কি সত্যি আছে? পরাজিতা ইন্দুমতীর হৃৎ-গৌরব মূর্তিখানা দুইদিন পরে দেখিলেই বা ক্ষতি ছিল কি? লাঞ্ছনা? তিরস্কার? তাহার জন্ম তো সারাজীবনই পড়িয়া থাকিল।

সহসা ইন্দুমতীর মনে হয় এত তাড়াতাড়ি চিন্ময়ের মৃত্যু ঘটবার কথা কি ছিল? সত্যসুন্দরের প্রচ্ছন্ন কামনাই ইহার জন্ম দায়ী নয় তো? অবাধ্য পত্নীর দর্পচূর্ণ করিবার গোপন কামনা? মাথাটা ঝিমঝিম করিয়া আসে।

সরকার যাইতে উদ্যত হইতেই পিছন হইতে ডাকিয়া বলেন—শুনুন ছোট গাড়ীখানাও বার করতে বলুন, হালদার পাড়ায় যাবো আমি।

হালদার পাড়া ইন্দুমতীর বহুদিনবিশ্রুত পিত্রালয়।

শ্রীকান্ত সরকার দুইচোখ প্রায় গোল করিয়া বিস্মিত কণ্ঠে কহিলেন—আপনি? আপনি যাবেন? আজ?

—আজ নয়—এখনই!

—তাইতো—মাথা চুলকাইতে চুলকাইতে কথার শেষ করেন সরকার,—যা আজ্ঞে করেন, তবে আজকের দিনটে বাদ দিলে হ'ত না? কর্তা মশাই আসছেন।



—আসছেন—ভালো কথা। আপনারা তো কোথাও যাচ্ছেন না। আমাকে আজই যেতে হবে।

ইহার উপর আর যাহারই হোক শ্রীকান্ত সরকারের কথা চলেন। অল্পক্ষণ দাঁড়াইয়া, আচ্ছা, বলিয়া প্রস্থান করেন।

ভালো বিপদ হইয়াছে সরকারের! বড় লোকের বাড়ী কাজ করা নয় বাবা! এই তো কয়দিনেরই বা কথা মাস তিনেক বুঝি, রুগ্নছেলেটার রোগ লুকাইয়া কর্তার অগতে বিবাহ দিলেন গিন্নি, কী সমারোহ, কী কাণ্ড কারখানা! 'হেঁপা' সামলাইতে সেই বেচারা শ্রীকান্ত সরকার। কর্তা তো আসা চুলোয় যাক একখানা চিঠি ও দিলেন না, গিন্নি নানারকম হুকুম করিয়া খালাস, মরিবার জন্ম গরীব আছে।

ব্যস্ উৎসবের জের মিটিতে না মিটিতে হতভাগা ছেলেটা কিনা মারা পড়িল! শিবের অসাধ্য রোগ, বাঁচিবার কথা নয়, তবু ছিল তো টিকিয়া। 'তাওতের' জোরে চেহারা দেখিয়া বুঝিবার উপায় ছিল না ভিতরে এই রাজরোগ লুকানো আছে। মরিবার জন্ম এত কি ব্যস্ততা পড়িয়াছিল?

শ্রীকান্তরই কি কম লাগিয়াছে? এতটুকু ছেলে, ট্রাইসিক্ল চড়িয়া ছুটাছুটি করিত তখনকার আমলের লোক সে। দূর হোক ছাই চাকর বাকরের আবার মন। কিন্তু ধন্য বলিতে হয় বড় মানুষদের—এক সন্তান হারাইয়াও তেজ্জটী বজায় আছে, এখনো মানঅভিমানের পালা চোকে নাই! শোকাতাপা মানুষটা 'হস্ত দস্ত' হইয়া ছুটিয়া আসিতেছে—কোথায় তাহার দেখাশোনা কর—তা' নয় মান করিয়া চলিলেন বাপের বাড়ী। ভগবান তুমিই দেখ।

ভগবানের অবশ্য শ্রীকান্তর মত বাজে লোকের আবেদনে কর্ণপাত করিবার ফুরসৎ থাকেনা, তিনি দেখিলেন না—কাজেই কর্তা বাড়ী ঢুকিবার ঘণ্টাখানেক আগে গিন্নি বাড়ী ছাড়িলেন।

সত্যসুন্দরের যে তাহাতে বিশেষ ক্ষতিবৃদ্ধি হইল তাহা নয়। চরম ক্ষতিই তো ঘটয়া গিয়াছে বরং যে প্রচণ্ড ঝড়ের মুখোমুখি দাঁড়াইবার জন্ম নিজেকে প্রস্তুত করিয়া আনিতেন তাহার ব্যতিক্রমে একটু সুস্থই বোধ করিলেন।

বাড়ীখানা একটু বেশী গম্ভীর, একটু বোঁ নিখর, কেমন যেন অস্বাভাবিক থমথমে—এই মাত্র। চাকর বাকর, আত্মীয় অনাত্মীয় আশ্রিত অনুগতের অভাব নাই, সহাস্য না হোক অভ্যর্থনা ও জুটিল। ত্রুটি কিছুই নাই। বরাবরের মতই চাহিবার পূর্বেই আবশ্যকীয় বস্তু হাতের কাছে আসিয়া হাজির হইল! স্নানের পর যে সত্যসুন্দরের এক গ্রাস মিশ্রীর সবতের অভ্যাস আছে, সেই তুচ্ছ কথাটীও কেহ বিস্মৃত হয় নাই। অথচ কী না কাণ্ড ঘটিয়া গিয়াছে।

আশ্চর্য, নিজেও তো তিনি ঠিকই রহিয়াছেন। সবতের গ্রাস নামাইয়া লবঙ্গ ছুইটা মুখে ফেলিবার অভ্যাস ও তো ভুলিয়া যান নাই কই?



অভ্যাস! সকলের বড় শাসন কর্তা। পৃথিবীর চেহারার পরিবর্তন ঘটিতে পারে, সূর্যের রং বদলাইয়া যাওয়া বিচিত্র নয়, অভ্যাস আপনার খাজনা আদায় করিয়া লইবেই।

তাই চির অভ্যাস মত জলযোগান্তে আপনার নির্দিষ্ট আসন খানি টানিয়া সকালের খবরের কাগজ খানা খুলিয়া বসেন। পড়িয়া অর্থবোধ হয় না—তবু কাগজ খানার প্রয়োজন আজ বড় বেশী, আপনাকে আড়াল করিতে। আসিয়া পর্যন্ত ইন্দুমতীর সঙ্গে দেখা হয় নাই। অনুপস্থিতির কথাটা বলিবার সাহস কাহারো হয় নাই...তাই প্রতি মুহূর্তে ইন্দুমতীর পদশব্দের আশঙ্কা করিতে থাকেন সত্যসুন্দর। •

গতবার আশিয়া ছুটির কয়দিন শুধু বচসা করিয়াই কাটিয়াছে। রোগগ্রস্ত সন্তানের 'জীবনের সাধ' পূর্ণ করিতে, স্নেহাঙ্ক মাতার বিচারবিবেকহীন ইচ্ছার সহিত বিবেকসম্পন্ন বিচক্ষণ পিতার মতবিরোধ।

ছুটি ফুরাইল—যুক্তি তর্কে ইন্দুমতীর দৃঢ় সঙ্কল্প টলাইতে না পারিয়া সত্যসুন্দর সহসা একটা কটু শপথ করিয়া গিয়াছিলেন, বিবাহ দিলে মাতাপুত্র উভয়ের মুখ দেখিবেন না তিনি।

একজন তো পিতৃসত্য পালন করিতে আপনার মুখ লইয়া চিরতরে লুপ্ত হইয়া গিয়াছে, ব্রহ্মাণ্ড খুঁজিয়া বেড়াইলেও সে মুখ চোখে পড়িবার সম্ভাবনা নাই। মুহূর্তের জন্ম ও না।

—বাকী আছেন ইন্দুমতী।

পিছনে পায়ের শব্দ পাইতেই সত্যসুন্দর তাড়াতাড়ি কাগজখানা আড়াল করিয়া ধরেন। কিন্তু আশঙ্কার কারণ বেশী ছিল না, ইন্দুমতী নয়, সত্যসুন্দরের বুড়ি পিসি। কিন্তু তাঁহার পিছন পিছন ছায়ার মত আসিয়া দাঁড়াইল কে? খোকার বৌ? চিন্ময়ের? থান পরিয়াছে?

বিহ্বল দৃষ্টি মেলিয়া চাহিয়া থাকেন সত্যসুন্দর।


পিসিমা ক্রন্দনবিজড়িত কণ্ঠে কহেন—নে হতভাগী প্রণাম কর।

পায়ের উপর আলগোছ একটু ভীত কোমল স্পর্শে সত্যসুন্দর সহসা যেন চেতনা ফিরিয়া পান, দুর্বলতা ঝাড়িয়া সোজা হইয়া বসেন, মাথায় হাত দিয়া কিছুক্ষণ ধরিয়া কি যে আশীর্বাদ করেন তিনিই জানেন। শুধু প্রণতা কিশোরীরই মনের কথা টানিয়া লইয়া পিসীমা কপালে করাঘাত করিয়া কহেন—আর আশীর্বাদ, সে বরাত কি রেখেছে অবাগী, এখন শীগগীর যাতে মরণ হয় সেই আশীর্বাদ কর ওকে।

বিরক্ত সত্যসুন্দর হাত নাড়িয়া বলেন—আঃ পিসীমা, চুপ করো তুমি। বসো তো মা তুমি, এসো এইখানে আমার কাছে, নাম কি তোমার।

—পূর্ণিমা।

পূর্ণিমা? হ্যাঁ ঠিক ঠিক। মেয়ের উপযুক্ত নাম রেখেছেন তোমার বাপ মা, না কি বল পিসীমা।



যাইবার দিন বর পাওয়া পূর্ণিমার সেই জাতি কাকা দেখা করিতে আসেন, যখন বোঝেন মেয়ে আসিয়া যাতে পড়িবার সম্ভাবনাটা নিম্ন হইয়াছে। সঙ্গে আর একটি ছেলে আসিয়াছে কোথা করি কাকার জাইপে। ভাগিনেয় কেউ হইবে। ভিতরে দেখা করিতে পাঠাইয়া দিয়া, সত্যশুন্দর কাকার সঙ্গে প্রয়োজনীয় ছই চারিটি কথা কহিতে থাকেন.....কিন্তু ক্রমশঃ ট্রেনের সময় নিকটবর্তী হইয়া আসে, উহারা আসেনা কেন ?

সত্যশুন্দর ভিতরে আসেন তাড়া দিতে, কাকাটা বোধ করি ইন্দুমতীর দরবারে হাজিরা দিতে গিয়াছেন, বেহাইয়ের চাইতে 'বেহান'কেই তিনি চেনেন বেশী, "বড় গাছে ক্রৌঞ্চ" বাঁধিয়া বড় সুখ পাওয়াছিল, বিধাতা পুরুষের সহিলনা এই যা খেদ। কিন্তু পূর্ণিমা? কোথায় সে? ঘরে নাই দালানে নাই.....কোথায় গেল? পিছনের বারান্দায় কে যেন দাঁড়াইয়া না? পূর্ণিমাই। আর সেই ছেলেটি। খুড়তুতো ভাই না কি? সত্যশুন্দরের চোখের উপর কি এখনি বার্কক্যের পর্দা পড়িয়াছে? চূপ করিয়া দাঁড়াইয়া আছে ছইজনে, কথা নাই মুখে। কাছাকাছি বলিলে অন্ডায় বলা হয়, বরং প্রয়োজনের অতিরিক্ত ব্যবধান ছইজনের মধ্যে, তবু— এই অশ্রুসজল বন্ধগভীর দৃষ্টি, চিনিবার মত বয়স সত্যশুন্দরের এখনও আছে। সহসা একটা তপ্ত রক্তস্রোত পা হইতে মাথা পর্যন্ত ছুটাছুটি করিতে থাকে, যে রক্ত সত্যশুন্দরের পিতৃপিতামহের ধমনীতে বহিত, কুলবধুর অনাচার দেখিলে।

অভ্যাস? সংস্কার?

নিজেকে সংযত করিয়া ফিরিয়া আসেন সত্যশুন্দর। গাড়ীতে স্টার্ট দিতে হুকুম দেন। জাতি কাকাও ততক্ষণে বাহিরে আসেন, পিছনে ছেলেটি।

চলিয়া যাইতে উত্তত হইয়া মুখ ফিরাইয়া প্রশ্ন করেন—ছেলেটি কে বেহাই?

এই প্রথম বেহাই সম্বোধন করেন সত্যশুন্দর।

জাতিকাকা ঈষৎবিপন্ন ভাবে উত্তর দেন—পাশের বাড়ীর ছেলে, ছেলেবেলা থেকে ভাই বোনের মতন খেলাধুলো—আসতে চাইলে—

—বেশ তো বেশ তো—তার আর কি, হ্যাঁ ভালো কথা, বৌমাকে আমার সঙ্গে নিয়ে যাবার একটা কথা ছিল, কিন্তু ভেবে দেখলাম—সেটা ঠিক হবে না। আমি সারা দিনই কাজে থাকি কার কাছে থাকে না থাকে, আপনিই নিয়ে যাবেন সঙ্গে করে। তবে হ্যাঁ আমার দিক থেকে কর্তব্যের ক্রটি হবে না, খরচ পত্র যা লাগে—আচ্ছা নমস্কার। গাড়ীতে উঠিয়া সশব্দে দরজাটা বন্ধ করিয়া দেন সত্যশুন্দর।



পুস্তকী

কেন্দ্রমোহন পুরস্কার

(পূর্ব প্রকাশিতের পর)

নূতন পরিচয়ে মেয়েদের সঙ্গে কথা কইতে অনভ্যস্ত বলে যে অখিল মৈত্রীকে দেখে কোন কথাই বলতে পারলে না তা নয়; মৈত্রীর সঙ্গে পূর্বে কখন সাক্ষাৎ না হলেও, অখিল মৃত্যুঞ্জয়ের কণ্ঠ্যরূপে রত্না রেবার কাছে তার নাম শুনেছিল খুবই; তা ছাড়া Miss Bose বলে একটি বাঙালী মেয়ে রেলওয়ের টিকেট অফিসে কাজ করে, সে কথাও কলকাতার শিক্ষিত মধ্যবিত্ত সমাজের মধ্যে অনেকেরই জানা ছিল। অখিল থেকেই মৈত্রীর নাম শুনে চাকুরীতে যোগ দেবার দ্বিতীয় দিনে ছুর্গা তার সহকর্মিনীর নাম বলে দিতে পেরেছিল। সে যাই হোক অখিল যখন দেখল যে মৃত্যুঞ্জয় বোসের কণ্ঠ্য একদিন অপরাহ্নে বিডন স্কয়ারের বাড়ীতে এসে হাজির, তখন তার বিস্ময়ের সীমা ত রইলই না, মনে মনে দারুণ পীড়া বোধ করল। অখিল ছু একটি বন্ধুর সংসর্গে পতিতা-সংস্কারে ব্যাপৃত হয়ে ছুর্গাদের বাড়ীতে যত ঘনিষ্ঠতাই করুক তার কাছে এটা প্রবাদ-বৃন্দ মনে হ'ল যে ভদ্র পরিবারের, বিশেষত জানাশোনা কোন ভদ্র পরিবারের মেয়ে ছুর্গাদের বাড়ীতে যে কোন কারণেই আগন্তুক হ'তে পারে। মুহূর্তের জন্তু অখিল তার নিজের উপরই ক্ষুব্ধ হয়ে উঠল কিন্তু পর মুহূর্তেই তার সমস্ত প্রাণটা ভরে উঠল একটি ভদ্র পরিবারের, কলকাতার আশঙ্ক-জনিত চুশ্চিস্তায় ও সমবেদনায়। সে রাত্রেই অখিল শ্রীমন্তের সঙ্গে সাক্ষাৎ করে ব্যাপারটা মৃত্যুঞ্জয়ের কাণে তোলবার জন্তু তাকে সবিশেষ অনুরোধ করে গেল। অখিলের পক্ষে ব্যাপারটা যথার্থ ভাবে বর্ণনা করা সম্ভবপর হ'ল না। কাজেই যতটুকু স্পষ্ট করে এবং যতটুকু আভাষে বর্ণনা হ'ল তাতে যে সেটা অনেকখানি সত্য ব্যাপারকে ছাড়িয়ে গেল, তা' বলাই বাহুল্য। মৈত্রীর বিডন স্কয়ারে যাওয়াটা অখিলকে পীড়া দিয়েছিল বৈষয়িকভাবে, কিন্তু তার বিকৃত বিবরণটা একেবারে দলে দিয়ে গেল শ্রীমন্তের নৈতিক বুদ্ধিকে, সে মানসিক বেদনায় কিছুকালের জন্তু যেন বিমূঢ় হয়ে রইল।

অনেক বিতর্কের পরও শ্রীমন্ত মৈত্রীর সম্বন্ধে তার কর্তব্য স্থির করতে পারল না। একবার ইচ্ছা হ'ল রত্নার সঙ্গে পরামর্শ করে, পরমুহূর্তেই যে লঙ্ঘন ত্যাগ করল। কিরীটের সঙ্গে পরামর্শ করার কথাও মনে মনে ভাবল কিন্তু শ্রীমন্তের কেমনভর মনে হল যে কিরীট এ ব্যাপারের গুরুত্বটা হয়ত বুঝবে না, হয়ত সে তার স্বাভাবিক ব্যঙ্গোক্তি দিয়ে সমস্ত ব্যাপারটাকে লম্বু করে মৈত্রীকেই কোন এক হালকা মনের অবস্থায় এ সব ব্যাপার নিয়ে উপহাস করবে। কাজেই শ্রীমন্ত পরদিন অনিশ্চিত মন নিয়েই কলেজে গেল কিন্তু বিকালের দিকে কলেজের কাজ বন্ধ করে একেবারে এসে হাজির হল ল্যান্ডাউন রোডের বাড়ীতে মৃত্যুঞ্জয়ের কাছে— উদ্দেশ্য যে মৈত্রী অফিস থেকে বাড়ী



ফেরবার আগেই যেন ব্যাপারটা মৃত্যুঞ্জয়কে বলতে পারে। বলা বাহুল্য যে বলার সুবিধা হল খুবই - শ্রীমন্তু ব্যথিতভাবে অখিল থেকে যেমন যেমন শুনেছিল, সবই মৃত্যুঞ্জয়ের নিকট খুলে বলল। শুনে বৃদ্ধ পিতার চোখ দুটা দীপ্ত হয়ে উঠল, একটা গভীর দীর্ঘশ্বাস ফেললেন এবং এ প্রসঙ্গে শ্রীমন্তুর সহিত দ্বিতীয় কথা না বলে, অন্যান্য কথার মধ্যে শ্রীমন্তুকে বৈকালিক জলযোগ করিয়ে তাকে বিদায় দিলেন।

সে রাতে মৃত্যুঞ্জয় যখন বাড়ী ফিরলেন তখন রাত দশটা। মৈত্রী অফিস প্রত্যগতা হয়ে পিতাকে বাড়ীতে পায়নি, তার উপর ফিরতে ফিরতে যখন মৃত্যুঞ্জয় রাত করলে দশটা, তখন সে পিতার উপর ক্ষুব্ধ হ'ল। 'মৃত্যুঞ্জয় বসবার ঘরে পা দিতেই সে বলল "এ কি রকম বাবা, সেই কখন তুমি বাড়ী থেকে বেরিয়েছ, আর এই রাত দশটায় ফিরছ—এদিকে আমার ক্ষিধেয় পেট চোঁ চোঁ করছে।" মৃত্যুঞ্জয় কোন উত্তর না দিয়েই চাকরকে ডেকে ছাড়া জামা-চাদর যথাস্থানে রাখতে বললেন ও পরে হাত-পা ধোয়া হলে পর কন্য়ার আহ্বানে খাবার টেবিলে গিয়ে বসলেন। পিতাকে নীরবে ভোজন-রত দেখে মৈত্রী আশ্চর্য হ'ল কিন্তু তার চাইতে বেশী হল পিতার ব্যবহারে ক্রুদ্ধ। সে বলে যেতে লাগল "আজ কাল তুমি মাঝে মাঝে কেমনতর যেন হয়ে যাও। তোমার যা অসু-বিধা, সেটা যদি তুমি আমায় খুলে না বল, তবেত আমার বোঝার সাধ্য নেই। আমার ত অফি-সেরও খাটুনি আছে, তার উপর সর্বক্ষণ কি আমার পক্ষে সম্ভব তোমার ছোটখাট অসুবিধাগুলোর খবর নিয়ে বেড়ান। এটা তুমিই কতবার আমায় বুঝিয়েছ যে মেয়েরা ষোল আনা ঘর-সর্বস্বা বলে না হয় ওরা ঘরের আলো, না হয় ওর বাইরের ছায়া। আর এই বা কি রকম যে তুমি বাইরে কাটাতে একটানা পাঁচ ঘণ্টা এবং বাড়ীতে এসে মুখ ভার করে থাকবে—বলবে না কোথায় গেছে তুমি। বিশ্রি সব আমার মতে।"

মৃত্যুঞ্জয় বাক্য বায় না করে আহার শেষ করলেন এবং কন্য়াকে "আমি শুতে যাই" বলে নিজের শোবার ঘরে গিয়ে বিছানায় গা ঢাললেন। শ্রীমন্তুর সঙ্গে মৈত্রী সম্বন্ধে কথা হবার পর থেকে ঘণ্টা পাঁচেক সময় যে মৃত্যুঞ্জয় কি ভাবে কাটিয়েছেন তা বলা শক্ত। মগজের প্রতিটা রক্ত দিয়ে যে কন্য়ার ধী-কে পুষ্ট করেছেন, যে কন্য়ার চরিত্র-গঠনে মৃত্যুঞ্জয় তাঁর বৃহৎ বৎরের আহুত আদর্শ অভিজ্ঞতাকে উজ্জ্বল করে নিঃশেষ করেছেন, সেই কন্য়ার এই রুচি-বিকৃতির কথা শুনে মৃত্যুঞ্জয়ের পিতৃ-হৃদয় যেন চৌচির হয়ে গিয়েছিল। অসহ্য বেদনার সঙ্গে সঙ্গে নিজের উপর একটা প্রচণ্ড ধিকার এল এবং ক্রমে সেটা গিয়ে পরিণত হল এক কঠোর নির্মমতায়। মৃত্যুঞ্জয় যখন ২৫০ টার সময় চাকুরিয়া লেকের এক জনহীন কোণ থেকে উঠে এলেন তখন তাঁর মনে কন্য়ার প্রতি নির্মম ব্যবহার করবার একটা বজ্র-প্রতিজ্ঞা নিয়েই এসেছিলেন। কিন্তু মৈত্রী যতক্ষণ আহারে বসে কল্পা বলে চলেছিল ততক্ষণ মৃত্যুঞ্জয়ের মনের মধ্যে চলছিল একটা দ্রুত প্রতিক্রিয়া, তিনি কিছুতেই যেন

যেদিন ছপুর বেলা হেমবালা প্রতিশ্রুতি দিল সেদিন সন্ধ্যায়ই সে মৃত্যুঞ্জয়ের বাড়ীতে থাকতে এল এবং পরদিন ছপুর বেলাই মৃত্যুঞ্জয় শিলং রওয়ানা হলেন। কিরীট কিংবা তার দিদি কারোরই সন্দেহ রইল না যে পিতাপুত্রীর মনাস্তুরই শিলং যাত্রার যথার্থ কারণ। গৃহত্যাগের শেষ মুহূর্তে মৃত্যুঞ্জয়ের যাত্রার উদ্যোগ শিথিল হয়ে এল কিন্তু এই শিথিলতায় তাঁর নিজের সঙ্কল্প বিকৃত হবার আশঙ্কা আছে এই ভেবে তাড়াতাড়ি তিনি ট্যাক্সিতে গিয়ে বসলেন। মৈত্রী তখন টিকেট বেচ্ছিল চৌরঙ্গীর অফিসের কাউন্টারে বসে।

শিলং-যাত্রার সব ব্যাপারটাই শ্রীমন্তের অজ্ঞাত ছিল। কারণ মৈত্রীর বিষয় বলবার পরদিন সে মৃত্যুঞ্জয়ের নিকট আসেনি এবং এটা সে কল্পনাও করতে পারেনি যে বৃদ্ধ অত শীঘ্র একটা এত বড় রকমের ব্যাপার করে ফেলবেন। মৃত্যুঞ্জয় যাবার দিন গোটা দশকের সময় শ্রীমন্তের বাড়ীতে গেলেন। কিন্তু তাকে না পেয়ে তার নামে একখানা ছোট চিঠি রেখে এলেন। তার মর্ম ছিল এই যে, ভুল জীবনে সব সময়েই শোধরণ যায়, তাই মনে করে মৃত্যুঞ্জয় একলাই শিলং যাচ্ছেন। কিরীটের দিদি হেমবালাকে বাড়ীতে থাকার ব্যবস্থা হয়েছে, তবুও শ্রীমন্ত খবরাখবর নিলে ভাল হয়।


বিকালে শ্রীমন্ত ও কিরীট দুজনই ল্যান্ডাউন রোডের বাড়ীতে হাজির হল। প্রথমটা মৈত্রী বসবার ঘরে ছিল না, হেমবালার মারফত খবর নিয়ে জানা গেল যে মৈত্রী ওর শোবার ঘরে বসে কি পড়াশুনো করচে। কিরীট শ্রীমন্তের সঙ্গে কথা চালাতে লাগল এমনি ভাবে যেন বোসেদের বাড়ীর প্রাত্যহিক আবহাওয়ার কিছুমাত্র ব্যতিক্রম হয় নাই। শ্রীমন্ত যদিও একবার জিজ্ঞাসা করেছিল যে মৃত্যুঞ্জয়ের শিলংএ থাকবার কি ব্যবস্থা হয়েছে, তথাপি তাকে আলাপ করতে হ'ল বেশীর ভাগ এই নিয়েই যে খেলাধুলা ভাল হলেও ক্রীড়াদেবীর যে পূজা আজকাল হয় সেটা অত্যন্ত হানিকর। বেশীক্ষণ বিতর্ক চালাবার দরকার হল না, কারণ হেমবালা এসে অনুপ জমিদারের প্রপোসল ফর্মের ভিতর যে বয়সের কোঠায় মারাত্মক ভুল হয়েছিল, সেটা আশু শোধরাবার জন্তু ভাইকে কড়া উপদেশ দিতে লাগল এবং অনুপের দেওয়া চিঠি নিয়ে কেন যে কিরীট এতদিনেও ক্ষিদিরপুরে অনুপের বিবাহিত বোনের সঙ্গে হেমবালার সাক্ষাতের জন্তু একটা দিন স্থির করে আসে নাই সে জন্তুও ভৎসনা করতে লাগল।

প্রায় ঘণ্টা খানিক পরে বসবার ঘরে বিষন্নমুখে এসে হাজির হল মৈত্রী। তাকে দেখেই হেমবালা বলল “বোন আমার আজ বেঞ্জায় খেটেছে অফিসে। দেখ্‌চি মুখখানা ক্রান্তিতে একেবারে কালী হয়ে গেচে।”

কি—ক্রান্তিতে না কেঁদে ও রকম হল ?

হে—কাদবে কেন ছাই ? বাবা গেছে স্বাস্থ্যের জন্তু শিলংএ, আর মেয়ে তাঁর জন্তু কাদবে ! (বলে

উচ্ছ্বাস)



কিরীটের কথা শেষ হতে না হতেই ঘরে ঢুকল হেমবালা ও ভাইকে দেখেই বল্ল “তুই এসেছিস্ কিরীট, একটুখানি বসতে হবে। ঠাকুর বলচে মাংসটা সিদ্ধ হতে একটু সময় নেবে। তা কি আর হবে একটু দেরী হলে। দিদির ঘরকন্নার ত কত অসুবিধা! বৌ ঘরে এলে ত এসব কিছুই সহ্যে হত না (হাস্য) তা সে সৌভাগ্য আমাদের কখন হবে জানিনাত”।

এর পর হেমবালা মৈত্রীর কাছে ভায়ের বহু বিবাহ সম্ভাবনার গল্প করল, রত্না সম্বন্ধেও ইঙ্গিত করতে ছাড়লে না। কিরীট ছ-তিনবার ভুরু কুঁচকাইবার পর নীচে রাস্তায় সিগারেট কিনতে গেল। অতিষ্ঠ হয়ে বেচারী মৈত্রী হেমবালাকে নিজের ক্ষিধের কথা জানাল। ছিনিট কয়েকের মধ্যেই সবাই খেতে বসল।

মৈত্রী টক্ দই না খেয়ে আগেই অনুমতি নিয়ে টেবিল ছেড়ে উঠল এবং কিরীট যখন দাঁড়িয়ে দিদির কাছে খাবার জন্ত সিগারেট ধরাচ্ছে তখন মৈত্রী এসে বল্ল “চলুন আমিও দেখে আসি চার্লির ছবি। হেমদি আপনার জেগে থাকবার কাজ নেই কিন্তু।”

রাত ন'টায় কিরীট ও মৈত্রী রাস্তায় বেরিয়ে পড়ল।

(ক্রমশঃ)

ব্লাড-ভিটা

আদর্শ টনিক

রক্ত নির্মল ও সতেজ করে, বৈজ্ঞানিক পদ্ধতিতে গভর্নমেন্ট পরীক্ষাগারে বিভিন্ন রসায়নের গুণাগুণ নির্ণিত ও প্রশংসিত।

ভিটামিন “বি,”

আয়রন,

ক্যালসিয়াম

ম্যাঙ্গানিস

ও

ফসফেট

ইত্যাদি মিশ্রিত।



স্নায়বিক দৌর্বল্য,

রক্তাধিকতা,

কোষ্ঠ-কাঠিন্য,

গাউট,

রিউমেটিসম,

ও

সন্তান-সম্ভাব্যার

পক্ষে বিশেষ

ফল-দায়ক।

অধ্যক্ষ মথুর বাবুর

মেডিকেল সিসার্জ লেবরেটরী

পি, ২৩, সেন্ট্রাল এডমিউ, কলিকাতা।

পশ্চাতক

“যাযাবর”

সীমাহীন, ঘন নীল পাহাড়ের কোলে সূর্য সবে ঢলে পড়েছে। গোধুলির লাল আলো এখনও নিঃশেষে মুছে যায়নি আকাশের বুক থেকে। পাহাড়ের নীচে, চা ঝোপের ফাঁকে ফাঁকে সন্ধ্যার অন্ধকার এখনও ঘনিয়ে আসেনি। শরতের নীল, শুভ্র আকাশ—পূর্ব আকাশে শুধু কয়েক টুকরো শাদা মেঘ। দূরে চা ঘরের চিমনি থেকে একটু একটু করে কালো ধূয়া বাতাসের সাথে কুণ্ডলী পাকিয়ে বা'পাশের নীল পাহাড়ের কোল বেয়ে ভেসে চলেছে মৃদু, মন্থর গতিতে। আধো আলো, আধো অন্ধকারে থরে, থরে সাজানো চা ঝোপগুলির সবুজ, সতেজ সৌন্দর্য প্রাণে দোলা দেয়। রক্ত রাঙা পাহাড়ীয়া পথটা চা ঝোপের আড়ালে কোথায় যেন নিজেকে হারিয়ে ফেলেছে। এই পথ বেয়ে ক্ষীণপ্রাণ, ধূসর মলিন মজুরের দল বস্তিতে ফিরে গেছে মৃদু, মন্থর গতিতে। এদের ক্ষীণ কোলাহল মূহূর্তের জন্য মুখরিত করে তুলেছিলো আশপাশের বনভূমি; এখন আর কাউকে চোখে পড়ছে না—

ধীরে, ধীরে রাত্রির অন্ধকার নেমে এসেছে পৃথিবীর বুক—গাঢ়, কালো অন্ধকার। চা ঘরের চিমনি আর চোখে পড়ছে না—রক্ত রাঙা পথটাও। সামনে, পেছনে চারিদিকে শুধু কালো, আর কালো। স্তব্ধ, মৌন প্রকৃতি নিদ্রার কোলে এলিয়ে দিয়েছে অলস, শিথীল দেহখানি। সরল গাছের ফাঁকে, ফাঁকে কুলি বস্তির স্তিমিত আলোক রশ্মিও আর চোখে পড়ছে না—এদের ক্ষীণ কোলাহল আর মাদলের আওয়াজ অনেকক্ষণ থেমে গেছে। তারস্বরে চীৎকার করে কে যেন গান গাইছে; তা'রই রেশটুকু মৃদু বাতাসে ভেসে আসছে।

চা ঝোপের আড়ালে সময়ে আত্মগোপন করে এগিয়ে চলেছে অলক—স্বচ্ছন্দ, চঞ্চল গতি—এমনি কত রাত্রি যেন তার কেটে গেছে এই পথে। ব্রহ্ম, কালো চোখ দুটা অন্ধকারে যেন আর ও বেশী উজ্জ্বল হয়ে উঠেছে। “পায়ে যেন কি ঠেকলো।……কিছু না,……গাছের শিকড় কেটে কে পথে ফেলে রেখেছে। পাহাড়ীয়া নালার কোল বেয়ে এগিয়ে চলেছে অলক……পাশের চা ঝোপটা সজোরে নাড়িয়ে দিয়ে কি যেন পালিয়ে গেল……শেয়াল……বন্য শূকর হয়ত বা, চকিতে থমকে দাঁড়ায়, কালো চোখের চঞ্চল দৃষ্টি বুলিয়ে নেয় আশ পাশে। হিম, শীতল বাতাস গায়ে এসে লাগছে, আধ ময়লা ছিটের জামাটা যেন একে আর ঠেকিয়ে রাখতে পারছে না—এবার একটু দ্রুত গতিতে এগিয়ে চলেছে। ট্রলি লাইনের পাশ দিয়ে তীব্র আলো ফেলে একখানি মোটর ছুটে চলে গেল—বাগানের ম্যানেজার শিকার করে ফিরছে।

কুলি বস্তির সরু গলি বেয়ে এগিয়ে চলেছে অলক। গোবর আর পচা খড় জঞ্জাল জমে জমে সরু পথটা প্রায় অগম্য হয়ে উঠেছে। ছ'পাশের নালা বুজে গিয়ে নালার জল পথে এসে দাঁড়িয়েছে—তা'রই পচা গন্ধ আবহাওয়াকে বিষাক্ত, ভারী করে তুলেছে। মানুষের সাড়া পেয়ে বস্তির



ক্ষুদিত, ক্ষীণপ্রাণ কুকুরগুলি ঘেউ-ঘেউ করে খেমে যায়—তেড়ে আসার সামর্থ নেই। তু'পাশের ঘন সন্নিবেশিত জীর্ণ খড়ের ঘরগুলির নীচু চাল এসে মাথায় ঠেকছে—অলক এগিয়ে চলেছে। ও দিককার ঘরে এখনও আলো জ্বলছে, মেয়েলী সুরে কে যেন কথাও বলছে। —এদিকের ঘরে কে যেন গুণ, গুণ করে গান গাইছে। পাশের বাড়ী থেকে টর্চ হাতে করে একটা লোক গলি পথে বস্তির বাইরে চলে গেল—হয়ত বা ষ্টাফের কোন বাবু।

মাথা মুইয়ে, পা টিপে টিপে এগিয়ে চলেছে অলক সাবধানে, মস্তুর গতিতে। বস্তির শেষ সীমায় চট ঝোলানো জীর্ণ খড়ের ঘরখানির সামনে অলক থমকে দাঁড়ায়—অন্ধকারে গা ঢেকে কে যেন দাঁড়িয়ে। চকিতে লোকটা কাছে এসে কি যেন বলে—তু'জনে চুপি, চুপি ঝোলানো চটখানি সরিয়ে ঘরে এসে আশ্রয় নেয়। সামনের গলি বেয়ে আলো নিয়ে বুট পায়ে কা'রা চলে গেল।

ঘরের ভেতর মিট মিট করে কেরোসিনের ডিবে জ্বলছে—কালো ধূয়া ঘরের বাতাস ভারী করে তুলেছে। কঙ্কালসার রোগ জীর্ণ চারটা লোক বসে আছে—স্তিমিত আলো এদের শীর্ণ মুখে এসে পড়েছে! স্তিমিত আলোতে অলকের পাণ্ডুর মুখখানি আরও পাণ্ডুর দেখাচ্ছে—লম্বা, রোগা চেহারা পরণে ময়লা খদ্দেরের শাদা পায়জামা, হাটুর কাছে এক জায়গায় ছেঁড়া, গায়ে সেই আধময়লা ছিটের জামা, মাথায় অযত্ন বর্ধিত ঝাকড়া চুল। কারো মুখে কথা নেই নির্বাক বিষ্ময়ে সবাই তাকিয়ে আছে অলকের পাণ্ডুর মুখের পানে। অলকের চোখের ইসারায় একটা লোক উঠে বাইরে চলে গেল—বোধ হয় পাহারা দিতে।

রোগা, পাণ্ডুর মুখখানি তুলে মৃদুকণ্ঠে অলক বলে—“রামদীন! এখানকার খবর সব ভাল?”

ঐ পাশের কালো, রোগা লোকটা মাথা তুলে আমতা, আমতা করে উত্তর দেয়—এখানকার সব খবরই ভাল। পর্বতপুরের সর্দারকে নিয়ে আজ কামারহাটিতে এক মিটিং হয়েছে, অনেক লোক এসেছিলো তু'চার দিনের ভেতরই ইউনিয়ন করা চলবে। কিন্তু.....

জিজ্ঞাসু নেত্র অলক তাকিয়ে থাকে।

নিঃশ্বাস নিয়ে মৃদুকণ্ঠে রামদীন বলে—“কিন্তু; পুলিশ আপনার খবর পেয়েছে। আজ তিন, চার দিন থেকে এদিকেই শুধু ঘুরছে—আজ তু'বার এসে এখানেও হানা দিয়ে গেছে—একটু আগে এই পথেই তা'রা গেল।”

অলকের রোগা, পাণ্ডুর মুখে বিষাদের ছায়া নেমে আসে না—মৃদু হেসে বলে—“সবই জানি রামদীন—আর জেনে জেনেই আজ এসেছি কাল এলেও হয়ত চলবে; কিন্তু এ অবস্থায় তুমার দেবী করা চলে না। কালই হয়ত আমি এখান থেকে চলে যাব তাই আজই আমার এখানকার

কার সমস্ত কাজ তোমাদের বুঝিয়ে দিতে চাই। বিলাসীকে দিয়ে খবর পাঠিয়েছিলাম; কিন্তু কমরেড্ দাসের সাথে তা'র দেখা হলো না নইলে আজই তিনি আসতেন—যাক্ কালই তাকে পাঠিয়ে দেব—তোমাদের বোধহয় বিলাসীই খবর দিয়েছে?”

“ই্যা! কিন্তু সে বলছিলো আজ ক'দিন থেকেই আপনার জর—জা জর নিয়ে এই শীতের রাত্রিতে এখানে না এলেই কি চলতো না?” কথা ক'টা বলে অভিমান ক্লম্ব রামদীন মুখ ফিরিয়ে নিলে।

এ অভিযোগের কোন প্রতিবাদই অলকের দিক থেকে পাওয়া গেল না। হাতকাটা, বেটে, মোটা লোকটা অলকের সামনে এগিয়ে এসেছে। —“কমরেড্! একটা কথার উত্তর দেবেন কি? সেদিন বলছিলেন মৃত্যুর ভয়ে যারা পালিয়ে বেড়ায় তা'রা ভীক—কাপুরুষ তা'রা যারা জেল, পুলিশ ভয় করে; কিন্তু আজ সবার আগে আপনিই ত ছুটে পালাচ্ছেন। সে'টা হবে না—আমাদের মৃত্যুর মুখে এগিয়ে দিয়ে আপনি পালাবেন—মরি যদি এক সাথেই সবাই মরবো।” সাঁওতাল রামজীবনের ক্লম্ব কথাগুলির উত্তরে অলক হেসে বলে—“পালিয়ে আমি বেড়াই সত্যি; কিন্তু কেন জান? ...তোমরা মরতে দেও না বলে। নিজেদের জীবনের মূল্য তোমরা যেদিন বুঝবে—আমার কাজও ফুরাবে—হাসি মুখে সেদিন মৃত্যু বরণ করে নেব। সেদিন কিন্তু তোমাদের কাউকে দলে টানবো না।”

অলকের প্রদীপ্ত মুখের পানে চেয়ে অভিভূত লোক ক'টা মৌন আনুগত্য জানায়। কেরোসিনের ডিবেটা এখনও মিট মিট করে জ্বলছে।

মনে পড়ে প্রথম দিনের অভিজ্ঞতার কাহিনী। বর্ষণ ঘন শ্রাবণ সন্ধ্যা—টিপ, টিপ করে বৃষ্টি পড়ছে—বর্ষণের যেন আর বিরাম নেই। সামনের সরু লাল পথটা জলে, কাদায় নিবিড় হয়ে উঠেছে—। সন্ধ্যার আবছা অন্ধকারে চা-ঝোপের আড়ালে গা ঢেকে দাঁড়িয়ে অলক—ভেজা কাপড় জামা, টপ টপ করে জল গড়িয়ে পড়ছে। জল কাদা ঠেলে পথ বেয়ে এগিয়ে চলেছে ক্ষীণ-প্রাণ মজুরের দল নিঃশব্দ, মন্থর গতিতে। বৃষ্টি পড়ছে অবিশ্রাম ধারায়—এবার যেন বেগ একটু বেড়েছে। সরল গাছটার নীচে দাঁড়িয়ে অলক—নিষ্পন্দ, পলকহীন তার দৃষ্টি।

—“তারপর—আজকের ঘটনা ত নিজেই দেখলাম।”

“আজ আবার কি হলো।”

“শুননি, আশ্চর্য! নিধু মিস্ত্রী ত সেদিন কলে কাটা পড়লো; আজ তার বউ তিন, চারটে ছোট ছোট বাচ্চা নিয়ে এসেছিলো সাহেবের কাছে ভিক্ষা চাইতে—”

“তারপর?”

“তারপর আবার কি! দিলে না। বলে দিলে আবার এসে বিরক্ত করলে লাথি মেরে, মেরে বাগান থেকে তাড়িয়ে দেবে—মেয়েটার সে কি কামা।”

নষ্টনীড়

মালবিকা রায়

সেদিন ছিল মাঘী পূর্ণিমা। কুহেলীর ওড়নায় তনুদেহটা ঢেকে অভিসারিকা পূর্ণিমা চলেছে তার পরমপ্রিয়র কাছে সর্বাঙ্গে ফুলের গন্ধ মেখে। এই কথাগুলি এতক্ষণ অনুভা বলছিলো উচ্ছ্বসিত স্বরে। শুভেন্দু এতক্ষণ গালের উপর হাত রেখে আধশোয়া হয়ে বসেছিল, এবার উঠে হো হো করে হাসতে লাগলো।

“হাসলে যে!” অনুভা বললো ক্ষুব্ধ স্বরে।

“হাসবার কথা শুনেও হাসতে পারবো না;”

“এর মধ্যে হাসবার তুমি কি পেলো?” অনুভা সাভিমানের উত্তর করলো, “সে কথা পরে বলা যাবে, আপাতত ঘরে চল। বাবা, জ্যোৎস্নায় বসে কবিত্ব করা কি সোজা কথা? জ্যোৎস্না দেখলে মতি বলাছি, অনু, ভয়ে আমার মুখ শুকিয়ে যায়। কেবলি মনে হয়, কাল সর্দিতে নাক বন্ধ হয়ে যাবে আর ২৫ দিন ল্যাবরেটরিতে যাওয়া বন্ধ থাকবে।”

• খানিকক্ষণ স্তব্ধ দৃষ্টিতে ওর মুখের দিকে চেয়ে অনু হঠাৎ বলে ফেললো “তুমি জ্যোৎস্নাও ভালবাস না? ফুলও ভালবাস না?”

হো, হো করে হেসে শুভেন্দু বললে, “ফুল আর জ্যোৎস্না নিয়ে তোমাদের জগৎ চলে, অনু! ও সব তোমাদেরি পোষায়।”

অনু ওর মুখের দিকে চেয়ে কি জানি কেন হঠাৎ দ্রুতপদে লন অতিক্রম করে ড্রয়িংরুমে চুকে গেলো। প্রকাণ্ড লনটা ততক্ষণে প্রায় জনশূন্য হয়ে এসেছে, কেবল এক কোণে প্রভাস আর মীরা বসে গল্প করছিলো। এখন প্রভাস উঠে যেতে মীরা এঁসে অনুর স্থান অধিকার করে বসে বললে, “অনু হঠাৎ অমন করে উঠে চলে গেলো কেন?” সে অনুর দ্রুতপদে চলে যাওয়া লক্ষ্য করেছিলো। শুভেন্দু কৃত্রিম উদাসীনতা দেখিয়ে হাত উলটে বললো, “কি করে বলবো বলুন? আপনাদের মেয়েদের কথা আপনারা মেয়েরাই বোঝেন। তবে আমরা একটু দোষ হয়েছে তা স্বীকার করছি। অনু এতক্ষণ ধরে আমাদের সন্ধ্যার আঁচল, জ্যোৎস্নার চাদর, আর তাঁদের চশমা দেখাবার চেষ্টা করছিলো। আমি কিন্তু কিছুই দেখতে পেলাম না, তাই বোধ হয় রাগ করেছে।”

মীরা বিস্মিত হয়ে বললো “তাঁদের চশমাটা কি জিনিষ শুভেন্দু বাবু?” শুভেন্দু বললো, “আমি-ও কি ছাই বুঝেছি। ওটা অনুকেই জিজ্ঞেস করবেন। চলুন ঘরে চলুন। আপনাদের কি শীতও লাগে না?”

মীরার দিকে চেয়ে প্রভাস বললো, “তোমাকে এ রকম ছুটুমি ছাড়া আমি করনাই করতে পারি না, মীরা।”

সোনার কাঠির পরশ পেয়ে প্রথম যখন ঘুম ভাঙলো, প্রথম যৌবনের সেই সোনার মুহূর্তটিতে জীবনের সকল আশা সকল আনন্দ সকল ভালবাসা অমুভা যাকে দান করেছিলো সে শুভেন্দু! নিজেকে সে যে নিঃশেষ করে বিলিয়ে দিয়েছে শুভেন্দুর কাছে এ কথা প্রথম সে টের পেলো সেদিন, যেদিন শুভেন্দুর উপেক্ষায় ওর বুকের ভেতরটা অসহ্য বেদনায় কেঁদে উঠলো।

শুভেন্দু ছিল একটু অদ্ভুত প্রকৃতির। মেয়েদের ও কোনদিনই শ্রদ্ধার চোখে দেখতে পারত না। ও বলত পুরুষের জীবন সংগ্রামের, আর মেয়েদের জীবন বিলাসের।


অমুভা শুনে রাগ করতো, বলতো, “তুমি মেয়েদের সম্বন্ধে কি জান বলত? ক’টা মেয়ে দেখেছো?” শুভেন্দু হেসে বলত, “কেন তোমার বান্ধবীদের! সব মেয়েই সমান বুকেছ, অমু।” অমুর মন অভিমানে পূর্ণ হয়ে যেতো কিন্তু ও কোন কথাই বলতো না।

কিন্তু মানুষের সহেরও সীমা থাকে, অমুরও সহের সীমা ছিল। তাই নিশীথ যেদিন তাকে প্রথম প্রণয় জ্ঞাপন করলে ও চুপ করে শুনলো, কিছু বাধা দিলো না। নিশীথ বললো, “তোমাকে আমার চাই, অমু, তুমি না হলে আমি বাঁচতেই পারবো না।” অমুর শিরায় উপশিরায় কি যেন এক তাণ্ডবলীলা শুরু হোলো। যাকে সে ভালবাসে সে তাকে চায়না। কিন্তু তা বলে আর এক পুরুষের প্রেমকেত সে প্রত্যাখ্যান করতে পারে না।

অল্প দিনের মধ্যেই রাষ্ট্র হয়ে গেলো সিভিলিয়ান নিশীথ সেনের সঙ্গে বিখ্যাত ডাক্তার অতুল রায়ের একমাত্র কন্যা অমুভার বিয়ে। মীরাও কথাটি শুনলো, কিন্তু বিশ্বাস করলো না। সেদিন দুজনের মধ্যে এই নিয়ে কথাবার্তা হোলো। মীরা বললো, “আমার বিশ্বাস হয় না যে এ বিয়ে তোর মতে হচ্ছে।”

শাস্ত্র সুরে অমুভা বললো, “কেন হয় না? অনিশ্চিতের পেছনে ছুটে ছুটে আমি ক্লান্ত হয়ে পড়েছি।” ব্যথিত দৃষ্টিতে মীরা ওর মুখের দিকে চেয়ে রইলো। তার ভাব দেখে অমুভা বললো, “চুপ করে রইলে যে? কিছু উপদেশ দিতে চাও? বেশ...” বাধা দিয়ে মীরা বললে, “না, না, কি যে বালো। উপদেশ তোমায় দেব কেন? এ ব্যাপারে এত তাড়াতাড়ি না করলেও পারতে। বিশেষতঃ যা অনিশ্চিত ভাবছ তাকে নিশ্চিত করে কোন কাজ করলেই ভালো হতো।”

অমু উঠে দাঁড়ালো। উত্তেজিত স্বরে বললো, “কি বলছো তুমি?” মীরা তাড়াতাড়ি ঘর থেকে বেরিয়ে যেতে যেতে বললো, “আমি কিছুই বলছি না। তুমি বুকে কাজ করতে পারো এমন বয়স তোমার হয়েছে।”



শীরা চলে যাওয়ার পর সমস্ত দিনটা কি এক অদ্ভুত অসহিষ্ণুতার সঙ্গে কেটে গেলো। সে অনেক ভাবলো। কিন্তু কিছুই ঠিক করতে পারলো না। শুভেন্দু আজ ক'দিন আসে নি। সে কথাটা অল্প সব সময়ই মনে হতো। জলে ডুববার সময় লোক যেমন সামান্য কুটোটিকেও আঁকড়ে ধরতে চায়, অল্পও আজ তাই করলো। শুভেন্দুর এই কদিনের অল্পপস্থিতিতে ও আজ অল্প অর্থে গ্রহন করলো। শুভেন্দুর বাড়ী ও অনেকবার গেছে। শুভেন্দুর বোঁদির সঙ্গে ওর খুব আলাপ আছে। অল্প ঠিক করলো আজ শুভেন্দুর বাড়ী সে যাবে।

সন্ধ্যাবেলা সে যখন মোটরে করে বার হোলো তখন আশা নিরাশার প্রহুও দোলায় ওর বুকের ভিতরটা কেঁপে কেঁপে উঠছে। শুভেন্দুর দরজায় নেমে ওর মনে হোলো ও বোধ হয় আর চলাতে পারবে না, ওর পা এতো কাঁপছে। মুহাম্মান দেহমন নিয়ে যখন সে শুভেন্দুর পড়বার ঘরে এসে দাঁড়ালো, তখন শুভেন্দু একমনে কি সব লিখছে। ও প্রথমে অল্পকে দেখতে পায়নি। তারপর যখন দেখতে পেলো তখন বলে উঠলো, “আরে অল্প যে এসো, এসো। তার আনন্দিত স্বরে অল্পর বুকের ভিতর কেমন যেন করে উঠলো। এতখানি আনন্দ ও আশা করে নি। তবে কি ও যা ভেবেছে তা নয়! অল্প শুভেন্দুর সামনে একটা চেয়ার টেনে বসলো। শুভেন্দু ওর মুখের দিকে চেয়ে হেসে বললো ‘নেমস্তন্ন চিঠি নিয়ে এসেছ ত? বাঃ বাঃ, অমনি খাবারের গেনুটাও শুনিয়ে যাও। নিশ্চয় জানো তুমি কি কি খাবার হবে।’”

ওর কথা শুনে অল্প স্তব্ধ হয়ে গেলো। শুভেন্দুর ত কোথাও কোন পরিবর্তন হয় নি। তবে কি—না না অল্প আর ভাবতে পারে না। অনেকক্ষণ ওর মুখের দিকে চেয়ে অল্প বললো, “এ কদিন আমাদের ওখানে যাও নি কেন?” শুভেন্দু হেসে বললো, “গিয়ে কি নিশীথবাবুর অভিশাপ কুড়োবো; কিন্তু তা নয় অল্প। ক'দিন ল্যাবরেটোরিতে এত কাজ পড়েছিলো যে কোথাও যাবার সময় পাইনি একবারও। তুমি বুঝি রাগ করেছ?” বলে অল্পর মুখের দিকে চেয়ে ও অবাক হয়ে গেলো। বললো, “অত গস্তীর কেন অল্প, কি হয়েছে?”

এবার আর অল্প পারলে না ছুই হাতের মধ্যে মুখ লুকিয়ে রুদ্ধকণ্ঠে বললো, “চিরদিনই কি তোমাকে বলে দিতে হবে কি হয়েছে? তুমি কি কিছুই বোঝ না।”

অল্পর বস্তায় ও একেবারে ভেঙ্গে পড়লো টেবিলের ওপর। শুভেন্দু হতবুদ্ধি হয়ে পড়লো। তার বিস্মিতকণ্ঠ থেকে শুধু বেরোলো, “সত্যিই আমি কিছু বুঝতে পারছি না, যার জন্য—”

অশ্রুসিক্ত মুখ টেবিল থেকে তুলে রুদ্ধকণ্ঠে পরিষ্কার করে অল্প বললো, “যার জন্য, যার জন্য আমার জীবন বিসিয়ে গেলো—সে তুমি।” আবার অল্পর ভারে ভেঙ্গে পড়ে অল্প বললো, “ওগো একটু বোঝ তুমি, একটু বোঝ। আমি যে আর পারি না।”

স্বক্ৰ বিস্ময়ে শুভেন্দু কিছুক্ষণ বসে রইলো। তার পর ধীরে ধীরে একটা দীর্ঘনিঃশ্বাস ফেলে বললো, “আমি বুঝছি, অনু। তুমি ত জানো আমার জীবনের সাধনা হচ্ছে আমার রিসার্চ, এ ছাড়া যে আমি আর কিছু ভাবতে পারি না। আমাদের জীবন সংগ্রামের ভাবের স্রোতে ভেসে গেলে ত আমাদের চলবে না, অনু। সে যাক, তুমি সুখী হবে, এ আমি বলছি। এটা কিছু নয়। তুমিও পরে বুঝবে।”

শুভেন্দুর কথা শেষ হওয়ার সঙ্গে সঙ্গে অনু উঠে দাঁড়ালো। ছই চোখ থেকে অশ্রুর সমস্ত চিহ্ন সে মুছে ফেলেছে। শুষ্ক চোখ থেকে আগুন ঠিকরে পড়ছে। সামনের বিপর্যস্ত চুলগুলিকে সরিয়ে সে শুভেন্দুর পাশে এসে দাঁড়ালো। তারপর ঘৃণাপূর্ণ কণ্ঠে বললো “মেয়েদের তুমি ভালবাসতে পার না, তার কারণ কি জানো? তুমিই মেয়েদের ভালবাসার যোগ্য নও। আজ যাদের ঘৃণা করছ এমন দিন আসবে যেদিন এদের ভালবাসার অভাবই তোমার জীবনের একমাত্র অভাব হবে, সেদিন আমাকে মনে কোরো।” শুভেন্দুকে বিস্ময় বিমূঢ় করে ঝড়ের মত অনু ঘর থেকে বেরিয়ে গেলো।

অনুভার বিয়ের পর দেড়বছর কেটে গেছে। বিয়ের পরই নিশীথ নব-পরিণীতা বধূকে নিয়ে সমগ্র ইউরোপ ভ্রমণ করতে বেরিয়েছিল। দেড় বছর পরে আজ কলকাতায় ফিরে এসেছে। সেই উপলক্ষে অনুভার পিতা মাতা নিজেদের বাড়ীতে একটা প্রীতিভোজ দিচ্ছেন। শুভেন্দুরও নিমন্ত্রণ ছিল। শুভেন্দু যখন সেখানে পৌঁছলো তখন ৭টা বেজে গেছে। হলঘর পরিচিত এবং অপরিচিত মুখে ভর্তি। কে একটা মেয়ে পিয়ানো বাজিয়ে গান করছে। শুভেন্দু প্রথমে মেয়েটাকে চিনতে পারলো না। কিন্তু গান শেষ করে মেয়েটা উঠে দাঁড়াবার সঙ্গে সঙ্গে শুভেন্দু তাকে দেখে চমকে গেলো। অনুর সঙ্গে তার দেড় বছর পরে দেখা। আজ প্রথম দিনেই সে বুঝে নিল অনুর পরিবর্তন হয়েছে। অনু সুন্দর, কিন্তু আজ এই সুন্দর মুখের উপর যখন সে রুজ পাউডারের প্রলেপ দিয়ে, ঠোঁটে লিপষ্টিক লাগিয়ে চোখে সুরমা দিয়ে কৃত্রিম হাব ভাব প্রকাশ করতে লাগলো, শুভেন্দু সমস্ত মনটা যেন এক নিমিষে একবারে বিষিয়ে উঠলো। অনুভা যখন অনাবৃত বাছ ছলিয়ে ওর সামনে এসে দাঁড়ালো, তখন ওর মনটা এত ঘৃণাপূর্ণ হয়ে গেছে যে ওর মুখ থেকে একটা শব্দ পর্যন্ত বেরুল না। অনু কিন্তু অপ্রস্তুত হোল না। ও কৃত্রিম হাসি হেসে “হা ড্যু, ড্যু শুভেন্দুবাবু” বলে হাত বাড়িয়ে হাওশেক করলো। শুভেন্দু নিশ্চল হয়ে বসে রইলো। ওপাশ থেকে লোকেশ ডাকলো “Mrs. Sen,” “Oh yes,” বলে কায়দা করে উঠে দাঁড়ালো অনু। লোকেশ বললো, “বাঃ গান হয়ে গেলো বুঝি? আর গাইবেন না?” মিহির বোস বললো, “আপনার গান শুনে আশ মেটে না, মিসেস সেন।” মিহিরের সামনে ঝুঁকে তাঁর দিকে একটা কটাক্ষ করে অনু বললো, “আমাকে দেখেই কি আশ মেটে?” শুভেন্দুর সত্যিই বসে থাকা অসহ্য হয়ে উঠেছিল। ও নিঃশব্দে



ভালবাসি। ওঃ আপনি আবার মেয়েদের ভালবাসার কথা বিশ্বাস করেন না। যাক্ গে। সে আমার বন্ধু। সে ক্রমশঃ অধঃপাতে যাচ্ছে। তাকে আপনার রক্ষা করতে হবে; তাই আপনাকে ছেড়েছি।

বিস্মিতকণ্ঠে শুভেন্দু বললো, “আমি কি করে রক্ষা করবো? আমি কি করতে পারি?”

তীব্র কণ্ঠে মীরা উত্তর করলো, “আপনি কি করতে পারেন? আপনি কি জানেন না আজ আপনার জন্মই তার এই পরিণাম? আপনি মেয়েদের খেয়ালী বলেন। আপনার মত খেয়ালী আমি ত কাউকে দেখি না। আপনার একটা খেয়াল, শুধুমাত্র খেয়ালের জন্ম আর এক জনের জীবন নষ্ট হয়ে গেলো। তবুও বলেন কি করবো আমি? আপনি শুধু খেয়ালী নন, আপনি অন্ধ।”

শুভেন্দু স্তম্ভিত হয়ে বসে রইলো। মীরা যা বলছে সে ত তা আজ অস্বীকার করতে পারে না। সত্যি সবই সত্যি। কিন্তু তাহারি জন্ম, কেবল মাত্র তাহারি জন্ম অল্পর আজ এই পরিণাম? শিশু যেমন নূতন শেখা শব্দটাকে বার বার উচ্চারণ করে সেও তেমনি বার বার বলতে লাগলো, শুধু আমারি জন্ম শুধু আমারি জন্ম। সমস্ত আকাশ ওর মুখের কাছে নত হয়ে বলছে ‘শুধু তোমারি জন্ম,’ ‘শুধু আমারি জন্ম’! এত বড় গৌরব ওর কোথার লুকানো ছিলো এতদিন? জগতে ওর জন্ম এত বড় আসন পাতা ছিলো, একথা এতদিন গোপন রইলো কেমন করে!

বেলা তখন ১০ টা। শুভেন্দু ধীরে ধীরে অল্পভার বাড়ীতে প্রবেশ করলো। অল্প বারান্দায় একটা আরাম চেয়ারে বসেছিলো। সামনে আর একটা লোক। শুভেন্দুকে দেখবামাত্র লোকটা উঠে দাঁড়ালো। অল্প বললো, “যাচ্ছ কেন অসীম! ওঁকে দেখে? উনি ত তোমার কলিগ।” অল্প হেসে উঠলো। অসীম ব্যস্ত হয়ে বললো, “আমি এখন যাই। ও বেলা আসবো, মিঃ সেনকে বলবেন—”

“এর মধ্যে আবার মিঃ সেনকে কেন অসীম। তিনি ত দিব্যি আরামে পেগ টেনে ঘুমচ্ছেন। তারপর ওবেলা কি তাঁকে পাবে। তিনি জে মিসেস্ চৌধুরীর খবরদারী করতে যাবেন। মিঃ চৌধুরী ত এখানে নেই। তিনি না হলে তাঁকে আগলাবে কে?” অল্প হি হি করে হাসতে লাগলো। অসীম তাড়াতাড়ি একটা নমস্কার করে বেরিয়ে গেলো।

শুভেন্দু অল্পর সামনে দাঁড়িয়ে বললো, “লোকটা কে?”

“বললাম ত আপনার কলিগ।” শুভেন্দু একটা চেয়ার টেনে নিয়ে বসলো। অল্প সামনের টেবিল থেকে রূপোর সিগারেট কেস খুলে একটা সিগারেট নিজের মুখে দিয়ে শুভেন্দুর সামনে খোলা কেসটা ধরলো। শুভেন্দু ব্যথিত দৃষ্টিতে ওর মুখের দিকে চেয়ে মাথা নাড়লো।

“ভালছেলে” বলে অল্প দেশলাই জ্বালিয়ে সিগারেট টানতে লাগলো। কিছুক্ষণ ওর মুখের দিকে চেয়ে শুভেন্দু ডাকলো, “অল্প—” অল্প চমকে উঠলো। অনেকদিন শুভেন্দু তাকে অল্প বলে

ভারতবর্ষের প্রয়োজনে পুনর্গঠনের যে প্রয়োজন রয়েছে, আলোচনা-পরিষদের জন্ত নির্দিষ্ট গতির মধ্যে তার কোন স্থান নেই। সন্দেহ হয়, যুদ্ধের জন্ত রাজসরকার প্রস্তুত ও সরবরাহ করার ব্যাপারে সরকারকে যে সকল বিধিব্যবস্থার আশ্রয় নিতে হয়েছে বা যে সকল অর্থনৈতিক দায়িত্ব গ্রহণ করতে হয়েছে তার জের মেটানোর জন্তই লোক-দেখানো এই পুনর্গঠন কমিটি ও আলোচনা-পরিষদের সৃষ্টি হ'য়েছে।

এতো গেলো নিছক অর্থনৈতিক ব্যবস্থার দিক, যেদিকে সরকারী রূপায়ণ আলোকপাত করে চিরদিন কার্পণ্য করে এসেছে। পুনর্গঠন সমস্যার বিচারে শুধু ক্ষুদ্র অর্থনৈতিক আবেষ্টনের মধ্যে আবদ্ধ থাকলে এই সমস্যার আসল রূপটির সাথে পরিচয় হবে না, শুধু আনাচে কানাচে ঘুরে বেড়ানোই সার হ'বে। বিংশ শতাব্দীর পঞ্চম দশকে দাঁড়িয়ে অর্থনীতিকে শুধু অর্থনীতির চৌহদ্দির মধ্যে রেখে বিচার করার প্রয়াস শুধু মূর্খতা নয়, এর ভেতর জেনেশুনে সমস্যাকে এড়িয়ে যাবার চুই-অভিসন্ধি আরোপ করা চলে। একথা অপ্রতিবাদে স্বীকৃত হ'য়েছে যে ভারতীয় সমস্যা, ভারতীয় পুনর্গঠন, পৃথিবীর সমস্যা ও পৃথিবীর পুনর্গঠনের সহিত অঙ্গাঙ্গী ভাবে সম্পৃক্ত। দ্বিতীয়তঃ, রাজনৈতিক ও সামাজিক সমস্যাকে অর্থনৈতিক সমস্যার কেন্দ্র থেকে আলাদা করে দেখবার মতন তির্যক দৃষ্টিভঙ্গী ভারত সরকার ব্যতীত আর কারও নেই। সমস্ত পৃথিবী জুড়ে রাজনৈতিক ও সামাজিক অসাম্যের পরোক্ষ ফল স্বরূপ যে অবাঞ্ছিত অর্থনৈতিক কাঠামো কায়েমী স্বার্থের পরোক্ষ প্ররোচনায় দেশবিদেশে গড়ে উঠেছে যুদ্ধোত্তর পরিকল্পনায় সেই স্বার্থকে স্বীকার করে নেবার মতন গতানুগতিক মনোবৃত্তিকে বাহাছুরি দিতে হয়। রুদ্ধে রুদ্ধে ফাটল ধরেছে যে কাঠামোর, অবিশ্রান্ত ধ্বংস যাচ্ছে যে ভিত্তি, সেই কাঠামো ও সেই ভিত্তিকে নতুন দিনের পুনর্গঠন পরিকল্পনা থেকে বাদ দিতে হ'বে। পূর্বেই বলা হয়েছে জোড়া তালি দিয়ে জাতীয় জীবনের পুনর্গঠন হ'বেনা। ভারতবর্ষের ভবিষ্যত আর্থিক ও সামাজিক জীবনের একটি সুসঙ্গত পরিকল্পনা স্থির করতে হ'বে—সে পরিকল্পনায় পৃথিবীর অন্যান্য দেশের সাথে তুল্য ক্ষমতা ও দায়িত্ব স্বীকারের বিনিময়ে বিশ্ব-নাগরিকত্বের ভাগীদার হবে ভারতবর্ষ।

আটলান্টিক চার্টারের আমেরী-চার্লিল ভাষ্য যুদ্ধোত্তর পৃথিবীর পুনর্গঠিত চিত্রের যে পরিকল্পনার আভাষ দিয়েছ, তাতে ভারতবর্ষের উল্লেখ নেই। সেদিনকার আন্তর্জাতিক শ্রমিক সঙ্ঘের (I. L. O.) যে অধিবেশন আমেরিকায় অনুষ্ঠিত হ'লো তাতে যুদ্ধোত্তর পুনর্গঠনের কথাই বিশেষ করে আলোচনা হ'য়েছে। বাঁধাবুলির আওতার বাইরে মৌলিক রাষ্ট্রক্ষমতার ও সমাজ ব্যবস্থার পরিবর্তন সাপক্ষে পুনর্গঠিত অর্থনৈতিক কাঠামো ছাড়া ভবিষ্যত পৃথিবীর চাহিদা যে মিটবেনা, এ সঙ্কটকালেও তা খোলাখুলি তারা স্বীকার করে উঠতে পারেনা। সোভিয়েট রাষ্ট্রের সাহায্যার্থে আমেরিকাজাত সশস্ত্রসম্ভার নিয়োজিত হ'বে একথা জোর গলায় প্রচার করা সত্ত্বেও ক্রমবর্ধমান অসন্তোষ ও ধর্মঘট আজ যে আমেরিকার উৎপাদন শক্তিকে ব্যাহত করে চলেছে মারাত্মক ভাবে, এর মধ্যে দেখতে পাওয়া যায়, বর্তমান কাঠামোকে মেনে না নেওয়ার ইঙ্গিত—দেশের স্বার্থ, বিশ্ব-শ্রমিকের তীর্থক্ষেত্র সোভিয়েট ভূমির স্বার্থের দোহাইও আজ নতুন চেতনার কাছে মূল্যহীন হ'য়ে পুড়েছে। সাগরপারের এই ইঙ্গিত কি মোহগ্রস্ত ভারতভাগ্য বিধাতাদের চেতনা সঞ্চারে সহায়তা করবেনা ?



ভারত ও আমেরিকায় সাংবাদিকের ব্যবসা

লঙ্কোর বেন মিশ্র একজন নামকরা সাংবাদিক। তিনি হাতে কলমে আমেরিকায় ১২ বছর জার্ণেলিসম্ শিক্ষা করেছেন। ভারতীয় সংবাদপত্রগুলি আমেরিকান পদ্ধতিতে চলুক তিনি তার বিশেষ পক্ষপাতী। এ সম্পর্কে "What India Thinks" নামক বইতে তিনি একটা মনোজ্ঞ প্রবন্ধ লিখেছেন। তার কোনো কোনো অংশ নীচে উদ্ধৃত করা হোলো।

"আমেরিকা ও কিছু পরিমাণে ইংলণ্ডে সাংবাদিকের ব্যবসা কি আর্ট হিসাবে, কি বিজ্ঞান ও ব্যবসা হিসাবে এতটা উৎকর্ষ লাভ করেছে যে ভারতবর্ষে তার কিছুই হয় নি। আমাদের খবরের কাগজগুলো হয় বিলিতি কাগজের কার্বণ কপি না হয় নিকৃষ্ট ব্যঙ্গচিত্রে অথবা তৃতীয় ও চতুর্থ সংস্করণের নকল।

* * * * *

আমাদের খবরের কাগজগুলো প্রপাগ্যান্ডার অথবা বিভিন্ন মতের বাহক, খবরের নয়; আত্মকেন্দ্রিক, নিজেদের কৃতিত্বে ও গৌরবে নিজেরাই মুগ্ধ ও স্ফীত। এদের কাছে খবরের কোনো দাম নেই—কেবলমাত্র সম্পাদকীয় মতামত মূল্যবান—ফলে ভারতীয় কাগজগুলোর একঘেয়েমি নীরসতাও দূর হয় না।

* * * * *

ভারতীয় সংবাদপত্রের মহারথীরা মনে করেন—সাংবাদিকের কাজ শেখবার কিছু নেই—কারণ এটা শেখা যায় না—ভারতীয় সংবাদপত্র যেভাবে চলে তাতে বাস্তবিকই কিছু শেখবার নেই।কিন্তু আমেরিকা প্রভৃতি দেশের মত সংবাদ পত্র যদি প্রকাশ ও পরিচালনা করতে হয় তবে.....খুব একাগ্র ভাবে এ কাজ গ্রহণ করা দরকার এবং এর জন্ত বিজ্ঞানসম্মত নির্দিষ্ট শিক্ষা ও গ্রহণ করতে হবে।

ভারতীয় সাংবাদিকেরা কোনোদিন টেকনিক নিয়ে আলোচনা করেন না, তার ফলে ৫০ বছর আগে ভারতীয় সংবাদপত্রগুলো যে অবস্থায় ছিল এখনো সে অবস্থায় আছে। একেবারে নিরস পাথরের মত নিরেট ও নিদারুণ ক্লাস্তিকর—এতে প্রগতির চিহ্ন মাত্র নেই। বরং প্রাচীনত্বের লক্ষণ-এর সর্বাঙ্গ জুড়ে।

একটা উদাহরণ দিই—

পাঞ্জাব মেল

হত্যার প্রতিধ্বনি

ভোপাল আদালতে

করিয়াদীর বিরোধ

এখন এর অর্থ বের করতে চেষ্টা করা যাক। প্রথম লাইনে কিছুই বোঝা গেলনা, দ্বিতীয় লাইন তখৈবচ, তৃতীয় লাইন প্রথম দু'লাইনের অর্থহীনতা ঢাকবার জন্তই যেন দ্ব্যর্থব্যাঞ্জক—অর্থাৎ এর অর্থ দু'রকমই হোতে পারে—ফরিয়াদী নিজের সম্পর্কে কিছু বলেছে বা ফরিয়াদী সম্পর্কে অপরে কিছু বলেছে। এই তিন লাইনে এমন কিছু নেই যাতে আমাদের পড়বার আগ্রহ হোতে পারে।

আর একটা উদাহরণ—

“ভুল পদ্ধতি

নরিম্যান প্রতিনিধিদের নায়কত্ব করুছেন।”

নরিম্যান প্রতিনিধিদের নায়কত্ব করবেন সেটা ভুল পদ্ধতি কেন? সম্প্রতি তিনি যে অপ্রীতিকর ব্যাপারে জড়িত হয়েছিলেন সেজন্ত? দেখাই যাক ব্যাপার কি?

“সভাপতির কাজের পদ্ধতির প্রতিবাদ জানিয়ে অনুমতি নিয়ে মিঃ নরিম্যান এ, আই, সি সির সভ্যদের স্বাক্ষর যুক্ত এক মেমোরেণ্ডাম পাঠ করেছেন। শিরোনামা দেখে এ বোঝবার উপায় নেই।” কিন্তু ভারতীয় খবরের কাগজের এটাই রীতি। এর পাশাপাশি আমেরিকান কাগজগুলির সরল ও চতুর বর্ণনার দু' একটা উদাহরণ দেখুন—

“পশুশক্তিই সব” এই বিশ্বনীতি রুজভেল্ট কর্তৃক নিশ্চিত—সংক্ষেপ ও স্ফটিকবচ্ছ।

আর একটা—**“জাপানীগণ কর্তৃক মিত্রশক্তিদের অস্বীকার এবং আরো সৈন্ত সমাবেশ”**

কয়েকটা মাত্র কথায় সমস্ত সংবাদ প্রকাশ পেয়েছে কোনো ভুল ধারণা সৃষ্টি হবার কোনো অবকাশ নেই। এভাবেই সংবাদ প্রকাশিত হওয়া উচিত ও হোচ্ছে আমেরিকা প্রভৃতি দেশগুলিতে।

* * * * *

ভারতীয় সংবাদিকেরা কোনো সংবাদের সন্ধানই পান না, যখন চারিদিক থেকে সংবাদগুলো প্রথম পৃষ্ঠায় প্রকাশিত হবার জন্ত কোলাহল কোরে দৃষ্টি আকর্ষণ করছে। শিরোনামাগুলি কদাচিৎ বর্ণনা হয়

আসল কথা হোচ্ছে—শিক্ষিত অভিজ্ঞ লেখক ও সাংবাদিক প্রয়োজন এবং তাদের উপযুক্ত পারিশ্রমিক দেওয়াও প্রয়োজন তাতে কাগজেরই লাভ।

* * * * *

ভারতীয় সংবাদপত্রগুলি বিশেষত্ব বঞ্চিত—ভারতীয় সম্পাদক ও প্রকাশকরা একেবারেই কল্পনা-শক্তি রহিত এবং আত্মকেন্দ্রিক, কাজেই কোনো প্রকার বিশেষ প্রকৃতির দিকে তাদের একেবারেই নজর নাই।

এধরণের চিন্তাতে প্রগতিশীল সংবাদপত্র চলে না। সব কাগজেরই সংবাদ ও সম্পাদকীয় প্রকাশ করতে হবে—কিন্তু কাগজের বিশেষত্বই কাগজকে জনপ্রিয় করে এবং ক্রমবর্ধমান পাঠক শ্রেণীর মনোরঞ্জন করে। কাগজের বিশেষ প্রকৃতিগুলি থাকলে কাগজের কোনো চিন্তা থাকেনা—এবং যে কোনো রাজনৈতিক ও সাম্প্রদায়িক মতই কাগজের থাকুক না কেন—কাগজের উত্তরোত্তর উন্নতি অনিবার্য।




রক্ত-বসন্ত } অশোকবিজয় রাহা, বিষ্ণুপুর ভবন, শ্রীহট্ট। ৬৪ পৃঃ। দাম ১/-
 ডিহাং নদীর বাঁকে }
 আকাশ—মৃগালকান্তি দাশ, বাণী চক্রভবন, শ্রীহট্ট। দাম ১/-। ৪৯ পৃঃ।

তিনখানাই কবিতার বই। ছাপা পরিষ্কার বাঁধানো সুন্দর। বিষয় নির্বাচনেও বৈচিত্র্য আছে। কাব্যমোদী যারা তারা পড়ে আনন্দ পাবেন। আমাদের বাংলা সাহিত্যে রবীন্দ্রোত্তর যুগ নামে নাকি একটা নতুন যুগ শুরু হয়েছে। কবিতা, গল্প, উপন্যাস সব কিছুতেই নতুন বসন্তের হাওয়া দিয়েছে, এই রকম একটা কথা শোনা যাচ্ছে। যারা একথা বলেন তাদের মানে খুব স্পষ্ট নয়। নতুনত্বটা কী অর্থে তা'র বিশদ আলোচনা কোথাও দেখিনি। সাহিত্যের বহিরঙ্গ হলো ভাষা, অন্তরঙ্গ হলো ভাব। উভয়েরই আছে নানা চঙ, নানা রঙ ও আলোছায়ার নানা বঁকা চোরা পার্থক্য। একই যুগেও নানা কবির নানা নতুনত্ব কুটে ওঠে রকম বেরকম বিস্তারের কায়দায়, ভাব ও ভাষার নানা technique এ। কিন্তু এক যুগ থেকে অন্য যুগকে পৃথক করে যে সীমারেখা সে হলো সাদা-নীলের গভীর পার্থক্য, গঙ্গা যমুনার মধ্যরেখা। সেই গভীর qualitative পার্থক্য দেখা না দিলে যুগান্তরের আবির্ভাব হতে পারে না। “রবীন্দ্রোত্তর” বলে কোলাহল আরম্ভ হলেও, আসলে বাংলা কাব্য রবীন্দ্রিক কাব্যলোকেই পাখা মেলে উড়ছে। কোলাহলটা কামনা-অনুপ্রাণিত ভাবনার বা ‘wishful thinking’এরই প্রকাশ মাত্র। রোমান্স-বাদ (Romanticism), মরমীয়া-বাদ (Mysticism), পলায়ন-বাদ (Escapism) ইত্যাদিকে ছাড়িয়ে যে বাস্তববাদ তার কথা পথে ঘাটে আজকাল শোনা যায়। নিছক বসন্ততরঙ্গই নাকি এই তথাকথিত নবযুগের কাব্য লক্ষণ। কিন্তু কাব্যজগতে বসন্ততরঙ্গের অযথা বাড়াবাড়ি হলে তা আর কাব্য থাকে না, গড়ে পরিণত হয়, একথা নবীন কাব্য প্রয়াসীরা মরণে রাখেন না। তাই বসন্ততরঙ্গ আজ প্রায়শই নিঃশ্বুটে ভাষা ও ভাবের বিকারে পর্যবসিত হয়।

কিন্তু আমাদের কথা শ্রীযুক্ত অশোক বিজয়ের কবিতায় এই বিকৃত বাস্তবতার অহমিকা নাই। প্রচুর কাব্যরস ছত্রে ছত্রে বয়ে চলেছে; কাব্যের প্রাণ যে সৌকুমার্য ও হৃদয় করণা তার প্রকাশ পাতায়

সম্পূর্ণ থেকেই নেপোলিয়নের পতন আরম্ভ হয়। ষ্ট্যালিনের হিসাবে নেপোলিয়ন সিংহ হয়ে থাকলে হিটলার মার্জার-সামিল। তাই বলে নেপোলিয়নের কাল আর হিটলারের কালে তফাৎটা ভুলে গেলে চলবে না। এটা হ'ল যুদ্ধযুগ আর লড়াইয়ের রকমটা হ'ল সর্বগ্রাসী; আর তা ছাড়া চলাচলের ও সরবরাহের ক্ষিপ্ততার জন্ত নেপোলিয়নের বাহিনীতে ডাঃ টডতের খবরদারী ছিল না। জার্মানবাহিনী জার্মানীতে ফিরবে না এই তাদের পণ। এক নাৎসী জেনারেলের উক্তিতে পাই "আমরা গ্রীসে গিয়াছিলাম, গ্রীস জয় করে এসেছি। ক্রীটে গিয়ে জয় করে এসেছি। নরকে গেলেও সে স্থান দখল করবো—We shall never return to Germany."


লড়াইটা ক্রমেই দক্ষিণে গড়িয়ে আসছে। ইতিমধ্যে রুশবাহিনীর নেতৃত্বদল হয়েছে। টিমোশেঙ্কো দক্ষিণ বাহিনীর ভার নিয়েছেন—মস্কোর ভার ছেড়ে দিয়েছেন জেনারেল যুখভের উপর। বুদেনী আর ভরোসিলভ-পশ্চাদভাগে নূতন বাহিনী গঠন করছেন—শীতের পর বসন্তে ককেশাস, উরালে লড়াই হতে হবে। এতদিন রুশ প্রতিরোধ-রেখা লেলিনগ্রাদ-মস্কো-খারকভ-রোস্তভ লাইন ধরে চলেছিল। তারমধ্যে লেলিনগ্রাদে রুশ প্রতিআক্রমণ আরম্ভ হলেও লেলিনগ্রাদের নাকি অব্যাহতি নাই। এদিকে ফিনল্যান্ডকে যুদ্ধ থেকে বিরত করতে আমেরিকা ক্রমাগত চেষ্টা করছে। হুমকি, অহুনয় কোনটাই এখন পর্যন্ত ফল ধরে নাই। রুশো- ফিন লড়াইতে রাশিয়া ফিনল্যান্ডের ঘাটি হ্যাঙ্গো রুশসৈন্য দিয়ে আগলবার অধিকার অর্জন করে। ফিনল্যান্ড উপসাগরে এক মাথায় লেলিনগ্রাদ, প্রবেশপথে হ্যাঙ্গো। হ্যাঙ্গো থেকে রুশ সৈন্য অপসারিত হয়েছে। হিটলারের মিউনিখ বার্ষিকীর বক্তৃতায় লেলিনগ্রাদ সম্পর্কে পাই "আমরা এখন আক্রমণ প্রতিরোধ করছি, অপর পক্ষ ব্যর্থ ভেদ করবার চেষ্টা করবে।লেলিনগ্রাদের জন্ত প্রয়োজনের অতিরিক্ত একজন লোকও খোয়াবোনা। লেলিনগ্রাদের অব্যাহতি নাই।" মস্কো অঞ্চলের অবস্থা জানা গেছে, শীতের



প্রকোপ দক্ষিণে অনেক কম। কাজেই, দক্ষিণের চাপটা ক্রমেই বেশী। জার্মানবাহিনী সমস্ত ইউক্রাইন দখলে এনেছে। ডনভেস বেসিনে ক্রমেই তারা অপ্রতিহত গতিতে এগিয়ে চলেছে। খারকভ তাদের দখলে। টাগানরগ থেকে পঞ্চাশ মাইল উত্তরে বিখ্যাত অস্ত্র নির্মাণ কেন্দ্র ষ্ট্যালিনো রুশবাহিনী ত্যাগ করে গেছে। ডনভেস বেসিনে জার্মান বাহিনী ক্র্যামাট্রোসকারা পর্যন্ত এগিয়ে গেছে।

• ডনভেসের পর ডন, ভল্গা—পথে পড়েছে রোস্তভ। রোস্তভ নিয়ে ছড়োছড়ি চলেছে। জার্মানরা

রোস্তভে প্রবেশ করবার দাবী করেছে, অপরপক্ষের সমর্থন এখনও পাওয়া যায় নাই। রোস্তভ ককেশাসের বিকার্টি, ককেশাসের সিংহদ্বার এই রোস্তভ। রোস্তভ রাশিয়ার হাতছাড়া হলে ককেশাসের স্তল বেঁহাত



বিল আগবে ঐক্য-সামন্ত সম্পর্কিত কাজে ট্রাইক চলবে না। কতকাল আর 'elementary democratic liberties' দেওয়া যায়! মজুরদের লাই দিলেই মাথায় চাপে!

এবার হিটলারের হিসাব শোনা যাক। সোভিয়েটের ১৫,০০০ প্লেন, ২০,০০০ ট্যাঙ্ক, ২৭,০০০ বন্দুক কতি হয়েছে, সোভিয়েট লোক খুইয়েছে ৮০ লক্ষ থেকে এক কোটি। জার্মানীর অধিকারে এসেছে বিস্তীর্ণ ভূমিখণ্ড আর উপর শতকরা ৬০ থেকে ৭৫ ভাগ সোভিয়েট শিল্পসম্ভার স্থাপিত।

হিটলারের লড়াই বাঁচা-মরার লড়াই,—সত্যতার শত্রু বলশেভিজমের বিরুদ্ধে লড়াই। হিটলার ও ফুতে বিলে সম্মিলিত ইউরোপীয় সংহতি গড়ে হাজার বছরের জন্ত ইউরোপের ভাগ্য নির্ণয়ে সহায়তা করছেন। হিটলার আশ্বাস দিয়েছেন বার্লিন ইউরোপের রাজধানী হবার আকাঙ্ক্ষা রাখে না। ফ্রান্সের পতনের পর হিটলার ইংলণ্ডকে বহুভাবে গ্রহণ করতে চেয়েছিলেন। ইংলণ্ড তখন ভেবেছিল হিটলার দুর্বল, তাই আপোষ করতে চায়। ইংলণ্ডের ভুল ভেঙেছে। তারা যদি পরখ করতে চায় ইউরোপের যে কোন যায়গায় অবতরণ করুক। হিটলার শপথ করে বলতে পারেন তাদের বিদায় নিতে সুহৃৎমাত্র বিলম্ব হবে না। আজ হিটলারের একটিনাত্র লক্ষ্য ইউরোপকে বাঁচান। জার্মানিতে বিদ্রোহ হবে? আর যাই ঘটুক একটি ঘটনা ঘটা একেবারেই অসম্ভব—জার্মানী কোনদিনই আত্মসমর্পণ করবে না। লড়াই বহুদিনব্যাপী চলতে পারে কিন্তু লড়াইয়ের প্রাক্তরে জার্মানবাহিনী অবশিষ্ট থাকবেই।

হিটলারের বক্তৃতার 'International Jewery' মার্জনা নাই—ষ্ট্যালিনের মার্জনা নাই। ষ্ট্যালিন কিন্তু হিটলারকে কিছুকাল পর্যন্ত ক্ষমা করতে পেয়েছেন। ষ্ট্যালিন যেন একটু জাতীয়তা ঘেঁষা। বক্তৃতার মাঝে মাঝে 'this national war' কথাটা স্থান পেতে দেখা গিয়েছে। তাই বোধহয় যতদিন পর্যন্ত হিটলার রাইনল্যান্ড, অট্রিয়া প্রভৃতি অঞ্চল ওহিয়ে নিচ্ছিলেন, হিটলারের ততটা বেমান্দবী হয় নাই। কারণ nationalist হিসাবে অন্ততঃ অনাচার করাটা দোষের কিছু নয়। অপরের দেশে হাত দিলে সেটাকে Imperialism না বলে পারা যায় না।

বৎসরান্তে Confession এর ধুম পড়ে গেছে। গত বছর তো কোন ক্ষীণকর্ষ শুনি নাই? সেবারও রক্তরোবে শত্রু শত্রুকে চোখ রাঙিয়েছে। এবারও আবার সেই চোখরাঙানো। গতবার নাকি উড়োজাহাজ সংখ্যায় খুব কম ছিল। এবার রক্তকর্ষে চার্চিল সাহেব বক্তৃতায় বলেছেন—আমরা জার্মানীর সমান।

চার্চিল সাহেব হিটলারকে শাসিয়েছেন—নাৎসী পার্টির সঙ্গে কশ্মিনকালেও শান্তির কথা চলবে না। হিটলারের চরেরা স্থানে স্থানে শান্তির চৌপ ছড়িয়ে বেড়াচ্ছে। চার্চিল সাহেব ভার্তে ভুলবেন না—হিটলার দানব।

আমেরিকা কতদূর


দশ দশটা জাহাজ ডুবে গেল—আমেরিকার রাগ সামলান দায়। আইনল্যান্ডের সন্নিহিতে 'Bold Venture' জাহাজ ডুবি হবার পর রক্তরোবে চার্চিল সাহেব সরাসরি সশস্ত্র করবার জন্ত বলেছেন। Neutrality আইন রদ করবার জন্ত চারদিকে থেকে সৈন্যসহ উঠেছে—তথু সশস্ত্র করতে অসুমতি দিলেই চলবে না আমেরিকার জাহাজ যথাতথা বাবার আইনও করা চাই। নিরপেক্ষতা আইন আর নিরপেক্ষ নয়। এই

মাইন হিটলারের সহায়ক। It is an aid to Hitler—জার্মানী আর আমেরিকার লড়াই ঘোষিত না হলেও
পরিষদ হানাহানি চলছে। আইন সংশোধিত হলে লড়াইটা আর একটু মুখর হয়ে উঠবে। আমেরিকার
শয়সা কেবলই আতলাস্তিকের দরিয়ায় তলিয়ে যাচ্ছিল—এবার যদি মিত্রশক্তির দরজায় গিয়ে পৌঁছায়।

জাপান

আতলাস্তিকের ভাবনা শেষ না হতেই প্রশান্ত মহাসাগরের অশান্তি। জাপ-আমেরিকান শান্তি
প্রস্তাব ভেঙে গেছে। ব্লাডিভষ্টক নিয়েই যত গোলযোগ হয়েছে। ঐ বন্দরটা আক্রমণ করবে এমনিতর
প্রতিশ্রুতি জাপান দিতে অক্ষম। ইতিমধ্যে তোজো মন্ত্রিসভা কুরুসু নামে এক ভদ্রলোককে বিশেষ দৌত্যে
ওয়াশিংটনে পাঠিয়েছে—তাতে আশার খুব কিছু নাই। তোজো সভা আমেরিকাকে ঘাঁটতে চায় না। শোনা
গিয়েছে জাপান মালয়সীমাতে ৩৩ ডিভিশন, ইন্দোচীনে ১ লক্ষ ২০ হাজার সৈন্য জমা করেছে, খাই সীমাতে
সব চলচল হচ্ছে—ব্যাকক সন্ত্রস্ত। কোয়াংসি সীমাতেও সৈন্য সমাবেশের থকা শোনা যায়। বর্মা রোড
মাইল্যাও অথবা কুনাংমিঙ-এ জাপানী মুষ্টিাধাত করবে। বর্মা রোডে মালের ভীড়। ঐ একটি মাত্র পথে
চীনে সাহায্য প্রেরিত হচ্ছে। উনানের মধ্য দিয়ে বর্মা রোড আটক করলে চীনের সাহায্য বন্ধ হবে। জাপান
কি এই পথই বাছবে? A. B. C. D. বাহু জাপানের অসহ। কিছুদিন আগে আমেরিকানরা চীন ত্যাগ
করেছে এবার চীনা দরিয়ায় আমেরিকান জাহাজ স্থানান্তরে যেতে শুরু করেছে। এটা কিসের ইঙ্গিত?
তোজো সভার দপ্তরের দিকে সুদূর প্রাচ্য তাকিয়ে আছে।

১২-১১-৪১



ছাপরা

বেহার বলতে বাইরের লোকের ধারণা ৬টা বাবু রাজেন্দ্রপ্রসাদের রাজনীতির খাসমহল আর অধুনা গান্ধীবাদের স্নেহচ্ছায়ায় বর্ধিত কংগ্রেস সমাজতন্ত্রীরা স্নেহের দাবীতে সেখানে কিছুটা আসন পেয়েছেন। রামগড়ে আপোষ-বিরোধী সম্মেলনে যারা গেছেন তাদের কাছে রাজেন্দ্রপ্রসাদী প্রভাবের উপকথা ধরা পড়েছে। এবার বাবু রাজেন্দ্রপ্রসাদের খাস জেলা ছাপরায় বেহার প্রাদেশিক ফরোয়ার্ড ব্লক সম্মেলনে সেটা আরও পরিষ্কার হয়ে গেছে। কংগ্রেস সমাজবাদীদের কথা না তুললেও চলে। তাদেরও একটা সম্মেলন হ'ল একই সময়ে। প্রথমটায় নাকি তাঁরাও ছাপরাতেই সম্মেলনের স্থান স্থির করেছিলেন। রামগড়ের অভিজ্ঞতাটা তাদের এবার কাজে লেগে গেছে। তাঁরা বুদ্ধিমানের মত ফরোয়ার্ড ব্লকের আঁচ থেকে সতর্কভাবে নিজেদের সরিয়ে নিয়ে পাটনা সহর থেকে কিছু দূরে গর্জন করেছেন; তাও আবার শালীনতার সীমা ছাড়িয়ে।

কংগ্রেস শাসনের পর এটা প্রমাণ হোয়ে গেছে বেহারের সংহত শক্তির নেতা কে? স্বামী সহজানন্দের নামে সেখানে মরা হাড়ে ভেকী খেলে। আজ সেখানে ফরোয়ার্ড ব্লকের স্তম্ভ হলেন স্বামীজী। রামগড়ের পর ছ'বছরে বহুকর্মী জেলে গেছেন—ছোট বড় নানারকম সংগ্রাম করে। স্বামীজী স্বয়ং ছ'বছর যাবৎ জেলে—কৈ ছাপরায় তো তার কিছুই বোঝা গেল না? ছ'একজন প্রতিবাদীর ক্ষীণকণ্ঠ ছাড়া হাজারো কিষাণ কণ্ঠে শোনা গেছে 'ফরোয়ার্ড ব্লক জিন্দাবাদ' 'সুভাষবাবু কি জয়', 'স্বামীজী জিন্দাবাদ'। প্রতিপক্ষ বহু শ্রম স্বীকার করে দেশময় ছড়িয়েছেন যে ফরোয়ার্ড ব্লকের গণ-সমর্থন নাষ্ট, ফরোয়ার্ড ব্লকের নেতৃত্ব পোট বুর্জোয়াজীর নেতৃত্ব। রামগড়, ছাপরার মত সম্মেলন দেখে তাদের মন ভেঙে যায়। তারা তখন নতুন পথ খোঁজেন—তাদের পরিভাষায় যাকে বলে—tactics. সেটা আরও মজার। এই tactics গুলি অবশি খুব পুরাণো, মরচে ধরা; ইতিহাসে ভেদনীতির অঙ্গশালা থেকে ধার করা। বাংলার কর্মী বেহারে গেলে এঁদের কাছে শুনবেন যে বাংলা দেশে ফরোয়ার্ড ব্লক বর্ধিষ্ণু ও সজাগ—বেহারে কিছু নয়। বেহারের কর্মী বাংলায় এলে এই বন্ধুরাই তাদের তারিফ করে বলবেন বেহারের কথা আলাদা, সেখানেই একমাত্র ফরোয়ার্ড ব্লকের গণসংযোগ আছে, বাংলায় ফরোয়ার্ড ব্লক গণভিত্তিক নয়। ইত্যাদি। এই উক্তির মাঝেও তাঁরা অজ্ঞাতে ফরোয়ার্ড ব্লকের সামগ্রিক রূপটাকে স্বীকার করে নেন। তাঁদের স্বীকৃতিটাকে একটু স্পষ্ট করে তুললে যা দাঁড়ায় তা এই—ফরোয়ার্ড ব্লকের উন্মেষ বিভিন্ন যায়গায় বিভিন্ন রকম হলেও তাঁরও একটা ধারা আছে। সেই ধারাই হবে সমাজের গণজনের জীবনধারা। ব্লকপন্থীরাও তাই বলেন—Forward Bloc is a way of life....এটাই ছাপরার সুর।

হোয়েছি যে তাঁর নিজের মতামত পরিবর্তিত হবার এটা একটা ইঙ্গিত হয়তো। দেখা যাক কি হয়। এদিকে জোর গুজব উঠেছে সত্যাগ্রহীবন্দীদের মুক্তি সম্পর্কে। জওহরলাল, মৌলানাআজাদ প্রভৃতি যদি মুক্তি পান তবে কংগ্রেসের কর্মপদ্ধতি কিছু পরিবর্তন হয় কিনা দেখবার জন্ম আমরা উৎসুক হয়ে আছি।

রাজবন্দীদের অনশন

গত ২৫শে অক্টোবর তারিখে দেউলী জেলের ২৩০ জন রাজনৈতিক বন্দী তাঁদের অভাব অভিযোগের কোনো প্রকার প্রতীকার না হওয়াতে অনশন অবলম্বন করেন। গত এপ্রিল মাসে রাজবন্দীরা তাঁদের অভাব অভিযোগের বিষয় গভর্নমেন্টকে জানান—কিন্তু যেমন হোয়ে থাকে এই দীর্ঘকাল ধরে গভর্নমেন্ট কোনো ব্যবস্থাই করেন নাই। মিঃ যোশী বন্দীদের অভাব অভিযোগ সম্পর্কে নিজে পরিদর্শন কোরে যে সুপারিশ করেন গভর্নমেন্ট সে সুপারিশ অনুসারেও কাজ করতে রাজী হন নাই; ফলে এই অনশনধর্মঘট। গত ২৯শে অক্টোবর কেন্দ্রীয় ব্যবস্থাপরিষদে মিঃ যোশী এজন্ম একটা মূলতবী প্রস্তাব আনেন। রাজবন্দীদের অভিযোগগুলি প্রধানতঃ ৩টা শ্রেণীতে ফেলা যায়।

(১) প্রথমতঃ তাঁদের মধ্যে ১ম ও ২য় শ্রেণীর হিসাবে যে শ্রেণীবিভাগ করা হোয়েছে তা উঠিয়ে দেওয়া।

(২) দৈনিক ভাতা বৃদ্ধি করা ও পারিবারিক ভাতার ব্যবস্থা করা।

(৩) তাঁদের স্ব স্ব প্রদেশে ফিরিয়ে আনা।

মূলতবী প্রস্তাব আলোচনা প্রসঙ্গে স্বরাষ্ট্র সচিব স্যার রেজিন্যান্ড ম্যাক্সওয়েল যে মনোবৃত্তির পরিচয় দেন তা উল্লেখযোগ্য। তিনি বন্দীদের অবস্থা বর্ণনা করে মন্তব্য করেন যে তাদের যথেষ্ট বিলাসিতার মধ্যেই রাখা হোয়েছে। তার নিদর্শনস্বরূপ বলেন যে একমাত্র সেপ্টেম্বর মাসের মধ্যেই ৩৬ টিন Reserved আনারস ১৯ বোতল অষ্ট্রেলিয়ান মধু, ৪০৩টা আপেল ৮২৭টা কলা ও ১৪ সের বাদাম তাঁরা পেয়েছেন।

কিন্তু কতজন বন্দীর মধ্যে এই বিলাসিতার উপকরণগুলি ভাগ কোরে দেওয়া হোয়েছে সে সম্পর্কে তিনি নীরব। মিঃ যমুনালাল মেটা মন্তব্য করেন যে মাসে ১৫০০ কলা যদি ২০০ রাজবন্দীকে দেওয়া হয় তা হোলে প্রতিদিন ৫০টা কলা ২০০ রাজবন্দী ভোগ করেন অর্থাৎ এক চতুর্থাংশ কলার অধিকারী। যদি এরূপ বিলাসিতাতে তাঁরা সন্তুষ্ট না হন তবে স্বরাষ্ট্রসচিব বন্দীদের অনশনের নিকট “হার মানবেন না”। স্ব স্ব প্রদেশে ফিরিয়ে আনবার দাবীকে তিনি রাজনৈতিক দাবী বলে বর্ণনা করেন, তার অর্থ কি? নিজেদের প্রদেশের জেলে আটক থাকলে কখনো




কখনো বন্দীদের আত্মীয় স্বজনদের সঙ্গে দেখা হবার সৌভাগ্য হবে মাত্র, এতে কোন রাজনৈতিক উদ্দেশ্য সিদ্ধি হবে ?

রাজনৈতিক বন্দীদের অনশন সম্পর্কে সমস্ত ভারতবর্ষব্যাপী সভাসমিতিতে বিক্ষোভ প্রদর্শিত হয়। বাংলা দেশেও বহু বড় বড় সভা এই উদ্দেশ্যে অনুষ্ঠিত হয়। মিঃ যোশী দেউলীতে রাজবন্দীদের সঙ্গে সাক্ষাৎ করে দেশবাসী তাঁদের দাবী সম্পর্কে যে সজাগ হয়েছে এ কথা বলেন এবং আরও যথাসাধ্য চেষ্টা করবেন এই প্রতিশ্রুতি দেওয়াতে ১৮৪ জন রাজনৈতিক বন্দী গত ৮ই নভেম্বর অনশন ত্যাগ করেছেন। কিন্তু ৪৬ রাজবন্দী অনশন ত্যাগ করতে অস্বীকার করেন। ১৩ই নভেম্বর তারিখে কেন্দ্রীয়পরিষদে রাজবন্দীদের মুক্তি সম্পর্কে আলোচনা করবার জন্য মিঃ যোশী এক নোটিশ দিয়েছেন। তবে সরকার পক্ষ থেকে সেই দিন কোনো প্রকার বিবৃতি প্রকাশ হবার আশা কম। আগামী ১৫ই নভেম্বর সত্যাগ্রহী ও অন্ত্যায় রাজনৈতিক বন্দীদের সম্পর্কে প্রাদেশিক গভর্নমেন্ট বিবেচনা করতে আরম্ভ করবেন এই মর্মে এক বিবৃতি প্রকাশিত হবে শোনা যাচ্ছে। মৌলানা আজাদ, পণ্ডিত নেহেরু এবং নিখিল ভারত রাষ্ট্রীয় সমিতির সদস্যরা প্রথম মুক্তি পাবেন শোনা যাচ্ছে। জেলের মধ্যে কারারুদ্ধ হওয়া ছাড়াও বহু সংখ্যক লোকের গতিবিধি নিয়ন্ত্রিত করা হয়েছে নানা বিধিনিষেধ দ্বারা। গত ১৫ই সেপ্টেম্বর কেন্দ্রীয় পরিষদে এক প্রশ্নের উত্তরে পররাষ্ট্র সচিব জানান যে ভারতরক্ষা আইনে মোট ১৭২৪ জন আটক বন্দী আছেন এবং ২০০৬ জনের গতিবিধি নিয়ন্ত্রিত করা হয়েছে। শেষোক্তদের মধ্যে একমাত্র বাংলা দেশেই ১৬১০ জন। এদের সম্পর্কেই বা কি করা হবে জানা যায় নি। তবে অতীত অভিজ্ঞতা থেকে বিশেষ কিছু আশা করবার নেই। যাহোক ১৫ নভেম্বরের জন্য আমরা কৌতুহলী হয়ে রইলাম।

নিখিল ভারত কৃষাণ কমিটি

গত ১৮ ও ১৯শে অক্টোবর অন্ধ্র প্রদেশের অন্তর্গত পাকদলাতে—নিখিল ভারত কৃষাণ কমিটির সভা হয়। পলাশার ১৮ মাস পার এই প্রথম কৃষাণ সভার অধিবেশন হলো। অনেকগুলি গুরুত্বপূর্ণ প্রস্তাব সভার গৃহীত হয়। তারমধ্যে, জাতীয় দাবী, রুশ-জার্মান যুদ্ধ এবং মূল্য নিয়ন্ত্রণ সম্পর্কে প্রস্তাবই বিশেষ উল্লেখযোগ্য।

জাতীয় দাবী সম্পর্কে প্রস্তাবে বলা হয় যে মহাত্মা গান্ধী কংগ্রেস কমিটিগুলিকে বাস্তব কোরে দিয়ে এবং ব্যক্তিগত সত্যাগ্রহ আন্দোলন আরম্ভ কোরে জাতীয় কংগ্রেসের ডেমোক্রেটিক কার্যকলাপে শুধু বাধা সৃষ্টি করেছেন তা নয় এই আন্দোলন সম্পূর্ণ নিষ্ফল এবং স্বাধীনতা আন্দোলনের অগ্রগতির পরিপন্থী কোরেছেন।



আরো শোনা যাচ্ছে ভারতবর্ষ থেকে শ্রমিক না পাওয়াতে যাত্রা থেকে শ্রমিক আনবার ব্যবস্থা হয়েছে এবং "ইণ্ডিয়ান ইমিগ্রেশন কোম্পানীর" হাতে যে টাকা ভারতীয় শ্রমিকদের সুবিধার জন্য জমা আছে সে ফাণ্ডের সুযোগ যাত্রার শ্রমিকরাও ভোগ করতে পারবে এমন ব্যবস্থা হয়েছে। ভারত গভর্নমেন্টের এ ব্যবস্থার প্রতিবাদ করা উচিত কারণ—যে টাকা ভারতীয় শ্রমিকদের সুবিধার জন্য নির্দিষ্ট রয়েছে সে টাকাতে অন্য শ্রমিক এসে যদি ভাগ বসায় তাতে যে সামান্য সুবিধা ভারতীয় শ্রমিকদের ভোগ করবার সম্ভাবনা ছিল তাতেও বাধার সৃষ্টি হবে। ভারতের শ্রমিকেরা পৃথিবীর সর্বত্র কি ব্যবহার পায় এ তার একটি ভাল উদাহরণ। পরাধীন ভারতবাসী আত্মস্বার্থ রক্ষায় অক্ষম—পরের ধনদৌলত সঞ্চয় ও রাজ্যালিপ্সুতার যোগান দিতেই তার জীবন যাচ্ছে। নিজের স্বার্থরক্ষা করবার যাদের বিন্দুমাত্র ক্ষমতা নেই তারা যে কেন পরের স্বার্থরক্ষা করবে তা বোঝা মুশ্কিল। যাক্ মালয় সম্পর্কে নূতন সচিব মিঃ আনে কি করেন দেখবার জন্য উৎসুক হয়ে থাকবো।

লীগের পরিষদ ত্যাগ

গত ২৮শে অক্টোবর মিঃ জিন্না একটি বিবৃতি দেবার পর লীগসদস্যগণ সহ কেন্দ্রীয় পরিষদ ত্যাগ করেন। যুদ্ধ প্রচেষ্টায় সাহায্য করবার জন্য লীগ দল যে সতর্ক দিয়েছিল গভর্নমেন্ট সে সতর্কগুলি সম্পূর্ণ উপেক্ষা করে—বড়লাটের শাসন পরিষদ সমপ্রসারিত করার প্রতিবাদ করাই নাকি পরিষদত্যাগের উদ্দেশ্য। তাঁদের সতর্ক ছিল যে অস্থায়ী বিষয় এখন স্থগিত থাকবে প্রদেশ ও কেন্দ্রে লীগকে যথার্থ ক্ষমতা দিতে হবে সে ক্ষমতার অর্থ কেন্দ্রে সরকার লীগের জন্য যে শতকরা ৩৩ ভাগ রেখেছেন তাতে চলবে না—সেখানে শতকরা ৫০ ভাগ এবং সমপ্রসারিত কাউন্সিলে কংগ্রেস যোগ দিলে ৫০ ভাগ না দিলে ৭৫ ভাগ তাঁদের জন্য রাখতে হবে, না হোলে তাঁরা যুদ্ধে সাহায্য করবেন না এবং এ হেন কক্ষ পরিত্যাগ দ্বারা অন্ধকে চক্ষুমান ও বধিরকে ক্রতিদান করবেন। তাঁদের এই কক্ষ পরিত্যাগের পশ্চাতে স্বাধীনতা লাভের প্রস্ন নেই প্রশ্ন হচ্ছে কি ভাবে ভারতের সংখ্যা গরিষ্ঠ জাতির স্বাভাবিক অধিকারকে খর্ব করা যায় তার চেষ্টা। ইংরেজ সরকার তাঁদের এই নাটকীয় ভঙ্গীতে কতটা ঈর্ষিত হবেন বলা যায় না—তবে মিঃ জিন্না ও তাঁর লীগ যদি মনে কোরে থাকেন যে এ ভাবে তাঁদের কার্যনির্ভর হবে তবে তাঁদের জানা উচিত যে যতদিন বিদেশী সাম্রাজ্যবাদী শক্তি থাকবে ততদিন এসব আন্দোলন চলতে পারে তারপর জাতি যখন আত্মকর্তৃত্ব লাভ করেছে তখন এধরনের আন্দোলনে কোনো কল হবে না। দেশের লোক এদের যথার্থ রূপ জানবে কবে ?

ঢাকার দাঙ্গা

গত ৫ই অক্টোবর থেকে ২৮শে অক্টোবর পর্যন্ত ঢাকায় সাম্প্রদায়িক দাঙ্গার পুনরাবিত্তন



হয়। এ সম্পর্কে সরকারী রিপোর্টের বিবরণ এরূপ : ৫ই অক্টোবর হিন্দুসভার নির্দেশানুসারে হিন্দু দোকানদাররা হরতাল করে, রাত্রি ৮টার পর সেদিন একজন মুসলমান অজ্ঞাত ব্যক্তির দ্বারা আহত হয়। প্রথম পর্যায়ের দাঙ্গার সূত্রপাত এতে এবং ১৩ই পর্যন্ত মারপিট চলে। এই ৯ দিনে ৭ জন হিন্দু ও ৪ জন মুসলমান নিহত হয় এবং ৮ জন হিন্দু ও ১৮ জন মুসলমান আহত হয়। এর পরে দ্বিতীয় দফা আরম্ভ হয় ঈদের মিছিলকে উপলক্ষ করে। ঈদের জন্ম ২০শে সাক্ষ্য আইন উঠিয়ে নেওয়া হয় এবং ঈদের মিছিল বের করবার অনুমতিও দেওয়া হয়। ২৩শে সাক্ষ্য মিছিল নবাবপুরে পৌঁছালে হিন্দু মুসলমানে গুরুতর দাঙ্গা হয়ে যায়, চারদিক থেকে ইট পড়তে থাকে। ফলে ৭০ জনের বেশী মুসলমান হাসপাতালে ভর্তি হয় এবং তার মধ্যে দু'জন মারা যায়। এর পরে ৪ দিনে নানাস্থানে আক্রমণ ও অগ্নিকাণ্ড চলে। পুলিশের গুলিতে দু'জন হিন্দু মারা যায়। ২২শে থেকে ২৭শে ৬দিনে ৫জন হিন্দু ও ৪জন মুসলমান নিহত হয় এবং ২১জন হিন্দু ও ১৬৬ জন মুসলমান আহত হয়। গ্রেপ্তার হয়েছে মোট ২৫৪ জন হিন্দু এবং ১৪৪ জন মুসলমান।

লক্ষ্য একটা সমস্যা হয়ে দাঁড়িয়েছে। সমস্ত ভারতবর্ষের পক্ষে এই সমস্যার সমাধান জরুরী হয়ে পড়েছে। সাম্প্রদায়িক বিষয়ের একটা গোপন উৎস ঢাকায় আছে তা' ঢাকার গত নয় মাসের ইতিহাসই প্রমাণ করছে। বিষয়ক্রমের এই মূলকে বের করে উৎপাটিত না করলে সমস্ত ভারতবর্ষের নাগরিক ও রাষ্ট্রীয় জীবনকে বারম্বার বিষাক্ত করে তুলবে। সমস্ত ভারতের চিন্তাশীল লোকদের এ বিষয়ে সমুচিতভাবে চেষ্টা করবার দিন এসেছে। ঢাকায় নতুবা আরো অশান্তি হবে কারণ এই মনোভাব ক্রমশঃই অভ্যাসে দাঁড়িয়ে যাচ্ছে।

কিন্তু সরকারের মতিগতি বোঝবার ক্ষমতা আমাদের নেই। তারা এক অভূতপূর্ব অর্ডিন্যান্স গত ৪ঠা নভেম্বর থেকে ঢাকায় জারি করেছেন। তার নাম "উপক্রমিত অঞ্চল অর্ডিন্যান্স"। কোথাও কোমো ঘটনা ঘটলে এই আইনে সার্বজনীন জরিমানা আদায় করা হবে স্থানীয় লোকের কাছ থেকে। আর অপরাধের বিচার হবে স্পেশাল মেজিষ্ট্রেট কর্তৃক ও সরাসরিভাবে। এই ধরনের আইনে উপকারে চাইতে জুর্নাম হবার আশঙ্কা থাকে বেশী; বিশেষতঃ যখন কর্তৃপক্ষের ওপরে জনসাধারণের আস্থা নাই তখন এই কঠোর আইনে লোকের ভীতিরই কারণ হবে, কিন্তু অপরাধের নিবারণ হবার সুবিধা হবে বলে মনে হয় না। এ ছাড়া ঈদ উপলক্ষ্যে ওরকম মিছিলের অনুমতি দিয়েও সরকার উপযুক্ত রক্ষণাবেক্ষণের ও সতর্কতার ব্যবস্থা করেন নাই। এটাও কর্তৃপক্ষের অপদার্থতার পরিচয় দান করে। • কর্তৃপক্ষ কি এখনো গুরুত্ব হৃদয়ঙ্গম করবেন?

স্বভাববাবু কোথায় ?

গত ১০ই নভেম্বর ভারতীয় রাষ্ট্রীয় পরিষদে ভারত সরকারের এক আশ্চর্য দায়িত্ব

